

158
C. 68
A



BIBLIOTECANAZ
XXIV*
C
89
NAPOLI

XXIV* f. 61.

IV. M. 10

554
C. 8
46

1150

1

VETERUM
PERSARUM
ET
PARTHORUM
ET
MEDORUM
RELIGIONIS
HISTORIA.



Autor est THOMAS HYDE, S.T.D. Linguae *Hebraicae* in
Univerſitate Oxon. Profeſſor Regius, & Linguae *Arabicae* Profeſſor
Laudianus.

EDITIO SECUNDA.

OXONII,
E TYPOGRAPHEO CLARENDONIANO, MDCCLX.



HISTORIA
RELIGIONIS
VETERUM
PERSARUM,
EORUMQUE
MAGORUM.

Ubi etiam nova ABRAHAMI, & MITHRÆ, & VESTÆ, & MANETIS, &c. Historia; atque ANGELORUM Officia & Præfecturæ ex Veterum Persarum Sententiâ.

ITEM,

Persarum Annus *Antiquissimus* tangitur, is & Gjemsbîd detegitur, verus & Yezdegberd de novo proditur, is & Melicshâb expenditur, is & Seljûk & & Chorzemshâb notatur, & is & Katâ & & Oigbâr explicatur.

ZOROASTRIS VITA;

Ejusque & aliorum Vaticinia de MESSIAH è Persarum aliorumque Monumentis eruuntur:

Primitivæ Opiniones de DEO & de Hominum Origine referantur:

Originale Orientalis SIBYLLÆ Mysterium recluditur:

Atque Magorum Liber SAD-DER (ZOROASTRIS Præcepta seu Religionis Canones continens,) è Persico traductus exhibetur.

Dantur VETERUM PERSARUM Scripturæ & Linguae (ut hæc jam primò Europæ producantur & Literato Orbi postliminiò reddantur,) Specimina.

De Persicæ ejusdemque Linguae Nominibus; deque hujus Dialectis, & à Modernâ Differentiis, strictim agitur.

ILLUSTRISSIMO
ET
HONORATISSIMO VIRO,
J O H A N N I
D O M I N O
S O M M E R S,
B A R O N I
DE
E V E S H A M,
HUNC LIBELLUM
HUMILLIME
D.D.C.Q. AUTOR.

ILLUSTRISIME

DOMINE,

CUM *Religionis Veterum Persarum* Notitiam à multis desiderari perspicerem, eamque à nostratium Nemine sat fusè & sat accuratè tractatam fuisse animadverterem, ego quidem, feliciori Fato, aliquot ipsorum veteres Libros (seu potius *Κεμήλια*) nactus, *Persicâ Linguâ* etiam non destitutus, illud in me pensum suscipere non dubitavi, ut pleniorẽ ejusdem Historiam concinnare aggrederer, nec desisterem à pertexendo tunc exorsam Telam eamque persequendo, donec tandem, aliquot Annorum Labore, eandem ad umbilicum perduxeram: ratus id Operis Doctis & Curiosis haud ingratum fore, si in tam desideratam Antiquitatis Partem inquirendo, hujus Rei Veritas, quæ in Tenebris, maximâ ex Parte, hætenus delituerat, jam excuteretur, & omnibus liquidò constare posset. Ut, cum talis Historia Luce donaretur publicâ, dicta Gens à *Græcorum & Mohammedanorum* Offuciis ac Calumniis liberata & vindicata esset; eamque semper ab *ipso Diluvio* verî Dei Cultum tenuisse, & fermè ab illis Temporibus (quod à paucis speratum aut creditum,)

EPISTOLA DEDICATORIA.

creditum,) rectè constitutam Ecclesiam cum *benè regulatâ Hierarchiâ* habuisse compareret. Adeò ut, quamvis primitivam suam puriorem Religionem interpolando, multas, Processu Temporis, admiscuerint Superstitiones, hàc tamen Ratione refutaretur vulgatus ille Error Viro-
rum Doctorem superioris Seculi, *istum Populum fuisse merè idololatricum, ejusque Linguam & Literas prorsus exolevisse, & scripta Monumenta intercidisse ac periisse, & de his omnibus, quasi de Rebus intermortuis, conclamatum fuisse* credentium. Cùm è contra, dicta eorum Ecclesia (ex quo humanum Genus à *Noacho* reparatum,) Deicola semper extiterit; & præsertim in *Medicæ* Monarchiæ Initio maximè florens, triplici *Sacerdotum & Præfulum* atque *Archipræfulum* Ordine, ab illis Temporibus usque ad *Yezdegberd ultimum*, (circa millesimum abhinc Annum) tanquam Sol in suâ Abside, fulserit, suæ Religionis authenticos Libros, ut vivas & perennantes Tabulas, summâ Curâ conservans. Eaque sanè hætenùs (quamvis minùs florens,) est suorum Rituum tenacissima, & ad hunc usque diem vigilantissima in Custodiâ sui *Prophetae* Codicum, in quibus (præter alia Curiosa,) latere creduntur *de Messias Prophetiæ* plures quàm quas hætenus novimus; cùm *Vetus Testamentum* non fuerit ei ignotum, & is (quamvis *Pseudopropheta*) peculiaribus quibusdam Revelationibus adjunctus videatur. Et hinc factum est, ut post *Christum* Hæretici hoc subolentes, prætenderint se habuisse *Zoroastri Revelationes de Christo*; genuinorum Codicum Loco, exhibendo nothos & spurios, ex suo cerebro confictos, quos, sub ejus Nomine, ignaro Populo talium avido obtrudebant.

Cúmque

EPISTOLA DEDICATORIA.

Cùmque hoc Opus conscripseram, & publici juris faciendum decreveram, haud committendum duxi, ut peregrinæ hæ Literæ (tanquam Advenæ ad oras nostras appellentes,) relinquerentur *solivagæ*, alicujus Magnatibus præsidio & Patrocinio destitutæ. Unde ad Illustrissimi Viri Limen deduxi, & præ foribus stiti eas humiliter intro-mitti affectantes. Ubinam enim excipi sperarent tales Hospites, potiùs quàm apud Virum *Honoratissimum* pariter ac *Doctissimum*, qui adventantibus Favores liberè impertit, eosque amore prosequitur, & tales Peregrinos, à reliquo Orbe neglectos & repudiatos, ambabus Ulnis amplectitur? Apud quem, inquam, famigeratissimus ille *Veterum Persarum Legislato Zerdusht* (qui *Zoroastres*) se excipiendum speraret, meliùs quàm apud *Legisperitissimum*, Juris & totius politioris Literaturæ consultissimum, qui in Rei publicæ Commodum, Rei suæ (i.e. Sanitatis) immemor, proh nimis assiduè suum cuique tribuendo al-laborare, satagere, & incumbere, & à Mane ad Vesperam insudare solebat; dum *Angliæ Cancellaria*, sub Ipsius (tanquam *Æquissimi Judicis*) Præfecturâ, tot annos verè floruisse comperta est. Faxit DEUS OPT. MAX. omnium bonorum Dator, ut, Axe sentiente Onus, non desit talis Herois Humerus; atque (qualis Ipse fuit) in posterum tanto aliquo *Amico* nunquam privetur *Ecclesia*, nec tanto *Patrono* orbetur *Lex*, nec ejusmodi fido *Confiliario* destituatur Rex Inviçtissimus GUILLIELMUS (Belli & Pacis totius *Europæ* solus *Arbiter*, Religionis Protestantium Stator *ἡνὶ μαρτυρίας*), quem diu sospitet & conservet Deus: ut, ipso seriùs in Cælum redeunte, hæc Regna diu sub faustissimo ejus Imperio perennare pergant.

Impoliti

EPISTOLA DEDICATORIA.

Impoliti verò istius Operis Autor indignus, qui Beneficiis Tuis se semper devinctum fuisse gratus agnoscit, (cùm meliora non habeat,) istud, quaecunque sit, Munusculum submissè offert: limatissimum interim Judicium Tuum reformidans, Severitatem deprecatus, & Favorem obtestatus, ut non *Censoriâ Virgulâ*, sed *Amicâ Manu* illud tractare velis; non ejusdem Nævus nimis acriter perstringendo, sed potiùs Paroramata pertranscundo, Defectus excusando, & (pro innatâ Benignitate) Erroribus condonando. Ut, ex tali Tuo Exemplo, alii, qui ad alienos Labores carpendum atque fugillandum proniores, nostris Conatibus favere, hiantes Rimas implere, & Errata tegere discant.

Et is interim apud Supremum omnium JUDICEM contendere non desinet, ut IPSE, pro infinitâ suâ Clementiâ, longam Tibi Vitam largiri velit, eamque ad extremam usque Senectutem prorogare dignetur. Quod ex Animo semper vovebit,

Illustrissimi Nominis Tui

Cultor devotissimus

THOMAS HYDE.

THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT BRITAIN
AND IRELAND
VOLUME 10
PART 1
1910

1910

FROM THE

AD LECTOREM

P R Æ F A T I O.

Promissorum Fidem ut tandem liberare possim, en Religionis *Veterum Persarum* Historiam! in quâ quidem contexendâ secutus sum Methodum naturalem, eam ab Origine Gentis inchoando, eandemque continuando ad hunc usque diem, quo ab iis in eâdem Fide perseveratur. Inter ea quæ ab *Europæis* de hoc subjecto dicuntur, multa quidem sunt vera, & alia quædam admiscuntur falsa, prout Linguae Persicæ Beneficio destitutis competebat. De eorum itaque Relationibus, (uti etiam subinde de earundem Partibus & Citationibus quas dedimus,) aliquando meritò dicatur *العهد على الراوي Fides sit penes Autorem*; ut de rebus dubiis & incertis ajunt Orientales.

At quamvis Persarum, & Medorum, & Parthorum, eadem fuit Religio, ejusdem tamen Monumenta à *Zoroastre* (sub finem Monarchiæ Medicæ vivente) scripto consignata sunt *solâ Lingua Persicâ Veteri*, ut hodiè ex ejus Libris apparet. Hæ Gentes omnes (non obstante Linguae Persicæ & Medo-Parthicæ Diversitate,) eisdem utebantur Literis, quæ utriusque Linguae sonis dextrè exprimendis sunt optimè adaptatæ, utpote quæ ab Initio cum illis Linguis natæ. Talium autem Literarum Usus (Religionis causâ, ut suo loco diximus,) tandem exolevit apud *Persas Mobammedanos*, qui in earum locum *Arabicas*, non tam benè dictarum Linguarum sonis accommodas, introduxerunt. Utriusque autem Gentis Leges politicæ fuerunt planè eadem: unde conjunctim memoratum est, *Medorum & Persarum Leges esse immutabiles*.

P R Æ F A T I O.

In hoc igitur Opere tractamus tantum Religionem *Perfarum Veterum*: non verò *Moderniorum Mobammedanorum*, quorum Religio præcipue continetur in *Corano*, qui eis est *Agendorum & Fugiendorum* Norma; quamvis etiam, cum Tempore, introducta fuerint alia quædam Instituta, quæ tamen dicto Libro non sunt *contraria*, nec in eo *vetita*. Inter quæ est solennis *Visitatio Sepulchrorum* aliquot Insigniorum Sanctorum, quæ (ardentibus Cereis & astantibus nocte dieque Vigili-
bus) cum magnâ Pompâ, & diligenti Custodiâ, in augustis Ædificiis ad hoc (ex Piorum Legatione) extractis, & Reditibus donatis, servantur. Aliud *Mobammedanorum* est Religiosæ ac Voluntariæ Paupertatis Institutum, in quo quivis Religiosus, Deo devotus, *Perficè in genere* vocatur *پارسا Pârisâ*, Arabicè *ابدال Abdâl*, & exoticâ Voce *قلندر Kalendar*, seu *Kalendar*, quasi dixeris *καλὸν ἀνδρᾶ*. Vel alias, generaliori Titulo, vulgò *Perficè* audiunt *درویش Dervîsh*, Arabicè *فقير Fakîr*, i.e. *Pauperes Mendicantes*, Religiosi, qui Eleemosynas, Religionis Causâ, à Populo semper petunt. Ex horum Cæremoniis est in uno Pede diutina *Gyratio*, talis quæ ab *Europæis* fieri non potest. Hi non sunt *Monachi*, sed *uxorati Religiosi*, qui Mundo renuntiantes, spontaneam Paupertatem sub religioso Habitu profitentur; Vagabundi, Mendicantes, atque subinde in Ecclesiis pernoctantes. Et *Abdalorum* quivis quoddam Cornu ad latus appensum habet, ad inflandum, & (dum religiosam in Foro Oratiunculam habituri sunt,) ad convocandum ad se Populum. Quinetiam datur religiosum quoddam genus, magis *speciatim* dictum *سوپى Sûpbi*, seu *Sopbi*; idque, vel à *سوف Sûph*, *Land*, quasi dicantur *Lanigeri*, (quia Religiosi Sericum non induunt,) vel q. d. *Σοφί*. Hi sunt Doctiores, Rebus Theologicis operam dantes, qui Sermonem mysticè velare & involvere solent, Res divinas & spirituales per Res mundanas adumbrando. Circa Annum *Christi* MD, ex horum Ordine & Numero fuit religiosum Habitu gestans (ut narrat *Gjannabius* Cap. 75,) quidam *Sbeich*, dictus *شېخ حیدر الصوفى Sbeich Haidar Alsopbi*, seu *Assopbi*, quem aliqui dicunt paucis Mensibus regnâsse. Utcunque tamen fuerit, certissimè ad Thronum evehctus est ejus Filius, idèò dictus *شاه اسماعیل شاه Ismael Sopbi*: unde factum est ut, apud aliquos, *Perfarum Sopbi* audiret *Perfarum Rex*. Hujus Successor fuit illius Filius *طهماسب Tabmasp*. Deinde (si rectè memini) per biduum in regnum successit
hujus

P R Æ F A T I O.

hujus tertius Filius *حیدر خان Haidar-Chân*: mox *Tabmasspis* secundus Filius *اسماعیل خان Ismael-Chân* ejus Nominis II: & tandem primus Filius dictus *محمد خداوند Mobammed Chodâ-bendâ*, qui fuit lusciosus: & postea ejus Filius *عباس Abbâs*. Et circa annum MDCXXX. p. m. regnavit *Abbâsi* Abnepos *صفی Sephi I.* Postea *Sephi II.*, qui, propter inauspicatum Coronationis Tempus & Res minùs prosperas, rursus coronatus est, mutato Nomine in *Soleimân*, qui Imperii sui Anno primo misit ad *Carolus II* Epistolam de Vectigalibus Urbis *Ormlûz*. Et hodie regnare dicitur *Hosein*. Dictus itaque Titulus *Sopbi* non fuit (ut aliqui perperam sentiunt,) omnium sequentium Regum, sed ad solum *Ismaelem I* pertinebat. Errorem autem peperit soni Vicinitas in Titulo *Sopbi* & Nomine *Sepbi*, quamvis iste (ut vides) post longum Tempus successit, nec fuit ex Religiosorum Ordine, unde tali Titulo gaudere posset.

Dictorum *Supbiorum*, seu *Sophorum*, Theologia Mystica continetur in Libro Persico dicto *مثنوی Mefnavi*; & multi Ritus in alio Libro Arabicè conscripto, cui Titulus *علم تصوف Ilmi Tasavvuf*, i. e. *Scientia Supbiismi*, seu *Notitia Sopbismi*, qui est *الوقوف مع الوداب علم الوقوف مع الوداب Scientia persiflendi in Virtutibus legalibus tam externè quam internè*. Iste enim Liber agit de Amore divino, & de Virtutibus ac Vitiis, &c. Dictus Liber *Mefnavi* (qui valdè prolixus & copiosus,) totus conscriptus est Carmine Persico, cujus unum Exemplar olim (cum aliis MSS Orientalibus, jam fortè combustis,) vidi in Collegio Sionenfi, cujus Forma erat in *Quarto*, amplo & crasso, exili Manu scripto, ubi quævis Pagina III aut IV Columnas dense scriptas continebat. Pro hoc Libro habemus in *Archivis Bodleianis* peculiare Glossarium Persicum, dictum *لغت مثنوی Logati Mefnavi*, i. e. *Vocabularium pro Libro Mefnavi*; ut in Oriente Mos est *Glossaria peculiaris* pro singulis melioris Notæ Libris conficere. Alius de dicto Subjecto Liber MS Persicus Prosaico-metricus, qui Mole minor & Materiâ brevior, in Bibliothecâ Bodleianâ reperitur, dictus *معنوی Ma'navi* & *Mefnavi*, i. e. *Sensalis* & *Repetitionalis*; sc. brevibus Paragraphis Rei sensum seu significationem Prosa exhibens, & deinde ejusdem aliis Verbis Repetitionem, & uberiores Explicationem, Carmine continens. Et sic per totum Librum, in ejusmodi brevibus Para-

P R Æ F A T I O.

Paragraphis, *معنى* *Ma'ni* seu *Sensus Materiæ* primò datur Profa, & deinde ejusdem *معنى* *Méfni* seu *Repetitio*, aliis Verbis, mox sequitur Carmine expressa.

Sed ut ad Pensum de *Abrabamo* & *Veteribus Persis* redeamus; in eâ, quam dedimus, *Abrabami* Historiâ, non afferuntur omnia trita & alia Frivola (ut apud *Arabes* quædam sunt,) quæ de eo dicuntur; ejusmodi enim multa, eo nomine, omisimus: sed potiùs in medium adduximus tantùm præcipua quædam, quæ etiam nova sunt, non vulgò nota. Et ferè idem dicendum est tam de *Manetis* quàm de aliorum Historiâ: non enim Lectori obtrusimus omnia quæ peti potuerunt ex Operibus *Augustini* & aliorum, sed potiùs ea quæ selectiora sunt.

Apud *Veteres Persas*, vera & antiquissima Religio, quæ primò erat in omnibus Partibus orthodoxa, postea, Processu Temporis, interpolata est multis Rebus superstitionis, (ut suo loco dicitur,) quæ potiùs amputandæ essent. Caremoniarum quædam sanè ut *externa* Signa *internæ* Puritatis habentur, uti est *Corporis Lotio*: & sic *Ungues præscindere*, est *Impuritates naturales abjicere*; cum ejusmodi aliis. At erga Ignem & Sydera nimius *Respectus*, & *faustorum ac infaus-torum Dierum Observatio*, &c. sunt *meræ Nugæ*, eæque peccaminosæ; cùm in *Lege Mosaicâ* omnes superstitionis Rerum & Temporum Observationes sint vetitæ, quia à Timore Dei abducunt, ut, missâ in Deo Confidentiâ, homines seducantur ad confidendum in ejusmodi vanis Superstitionibus.

Veterum Persarum Propheta *Zerdûst* seu *Zerâtusht* (*Græcis* perperam dictus *Ζωροάστρης*.) scripsit aliquammultos Libros de variis Subjectis, (ut suo loco docuimus,) omnes *Lingua antiquâ*, in plerisque locis jam obsoletâ, qui manent sicut Thesauri obsignati, quos nondum rimati sunt Doctorum Oculi. Isti Codices omnes, diligenti Custodiâ ad hodiernum diem servati, apud illius Doctrinæ Affeclas nunc extant: quod tamen fortè ægrè persuasum sit nostratibus, qui in hisce Rebus Hospites, ne quidem somniantes *veteres Persas* semper habuisse benè regulatam Ecclesiam quæ sua Monumenta conservaret; eamque in Splendore durâsse usque ad *Yezdegberd* ultimum, circa M abhinc annis regnantem; & postmodum ab eo Tempore (quamvis minùs splendide) huc usque continuâsse.

Dicti *Zoroastri* Libri sunt in nostro Orbe Europæo ferè peregrini, nisi fortè alicubi lateant ignoti. At eorum aliqui (ne supradicta gratis dixisse

P R Æ F A T I O.

dixisse videar,) penes me in privato Musæo sunt, *Theologiam* spectantes, qui *antiquis Linguâ & Characteribus* exarati, Auro contra chari, quos longo Labore & Pecuniâ ex Oriente redemi. Zoroastriana Autographa omnia, inquam, scripta sunt *veteri Linguâ Persicâ* purâ & immixtâ, utpote quæ tunc (sine *Arabismi* Mixtione) obtinebat in *Chorasana* seu *Bactriæ* Partibus, ubi erat *Gushtaspis* Curia: & quæ ibidem hodiè obtinet. Sicque eâdem Linguâ exscripta sunt pleraque Apographa; exceptis quibusdam pro vulgatiore hodiernorum usu, quæ aliquando admixtas habent voces *Medicas & Arabicas*, ut *كتاب Kitâb*, & *نوبی Nubî*, seu *نوی Nivî*, quæ omnia notant *Librum*; quo nomine, à *Persis Mohammedanis*, seu *Medo-Persis*, aliquando emphaticè appellatur *AlCoranus*, q. d. *تو بیخون*. Optandum esset ut omnia *Zoroastri* Opera è Magorum Tenebris in nostram Lucem producerentur, unde proculdubio, multa nova, quæ Europæum Orbem hodiè latent, in Doctorum & Curiosorum Usus eruerentur. Ideoque, Litterarum Patronis (dum Deus Opportunitatem largitur,) Pecuniam in hunc usum maturè erogare incumbit. Tale Opus planè esset aliquo Principe, aut Magnate, dignum: nam sine necessariis Sumptibus nihil poterit præstari: ad quod tamen haud magnâ Summâ Opus esset.

Zoroastri quidem (ut suis Locis fusiùs diximus,) ex Conversatione cum *Captivis* in *Persia* *Judeis*, benè notum fuit *Vetus Testamentum*, & multi ex eo Ritus in *Perfarum* usum deducti sunt, uti constat, tam ex ejus *Historiâ Creationis & Igne Sacro* in Templis, & aliis Rebus cum *Judaïsimo* coincidentibus, quàm ex eo quòd (referente *Gjanabio*) multa *Davidica* in suos Libros inseruit, & *Propbetias* edidit de *Messiah*, in *Veteri Testamento* prædicto & subobscurè revelato. Sed præterea necesse erat ipsum clariore & magis peculiari Revelatione fuisse obsecundatum, eandemque (ut durabilis esset, nec cum Tempore intercideret,) in suis Libris scriptam reliquisse pro Magis suis, per *Stellam* ducendis ad *Christum* natum in *Judæâ*, Regione longinquâ; cum aliâs certè id non novissent, nec in *Judæam*, à longinquo; ex Oriente venissent: nam isti Peregrini hanc Rem meliùs perfectam habuerunt quàm *Incolæ Urbis Betlehem*, & Rex, & *Judæi* omnes, qui ab illo *Magorum Evangelio* condoceracti simul & terrefacti fuerunt. Quæ omnia suadent & persuadent *Zoroastrem*, hac in Parte, verè divinam Revelationem habuisse: cum compertum habeamus, quòd Deus aliquando (quia ipsius Sapientiæ sic visum est,) falsis Prophetis

P R Æ F A T I O.

Prophetis Res veras revelare dignatus. Ex hujusmodi externis Testimoniis Biblica Veritas fortassis munitior & fortior reddatur. Nam quamvis sacrorum nostrorum Biblicorum Autoritas, sine ullo externo Testimonio, sit per se evidens, ipsaque Biblia sint authenticâ Traditione & diligenti Conservatione ad nos deducta, nec aliâ Defensione indigentia; tamen, propter eos qui extrâ sunt, ad corroborandum aliquantulum juvet, quòd ista Biblia, aliquibus in Partibus, ex *AlCorano*, & *Ethnicorum Scriptis*, tanquam ex abundanti, aliquas Attestationes & Confirmationes acceperint. Et eodem quoque modo, è *Zoroastris* Operibus, multò antiquius haberi poterit Testimonium, itidem ab extrâ petitum, quod melius, ut hujus & futuri Temporis *Atheistæ* & *Deistæ*, seu *Anti-scripturarii*, Veritatem Biblicam ab *Inimicis* & *Extraneis* confirmatam & suffultam videant. *Zoroastris* Prophetias de *Messiah*, auditu saltem, rescivisse videntur *veteres*, post *Christum*, *Hæretici*, qui multa ex eo prætendebant, ejusque *arcanos Libros*, seu *Revelationes de Christo*, secum habuisse jactitabant. Cum igitur, tam ex *Sacro Evangelio*, quàm ex aliis Rerum Circumstantiis, certum sit, *Perfas Christi* in Carne Adventum sibi revelatum habuisse, eosque eundem Adventum ex *Scriptis Zoroastrianis* prænovisse, oportet nos Christianos in hanc Rem melius inquirere, ut dicta ejus Scripta in ipsius verbis legere possimus. Tales itaque ejus Libri, hoc solo Nomine (præter aliam Curiositatem,) æstimandi sunt Thesauri quovis Pretio redimendi.

Apud *Perfas* autem extat alius Liber, *Zoroastrianis* *Scriptis* antiquior, cui Titulus جاويدان خرد *Gjævidân cbrâd*, seu *Æterna Sapientia*, agens de حکمت عملی *Sapientiâ Practicâ*, seu *Philosophiâ Practicâ*, cujus Autor fuit *Medorum Rex* tantùm non antiquissimus هوشنگ *Hûsbangh*, occisus (ut ajunt) Ictu Lapidis; qui in *Arabum* Libris aliquando perperam scribitur اوشنگ *Oushabàngj*; qui à Nostrate quodam exponitur *Hermes*. Inter antiquos etiam *Perfarum* Libros numerandi sunt مسائل النجوم *Buzurgjumburi Quæstiones de Stellis*; & de *Arte Chemicâ* Liber اسطادس الحكم *Ostbanis Magi & Philosophi*, qui *Zoroastris* Præceptor. Et sic sunt *Isphendiyâr* & *Ciaxaris Institutiones Astronomicæ*, dictæ اسفندیار *Zigj Isphendiyâr*, & زيج شهریار *Zigj Shabriyâr*.

Quoad

P R Æ F A T I O.

Quoad *aliarum Gentium* (ut id obiter moneam,) *veteres Libros*, in alterâ Extremitate Orbis, *Chinenſes* habent valdè antiquos philosophicos *Cum-fu-cu* seu *Confucii*, quos in Bibliothecâ Bodlejanâ poſſidemus, cum aliis, tam Medicis, quàm Historicis. Ex ejuſmodi veteribus Historicis *Sinicam Hiſtoriam* contexuit D. *Martinius*. *Indorum Sbaſter*, seu *Librum Creationis*, habemus in Lingua *Malabaricâ*, ſine Verſione, ex Dono Doctiſſimi Viri *Thomæ Smith* S. T. D. Ex eo tamen multa extraxit D. *Henricus Lordius* in *Deſcriptione Religionis Baneanorum in Indiâ*. Sed *myſterioſi Indorum Libri Poran* Verſionem *Anglicam* olim vidi apud aliquem Mercatorem *Londinenſem* quatuor Tomis in 4^{to}. *Sabiorum Libri antiqui*, (quos *Patriarchæ Seth* fuiſſe prætendunt,) habentur in *Syriâ*, & *Meſopotamiâ*: ſed ſub Pœnâ maximâ exteris non revelandi. Nihilominùs tamen, aſtu eos evolverunt *Mahammedani* & *Judei*, qui quædam ex eis prodiderunt. *Zamolxis* autem *Leges* nulli libi extant. Is fuit olim *Getarum* in *Tbraciâ* & *Samothracum* Legislator, ad quem poſtea, ſive Hominem, ſive Genium (dicente *Herodoto*) *Getæ*, ſingulis quinquenniis, aliquem è ſuis legare ſolebant, ut is de eorum Rebus certior fieri poſſet. Hujus Vitam ſcripſiſſe dicitur Doctiſſimus *Carolus Lundius* Profeſſor *Upſalenſis*.

Tempore *Tarquinii Superbi* olim ſupererant, & peculiari Cuſtodiâ conſervabantur, tunc vetuſta, *Sibyllina Carmina Latina*. Hæc autem & alia *Ethnicorum* Oracula longè ante *Chriſti* Tempora ſponte conciderunt, ut notat *Strabo*: nam, meliore Luce ſubortâ, & Fraude detectâ, ea omnia ceſſarunt & ſiluerunt. Et, eâdem de cauſâ, ſic etiam hodiè (ut ſpero,) ceſſabunt ab *Obſopæo* & *Patritio* edita illa *ΜΑΤΙΚΑ ΛΟΓΙΑ*, ſeu *ΖΩΡΟΑΣΤΡΟΥ ΛΟΓΙΑ* Pſeudoracula, peſſimè conſicta Carmine Græco. In his memorantur *ΜΟΝΑΣ*, & *ΔΤΑΣ*, & *ΤΡΙΑΣ*, & deinde *ΠΑΤΗΡ*, & *ΝΟΤΣ*, cum ejuſmodi aliis, quæ planè *Chriſtianitatem* & Novitatem olent, uti & faciunt moderna illa, quæ circumferuntur, *Sibyllina Græca*, planè ex *S. Bibliis* extracta & collecta. Cùm itaque genuina *Zoroaſtris Præcepta*, ſeu *Effata*, hætenus ſub *Perſiſſimi* Involucro latentia, jam Luce donentur, quid valent dicta illa Spuria? Certè Res, in hac Parte, cenſebitur ita ſe habere, perinde ac haberi ſolet de Re quâvis viliori comparatâ cum pretioſiore; ad quam alludentes *Perſæ* ſolent dicere, *در بازار جوهریان شبه جوی دهمان* *In Gemmariorum Foro Gagates ne Granum bordeaceum valet*. En! itaque genuina ejus *Præcepta* (niſi cum aliis loquendo, *Oracula* vocare mavis,) eruta è *Magorum Libro* *در SAD-DER*, cujus *Autor*, ſeu *Collector*, fuit *Meliſſabâbi Filius*, nobis itaque *Meliſſababides* dictus.

P R Æ F A T I O.

At pro *ملکشاه* *Milicshâb*, aliud Exemplar, factâ Metathesi, legit *شاه ملک* *Shah-meliki Filius*. Certè dolendum est quòd iste Autor proprium suum Nomen à nobis celaverit.

Ille Liber est *Codex Præceptorum* seu *Canonum Ecclesiæ Magorum*, è *Zoroastri* Operibus collectus: & quicquid ibi reperitur, est illis æquè authenticum ac nobis est quidvis in *Nostre Ecclesiæ Canonibus*, aut *S. Bibliis* repertum. In eo est Bonorum ac Malorum Farrago: sc. multa valdè bona & pia, & alia valdè superstitiosa & meræ Nugæ: omnia simul (benigne Lector) bona cum malis accipe, & æqui bonique consule. Uncis inclusa, in *Charactere Romano*, non sunt in *Textu Persico*, sed à nobis adduntur, vel explicationis ergò, vel aliâ de causâ. Et quamvis reddiderim Prosa, omnia in illo Libro (utpote non à *Zoroastre*, sed à moderniore Autore scripto,) CC abhinc Annis condebantur viliori carmine Persico, quale solebat esse illud Monachorum in *Angliâ*, aut hodiè *les Ballades*. Et quidem suis Interpretibus Negotium plus quàm ordinarium facessere solent tales vulgares Verificatores; qui dum Metrum & Rythmum prosequuntur, bonum sensum aliquando amittunt; & ad complendum dictum Metrum vel Rythmum, sæpè, sinè aliâ Necessitate, addunt multa superflua verba, quæ plerumque omisi. Et ut alicubi Pleonasmis, alibi Defectibus laboratur, omittendo verba ad sensum necessaria, quia Metro aut Rythmo non favebant. Tales Poetæ etiam sæpiùs coguntur adhibere frequentiore vocum Metathesin & Numerorum Enallagen, misera malorum Poetarum Confugia! incommodum reddentia sensum, qui aliàs esset magis rotundus, & minùs interruptus videretur. Ideòque Venia indulgenda est Interpreti, dum talia Interpretationem minùs gratam efficiunt: cùm è contrâ, elegans & genuina Poësis omnia reddidisset gratiora. Si autem, Quisquilias excutiendo, tandem invenimus Gemmas, debemus abire contenti: & insuper Poetæ ignoscere, quamvis non fuerit in suo genere *Coryphæus*; cùm omnia satis ad captum indocti Vulgi (pro quo hæc scripsit) expresserit, idque Carmine, quod eis gratius & jucundius habebatur. Is enim (ut alibi monuimus) magis *Religiosus* quàm *Poeta* fuit: & quantumvis aliarum Rerum rudis, tamen in *Zoroastri* Libris peritissimus & doctissimus.

In isto *Melicshabidis* Libro aliquando invenies eadem Præcepta in variis *Portis* seu *Capitibus* repetita & inculcata. Nescio an id ex zelo factum, quasi digna essent quæ repeterentur; vel an aliàs, quia ille Autor, in *Extractum* suum ex *Zoroastri* Libris faciendo, repererit eadem Præcepta in variis locis repetita, unde *Melicshabidi* in suo

Com-

P R Æ F A T I O.

Compendio eadem quoque inculcare visum fuerit. Mihi autem tale quidvis potius videtur inter ejus *Παραπάνωτα* numerandum, & ut ejus *Αναγκασία* habendum. Et sic certè est, quodd in pronuntiando Supplicium contra Peccata, id facit, quasi omnia Peccata essent Reatu æqualia & paria. Nam cum unum tantum (sive Peccatum sive Supplicium) posset esse omnium maximum, ille statuit ferè quodvis Peccatum esse omnium maximum, & pro eo Supplicium maximum, scil. pro eis ferè omnibus (sive maximis sive minimis) decernit Supplicium æquale, *Gebennam* & Damnationem æternam.

Sinicus Character vocis *Cbā* (quem nobis dare omisit *Chinensis* noster,) à D. Mullero in Libro de *Chataid* p. 41 sic datur *h*. Sed cum ejus Autoritas in hac Parte sit dubia, aut potius nulla, inter authentica *Sinica Astronomica Tab. V*, visum est hujus Characteris locum vacuum reliquere, potius quàm incertum pro certo Lectori obtrudere. Mulleri enim sublesta Fides, tam alibi, quàm in eodem loco cernitur; scil. cum non sciret verum Characterem vocis *Fengb*, pro illo substituit Characterem vocis *Fungb*, prorsus diversum, & Significatione contrarium. Ideoque, ex *Chinensis nostri* Autoritate, utrumque in suis Locis dedimus, conferendi Causā.

Infra in hoc Opere p. 391, ex Libro *Mu'gizāt Pbarsi* memoratur, apud Persas olim fuisse X Viros, præ cæteris, in toto Orbe Excellentes, quorum VI fuit *Gjamasp*. Sed quia Curiosus fortè non sit ingratum scire quinam etiam reliqui fuerint, en! (ex eodem Libro in ipsissimis illius Autoris Verbis) *horum Primus fuit Persarum Monarcha فریدون Phridūn, totius Orbis Rex, qui universum Mundum Justitiā & Æquitate reparavit, postquam à Dahāko vastatus fuerat.* II. *Secundus fuit Alexander, Filius Darāi, Filii Darāi, Rex maximus & sapientissimus, Aristotelis Discipulus, qui Indos & Chinenfes subjugavit, & obiit XXXII Annos natus.* * III. *Tertius fuit optimus Rex ادوشیروان Anushirravān Filius Kobād, — qui ob Justitiam adeò inclytus fuit, ut Mohammed in Corano de se notaverit انا ولدت في زمان الملك العادل Ego natus fui Tempore Regis Justissimi, quo Epitheto iste Rex, sine alio Nomine, fuit notissimus & celeberrimus. Is fuit tam Justus, ut apud Ostium suum posuerit Cistam pro Grava-*

* Hæc notanda sunt quedam Autoris istius *Anonymi*: nam *Alexander* non transiit ultra *Gangem*, & multò minùs ad *Chinam*, quam nunquam vidit. Nec fuit *Darii Filius*, quamvis *Persæ*, pro suo Honore, id asserant & credant. *Darius* quidem obtulit Filiam suam *Alexandro* in Uxorem: sed recusavit eam, aliàs is fuisset *Darii* gener.

P R Æ F A T I O.

minum رقاغ Schedulis, & ibidem appenderit Tintinnabulum, ut gravati illud pulsare possent : quod tamen Septennio vix pulsatum fuit, &c. IV. Quartus fuit Behrâm Filius Yezdegherd, vulgò dictus بهرام کور Behrâm Ghûr, qui (præter alias Dotes,) in jaculando patrem non habuit : adeò ut, dum Grex Damarum illum pertransfret, Puellæ quam secum habuit dixerit ; Quâ Parte vis ut talem Damam feriam ? Puella dixit, Ejus Ungulam ejusdem Auri affige. Unde Behrâm, accipiens Balistam, globulo percussit Aurem Dami ; quæ itaque levavit Pedem ut Aurem scaberet. Et tum statim Rex, sagittam jaciens, Ungulam affixit Auri. V. Quintus fuit Rustem Filius Zâl, tantus Heros & Eques ut talis alter Equi dorsum nunquam conscenderit. Hoc ei peculiare fuit, ut si secum habuerit mille Equites, & [bis] mille fuerint contra eum, illos bis millenos Rustem fuderit. Et, si fortè cum aliquo de Fortitudine contendebat, eundem lanceâ ab Equo dejiciebat. † VI. Sextus fuit Gjamaſp, Vezîr, seu Consiliarius Regis Gushtasp, ob Prophetias, & Rem Astronomicam atque Astrologicam, celebris, de quo suo Loco dictum est. VII. Septimus fuit بزرجمهر Buzurgjûmhur, Vezîr, seu Consiliarius dicti Regis Anushirravân. Is summâ Sapientiâ suâ fuit celeberrimus : & , invento ab Indis Shahludio, ille eis Nerdiludium reposuit. * VIII. Octavus fuit nomine باربد Bârbud, qui erat مغني Archimusicus Persici Regis Cosrav-Pervîz : eique in illâ Facultate tunc par non fuit in toto Mundo. Ajunt quòd, quando ei erat animus aliquod negotium Cosroï offerre, nec daretur Opportunitas, ille tunc suum باربد Bârbud, seu Barbiton, pulsabat ; & quoque Rem Carmine complectens, eidem Carmini آرازي aliquem Tonum [a Tune] componebat ; & postea, tale Canticum Instrumento suo ludendo sub auditu Cosrois, tum Regi innotuit cum adesse : & hoc modo apud Regem Negotia sua peragebat. IX. Nonus fuit شبدیز شاعر Factor (quisquis fuerit) & Shabdîz, qui Equus pulcherrimus, cui plures Facultates peculiares erant : adeò ut, Cosroës moriturus jussit ut in latere Montis پیستون Pistûn fieret Porticus lapideus, in cujus medio collocaretur Figura hujus Equi, & super Dorso ejus sedens Cosroës, زره Loricâ indutus. Hujus artificium adeò

† Hujus & Alexandri Statuæ marmoreæ, ut Equitantes (dignæ quæ accuratè delineentur,) hodiè tribus milliariis ab Istacbr versus occasum cernuntur in colle inde dicto نقطه رستم Punctum Rustemi.

* De eo itaque & de Anushirravân susè diximus in nostro Libro de Lâdis Orientalibus, edito 1693, 80.

P R Æ F A T I O.

pulcrum erat, ut sint qui dicant eam Figuram fuisse Opus Dæmonum, cum Homines tale quid fecisse nequiverint. Hujus Statuæ *توفيق* Congruitas, seu Concinnitas, dicitur fuisse talis, ut Clavi plane non comparerent: & in Figuræ Sculpturâ, ubi oportet ut sit nigrum, ibi est nigrum; & ubi album, ibi album; & ubi rubrum, ibi est rubrum: & hinc est quod Homines dixerint illud Opus non fuisse Mortalium, sed Dæmonum. * X. Decimus fuit *فرهاد* Pherhâd, qui fecit *قصر شيرين* Casr Shîrîn, seu Palatium pro Shîrîn Amasiâ suâ: & is fuit qui conatus est aperire dictum Montem Pîstûn, & partem ejus abscidit. Sunt qui asserunt ipsius fuisse Artificium, seu Fabrefactionem, *رئیس شابدیز* râ Shabdîz: & quia is fuit Amasius *رئیس* Shîrîn, igitur fecit Statuam illius tantâ Pulchritudine, ut sint qui dicant quendam, hanc Statuam videndo, dementatum fuisse: ideòque hoc Tempore nasum ejus fregerunt, ne aliquis in posterum dementaretur. [Hactenus ex Libro *Mu'gj*.] Sed ego sanè subdubito, annon (in Lib. *Mu'gj*.) Casr Shîrîn sit mendum, pro eo quod infra ex *Ali Birgjendio* legitur *قصر شيرين* ? & annon id quod dicitur de *Amasid* *رئیس* Pherbâd, potius spectet ad Shîrîn, quæ *Amasia Cofrois*, qui aperiri jussit latus montis Pîstûn, quod à Pherbâd Mechamico præcipi non potuit. Cum itaque Factor Equi Shabdîz sit aliquis innominatus, & Pherbâd habeatur tam Factor Equi Shabdîz quàm etiam Statuarum *قصر شيرين* & Shîrîn, hâc, inquam, Ratione (si ita sit,) tum dicti Viri Excellentes erant Numero tantum Novem. Et Pherbâd erat Sculptor insignissimus qui parem non habuit.

Ex supradictis videmus unde sit *Barbiten*, seu, ut in Glossâ melius legitur, *Barbutum*. Mittantur ergò nugatoriæ illæ Derivationes quæ apud Martinium in *Lexico Philologico* leguntur, ut & fabulosum illud *Callimachi*, qui in Epigrammate quodam *Barbiti* Inventionem tribuit *Melpomenæ*, Musarum quartæ, *Μελπομένη ὁμοίῳσι μελίσσων βαρβύτων ὄψιν*. Quod autem suprà rectè *Persicè* vocatur *باربد* Bârbud, Arabes & Turcæ, illud vocabulum usurpantes, id scribunt *باربط* Bârbut, & subinde sonant Bârbet. Hoc hodiè apud Arabes habetur *Testudo* quædam vilior VI Chordarum: fortè tale quod apud nos vulgò dicitur *Bandôra*, quæ est *Pandura* tenuior, seu minùs crassa, cui VI aut VII Chordarum ænearum Paria unisona. D. Meninskius *Bârbet* Italicè vo-

* Hactenus Liber *Mu'gj*. At, inquit *Ali Birgjendi*, Mons Pîstûn est in Regione *جبل* Montanâ, (seu, ut Lex. Geogr. dicit, in *Irâc-âgjam*, i. e. Hyrcaniâ seu Partibiâ;) & ad ejus cacumen ascendere nequit. Deinde addit; In Dorso Montis est Spelunca, in quâ est fons aquæ: & ibidem sunt Statuæ *خسرو و شیرین* Cofrav & Shîrîn, seu Cofrois & Dulcibella, ut exponi possit, Figurâ humanâ.

P R Æ F A T I O.

cat Colascione, Polonicè *Kopza*, i. q. *Turcicum* *كوبز* *Kopiz*, & *Ara-*
bicum *عود* *Oûd*, & *Persicum* *شش* *Sbeshtâ*, seu, ut *Turcæ* sonant, *چشده*
Tebeshda. Si rectè memini, in *Babulidis Exemplari Cantabrigiensi*,
Oud aliàs *Calamo* (ut apud *Syros*) depingitur in triquetrà formâ ut
Cithara. Aded incerta est tam Veterum quàm Recentiorum *Res mu-*
sica. Sed ad Defensionem properandum est: nam, secundùm quos-
dam, benè faciendi Studium nil juvat, si in paucis aliquibus Punctulis
subinde erretur, quod evitâsse plusquam humanum est.

Celeberrimus ille *Camîsi* Autor *Phiruzabadius*, pro grandi suo Opere
Apologiam attexens, in suâ Præfatione addit; *محل النسيان* *Homo est Locus Oblivionis*, cum sanè *primus*
Obliviscens fuit primus Homo. Cum itaque humanum sit oblivisci &
errare, humanum quoque esse debet errantibus & obliviscentibus ig-
noscere. Doctissimus *Shabristanius* in Opere suo *de Religionibus Ori-*
entalium & Opinionibus Philosophorum Græcorum, *Librum suum* (can-
didi Lectoris Judicio submittens) sic claudit; *هنا ما وجدته من مقالات*
اهل العلم ونقلته علي ما وجدته فمن صادف فيه خللا في النقل
Hoc est quod *فصلحه اصلح الله عز وجل حاله وسدد اقواله وافعاله*
inveni in Scriptis Virorum doctorum, illudque [ex eis] transfuli secun-
dum id quod inveni. Quicumque in eo offenderit aliquem in Translatione
Defectum, eumque emendaverit, sanè Deus Opt. Max. ipsius Conditionem
emendare, & in illius Dictis & Factis biantes Rimas explere dignetur.
Quod quidem tam ipsius Dictum quàm illius Votum, jam meum esse
volo voveoque. Nos enim non sumus à communi Mortalium Fato
exempti: nam quoad præsens Opus, sumus satis conscii Imperfecti-
onum ejus, præ eo quod optaveramus: pro quibus itaque Defectibus,
benigni Lectoris Veniam & Ignoscentiam petimus; precantes, ut si
fortè quædam in eo bona & utilia sint, ea malis & inutilibus præpon-
derare, & pro eis compensare censeantur.

Sunt autem alius Lectores & Censores, quibus placere
nec datur, nec à nobis studetur; qui aliorum quovis Lapsus aut
Defectus censoriâ Virgulâ notando, eosdem, quantum possunt, pub-
licè exponere & propalare student. Si offendunt aliquam incautam
Phrasin,

P R Æ F A T I O.

Phrafin, quæ à currente Calamo fortè exciderit, aut alium aliquem, vel Typographi, vel Autoris, Defectum, inter *Paroramata* numerandum, de eo statim Triumphos agunt, tanquam de repertis aliquibus Theauris absconditis, aut reportatis Spoliis. Pro tali Delicto (illis iudicibus) nulla est Compensatio: si mille utilia & mille Thesauros eis aperueris, non satisfacit, sed talis dictus Defectus his omnibus præponderat. Isti, suæ Sortis immemores, Nodum in Scirpto quærere satagunt, & Gloriam sibi aucupantur, aliena Opera fugillando; quosvis Libros rimantes, non ut aliquid boni inde capiant, sed ut Mendas carpant. *Orientales populi* credunt se habere *Averruncum*, seu *Amuletum*, contra maligni Oculi Aspectum, quem رخم چشم *Zâchmi Tchešbm*, *Ictum*, seu *Fascinum*, Oculi vocant *Perfæ*. Utinam & nos haberemus ejusmodi *Amuletum* contra tales nostri Laboris Inspectores, qui dum post Salices latent, alios pro libitu vellicare & pungere non dubitant. Contra hujusmodi Homines (sumptâ Similitudine ab Apibus,) præcavet, & Sententiam suam vibrat celeberrimus *Perſa*;

دربور درشتی و بی مروت را گوی *Asperæ & incivili dicas Api,*
باری جو عسل نمی دهی دیش مری *Quando Mel non facis, pungere quæque definas.*

Isti itaque amicè monendi sunt, ut vel à Censuris & Diſteris abſtineant, vel edant ſua: aliàs enim, de eis non erimus multum ſoliciti. Nam ſolis Bonis & Probis placuiſſe ſufficit. *Vale.*

I N D E X

S C U L P T U R A R U M.

- I. **E**X *Gemmarum Sculpturis* varii *Iconismi Mithræ*, seu *Solis in Tauro*, secundum *Mithriacos*, cum adjunctis *Symbolicis*: quales passim in *Matmoribus Romæ* visuntur. Horum autem tres ex *D. Gronovio* desumpsimus, & unum ex *L. Augustino*. *Ad pag. 111.*
- II. *Sol in Tauro*, secundum *Vulgus* in *Oriente*, ex *Nummis Mogulensibus*. Item, *Sagittarius Persicus* genuflexus (311,) seu *Darius jaculaturus*, prout in *Nummo Darico* apud *D. Spanhemium* cernitur. Item, (ex veteri *Nummo Æneo* in *Bibl. Bodl.*) *Caput Togrulbeghi* (210,) prout *Arabibus & Persis* sonatur, vel aliàs simpliciter *Togrul*, vel *Togril*, Græcis *Tangrolipix*, seu *Strangolipes*, Turcis & Tataris *Tongrulbegh*, seu potius *Dongrulbegh*, vel simpliciter *Tongrul*, seu *Dongrul*, appellatur, *Falconem* significans: tot *Modis* pronuntiatur. *Ad pag. 113.*
- III. *Effigies Aglibaal & Malachbaal*, qui *Phenicum & Palmyrenorum Deitates*, unâ cum *Sole Idios*, ex *D. Sponio*. Addito etiam *Sole* sub *Formâ Coni* culto, (qui *Môis* seu *ignitum Saxum* dicebatur,) atque sub *Formâ Disci*, qui erat *Sol Longurioni* impositus. *Ad pag. 114.*
- IV. *Variæ Sculpturæ Vestæ* ex *Nummis Romanis* desumptæ. *Ad pag. 143.*
- V. *Cbinensia Astronomica* in amplâ *Tabulâ* exhibente *Sinica Nomina* ad *Annum Sinico-Tataricum* spectantia; cum aliis itidem *Astronomicis*, quæ omnia nobis accuratè scripta reliquit *Amicus noster D. Michael Sbin Fo-cungb* nativus *Cbinensis*. *Ad pag. 217.*
- VI. *Antiquus Rex Persicus Deum adoratarus*, stans coram *Sole & Igne*, cujus *Anima* *Nube involuta* (*Incuncula* seu *Reguli Formâ*) quasi ad *Cælum* ascensura cernitur: ex *Numero ejusmodi veterum Regum* qui sunt in *Mausoléo Persépolitano* ad *Orientem* *ῥῆς Ιστάβρ*. Quin & apud *Cbilmanâr* est unus *Rex* (quasi ad *Deum oraturus*, coram dictis *Emblematibus* sacris, cum *Animâ* etiam supernè avolante,) *Genubus innixus*, & simul applicatis *Manibus*, sursum elevatis, ad *Cælum* aspiciens & anhelans: eum autem non dedimus. *Cyrus Pasargadis*: alii alibi sepulti. Recentiorum *Regum Mausolæum* est apud *Ardebâl* *Urbem* sacram. *Ad pag. 307.*
- VII. *Dodo Avis*. Et *Officinarum Ben* (p. 537) tam album quàm rubrum. Item, *Ramusculus Arboris Cberzebræ* (339) ex *D. Thevenoto*. *Ad pag. 316.*
- VIII. *Veterum Persarum* seu *Magorum Templum Ignis*, exeunte per *Acroteria* (vulgò *las Cupolas*) *Fumo*; ubi *Ignis* in *mediano Sacello*, seu *Septo*, immunis servatur à *Solaribus radiis*, quos per *Fenestellas* in illum splendiisse nefas. Ex *Autorum Descriptionibus*. *Ad pag. 359.*

- IX. Magorum *Sacerdos* ministrans, seu Officium Precum ex Libro *Zenda-vestâ* recitans, *et Sûdra* indutus, & *Cingulo quadrinodi* cinctus, *Virgarum Fasciculum* Manu tenens : atqui (ne deformaretur *Figura*,) relicto Ore detecto, quod inter ministrandum velari debuerat. Ex Autorum Descriptionibus. *Ad pag. 375.*
- X. *Pbraates*, seu *Pbraortes*, Parthorum Rex, qui *Magos* ad Dominum & Salvatorem nostrum CHRISTUM agnoscendum & adorandum legavit : unâ cum Milite *Partbico*, & Corona *Partbica*. Ex veteribus Nummis. *Ad pag. 384.*
- XI. Signi Cœlestis *Geminorum* (ex nostrâ Sententiâ) tria paria, sc. Pecorum *Gemelli vitulini*, Pecudum *Gemelli agnini*, atque *bœdini*, ut utrum horum mavis accipias, & in emendatiorem Globum inferas. *Ad pag. 397.*
- XII. Ex Mythologiâ, ad Rem illustrandum, datur (hodiernâ Figurâ veterum Analogiam æmulante) *Persica* seu *Chaldaica Virgo spicilega*, à Symbolo vulgò synecdochicè nominata *Chaldeis* *Σίχων*, i. e. *Spica*, *Persis* *Σύμβουλα*, *Græcis* *Στάχυς*, unde corruptum Nomen dederunt *Albumasaris* Scribæ. *Ad pag. 399.*
- XIII. Magorum *Conditoria* duo. Item (338) *Focile Brachii* cum *Focili Arundineo* collatum. *Ad pag. 415.*
- XIV. Inscriptiones *Persopolitane* & *Palmyrene* inter se & cum variis aliis Linguis collatæ, atque cum *Alphabeto Naturali* in MS. *Arabico* reperto, & cum eo *Magicorum* quod *Scriptura Diaboli* vulgò audit, ex MS. *Persico*. Ex his novum aliquid statuitur, & omnibus hætenus factis Conjecturis occurritur. *Ad pag. 547.*
- XV. Specimen benè exaratæ Scripturæ *Tatarorum Mogulensium* supra Murum *Cbinensem*, qui hodiè *Chinam* regunt. *Ad pag. 551.*
- XVI. Specimen Scripturæ *Mendæorum* seu *Nabatæorum* qui (veterum *Affyrorum* Soboles) *Chaldeam* hodiè incolunt ; *Lingua* & *Alphabeto Syriacis*, sed valdè corruptis, utentes. *Ad pag. 551.*
- XVII. Specimen nitidæ Scripturæ *Tatarorum de Boutan*, sc. tale Diploma quod vocari solet *un Pasport*, seu *Salviconductus Literæ*, subscriptæ *Sigillo* atramentario continente Nomen Principis dictorum *Tatarorum*, Literis Majusculis, quod visu rarius. *Inter pag. 551. 552.*
- XVIII. Specimen ex Initio eleganter scripti Libri *Tatarorum* *et Katâ* & *et Oighâr*, (vulgò *Châtâ*, seu *Cbitâ*, & *Jougour*,) qui in Globis nostris ponuntur *Sinis* proximi, quâ Parte ab *Arctozephyro* flatur. Hujus etiam Principium exhibet Majusculas horum *Tatarorum* Literas. *Ad pag. 552.*

For the Book-Binder.

When two Sculptures are upon the same Plate, divided by a Line of Points, the Book-Binder must cut them asunder, and put them to their respective Pages or Places noted at the upper Corners of the Plates.

M O N I T I O

A D

L E C T O R E M.

MOX sequentur omnium *Capitum Contenta* seu *Argumenta*, eaque plerumque iusto breviora: ne aliàs, singularum Rerum Recapitulatione in nimiam Molem excrecente & tumefcente, hoc Modo, ex isto Libro alius Libellus exurgeret, quod in tantâ Subscriptionum Deficientiâ erat incommodum. Sed hoc fortè parùm referat, cùm haud multos in *nudis Argumentis* (tamquam in *Lumine*) diu immorari, sed potius in *ipsam Domum* ingredi velle, speretur.

C A P. I.

Persarum Distinctio in Veteres & Moderniores. Gens modernior an simplex, vel ex quibus aliis conflata & composita? Persarum & Medorum Nomen (quia ambo olim sub eodem Imperio) apud Historicos sæpè promiscuè & indistinctè usurpatum. [Exempla videas tam apud Brissonium & alios, quàm apud Rualdum in Animadversione Latinâ ad Plutarchum in Calce Tomi primi Operum Plutarchi.] Religionis Persarum Status triplex. An veteres ab Initio habuerint veri Dei Notitiam, & eandem semper retinuerint? An fuerint Sabaitæ seu Sabii? Religionem suam, quatenus Dei Unitatem agnoscit, acceptam referunt Abrahamo. Cultus divinus datus soli Deo, at Mithræ & Igni Cultus civilis: contrarium affirmantes falluntur Autores. Sacerdotum eorum ad hoc responsum. Mithra ab eis nunquam vocatus Deus, uti nec Ignis: nec necessitatum Petitiones eis unquam exhibitæ. Qualia Sacra his sunt. Judæorum Sententia de Prostratione, &c. Quales Ritus à Judæis acceperint, aut in quibus cum eis convenerint. Nam Zoroastres non fuit ignarus Veteris Testamenti, nec à Judæorum Conversatione alienus. Zoroastres in Religione Reformator, & in eâdem Legislato, ut ante eum fuit Poreodekêshangh, & post eum Erdavirâph. Ve-

CAPITUM CONTENTA SEU ARGUMENTA.

terum Persarum recta in Deum Fides & antiquissima Ecclesia (quod de nullâ aliâ [Gente,] exceptâ Judaicâ, dici potest,) fermè ab ipso Diluvio, à Shemo & primis Patriarchis post-diluvianis derivata, hac usque continuatur. Et, etiamsi Sabaismi & Pyrodulix (non autem Pyrolatriæ) Nugas miscuerint, ii tamen devoti Cultores Dei semper fuerunt; quamvis à Mobammedanis & aliis Calumnias passi fuerint. Qualis Color in Vestibus & Rebus aliis ab eis æstimatur. Veteres Persæ valdè pii & boni Homines. Ubi Locorum habitant, & quomodo ab aliis habiti. Quo Tempore Persarum Imperium dissolutum fuit & finitum, & Migratio facta in Indiam. Pleraque in hoc Opere ex genuinis eorum Monumentis extracta sunt, & secundum eorum Tenorem dicta. Zoroastris Opera nondum Europæis perspecta: ea quantivis Pretii redimenda: qualis Doctrina in Genere ex eis expectanda. Ad Zoroastrianos Libros ex Oriente comparandum præparatoria biennalis Opera necessariis Sumptibus acceleranda, ut postea Zoroastrianorum Editio sequatur; ne, ex nimia Tardatione, talis vel comparandi vel edendi Occasio prorsus intercidat. Qualis sit Magistinus orthodoxus, & qualis hæreticus. Quot sunt in eo Sectæ, & quot in Christianismo, & quot in Mobammedismo. Quid de his & de illis sentiendum. Liber SADER est Breviarium, seu Compendium, ex Zoroastris Libris Theologicis, à docto quodam Sacerdote olim in Usum vulgi extractum.

C A P. II.

Veteris Religionis Persicæ Nomen: & quomodo suam esse eam Abrahami jactitant. Quâ Occasione datur nova Vitæ Abrahami Historia: ubi de verâ ejus Religione Disquisitio, & Persicæ Religionis cum eâ Collatio. Persicæ Religionis Liber à Zoroastre conscriptus, vocatur Sohî Ibrahim, i. e. Codex Abrahami; quia Zoroastres Religionem Abrahami tradidit Persis. Abrahami per totum Orbem Fama apud Paganos. Quot Gentes se ab eo denominârunt, eum ut Patronum sibi adscriverunt, & se illius Religionem habere prætenderunt. Quam variè & malè apud eos interpretatum fuit ejus Exemplum in offerendo Isaacum. Nominis Abrahami Formulæ diminutivæ apud Arabes. Is fuit Sacerdos, atque Propbeta, & ab omnibus sic creditus. Magnus Princeps fuit, & à Persis aliquando vocatus Rex. Quomodo in authentico Turcarum Catechismo, Turcicè conscripto, docetur quid post Mortem respondendum sit de Religione Abrahami.

CAPITUM CONTENTA seu ARGUMENTA.

Abrahami. *Fabulosum apud Arabes quoddam Abraham extruxerit Caabam, &c. Quale fuit Terachi Nomen Ethnicum apud Orientales. Eiusdem Nominis Occasione agitur de Martio Mense, & de Initio Anni apud veteres: ubi Chaldaica quaedam Nomina explicantur, novâ Luce ab Oriente derivatâ. Abrahami Nativitas, quo Anno. Abraham natus in Cûtha: vixit Tempore Nini, qui Nimrod, cujus male parta baud diu durârunt. Res Chronologica tractatur, fusè. Nini Successores. Belus fuit Cûth, in Babyloniorum Dialecto dictus Cûth, ex Orientalium Sententiâ. Cûthi & Cushitarum Sedes, ex Arabum & Persarum Historiis. Unus tantum Cûth in S. Bibliis. Cûth nunquam notat Æthiopiam: at cur sic exponatur in Græco; quod fecit, ut alius Cûth à quibusdam excogitetur & supponatur, sed sine fundamine. Locus Biblicus de Egressione Nimrodi in Assyriam, exponitur fusè: & quot Urbes is extruxerit. Non Zoroastres, sed Oxyartes fuit Bactriæ Rex. Quale fuit Nomen Oxyartes: unde alia quaedam Persica Nomina Biblica Lucem fânerantur. Quamdiu Abraham mansit in Haran. Harani Fratris Abrahami Mors, qualis. Abrahami Transitus in Canaan. Abrahami Bellum cum Chedorlaomer Persarum & vicinarum Gentium Monarchâ. Idololatria Tempore Eber inchoata, & eadem stabilita Tempore Sarugh. Exponitur quales fuerint Benè Eber. An Lingua Hebraïca ab Eber, vel ab Ibri, prelixi: ubi de Eberi Sede & Religione. Multis exponitur & restituitur Locus Biblicus depravatus Num. xxiv. 24, de Eber & de Navibus Chittim. Abraham in Ethnicismus natus: quo modo, & quo Ætatis Anno conversus, ex Orientalium Traditione. Abrahami Contentio cum Idololatriis: ejusque Incarceratio per aliquot Annos, ex Textu Talmudis. De Urbe Ur, seu Urchoë, ubi vixit Abraham: & de Cognomine Urbe Urhoi, ubi etiam diversatus est Abraham. De Chesed & Chasdaïs, inter quos non fuit Abraham: id in S. Bibliis proleptice dictum. Qualia habuit Abraham, apud Persas veteres, Nomina antiquissima. De Saræ Nomine Ethnico. De Morte Abrahami & Saræ.*

C A P. III.

Disquiritur quenam qualisque fuerit Veterum Persarum Religio, & quatenus cum eâ Abrahami olim convenerit, vel hodie conveniat: ubi etiam de Persarum & aliorum Sabaismo.

C A P.

CAPITUM CONTENTA SEU ARGUMENTA.

C A P. IV.

Mithræ apud Persas Cultum non esse Adorationem divinam, non obstantibus eis quæ Græci & Latini & alii in bujus contrarium dixerunt. Persarum Sacerdotes id expressè negant, affirmantes se solum Deum adorare. De Mithræ Antro, &c.

C A P. V.

Peculiare Caput (per Modum Digressionis) in quo strictim agitur de sequioribus Sabaitis, seu Sabiis, sc. de Sabaismo & Idololatriâ Gentilium Nationum, quæ sub Influentiis Planetarum formabant Imagines adorandas, unde Ortum habuit Idololatria, uti & à Magnatum Statuis; ut Leclori innotescat inter utrumque Sabiorum Genus Differentia. Ubi de ratione Denominationis Dierum Septimanæ.

C A P. VI.

De Persarum custodia Aquæ, simul & Ignis, cum variis Observationibus.

C A P. VII.

De Vestâ Romanorum & Græcorum.

C A P. VIII.

De Vestâ Persarum, seu de Ignis Custodiâ apud Sacerdotes Magos. De antiquis Pyreis ante Zoroastrem. Et Manugjabri Regis Oratio pia, &c.

C A P. IX.

Persarum primitiva Principia duo; unum æternum, alterum creatum; cum utriusque Nominibus. Hæc Zerdusht vocavit Lucem & Tenebras, intelligendo Deum & Diabolum. Opiniones de Deo. Creatio Mundi in VI Temporibus, cum eorum Nominibus & Descriptionibus. Solennis eorundem Observatio strictè Persis injuncta, in Memoriam Operum Dei.

C A P.

CAPITUM CONTENTA SEU ARGUMENTA.

C A P. X.

Quid Persæ credunt de humani Generis Origine, & de Diluvio, & de quibusdam aliis Rebus antiquis. De Fictitiis Paradisis terrestribus. De Mose & de Salomone. Persarum Religio in multis convenit cum Judaicâ, &, magnâ ex Parte, ab eâ fuit desumpta.

C A P. XI.

Nomina & Attributa Dei apud veteres Persas, Scripturâ veteri Perso-Medo-Parthicâ.

C A P. XII.

Nomina & Epitheta Angelorum, Scripturâ veteri Perso-Medo-Parthicâ.

C A P. XIII.

Nomina & Epitheta Diaboli, Scripturâ veteri Perso-Medo-Parthicâ.

C A P. XIV.

De Veterum Persarum Anno & Epochis variis.

C A P. XV.

Menſum Ordo antiquiſſimus ab initio Martii, Scripturâ veteri. Menſes Gjelaſei. Perſo-Medici Menſis Dies, cum V Appendicibus Scripturâ recentiore; & rursus Scripturâ veteri Perſo-Medo-Parthicâ.

C A P. XVI.

Menſes Melikæi Yezdegerdici, (qui jam primò Europam vident,) cum ſuis V Appendicibus.

C A P. XVII.

De Annis & Epochis in genere: & de Anno Perſico in particulari.

C A P.

CAPITUM CONTENTA SEU ARGUMENTA.

C A P. XVIII.

De Anno seu Epochâ τῆς Katá & τῆς Oigbúr.

C A P. XIX.

Explicatio Nominum Angelorum singulorum Mensum: ubi de dictorum Angelorum Officiis & Præfecturis. Item de Sabbatis, & præcipuis Magorum Festis, & Diebus solennioribus. De Diebus faustis & infaustis, & quid in singulis agendum aut evitandum. In his omnibus, multi eorum religiosi Ritus & Cæremoniæ explicantur, & veteres Consuetudines illustrantur: ex quibus, qualis fuerit hujus Populi Genius & Indoles elucescit. De Festis Appendicum, & Parentalium, &c.

C A P. XX.

Explicatio Nominum reliquorum Angelorum & Dierum Mensis, qui in præcedentibus omittebantur. De Gabriele, & Michael, &c. Et de Regionum Angelis.

C A P. XXI.

De veterum Persarum Legislatoribus. De Ecclesiæ primitivæ & orthodoxæ Religionis Statu: atque de Hæreticis, & eorum Hæresibus ac Sectis; ubi de Manete, Mazdek, & aliis.

C A P. XXII.

Persarum Opiniones primitivæ (æque hætenus continuatæ,) de Religionis suæ Principiis, seu Articulis primis, ex Damascio, & Plutarcho, & Shabristanio, atque ab Indo-Persis.

C A P. XXIII.

Vitæ Gushtaspis seu Darii Hyllaspis Breviarium.

C A P. XXIV.

Zerduшти seu Zoroastri Vita.

C A P.

CAPITUM CONTENTA SEU ARGUMENTA.

C A P. XXV.

Operum Zerdushti generale Nomen explicatum.

C A P. XXVI.

De Zerdushti peculiaribus Libris, & de Lingua ac Literis quibus scripti sunt.

C A P. XXVII.

De Natura Ignis, & de generali Ratione Custodiæ ejusdem, &c. Quo Signo Persæ ad Sacra convocari solent, & quid faciunt in Ecclesiis.

C A P. XXVIII.

De Magorum Sacerdotio & Hierarchiâ, florente olim eorum Ecclesiâ, & quoque hodie.

C A P. XXIX.

De Igne ejusque Nominibus. De Pyreis seu Templis Ignis, & quomodo se ibi gerunt Magi. De Improperiis seu Nominibus Vituperii quibus Mohammedani (& ante eos alii) istum Populum appellant, & per invidiam notant: & de Nominibus quibus, inter se, iste Populus suos compellare solet.

C A P. XXX.

Ordinum Sacerdotum Nomina & Distinctiones: & Sacerdotum Habitus.

C A P. XXXI.

De Persarum Magis in genere, & quales fuerint ejusmodi Sapientes: præsertim de Christi Magis, à quonam Rege in Palesinam legati fuerint, & cur Deus tanto Favore dignatus est Persas præ aliis Gentibus, &c. Prophetia de Messia per Zoroastrem & Gjamaspem, &c.

c

C A P.

CAPITUM CONTENTA SEU ARGUMENTA.

C A P. XXXII.

Ex Orientali Mythologia unius Σελήνης Origo, reliquarum Explosio. Apud Chaldaeos & Phœnices, Virginis Cœlestis Signum Synecdochicè & testè notari solebat sui Symbolo, Σελήνη seu Spicâ, quo Nomine subinde intelligebatur totus Asterismus. Unde Docti & Sacerdotes, Mythologiæ Cusores, de Cœlesti & Miraculosâ Virgine Vaticinatrice, pro Ingenii sui Specimine, mira finxerunt & credulo Vulgo obtruserunt, ut in cæteris solent facere : adeo ut, tandem Mos esset cuilibet Insanienti Virgini se Vaticinatricem prætere. Quâ etiam Occasione, de Phœnice agitur, atque Zodiacalium Signorum Origo Græcorum Fictionibus antecessisse statuitur. De illis & aliis Astris videri possunt Notæ nostræ ad Ulugh-Beighum Persico-Latinum.

C A P. XXXIII.

Veterum Persarum Fidei Summa : quæ tamen pleniùs petatur ex subsequente Libro Sad-der. Quid credant de Deo & ejus Attributis ; quòd sit Omnipotens & Æternus, sine Quantitate & sine Qualitate, &c. De Ponte Judiciali, & de Beatorum & Miserorum Statu.

C A P. XXXIV.

De Nuptiis : de Baptismo seu Lotione : atque de Sepulturis.

C A P. XXXV.

De Persicæ & Persarum Nominibus : & de Modernâ atque Veteri Linguâ Persicâ, ejusque Dialectis : sc. de Persiâ, Partibiâ, Mediâ, & de harum Regionum Linguis & Dialectis.

Pro

Pro hujus Operis Coronide, est *Appendix* continens aliquot Dissertationes, quarum SYLLABUS heic datur.

- I. De *Calbiis*, *Durziis*, seu *Duráziis*, *Homeidiis*, *Tezidaïs*, &c. Incolis Montis *Libani* & *Gordyææ*, deque eorum Religione & Ritibus detestandis. *Pag.* 515.
- II. De *Bactriæ* Situ & Nominibus antiquis, tam apud *Græcos*, quàm apud *Orientales*. *pag.* 524.
- III. De *Magnete*, an in *Jovis Ammoniaci* Oraculo? *pag.* 526.
- IV. De *Medicâ*, seu *Pabulo Medico*, sive *Trifolio Cochleato*, cum ejus Speciebus (quæ apud *Rovillium* sunt tres,) & Nominibus *Arabîcis*, *Syriacis*, *Medicis* seu *Persicis*, & *Turcicis*. *pag.* 527.
- V. De Insulâ *Java*, ejusque præcipuâ Urbe *Bantan*, vulgò *Bantam*: deque harum Nominibus, tam apud *Græcos*, quàm apud *Orientales*; ubi *Ptolemæus* illustratur. *pag.* 528.
- VI. Compendium Vitæ Celeberrimi Astronomi *Omar Cheiyâm*, Anni *Persici* Reformatoris. *pag.* 529.
- VII. De Anno *ṛḡ Kata* & *ṛḡ Oigbûr*, i. e. *Sinico* & *Tatarico*; ubi taxatur quorundam Missionariorum Incuria & *Anaxiplogia*, tam in dicti Anni Initio statuendo, quàm in ejusdem Formam describendo, in quibus (ut & in quibusdam aliis Rebus *Orientalibus*) ab eis erratur. *pag.* 531.
- VIII. De Plantâ & Radice *Ben*, seu *Béhman*, duplici, *Syriacâ* & *Persicâ*, fusé. *pag.* 536.
- IX. De vera Orientali Herbâ *Ribâs*, fusé: ubi etiam *Europæorum* Frutex *Ribes*, seu *Pseudo-Ribes*, consideratur. *pag.* 540.

- X. Inscriptionum *Persopolitanarum & Palmyrenarum* inter se & cum aliis Collatio, sc. cum Sculpturâ *Armenicâ & Georgianâ*; & cum *Alphabeto Magico, & Alphabeto Naturali*. p. 546.
Et, conferendi gratiâ, subjiciuntur sequentia Specimina: scilicet Specimen Scripturæ *Mogolo-Tataricæ*. pag. 551.
Scriptura Tatarorum de *Boutan*, & Tatarorum *Kytæorum*, & *Nabatæorum* seu *Mendæorum*. pag. 554.
- XI. Ex *Elmacino, Arabe Christiano*, Spuria, & aliâs inaudita, quædam de *Zarâdusht* seu *Zoroastre*. pag. 558.
- XII. Tria Magorum Genera, & Eorum Regulæ seu Præcepta, ex *H. Lordio*. pag. 560.
- XIII. De *Pasargadis*, & de *Artaxerxis Mnemonis* Coronatione ibidem factâ. pag. 563.
- XIV. *Tavernieri* Relatio de *Gavris*, & in eam Animadversa. pag. 565.
- XV. De *Ecbatamis*, tam *Syrarum*, quàm *Medorum*. pag. 576.
- XVI. Ex *H. Lordio* Notata quædam, & in eum Animadversa. pag. 576.

LECTORI

LECTORI BENEVOLO.

DE Natura & Præstantia hujus Operis celeberrimi de *Religione Veterum Persarum*, quidquam dicere supervacaneum erit. Quid igitur in hac secunda Editione expectandum, paucis accipe.

Interpunctionem, commodius, ut speramus, refinxi-
mus. Menda quædam leviora, sed manifesta, sustulimus.
Sententias quasdam, uncis olim inclusas, sed Lectionem
turbantes, ad imam Paginæ Oram rejecimus. Curas
Auctoris secundas suis Locis inferendas interposuimus. Sed
de propriis quidquam addere, vel *Hydianis* detrahere, om-
nino Religio fuit.

Inter Tabulas Æri incisas, quas Autor Cl. post se re-
liquit, unam *Cbiniensis Arithmeticæ* Notas continentem
invenimus, & hic adjecimus.

Alteram Regum *Medorum & Persicorum*, ut videntur,
Nummos complectentem, Vir Dignissimus & Ornatissi-
mus, *Matt. Duane*, pro suo erga has Literas Amore, no-
biscum humanissimè communicavit. Quorum vero sint
Regum, & quando, vel ubi cusi, non est Sententiam
nostram interponere. Doctis, suum cuique Judicium in-
tegrum esto.

Ne quid denique huic Editioni deesset, Alphabetum
Vetus Persicum, Auctoris nostri propria Manu descriptum,
hic adjunximus.

Restat,

Restat, ut plurimas maximasque Gratias agamus Sere-
nissimo Regi GEORGIO II. bonarum omnium Literarum
Patrono, pro Ufu *Typorum Metallicorum* Veteris Linguae
Persicae, & *Codicum* quorundum rarissimorum, tam Anti-
quâ, quam hodiernâ Linguâ *Persicâ* conscriptorum; sine
quibus hæc Editio minimè fuscipi, nedum perfici potuit.
Nec minora grati Animi testimonia debentur eximiis il-
lustribusque Viris, *Musæi Britannici* Curatoribus, qui,
postquam, Optimi ejusdem Principis Munificentia, pre-
tiosa hæc Supellex ex *Bibliothecâ Regiâ* in eorum posses-
sionem transierat, ulteriorem ejus Usus benignè nobis &
perhumaniter indulserunt^a. Cùmque doctissimus Auctor
Lexicon celeberrimum, *فرهنگ جهانگیری* *Pbarangh Gji-
bângbîri*, sæpe citat, cujus posteriorem Partem, dictam
خاتما *Cbâtima*, seu *Appendicem*, nobis deesse multum
queritur, eamque ex *Indiâ Orientali* quovis pretio con-
quirendam enixè commendat^b; sciendum est, hunc ip-
sum *Appendicem* jam nostrum factum esse, quippe quem,
cum ingenti aliorum Codd. MSS. *Persicorum* Thesauro,
Vir. Cl. & Linguae *Persicae* scientissimus, *Jacobus Fraser*,
Mercator, apud ipsos *Indos Orientales*, paucis abhinc an-
nis, magno ære comparaverat: quos deinde universos ab
ejusdem Hæredibus, Viri Cl. & Munificentissimi, supremi
Johannis Radclivii M. D. Testamenti Curatores rede-

^a Nimirum, hic est ille ipse egregius Codd. MSS. & *Typorum Metallicorum* Apparatus, quem
sibi, conferendæ atque imprimendæ hujus *Historiæ* gratiâ, magno pretio, & multo labore
comparavit Auctor eruditissimus; à cujus deinde Hæredibus redemptus est à Regiâ Pientissimâ
ANNA f. m. & in *Bibliothecâ Regiâ* repositus; unde, post multos annos, Munere Optimi &
Beneficentissimi Regis GEORGII II. in *Museum Britannicum* est translatus. Quin & *Tabulae
Æneæ* (ut id obiter notemus) eadem quoque sunt, quas sibi insculpi fecit, quibusque usus est
ipse *Hænius*; quippe quas Academia, cum jam novam hanc Editionem meditaretur, ab ejus
Familia coemit.

^b Pag. 435.

merunt,

merunt, & *Bibliothecæ Radclivianæ*, pro summâ suâ erga hanc Academiam Benevolentiam, dono dederunt. Imò duo desideratissimi hujus *Appendicis* Exemplaria in hac *Collectione* inveniuntur; unum ipsi Lexico subjunctum, alterum seorsim parvulo volumine compactum. Ex quibus omnibus MSS. tam *Frazerianis*, quam *Hydianis* (seu iis qui jam ad *Musæum Britannicum* pertinent) siquæ Variantes Lectiones & Emendationes huc accesserint, eas Viro Cl. *Thomæ Hunt* S.T.P. & Linguarum *Orientalium* Professori Doctissimo deberi scias. Ejus Hortatu hæc Editio suscepta est, & Consiliis ad Finem perducta. Vale.

Ex Aula S^{ti} Albani,
Prid. Cal. Octob.
A. D. M.DCCLX.

G. COSTARD.

E R R A T A.

Pag. 7. line 29. *lege* קרה. p. 8. l. 14. *l.* בכריעה. p. 17. l. 28. post
 ו addde ٧٤, quæ vox defuit etiam in primâ Editione. p. 18. l. 2.
l. ٧٤. p. 24. l. 7. *l.* وظيفه. p. 39. l. 7. pro يون hic &
 alibi passim *l.* يون: Et sic pro يون, quod statim sequitur, *l.* يون.
 p. 42. l. 1. *l.* وتناولتى. p. 66. l. 14. *l.* نرندل-آورد. p. 90. l. 17.
 وگفتى. p. 95. ad Calc. pro XVI *l.* XIII. p. 122. l. 23. *l.* وگفتى.
 p. 127. l. 36. *l.* الفلاحه. p. 164. l. 31. post vocem *præcedente*,
adde hanc notam in margine; Huic conjecturæ favet Exemplar Lexici
Pb. Gj. Fraferianum, quod habet کوشمار حکيم in voce گاهنبارها.
 p. 191. l. 4. post vocem *Sororibus*, *adde* hanc notam in margine;
 Capite 41. hujus Libri dicuntur پنج دخترها seu *Quinque Puel-*
lae seu Virgines. p. 226. l. 3. *l.* مغولاجين. p. 236. — 240. l. 1.
 pro 18 *l.* 19. p. 239. ad Calc. *l.* Zevarin. p. 251. l. 5. *l.* ار آنجا.
 p. 265. l. 7. pro ماراسغنى *l.* ماراسغنى. p. 266.
 l. 11. *l.* درين. p. 268. l. 24. *l.* چدرت. p. 270. ad Calc. *l.* فرشته.
 p. 314. l. 17. *l.* چوب. *ibid.* l. ult. *l.* دن ورشت. p. 316. l. 1.
l. سدبومان. p. 367. l. 12. *l.* feu. *ibid.* l. 27. *l.* دين. p. 381.
 l. 22. *l.* پادشاه. p. 382. l. 31. *l.* محمدا. *ibid.* ad Calc. *pro*
محامدا. l. محمدا. p. 383. l. 1. *l.* آندى. *ibid.* l. 3. *l.* محامدا.
ibid. l. 12. *l.* مالهذا. p. 391. l. 11. *l.* مشهور. p. 423. l. 30. *l.*
 محمدا. p. 427. l. 8. *l.* شادباخ *Shâdbâch.* p. 560. l. 34. *pro*
Herwood l. Herbood.

HISTORIA RELIGIONIS VETERUM PERSARUM EORUMQUE MAGORUM, &c.

CAP. I.

Argumentum primi Capituli, in quo (quasi pro Introductione) præmittuntur generaliora quædam Religionis veterum Persarum, quorum relictâ in Deum Fides & antiquissima Ecclesia (quod de ullâ aliâ in toto terrarum orbe Ecclesiâ & Gente, exceptâ sacrâ linâ Judaicâ, dici & monstrari nequit,) ab ipso Diluvio arcessitur huc usque continuata. Ex quamvis processu temporis, aliquas magas Sabaismi & Pyrodulie (non autem Pyrolatriæ) miscuerint, tamen devoti cultores Dei semper fuerunt omni ævo sine interruptione ad hoc usque tempus. Ea itaque Perficorum Magorum Ecclesia, à Græcis & Mohammedanis, veteres ejusdem Ritus ignorantibus, ejusque religiosos Libros non satis intelligentibus, invidiose & injuste Esbnicismi taxata est, quasi Persæ aliquid præter Deum divino cultu adoraverint, idve Deum vocaverint, quod nunquam fecerunt, nec hodie faciunt, erga verum Deum Zelotæ maximi.

PERSARUM Religionem & Ritus descripturus, ut à Lectore promptius intelligar, præmitto, Persas distinguendos esse in *Veteres*, eorumque Sobolem & seros Nepotes, qui antiquam Religionem & Disciplinam adhuc retinent; & in *Moderniores*; quæ Moderniorum Gens (ut & eorum Lingua) olim ex aliquot aliis conflata est, partim ex Alienigenis Saracenis & Tataris, præcipue verò ex aliquibus Indigenis Parthis & Medis & Veteribus Persis ad Islamisum desciscitentibus, præter Fœminas ex Georgiâ & aliis Regionibus raptim corrasas. Hæc dicimus, totius hodierni Imperii Incolas notando: nam alias antiquitus Persæ & Medi fuerunt prorsus distincti & immixti, nisi quòd Religione & Literis convenirent, & sub eodem Domino viverent.

Dicti Moderniores ii sunt qui hodie rerum potiuntur in Perside, profitentes Mohammedanismum, seu Religionem ferè eandem cum illâ Turcarum, de quâ *Turcicâ*, distinctum aliquem Tractatum non

A

ita

ita pridem edidimus. Illi autem de quorum Religione & Ritibus heic agitur, sunt *Vetustissimi Persæ*, quorum pura & immixta Soboles, hodie superstes inter Mohammedanos & alios (aut quasi seorsim) in Perside & Indiâ vivit, veterem suam Religionem & præcos mores colens, & antiquissimos Ritus usque ad hodiernum diem retinens, cum nullis nisi suis libenter edens aut bibens; & inter suos, tantum cum contribulibus nubens; cum alienigenis autem (quantum potest) in nullâ re, nisi in Mercaturâ, communicationem habens.

Istorum itaque Veterum Persarum eorûmq; Posterorum Religionem, ab initio repetendo, & ab illius Gentis primordiis arcessendo & perscrutando, compertum habemus, nullum esse dubium, quin Aborigines Gentis Medicæ & Persicæ Conditores, fuerint orthodoxi; prout Noachides Shem, à quo oriundi sunt, suam familiam & populares docuit, eosque cum primævâ simplicitate in veri Dei cultu & cognitione primò instituit. Nam piè credendum est, quòd Elam Persarum Pater, aut Avus, (Shemi filius moriger) post tam stupendam à Diluvio liberationem, paternam Religionem retinuerit, & in eadem firmiter perstiterit; & tantum erga se Divinæ Bonitatis Miraculum recente memoriâ habens, à Patre Shemo acceptam Doctrinam salutarem suis filiis & nepotibus instillaverit, illósque eadem probè imbuerit. Ita saltem benè initiati fuerunt Medi & Persæ: nam quia utriusque Gentis eadem semper fuit Religio, & hæc Nomina sæpè ab Autoribus promiscuè usurpentur, de his ambabus Gentibus, sub solo Persarum Nomine, in sequentibus dicturi sumus.

Sed ut hominum corrupta & depravata natura in pejorem partem semper vergit & propensior est, & paulatim in deteriora degenerat & prolabitur; sic & isti suam Religionem, quam primò intemperatam & immixtam servaverant, processu temporis deinde corruperunt & multis nugis interpolârunt, Dei notitiam cum plurimis Superstitionibus tenentes, & lucem cum tenebris commiscentes; tam bono auri & pretiosorum lapidum fundamento superstruentes *stramen & stipulam*, quæ in die distinctionis ignem probationis non fiant. Nam quamvis orthodoxiæ tunc jactum fundamentum non fuerit prorsus summotum, quin semper omni ævo veri Dei notitiam retinuerint; sequendo tamen *figmenta cordis sui & visum oculorum*, primæ Religioni orthodoxæ superaddiderunt Sabaismum, venerationem quandam (non quidem Divinam, sed tamen nimiam) tribuendo Stellis & Elementis. Et tandem sumpto exemplo ab Igne Altaris in Templo Dei, Persæ etiam didicerunt in suis Pyreis Ignem

servare

servare perennem, quem quamvis non cultu Divino adoraverint, nimis tamen superstitiosè habuerunt, & hodiè habent.

Veterum itaque Persarum Religio triplici respectu, secundum triplicem ejusdem statum, consideranda venit. Primò, quatenus primitivæ Doctrinæ sequaces, solius Dei veri & æterni cultores fuerint, ejus cognitionem veram & devotum cultum, quem à Protoparentibus Shem & Elam acceperant, immixtum retinentes. 2, Quatenus cum veri Dei cultu commiscuerunt Sabaismum, (seu partem Religionis illorum qui vulgò *Sabii*, seu *Zabii* audiunt,) Solem & Planetas (ut diximus) non quidem Divino cultu adorando, sed tamen nimiam reverentiam eis persolvendo. Hæc (ut nos vocamus) fuit *Interpolatio Sabaitica prima*. Atqui ad omnem sui temporis alienum cultum & Sabaismum opponendum & profligandum, pro virili allaboravit Abraham. Cùm itaque Persæ Religionem suam orthodoxam, quâ Dei Unitas asseritur & agnoscitur, à Protoparentibus Shem & Elam primò habuerint, eamque ab irreptitiis quibusdam corrupteliis postea repurgatam & reformatam, acceptam referant Abrahamo, (nam nisi reformata, Abrahami esse non potuit,) fas sit credere Abrahamum omnes eorum in Religione superfluitates & additiones superstitiosas sustulisse, easque nugas dedocuisse Persas: qui tamen, si ita fuit, easdem postea malo relapsu, (quæ *Interpolatio Sabaitica secunda*,) rursus arripuerunt & de novo resumpserunt, *redeuntes ut Canis ad vomitum & ut Sus lota ad volutabrium cani*. At in illis ipsis diebus (quamvis admistâ superstitione,) veri Dei cultores fuerunt, ab omni Iconolatriâ immunes; & postea tandem evaserunt vehementes Iconoclastæ, Idololatrica Græcorum Tempia vastantes; utpote qui putarent Deum, qui totum Mundum implet, inter angustos Templi parietes contineri & comprehendi non posse. Nulla igitur tunc Tempia habebant Persæ, ut notat Herodotus & alij, sed sua Sacra omnia sub Dio peragebant: nec ullas Imagines aut statuas adorabant, nec quævis Sculptilia, aut *χαρακτῆρας* faciebant, aut formabant: excepto quòd tandem declinante vetere Imperio Persico, solius Veneris Statuam, per aliquod tempus, quasi colendam servaverint, Templis & Sacerdotibus ei passim assignatis, Regis alicujus Persici jussu, ad id adducti & coacti, ut suo loco docebitur. Hoc autem planè hereticum fuit, & ab orthodoxo Magistro prorsus alienum. Nihilominus tamen Sacerdotes ad hoc assignati, jussis audientes, fuerunt contenti Reditibus, quamvis non crediderint illam esse Deam, nec Divinum cultum ei tribuerint; cùm eisdem tempo-

ribus Persæ omnes Deum Opt. Maximum verè agnoscerent & devotè colerent, in quo omnis eorum cultus fuit terminatus, & hodie terminatur. 3, Quatenus ad imitationem Ignis Altaris Hierosolymitani, Persæ talem in Arâ Ignem perennem servaverint, ut Græci & Romani & alii fecerunt. Hunc quidem Ignem æstimarunt valdè Sacrum, non autem ut Deum habuerunt; sed aliàs, orthodoxiam suam retinentes, *in ipsis Ignibus celebrarunt Jebovam*. Hoc modo Religione suâ planè abundando, prioribus illis Principiis superaddiderunt aliquam Pyrodulæ speciem, ad ineptas illas Ceremonias furiosè incensi & inflammati. Sed saniore & mitiore sensu hic accipimus *Pyroduliam*, ut distinguatur à *Pyrolatriâ*, quæ ad eos non pertinet. Quamvis verò superdictam originem, tam apud Persas, quàm apud alias Gentes habuerit Pyrodulia, talis tamen ejusdem origo, ex temporis diuturnitate, hodie fere ignoratur ab eis, propter talium Gentium *anacronismos*. Ideoque aliqui apud Persas sunt, qui à minùs remotâ origine eandem arcessunt, viz. à *Zoroastre*; minùs rectè: ille enim tantum eorum Pyroduliam de novo *reformavit*, & eandem ampliavit ac auxit. Sed quamvis aliqui sic credant, nos eam, ex alia autoritate, à remotioribus ante *Zoroastrem* temporibus ortam & petitam fuisse, in hujus Operis sequelâ probaturi sumus.

Quòd Persæ olim fuerint *Sabaïtæ*, seu *Sabii*, fidem facit *Ibn Phacreddîn Angjou* Persa in Libro *Pharbangh Gjibângbîrî* de Persis Shemi proneptibus loquens in Proœmio suo, *وكان دينهم الصابية ثم لم يجسوا وينوا بيموت الفهراني* *Illorum Religio tunc fuit Sabaismus: at tandem facti sunt Magi, & ædificarunt Ædes Ignium*. Dicti Sabaismi sequaces, tam Persæ quàm alii, Persicè dicebantur *Nogûshâ*, seu *Nogûshâk*, & *Gbebr*, i. e. *Infideles* in genere. At nomen *Gbebr*, seu *Gbabr*, magis specialiter hodie tribuitur *Ignicolis*, seu iis qui ita habentur. Quando enim Persarum antiquiori Religioni superaddita fuit *Pyrodulia*, tum à Mohammedanis eis tributa sunt Nomina *Gebr*, & *Atesh-peresh*, & *Adarkish*, de quibus in calce hujus Libri fusiùs dicitur.

Verum quidem est, quòd totus fere Mundus tunc fuit pessimo *Sabaismo* involutus; talis enim fuit generalis omnium Religio: ideòque Deus, in Lege Mosis, contra talem *Sabaismum* præcavendo, Israelitas monet, *Ne fortè eleves oculos tuos, & intuendo copias caelestes, te prosternendo adores eas*. Nam quia ea fuit omnium vicinarum Gentium Religio, ideo Deus eam vetuit Israelitas, videns quàm proni & propensi essent ut, aliorum exemplo, tali cultu inficerentur, & à

viâ

viâ rectâ in quâ cos posuerât Deus, deflecterent. Sed (ut suo loco fusiùs docebitur,) *Sabii* fuerunt duorum generum, scil. *Cultores Planetarum*, qui meliores; & *Cultores Idolorum*, qui deteriores. Prioris generis fuerunt *Persæ*, qui tamen planè negant se divinum cultum his tribuere, aut unquam tribuisse. Græci quidem & *Mohammedani*, affatim *Persis* impingunt Divinam Adorationem Solis & Planetarum & Ignis. Atqui haud mirum est si falluntur, cùm exteri non satis intelligant Ritus Persarum veterum; quippe qui studiosè suam Religionem celant, quia Religioso *Zoroastris* Præcepto in Libro *Sad-der*, vetitum est, vel eam, vel veterem ejusdem Linguam & Scripturam cuivis extero revelare & docere. Ille enim prudenter prævidit, incommodum fore ut alieni in Libros & Religionem ejus inspicerent, aut de eis ferrent censuram, quam suspicabatur fore iniquam. Ne autem de eorum Cultu & Religione hæc gratis dixisse videar, Veterum Persarum Sacerdotes in *Indiâ*, meo suasu & consilio de illo cultu, quem *Mithræ* tribuunt, seriò interrogati à singulari Amico nostro in *Indiâ* tunc degente, *Quibus temporibus, quibûsque Ceremoniis Solem adorarent?* Responderunt, *Quòd nunquàm adorabant Solem*, & talem Adorationem planè negarunt: & mox addiderunt, *Se non exhibere Divinam aliquam Adorationem Soli, aut Lunæ, aut Planetis; sed tantùm erga Solem se convertere inter orandum*: hocque (ut alio tempore responderunt Petro de la Valle,) *quòd Sol propiùs accedat ad naturam Ignis*. Ego (propter receptam à nostratibus opinionem,) primâ vice mirabar, ratus eos velle talem suam Adorationem à nobis celare: donec tandem inter *Zoroastris* Præcepta illis præscripta, invenirem tantùm Solis *Niyâish*, i. e. *Salutationes*, seu Elogia quotidie dicenda; sine mentione alicujus *Prelish*, i. e. *Servitûs* seu Adorationis alicujus Divinæ exhibendæ.

Et sanè quamvis cum corporis prostratione hæc faciant, non tamen præsumitur esse Adoratio talis quæ Deo præstari solet, eòve animo fieri; cùm (dicente D. Sanfon & aliis qui inter eos vixerunt) *Persæ Mohammedani* qui omnem Idololatriæ speciem exosam habent & detestantur, hoc idem quoque faciant, atque *Armeni Christiani* in Persia degentes, coram oriente Sole se quotidie *Crucis Signo* decussare soleant, & corpora sua profundâ reverentiâ inclinent & incurvent, corpus fere duplicando; qui quidem mos nuperis annis mihi ob oculos ostensus fuit à *Gjolphensibus Armenis*. Et hoc in Armenis eò magis mirum videtur, quia olim tempore Regis Saporis, multa Christianorum millia in Armeniâ & Persiâ martyrium passi sunt,

sunt, potius quàm Perfarum jussu, tale dictum Homagium externum vel Regi, vel Soli præstarent, ut notat *Sozomenus*, quia Christianis videbatur esse Adoratio Divina, vel saltem ei valdè similis; & noluerunt esse contenti reservatione mentali, ut multi solent facere. Quia itaque ut Criterion eis imponebatur, id planè recusabant; cùm alias fortè injussi id non recusassent, sed ultronei plura & majora sponte præstitissent, ut hodie fit. Et sanè difficile est intuitibus ex solo visu, atque tam Sacras, quàm alias Historias legentibus, ex vi vocum, distinguere inter Adorationem Divinam & Civilem, nisi aliqua sit in externo gestu differentia, aut prolata verba distinguant: præsertim cùm in Sacris Scriptis idem vocabulum Hebraicum utrique speciei indifferenter tribuatur. Nam *השתחויה* Adoratio-prostrationis quæ propriè & strictè soli Deo debita, (ut *Deut.* XLVI. 3.) etiam impunè aliquando tributa fuit Hominibus, ut 2 *Reg.* IV. 37, & *Gen.* XLII. 6; & Angelis *Gen.* XVIII. 2. Aliqui Judæorum volunt distinctionem esse tantùm in mente adorantis. Et quidem verum est, quòd in plerisque rebus Intentio facit Actum solennem, ut D. *Paulus* dicit de *Idolothytis*. Sed quando externè ab Adorante non distinguitur, nemo alius potest distinguere ex mero intuitu. Ideoque in secundo Decalogi Præcepto, non tantùm cuius fuit vetitum *לעבוד* colere, seu servire, sed & quovismodo *להשתחוה* proflernere, seu incurvare se Idolis; quia nimia suspicio esset Idololatriæ, quamvis prætenderetur quòd tantùm civiliter & sine religiosâ intentione id fieret. Non autem vetitum, idem civiliter præstare erga Magnates, utpote ubi nulla possit esse suspicio Idololatriæ. At (magis ad præsentem casum,) qualis erat Prostratio quæ Divine Adorationis ergò fiebat, docet R. Sal. *Isaki* dictus *Jarchi*, seu *Lunelenfis*, qui ad *Lev.* XXVI. 1, ait *השתחוואה בפשוט ידים ורגלים היא ואסרה התורה לעשות כך חוץ מן הכקדש* *Histachavaab*, seu Prostratio fit cum expansione manuum & pedum: unde prohibet Lex sic facere extra Sanctuarium, sc. extra Templum, quod totum sæpe Sanctuarii nomine vocari solet. Ergò talis Prostratio erga Homines facienda non erat: sed contra hoc Præceptum, seu hanc Regulam, sæpè peccatum fuisse multùm vereor. Dicta manuum expansio talis erat qualis est Orgyia. Hoc autem nimis strictè & absolutè dixit *Jarchi*, quasi excludendo talem Reverentiam erga Magnates, quæ sine metu Idololatriæ præstari potest & solet. At ejus mens est (ut reliqui Judæi exponunt,) quòd non licebat talem Prostrationem adhibere coram *אבן משכית* *Lapide Effigiei*, seu effigiato & picto, sive deaurato, nisi in Templo, in quo erant

erant tales lapides cælati & cæsi, uti & *Cberubim*; & tamen Prostratio adhibebatur *coram* illis, non *ad* illos: nam in Templo non erat metus Idololatriæ, ut erat in aliis locis. Rabbi Shemuel Jazia in Libro *מבשר השם* p. 31, agit de hac re, & concludit quòd in Templo licebat adorare super *המפועלות אבנים* *Lapidibus fissis*, seu elaboratis, sc. super Pavimento, quia ibi non erat suspicio Idololatriæ, de quâ, in aliis locis suspicio fuisset.

Salomon Rex, in primâ Dedicatione Templi, genuflexus orabat ad Deum super *כיוך Caneâ* aneâ, seu Suggesto ad hoc erecto. At hoc supponitur factum fuisse post peractam prius *Adorationem Prostrationis*. Nam Terra ibi erat Sancta, & Judæi semper ingrediebantur discalceati in Templum, cujus primo ingressu, in benè mundato Pavimento (ubi nulla vestium inquinatio) prostrati, expansis manibus in terrâ adorabant versus Sanctum Sanctorum: dein stantes orabant: & tandem ultimo devotionis actu, ad genua se flectebant, aspiciendo semper ad Sanctuarium, & mox retrorsum cedendo exibant, & deinde lateraliter, facie interm in Sanctuarium intentâ: posteriora enim illuc obvertere, nefas. Talia fecit Psalmista *Psal. 95. 6*, *Venite, Prostratione-adoremus, & incurvemus nos: genua flectemus coram Deo Creatore nostro*. Loco autem Prostrationis in ingressu, sæpe adhibebatur tantum *הכריעה incurvatio ad genua*, quæ erat quasi Geminatio, seu Duplicatio corporis. Nam ad hunc locum scribit Kimchi, *נכרעה* denotare *Incurvationem Capitis cum quâdam corporis parte*, scil. non flexo poplite. Sed mihi videtur utrumque denotare, sc. incurvare superiores corporis partes usque ad genua, atque etiam incurvare *כרעים crura*, seu poplites & genua, ut *Jud. 7. 6*. *נכרעו על כרכיהם incurvaverunt se super genua sua* ad bibendum aquam. Judæorum autem Prostratione præmittebatur *קרה Kidda*, *inclinatio capitis & humerorum*, & sæpe legitur, *וידך וישתחוה לוי & inclinavit-caput & prostravit se Deo*. Nam quamvis *Kidda* erat *levior capitis inclinatio*, & à profundiori Reverentiâ remotior, aliquando tamen ea profundiozem illam Reverentiam immediatè præcedebat, & ad illam fermè extendebatur, ut *Exod. 34. 8*, *וידך ארצה וישתחו ויכרע & inclinavit se in terram & procidit*, nam talis Procidencia, seu Prostratio est Adoratio: i.e. à leviori capitis inclinatione, mox immediatè in totam longitudinem procidendo. At multò magis & faciliùs à propiori *כרע* in proximam profundiozem Reverentiam descendebatur, & quisque devolvebatur, prout factum est in primâ Templi Dedicatione, ut 2 *Cbron. 7. 3*. *ויכרעו*

וַיִּכְרַעוּ אַפַּיִם אֶרֶצָה עַל הָרָצָפָה וַיִּשְׁתַּחוּ
in terram super Pavimento, & adorando-prostrarunt se; i. e. ad medi-
um corporis incurvarunt se, & deinde super pavimento lapideo Tem-
ppli se prostrarunt adorando: erat enim Actus duplex, sed quasi jun-
ctim praeſtitus. Nam certè pavementum erat mundum, cùm (di-
cente Maimonide) in toto Monte Domus non licebat expuere, (sed in Su-
dariolum exſcreandum,) nec calceos habere in pedibus, nec baculum in
manu, nec pecuniam in crumena, (excipe pro oblatione pauperibus,) nec
pulverem pedibus harentem inferre in Templum. Nam Dominus
Deus debebat eis ſufficere pro omnibus neceſſitatibus.

De populi exitu retrorſum poſt Precem ſinelem עמדה *Amedà* (quâ
 ſtatur coarctatis pedibus,) legitur in *Orach Chajim* Autore Jac. ben
 Aſher in *Hilcoth tephillà* fol. 83. 2, numero 123 כב"ן ופוסע, וכורע
 ופוסע, וברע ובעודנו כורע קודם שיוקף יטה
Usque ad ge-
nuâ-incurvabat se, & regrediebatur tribus paſſibus retrorſum incurvatione
ne unâ: & dum adhuc incurvabatur, antequam elevaret se, inclinabat
caput ſuum ad latus ſiniſtrum, ſicut ille qui ingreditur ut diſcedat à Præ-
ceptore ſuo: & deinde ad dextram ſuam, ſcil. ad latus ſiniſtrum & dex-
trum Majeſtatis Divinæ, ſeu Sanctuarii. De ſummi Sacerdotis exi-*
tu è Sancto Sanctorum, legitur in Miſhna Traët. Joma, Perek 5,
fol. 52. 2, ſubobſcurè, בניסחו בית בדרך יצא לו בדרך יצא לו
& venit ſibi per viam [ſeu modum] domus ingreſſus ſui, i. e. Exivit
& introivit eodem modo, ſcil. eo modo quo ingreſſus fuerat, eâdem
corporis poſitione & ſitu exibat: nempe ut ingrediebatur facie verſus
Sanctuarium, ſic etiam egrediebatur facie verſus Sanctuarium. Sic
enim vult ad hanc Miſhnam Maimonides, היה יוצא אחורנית ופניו
Exibat retrorſum, ſc. facie ſua
verſus Sancta Sanctorum, cum poſterioribus ſuis verſus Oſtium. Imò, &
ubicunque terrarum erant, debebant aſpicere verſus Sanctuarium, ſeu
Templum, inter orandum, ut Mohammedani faciunt erga Meccam,
ſeu Kiblam ſuam, habentes Tabulas calculatas pro inveniendâ
القبلة Conversione, ſeu Circumgyratione Kibla, ubicunque terrarum ſint.
Kibla itaque Judæorum qui extra Jeruſalem, erat ipſa Urbs: intra
Urbem, Templum fuit eorum Kibla: in ipſo Templo, occidens (ubi
S. S.) erat omnium Kibla: nam verſus Occidentem (ubi Majeſtatis Di-
vinæ ſedes,) fleſcebant ſe & proſternebant ſe Judæi omnes in Templo
exiſtentes, veneratione humillimâ, quæ vocatur עבודה Avodâ, Perſicè

* Ibidem videas plura.

پرفش *Prefish*, *Latria*, *Servitus* tam Animi quàm Corporis intentiones comprehendens, Deo iussus, Idolis vetitus. Et ut Judæi prosternebant se, sic etiam Mohammedani (ut id obiter notem) primo ingressu in Synagogam suam, peragunt Deo Adorationem Prostrationis, idque (ut aiunt) super 7 corporis membris; quæ fit super سجادة *Segjâda*, quæ aliàs vocatur خمره *Cbumra*, quæ est حصير *Hasir*, seu *Teges* ex foliis palmæ contexta, longitudinem humanam non excedens. Aliquid enim humo insternunt, ne frontem & manus ei applicatas inquinent, aut lædant. Sic pro Regibus, aut nobilioribus Persis, & (ut puto) pro Judæis, *Tapetum* erat humi stratum, vel saltem dicta *Teges*, ut innuit celeberrimus Poëta Persicus *Hâpbiz*,

سجاده می رنژین کن اثر پیر مغان زودن
Adorationis-Tegetem vino
tingito, si Mogorum senex tibi præceperit. Nempe si Presbyter Mogorum [i.e. *Magorum*] tibi injunxerit, Templum adiens, dictam *Tegetem* amore divino & lacrymis humecta, intensè orando.

Adoratio Prostrationis (ut & omnis alia Adoratio) ab Idololatris fiebat رڤ *Baal*, 1 Reg. XXII. 54. A Deo autem & Prophetis ubique vetita fuit Idolis, uti & Soli atque Stellis & omnibus diis alienis, ut *Deut.* IV. 19, & *Ezek.* VIII. 16, & alibi. Persæ autem hoc faciunt Soli, tam quia Sol, ratione puritatis, est quasi Dei Imago, habens, eâ in parte, naturam Ignis, quàm quia aliqui eorum (non omnes) credunt Solem aliquando esse Dei sedem, ibique (ex quorundam ignarorum sententiâ) esse Beatorum Paradisum. Alii autem aliter de Paradiso statuunt, ut suo loco dicetur. At cùm veteres Persæ, à *Missionariis* Europæis Idololatricæ Adorationis taxati, planè negent suum *Mithræ* cultum esse *Adorationem divinam*, sed tantùm *Civilem* esse asserant, & planè profiteantur se nihil adorare præter Deum; tum, inquam, hujus rei Judicium à solâ Adorantium mente (de quâ nemo judicare potest) pendere videbitur, nisi assâ voce aliquid prolatum sit: nam de Adorantium mente & corde, tantùm Deus; sed de enuntiâtâ verborum formulâ, quivis Homo judicare potest. Cùm autem per externa Signa (dum verba, vel non audita sint, vel non intellecta) plerumque judicari soleat, haud multùm culpandi sunt severi, in hac parte, Censores illi qui istos Persas de Idololatriâ damnant, dum eorum verbis in veteri illâ Linguâ non intellectis, observant illos, externâ specie, tam supersticiosos, qui *Creaturis* præstent talia, quæ (si ex animo fiunt) solo *Creatore* digna esse videantur. Mentis autem intentionem, & quo animo talia faciunt Persæ, ii li-

berè & apertè fatentur omnibus quibus in colloquium cum eis venire, & quæstionem movere placet, agnoscentes suam intentionem esse, neminem præter Deum adorare, ut supra notavimus. De quâ re (ut spero) haud multùm dubitabitur, cum certum sit, quòd Persæ nullibi unquam dixerunt *Mitbram* esse Deum, nec Dei nomine eum unquam appellaverunt, (quamvis *Græci* hoc eis impegerint) nec ulla Neecessitatum Petitiones ei fecerunt; quinimò è contra, Laudationes, seu Celebrationes quas in *Mitbriacis* adhibent, in Omnipotentis Dei nomine incipiunt, & ad eum immediatè diriguntur, in ejus gloriâ desinentes. Si itaque olim unquam Persæ fuerint in hac parte Sabaitæ, sunt & adhuc Sabaitæ: nam talia quæ olim fecerunt, etiam hodie faciunt. Et, si vice versâ, non fuerunt olim magis Sabaitæ quàm sunt hodie, planè constat, eorum Sabaismum non fuisse talem qui eos à vero Dei cultu avertebat, eumve negabat.

Idem quoque dicendum est de eorum cultu Ignis, quem (ut supra tetigimus) *imitando Judæos* in *Pyreis* servarunt. Nam quamvis ei exhibuerint Reverentiam quandam, eamque per Prostrationes, hæ tamen non fuerunt Adoratio divina, sed tantùm civilis, prout se habet mos Orientis erga quosvis *Magnates*, & olim fuit erga *Angelos*, tanquam Dei Legatos, ejus personam repræsentantes; cujus rei exempla affatim suppetunt non tantùm in Vest. Test. sed & in Novo, ubi fœminæ ad veram Fidem conversæ (visis apud Christi sepulchrum Angelis) adorarunt, procidentes faciebus in terram: idque quamvis probè scirent non esse Deum, sed Angelos, ut constat ex verbis earum profitentium *se vidisse visionem Angelorum*. At Persæ post peractam prostrationem coram Igne, stantes ad Deum orabant, & aliquando genuflexi. Sic apud vetustissimum Palatium *Persepolitani*, cernuntur marmoreæ statuæ Regum stantium & orantium ad Deum, coram Sole & Igne superiùs in pariete positis: & (referente *Herberto* & *Mandelslo*) una aliqua statua cernitur genuflexa ad Deum orans coram eisdem. Nam Soli & Igni præmittebant Venerationem civilem & Salutationes, at Preces & Petitiones verbatim dirigebant ad Deum. Id autem faciebant coram Igne, utpote quem habebant Sacrum, in Templo Dei servatum, & rem purissimam, colore repræsentantem Planetam *Martem*, atque puritate Deum; ideòque sacer Ignis in *Pyreis* servatus, vocatur *Ignis Martis*. Nam ut omnis Ignis in *Templo Dei* apud Judæos servatus, meritò reputabatur sacer, isque solus pro Incenso adhibebatur; sic & *Persarum* Ignis ab eo exemplo desumptus, itidem habitus

tus fuit sacer; quâ de causâ, ei præmittebatur Veneratio civilis, at mox fundebant preces Deo, putantes se, in hac parte, imitari veteres Judæos. Nam ut Judæi olim, in Templi introitu, utebantur prostratione versus sanctuarium, dum arderet juxta eos Altaris Ignis, hoc modo verè colentes Deum; sic & Persæ tam illustre exemplum secuti, (addendo autem Ignis venerationem civilem) divino cultu adorabant Deum & ad eum preces fundebant, dum Ignis, in eorum Pyræis, super Arâ arderet juxta eos. Et ut Ignis sacer cœlitus accensus, servatus fuit in Templo Dei, eodem nomine, talem in suis Pyræis etiam habuerunt Persæ cœlitus accensum: & quia dictus Ignis, jussu divino, perpetuò ardens & inextinctus fuit servatus in Templo Dei Hierosolymitano, ergo & Persæ, quasi eidem præcepto parentes, (vel eodem exemplo ducti) paritur in suis Pyræis Ignem (ut suprâ diximus) conservari voluere perpetuum. Si itaque vetustissimi Persæ, Judæorum, hac ratione, æmuli & bonâ mente ducti, minùs rectam aliquam, in hac parte, notionem conceperunt, quasi novo illo lumine seducti; id eis ignoscendum, quia Judæorum imitatione factum est. Ideoque isti qui primò optimi cultûs divini Zelotæ, haud temerè damnandi sunt ab iis qui eorum Religionis primævæ puritatem & inculpatam praxin non perspexerunt, nec meminerunt, nec istius superstructionis, seu interpolationis, innocentiam probè perpenderunt; dum, inquam, Persæ innocenter, sed tamen perperam, putarint Judæos inter venerandum Deum, prostratione suâ civiliter quoque veneratos fuisse Ignem, cùm id non facerent, sed procidendo tantum venerarentur Deum, sine respectu ad Ignem.

Non itaque est causa cur eis imputemus *Pyrolatriam* veram, (quæ cum religiosâ animi intensione) cùm ex animo planè & apertè contrarium profiteantur. Cùm enim Amicus in *Orientali India*, meo suafu, eorum Sacerdotes seriò consuleret, *An in cultu suo aliquas preces fundere directè ad Ignem?* Respondebant, *Quod nullas preces fundebant directè ad Ignem, sed omnes preces suas dirigebant immediatè ad Deum Omnipotentem.* Et cùm D. *Sanfon* apud *Ispahân*, & D. *Tavernier* apud *Kirmân* Persidis, eorum Sacerdotes de hac eadem re consulerent & interrogarent, semper invenerunt eos planè negantes se divinam aliquam Adorationem persolvere Igni, agrè ferentes ut, eo nomine, haberentur Idololatræ, cùm nihil præter Deum adorarent. Adeo ut omnes eorum Sacerdotes, iique in regionibus à se invicem longè distitis habitantes, de hac re interrogati, uno consentiente ore affirmant, se Deum tantum *divino cultu* adorare, Solem autem & Ignem non nisi

civili respectu honorare, ut solet fieri tam Regibus quàm Magnatibus in Oriente, quos prostratione venerantur Clientes omnes. Ideoque cum grano salis (ut dicimus) legendi & intelligendi sunt Autores qui contrarium asserunt, sine certâ scientiâ loquentes, & externâ Adorantium specie decepti; cùm realis distinctio non sit in externo corporis gestu, sed in mente Adorantium, quæ non dignoscenda nisi ex prolatis verbis, (quæ mentis indices) quibus utuntur tales Adorantes: ideoque Persas suos-ipsorum esse, in hac parte, Interpretes relinqueamus.

Iis itaque ductis persuasione Ignem suum esse sacrum, illumque ut venerabile quiddam suspiciendo, si quis solenni Juramento adigendus erat, id fiebat coram Igne in eorum Arâ ardente, uti Judæi idem faciebant sistendo solenniter jurantes coram Altari Hierosolymitano cum Igne ardente super eo. Hoc idem quoque faciebant *Arabes* pagani, qui (si suspicio falsi juramenti,) clanculum injiciebant salem, cujus crepitatio esset in terculamentum perjurii.

Et cùm Judæorum sacer Ignis fuit pro Sacrificiis, igitur & Persæ offerebant Victimas, & Holocausta comburebant in suo Igne sacro: nam Sacrificia, apud utramque gentem, non inquinabant Ignem, ut aliæ res prophanæ & sordidæ; uti nec apud *Romanos*, cùm integri Vituli cremarentur in *Vestali* Igne. Si autem alias sordes in aliquem horum Ignium quis injecisset, aut inspisset, capitale erat. Persarum Reges & homines ditiores aliquando Uniones & pretiosa Olea atque Aromata inspergebant, ut Ignis delicatius pasceret, quæ vocabantur, *Epulæ Ignis*, ut posthac dicetur. Sed omnia quæ faciebant Igni, aut per Ignem, in honorem Dei facta sunt, & in eo terminata. Id voluit *Cyrus*, qui (ut in primo Libro *Ezræ*, VI. 24. proditum,) in Diplomate jussit, ut extrueretur Templum Dei Hierosolymitanum, in quo *Sacra Deo fiebant perpetuo Igne*; eodem scil. modo quo Persæ tunc Deum colebant, & hodie colunt, ad *cum solum* orantes; non ad *Ignem*, sed tantum *coram* eo; nec Ignem unquam vocantes Deum, nec, ejus causâ, Deum negligentes, aut ab ejus cultu aliquid defalcantes. Ignis enim apud eos reputatur tantum Creatura, seu Elementum quod lignis pascitur, facile extinguitur, vel si (opus sit) sub pedibus conculcatur; scil. unum ex notissimis *Quatuor Elementis*. Et cùm Ignem inter Elementa creata numerent, impossibile est ut eundem reputent esse Deum, & hoc modo cœcutientes, rem *conditam* cum ejusdem *Conditore* confundant. Cùmque sint religiosi erga Deum Zelotæ, cum ut cæli & terræ Creatorem agnoscetes in Li-

bris

bris suis, non est probabile quòd cultum divinum tribuerint alteri. An tale quid sit Deus, quod ab hominibus extingui & annihilari queat, & Aquâ, vel Terrâ, tam faciliè obruatur? An totidem habuerunt Deos Elementarios, & præterea 7 Deos Planetarios? Absit! Meliora certè & majora concipiunt de Deo, ejus Omnipotentiam & reliqua omnia ejus Attributa gloriosa (ut prope calcem Operis fusiùs dicemus) promptè agnoscentes, quorum nulla tribuunt Mithræ, aut Igni, nec in eorum Libris de Religione agentibus tale quid unquam comparet. Syri, in hisce rebus planè hospites, perperam vocant Magos *Cultores Elementorum*. An ergò qui Dei Unitatem agnoscunt, reputabuntur habere 4 Deos, aut potius 11 Deos, quasi *Polytheismi* essent damnati, quia civiles aliquas Elementis & Planetis Cæremónias faciunt, quæ aliquando incautis plus quàm civiles videntur? Cùm sint potiùs *Curatores Elementorum*, ut ea in puritate conservare, & ab omni pollutione vindicare possint. Nam (ut alibi magis particulariter notavimus) cùm, præter exemplum Ignis Judaici, putent Elementa, ut omnium rerum Principia & Semina, esse quodammodo sacra, & in suâ nativâ puritate conservanda, olim habuerunt, & adhuc habent pro Singulis Elementis *Curatores*, qui stipendiis ad id aluntur, ut Aquæ & Fluminibus & Fontibus invigilent, & qui Aërem, quantum possunt, à Fœtoribus, & Ignem à Sordibus, & Terram à Cadaverosis defendant, eaque è platéis eliminant; unde est quòd mortuos non sepeliant. Et ne Aërem Cadavera nimium contaminent, Corvi & Vultures curant, eadem in visceribus suis sepelientes: his enim sepeliendos tradunt defunctos suos. Et ab eisdem Principiis eademque origine est, quòd *Vestales* olim, ex Institutione *Numæ*, quatuor Elementorum curam gesserint, ratione Institutionis suæ: unde est quòd *Vesta*, quæ præcipuè *Ignis*, aliquando *Terra* exponatur: & *Vestales* Aquam (*Camænarum* Fontem) Templo suo propè adjunctam curare tenebantur.

Cùm ergò Igni non tribuerint, nec hodie tribuant, ulla Divinitatis Attributa, præter Puritatem, nec Ignis ab eis unquam vocatus fuit *Deus*, nec hodiè sic vocetur, nec Petitiones ad eum dirigantur, nec cum *Intentione* colatur, ut Deus, satis constat quòd à *Mohammedanis* & aliis injustè eis affigatur & inuratur absolutum *Ignicolarum* nomen; cùm ea Prostrationis Reverentia quæ Igni & Mithræ præstatur, non sit alius cultus quàm qui per Orientem omnibus Regibus & Magnatibus civiliter exhiberi solet. Eorum itaque erga Ignem Reverentia non avertēbat, avocabātve à veri Dei cultu, sed ut Instrumentale

mentale ad ipsius cultum pertinebat pro Sacrificiis & aliter, eumque cultum promovebat & ad eundem faciebat, uti faciebat Ignis Altaris Judaici in Templo Dei. Cum igitur Persarum Ignis eos non averterbat quò minùs Dei cultum cum vigore & veritate prosequerentur, eosque ad eundem magis accenderet, cessent in posterum *Calumniatores* qui nimiam culpam, in hac parte, impingunt eis qui reverà putant non esse culpam, sed rem innocentem & innocuam, ad verum Dei cultum magis facientem, cum honori divino nihil, eo nomine, derogetur, sed immane quid ejus honori, hac ratione, addatur, Dei cultum non minuendo per cæremonias erga Ignem, sed eundem cultum augendo & meliùs celebrando.

Si Mithram, aut Ignem, habuissent Deos, proculdubio res suas solenniores exorsi fuissent in alterutrius nomine. At tale quid nunquam fiebat, nec hodie fit, in nomine Mithræ, aut Ignis, sed semper in nomine Dei: & quidem Libros suos antiquissimos omnes in Nomine Dei semper inchoant, plerumque in hac sequente formâ,

بسم الله الرحمن الرحيم

In Nomine Dei Clementissimi Justissimi.

Et in hac Formulâ, Nomen Dei tale est quod alteri competere non potest: nam Solis aut Ignis mentionem facientes, id non aliter faciunt quàm propriis suis Nominibus eos vocando. Plura & majora de eorum orthodoxâ in Deo fide, in hujus Operis processu occurrunt.

Ignis ergò, multiplici respectu, habebatur sacer, sc. tam ut exemplum Ignis Judæorum, quàm ut originale aliquod Elementum, & ut res suâ naturâ purissima, &c. ut suis locis diximus. Proximè eorum Fidem ab initio arcessemus.

Et quidem ab initio Monarchiæ eorum, possumus esse sat certi de *Medorum & Persarum* fide in solo Deo, cum illa tempora inter, vel Orientalis, vel Occidentalis Historiæ limites veniant: quamvis & de antecedentibus temporibus non dubitemus, quoniam in initio Monarchiæ *Medicæ*, illa Fides (ut ex eorum Historiis infra constabit,) non videtur tunc quasi nova, sed videtur fuisse receptissima, quasi à longo tempore tunc diu stabilita, absque coactione ullâ, aut aliunde petitis Principiis. Et profectò, si res benè inquiratur & perpendatur, Quis (aliàs) debuerit eos ad Dei Fidem convertisse? Quis fuerit tam potens, ut potuerit convertere, & ad novam aliquam Religionem cogere Medos (sub quibus tunc erant Persæ,) totius Orbis Monarchas? Verum quidem est, Deo succensente, Jeremiam, [XLIX. 34.] temporibus *Zedekiæ & Nebucadnessaris*, pronuntiâsse *Elamitas* esse

esse debellandos, & inter omnes Gentes dispergendos pro tempore; illos autem post restituendos, & dictam dispersionem esse recolligendam, & reducendam esse Captivitatem eorum. Hoc verò non fuit initio Monarchiæ, sed longè postquam vera Fides inter eos diu stabilita fuerat. Dato autem, & non concessio, quòd aliqui exteri *potuerint* hoc facere, idque fecerint eosque coegerint, quis ex circumjacentibus nationibus Ethnicis *voluit* eos ad veri Dei Fidem vocare & convertere, cum circumpositæ Nationes omnes tunc essent Infideles? Sanè ante suam Monarchiam, Medi erant sub Monarchiâ *Assyriorum*, qui proculdubio (si possibile) eos potius pervertissent, illósque à veri Dei cultu ad Idololatriam abduxissent. Sed Assyrii (qui dubio procul omnes de suâ Religione esse voluerunt,) hoc non fecerunt, nec id efficere potuerunt dum eis subjicerentur Medi & Persæ, qui, ante *Arbacem*, erant Assyriorum Exarchia. Cum itaque Medi (ut & Persæ) ineunte suâ Monarchiâ fuerunt veri Dei cultores, non ab Assyriis, aut aliis coacti, aut conversi, inde satis constat eos ultrò fuisse tales primò, etiam longè ante illud tempus, (ante Monarchiam suam,) idque ab initio Gentis: quia impossibile fuit ut, vel *Assyrii*, vel *Babylonii*, vel aliæ aliquæ Gentes Idololatricæ eos converterent ad veri Dei cultum, quippe quem tales Gentes ipsæ repudiabant & odio habebant & deridebant, Idololatriæ prorsus addictæ. Cum itaque temporibus *Arbaces*, in initio Monarchiæ suæ, Medi & Persæ inventi fuere Orthodoxiæ tunc sequaces; & nec ante, nec post illud initium, possit assignari certum aliquod tempus quo, vel dictum Cultum reliquerunt, vel eundem resumpserunt, præsumendum est, Aborigines Medos & Persas in primo suo Religionis fundamine, ab antiquo benè initiatos fuisse in veri Dei cultu, & in eodem postea semper perstitisse; atque eos posterioribus temporibus (sc. post 140 annos) in eodem cultu plus confirmatos fuisse & plura orthodoxa didicisse ex conversatione cum *Israelitis*, quos Captivos *Salmanassar* transtulit in *Shushan* & *Hara* & *Gozan* & reliquas urbes Medorum. Nam (ut inde colligimus) pro aliquo tempore, Medi videntur redacti sub plenariâ potestate Assyriorum, vel saltem erant eorum confederati, quia *Salmanassar* habuit libertatem ibi collocandi *Samaritas* Israëlitas, & vice versâ ejus Nepos, *Sennacheribi* filius, *Esbardadon* (Cuthæis aliàs dictus *Asnapper*) in *Samariam* transtulit *Medos*, *Susanitas*, *Debitas*, & *Elamitas*, &c. Et quòd Fideles erant & veri Dei cultui addicti, idèò Deus ducentis annis antequam *Cyrus* nasceretur, per *Isaiam* prædixit, eum cum Persis & Medis suis capturum *Babyloniam* & eorum Idololatriam perditurum:

rum: sic *Iſa.* XXI. 2, 9, *Aſcende 6 Elam, obſidionem pone 6 Media.* — *Cecidit Babylon, omnia Deorum ejus Sculptilia ad terram uſque confregit.* Hoc facturi erant Medi & Perſæ, quòd eſſent veri Dei cultores Idololatriam exoſi.

Et ut in primis temporibus erant Fideles, ſic pro eorum continuatione in veri Dei Fide, ſub finem ejusdem Monarchiæ, apparuit *Zoroaſtres* Medorum & Perſarum Præceptor, qui in Dei notiâ educatus Veteri Teſtamento non fuit inaffuetus, nec à *Judeorum* converſatione alienus; imò à quibudam in *Palæſtinâ* natus cenſetur: qui itaque ipſe Deum noſcens, ſuos Medos & Perſas in Dei cultu continuavit & ulterius informavit in orthodoxiâ, quam itaque eorum poſteri ad hodiernum uſque diem retinent, ut ex eorum Religioſis Libris conſtat. Hoc modo Medorum & Perſarum orthodoxiam ad hoc uſque tempus deduximus.

Iſte *Zoroaſtres* fuit Religionis Perſo-Medicæ *Reſormator*, qui novas ſuas Lucis & Tenebrarum explicationes dedit, hæc duo, ex Creationis Hiſtoriâ, ut Religionis Principia ſtatuens, cum multis aliis quæ ſuis locis docebuntur. Is etiam cùm eſſet inſignis Philoſophus, Religionem auſterus, & totius *Matheſeos* peritiſſimus, hac ratione, Perſas ſui admiratione perculit, & ſuæ Doctrinæ attentos reddidit. Præſertim coluit Deum in naturali quodam *Antro*, quod ille *Mithriacum* effecit & mirificè, ac *mathematicè*, comparavit; ubi ſcil. *Mithra* præſidens, hæc inferiora Regio modo regens eaque imprægnans ſedebat: adeò ut omnes poſteà non tantùm in ſummis Montium jugis, antiquiſſimo more, Deum colebant, ſed & ſubinde illius exemplo, *Sacra ſua Mithriaca* in tali *Antro* præſtare & peragere didicerent. In eo erant *Mithræ* & hujus Mundi Symbolica philoſophicè & mathematicè ſpectanda & contemplanda, non autem colenda; quâ itaque in re falluntur *Autores*: nam Perſæ tunc talia Simulachra non colebant. Romani autem & Græci, à Perſis mutuantes talium *Mithriacorum* figuras, eas coluerunt & in uſum Idololatricum verterunt. At montium jugis & Antris *Mithriacis*, poſteà tandem pro cultu divino ſuperaddita ſunt *Pyræa*; non quidem ad continendum Deum, qui nullis parietibus comprehendere potuit, ſed ad alendum Ignem neceſſaria Domicilia, cùm propter pluvias & alia incommoda, ſub Dio vivere & conſervari non potuit. Et ſanè talium *Pyreorum* pleraque in editioribus locis & ſummis montium jugis eminebant, primitivo mori, eo ſitu, conſormia.

Diſtus

Dictus Zoroastres (inquit *Agathias* p. 54,) eam Religionem quam hodiè exercent, instituit, eamque stabilivit. Id autem non sine magnis difficultatibus & contentionibus cum Persis, à quibus incarcerationem passus est; (ut suo loco monstrabitur ex Libro *Shâbnâma-Nesr*, qui diversus est à *Shâbnâma-Nezm*) nec ad Regem admitti potuit propter illius temporis Sacerdotes, qui tanquam pro Aris & Focis contendentes, ejus admissionem prohibebant. Cùmque tandem astu ad Regem intraverat, dicti Sacerdotes cum accerrimè oppugnabant eum eo disputantes, & asserentes, *Quòd quamvis rationi consentanea diceret, non tamen æquum esse ut aliquæ in Religione mutationes, aut innovationes fierent, sine præmissis miraculis.* Is itaque miracula quædam (ut suo loco dicetur) præstitit, ut illis videbatur; quamvis per meram philosophiam illis ignotam omnia fecerit: & ut Doctrinæ suæ pleniorē fidem faceret, novas quasdam Revelationes prætendebat. Nam ante Zoroastrem, sub alio *Sabaitico* Legislatore *Poreodekêsbangh*, aliquam Religionis diversitatem agnoscunt Perfarum Sacerdotes in Indiâ, sc. *Sabaismum* abhuc *Pyrodulia*. Hanc autem Religionem quam hodiè habent, hoc modo emendatam & reformatam, credunt divinitus approbatam, & præ omni aliâ puram: hocque fuisse cœlitus revelatum Prophetæ suo *Zoroastri* (illis dicto *Zerdûst*, seu *Zerâtûst*,) uti scriptum extat in Libro *Sad-der*, qui est Præceptorum & Canonum Ecclesiæ *Magorum* Syntagma, à doctissimo aliquo *Magorum* Sacerdote, ex religiosis Zoroastribus Libris, olim collectum, per modum Epitomes ad communem populi usum; cuius aliquot Exemplaria penes me habeo. In dicto, inquam, Libro, qui maximè apud eos autoritatis habetur, sequente modo, de receptâ tunc Perfarum Religione (quæ etiam hodiè usitata,) testatum est, his verbis,

وریدہ لیسے لایا دیا۔ مہاراجہ نے فرمایا کہ
 یہ لایا ہے۔ مہاراجہ نے فرمایا کہ۔

*Hoc enim ad Zerâtuſht venit pro
certo,
Iſtam eſſe omnium Religionum op-
timam.*

At non obstantibus *Zoroastri* Revelationibus (ut vulgò creditum,) & in eis per multa secula fide receptissimâ, de eâ tamen Religione, Persarum Regi *Ardeschir Babacan*, vulgò dicto *Erdaſchir Bobgân* (quamvis dictam Religionem externè profiteretur & tueretur,) suborta sunt quædam dubia & Scrupula, præsertim de futuro statu: unde totius Regni sui Clero majore (sc. *Præsulibus*) ad generale Concilium convocato, eos consuluit, hæc illis præfatus,

C

• ၂၀၁၄ ခုနှစ်

ne in aliquod Pyrëum introducatur & coram Deo ponatur: nullum Ignem æstimantes verè Sacrum, nisi qui ritè & legitimè accendatur, sc. vel à Sole, vel à Silice, vel ab Arâ alterius Pyrëi, ubi Ignis Sacer diu conservatus & legitimè primò accensus fuit. Multa enim habent communia cum Judæis, à quibus hujus Religionis magna pars desumpta est. *Suratenses* nullum habent Pyrëum, sed (ut Judæi faciunt in Synagogis suis,) Lampadibus Olei in ædibus privatis conservant Sacrum Ignem accensum à Pyrëo eorum in urbe *Nissari*, quæ ad Lat. 20 graduum cum 40 minutis: eaque 10 milliaribus distat à *Surât*. Non autem accendunt ab urbe *Gündavoy*, (ut vult *Pet. de la Valle*,) 7 milliaribus distante à *Nissari*.

Grave erat & malè mulctandum peccatum in eo cujus neglectu Ignis Sacer extingueretur, aut moreretur apud Judæos: nam Maimonides agens de Sacrificio jugi, Tract. VI. §. 6, ait, *Si quis Ignem Altaris (vel unum Carbonem de majore Rogo sublatum) extinxerat, verberandus erat: at si Ignem Candelabri, aut Thuribuli extinxerat, impune ferebat, utpote qui non tenebatur esse perennis*. Nec tale quid erat minùs mulctabile apud Persas. Sed cùm Persis essent plures ejusmodi Ignes, id eis non erat æquè portentosum ac fuit Romanis, apud quos, *unicus tantùm fuit pro toto Imperio Ignis sacer*. Græcis erant plures Ignes *Delpbis* & alibi: & *Pausanias* notat Ignem perpetuum fuisse in *Cereris* & *Proserpina* Templo, quem extinxisse nefas. Persæ Ignem suum æstimant tam Sacrum, ut nihil Igni ingratum facturi sint: ideòque nec in Sacrum, nec in quemvis alium Ignem, unquam inspuunt, aut sordes injiciunt, & multò minus eum Aquâ extinguunt; nec *Candelam* exanimant, sed sponte emori sinunt; uti etiam fecère *Romani*: nec domûs suæ incendium aliter supprimunt, quàm per injectionem terræ, aut alio modo suffocando. Imò quod augeret flammam, Oleum adderent, potius quàm injicerent Aquam quæ extingueret, si alterum horum faciendum esset. Ignem non extinguunt Aquâ, utpote quæ sit itidem sacra. Præterea Aquam injicere, esset summâ vi & injuriâ utrumque violare & probro afficere, & inter duo Elementa sacra pugnam instituere: adeò ut, florente olim Persarum Imperio, Ignem & Aquam commississe, erat crimen capitale & malâ morte mulctandum piaculum, nec minore poenâ expiandum, idémque in altero Mundo, post Resurrectionem, variis suppliciis corporalibus puniendum credebant. Hinc neque Persæ in *Indiâ* calens ferrum (utpote quod Ignem in se contineat,) in Aquam immittunt, ne violentiam inferant Igni, quod damnable. Eâdem de causâ etiam Gladios non portant, nec

armati accedunt Ignem, ne violentiam illaturi & minaturi videantur. E contra autem, ignem alere & fovere, five communem, five sacrum, meritorium habetur; cum tam ex Fide erga Deum, quàm ex pietate & bonis operibus salutem æternam sperent, *ita tamen ut per Ignem*; non quidem purgatorium, nam tale quid, ut in se absurdum, sic & illis prorsus inauditum: nec credunt supplicium aliquod futurum per Ignem.

Quoad veteris stirpis Persarum Habitum, (dicente *Mandefso* & aliis testibus oculatis,) ii qui in *Indiâ* degunt, tam Sacerdotes quàm Laici, albis vestibus induti incedunt. Hoc autem idè est, ut melius imitentur *Banianos Indos*, & in hoc se iis conforment, inter quos, & sub quibus vivunt. Unde nec porcinam edunt: sed urgente necessitate, eam tangunt. Hosce in *Indiâ* Persas *Magos* planè indigitavit *Diogenes Laërtius*, quos suo tempore dixit albis vestibus indutos tunc esse. Et hi iidem sunt quos *Mobéiyida*, seu *Candidatos*, vocat *Gjéubari*, المبيضة فرقة من الثنوية وهم المقنع سموا بذلك لتبييضهم فيابهم مخالفة للمسيودة من اصحاب الدولة العباسية *Candidati sunt Secta quædam Dualistarum, (sunt nempe Al Mokánna')* qui sic nominantur, quia albas induunt vestes; in contrarium *Nigratorum* qui sunt homines *Dynastiæ Abbassidum*. Tales *سين جامكان* *Candidati* reverà sunt Persæ in *Indiâ* *Dualistæ*. Nomen *Mokánna'* significat *Calanticâ indutos*, vel etiam *Galeâ indutos*: sed prior significatio eligenda, nam non gerunt Pileos tumentes sicut Mohammedani. Sed cum Persæ in *Indiâ* degentes, sint è patriâ exules & extorres, videntur etiam in quibusdam aliis rebus (præterquam in Vestibus) infecti alienis moribus, subjectione subacti, ideoque nec in opinionibus religiosi semper orthodoxi: unde horum praxis fortè non sit semper probanda, nec sint orthodoxis Persis, tam in hoc quàm in aliis quibusdam rebus, exemplar imitabile. Nam à veteribus Persis antiquæ stirpis in Perside, ubi liberius vivitur, in aliquibus rebus aliter fit: ibi enim gratiâ Ignis (apud eos qui regulares sunt) quivis tam *splendens*, quàm *rubens* color, in omnibus cujuscunque generis rebus, æstimatur & facer habetur: & ut olim, sic etiam hodie, (dicente *Thevenoto*) affectant induere vestes flavescentes, aut rubescentes, flammei, seu latericii coloris, quippe qui sit Ignem quodammodo referens simulansque: hinc *Curtius* meminit in *Xerxis* solenni Processione (secundum numerum dierum Anni,) fuisse 365 *juvenes puniceis amiculis velatos*, i. e. rubeis. Et eodem modo, melioris notæ sceminæ *Peplum luteum*, Flam-

Flammæumve ponè dependere sinunt, sc. talis coloris Pallam muliebrem gerunt. In hujus Operis processu, plura de eorum habitu ex Autore Gallico Autopte notantur. Atque propter supradictam causam est, quòd *Rubinus* & *Balscius* & *Carbunculus* & *Pyropus* & *Hyacinthus* ruber & *Granatus*, æstimentur præ aliis Gemmis & in pretio habeantur. Et sic in omnibus aliis rebus.

Et propter eam quam cum Igne inferore convenientiam habent, Stellæ & Ignita Meteora & Coruscamina & Ignes cœlestes omnes in honore semper habuerunt, & etiamnum habent & magni faciunt. Et, si aliquem tetigerit Fulgur, id pro *fausto omine* reputatur, quamvis eo tactus fortè lædatur; quia si quis sit à cœlo tactus, id digito divino factum censetur: nam respectu puritatis, tam Ignis, quàm Sol & Luminosa omnia sunt cognata, & eorum opinione, res divinæ. Idèoque omnis Ignis, sive sit cœlestis & superior, ut Planetarum & Meteororum; sive terrestris & inferior, aliquid Sanctitatis & Beatitudinis in se habere creditur. Sed (ut supra dictum,) non ut Deus adoratur: Deum enim Omnipotentem cœli & terræ Creatorem solum adorant, idque devotissimè, scrupulosâ conscientiâ malum fugientes & bonum facientes & exercentes, pietate & timore Dei excellentes, & plerasque totius Orbis Gentes, in hac parte, superantes. Et quidem de eis peculiariter notari debet, quòd veterum Persarum Ecclesia & Gens sola sit & in toto terrarum Orbe unica, quæ (exceptâ Israelitarum & Judæorum lineâ sacrâ,) continuò & constanter à suis primordiis, seu incunabulis, & ab ipso Diluvio ad hoc usque tempus, veri Dei notitiam & cultum semper, sine ullâ temporum interruptione, retinuerit & adhuc retineat. Et quamvis (ut superius notavimus,) *Sabaismi* & *Pyrodulæ* externâ specie, Religionem suam veriore interpolaverint & inquinaverint, & plurimas superstitiosas & peccaminosas nugas cum vero cultu (ut *Lolium* cum *Tritico*) miscuerint, id quidem, erroneæ conscientiæ ductu factum, Dei timorem & cultum non exclusit, quin omni ævo, veræ Religionis & pietatis energiam semper retinuerint. Eos itaque tam miram Religionem habuisse, cum talibus nugis Dei timorem tenendo, atque soli Deo cultum divinum, Elementis autem & Planetis cultum tantum civilem exhibendo; talem, inquam, eorum, in hac parte, praxin ante *ter mille annos* usitatam, nunc serò tandem hisce temporibus rescivisse & detexisse, certè juvat, multum juvat re-rescreâque! Omnis autem talis praxis in Sacro Codice damnata est. Quid verò de Deo crediderunt & adhuc credunt, quantopere eum honorant, & quanto ardore illum venerantur, (cum Fidei eorum sum-

mâ,

mâ, & omnibus illis Attributis, quæ à mortalium religiosissimis Divinæ ejus Majestati tribui solent, aut possunt,) sub finem hujus Operis particulatim docebitur. Supradictæ erga Solem & Ignem cæremoniæ, (quatenus sunt respectus externi & tantum civiles erga tam gloriosa corpora, dum veri Dei timorem & cultum, tam internè quàm externè, retinuerint & cum zelo exercuerint,) in iis qui S. Scripturæ lumine destituti, erant aliquantulum excusabiles: nam quamvis Zoroastres *viderit & noverit* Vet. Testamenti *Biblia Sacra*, ea tamen suis integrè non tradidit. Et, quòd ea quæ præstant, sint meræ civilitates potius quàm divinus aliquis cultus, vel hinc constat, sc. quòd talia (referentibus *Perse-Armenis* ut supra dictum,) erga Solem præstant *Perse Mobammedani & Armeni Christiani*, qui ambo ab omni Idololatriæ specie fatis remoti: inde, inquam, planum est quòd isti omnes non reputant tale Homagium esse Idololatriam. Sed nihilominus, me judice, tale quid in iis qui S. Scripturam & Mentis Divinæ Revelationes nôrunt, (ut qui sub Novo Fœdere nati,) est planè intolerabile.

Animalia noxia peculiari odio prosequuntur Persæ, de quâ re alibi diximus: & è contra, alia quædam nimis æstimant, ut *Canes*, & *Gallos gallinaceos*, &c. unde Canes ex religioso Zoroastri præcepto pascunt; & Gallos, labentis temporis nuntios, ita æstimant, ut severissimam commissi criminis pœnam subire contenti sint, potius quàm Galli caput amputare. Inde meritò apud *Aristophanem* Persica, aut Medica Avis habetur Gallus: & usque hodie Gallinis adeò scatet Media, ut eo ferè solo cibo & earum Ovis (unâ cum carne Ovinâ) excipiantur nostrates ibi peregrinantes. Ab illâ regione jam utilissima hæc Avis per totum Orbem multiplicatur. Hocque novisse juvat: nam rebus alienigenis, longo temporis tractu, apud nos factis tanquam indigenis, unde primò venerint tandem ignoratur; quod de multis Plantis & Arboribus verum, & de Animalibus haud paucis, atque etiam de plerisque rebus aliis per commercium in usum nostrum aliunde adoptatis; cum *antiquo tempore*, à toto Orbe magis divisi & disjuncti essent *Britanni*, qui jam commercio conjunctiores.

Prædicta Persarum Religio, ea est quæ, ferè ab ipso Diluvio, in *Partiâ & Mediâ & Persiâ* apud Gentes ibi incolentes, duravit & viguit, quæ etiam hodie à dictarum gentium sobole in eisdem regionibus mixtim vivente continuatur. Hujus religionis *Metropolitana* Ecclesia, quæ à devotis peregrinantibus solenniter visitari solebat, olim extructa fuit à Rege *Gushtasp* in urbe *Baleh* prope confinia Indiæ: &
idem

idem Rex eandem Religionem transplantavit ex Persiâ in superioris Indiæ urbem *Keshmîr*, ubi (uti colligitur ex *Bundâri Ispahanensi*) idem Rex extruxit Pyræum, illudque solenniter adire iussit omnes Indiæ Regulos, missâ Idololatriâ suâ, illam Indiæ partem (ut videtur) sub se tunc habens. Eam autem *Deicolam* Religionem brevi ibi extinxit *Indorum* Idololatria. Et tandem, longo post tempore, totaliter everso Persarum Imperio, & ingruente persecutione, (ut fusè narrat D. *Henr. Lord*,) aliqua Persarum pars concessit in Indiæ inferioris partes, ad *Surât* & *Nûssari*, ubi hodie eadem Religio ab eis servatur & colitur, & (ut postmodùm intelleximus,) *ultra* Indiam, in Insulâ *Gilolo* etiam recepta est. Dicta migratio, seu fuga in Indiam, facta est tempore Regis *Yezdegberd filii Sbabriyâr* veterum Persarum ultimi, (à cujus *Inthronizatione* suam *Æram* ducunt veteres:) nam cùm *Othmân filius Affân*, circa annum Christi 646. cum suis *Saracenis* Persiam invaderet & occuparet, aliqua Indigenarum pars, potius quam Tributis gravioribus vexari, aut incarcerari & omnibus bonis spoliari, *Islamismum* (Victorum Religionem) amplexa est, & *Saracenorum* iugo paruit; dum altera Indigenarum pars, veterum Rituum tenacior, potius quam ullâ vi ad Circumcisionem & alios Mohammedanorum Ritus novamque Fidem cogi, (*Zoroastrem* pro *Mohammed*, & *Zend* pro *Alcorano* commutando,) fugâ sibi consulens, in remotiores Regionis angulos & montes partim, partimque in Indiam secessit; & hi in hisce locis veterem suam Religionem exercentes, hodiè pacificè vivunt, à Mohammedanis & reliquis rerum Dominis tolerati: sed tamen contemptui habiti; & præsertim in *Ispahân*, ubi Curia Regia, semper fuerunt pejus habiti quàm in aliis locis. Et nuper (quod dolens refero) isti veterem suam Religionem deferere & *Islamismum* amplecti fuerunt coacti à novo Persarum Rege *Hosein*, qui vetus istorum suburbium *Ghavr-abâd*, de se nominari iussit *Hosein-abâd*. In Indiâ autem (in *Surât* & *Nûssari* urbibus Provinciæ *Guzurât*,) victum quærunt plantando Nicotianam, & extrahendo Vinum Palmeum, & aliâ agriculturâ & mercaturâ, & quibuscvis occupationibus, exceptâ eâ Fabrorum Ferrariorum, propter reverentiam Ignis, ne eum profanare videantur: nec, ut supra dictum, ignitum ferrum (quamvis alius aliquis id in Ignem immiserat,) in quovis liquore extinguunt, quod Fabris esset necessarium. Sed præsertim, multi eorum sunt Textores telarum Indicarum, quæ tam in Europam quàm in omnes alias Mundi partes deferuntur. At Mohammedani nimis alto supercilio hanc & omnes alias Religiones aspiciunt, & ut erroneas despectui habent, & easdem hodie

hodie delere fatagunt. Unde *Sheich Saadi* Mohammedanus Persa *Sbirazensis*, olim, veteres nostros Persas æstimans *Ignicolas* & *Infi-
deles*, eos æquiparat Christianis, de quorum Salute desperat, & utro-
que, ut misellos, contemnit, magnificando Misericordiam & Clemen-
tiam Dei qui tam indignos homunciones quotidie ex Bonitate suâ
alere & sustentare dignatur, his sequentibus verbis in Libro *Gulistan*,

O quàm
دارى ما كردمى كه ار خرابى غيبى گير و درسا و طايعه خور دارى
*Liberalis es, qui ex Tbesauro abscondito, Ignicolis & Christianis quotidi-
anum alimenti demensum præstas!*

خوان نعمتى بى درفش همه جا كشیده

*Mensa Beneficentiæ ejus pro-
fusæ ubique sternitur!*

باران رحمتى بى حسابش همه را رسیده

*Pluvia Misericordiæ ejus infi-
mitæ ad omnes pervenit!*

Nomen *Terfâ*, seu *Tarfâ*, quo heic *Christiani* notantur, & alibi apud
alios Autores notari solent, in quodam vocabulario (ut dicitur) ab
aliquo Mohammedano exponitur *Idololatra*; sed minùs rectè, nisi
quatenùs Mohammedanorum opinione, aliqui Christiani sint Idolola-
træ, adeoque illi Termini apud eos sint convertibiles. De hoc autem
fusè egimus in Dissertatione quam, ante aliquot annos, emisimus, pro
Bibliorum Polyglottorum Defensione, contra *Carmelitam* quendam,
sui *Ordinis* olim in Persiâ *Præfectum*; qui jam in viciniâ agens, nihil
hactenus reposuit, ut me defuncto, impune id facturus sit.

Hoc autem præsens Opus quod spectat, in eo, pauca quædam ex-
traximus ex *Græcis* & *Latinis*, & alia quædam ex *Arabibus* & Persis
Mohammedanis. Sed Mohammedani haud multa produnt de Magorum
Ritibus, utpote quos vilipendunt, & ex ignorantia & malitiâ eos ali-
quando invidiosè repræsentant. Nos itaque abstrusiores res, ex obscu-
ris suis latebris, sedulâ diligentia & dispectione eruendo, genuinis ipsis
Veterum Persarum Monumentis præcipuè freti sumus, ex eorum
mente & tenore in sequentibus dicturi, inde eliciendo quantum de ve-
tere *Persismo* & eorum Magismo impræsentiarum sitienti animo suffi-
ciat, donec *ipfissima Zoroastris Scripta* (quantivis certè redimenda)
publici juris fortè facta fuerint, si modò Bonarum Literarum Fauto-
ribus tale quid Sumptibus suis procurare & promovere videbitur;
ut illam Antiquitatum partem, nondum tentatam, & hactenus inex-
ploratam, nobis tandem scrutari & rimari liceat. Et sanè, (nisi sur-
descat ævum,) si aliquid hujus generis præstandum speretur, oporteret,
ut jam statim suppeditatis necessariis sumptibus, (sine quibus id nun-
quam fieri poterit,) mox inchoetur & acceleretur biennalis opera præ-
paratoria,

peratoria, quæ ad res ex Oriente coëmendas requireretur; ut (si interim ex Oriente comparari potuerint,) quam primùm Prelum ab hoc Opere vacaverit, immediatè aggrediamur alterum illud Typis mandare: ne fortè aliàs dum moras trahimus, cito pede prætereunte ætate, planè excidat illud designatum & hæcenus desideratum Opus (quale esset *Zoroastrianorum editio*,) antequam ad optatum finem perducatur. Ego, ex meâ parte, paratus sum suscipere laborem, & (quantum in me est) aliquid in bonum publicum præstare. Perpendant Cordatiores an operæ-premium sit, necne? ut, si tale quid sit desiderabile, & tamen nunquam sit, non in nos culpa redundet, sed in illos ditiores Literarum Patronos qui tale præconium à nobis jam per aliquot annos audiverunt. In hisce rebus ex Oriente procurandis, erit difficultas, cùm Incolæ, ex Religioso Præcepto, sint talium rerum tenaces, & in eis prodendis valdè cauti. Sed nihilominus per pecuniæ vim & alias artes, ad nos cogi & feliciter deduci poterunt talia Orientis *αειμύρια*, aliàs ad nos nunquam perventura: quia me defuncto, apud nos fortè pauci erunt superstites, qui *Quid* sit comparandum, & *Ubi* locorum inveniendum, & *Quomodo* id ad nos deducendum sit, noverint. Ideoque dum vivitur & aurâ vescimur æthereâ, aliquid citò in hujusmodi opere faciendum videtur; nam post fata cessandum: *fronte capillatâ, post est occasio calva*. Additâ autem primâ vi, quæ est motionis continuandæ principium, dum in præsentè Opere heic edendo sudatur, indies ad nos properabit accita materia: imò dum heic dormitur, aut aliud agitur, nocte dieque confecto itinere & sulcato æquore, aliunde ad nos accelerabitur.

In hoc autem Opere quod jam præ manibus est, in unum congestimus pleraque (sive bona & orthodoxa, sive mala & hæretica,) quæ de Magorum Religione sparsum apud Autores leguntur. Cùm itaque in hac Religione fuerint Sectæ plures quam 70, (uti etiam sunt in Christianitate,) non est expectandum, ut omnia quæ de eorum Religione fortè dicta fuerint, pertineant ad Magos orthodoxos, sed aliqua etiam ad hæreticos; haud magis quàm omnia quæ de Christianismo alicubi dicta fuerunt, ad solos Orthodoxos pertinuisse censeantur, nec aliqua ad Hæreticos, cùm plurimæ fuerint etiam in Christianitate Hæreses. Hac enim ratione (propter talem inibi malorum & bonorum missionem & farraginem,) de tota Christianitate statim pessimè sentirent eamque damnarent Gentiles, de quorum conversione aliàs sperare possemus, & Dei Nomen blasphemaretur inter Gentes; si tam iniquo modo judicarent. Magorum autem Secta orthodoxa (breviter) ea est

D

quæ

quæ de duobus Principiis credit unum fuisse æternum, alterum verò creatum; Deum esse amandum & adorandum eique soli serviendum, Diabolum autem detestandum & odio habendum; cum multis aliis rebus Dei Unitatem & alia ejus Attributa spectantibus. Hæretici autem fuere tam alii, qui in processu hujus Operis enumerantur, quàm Magi Dualistæ (ut vocantur) statuentes hæc duo Principia fuisse co-æterna, &c. ut *Manichæi*, & alii in aliis rebus minùs orthodoxè sentientes, qui infra ex Autoribus memorati: cùm non sit expectandum ut ulla unquam Gens suos omnes habeat orthodoxos. Nam semper fuit, & etiamnum erit impossibile, ut in ulla Religione omnes idem sentiant, quin judicii diversitas sit de quovis ferè Religionis Articulo: unde in omnibus totius Orbis Religionibus tot Sectæ & Divisiones emerferunt, & ex improborum & stultorum hominum corruptis cordibus & inventionibus, tanquam è Tartaro pullulârunt. His adde, quòd contra Persas quædam sint falsò & malitiosè dicta per Mohammedanos & Græcos & alios hujus populi eorùmq; Religionis inimicos, & rerum eorum ignaros & iniquos æstimatores, quæ ab ipsis Persis & eorum amicis longè aliter dicuntur. Ideoque, cum aliquid de isto populo refertur, candidus Lector debet perpendere, qualis sit Relator & quænam ejus Religio, an Mohammedanus, vel aliàs vetus Persa, & an horum res satis calluerit; ut ita æquum de tali sententiâ & de hac Religione judicium ferre valeat. Præterea, multa irregularia aliquando facta fuere à quibusdam Persarum Regibus, qui ex plenitudine potestatis, pro libitu sæpè fecerunt, & fieri jusserunt ea quæ non erant sancta; quibus orthodoxi Sacerdotes non potuerunt resistere eâve impedire. Unde tanta olim Magorum cura, ut Reges & Regum filii instituerentur in orthodoxiâ, utpote à quâ tandem (ut sperabatur) ne latum unguem discessuri essent.

Propter dictas causas, in hoc Opere perlegendo, supradictò modo sentiendum est de multis quæ in eo sparsum traduntur; & cum dictis limitationibus & cautionibus de Magorum Religione judicandum; nec statim omnia quæ de Magis unquam dicta fuerunt, vero Magismo impingenda; cùm sanè orthodoxi talia non faciant, nec agnoscant. Insuper Persarum Magia, (quæ præcipuè erat Theologia & Philosophia naturalis,) diligenter distinguenda est à maleficorum Diabolicâ Magiâ, quæ Persarum Magis planè Ignota fuit. Qualis autem fuerit Magorum vera & Reformata Religio, tum demum plenius innotescet, & de eorum orthodoxiâ tunc rectius judicabitur, quando supradicti Zoroastri (Viri, omnium consensu, Doctissimi) Libri integri lucem viderint;

viderint; ex quibus etiam multa Philosophica & Historica & Medica & Astronomica & Astrologica in sinu temporis, & Archivis Persicis nondum reclusis, hæcenus latentia, in publicam lucem emergent. Nam solam Religionem spectat Liber *Sad-der* qui hæc exhibetur, qui est breve quoddam Compendium, seu Manuale, à docto quodam Sacerdote, olim in usum vulgi, ex ejus Libris Theologicis selectum, & affectato stylo, compositum carmine, quod semper vitavit Zoroastres, omnia sua conscribens prosâ. Et quamvis iste Liber pro Canone habeatur, ejus Contenta, respectu totius, sunt tantum pauca. Doctiores, veterem Linguam & Literas (quibus ejus Opera scripta sunt,) callentes, plura & meliora sciunt. Sed interim, Partem novisse, est melius quam totum ignorasse.

CAP. II.

Quomodo veteres Persæ suam esse Abrahami Religionem jactitant, illamque ei acceptam referunt: quâ occasione hæc exhibetur nova Vita Abrahami Historia, & de verâ ejus Religione disquisitio, & Persicæ Religionis cum eâ Collatio, &c.

DICTA veterum Persarum Religio ab Arabicè loquentibus nuncupata est *مِلّت ابراهيم* *Millat Ibrâhîm*, & à Perso-Medicè loquentibus *کیش ابراهام* *Kîsh Abrâbâm*, quæ utraque sonant *Religio Abrahami*, gloriando eam primò ab Abrahamo Patriarchâ & Fidelium Parente profectam. Inde est quòd eorum Liber eandem Religionem continens docensque, ab Orientalibus Arabicè vocetur *صحف ابراهيم* *Sohf Ibrâhîm*, i. e. *Liber Abrahami*. Quibus aliis etiam nominibus, tam Abraham ipse, quàm dictus Liber gaudeat & Titulis decoretur, infra suo loco dicetur.

Dictum Librum cœlitus *Abrahamo* demissum credunt Persæ veteres, eodem modo, quo à *Muslimis* creditur *Coranus* Mohammedi demissus, *Evangelium* Christo, *Lex* Mosi, & *Psalmi* Davidi. Et apud Shâh-Cholgi Persam, inter Muslimorum Dies celebriores, notatur peculiaris hujus rei Dies, ubi legitur, *غرة رمضان — ذرول صحف بر* *Novilunio Ramazân fuit descensus tæ Sohfi super Abrahamum, cui pax.* Nomen *Sohf* à Persis usurpatum, ex vi vocis, Arabicè

est *Codex*, seu *Liber* in genere. Atqui, saltem Decem Libros ad Abrahamum descendisse ajunt, quorum Decimus habetur *Pázend*, plenus consiliis & sapientiâ & secretis. Quin & omnes *Zerdušti* Libros (qui plures sunt) in censum Librorum Abrahami venire volunt. Decem Libros Abrahami etiam numerat *Abu Mohammed* Arabs. Omnium autem pessimè nugantur Judæi, Abrahamo tribuentes Librum merè Cabbalisticum, cui Tit. ספר יצירה *Liber Jetsirà*, seu *Creationis*.

Horum Librorum descensum, seu demissionem, crassiore modo affirmare videntur Orientales, si illorum nuda verba spectemus: sed hoc tantum volunt, sc. quòd dictorum Librorum sensus à cœlo inspiratus fuit dictis personis. Abrahamum itaque in re sacrâ Persicè پیشوا *Pisbuvâ*, seu Arabicè إمام *Imâm*, i. e. *Antistitem* suum vocant asseruntque, illumque sibi ut Patronum vendicant, seipso illius Asselas ejusque Religionis sequaces jactitantes. Præterea (ut videtur) volunt eum aliquando vixisse in *Bactris*, quæ بلخ *Balch*; unde in *Epit. Rustemi AlMaulavi* legitur بلخ شهر ابراهيم پیغامبر ؑ *Balch est urbs Abrahami Prophetæ, cui pax*. Ista urbs versus Indiam in ulterioribus partibus Ditionis Persicæ sita est: Abrahamum autem unquam eas partes lustrasse, aut ad eas peragrassè, ex sacra Historia colligi non potest. Præterea obstat, quòd *Balch* condita fuit à Rege *Lobrâsp*, longè post tempora Abrahami: ideòque si quid insit, pro *Balch* subintelligenda est antiquior ibi urbs *Bamiyân*, in cujus locum (vel ad parvam distantiam) successit *Balch*, ubi *Lobrâspis* filius *Gushtâsp* extruxit insigne Pyréum, multis divitiis ditatum, & redditibus dotatum, ad quod (cùm haberetur urbs Abrahami) tanquam ad sacrum locum quotannis solennem Peregrinationem Religiosè suscipere solebant veteres Persæ, ut *Arabes* hodiè faciunt ad *Meccam*: sic Libri Persici *Shahnâmæ* Interpres Arabs *Bundâri* Ispahanensis, — بلخ *Balch fuit Persis sicut Mecca Arabibus*. Mihi autem videtur quòd *Balch* vocata fuerit *Urbs Abrahami*, quia propter Religionem Abrahami (ut vocant) fuit celebratissima; non autem quasi Abraham ipse aliquando ibi fuerit, aut ibidem vixerit.

Quin & Abrahami famam hauserunt pleræque Gentes, etiam Idololatricæ; quarum aliquæ eandem, in bonam partem, & aliquæ in malam partem, traxerunt: tam celebris per totum Mundum fuit Abraham! Scilicet summa ejus erga Deum pietas, & maximus apud Deum favor, ubique terrarum percubuit, & ejus fama de offerendo Isaac,

& de intentione eundem immolandi, apud Gentes diffusa est tanquam de Isaaco actu immolato; quâ itaque in parte, perperam interpretatum, malè cessit Abrahami exemplum. Nam ex malè intellectâ Abrahami Historiâ, Ethnicici elicuerunt, Quodd si aliquis grande aliquid à cœlo petendum haberet, id obtineret per Holocaustum humanum, sc. comburendo filium suum primogenitum, uti fecisse crediderunt Abrahamum. Inde Vivicomburium prævaluit apud erroneas Gentes, à quibus infecti fuere Israelitæ, tanquam novâ quâdam doctrinâ à cœcutientibus receptâ, qui primi hujus erroris fundamenti immemores. Apud *Plutarchum* in Libro de *Superstitione* p. 171, de Fœminis Gentilibus memoriæ proditum, *Quæ nullam habebant prolem quam Idolis mactarent, emebant à pauperioribus Infantes, tanquam Agnos, aut Pullos mactandos; & si Mater adstans fieret, mactabatur pretio. Et ante Simulacrum, omnia strepitu Fistularum & Tympanorum [Tabour and Pipe] opplebantur.* Meritò itaque ad meridiem Hierosolymorum, talibus Sacrificiis destinatus locus dicebatur *Tophet*, à *Toph*, quod est Tympanum parvum unâ tantum facie præditum, ad quod fistulâ cane-batur. Hoc cum S. Scripturâ convenit eamque confirmat, Testimonio ab extra petito, quod melius. Harum autem Gentium posteritatalia facientes, ea non nominatim referunt Abrahamo, primi sui Instituti occasionem ignorantes. Tam diabolici fuerunt Imitatores falsi & Pseudomimi.

Ab Abrahami exemplo (ut eis videbatur) filium primogenitum offerendi, procedebant ad offerendum quemvis filium, aut Hominem in genere, tacito Abrahami nomine; idque non semper filium, aut filiam comburendo, sed & defodiendo in terrâ & demergendo in aquis. *Plutarchus* de *Amestire* Xerxis uxore refert, *Quodd ipsa defodiebat XII homines vivos pro sese τῶ Ἀδῆ.* Hujus Historiæ meminit *Herodotus*, qui etiam parem de Xerxe historiam præmittit: nam p. 477. de Xerxe ejusque exercitu in Græciâ agens, narrat, *Per Novem vias Edonorum ivere, juxta quas Strymonem pontibus junctam invenire. Audientes autem cum locum Novem vias Edonorum appellari, totidem illic Pueros ac Virgines virorum Indigenarum vivos defoderunt. Persicum enim est defodere viuentes. Nam & Amestrin Xerxis uxorem, jam provecta ætatis, audio bis septem Illustrium Persarum Liberos defodisse, ad referendam pro se gratiam deo qui sub terrâ esse fertur. Idem fecere Romani casibus extraordinariis, ut Livius docet Lib. II. cap. 57, Ad Oraculum missum, ut sciretur quis tandem esset finis Cladibus quæ Imperium afficiebant. Interim, ex Fatalibus Libris, Sacrificia aliquot extraordinaria facta;*

facta; inter quæ, Gallus & Galla, Græcus & Græca, in Foro Boario vivi demissi sunt in locum saxo conscriptum. Ægyptii submergendo vivam virginem, fecere victimam: ii enim quotannis (referente Murtadi) Virginem sacrificabant Nilo suo, ut justum suum Incrementum servaret. Sed quo tempore Ægyptum subjugarent Mohammedani, Generalissimus Dux Amru filius Aas, ut Victor, ingrediens mense Baun, tam hunc quam alios Ethnicos eorum Ritus Edicto prohibuit & abolevit. Unde conquesti sunt, se non posse in regione suâ subsistere absque Incremento Nili, qui servabat Regulam suam secundum Legem quandam. Illo interrogante, Quænam esset Lex? Responderunt, Hujus mensis Baun 12 die accipimus Virginem, (satisfactione prius datâ parentibus,) quam adornamus vestibus pretiosis & gemmis; & eandem, nocturno tempore, in Nilum projicimus, ut aquis suffocetur. Ille autem dixit, Hoc non posse continuari per Legem Muslimanicam, quæ omnes profanas consuetudines tollit. Quin & Arboribus & reliquis Diis falsis, apud alias Gentes, litari solebat Victimis humanis, ut suo loco fusiùs dicetur.

Aliæ quædam Gentes erroneas res suas tam celebri Autori disertè & nominatim referre gestiebant primitus: quamvis jam hodie & à multis seculis originalis Instituti causa apud eos in oblivionem abierit. Nam Indorum Idololatricorum (in suâ vix intelligibili Religione mysteriosâ, quæ tam specioso nomini non respondet,) Antistes olim primarius perhibetur *برهمنه Brabma*, seu *Brábama*, qui ab *Abrahâmi* nomine *Hebraico* sic vocatus creditur, *Abrahamum* ipsum hoc nomine indigitando; ut & à *Persico* ejus nomine *Brábâm*, dictæ Religionis Indicæ Sacerdotes etiam (ut in Libro *Pbarb. Sur.*) dicuntur *برهمن Brahman*, seu *Brábaman*; quos quasi *אברהמיתים Abrahamitici* sic dici volunt Judæorum Docti, specialiter Autor Libri *Shilte Gibborim*. Arabes Abrahâmi ipsissimum Nomen (pueris aut juvenibus applicatum) subinde diminutivâ formâ efferunt *برهيم Boreibim*, seu *Breibim*, vel *برهيم Boreib*, seu *Breib*, sive *أبرهيم Abcirib*, quibus omnibus notatur *Abrahamulus*. Hæc in plurali sunt *أبرامة Abârîma* & *أبراهة Abârîba*, & *أبرار Abârîb*. Hæc quidem formulæ rem prædictam illustrent, monstrando in quàm varias formas Abrahâmi nomen aliquando torqueri solebat. Supradictam etiam opinionem tradit *Shabristânî* Arabs, quam tamen putat se refutasse, quamvis reverà eam potius confirmaverit,* dicendo, *Quosdam existimare برهمنه Brabamanos sic dici ab إبراهيم Ibrâhim; id tamen fieri non posse, quia isti [sc. Indi] omnino*

* In cake sui Libri, ubi de Religionibus Indicæ agit.

negant omnem Prophetiam; populum verò qui credit in Prophetiam Abrahami, esse Dualistas, qui asserunt Lucem & Tenebras. Sed Brabamanos sic dici ab homine cui nomen ابراهام Abrábâm. Hoc modo Shabristâni disputat contra seipsum, sc. ignorando quòd Ibrabîm apud Arabes sit idem nomen quod Abrábâm & Brábâm, quæ dicti nominis Abrahamitici forma apud Persas.

Dictus autem Shabristâni haud gratis de Abrahamo loquitur tanquam de propheta: nam qui in Bibliis dicitur נביא *Nabi*, aliàs etiam dici solebat חזוה *Cbozè*, seu רואה *Roè*, i. e. *Videns, prævidens*, qualis fuit Abraham; id quod *Christus* de eo testatur, *Abraham vidit Diem meum, & gavissus est*. Sed quòd is reverà fuit Propheta, aliàs testatum relictum est ab ore Dei, Gen. XX. 7, *Nunc itaque restituite homini uxorem suam, nam is est Propheta*: sc. familiari Dei colloquio honoratus, & divinâ Revelatione donatus, ut in casu Sodomæ & aliter; quippe qui omnium Fidelium Pater, Fide insignis, Prævisione notabilis, & toti Orbi timoris divini, pietatis, justitiæ & obedientiæ semper imitandum Exemplar. Alibi etiam vocatur Propheta, ut Tob. IV. 12, *Nos enim sumus filii prophetarum Noë & Abrahami & Isaaci & Jacobi*. Et sic apud Orientales semper audit ابراهيم پيغامبر *Abraham propheta*. Et in altero Arabico Libro de *Primis & ultimis*, multa *Prima* tribuuntur Abrahamo, quòd scil. ille fuit *Primus* quem fecit Deus Patrem Prophetarum, cùm ex ejus lumbis prodierint 1000 prophetae à suo tempore ad Mohammedem. *Primus* qui migravit à suis in viâ Dei & religiosè fugit. *Primus* qui vestibus nudatus fuit in viâ Dei. *Primus* qui discessit è patriâ suâ in causâ Dei, servando fidem suam. *Primus* qui hospitio excepit Hospites, inde dictus *Pater Hospitum*. *Primus* qui extruxit Domum pro Hospitibus, faciendo eam cum duabus Portis. *Primus* quem Deus nominavit *Haniphæum*, eximendo eum à vocationibus vel Judaismi, vel Christianismi. *Primus* qui *Muslimos* nominavit *Haniphæos*. *Primus* qui in ignem projectus fuit pro causâ Dei, & Ignis fuit super eo refrigerans & salutaris. *Primus* qui mortuos suscitavit per preces suas. *Primus* Prophetarum & Constantium, qui tentando probatus fuit. Hinc Noah & Abraham & Moses & Christus emphaticè vocantur اولو العزم *Homines constantiæ*. Hactenus ille. Et cum his ibidem adduntur alia multa, quæ omnia desumpta sunt ex تاريخ قدسي Arabico Chronico Hierosolymitano.

Ille etiam fuit Sacerdos, uti fuit quodvis familiæ Caput, ut Cain & Abel, & Job, quamvis Rex; aliàs enim (ex Judæorum sententiâ) non

non habuissent jus offerendi Sacrificia. Abraham obtulit Bestias & Aves; & illas divisit, has non item. Et, ut Holocaustum, offerre voluit Isaacum, quamvis (à Deo rursus prohibitus) eum non immolaverit. Sacerdotum etiam Post-diluvianorum summus & senior fuit Noah, qui ideò Arabibus dictus شيخ المرسلين *Sheich Al Murselin*,

i. e. *Senior Prophetarum*, seu eorum Magister & Doctor. Et post eum, talis fuit *Shem* Hierosolymorum Rex, scil. *Melchisedek*, qui vitam prorogavit ferè (sc. minus 25 annis) ad mortem Abrahami, cui Abraham solvebat Decimas Spoliorum, ut *Act. VII. 4.* Et sic statuunt plerique Judæi, excepto *Aben-Ezrà*, qui *contrarium* statuit, sc. Melchisedekum dedisse Decimas Abrahamo. At non obstante Abrahami exemplo, Judæi vix agnoscunt Spoliorum Decimas solvendas, quia non est positivum præceptum: sed tamen voluntariè, absque Decimarum nomine, partem Deo dabant, ut *Num. XXXI.*

Abrahamum autem quod attinet, in Occidentalibus etiam Mundi partibus, olim apud puros Ethnicos invaluit fama ejus, ut Viri Sanctissimi & Religionis Antistitis celeberrimi. Nam referente Lampridio, *Alexander Severus* Romanorum Imperator Ethnicus, *effigies Apollonii & Christi & Abrahami & Orphei in majore suo Larario inter Divos Principes & Animas sanctiores posuit*, ibique consecravit. Proh deùm atque hominum fidem, in quàm miserum Nebulonum, in hoc Larario, consortium inciderunt Christus & Abrahamus, infelicitè inter nequitiae Duces illapsi!

Et, ut in omnibus rebus præferatur Abrahamus, & ipse ut omnium bonarum rerum Exemplar statuatur, in *Turcarum* Liturgiâ publicâ orant Deum, ut propitiùs sit *Mohammedi & familie ejus, uti propitiùs fuit Abrahamo & familie ipsius.*

Cumque laudabile sit res suas ab Abrahamo denominare, Mohammedani expressè asserunt hodiernam suam Religionem esse eam Abrahami; idque meliore prætextu, cum non tantum Deum verum & unicum hodiè colant, (ab omni Idololatriâ & Sabaïsimo, quibus olim infecti fuerant, abhorrentes,) sed & cum Arabes, præcipuos hujus Religionis cultores & sequaces, ab Abrahamo rectâ lineâ, secundum carnem, descendisse, ejusque naturalem sobolem esse, nemo dubitet: unde necessariò, de Protoparentis sui Religione, antiquitus proculdubio aliquid inaudiverint, eaque illis innotuerit; quamvis fœdè olim eam deferuerint, donec palantes reduceret *Mohammed*, (quod opus valdè laudabile,) eos ab Idolorum cultu ad veri Dei notitiam ducendo.

Et

Et propter Abrahami famam, aliqui, quibuscum collocutus sum, Constantinopolitani affectabant vocare Linguam suam Turcicam ابراهيم دلي *Ibrāhīm dīlī*, seu Linguam Abrahami; quamvis ea vulgò à Turcis vocetur مسلمانچه *Muslimāntcha*, Lingua Muslimanica, & عثمان دلي *Othmān dīlī*, Lingua Othmanica, à Turcarum Institutore & Duce Othmān-Beigh, qui ferè 400 abhinc annis hodierni Imperii Turcici fundamenta in Europā jecit.

Quòd autem Orientales Religionem suam ab Abrahamo arcessere prætendant, constat ex authentico Turcarum Catechismo MS. Turcicè conscripto, cui Titulus اصول دین *Osūlī Dīn*. i. e. *Principia Religionis*: Liber ipse possidetur à Doctissimo D. Tho. Gale Londinate. Ibi (inter alia) agitur de mortuorum Quæstione & Torturâ, de quâ etiam nos fusè egimus in Notis ad *Relig. Turc.* Et ibidem in dicto Catechismo docetur quomodo à Muslimis omnibus respondendum sit Angelis Inquisitoribus post mortem tempore Inquisitionis, sequente modo: اگر صورسدر کم کهمک ملعی سن جواب ودر کم ابراهیم خليل ملعیم اگر صورسدر کمک مذہندن سن جواب ودر کم امام اعظم ابو حنیفہ کوئی مذہندنم اگر صورسدر بیغمبر مرک مذہبی کمنددر Si de quānam Religione sis, interrogaverint; respondeas, Ego sum de Religione Abrahami Amici Dei. Si de quāman Sectâ sis, interrogaverint; respondeas, Ego sum de Sectâ Abu-Hanīphi Cuphensis. Si interrogaverint, de quānam Sectâ fuerit Propheta noster, respondeas, Eum fuisse de Sectâ, seu Religione Abrahami Amici Dei. Et quidem Abraham fuit ab Adamo sincero, seu Sancto. Adam enim Orientalibus dicitur صفی الله *Saphiyo'llāb*, i. e. Sincerus Dei. *

Ut autem pergamus, in Corani Sur. 3 de familiâ Amrān, docetur quānam (ex Mohammedis sententiâ) fuerit Religio Abrahami; sc. quæ Dei Unitatem asserit, non conjungendo cum eo socios seu pares: ibi enim legitur, قل صدق الله فاتبعوا مله ابراهیم حنیفا وما کان من المشرکین ان اول بہت وضع للناس الذی بیکہ مبارکا وهدی Dicito, Verax est Deus, ideòque

* Hoc in loco à Lectore peto, ut si fortè inciderit in supradictas Notas nostras ad *Relig. Turc.* p. 20, velit ibi corrigere Lapsum nostrum, quo (fallente memoriâ) in hujus loci recitatione ibidem factâ, scripsimus *Al Hanbal*, & *Hanbalwa*, pro *Al Hanīphi*, & *Hanīpha*.

sequimini Religionem Abrahami ut sitis Hanipbæi; nam is non fuit ex Associatoribus. Utique prima Domus quæ postea fuit hominibus [pro Visitatione sacra,] ea est quæ in Becca [seu Mecca] in Benedictionem & Directionem Mundanorum. In eâ sunt Signa manifesta, sc. Statio Abrahami, &c. Ex hoc Mohammedis dicto, constat Arabum traditionem fuisse, quod Abraham fuit Fundator Templi Meccani: & inter hujus rei signa manifesta, habetur Statio Abrahami, ut indelebile & & hodie superstes monumentum. Statio Abrahami est حجر اسود Lapis niger, quo volunt Abrahamum miraculosè adjutum fuisse in extruptione Caabæ; scilicet dum eum loco Parapegmatis habuit stando super illum; ille Lapis sursum & deorsum se sponte movebat pro occasione structuræ. Et idem hodie in Templo Meccano religiosè servatur. Propter insignem Abrahami sanctitatem & favorem apud Deum, omnes Regionem per quas transivit, notabile aliquod ejus memoriale retinere semper cupiverunt. Et quidem certum est Abrahamum, in suo ad Terram promissam itinere, transivisse per medium Arabiæ. Hinc itaque Arabes colligunt eum diversatum fuisse in Mecca, ibique extruxisse Oratorium, seu Sacellum: unde ille locus tam sacer habitus est, & sacrâ Visitatione quotannis adeundus præscribitur in Alcorano; qui etiam postea Mohammedis nativitate nobilitatus. De dictâ Traditione certò persuasus videtur Mohammed, ideoque in suâ ad Arabes Concione, seu Homilia secundâ p. 11, 12, 14, Abrahami Orationem, seu precandi formulam in jaciendo fundamento exhibet, tanquam Dei jussu recitans Mandatum pro Sacelli, seu Templi Caabæ, extruptione, & pro solenni peregrinatione ad illud faciendâ. Hæc etiam videri possunt in Homiliâ XXII. p. 105, ubi pariter ordinatur solennis Processio ad illam بيت العتيق Domum antiquissimam. †

Libri *Mu'gizdt* Autor Mohammedanus Persa, p. 223, de veteribus Arabibus eorumque Religione loquens, dicit عرب در قدیم زمان بر ملت ابراهيم بودند پس از آن مختلف شدند *Arabes olim fuisse Religionis Abrahami; postea tamen ab eâ in diversum abiisse.* Nempe prope tempora Abrahami, illius Religionem professi sunt Arabes: postea verò evaserunt Idololatræ. Sed rursus tandem ad unici Dei cultum reducti sunt operâ Mohammedis, (quod fuit bonum opus,) omni Idololatriâ prorsus exactâ; ut hodie est apud Mohammedanos qui omnem Idololatriæ speciem exosam habent: nec Mohammedem

† Hoc Sacellum, secundum quosdam, est 12 pedes latum, 15 pedes longum: & secundum *Shriphe'l Barisi*, est 23 cubitos latum, 24 cubitos longum, 27 altum.

colunt,

colunt, uti fabulantur nostratium aliqui harum rerum ignari. Cum itaque ferè quævis Religio sua Instituta ab Abrahamo derivare fatagat, sic etiam faciunt Mohammedani; ideoque Pseudopropheta Mohammed in dicto *Corani* Capite † *de Familiâ Anrân*, deridet Judæos & Christianos suam Religionem referentes Abrahamo, (cujus religio ab his diversa fuit,) his verbis يا اهل الكتاب لم

تحتاجون في ابراهيم و ما ادركت التوراة و الانجيل الا من بعده افلا تعقلون ها انتم هاولاء حاجبتم في ما ليس لكم به علم والله اعلم وانتم لا تعلمون ما كان ابراهيم يهوديا ولا نصرانيا ولكن كان

O populi qui Biblia amplectimini, quare inter vos disputatis de Abrahamo, cum non descenderit Lex nec Evangelium nisi post eum? Annon intelligitis? En vos is estis qui disputatis de eo quod non intelligitis: Deo quidem notum est, vobis autem ignotum. Non enim fuit Abraham Judæus, nec Christianus; fuit autem Haniphaeus Muslimus: nec fuit ex Associatoribus, i. e. ex eis qui associant aliquid cum Deo, uti faciunt Christiani & Idololatæ. Haniphaeus Muslimus est is qui declinat ab aliis Religionibus ad Islamismum. Ad hunc locum Commentator Arabicus ait, زعم كل فريق

Existimavit utraque Secta tam Judæorum quàm Christianorum, Abrahamum fuisse de sua parte, sc. de Religione sua; de qua itaque disputarunt cum Mohammede.

Sed ut redeamus ad Persas veteres; ex eorum sententiâ, in Libro *Pbarbàngb Surûrî*, supradicta Persarum Religio vocatur ملت ابراهيم *Religio Abrahami-Zerdušt*, seu *Abrahamo-Zerduštensis*; volunt enim Abrahamum fuisse ejusdem Religionis cum *Zerdušt*, qui diu postea successit; & *Zerdušti* Religionem ab Abrahamo derivatam, & eandem cum eâ Abrahami fuisse. Et quidem per Religionem *Abrahami*, Persæ nihil aliud volunt quàm Religionem quæ (*rejetâ interpolatione Sabaiticâ primâ*) solius unici Dei veri cultum docet, omnes falsas Religiones repudiando, eam scil. quam professus est Abraham, quam sanè Religionem primò intemeratam & incorruptam tenuerunt Persæ; qui, quamvis supradictas suæ Religioni Additiones fecerint, antiquum tamen ejusdem Titulum retinent, eam à potiore parte denominantes, & fundamentalia ejusdem Principia ad hunc usque diem

† Quod est tertium.

continuantes; non autem, ut Arabes & reliquæ Gentes, eam in Idololatriam vertentes; nec ut *Durzii* & *Calbii* † & reliquæ *Curdorum* Gentes Sabaiticæ in *Libano* & *Gordicæ* hodiè exsistentes, qui Deum ipsum planè deseruerunt, Diabolum ejus loco amplectentes.

Cùm itaque Abraham (post suos Protoparentes *Sbem* & *Elam*,) semper meritò habitus fuerit *omnium Fidelium Pater*, & in veri Dei cultu Antistes totius Orbis celeberrimus, non est mirum si pleræque sanioris mentis gentes quæ aliquid de eo inaudiverunt, ejus Pratrocinium sibi quæsierint; ipsum ut suæ Fidei & Religionis Patronum adsciscentes, & res suas ab ejus Institutis arcessere satagentes. Quia igitur Persæ Abrahamum suæ Religionis primò reformatæ Autorem statuunt, illamque ei acceptam referunt, priusquàm Religionem Persicam ulterius prosequamur, fortassis operæ pretium futurum sit, nec Lectori ingratum videatur, pauca de Abrahami temporibus præmittere, & deinde quænam qualisque reverà ejus Religio fuerit disquirere.

Et sanè Judæi & Orientales omnes statuunt Abrahamum fuisse tempore *Nimrodi*, qui à profanis Scriptoribus vocatur *Ninus*. Et quidem certum est נִמְרוֹד *Nimrod* fuisse vituperii Nomen, postliminiò (ut in S. Scripturâ sæpè fit) ab aliis impositum, *Rebellem* contra Deum & *Contumacem* notans: quod itaque ab inimicis, non autem à suis, impositum quisque credat.

Illius Pater fuit כִּשְׁיָם *Cúsh*, cujus Sedes fuit in Tractu *Babylonico*, unde ejus posterì (cùm *Chaldæa* tunc esset nimis angusta,) trajecterunt in vicinam Arabiam, ibique Sedem suam fixerunt. Et hinc est, quòd quæ postea *Arabia* dicta est ab يَـعـرَـب *yaarab* filio *Joktan* (qui etiam eam regionem inhabitavit, & ut Dominus eam possedit,) priùs dicta fuerat *Terra Cúsh*, & deinde *Terra Havila*. Inde *Mosis* uxor, *Arabissa* ex *Midian*, vocata est כִּשְׁיִיתָ *Cushith*, seu *Cushissa*: & *Tirbaca* fuit *Arabiae felicitis* Rex, non *Æthiopie*: nec *Cush* ullibi *Æthiopiam* notat in totis S. Bibliis, sed potius, vel *Babylonicæ* territorium, vel *Arabiam*. Nam *Cushæi* ex dicto Territorio in vicinam *Nabatæam* & نَجْد *Negjd* trajicientes & transplantati, effecerunt ut *Arabia* sæpè vocaretur *Cúsh*, (præsertim ea pars *Chaldææ* adjacens,) quamvis aliam *Arabie* partem eodem tempore inhabitaverit dictus Arabum Protoparens *Yaarab*: nam *Arabia* non semper fuit unius possessoris. Unde 2 *Chron.* XXI. 16, memorantur *Arabes habitantes juxta Cushæos*, scil. Arabes interiorem *Arabie* partem inhabitantes, haud procul à *Naba-*

† Vid. Append. No. I.

thæd & *Negid*, quæ tunc *Cushæa* dicta, in viciniâ veteris *Cushææ*, seu Territorii Babylonici. Aded ut Arabia, partim à *Cushæis*, & partim ab Arabibus filiis *Yaarab* occupata fuit: unde factum est, ut eadem Regio aliquando *Cûsh*, & aliquando *Arabia* vocetur, cùm nomine *Cûsh* semper *Arabia*, vel aliqua ejus pars intelligatur. Unde *Topaz* τῆς *Cush*, est *Topaz Arabia*, non autem *Æthiopia*, quæ, dicente D. *Ludolpho*, nullas producit gemmas, ut à Sacerdote suo *Æthiope* edoctus fuit; quod etiam Mercatores nostri verum esse nōrunt, Nam Patriarcha *Cûsh* fuit tantum unus, non autem ejusdem nominis duo, ut quidem imaginantur, propterea quòd in Versione Græcâ *Cûsh* vertatur *Æthiopia*; inde fingentes quòd oportuerit fuisse alium *Cûsh* qui *Æthiopum* Pater: sed eorum Pater reverà fuit פְּבִי *Pbût*, unde *Ezek. XXVII. Pbûtim*, אֲבוֹת. Quia verò *Cushitæ* erant subnigri, & *Æthiopes* etiam erant *Nigritæ*, inde fit ut *Cûsh* in Græco exponatur Αἰθίοψ & Αἰθιομία, eodem modo quo *Æthiopes* *Garamæ*, seu *Garamantes*, à quibusdā improprie vocabantur *Indi*, quia utrique eorum erant ejusdem coloris: ut, *ultra Garamantas & Indos protulit imperium*. Talia autem, vulgari quidem loquendi modo, improprie & catachresticè sic dicuntur. Ex dictis constat quòd *Cush* semper in S. Bibliis fit *Arabia*: unde emendanda in hac parte *Versio Anglicana*, & pro *Ebed-melech* *Æthiope*, reponendum *Ebed-melech Arabs*, seu *Cushita*, rem in medio relinquendo.

At Christo citeriores *Syri*, ignorando quòd *Pbût* fuit Pater *Æthiopum*, atque Veteris Testamenti Versione Græcâ seducti, subinde accipiunt אֲבוֹת *Cûsh* pro *Æthiopia*: unde vice versâ *Aët. VIII. 27.* pro *Æthiops*, *Versio Syr.* legit אֲבוֹת *Cûshi*, seu *Cushita*. Atque (quod eodem recidit) ibidem *Saadia* *Versio Arabica* legit *Vir Habassia*: at Versionis *Æthiopice* autor, ex Græco Textu, retinet Nomen Αἰθίοψ *Etiopia*, ignorando, aut reticendo, verum & antiquissimum *Æthiopum* Nomen *Pbût*. Judæi etiam (*Hellenistæ* olim) à Græcâ Versione seducti & delusi, fuerunt in eodem errore: & inter alios, *Abr. Perisfol* ait, כֹּשׁ הָאֱתִיּוֹפִיָּה *Cûsh est Æthiopia*. Et apud alios Judæos כֹּשׁ *Cûshi* est *Æthiopicum*, seu nigrum quidvis. Et sanè miror Doctissimum *Buxtorfium* eos in hac opinione secutum fuisse. Omnes autem ab eodem erroris fonte hauserunt.

Et quidem Patriarchæ *Cûsh* primaria Sedes fuit in terrâ *Sbin'ar*, in territorio *Babylonico*; quam quidem regionem ego voco *Cushæam antiquissimam*, quæ eadem postea vocata fuit *Chaldæa*. Cùmque *Hebræorum* *Sbin* in Dialecto *Babylonicâ* soleret mutari in *Tbau*, is qui

Hebræis

Hebræis *Cûſb*, Babyloñiis dictus est *Cûth*; eodem modo quo pro שלש dicitur תלת, cum ejusmodi aliis appellativis omnibus. Sic proprium אהור *Attûr*, quia est nomen omnibus notissimum, nec ullum periculum confundendi aut obscurandi illud, ut esset in Appellativis; cùm aliàs in Versionibus Biblicis *Paraphrastæ* Chaldaici non servârint dictam regulam in Propriis, neque in *Shibboleth*, ne viderentur planè pervertisse eorundem sonos; ideóque in Bibliis tam Heb. quàm Chald. legitur כוש *Cush*: sed in Appellativis illam regulam semper observant dicti *Paraphrastæ*. Hoc dicimus tantùm de *Paraphrastis* Biblicis: sed res aliter se habuit apud illarum regionum vetustissimos incolas ante S. Biblia, qui etiam postea, nec Bibliorum nec *Paraphrasium* rationem habuerunt, sed omnes secundùm linguæ suæ dialectum, per *Thau* semper scripserunt & in communi sermone pronuntiârunt, tam in Propriis, quàm in Appellativis.

His præmissis, nemo (ut spero) mirabitur si magna illa in territorio Babyloñico Urbs, quæ hujus Patriarchæ sedes, ab eo denominata fuerit כור *Cûth*, seu כותה *Cûtha*, quæ (ut videtur) ab *Abu Mohammed* in suâ Universali Historiâ *Arabicè* conscriptâ, vocatur etiam كوثا *Cûtha*, quæ ab eo recensetur tanquam juxta Babelem in Provinciâ *Erech*, seu *Erâk* sita. Quia verò datur duplex *Erâc*, scil. *Erâc* in *Perfiâ*, & *Erâc* in *Babyloniâ*, falluntur quidam (inter quos *Flavius Josephus*), ponentes istam *Cûtham* in *Erâc* *Perfidis*, quæ reverà est, aut erat in *Erâc* *Babyloniæ*. Hinc erant homines *Cûth* qui colebant *Nergal*, quod erat Idolum Babyloñiorum. Nam à *Cûtha* & *Babel* translati fuerunt homines Idololatrici in *Samariam*: unde (propter mixtum cultum) odium fuit inter *hos* & *Judæos*, qui ideò improperii causâ & per abusum, omnes *Samaritanos* vocabant *Cuthæos*; affirmantes, *Quod nemo deberet respondere Amen, post Cuthæum benè precantem*. Et vicissim Samaritani *Sichemenses*, ad nos aliquando scribentes Epistolas, rogitarunt ut non mitteremus Responsum per *Judæum*, quia oderunt *Judæos*. *Elias* in *Tishbi* ait, quòd *Rabbini Samaritanos* vocant כותיים *Cuthæos*, quia multi ex eis tales erant. Ideóque cùm à Cl. *Buxtorfio* כור *Cûth* exponitur *Samaria*, & כותי *Cuthi Samaritanus*, id intelligendum est secundùm sententiam *Judæorum*, & non aliter. Nam aliàs כותי *Cûthi* reverà esset *Babylonicus*, seu *Cuthensis* in territorio Babyloñico.

De *Cûtha* in *Erâc-Arabum*, seu Tractu Babyloñico, ubi antiquissima *Cuthæa*, *Saphioddîn* in Lexico Geographico Arabico (si rectè capio vitiosam scripturam) docet, *Quòd* كوثي *Cûtha* fuit nomen qua-
tuor

& multa sui vestigia (ut dictum) ibidem reliquit. Neque filius ejus & Successor *Ninus*, vivente adhuc Patre, (initio Imperii sui) videtur è Babyloniâ exivisse; cùm ex Textu Biblico constet, *Initium regni ejus fuisse in Erech & Babel in terrâ Shin'ar*, ubi, decedente Patre, primò regnavit.

Græci itaque rectè statuunt *Affyriorum Imperium* fundatum à *Nino*: & si is fuit *Nimrod*, tum eò melius cum aliâ veritate Historicâ conciliabitur *Orientalium Historia* Abrahami. Nam *Eusebius* in suâ Chronologiâ ponit Abrahamum tempore Nini, qui vocabatur נין *Nin*, seu *Filius* Beli: & additâ terminatione Græcâ, dictus est *Ninos*. Iste non tantum Imperium ampliavit, sed & novum quæsit & fundavit. Cùm enim initium regni ejus fuerit *Erech & Babel in terrâ Shin'ar*, ille (id dilatare gestiens) è terrâ illâ egressus est in *Ashur*, & ibi ædificavit tam alias Urbes maximas, quàm etiam *Nineven*, aliàs ab eo denominatam *Ninum*. Sic Hieronymus in Isaiam, *Ninus* — apud *Affyrios Ninum sui Nominis condidit urbem*.

Heic autem oritur Quæstio de sensu loci *Gen. X. 11*, ubi legitur, נִינּוּה עָבַד אֲשׁוּר וַיִּבֶן נִינּוּה עִירָא וַיִּבְנֶה עָבַד אֲשׁוּר יִצְחָק הָאָרֶץ E terrâ illâ egressus est *Ashur*, & ædificavit *Nineven*. Sunt qui hunc locum intelligunt de egressione *ṛ Ashur*, alii de egressione *ṛ Nimrod*. Qui dictum locum accipiunt de egressione *ṛ Nimrod* in *Affyriam*, legunt quasi cum *He* locali, *Affyriam* versus, vel in *Affyriam* exivit *Nimrod*: quo casu pro אֲשׁוּר *Ashur*, legendum est אֲשׁוּרָה, vel אֲשׁוּרָה *Ashurâ*, ubi Apex, abbreviationis Nota, supra *Resb* (cùm sit exile quiddam,) censetur à Scribis omisus, uti & aliquando factum est in aliis locis Biblicis. Hnjus interpretationis sequaces sunt tam alii quàm *Junius & Tremellius*, & *Jonathon ben Uzziel*, qui legit, E terrâ illâ egressus *Nimrod* regnavit in *Affyriâ*, quia noluit assentire ædificatoribus Turris, nec cum eis consentire: ideoque Deus cum prosperavit; & loco 4 urbium quas reliquit, ei dedit 4 alias urbes, sc. *Niniven*, & *Resen*, & *Rebobotb*, & *Calach*. Sed non obstante Paraphrastæ excursionem, meritò dubitandum est an *Nimrod* tunc natus fuerat, cùm Turris extruccionem aggrederentur. Ideoque cessante illâ ratione, *Nimrod* exivit in *Affyriam* ad ampliandum Imperium, cùm esset magnus & potens *Hominum Venator coram Deo*, i. e. Venator maximus. Et talis videtur esse verus dicti loci sensus, de *Nimrodi egressione in Affyriam*. Iste enim locus non potest intelligi de egressione *ṛ Ashur*, cùm is tunc non esset recensitus, quia *Historiæ Ordo* ad eum nondum venerat: is enim postea venit inter filios *Sbemi* suo loco, non autem inter filios *Cûsh*, de quorum numero

non

non fuit. Quamvis autem ex Sacro textu non colligitur, omninò supponendum videtur, quòd Ashur antehac è Chaldeâ egressus fuerat in regionem ab eo postea dictam Assyriam, ibique habitârat, dando nomen ei regioni. Si enim quæritur unde illa regio dicta est Ashur, non potest alia assignari ratio, quàm quòd ibi habitavit Ashur qui eidem regioni nomen dedit.* Nam cùm omnes ex Arcâ exeuntes convenissent in Campo *Sbin'ar*, necesse fuit, ut paucis annis plurimi rursus inde exirent; quia crescentibus familiis, impossibile fuit ut omnes diu ibi simul consisterent & cohabitarent; præterquàm quòd Dei iudicio & decreto dispergendi erant. Ideoque inter alios exivit *Ashur*. Prius autem quàm exiret, videtur fundâsse, vel *Ur*, vel præcipuam aliquam Urbem in Chaldæâ, uti colligimus ex *Esaia* XXIII. 13, *En terram Chaldæorum! iste populus non fuit: Ashur fundavit eam pro ficticulis*. Nempe non fundavit solum populum, sed fundavit urbem, cùm fundandi notio sic potiùs intelligenda sit. Quin & fundârit quoque populum: nam si extruxit urbem, proculdubio id fuit pro familiâ suâ, ibique reliquit aliquos de suis, qui talis urbis fuerunt primi incolæ, quamvis ab aliis invaderentur postea. Sed quamvis *Ashur* fundavit eam, illum tamen exegit *Nimrod*, quippe qui, post patrem, fuit primus Chaldææ Rex qui primò solus regnavit in *Erech & Babel*, &c. à cujus persecutionibus fugisse videtur *Ashur*, Deo ejus egressionem partim per hunc modum efficiente. Sed nec ibi in Assyriâ tutus fuit, quin alter illum ibi etiam assequeretur, & illam ejus terram possideret, quæ idèò postea dicta est *Terra Nimrod*: sic *Micab* V. 6, *Gladio vastabunt Assyriam, terram Nimrod*. Cùm itaque *Assyria* primò denominata fuit ab *Ashur*, & dicta est *Terra Ashur*, non est dubitandum quin *Ashur* è Chaldæa exiens dedit Nomen *Assyriæ*, & fortè Urbis ejusdem primariæ Fundator fuit, quæ probabiliter dicta fuit *Ashur*, à Conditore. De facto etiam constat quòd *Ninus*, seu *Nimrod*, postea etiam è Chaldeâ exiens, grassatus est in *Assyriâ*, occupando primariam illam urbem, & eandem augendo; quæ idèò, ut Imperii Sedes, à Victore appellata est נין *Nin*, seu נִינְוֶה, quæ à Propheta *Jonab* stylo Biblico vocatur נִינְוֶה *Nineve*, pro נִינְוֶה *Nin-neve*, i. e. *Nini habitatio*: Unde meritò (ut supra) *Assyria* postea dicta est *Terra Nimrod*.

Quòd itaque *Nimrod*, priusquam ex Chaldæâ egrederetur in Assyriam, primò regnavit in *Erech & Babel*, ex sacra Historiâ constat: & *Arabum* Historiæ etiam idem asserunt, eum scil. regnâsse in السواد *Al Sowâd*, i. e. *Nigrâ-regione*: sic *Abu Mohammed Mustapha* refert,

1 Sic Cedrenus pag. 16. Ασσυρία ἡ παλαιὰ Ασσυρία.

وَقَطَاوَاتِ مَدَّةَ دَهْرٍ بِالسَّوَادِ أَرْبَعَمِائَةِ سَنَةٍ قَبْلَ تَوَلَّى السَّوَادَ بَعْدَهُ
 Duravit رجل من نسله يقال له ثبط بن قعون مائة سنة
Nimrodi tempus in AlSowād 400 annos: Et tum post eum ṛ AlSowād
præfectus fuit de sobole ejus vir cui Nomen fuit Nabat filius Kōūd per
100 annos. Sic ille. Et hinc est quòd Chaldæa aliàs vocetur Naba-
thæa: ejusmodi enim Nominibus ab eis vocatur Irāk, seu territorium
Babylonicum. At dictum est Sowād, quia Scenitæ Arabes ibi passim
degunt in Tentoriis nigris, ex quibus eorum oppida apparent nigra;
eodem modo quo reliqui Arabes habitabant in תנורים קדר tentoriis ni-
gredinis: talia enim amabant. Fluvius Regius, Euphratis ramus,
(juxta quem habitabant Judæi) ducens ad Paludes & ad AlSowād,
illam regionem secans & Iracæ pagas interfluens, in Epist. Baruchi
cap. 5, vocatur نهر سواد Fluvius Soud, seu fluvius nigrae regionis &
nigrorum oppidorum. Non ignoro quòd apud Syros سواد Soud ex-
ponitur Samarcand: sed hoc propriè est سغد Sogd, nomen fluvii &
regionis in quâ est Samarcand.

At postquam Gen. X. enumerati sunt filii ṛ Cūsh, deinde seorsim additur, *Et Cūsh genuit Nimrod, quippe cujus Historia esset notabilior, & magis particulariter recenseri mereretur.* Is enim non tantum Assyriam, sed (ut videtur) Mediam & Persiam & Bactriam usque ad Indos sibi subjugavit, ibique propagavit Imperium. Nam Diodorus Siculus fidem facit, quòd à Nino tunc in bello devictus est Ὀζυάρης Bactrianorum Rex; sc. is qui ab aliis Autoribus perperam dictus est Ζωπαράσης.

Nomen Ὀζυάρης in Mediâ & Persiâ & Bactriâ ' & omnibus Regionibus ubi Lingua Persica obtinet, fuit plurimum etiam Regum Nomen, seu Epithetum commune, aliàs apud Græcos itidem corruptè scriptum Ὀζυάρης, à quo demptâ terminatione Ὀζ, seu ῥ, manet Ὀζυάρ Ocsuâr. Sed cum vetustissimis illis temporibus, Lingua Græca multum æstimata fuerit, (ut ex multis instantiis colligere liceat,) Persicorum Nominum propriorum formæ sæpius ex illâ linguâ peti solebant; ut in *Isaiâ*, id quod Punctatores legunt כורש Coresh, rescribendum est כורש kûros: ut & in *Esliberâ* id quod legitur דריוש Darjâvesh, rescribendum est דריוש Δαρῖος, quæ à Punctatoribus non fuerunt percepta. Sic cum apud veteres Judæos esset Nomen Persicum אורשור Ὀρשאρ, seu Acsuâr, (& apud recentiores אורשור Ὀρשאρ,)

1 Vid. Append. No. II.

subinde

subinde addendo terminationem Græcam, legebatur, ut apud profanos Autores, אחשורוש *oḥšwāros*, vel *oḥšāpos*, vel *Acsuaros*, seu ut apud Biblicos Λαρεῖνος: sed Punctatores id non percipientes, præscripserunt legendum *Abash-vérosh*, seu *Acbash-verosh*, pro eo quod melius esset *Achsuāres*, seu *Achsfuēros*; & abjectā rursus terminatione, *oḥšwāp*, seu *oḥšwāp*. Et sanè mirum est per quot corruptionis gradus hoc Nomen transiverit, dum corruptio unius est generatio multorum: nam Arabes constanter in Libris suis id Nomen scribunt per *Ze*, & legunt *ازدشیر* *Azdesbīr*, (unde & Judæi aliquando habent in Libris suis *אשדשיר* *Asdesbīr*,) pro eo quod à Persis aliter semper rectè scribitur *ازدشیر* *Ardesbīr*, seu *Ardashīr*: unde ab *Agathiā* & quibusdam Græcis factæ sunt adhuc aliæ hujus Nominis formæ, scil. *Αρτασίρας*, *Αρταξάρας*, & *Αρταξέρης*: atqui abjectā rursus terminatione Græcā, restat *Αρταξίρ*, seu *Ardashīr*. His addenda est alia hujus Nominis corruptio (ut in Libro *Nehemiæ* *ארטחשטר* *Arta-ḫāsht*, seu *Artab-shast*, uti (ut in *Αρταξίρ*) litera *ξ* tam formā quàm situ & sono respondet inverso Hebraico *ש* & Arabico *ش* *shīn*; & (ut ex analogiā liceat conjicere) in aliis originis ita sonuisse videtur. At quia Græci, ad instar *Ephraimitarum*, non sonabant *sh*, idè pro posse suo paulò aliter sonuerunt. Vel fortè talis fuerit *Cadmi* Dialectus qualis erat *Ephraimitica*. Nam Græcarum Literarum originales soni colligendi sunt ex *Phæniceis Cadmeis* à quibus accepti fuere: idèoque *Θ* *Theta* (quæ tam Alphabeti ordine, quàm numerali potestate, respondet Hebraico *ט* & Arabico *ط* & Samaritico *Ⲫ*,) non sonanda est per *Tb* conjunctim, sed ad instar dictarum literarum divisim, *T'beta*. Et hoc modo enucleatum habes corruptissimum illud *Oxyartis* Nomen.

Supradictus *Ninus* apud *Eusebium* perhibetur regnâsse annos 51, (apud *Simsonum* 52,) & ibidem Abraham ponitur in ejus Anno 43, apud *Simsonum* nostratem in ejus Anno ultimo, quod fortè minùs benè. Nam Doctissimus *Scaliger*, in suis ad *Eusebium* Notis, planè monstrat *Eusebium* in multis errâsse, imò spontè & ex industriâ, contra *Africanum* & contra Codicum suorum (quos sequi prætendebat) fidem, annorum numerum voluntariè mutâsse; & particulariter Abrahami Nativitatem 14 aut 15 annos ultra justum tempus promovisse. Secundùm hunc censum, Abraham reverà fuit circa Nini annum tricesimum. Et, si ita sit, tum id quod Orientales dicunt de Abrahami in Ignem projectione per *Nimrodum*, (ut in sequentibus docebitur,) de Nino intelligendum est: quod notandum duxi, ut hæc res ulteriori aliorum peritiorum examini submittatur. Et qui-

dem *AlGjannâbi* Mohammedanus in Chronico suo ait, *Quod Abrahami nativitas fuit in Cûlba in regione Babel in terrâ Allîrac (secundum sententiam maximè præferendam,) in tempore Nimrod, ut postea dicetur. Ea autem persecutio quam Abraham passus est sub Nino, seu Nimrodo, erat 20 (aut fortè multò pluribus) annis ante Abrahami pugnam cum 4 Regibus, quæ fuit aliquot annis postquam venisset in terram Canaan. Et ut semper essent memores istius contentionis Abrahami cum Nimrodo, inter Mohammedanorum Præcepta ad suos, jubetur, ut mites & pii sint sicut Abraham erat contendendo cum Nimrod, ut Turcicè legitur, درود اوله ابراهيم اول ابراهيم رجور اولهغل حکيم اولهغل Nimrod ne esto, sed Abraham esto: Abraham oppressus ne esto, sed Sapiens esto. Nempe esto mansuetus ut Abraham, non rebellis in Deum & violentus in homines ut erat Nimrod; quod dictum est, ut contraria inter se comparata magis elucescant, ex istorum contemporaneorum collatione.*

Ut autem aliquantulum prosequamur Successionem, in *Chronico Alexandrino* p. 89 legitur, *Nino successit Tburras, cui Zames Pater Rbeæ frater, Martis nomen indidit, à Planetâ: ὃ τινι Ἀπὸ ἀνέστησαν πρῶτην τὴν σὴλην οἱ Ασσύριοι, καὶ ὡς θεὸν προσκύουσιν αὐτόν.* Fortassis Martis nomine innuatur alius Successor *Apeus*, de quo mox dicetur. Secundum *Eusebium* & alios, sub matris suæ *Semiramidis* regentiâ, *Nini* filius & Successor is fuit qui *Eusebio* dicitur *ζάμης Νινίας*, *Africano* *Ninias Zάμης*. Horum nominum Notatitionem rectè statuere, est perquam difficile. Si tamen conjecturæ locus sit, fortè *Ninias* sec. aliam pronuntiationem sit *נינושא* *Ninush*, seu nomen urbis in quâ habitavit. Nisi velis *Ninias* factum fuisse ex *Nin-yos Nini filius*, sicut reverà fuit. Altera nominis pars *Zάμης* est adhuc magis peregrinum; nisi fortè sit pro *Zάύης*: nam *ز* *Zav* inter antiquissimorum Regum in illis partibus Nomina occurrit. Vel aliàs *زاب* *Záb* quod vulgus sonat *Záv*, est *Lycus*, scil. nomen duorum Fluminum Assyriæ, à quibus fortassis denominatus fuerit. Sed post hæc omnia, aliàs fortè denominatus fuerit à *زم* *Zám* urbe Mesopotamiæ tunc sub Nino, eodem modo quo alii Regum filii, illis temporibus, nominati fuere ab urbibus in quibus nati sunt, ut *Narfes* à *Nars*, seu *Ners*, & *Vologeses* à *Vologeshá*, & *Pacorus* à *Pacoriá* Babylonis urbibus in quibus hyemem transgebant Perfarum & Parthorum Reges, & ibi Regina puerperium egerunt.

1 Sic *Cedrenus* pag. 16.

2 Βαβὺλ ὁνομάζοντες, ὃ ἱεραιδόντης Ἀπὸς παλῖμαι τοῖς. *Cedren.*

Qualiacunque verò fuerint hæc nomina, iste Rex, ratione temporis, debet esse ille qui aliàs in Libro Genesew vocatur אמרפֿל *Amraphèl* Rex *Sbin'ar*, quocum pugnavit Abraham: fuit inquam Rex פֿ Sbin'ar, non quidem in *Chaldæa*, seu *Babyloniâ* quæ nimis distabat ab Abrahamo, sed פֿ Sbin'ar in *Mesopotamiâ*, quæ (magna urbs ad radicem montis 3 diebus à *Mausil*,) hodiè Arabicè scribitur سنجار *Singjâr*, *Ptolemæo Singara*. Is inquam est cum quo bellum gessit Abraham, quod *Eusebii* Chronologiam in hac parte justificare videtur. Illo autem tempore, *Assyria* à *Nino* ejusve Successore abrepta, & ad *Persas*, seu *Medos* translata apparet; cum eodem tempore quo Abraham dicto Bello interfuit, omnes vicini Reges confœderati fuere cum Rege *Elam*, cujus nomen *Cbedorlaomer*, ei parentes & subservientes. Cum itaque *Cbedorlaomer* *Persiæ* & *Assyriæ* & vicinorum regnorum (quæ antea sub *Nino* fuerant,) esset Monarcha, & duo Monarchæ in eodem loco consistere non possent, satis planum est quodd, vel *Ninus* exclusus fuit ex *Assyriâ* & in *Chaldæam*, unde primò venerat, reclusus, vel saltem quodd idem factum fuit ejus Relictæ *Semiramidi*, filii minoris *Refrici*; quæ idè ex *Assyriâ* exclusa, in solâ *Babyloniæ* regione floruit, & inter alia magnalia *Babelem* mœniis cinxit. Cum inquam tam potens Rex *Persicus* præfuerit regioni *Elam*, quæ *Assyriæ* ad ortum confinis est, tunc certè Monarchia ab *Assyriis* cessavit, & ab eis planè ablata, ad *Elamitas* translata est. Nam ut nullum violentum esse perpetuum, sic *Ninus* obiens, *Ninyam* filium minorem & impuberem reliquit; à quo itaque & à matre, malè partæ & injustæ iniquissimi Patris Acquisitiones ablatae sunt, eadem vi abreptæ quâ ipse ab iis rapuerat. Eidem bello etiam interfuit, Rex *Ellasar*, *Arioc*, qui est *Eusebii* Αρριος, q. d. *Martius*, seu *Martialis* ac bellicosus vir; de quo Nomine, seu Titulo gloriari solebant. Et hæc fortè sit verior *Chaldaici* Nominis scriptura, cum אריֿך *Areioc* (quantum scimus) nihil significet: sed *Martis* notatio apud eos fuit celebris, ut in seqq. fusius dicetur.¹

¹ Ea Regina, ut obiter moneam, videtur orta ex *Persâ* (tunc sub mariti sui ditione) ab ejusdem nominis urbe سمرام *Semiram*, quæ hodie parva est, inter *Ispahân* & *Shirâz*. Et cum *Abulpheda* fuit Syro-Arabi, is in illo nomine (ut & in paucis quibuidam aliis *Persicis* & *Tataricis*) errat, præscribendo ut legatur Arabum more *Semairam*, quod illius veniâ fieri non potest de *Persâ* urbe, nec datur talis lectionis exemplum in quovis alio nomine *Persico* per totam *Persiam*. In Globo *Cæsiano* alio situ malè legitur *Samireus* (pro *Samirum*) in *Adiabegia* ad Long. 83°, Lat. 37°.

² Vide ea quæ suprà notavimus de *Nini* Successore, ex Chronico *Alexandrino*.

Deinde

Deinde oritur Quæstio de primâ Abrahami Religione, an scil. ille semper fuerit veræ & orthodoxæ Religionis Cultor; vel annon prius Idololatra, & postea per Dei gratiam & cordis illuminationem conversus? Ut itaque hæc Quæstio ritè solvatur, præmittendum est, Abrahamum prognatum fuisse à *Sbem*, (qui tunc adhuc in vivis,) qui proculdubio veram Religionem tenuit: nam (ut supradictum) is est qui alio decoratus Titulo audit *Malchisédék*, qui in occursum venit Abrahamo cum *pane & vino*, eique *benedixit* post dictam pugnam; eique, ut summo Dei *Sacerdoti*, spoliis *Decimas* solvebat Abraham.

Deinde *Sbemi* filius fuit *Arpachshád*, qui genuit *Sbélach*, cujus filius fuit *Eber*, qui genuit *Pélegb* & *Joktan*. Et *Pélegb* genuit *Rúu*, cujus filius fuit *Serúgh*. Iste genuit *Nachor*, cujus filius fuit *Terach*, qui Pater *Abrahæ*. Et quidem Abraham à Cananitis (quamprimum eum viderent,) dictus est עברי *Ibri*, seu *Iuri*, i. e. *Ibræus*, seu ut vulgò effertur, *Hebræus*. Aliqui (propter Nominis consonantiam,) eum sic dictum volunt ab *Eber*, quasi is fuerit reliquis Patriarchis notabilior propter ejus in verâ fide firmitatem; quod idem etiam de posteris ejus insinuare volunt, hæc colligentes ex loco de *Sbem*, qui *pater omnium filiorum Eber*.

At cur istius Libri Scriptor anticiparet mentionem Patriarchæ *Eber* antequam Historiæ ordo ad eum duceret, nulla sanè ratio (quatenus vidi) datur, præter illam de pietate *Eberi*: quæ cum æquè vera sit de aliis Patriarchis, non erat causa cur ille, tanquam egregius, distinctè memoretur extra ordinem suum. Cum enim *Gen. Cap. X.* agatur de Sedibus Gentium, eorúmque per terram dispersione, (ubi *Sbem* vocatur *Pater omnium Benè Eber*,) scopus loci dictam quorundam Interpretationem de *Generatione filiorum Eber* non admittit, sed planè alium poscit sensum, qui potius spectet *Habitationes filiorum Eber* eorúmque Sedes per terram. Ideoque huic occasione magis accommoda est Interpretatio *Salomonis Jarchi* & aliorum, quod sc. *Benè Eber* sint *Filii ultrajecti*, seu ulterioris partis fluminis, simili ratione & loquendi formulâ quâ populi *Orientales* vocantur בני קדם *Benè Kédem*, *filii Orientis*. Dicta autem vocis *Eber* mentio & significatio, ad hoc non sufficit, quippe quæ sit nimis arcta & restricta, possitque respicere solos illos *Shemi* filios qui *ultra Euphratem & Tigrim* in *Mesopotamiâ* & *Elymaide* tunc degentes seniores, qui pauciores; omittendo reliquos *citra Euphratem* in *Arabia* degentes, qui numero erant plures. Igitur quærenda est alia magis sufficiens Interpretatio

interpretatio quæ complectatur omnes *Benè Eber*, *filios oræ*, scil. Shemi filios & nepotes qui vixerunt, partim citra Euphratem, & partim ultra Euphratem & Tigrim, quia ille certè fuit Pater omnium tam *ulteriorum* quàm *citeriorum* qui juxta illa flumina habitaverunt. In hunc finem perpendendum est, quòd quamvis vocula *Eber*, plerumque notet *trans*, seu *ulteriorem partem*, aliquando tamen notat *citra*, seu *citeriorem partem*, atque etiam *juxta*, seu *ad transitum* in utravis parte. Sic *Deut.* I. 1, & III. 8, phrasis illa בעבר הירדן *in transitu Jordanis*, seu *ad transitum*, vel *juxta Jordanem* indefinitè, respectu *Palæstinæ*, erat *ultra Jordanem*, at respectu Sacri Scribæ qui loquebatur in *Deserto Arabiæ*, erat *citra Jordanem*, prout rectè ibidem se habet *Anglica Versio*. Et hoc magis clarè elucet per ortum Solis ex *Jos.* I. 14, 15, ubi, dum essent in *Deserto*, dictum est בעבר הירדן מורח השמש *citra Jordanem ad ortum Solis*. At *1 Reg.* IV. 24, *Salomon dominatus est in totum עבר הנהר* *latus fluminis*, sc. in solam *citeriorem partem* occidentalem: nam *ultra Euphratem* nunquam dominatus est. Sic in *Heb. Gen.* L. 10, 11: at *Anglica Versio* heic rectè legit *beyond*. Aded ut, totà re benè perpensâ, videatur quòd per *Filios Eber* notentur ii quorum Sedes fuerunt *ad oram*, seu *tractum fluminis* in utrovis latere: nam talem situm habuerunt Shemi posterii omnes, sc. vel in hac parte, vel in alterâ, haud procul à fluminibus illis. Indefinitè ubique legit *Versio Persica* درگذاري *in transitu*, scil. *juxta transitum*, vel *ad transitum*. Eodem etiam sensu usurpatur eadem vox حد *Evar*, seu حد *Evro* apud Syros, ut habet MS *Lexicon Syro-Arabicum* *Bar-Bablâl* حد *Evro de Jamo est littus maris*. Et mox حد *Evre* sunt *Oræ*, *Tractus* seu *latera*. Et rursus, حد *Evar dargêlto est Latus fluvii*, scil. *hoc latus*, seu *citra*. Et sic in *Bibliis* ut suprà citato loco *Deut.* I. 1, حد *Gabriel Sionita* rectè vertit *Cis*: & in *Lat. Versione* ad *Targum Jonatban & Hierosol.* in edit. *Lond.* rectè legitur *Citra*: sic nempe emendavimus: nam in *Parisiensi Edit.* (quam maxima ex parte secuti sunt *Londinates*,) legebatur *ultra*, seu *trans*. Ut itaque meliùs contempleremur Interpretum pugnam, (nam contraria non possunt esse simul vera,) notandum est quòd Græcus incuriosè in hoc loco legit *πέραν*, *Vulgatus trans*, uti etiam legitur in *Latinâ Versione* quæ ad *Chald. & Samar. & Arab.* Et sic *Deut.* III. 8, *Sionita* incautè legit *trans*: at in hoc loco in *Versioe Lat.* quæ ad *Targ. Jon.* rectè legitur *citra*: *Arabs* autem indefinitè في جانب *in latere*. Et eodem modo

modo ab Interpretibus in diversum itur, 1 *Reg.* IV. 24, ubi Vulgatus legit *trans*, Gr. *ἐν τῇ παρα*: at Syr. & Arab. *cis*: Chald. *בכל עבר פרת* in omni loco *trans Peráth*, malé: Buxt. melius vertit in omni latere *Euphratis*. Mox in eodem Versu *בכל מלכי עבר פרת* & omnibus Regibus *citra Peráth*, bené. Ibidem Syr. *בכל חבצ עבר* in totâ citeriore parte fluminis, bis, & quidem recté. Tanta vis tantúmque pondus est in parvâ hac voculâ, ad cujus verum sensum non satis accurate attendebant omnes Interpretes Latini.

Cùm itaque *Eber* sit aliquando *citra*, & aliquando *ultra*, quivis Latinus Interpres debuerit diligenter perpenderit utrum horum verus cujusque loci sensus deposceret. Cananitæ (ut videtur) in loco de Abrahamo, tunc accipiebant pro *ultra*, aspicientes eum ut advenam qui ab ulteriori parte *Euphratis* ad eos veniebat, ut constat ex *Gen.* XIV. 13, *Et venit evasor* (sc. *Cananeus* quidam) & nuntiavit Abrahamo *ka-Ibri*, scil. *Ibræo*, seu *ultrajectino*. Iste nuntius de eo sic loquebatur recepto more, hoc Titulo ab omnibus promptè intellecto. In *Beresith rabba* Sect. 41. prope finem, dictus *Evasor* perhibetur fuisse *Og* Rex *Bashan*, qui cupiens uxorem ducere *Saram*, nuntiavit Abrahamo de Captivitate *Nepotis*, ut iret ad bellum & ibi interficeretur. Deinde ibidem adduntur de Abraham *Ibræo* (cur sic vocetur) tres sententiæ: 1, (quia ab *Eber* pars, seu *latus*, sit *Ibri* partialis, seu *lateralis*,) *R. Juda dixit, Totus Mundus fuit ex unâ Eber*, seu *parte*, & ille fuit ex alterâ *Eber*, seu *parte*: sc. ille fuit contra totum Mundum eorúmque Idololatriam, & ii contra ipsum. 2. *R. Nebemia dixit, Quod ille fuit ex filiis filiorum Eber*, sc. *Patriarchæ*, q. d. *Eberæus*. 3. *Rabbini nostri dixerunt, Quod ille fuit ex Eber fluminis*, ורוא משיח & ipse loquebatur linguâ *Ibræâ*: scil. ille fuit ex *Eber*, seu *ultrajecto* fluminis, & loquebatur linguâ *Ibræâ*, seu *ultrajectinâ*.

Hic obijciatur quòd *Lingua ultrajectina*, seu *transfluvialis*, non fuit generaliter *Hebraica*, utcunque eam calluerit *Abraham* in colloquio cum *Cananitis*: ejus enim *Parentes* (quatenus scimus,) utebantur linguâ *Chaldaicâ*, seu *Aramæâ*. Sed cùm *Abraham* fuit magnus Princeps, illius educatio & cum aliis nationibus conversatio eum duxerit ad cognitionem linguæ *Hebrææ*. Et præterea peculiari providentiâ, seu *Dei prævisione*, factum videtur, ut primitiva lingua apud *Patriarchas* & in *Abrahami* familiâ retineretur, etiam inter ipsos *Chaldæos*, tam ut *Abraham* posset commodiùs colloqui cum *Cananæis*, quàm ut continuaretur ea lingua in quâ postea *Biblia Sacra*, *Dei Oracula*, erant exaranda & cum humano genere communicanda. Et quidem

fi

si Lingua Hebræa continuata fuit in totâ lineâ Patriarchali, (quod ex ipsorum filiorum nominibus constat, Linguarum diversitate subortâ ex nepotibus, seu crescente familiâ,) tum non erat (ut quidam sentiunt) peculiare in Ebero eam conservasse, uti nec erat peculiare in Abrahamo eandem intellexisse. Sed disquisitio nostra est de solo Nomine, an sc. ab hoc, vel ab illo, desumptum, & quando impositum fuerit?

Et sanè quòd Lingua Hebræa in Abrahami familiâ fuerit, constat tam ex ipsius nomine, quàm quia *Nachor* Abrahami frater (*Gen. XXII. 21, &c.*) filiis suis in Chaldæâ natis, imposuit Nomina Hebraicâ; quæ itaque videtur junctim cum *Aramæâ* obtinuisse in urbe *Ur* ubi vixit Abrahami familia. Abrahami autem Epitheton *ha-Ibri* à Cananæis impositum videbatur propter aliquam distinctionem, vel Linguae, vel Gentis Abrahami. Non autem opus erat ut, quasi pro discriminatione, acciperetur de Lingua Abrahami, cùm illa videatur tunc fuisse eadem cum Cananiticâ: nil igitur novi, eâ in parte, nuntiâsse videbatur ille *Evasor*. Cùm itaque ea Lingua Cananitis tunc esset communis & vernacula, illud Abrahami Epitheton pro aliqua discriminatione non sufficebat. Nam si ante Abrahami adventum, linguae *Hebrææ* nomen alicubi extitisset, tum videretur quasi denominata ab *Eber* Patriarchâ, quod aliqui volunt, insinuant quasi is fuerit de verâ religione plus quàm alii Patriarchæ eisque pientior; quamvis alii etiam ex eis essent Fideles æquè ac *Eber*, nec de eo sciatur hodie plus quàm de aliis, præter nudam ejus (ut putant) mentionem, malè fundatam, in illâ phrasi *Benè Eber*. Cùm itaque planum sit quòd Abraham Gente erat *Transseuphrataeus*, qui ad Cananitas transfretabat, magis probabile videtur quòd eo Epitheto significaverint eum fuisse (prout erat) *Ultrafluvialem*, seu ab *Eber fluminis*, potiùs quàm de Gente *Eber* Patriarchæ. Et proculdubiò subsequen-
tiorum temporum Israelitæ maluerunt Linguam suam denominari *Ibri* à Patre suo Transfluviali, potiùs quàm ab *Eber* Patriarchâ: & planè noluerunt eam denominari *Cananiticam*, (utpote quæ tunc erat in Canaan,) cùm illis temporibus Canaan esset Idololatrica. Longè autem aliter se res habuit posterioribus temporibus, postquam Canaan evaserat orthodoxa, à Fidelibus occupata Israelitis: tunc enim non sine honore memorari solebat *Lingua Canaan*, ut *Isa. XIX. 18*, & alibi.

Nostram deductionem ab Abraham *ha-Ibri*, confirmat *Hesychius*, Εβραῖ, Εβραῖος ἢ ὁ Εβραῖος, πρεσβυτης. Et sic in *Eusebianis*, ubi agitur de tempore Transitûs, Ενθα ἔρχεται τῶν Εβραίων προσωπία. Εβραῖοι γὰρ οἱ

παρά τῃ ἱμανύοντι, διαπεράσαντος Εὐφράτην Ἀβραάμ, καὶ ἔχ' ὡς οἰονταί τινος, ἀπὸ Εβρί. A Cananæis itaque (ut supra) Abraham dictus est *Ibri*, seu *Hebræus*, non propter Eberum ejusve linguam, sed q. d. *Ultrajectinus*, seu *Transfluvialis*, quia tanquam Advena ad eos venit ab *Eber*, i. e. *trans* flumen: & ab ipso tunc dicto *Ibri*, postea denominata est Lingua *Hebræa*. Quæ quidem phrasis hoc benè patitur; ut, *Patres vestri* (inter quos Abraham) *servierunt diis alienis* בעבר הנָהָר be-Eber ha-Nahar *in ultrajecto fluminis*, i. e. in *Mesopotamiâ*, loco scil. unde ad eos veniebat Abraham. Saadias etiam legit في عبر النهر *in Ibri fluminis*, seu ultrajecto fluminis. At siue *Eber* sit Proprium, siue Appellativum, ab utroque denominativa forma est *Ibri*: adeò ut nihil sit in vocis formâ quod in hoc casu juvet, aut controversiam terminet.

Et fanè si rem ulteriùs perpendimus, multò verisimilius est denominationem factam fuisse à propiore, potiùs quàm à remotiore: & quamvis linguæ primitivæ praxis & usus per totam sacram Patriarcharum lineam continuata fuerit, multò probabilius est hujus linguæ denominationem sumptam fuisse à propiore eorum Parente Abraham *Ibri*, seu *Transfluviali*, (cujus memorabilis Transfretationis certè meminisse juvabat,) potiùs quàm à præcedentium generationum 7^{ma}, ab *Ebero*. Præterea non constat Judæos tantam secum retinere famam *Eberi*: nam si tanti eum æstimassent, ut nominati fuissent *Hebræi* ab *Eber*, tum proculdubio seipsos etiam nominassent *Filios Eberi*, eodem modo quo seipsos nominant *Filios Abrahami*. Cùm autem propior & celebrior (imò celeberrimus) fuerit Abrahamus inter Patriarchas Religionis Antistes, multò probabilius est ab ipso *Ibræo* desumptum fuisse linguæ nomen, potiùs quàm ab alio remotiore & minùs celebri, cùm ab illis temporibus ad hunc usque diem (tacitâ mentione *Eberi*,) gestiant nuncupari *filii Abrahami*, à quo (quamvis degeneres) se descendisse glorientur, ut Deus promiserat.

Ut autem ulteriùs excutiamus vim vocis, sunt qui volunt quòd אַבְרָם העברי *Abram Ibri* sit *Abram transitor*, quia ille reverà pertransivit flumen. Sed is propter unum simplicem Actum, vix potuit frequentativè vocari *Transitor*, transeundi continuatum habitum notando; nisi dictus transeundi Actus fuisset repetitus & frequentatus. Præterea grammaticalis significatio hunc sensum non feret: tunc enim potiùs legeretur *Oberi*. Nec quidem potest esse, ut Hesychii παράτης videatur huic sensui favere: neque hoc patitur forma vocis עברי *Ibri*, quæ est Adjeciva forma ab *Eber* πέρα, seu πέραν, *trans*, quod altero latere, *ultra*-

ultrajectinum. Et hinc *ὑπερῶν*, non erit *Transfretator*, ut volunt, sed *Uterior*, *Transfluvialis*, qui olim habitabat ultra fluvium, & inde *ὑπερῶν*, seu *ultrajectinus* dictus. Sic apud Constantinopolitanos, *Galata* audit *ἡπεία*, & ejus incolæ sunt *ὑπερῶν*, seu *ὑπερῶν* *ultranei*, uti Abraham fuit *ultraneus* Cananæis, qui (ut & posterius ejus) eum tali Epitheto notarunt. Talem situm alibi (unde hujus phrasis usus elucescat,) habuit בית-עבר *Beth-Abara*, seu *locus ultrajecti*, qui expresse exponitur *הַנָּהָר הַזֶּה הוּא הַנָּהָר הַזֶּה*, *locus ultrajectinus*, seu *ultrajordanensis*. Nempe hæc duo exempla supradictam loquendi formulam illustrant, eamque in communi usu fuisse monstrant.

Non autem est heic prætermittendum, quòd, ad astruendum *Ebero* veræ fidei honorem, & Abrahamum ejusque linguam ab eo denominandum, à quibusdam, probationis, seu illustrationis causâ, adducitur locus qui mihi nihil tale probare nec illustrare videtur. Scil. Num. XXIV. 24, וְעִבְרָאִים Et naves ab orâ Chittim, & affligent Asbur & affligent Eber, & ipse erit usque in perditionem, seu usque dum periens sit. Heic subaudiendum est Verbum *venient* ab orâ Chittim, aliàs sensus est valde imperfectus. Hoc in loco, *Eber* quibusdam habetur Nomen proprium; quamvis aliter dubitari possit annon sit potius adverbialiter, seu appellativè sumptum, quod mihi videtur. Nam *Eber*, contra, è regione, *ultranea*, seu *opposita pars*, aliquando usurpatur sine mentione loci quem respicit & cui opponitur. Sic 1 Sam. XXVI. 13, וַיַּעֲבֵר דָּוִד אֶת הָעֵבֶר Et transivit David ad Eber, sc. ad alterum, seu adversum latus, respectu sui, vel respectu loquentis: nam tale quid eo in casu semper subintelligendum. Sic בכל עבר ופנה in omni latere & angulo, seu circumquaque, ubi subintelligitur quòd in centro sit personâ loquens. Et quidem *trans flumen*, sæpe est *trans Euphratem*, aliquando etiam *trans Tigrim*. Targum Onkelos hunc locum exponit esse לעבר פרת *ultra Euphratem*, seu *transeuphratæam partem*: & Targum Jonathan eodem sensu habet בני עבר *filios Eber*, i. e. filios *ultrajectaneos*, seu *ultrafluviales*. Targum Hieros. magis explicite, כל בני עבר נהרא *omnes filios ultrajecti fluminis*, indefinitum relinquens, ut intelligantur, vel *Trans-Euphratæi*, vel *Trans-Tigritani*. Cum itaque per *Eber* possit intelligi *Regio Trans-Tigritana*, & cum *Affyria* fuerit in alterâ parte *Tigris* respectu *Arabia* ubi Balaam hæc verba enuntiavit, *Eber* commodè sit exegeticum *ἡ Ἀσσυρία*; ut sensus sit, *Affligent Affyriam & totum Eber*, seu *transfluvialem regionem*, sc. *ἡ ἡπεία* ubi est *Asbur*: nempe eodem sensu quo in plurali formâ Isa. VII. 20, narratur per cujus manum, quosnam Deus tanquam novacula rasurus

erat, scil. נהר במלך אשור *per ultrajeſtaneos fluminis*, sc. *per regem Affyriæ*; vel aliàs potiùs in neutro genere, *per ultrajeſtanea fluminis*, figuratè ſumpto loco pro hominibus loci. Et ſanè in dicto *Numerorum* loco, ſive *Mefopotamiam*, ſive *Affyriam* intellexeris, interpretatio erit ſat commoda: ſed poſterior horum videtur mihi commodior, quia ibi *Aſhur & Eber* non videntur duo diverſa, ſed unum idemque, idque propter ſingulare חוה *ipſe*, ſeu *erit* cum utriſque conſtructum, *Et ipſe in perditionem*, ſeu *Et erit in perditionem*.

Si *Eber* ibi aliter accipiat pro Nomine proprio, nihilominùs alia orientur dubia, ſc. ubi gentium ſitus fuerit *Eber*, & quomodo naves *Europææ* potuerint affligere Gentem *Eber*, atque multò minùs *Affyriam*, terram tam longè diſſitam & planè mediterraneam? Verum quidem eſt quòd צימ *tsim* ſignificet *naves*, quippe quæ ſint intus *ſiccæ* in mediis undis: at cur in hoc loco eam ſignificationem habeat, non video, neque eo ſenſu acceptum fuit ab Orientalium Verſionum autoribus, à quibus רצים vel non intellectum, vel pro ſpuria & ſuſpectâ lectione habitum; unde nullam *navium* mentionem faciunt. *Tuſæus* in Verſione *Perſicâ* videtur pro רצים legiſſe קצים *ketsim*, aliqui (ſic nempe accepit, quamvis talis forma pluralis non ſit alibi in uſu,) unde exponit, *ar ahl roon* *Et aliqui ex populo Rûm*: vel (quia *gjauk* eſt etiam *caterva*;) ut olim interpretati ſumus, *Et caterva populi Romæ*: nam aliqui non potuerunt aliquid facere contra totam Gentem. Sed & quia *Rûm* non tam *veterem Romam* quàm *novam Romam*, ſeu *Conſtantinopolin* & *Græciam* præcipuè notat, jam vertemus *Aliqui ex Græcis*, vel *Caterva populi Græciæ*. Rabbi *Saadias* pro רצים videtur legiſſe vel רצים *ratsim*, *currentes*, vel אצים *atsim*, *feſtantes*, quia exponit in Verſione *Arabica*, *الدارمين من فرضة قبرس* *ſurripientes ſe è portu Cypri*. Nos autem mallemus vertere *properantes*: quia Participium *darimîna*, eſt à Verbo *Arabico* دارم *dârama*, quod (inquit *Turgimân Arabs*) eſt *Perſicè* گام خورد *passus curtos ponere*, vel ut *Pbiruzabâdi* exponit, eſt *propinquis*, vel *brevibus* & *deproperatis paſſibus incedere*, prout incedit *Erinaceus*; ubi videmus *properantiam* eſſe in ſignificatione. Hocque non poteſt dici de curſu navium, ſed tantùm de inceſſu animali, ad inſtar hominum qui non apertè, ſed clam, abſque ſtrepitu & ſono aliquid ſuſcipere tentant, quaſi ſurripiendo ſe, id autem *properanter*. Cùm itaque is non meminerit *navium*, ſed tantùm *portûs*, fortè voluerit, quòd cùm homines navibus vecti ad terram appuliſſent, ii terreſtrem expeditionem ſuſceperint, idque *properanter*. Cur autem tam brevibus paſſibus ſuſci-

fufceperent tam longum iter quale eft à maritimis *Palæftinæ* ad *Affyr-riam*, equidem non video. Ideoque non exiftimo multum ponderis eſſe in ſtricto verborum ejus ſenſu, cùm fortè *Saadias* ex intricato & difficili loco ſatis habuerit aliquem ſenſum, non commodum, ſed tolerabilem elicere. Textus autem *Hebræus* alicubi fortè reſtituendus ſit ex Textu *Hebræo-Samaritano*, quamvis & Codices *Samaritani* heic inter ſe differant. Utcunque tamen, videntur legiſſe יוצאים *yotſeim*, vel aliquid ab illâ Radice natum. In Bibliis Polyglottis *Parifienſibus*, quæ, ut exemplar, ſecuti ſunt *Londinates*, (exceptis Emendationibus & defectuum Supplementis ex authenticis Codicibus MS,) legitur יוצאים *yotſiam*, quod D. *Morinus* verterat *exibunt*, quaſi legiſſet *yotſeim*: ſed *Londinates* emendarunt Verſionem in hoc loco, ut legeretur *eduxit eos*. Eodem quoque modo Codex MS (qui olim) *Uſſerianus* minor, jam in *Arch. C*, legit *yotſiam*: ſed alter major legit יוצאים *motſiam*, educens eos: & eodem ſenſu *Arabica* Textus *Samaritani* Verſio (MS in *Arch. C*. ex dono D. *Joſepbi Taylor* LL.D.) legit يجرهم *educet eos*. *Samaritana* Verſio quæ in linguâ *Samariticâ*, legit יוצאים *appekûn* eduxerunt. At omnium optimè MS Codex *Laudianus* in Bibliothecâ *Bodl.* hoc loco legit יוצאים *yotſeim* egredientes, unde ſuperior noſtra ſententia confirmatur. Hancque lectionem in ſuis exemplaribus videntur habuiſſe Verſionum Orientalium autores plerique, qui adducunt aliquod Verbum educendi, vel exeundi, ut Syr. نهبكون *nepbkon*, exhibunt, Chald. Onk. יפקון *yippe-kun*, educunt, Jon. & Hier. יצטרון *emittentur*: & Græcus habet καὶ ἐκδύσονται ἐκ χειρὸς Κιτιῶν: quæ omnia confirmant veram lectionem fuiſſe יוצאים *yotſeim*. Hæcque indicant in Codd. *Heb.* vel varietatem, vel ſaltem lectionem fuiſſe ſuſpectam & non ſatis intellectam, ſc. quomodo naves *Europææ* affligerent *Affyrîam*!

Et ſanè talis *Hebraici* Textus reſtitutio fieri poſſe videtur ex Græco *Dan. XI. 30.* ubi occurrit ſerè eadem phraſis *Hebraica*, באו בו ציים נחיים *Venient in eum naves Chittim*, ſc. contra Regem *Auſtri*: nam pro ציים בו, Græcus ibi videtur in ſuo Exemplari *Hebraico* legiſſe יוצאים *yotſeim Chittim*, quia ibi vertit ἐκπορεύονται Κίτιοι, egredientes *Cyprii*: nam *Κίτιοι* poſſunt eſſe *Cyprii*, ſeu *Cypriotæ* (ut *Saadias* ſuprà,) quia præcipua eorum urbs fuit *Κίτιος*. At 1 *Mac. I. 1.* tota Græcia vocatur ἡ γῆ ἑλληνική. Nempe *Chittim* eſt ſerè tota *Europa* auſtralis: ideoque *Rabbini* eo nomine intelligunt non tantùm filios *Javan*, ſeu Græcos, ut *Gen. X*, ſed & Romanos, & reliquos illarum partium *Europæos* catervatim degentes; cùm *Chittim* ſit forma pluralis

lis à singulari כַּת *catb*, i. e. *caterva*, *cætus*, *societas* hominum. Sic in dicto loco *Num.* XXIV, in MS^o Heb. Chald. in Archivis *Bodlejanis*, (ubi Chaldaica Paraphrasis versiculatim & alternatim interponitur,) pro *Chittim*, legitur רוּמַי *Rumæi*, i. e. *Græci*: & eodem loco in *Targ. Hierof.* legitur דַּרומַי *Daromæi*, i. e. *austres*; & tamen in adjunctâ Versione Latinâ, est *Romani*, non *bené*: & in *Targ. Jon.* est קוֹסְטַנְטִינִי *Constantine*, i. e. *Constantinopolis*, intelligendo *Græcos*.

Sed ut (quod res est,) possimus melius judicare de Patriarchæ *Eberi* linguâ & religione, ad quos superiore loco (ex quorundam sententiâ) alluditur, præmittendum est, ei fuisse duos filios, *Pelegb*, & *Joktan* qui *Arabibus* dicitur كَابْتَان *Kabtān*, cujus Sedes fuit in *Arabid Felice*. Ubi autem habitaverit *Pelegb* (seu *Palegb*, ut in pausa legitur,) non dicitur: sed ab ejus primogenito filio *Rëu*, seu *Paryau* (nam reliqui tacentur,) conditæ sunt *Paryai* in *Mediâ*, ubi usque ad finem penultimi Millenarii relicta fuit orthodoxia ab ipsis Diluvianis temporibus ibidem instituta & plantata. Non itaque dubitandum, nec diffidendum, quin *Eber* ejusque familia orthodoxiam tenuerint: sed cum alii pariter idem fecerint, non est cur ille præ aliis eo nomine celebretur, aut tam peculiaris habeatur, & Hebræorum Gens ab eo potius quàm ab alio quovis Patriarchâ denominata fuerit. Quod etiam pura Lingua Hebræa in eâ familiâ exculta & continuata fuerit, pariter fatendum est, cum Lingua *Medica* multa Linguae *Hebrææ* vestigia ad hodiernum usque diem in se contineat: sed cum in aliis etiam Linguis talia vestigia maneant, non possumus multum inde inferre. Quamvis itaque (quod pie credendum) *Eber* & *Pelegb* & *Rëu* fuerint orthodoxi, nihilominus non potuerunt crescenti Idololatriæ ita resistere, quin (ut venerabilis *Beda* in *Chronico* asserit,) constet *Tempore Pbaleghi* ædificata fuisse *Templa*, & in eis *Principum Statuas pro Diis adoratas fuisse*; idque cum Idololatriâ pessimâ, ignorando quod tantum bonæ memoriæ causâ primò erectæ fuerant tales statuae. Et, si tempore *Pbaleghi* in tantum excreverit Idololatria, probabiliter eadem inchoata fuerit tempore *Eberi*.

Si autem detur, & non concedatur, quod in prædicto loco *Num.* XXIV, intelligantur *Eberi* posterius, non scio quid boni hinc sibi elicere velint *Eberi* assertores, qui istum Textum pro *Eberi* celebritate adducunt, præsertim cum illi ipsi eundem Textum exponant de *clade* posterorum *Eberi*, non autem de *felicitate*, aut prosperitate eorum. Scilicet, quia à *Pelegb* filio *Eberi*, longâ successionum serie, per *Abrahamum* tandem orti fuerunt *Israelitæ*, (idque postquam *Peleghi* tam sedes

sedes quàm Lingua & Religio mutata & deperdita fuerant,) sunt qui volunt *Balaamum*, eâ prophetiâ, sub nomine *Eberi*, collimasse in Israelitas, eorûque tunc futuram cladem prænuntiâsse: dum interim hi Interpretes obliviscuntur quod hoc non fuit pro dignitate *Eberitarum*, ut istum Textum adducerent, quem potius tacuisse debuerant. Verum quidem est, quod Israelitæ affligendi erant & quasi perituri in captivitate perpetuâ, & quod *Græci* & *Romani*, (qui *Kittæi* seu *Chittimitæ*,) tempore Imperii sui affligebant *Judeos*, (non autem *Israelitas*, quippe qui antea in captivitatem abierant,) quorum potentia periit, Regno eis adempto. Sed certè, planè impossibile quod in dicto Numerorum loco intellecti fuerint Israelitæ, quasi cum maledictis connumerati & cum *Amalekitis* & *Affyriis* perituri; id quod exoptaverat *Balak*, sed non potuit obtinere. Non itaque credibile Deum per os *Balaami* tum maledixisse Israelitis; quia cum eos jam tum, jussu divino, pronuntiaverat *Benedictos*, stellam orituram ex *Jaacob*, & eum qui habiturus dominium, &c. non potuit fieri ut eosdem, quasi eodem halitu, rursus denuntiaret maledictos, scil. quod idem *Balaamus* in eadem prophetiâ, eosdem Israelitas eodem tempore *benedictos* & *maledictos* declararet. Absit! *Balaam* itaque per *Eber*, non intellexit Israelitas, quippe qui coram & in conspectu erant, atque Israelis, seu *Jacobi* nomine, tunc Arabibus & *Moabitis* notissimi, adeò ut his tunc non fuerit opus vocandi eos *Eber*, longè petito nomine; nec jam nobis opus sit sentiendi, quod ii tunc cum *Amalekitis* & *Affyriis* fuerint subiecti maledictioni, quippe quæ tutius credatur denuntiata in *solo Affyrios* qui in *Eber* fluminis, qui reverà Invasiones *Chittimitarum*, seu *Græcorum* & *Romanorum* aliquando passi sunt.

His præmissis, prædictus locus ita erit vertendus de solo *Affyrio* perituro, legendo, *Exeuntes*, erunt à manu [seu orâ] *Chittim*, & affligent *Affyriam* & affligent ultrajectum fluminis: & quoque ipse usque dum pereat, seu usque ad perditionem, sive atque etiam erit usque in perditionem: nam *וְעַד* sæpè supplet locum Verbi substantivi *est* seu *erit*. Vel sic vertamus. — Et affligent *Affyriam*, scil. affligent ulteriorem partem fluminis, quæ etiam æternum peritura est. In hoc versu secunda copula *et* est conjunctiva, non autem disjunctiva; ita ut *Eber*, seu *ultrajectum*, sive *ulterior pars*, sit exegeticum præcedentis *Affyriæ*, Imò tota Enuntiatio secunda est exegetica prioris: ut legatur, *affligent Affyriam*, i. e. *affligent totam ulteriorem partem, quæ ipsa peritura est*. His positis, fortè in Bibliis Anglicanis sic emendatius legatur, *And they shall go forth from the coast of Chittim, and shall afflict*

sist Ashur and shall assist the other side of the river: and he also shall be even to perdition, vel until he perish. *Versio Samaritana* (quæ diversa à *Textu Samaritano*,) quasi pro מִצְרַיִם add legerrit צָרָה ed, sic exponit, צָרָה מִצְרַיִם אֶתְּ צָרָה אֶתְּ & quoque ipse testis peribit, sensu incommodo. *Perſa* totum Versum sic reddidit, omittendo *Copulam* secundam, quod meliùs, وجرقي اراهل روم

Et caterve [scu aliqui] ex populo Græciæ affligent Ashur & affligent Eber: & ipsa etiam æternum peritura est; respiciendo vel Græciam, vel Assyriam: vel aliàs si vis, & ipse etiam æternum periturus est, respiciendo vel populum Græciæ, vel aliàs רֹמ Ashur, sive ut hominem, sive ut populum. Nam in explicandis prophetiis datur latitudo, utpote quæ sæpè sint obscuræ & incertæ: & utrovis modo verum esse potest. *Vulgatus* pro וְצָרָה videtur legisse בְּאֵיִם, quia habet *venientes*.

Si autem (ut ad rem redeam) supradictus locus exponatur de filiis Eber, scil. de Eberitarum religione verâ, planè constat id non fuisse verum de feris Eberi nepotibus filiisve, quippe qui fuerunt Idololatæ, ut & de cæteris omnibus probabile, & certò manifestum est de Abrahami patre, & avo, &c. ut infra mox fusiùs monstrabitur. *Orientalis* (inter quos Chondemir Perſa,) ajunt Idololatriam primò introductam fuisse à Sarugh, qui vixit in Mesopotamiâ, ubi hodie extat ejusdem nominis urbs ساروج Sarug ad Longit 75°. 55'. ad Lat. 36°. 30'. ut in Comment. ad Tabulas Ilchanicas legitur. Abulpharagius Syrus ait, In diebus Sarugh multa crexerunt homines Idola, è quibus dæmones mira ediderunt signa. Et in diebus Sarugi & Tharæ renovatam fuisse Idololatriam testantur Clemens & Theodoretus & Epiphanius & Eusebius & alii, inter quos Suidas, cujus sensum abbreviatum exhibeo: Σαρὴξ — ab eo originem duxit Idololatria. Censuit enim Imaginibus & statu is bonorandos esse viros qui olim virtute præstantes fuerant & hominibus Benefactores. — Hoc usque ad Tharram, — cujus filius Abraham opera patris contrivit Carris in Mesopotamiâ. — Defunctorum Imagines quotannis adorari voluit. Hinc Polytheismus & Idololatria, usque ad patrem Abrahami Tharram, qui Statuarius, ex variâ materiâ faciens imagines, quas dicebat esse deos & adorandos ut Bonorum Autores. — Hinc Græci colebant Hellenem Gigantem in Turris fabricatione socium, ubi linguæ divisæ, & homines idè dicti μίμνους. Hæc quidem fuit una Idololatriæ causa, seu origo: altera autem fuit ab Imaginibus stellarum, seu Planetarum, ut alibi dictum. Sed bonâ eorum veniâ, Idololatriam

Idololatriæ origo altiùs petenda est à temporibus *Eber* & *Shelach*, (ut, si opus esset, abundè probare possemus,) qui tamen ambo erant orthodoxi & orthodoxiæ Prædicatores ad coævos & conterraneos suos Idololatricos *Aaditas* & *Themuditas* (Arabiz Tribus hodiè deperditas,) olim inter *Ommân* & *Hadramût* degentes, quos tandem procellosis ventis & mobilibus, seu fluentibus arenis, obruit, & tonitru atque terræmotibus profligavit & destruxit Deus.

Illà itaque eorum prædicta de Abrahami Titulo *Ibri* sententia tanquam de *Eberita*, haud bono nititur fundamento. Nam si *Hebræi* titulus Abrahamo datus fuerat propter veram illam religionem quam tenebat *Eber*, eodem jure, is æquè denominari potuit *Shilchi* à *Sbelach*, aut *Arpacshadi* ab *Arpacshad*, aut potiùs *Sbemi* à *Sbem*: nam hi omnes veram religionem tenebant æquè ac *Eber*. Sed perpendamus, eos qui hunc ei titulum dederunt, fuisse *Cananitas*: & an putabimus eos novisse Abrahami prosapiam, seu genealogiam tam longè remotam, eamve consuluisse? Vel, si fortè noverint, an ideo eos selegisse eique aptasse titulum petitem à verâ ejus religione quam illi ipsi non tenebant nec probabant, quasi *Eberitam* eum idèò denominaverint? Hoc planè absolum fuisset in illis, ei arcessere titulum tam remotè petitem, cùm faciliore negotio talem titulum potuerant petisse à *Terrach*, aut *Nachor*, quorum memoria recentior, qui etiam Canaaniticæ religioni addiçti.

Quia verò Abraham *tandem* de verâ Religione fuit, & omnium Fidelium Pater habitus, ergò multorum est sententia (ut suprà innuimus,) Abrahamum *semper* à pueritiis fuisse de verâ Religione, quam volunt necessariò ad eum derivatam fuisse ab *Eber*, à quo tam Prosapiæ quàm Religionis causâ denominatus fuerit *Hebræus*, q. d. *Eberæus*. Si hoc esset verum, tum omninò necesse ut Abrahami Pater non fuerit Idololatra, sed Fidelis; quod tamen creditu absurdum. Hanc, ut magis piam, arripiunt sententiam, ad quam etiam inclinat *Pererius* in *Josue* locum, ubi legitur, *Patres nostri servierunt diis alienis ultra Fluvium*, respondendo, quòd hoc de Israelitarum Patribus, seu Majoribus remotioribus, non autem de propioribus, intelligendum sit. Hæc autem Responso non valet: nam Israelitarum Patres propiores (qui Abraham & Isaac & Jacob) excepta Abrahami juventute, nec servierunt diis alienis, nec ultra flumen vixerunt. Ideoque dictus locus intelligendus est de illis Patribus, qui necessariò fuerunt Abrahami majores Idololatri, quia hi soli *ultra* flumen in *Mesopotamiâ* vixerunt.

Et (quod monstrandum est,) si Abrahami Patres, seu majores, ii-que propiores, servierunt diis alienis, ergò & suum Filium Abrahamum educârunt in illo eodem cultu: cui itaque, dum puer, ipse adhæsit, donec adultior & Divinæ gratiæ capacior evaderet. Nam quòd *Terach* fuit Idololatra, nemo dubitat, cum legatur *Jos. XXVIII. 2, Ultra flumen habitârunt patres vestri olim, Terach pater Abrami & pater Nachoris, & servierunt diis alienis.* Et versu 14, *Removete deos quibus servierunt patres vestri ultra flumen.* Cùmque res ita se habuerit, imaginari Abrahamum à parentibus natum *Fidelem*, est quasi putaremus aliquem à *Turcicis* parentibus nasci posse *Christianum*, quod valdè ridiculum. Videtur autem quòd *Terach* tandem, filii suasu, fuerit conversus, quia cum Abrahamo migravit ex *Ur* ad *Haran*, transiturus in terram Canaan: illuc tamen non transivit, sed obiit in *Haran*, ut legitur *Gen. XI. 31, 32.*

Quamvis itaque aliqui alteram sententiam, ut pientiore, amplectantur, mihi quidem æquè pium videtur, credere Abrahamum à Parentibus natum fuisse Ethnicum, & postea per infusam Dei gratiam conversum; ac si crediderim eum in verâ Religione natum, quod tantum in se miraculum non haberet. Peculiaris itaque erga Abrahamum favor erat, & planè miraculosum, quòd Deus illum in terram promissam introducturus, post tantam Parentum & Majorum Idololatricorum seriem, Abrahamum, ante Transitus, luce cœlesti donaret, & tenebricosum ejus animum veri Dei cognitione illustraret: quia tunc erat tempus quo necessariò faciendum esset, nec ulterius differendum.

Et sanè quòd Abraham natus fuit Gentilis, & postea per Dei gratiam cœlestem & mentis illuminationem conversus, nobiscum sentit *Epiphanius*, p. 8, *Simulacra primum ex argillâ figlinoque opere reperta sunt, Artifice Tharrâ.* Et deinde p. 9, *Abraham erat tum domi Patrem observans, cum Dei Oraculo vocatus, domesticis renunciavit, &c.* Et sic *Maimonides* in *More Nevuchim* Arabicè scripto literis Hebraicis part. 3, Cap. 29. quæ verba sic Arabicè rescribenda, *أبراهيم ابن* معلوم أن نشأ في مكة الصابة ومنهجهم أن لا يرضون إلا الكواكب. *Notissimum est Abrahamum Patrem nostrum educatum fuisse in Religione Sabaitarum, quorum opinio est, nullum esse Deum præter Stellas.* Et quidem *Masius* in *Josuiam*, & alii, & Judæi omnes, & tota Orientalium cohors, hanc sententiam, perpetuâ apud eos traditione, acceptam & huc usque continuatam, constanter tenent; qui etiam particularem ejus Conversionis Historiolam hoc modo narrant: inter quos, de

de conversione Abrahami, est *Tâbari* Persicè conscriptus, referens Quodd sc. cum Abraham esset puer XV annorum, incipiebat querere Deum. Et hâc piâ disquisitione versatus, noctu contemplabatur cœlestia Corpora, inter quæ, præ cæteris splendebat *Venus*; quâ visâ dixit, هذا ربي *An hæc est Dominus meus?* Venere autem mox disparente & occumbente, aliâ nocte foràs prodiens intuitus est *Lunam*, de quâ dixit, هذا ربي *An ista est Dominus meus?* Sed Luna etiam mox occubuit. Postea aliâ vice foràs egressus, observavit omnes *Stellas* tandem occumbere & disparere; de quibus itaque dixit, لا احب الاقلىن *Non amo occumbentes.* Deinde matutino oriente *Sole*, dixit, هذا ربي *Isse est Dominus meus; isse est maximus:* vel interrogativè, *An isse est Dominus meus? nam isse maximus.* Sed cum Sol ad instar reliquorum occumberet & dispareret, Matri suæ dixit, *Hæc non possunt esse Dei, quia mox subducunt se & evanescunt.* Hæc Historia in *Alcorano* Cap. VI. p. 82, seq. modo narratur, فلما جز عليه الليل راي كوكبا قال هذا ربي فلما اقل قال لا احب الاقلىن فلما راي القمر بارغا قال هذا ربي فلما اقل قال لمن لا يهدني ربي لا يكون من القوم الضالين فلما راي الشمس بارغة قال هذا ربي هذا اكبر فلما افلتى قال يا قوم ادعي بري مما تشركون الي وجهى وجهي Et postquam supervenit ei nox, videns Stellam, dixit, Hæc est Dominus meus. At postquam occubuit, dixit, Non amo occumbentes. Et postquam vidit orientem Lunam, dixit, Hæc est Dominus meus. At postquam occubuit, dixit, Nisi me dirigit Dominus meus, ero ex populo errante. Et postquam vidit orientem Solem, dixit, Hic est Dominus meus, hic major est. At postquam occubuit, dixit, O popule, ego sum purus [seu innocens] ab eo quod [Deo] associatis. Nam ego converti faciem meam ad eum qui creavit cœlos & terram purè, neque ego sum ex Associatoribus. Scil. subtilius quæsit horum omnium Creatorem, quem (relieto Stellarum cultu & totâ Religione paternâ,) unicè coluit, & palam præ omnibus colendum commendavit & prædicavit. Cum his ferè conveniunt ea quæ *Iosephus* tradit, *Abrahamum* suam de Deo scientiam collegisse ex observatione Terræ & Maris, & eorum quæ circa Solem & Lunam & reliqua Sydera videbat accidere; sc. necessariū esse superiorem aliquam potentiam quæ horum curam gerat & omnia decenter administraret.

Quo certo ætatis anno Abraham primò conversus fuerit, tanto jam temporis intervallo scire, est planè impossibile. *Genebrardus* in Chronico, ex R. *Joanne* & *Anina* citat, quòd Abraham XLVIII ætatis anno cæpit verum Deum colere. *Maimonides* in *Jad chaz.* Tract. *Madda'*, fol. 25, ait, בן ארבעים שנה הכיר אברהם את בוראו *Abraham XL annos natus agnovit Creatorem suum.* Mox ibidem additur, Extat *Aggada*, *Tres annos natus.* Sic etiam *Talmudis* Tract. *Nedarim*, 32, 1, אמר ר' אמי בר אבהו בן שלש שנים *Dixit Rabbi Ame filius Abba, Abraham tres annos natus agnovit Creatorem suum.* *Abu Mohammed Mustapha Mohammedanus* in Capite de vitâ Abrahami, ait *وكان ابراهيم يومئذ ابن ستة عشر سنة* *Quòd Abraham tunc fuit filius XVI annorum*, sc. quando Dei Unitatem asserendo, persecutionem passus est à popularibus suis, & ut aliqui volunt, conjectus est in Ignem. *Maimonidis* quadragenaria ætas (quæ etiam in *Alcorano* memoratur) nimia est, ut Abraham tamdiu persisteret infidelis. Et triennalis ætas non fuit satis, ut tam altè inquireret, & quando vidit Sphæram circumvolvi, (ut dicit Maim.) secum ratiocinaretur, eam non posse circumduci sine Ductore, &c. & sic veniret ad cognitionem Dei. Magis igitur competit quindecennalis ætas, ut volunt *Perfæ*; vel ut *Cædrenus* vult, XXIV annorum ætas.

Abraham itaque (sive dicto modo, sive aliter) conversus, totam familiam & Cognationem convertere operam dedit; secundum id quod de eo prædixerat Deus, *Novi eum, quòd filiis suis præcipiet & familiæ suæ, ut custodiant Mandata mea, &c.* Abrahami igitur conversi primum opus erat fortificare fratres, & omnes alios convertere: & primò quidem familiam suam ad orthodoxiam adducere; unà cum seniore fratre *Haran*, qui ante Abrahami transitum obiit in terrâ nativitatis, scil. in *Ur Chaldæorum*, ubi vixit Abraham: quis ergo condidit & nuncupavit urbem *Haran*, non dicitur. In hanc etiam Conversionem venisse credamus Avum ejus *Nachor*, quippe qui tunc adhuc in vivis erat. Quodnam fuerit Nomen ejus Ethnicum, nondum mihi compertum: sed *Nachor* videtur fuisse Conversionis Nomen, eo quòd Abrahami frater eodem etiam nomine postea gauderet; quod non fuisset factum, si nomen *Nachor* fuisset Ethnicum. Verum quidem est quòd Avus *Nachor* nascebatur infidelis: sed post Conversionem, nomen mutatum & ex postfacto impositum, ut frequenter fit in S. Bibliis, & tamen recensitum tanquam primitivum Nomen. Et quidem

quidem Abrahami frater *Nachor* videtur conversus, quia filium suum *Lot* (qui Abrahamum comitatus est in terram Canaan,) in verâ Fide educavit, & quia Abraham ex ejus familiâ adscivit uxorem *Isaaco*, abhorrens ab Idololatricis filiabus *Heth*, seu *Hittitis*. Præterea *Nachor* Abrahami frater filiis suis imposuit Nomina *Hebraica* orthodoxa, non autem *Chaldaica* Idololatrica, quamvis in Chaldæâ viveret, ut *Gen. XXII* 21, &c. Et conversi videntur *Bethuel* & *Laban*, quia in illis nuptiis agnoscebant Dei providentiam; quamvis *Laban* Ethnicismi reliquias *Therapin* retineret ad divinandum. Sed *Cbesed* (vel ex neglectu parentum, vel ex perversitate suâ) non videtur fuisse conversus quia Abraham nunquam vidit eum, utpote qui natus post Abrahami discessum in Canaan. Ille non instituit filios suos *Chasidæos* in verâ Religione, quin is cum posteris Abrahamum Avunculum suum persecuti sunt, uti etiam fecit Abrahami frater *Haran*: nam fratres uterini non sunt semper religione fratres. Patri suo *Terach* etiam convertendo allaboravit, usque ad pugnam; idque (ut fas est credere) tandem effecit: nam quod fuit *Terach* Conversionis nomen nullus dubito, cum aliud ejus nomen Ethnicum habeamus compertum fuisse, *Adur*, seu *آذر* *Azur*, vel ut apud Arabes scribitur & sonatur *آذر* *Azer*, seu *Azar*. Cumque Abrahami pater hoc nomine *Azer* alibi inclausisset, in Alcorano quoque (tacito nomine *Terach*) ita appellatus fuit.

De Abrahami Matre S. Scriptura filet. Sed in Textûs Talmudici Gemara, in Tract. Bava Batra 91. 9, traditur אִמְיה דַּאֲבָרָהם אֶתְלָאי בת כַּנְנִי אִמְיה דַּחֲסֵן אֶתְלָאי בה עירבתי אִמְיה דְדוּד נֹצֵבֶת בַּת מֵטֶר אֲבָרָהָם עֲדָל שְׁכָה אִמְיה דְשִׁישׁוֹן צִפְנִית וְאַחֲתִיָּה נִשִּׁין

*Mater Abrahami fuit Amteldi filia Kerambi: Mater Hamanis fuit Amteldi filia Orbe-
tbi: mater Davidis fuit Nitsabath filia Adael: mater Samsonis fuit
Salponith, cujus soror fuit Neshayan.* Hæc autem apocrypha & incerta.
Nomen *Amteldi* appellativè sumptum significat *Simile, verisimile, pro-*
probabile: sed ut Nomen proprium, minus probabile.

Orientalēs narrant *Terach* fuisse *Magnatem*, (de quā re non dubitamus,) & in summo favore apud Imperatorem, quippe pro quo *Idola* parabat, cū professione esset *تراش بتی* *Idolorum Sculptor*, seu *Fabricator* (quod apud eos honorabile, ut *Formator* deorum,) in quā *Arte* erat omnium peritissimus. Hoc enim ritē praeſtare non potuit quisvis *Lignifaber*, seu communis *Lignorum* aut *Lapidum* exaſciator; cū hęc *Ars* depoſceret peritissimum *Astrologum* qui eſſet gnarus talia fabricandi apto tempore & ex aptā materiā; cū (ut in *Proverbio* dicitur) *Ex quovis Ligno non fiet Mercurius*. Nam tam *Ligna* quam

quàm *Lapides & Metalla* suo quævis *Planetæ*, à *Chaldæorum Astrologis*, olim adscripta & *dedicata* fuere, utpote quæ de ejusdem *Influentiâ* præ aliis participare credita. Idolum itaque sub faustâ cœli positurâ & ex materiâ tali *Planetæ* appropriatâ fabrefactum, tum ritè paratum & legitimè factum credebatur. Et quidem *talis Artifex* fuit *Abrahami Pater Azer*.

Hoc Nomen originaliter in *Libro Zend* scriptum est آذر *Adur*: ibi enim *Litera* زال *Zâl* non habetur. At in aliis recentioribus *Lībris Persicis* scribitur آذر *Azur*: quod tamen vulgus sonat eodem modo quo ab Arabibus scribitur آذر *Azer*, seu *Azar*: & eodem modo factum à *Chaldæis*, qui ab antiquo hoc & alia multa *Persica* in suam *Linguam* adsciscere solebant. Hoc nomine, antiquissimis temporibus, significatus fuit *Mars*, (aliàs dictus بهرام *Bebrâm*,) & vetustissimis *Persis* sic dictus fuit *Martius* mensis. Nam quia illo nomine originitùs & primariò significabatur *Ignis*, (uti etiam hodiè significat,) id nominis ab ipsis & à *Chaldæis* translatum est ad *Planetam igneum*, & inde ad *ensem Persicum* ab eo sic denominatum. Et quidem propter rubedinem, idem *Planeta* aliàs subinde *Persice* dicitur بخون *Bachûn*, i. e. *Sanguineus*.

Et quia *Azur* est *Ignis*, idèd *Fulmen*, seu *Fulgur*, quibusdam dicitur آذری ماه *Azuri Mâh*, i. e. *Ignis Lunæ*, in constructione: nam aliàs, extra constructionem appositivè, *Azur Mâh* est *Azur Mensis* sic dictus. At in *Nim. Laud. Fulmen*, seu *Fulgur*, aliàs vocatur آذر وهران *Azuri yezdan*, i. e. *Ignis Dei* formâ constructâ. Ibi autem *Mohammedanus Interpres* addit, *Hoc etiam esse ex Nominibus Dei Excelsi*, perperam legendo *Azur yezdân* in appositione, q. d. *Azur Deus*. Debuerat autem scire quòd apud *Persas* hoc nomine significetur *Azur Angelus*, cùm in *Angelorum Catalogo* iste *Angelus* semper vocetur آذر ویزد *Azur yezèd*; quia *yezèd*, quod sæpè *Deum*, aliquando *Angelum* notat. Et à significatione *Ignis*, hoc nomen *Azur* transfertur etiam ad *Planetam igneum*, (ut diximus) quasi ille *Planeta* vocetur *Igniculus*. *Azur* itaque, seu *Azar*, est *Mars*, igneus ille ferocis naturæ *Planeta*, qui fausti ominis ergò & successûs in *Bellis*,) ab *Assyriis*, primis omnium, *Deus* agnitus est, idque sub formâ *Columnæ*: sic *Chronicon Alexandrinum* p. 89, *Assyrii primi erexerunt Columnam Marti, eumque instar dei coluerunt*, ut suprà notavimus. Scil. quia *Mars* belli *deus* igneus, eum repræsentârunt sub formâ *Columnæ* (ut videtur) *pyramidalis*, flammam æmulantis figurâ suâ. At quia *Chaldæis* & *Assyriis* *Azur* erat quasi *Deus* quidam, seu *Numen Planetarium*, sc.

Mars

Mars qui de *Ignē* naturā participat, unde & assumptum est in nomina Magnatum, qui honorificum ducebant ab Idolis, seu Numinibus suis, denominari. Id enim Nomen erat tam ignei Planetæ *Martis* quàm *Idoli* huic Stellæ dicati, aliās olim à *Sepharvaitis* dicti אדרמלך *Adrammēlech*, pro אדר המלך *Adar ba Mēlech*, seu *Adar Rex*: nam Planetæ ab illis Gentibus habiti & vocati sunt *Reges*. Hinc est quodd idem Planeta *Hebræis* & aliis appelletur מלך מולך *Molech*, *Rex*, seu *Dominator*, quibusdam aliis Gentibus corruptè מלכום *Milcom*. Quin & in Linguam *Copticam* assumptum est Nomen *Μολοχ*, quod in Onomastico *Copt-Arabico* exponitur میریخ *Mirrich*, *Mars*.

A significatione *Ignis* & *Martis*, factum est, ut *Martius* mensis (à Marte denominatus) Chaldæis etiam dictus fuit אדר *Adâr*, Syris ܐܕܪ *Odâr*, Syro-Arabibus Syriam inhabitantibus آذر *Adâr*, seu (ut Persæ & Turcæ sonant) *Azâr*. Is hodiè Annum ducit apud Syros, ut & olim fecit apud Romanos & Persas. In *Chronico Alexandrino*, seu *Fastis Siculis* p. 261 legitur, *Romulus postquam Urbem manibus cinxisset, Templum erexit Marti & Festum instituit, à Marte, Martium appellans mensem, qui antea Primus vocabatur: eumque diem Festum in Campo Martio celebrant*. Nam cum ex igne hujus Stellæ Influentiâ & rube dine (ut credebant,) Annus inciperet calefcere, Anni initium ei dedicabant veteres omnes: atque ideò *Romani*, ineunte Mense Martio, sacrum suum Vestalem Ignem de novo accendebant, cum exeunte veteri Anno eum emori siverant; quod alio quovis tempore fecisse, nefas. Talis nempe ab eis facta est *Allusio Symbolica* & quasi *Sympatbetica*, in magis faustum futuri Anni *Omen*: ut scil. cum exeuntis Anni calor à Marte & Igne profectus deficeret, innueretur, ipsummet Numen (*Ignem Sacrum*) id persentiscere & emori: & ut ineuntis novi Anni Vernal tempus eò faustiùs procedere posset, voluerunt significare quasi unà cum ipso Numine, Annus novo calore & vigore imprægnandus esset.

Hoc Nomen *Azer*, seu *Azar* (Judæorum more scriptum) comparet in multis Chaldaicis Magnatum & Regum Nominibus Biblicis, cum (ut dictum) ab Idolis, seu diis suis denominari honorificum duceretur. Judæi autem non videntur rectè affecutos esse vix ullos in Bibliis exoticorum Nominum sonos; cum pleraque Chaldaica & Persica & reliqua exotica, non secundum orthographiam, sed secundum receptum suo tempore vulgarem sonum (eumque corruptum) in Bibliis dederint; idque quia non ex Libris & Scriptis talia hauserunt, sed tantum auditu, ex vulgi ore, ea acceperunt: quod idem fecere Græci

*Græci & Scriptores omnes: adeò ut si veteres Heroës hodie reviviscent, sua Nomina hoc modo scripta & pronuntiata audientes, ea non agnoscerent nec intelligerent. Et hoc sanè non est ex minimis causis quæ rei Historicæ difficultates augent. Et si primi Historiarum Auctores vix rectè assecuti sunt talium exoticorum Nominum veros sonos, quomodo post tantum temporis defluxum potuerint S. Bibliorum Punctatores talium omnium, in variis linguis, veros sonos nobis posteris exhibere? In hisce enim Nominibus Biblicis duplex fuit difficultas; primò in Consonantium scriptione in ipsis Autographis, deinde in Vocalium Adscriptione à Punctatoribus. Et tamen sæpe miratus sum eorum peritiam & diligentiam, quod sc. in exoticis *Appellativis* fere semper assecuti fuerint veritatem punctationis, & quòd in *Propriis* plerumque tam prope accesserint ad eam, nec longius aberraverint!*

Dictum, inquam, Nomen *Azer*, seu *Azar* (sed minùs rectè scriptum) reperitur in *Affyriacis & Chaldaicis* Nominibus, quale est פלסר *Pilser*, quod alibi, plenioris soni causâ, cum *Num* Epenthético scribitur etiam פלסר *Pilneser*, cum sine dictâ Epenthesi nimis curtus videretur sonus. Et quidem *Pilser* componitur ex *Azer* & *Pil* (quod aliàs subinde scribitur *Pal*, *Pul*, *Pol*, *Pbul*, *Pbel*, &c.) vulgari pronuntiatione idem quod בעל *Bel*, i. e. *Jupiter*: adeò ut *Pil-eser* sonet *Jupiter & Mars*, q. d. *Jovimartius* homo, faustâ utriusque Planetæ influentiâ felix, & ab utroque Numine sumptâ denominatione gaudens, & hac ratione beator & honorator. Et sanè nullus dubito quin Βέλσις nomen Babylonici Sacerdotis, atque etiam Ducis qui contra Sardanapalum cum Arbace conspiravit, (Scribarum incuriâ malè sic scriptum,) rectiùs rescribendum sit Βέλσις, seu *Peleser*, quia idem nomen pluribus & diversis personis commune fuit: nam propter *Gr.* ρ & ε finalis similitudinem in quibusdam Libris, talis apud antiquos fuit pronus Scribarum error, ut infrà fusiùs monstrabitur. Et, eodem modo, quamvis sint diversæ personæ, *Pilser* est idem Nomen ex quo componitur תגלת-פלסר *Tiglat-Pilser*, (aliàs perperam *Tilgat*,) ubi faustioris ominis ergò, Regis nomini præmissum est Sacri Fluminis Nomen דיגלת *Diglat*, seu דיקלת *Diklat*, Plinio *Diglito*, notans *Tigrim*, ex cujus affluentia beatus redditus Affyriorum & Babyloniorum Regnum & Imperium: nam omnia tam majora & profundiora Flumina (quàm immanes Montes & procerae Arbores & Dracones vastiores (suo genere justo grandiora & immaniora) veteribus, ex mole plus quàm ordinariâ, habita fuere Sacra, utpote quæ idèò ali-

quid

quid Divinitatis in se habere crederentur, & quæ exinde damnum vel lucrum afferre posse censerentur: omnia enim à quibus vel damnum metuebant, vel lucrum sperabant, Sacra & Adoratione digna æstimârunt.

Cúmque (ut ex multis indiciis constat) olim horum magnorum Imperiorum tempore, Lingua *Græca* tam celebris fuerit, ut plurima propria nomina *Persica* & *Chaldaica* terminationibus *Græcis* desinere & *Græco* more sonari solerent, inde est quòd pro בעל *Bel*, sæpe in *Chaldaicis* nominibus legatur βῆλ *Jupiter*. Et sic apud Syros (testante *Bar-Bablûl*) βέλτης inter alia *Veneris* nomina recensetur. Erat enim *Phœnicibus* בעל *Baal* & *Beël*, *Jupiter*, unde contractè *Bel*: & à *Phœnicum* בעלתה *Baalta*, est *Beelta*, *Domina*, fœmininâ formâ; unde apud *Græcos* autores legitur βαάλτης *Venus*, quæ in Libro *Jeremiæ* aliàs vocatur מלכת שמים *Malcath Shamaim*, *Regina Cæli*, cui *Placentas* conficiebant.

Ex dictis constat quòd nomina quæ à Punctatoribus leguntur בלשאצר *Belsbássar* & בלשצר *Beltesbássar*, veriùs repunctanda & rescribenda sint בלשאצר βῆλ-Αζαρ & בלשצר βέλτης-Αζαρ. Et tale erat Regis Tyri nomen *Beleazar*, sc. בעלשאצר βελ-Αζαρ. Miror sanè Punctatorum in dictis nominibus anomaliam: nam quamvis veram in eis punctandi rationem non attigerint, impossibile erat quin perspectum habuerint, suam punctationem non esse naturalem & regularem, ut sc. *Pathach* vocalis brevis immediatè præcederet literam quiescentem, quam necessariò sonus crassior & productior præcedere debuit. Eâ igitur dictorum nominum punctatione, non sine ratione, rejectâ, altera quam dedimus, cum meliore ratione, ejus loco substituenda sit. Ex dictis constat, quòd nomina *Belsbássar*, & βέλεις, seu βελείσι, & *Pileser*, (quatenùs pluribus hominibus communia,) sint omnia originitùs idem nomen, quamvis diversimodè scriptum, & diversis personis, variis temporibus, tributum. Quod quidem perspexisse, curiosis fortè non sit ingratum.

Prædictum nomen *Azer*, seu *Azar*, comparet etiam tam in aliis multis, quàm in nomine נבוכדנאצר, seu נבוכדנצר *Nebucadréssar*, ubi *Nun* epentheticum, seu ut aliàs subinde scriptum est, נבוכדנצר *Nebucadréssar*, cum *Resh* epenthético. Et quidem pro vulgi pronuntiatione exprimendâ, meritò desiderari videtur talis Epenthesis. Hæc autem brevis vocalis *Segol* ante literam *Aleph* quiescentem, pejus se habet quàm in supradictis *Pathach*. Meliùs itaque hoc nomen rescribendum esset נבוכדנצר *Nebo-Gad-Azar*, i. e. *Mercurius*, *Jupiter*,

Mars. Est quidem *Gad* magis *Hebraicum* quàm *Chaldaicum*: sed non semper eandem compositionis rationem servabant: nam (ut infra dicitur,) *Venus* non semper ab eis vocata est *עלית*, sed aliàs aliquando *Hebraicè* *Negô*. Supradicti Regis pater magis *Chaldaicè* dictus est *Nabo-Pol-Affar*, quod est *נבו-פל-אור* *Nabo-Bel-Azar*, seu *Nebo-Bel-Azar*, i. e. *Mercurius, Jupiter, Mars*. *Nebucadnessari* avus syn-copatâ Deitate mediâ, vocatus fuerat *Nabondassar*, i. e. *נבונאסר* *Nabon-Azar* cum *Nun* epenthético ad implendum sonum; cum aliter dixisse *נבו-אור* *Nabo-Azar*, seu *Nebo-Azar*, non tam benè sonuisset propter Cacophoniam ex duarum Vocalium concursu. Istius nomen, quamvis una minùs deitate constans, satis faustum habitum est: & tamen dictus illius filius felicior, quippe qui triplici deitate beator & honoratior. Sic is qui scriptoribus Græcis *Νηρηεσσάδαρος* seu *Νηρηασσαλάδαρος*, (mirè distortum Nomen!) est *נרגל-אור* *Nergal-Azar*. De his autem fortè plura, si Deus vitam & vires dederit ut *Notas Biblicas* perficere & typis mandare aggrediamur.

Ut itaque ad pensum redeam de *Teracho* alias dicto *Azer*, ejus Nomen, à Persis scriptum, sonat *تارخ* *Târuch*. Sic in Libro *Pharhangh Gibângbri* legitur, *تارخ* *Târuch* est *آذر* *Azer* Idolorum sculptor: sed in vetustissimâ linguâ *Persicâ*, est i. q. *گنه* *Gbenè*, i. e. *Ricinus animal*. *Orientalis* narrant quòd *Abraham* sæpius suaserit Patri ut veterem religionem relinqueret: sic ex *Alcorano* *Shabristanius*, فقال لايسمى *Non coles*, seu interrogativè, *Quare colis id quod non audit, nec videt, nec prodest tibi quicquam?* Et alibi memoratur, quòd cum *Azer* simulacrorum cultum, quem à suis didicerat, adhuc prosequeretur, nec filium *Abrahamum* ab eo dehortantem audiret, parum abfuisse quin à verbis ad verbera deveniretur. Hujus rei meminit *Alcoranus*, & ex eo quoque *Scheich Saadi* *Perfa* in Libro *Gulistân* quingentis abhinc annis scripto, چون آذر بت تراشید بجهت با پدر بر دیارم بچنگ بر *Perinde ac Azer simulacrorum sculptor, qui cum argumentis in filium prevailere non posset, in certamen surrexit; adeò ut Deus altissimus dixerit, Nisi equidem abstineris, te lapidibus obruam*, Nempe sic vocatur *Terach* in *Alcorano*, qui illis est *Verbum Dei*, ut nobis sunt *Biblia Sacra*: & quando Deus aliquid dixisse memoratur, tum illud in *Alcorano* dictum esse intelligitur.

Alco-

Alcorani Cap. II. p. 26, narratur *Abrahami contentio cum eo qui habuit Dominatum*, quem omnes Interpretes *Arabes & Persæ* ajunt fuisse *Nimrod*. De ejus disputatione cum Idololatriis, videri possit Alcorani Cap. VI. p. 82, & quomodo Deus eum Argumentis instruxit, &c. Et Cap. IX. p. 123, Abraham noluit orare pro Patre, donec promitterat conversionem suam: nam dum esset inimicus Deo, erat quoque inimicus Abrahamo. Et sic p. 36. Et Cap. XIX. p. 187.

Hanc autem Historiam prolixius narrant *Arabum* Historici. Sic inquit *Abmed Ibn Jûsuph Arabs*, “Deus abscondebat Abrahamum in speluncâ, seu cavernâ, propter periculum à Nimrodo: & ibi fugebat pollicem suum qui emittebat lac. Et is adolescebat quovis die quantum quivis alius integro mense: & ætate unius anni utebatur sermone, qui primò erat, *O mater mea, quis est Dominus meus?* quæ respondit, *Ego*. Tum ille, *Et quis est Dominus tuus?* quæ respondit, *Pater tuus*, Mox ille, *Et quis est Dominus patris mei?* quæ respondit, *Nimrod*. Tum mater alapam dans, tacere jussit: & adiens maritum, retulit ei quid dixit puer. Tum veniens Pater eodem modo cum eo collocutus est. Dicitur autem mansisse in speluncâ III annos; sec. alios, VII annos. Pater ejus *Azer* conficiebat Corpuscula (sc. Idola) quæ tradidit Abrahamo ut ea divenderet. Dixit autem Abraham, *Quis vendet illa quæ ei nocent, nec ei profunt?*”

Inquit *Abu Mohammed Mustapa Arabs*, “Quando Deo placuit emittere Abrahamum, Nimrod somniavit quasi videret Stellam quandam orientem, quæ obfuscaret Solem & Lunam, aded ut abierat lumen eorum. Unde timens sibi timore magno, collegit Harios & Divinos, quos de hoc consuluit: qui ei dixerunt, hoc anno nasciturum in istâ regione aliquem, per cujus manum tu periturus es & regnum tuum abiturum. Tum jussit Nimrod interficere quemvis puerum qui illo anno in illâ regione nasceretur, & præcepit separare foeminas à viris, viros verò eduxit ad militiam, & prohibuit eos à foeminis. — Erat autem *Azer* amicus ipsius & Janitor. — Tum Abrahami mater metuens ne filius occideretur, abscondit eum in speluncâ: & quisque dies, in adolescendo, erat Abrahamo sicut mensis, & quisque mensis sicut annus: donec tandem diceret matri suæ, *Educito me*. Cùmque educeret eum vesperi, observavit & contemplatus est Creationem cœli & terræ. Deinde intuendo cœlum, vidit Stellam; & dixit, *An ista est Dominus meus?* &c. Et non destitit Abraham invitare eos ad Dei Unitatem agnoscendam, & contemnebat Idola eorum: donec tandem, quodam Die Festo,

“ retrò mansit, nec exivit cum eis : & tunc patrauit id quod fecit Idolis eorum quoad Fractionem. Cúmque in hoc obstinatus esset, dixērunt, *Comburi eum, & opitulamini diis vestris, si facturi estis.* — “ Deinde Deus immisit in eos Culices qui consumplerunt exercitum ejus, & unus eorum penetravit in aurem Nimrôdi.” Sic ille.

Quantis itaque difficultatibus Abraham veri Dei cognitionem & cultum apud suos populares propagaverit, illisque eam inculcaverit, facile est hariolari; cum certè absque acerrimâ cum eis contentione & vitæ periculo id fieri non potuerit, nec Idolorum cultus damnari potuit, absque gravissimâ in illum Idololatrarum irâ & persecutione vehementissimâ; cum cuivis Genti nihil Religione suâ antiquius & charius habeatur, nec Diis suis honoratius, pro quibus itaque (ut apud Romanos) tanquam pro *aris & focis* contendere debuerint. Illam enim Religionem, easque consuetudines, & illos mores in quibus Gens aliqua nata fuerit & in eis educata, (eósque diu coluerit inque eis adoleverit,) non temerè relinquit, sed perticinaciter & mordicè tenet: atque in eis aliquid innovare, adèd mirum & inusitatum videtur, ut potiùs quàm aliquid de novo introducat, aut de veteri aliquid concedat, in bellum surgat.

Abraham autem fuit ex Magnatibus & potentissimus Princeps, aliàs non potuisset cum eis contendere, quin eum statim profligasset. Præterea ille erat insignis *Astronomus*, astrorum & cælestium observationum peritus & syderum scientiâ pollens, si credamus *Josepho*, qui *Antiq. Lib. I. Cap. 8*, sic refert, *Meminit Abrahami Patris nostri Berosus*, (non tamen eum nominans,) *bis verbis; Post Diluvium Decimâ Ætate apud Chaldaeos erat quidam Vir Justus, qui etiam rerum cælestium peritus. Is etiam in Ægypto de hisce rebus cum applausu (cùm esset Vir Sapiens & gnarus,) coram Ægyptiis differebat. Et ibidem Cap. IX, Ob has Dissertationes in pretio habitus, ut qui magnam tam intelligendi quàm eloquendi docendique facultatem præ se ferret, & Numerorum scientiam & Syderum doctrinam benignè cum eis communicavit. Nam ante Abrahami ad Ægyptios adventum, Ægyptii rudes erant Disciplinarum, quæ à Chaldæis ad Ægyptios profectæ, & tandem ad Græcos pervenerunt. Hinc constat Ægyptios non (ut aliqui volunt) fuisse in hisce scientiis primos, sed ab Abrahamo Chaldæo sua Astronomiæ & Arithmeticiæ rudimenta habuisse.*

Quòd autem Abraham cum Chaldæis acriter contendebat de Religione, est proclive creditu: & præterea Historici, tam alii Orientales, quàm Judæi, id unanimiter affirmant & multis exponunt. Tradunt

dunt enim (ut breviter dicam,) Abrahamum omni Idololatriæ se acriter opposuisse, & cum omnibus ejusdem falsi cultûs Affectis, etiam Magnatibus, contendisse; eò usque dum apud Regem (qui supradictus *Nimrod*.) accusatus & acriter objurgatus fuit: & cum sæpè admonitus noluit abstinere, in carcerem, & tandem in foveam ignis coniectus est; eodem modo quo in Historiâ *Danielis*, tres Pueri in Chaldæâ coniecti sunt in Fornacem, seu Foveam ignis pro supplicio maximo. Et quòd Abraham in ipsâ cum Nimrodo contentione primò incarceratus fuit, & quantum postea de obitu ejus doluerunt Gentes, meminit Textus Talmudicus in *Bava batbra* 91. 1, in *Gemara*, אֲמַר רַב עֶשְׂרֵי שָׁנִים נִחְבַּשׁ אַבְרָהָם אֲבִינוּ שְׁלֹשׁ בְּכוֹתֵי וְשֶׁבַע בְּכָרָיו וְרַב דִּימִי מִנְהַרְדֵּעָא מִתְּנִי אִיפְכָא אֲמַר רַב חֲסֵדָא עֵיבְרָא זַעִירָא וְהוּא אֹר כְּשִׁידִים—אֲמַר רַב אוֹתוּ הַיּוֹם שְׁנִפְטָר אַבְרָהָם אֲבִינוּ מִן הָעוֹלָם עֲמְרוּ כָל גִּדְּלֵי אוֹמְרוֹת דְּעוֹלָם וְאֲמַרְוּ אִי לֹא לְעוֹלָם שְׂאֵבֵד מִנְהִינוּ וְאִי דִּיכִיטָא *Dicit Rav, Abraham pater noster incarceratus est 10 annis, scil. tres in Gûtha, & septem in Corduenis; sed Rav Dime Nebardeenfis tradit contrarium, [seu viceversâ.] Dicit Rav Cbasda, In Ibra-Zëira, quæ est Ur Cbasdæorum. — Dicit Rav, Ipsâ die quo Abraham pater noster ex hoc Mundo decessit, omnes Magnates gentium Mundi ordine stantes dixerunt, Væ Mundo cujus Dux periit! & væ Navi cujus periit Gubernator! De dictâ Abrahami incarceratione, Glossa Talmudica ibidem dicit, Incarceravit eum Nimrod. In Aggada dicitur, Incarceravit eum Terach pater ejus, quia destruxerat Idola ejus. Urbis Ur hoc nomen Ibra-Zëira est transitus parvus, seu ultrajectus parvus; quod de hujus Urbis situ aliquid subinnuit, quòd fortè fuerit in ultrajecto alicujus fluminis respectu Babelis: sed ex Chartis videtur longiusculè distare versus Arabiam. De hac urbe sic legitur in Glossâ Talmudica, עֵיבְרָא זַעִירָא כִּךְ שְׂמֹו וְהוּא אֹר כְּשִׁידִים, *Ibra-zëira, sic est nomen ejus: est sc. Ur Cbasdæorum ubi projectus fuit Abraham pater noster, scil. in ignem.* Ibidem memorata *Nabâr-dêa*, [i. e. *flumen scientiæ*.] *Ptolemæo* *Ναῦαρδα*, est nomen antiquæ Judæorum Academix in terrâ Babelis ad *Euphratis* ripam Orientalem sitæ; unde propter vicinitatem *Ur*, dictum testimonium est magis authenticum. Hæc olim *Academia* (à quâ 20 milliaribus inferiùs distabat *Sora*.) erat plurimis milliaribus supra locum unde, in opposito latere, derivatur *Flumen regium* (imò & supra alterum *Flumen fætidum*.) quod ad Paludes ducit per *Babelem*, quæ antea à quovis flumine (ut etiam ab *Euphratis* occidentali latere) distabat: urbem autem alluebat flumen regium. Et paulò occidenta-*

lior

lior in aliâ lineâ huic fere parallelâ, est *Ptolemæi Naapotiens*, seu נהר סרס *Nabar-Sare*, *Fluvius sœtidus*, qui etiam ducit ad Paludes ubi exoneratur. At de illo altero agit *Am. Marcellinus* p. 498, ubi vocatur *Naarmalcba*, vetere nomine Chaldaico longè ante Romanorum tempora imposito, quod ab eo etiam rectè exponitur fluvius regius. *Naarmalcba* — tunc aridum. — Id antebac *Imp. Trajanus*, posteaque *Severus*, egesto solo fodiri in modum canalis amplissimi, studio curaverat summo, ut aquis illuc ab *Euphrate* transfusis, naves ad *Tigridem* commigrarent. Tutissimumque ad omnia visum est eadem loca purgari, quæ quondam similia *Persæ* timentes, mole saxorum obruere multorum. Eâ autem valle purgatâ, &c. Iste itaque Canalis quem *Nimrod* (ut orientales ajunt) effoderat, temporis processu suffocatus & aridus, à *Trajano* & *Severo* de novo effossus & mundatus atque purgatus est. At qui primò pro irrigatione istius soli & pro loci amœnitate (ubi juxta flumina *Babelis* morabantur captivi *Judæi*,) excavatus fuerat, post inventam & excultam navigationem, compertus est huic territorio & urbi incommodus, periculum ab hostibus unâ cum mercibus adferens.

Satis probabile, quòd *Abr.* incarceratus fuit in *Ur*, quia ibi vixit, & (dicente *S. Scripturâ*) inde eduçtus est. Sed an ibi natus, ex *S. Bibliis* non constat, nec ubi juventutem transegerit: nam fortassis plufquàm *Sexagenarius* discefferit ex *Ur*, cùm *Septuagenarius* & *quinarius* disceffit ex *Haran*. Orientales volunt eum natum in *Cûtha*, & ibi etiam (ut vides) incarceratum: quod valdè probabile, quia ea tunc fuit Imperialis Civitas, seu Sedes Regia, ab ipso Imperatore, seu Patriarchâ *Cûth* (qui primus illas partes incoluit) denominata, ubi *Abrahami* pater *Azer* fuit ex supremis ejus Ministris, atque ideò *Abr.* necessariò ibi natus: fortè autem propter persecutionem, inde fugerit ad *Ur*. De natali solo *Abrahami*, *Abulpheda* in *Historiâ Gentium* refert, العراق قيل باهوار وقيل ببابل في العراق Dicitur in *Abwâz*: & aliàs dicitur in *Babyloniâ*, quæ est *Erâc*. Est quidem *Abwâz* præcipua urbs *Huzæorum* in *Elymaide*. *Abu Mobammed Mustapha* peremptoriè asserit in *Cûtha*, وكان مولد ابراهيم بكونا من اقليم بابل بارض و كان مولد ابراهيم في رمن دمرن in *Cûtha* ex territorio *Babel* in terrâ *Erâc*, idque sec. præferentiorẽ sententiam, in tempore *Nimrod*. *Abmed Ibn Jûsuph* plures opiniones recenset, وهو ابو الادبما وتاج الاصغيا - وكان مولد بقرية كونا, من اقليم بابل وقيل بقرية بررة من اعمال دمشق وقيل ولد بقرية حران

حاران وقتله ابيه الى بابل وقيل كان مولده بالسوس من احوار في زمن
Abraham fuit Pater Propbetarum & Corona Sanctorum. —
Et fuit natale solum ejus in Cûtha ex territorio Babel. Sunt qui dicunt
in urbe Berza ex ditione Damasci. Alii dicunt, Natus fuit in Harrân,
& pater ejus portavit eum ad Babel. Alii ajunt Natale ejus fuisse in Sûs
[seu Sufis] ex ditione Abwâz, tempore Nimrod Gigantis. Idem Author
 وثا درية بسوان العراق قديمه ينسب اليه ابراهيم
Cûtha est urbs inter pagos Erâc [seu Chal-
dææ] antiquissima, cui relatus fuit Abraham Amicus Dei, cui pax, &
in eâ fuit natale solum ejus. Sunt autem duæ hujus nominis Urbes, de
 قديمه ابراهيم — وهو الذي احتقر ادهارا بالعراق اخذها
Nimrod Gigas, —
is erat qui effodit aliquot Fluvios in Al Irâc quos deduxit ex Eupbrate;
& dicitur ejusmodi esse Flumen Cûtha in viâ Cûpbæ. Hæc Cûpba est
 urbs in Erâc quæ est Chaldæa, seu Territorium Babylonicum. Urbis
Cûthæ meminit S. Scriptura, 2 Reg. XVII, Et Rex Assyriæ traduxit
colonos à Babel & Cûtha, — Et homines Babelis colebant Succoth-benôth,
& homines Cûth colebant Nergal. Hinc videmus Cûtham fuisse ex
 primariis & præcipuis urbibus Erâc, à quâ Imperii Sedes tandem
 translata est ad Babelem. Et quidem Cûtha ab Orientalibus memora-
 tur ut urbs hodiè extans, quamvis veteri gloriâ privata. Sed dolen-
 dum est quòd nostra Chaldææ & Assyriæ (potentissimarum olim Mo-
 narchiarum) Geographia sit valde imperfecta: adeò ut nobis tantæ
 potentiae vestigia vix persequi liceat. Babelis quidem haud procul ab
 Eupbrate situs hodiè agnoscitur, utpote unde Lateres ad alia ædificia
 transportant, cujus tamen locum occupat parva Villa: gloria enim
 discessit ad Bagdád, triduo inde itinere, ad Tigrim sitam, contrà quam
 nostrates credunt.

Sed ut ad rem redeam, cur nempe à Nimrodo in fornacem, seu fo-
 veam ignis, projectus est Abraham, causam reddit Cbondemîr Persa;
 Quòd scil. dum Chaldæi [seu potius Cushæi & Nimrodei] publicæ
 alicui lætitiæ in campis extra urbem intenti essent & in eâ occupati,
 Abraham in eorum *Delubrum* (seu *فكره* *Fanum*) ingressus,
 omnia Idola dejecit & fregit: & pro isto facinore, Nimrodi Decreto,
 à Chaldæis in ignem conjectus est: ab Angelo autem liberatus, nec
 ignis

ignis eum lædere potuit, jussu Dei, qui (ut in Alcorano) præcepit, يا نار كوني بردا وسلاما على ابراهيم *O Ignis, esto refrigerans & salutaris erga Abrahamum.* Apud Kas Kyriacum in Syrorum Calendario (quasi certò creditum) memoratur quo die id factum fuit, sc. *Januarii 25 fuit وقوع الخليل في دار و casus Abrabami in ignem.* Dicta historiola in *Alcorano* extat Cap. XXI, p. 197, ab illius temporis delirantibus Judæis accepta: nec mirum, cum Pseudopropheta *Sergium Monachum*, & *Judæum* quendam, in condendâ Religione coadjutores habuit. *Jonathan ben Uzziel* ad *Gen. XI. 28*, hanc historiam Chaldaicè narrat sequente modo, וְהוּרָה כִּדְ רִמָּה נִמְרוֹד יִתְ אֲבְרָהָם לֵאמֹנָה *Accidit quando Nimrod projecit Abrahamum in fornacem ignis, eò quòd non coleret Idolum suum, ut non esset Igni potestas comburendi ipsum.* Ideòque dubitatio orta est Harano, dicendo, Si vicerit Nimrod, stabo à partibus ejus: sin verò vicerit Abramam, stabo à partibus illius. Cum autem Chaldæi viderent ignem non dominatum esse in Abramam, dixerunt in corde suo, *Annon Haran Abramam frater, divinationibus & auguriis plenus, incantavit ignem ut non combureret fratrem suum? Et statim cadens [alius] ignis ex altissimo cælo, consumpsit eum, & mortuus est Haran coram conspectu Terach patris sui, quando combustus est in terrâ natiuitatis suæ, in fornace ignis quam paraverant Chaldæi Abramam fratri ejus.* Sacra Scriptura dicit quòd Haran obiit in Ur: modo autem non indicato. *Abulfaragius* refert, Quòd cum Abramam incendiasset Idolorum Templum, Haran frater ejus, ad extinguendum ignem ingressus, combustus est.

Deinde narrant, quòd crescente diffidio inter Abrahamum & Nimrodum, conscripto utrinque exercitu, tandem obortum est bellum; in quo Deus, Culicum seu Cimicum agmina mittens, Idololatrarum exercitum hac ratione profligavit: & quòd horum Cimicum unus in Nimrodi cerebrum per Aurem (al. per Narem) penetrans, eum necavit. In aliquo Syrorum Calendario (quasi certum & notissimum fuerat) Nimrod ponitur interfectus octavo die *Tamûz*, seu *Julii*, cui ibi adscribitur, قتل دبرون عليه اللعنة *Interfectio Nimrodi, in quem sit maledictio.* *Saphioddîn* meminit urbis dictæ تخبارات *Tachbarât*, seu تخاران سار *Tachbarân-fâr*, به سكة دبرون in quâ erat Officina monetaria Nimrodi.

Dicta opinio de Abrahami projectione in ignem, (quæ in Alcoranum assumpta & ad Arabes propagata,) videtur malè fundata in perperam interpretato loco Biblico qui olim à veteribus Judæis, & numeri

perius ab aliis, haud satis rectè intellectus est. Nam cùm Abraham Dei promisso fretus, patriam suam jussu divino monitus deferuit, & peramplum ibi patrimonium reliquit, ut novam sibi promissam patriam quæreret, is dicitur à Deo *eductus* מאור הכשרים *ex Ur Chaldaeorum*, quod volunt esse *ex Igne Chaldaeorum*, quia *Ur* etiam significat *Ignem*. Hinc veteres Judæi nugis abundantes, qui (ut Christus suo tempore de eis pronuntiavit,) in rebus religiosis erant *Stulti & Cæci*, excuderunt supradictam interpretationem, eamque communicarunt cum Christianis, (inter quos cum D. Hieronymo,) & postea cum *Mohammede*, concludendo quòd Abraham contra Chaldaeorum Idololatriam contendens, ab iis in Ignem conjectus est. *Hieronymus* hoc *Judæorum fabulam* vocat, ut &, quòd *Haran* mortuus fuerit in Igne Chaldaeorum: quamvis verum sit quòd *Haran* obiit in *Ur*. Et cùm *Hieronymus* hoc prius vocaverat *Fabulam*, tamen mox postea videtur idem credere, his verbis, *Vera est illa Hebræorum traditio quam supra diximus, quòd egressus sit Thare cum filiis suis de Igne Chaldaeorum, & quòd Abraham fuit Babylonico vallatus incendio, quòd illud adorare volebat, & quòd fuerit Dei auxilio liberatus: viz. diversis temporibus hæc scribens interpolansve Hieronymus, sui oblitus est, suam Hypothesin evertens. Sed illius veniã, Chaldæi & Babylonii non adorabant Ignem, nec Chaldæi tunc in Mundo extabant. Quid adorarent, S. Scriptura docet. Miserè itaque falluntur isti, perperam in hoc loco accipientes Ur pro Igne, cùm id reverà fuerit in Tractu Babylonico (ubi postea Chaldæa) urbis nomen, Ptolemæo ορχόν. Quo alio nomine vocata est Ur, vide supra. Eusebius in Præp. Evang. p. 418, adducit Historiam Abrahami ex Eupolemo, qui inter alia, dicit eum Astronomiam docuisse Phænices & Ægyptios, illumque natum fuisse in urbe Camarina, seu Urie, quæ Græcis dicta Chaldaëopolis.*

Supradictum hujus Urbis nomen *Ur* in S. Bibliis, videtur contractum pro *Ptolemæi Orchoá*, seu *Urchóa*, seu potius pro *Syro-Chaldaico* nomine *Urboi*: nam quamvis situ longè distet, quærendum est annon Synonymum sit cum *Mesopotamiæ* urbe *Urboi* quæ *Edeffa*, in quâ etiam aliquando vixit Abraham. Quamvis enim in Libro *Gen.* memoretur Abrahami iter ab *Ur* immediatè ad *Haran*, videtur certè pluries divertisse aliubi in *Mesopotamiâ*; cùm *Act. VII. 2.* legatur, *Gloria Dei apparuit Abrahamo cùm esset in Mesopotamiâ, antequàm habitaret in Haran.* Cùmque tam celebris sit Abrahami commemoratio in *Ursâ*, videatur ibi aliquamdiu divertisse, vel saltem id insinuare volunt Incolæ habentes ibi Ecclesiam Abrahami memoriæ dicatam, (hodiè,

K

ut

ut dicitur, à Mohammedanis usurpatam,) sub cujus fundamento erumpit Fons copiosus, unde Fluviolus in quo Pisces, quos pascunt circures, qui vocantur *Pisces Abrahami*, quos lædere nefas eisque nocere vetitum. Hæc urbs *Plinio* audit *Καδύπρον*, à dicto (ut videtur) Fonte denominata. *Syris* vocatur *ܐܘܪܝܐ Urbai*, Arabibus *رها Roba*, seu *الرها Erroba*, vulgò Incolis *Urfa*, cujus Territorium *Suidæ* dicitur *ܐܘܪܝܐ*, aliis minùs rectè *ܐܘܪܝܐ*, redundante *Sigma*. Et quidem *Abu Mohammed Mustapha* Arabs in cap. de vitâ Abrahami, id disertis verbis asserit, negando autem quòd Abrahami Pater conversus fuerit: *ولما دخلوا حران مات بها آزر علي كفرة فماتت بها ابراهيم ثم خرج ودرل الرها*. Et cum diversarentur in *Harrân*, obiit ibi *Azer* in infidelitate suâ. Ibi moratus est *Abraham*. Et dein egrediens, diversatus est in *Roba*. Talis erat via ad Terram S^m: sc. ab *Harrân* ad *Roba*, & hinc ad *Bir*, ubi trajiciendus erat *Euphrates* & transeundum per Arabiam rectâ (ut volunt) ad *Berza*, & hinc ad *Damascum*. Hoc modo sectanda sunt Abrahami vestigia. Ex dictâ urbe *Ourboi*, seu *Roba*, prodierunt multi viri Docti, ut *ܐܘܪܝܐ ܚܕܕܐ Jacûb Urbôyo*, (i. e. *Urbôyensis* seu *Robenſis*), cum aliis, qui tam *Syriacè* quàm in *Gersûni* Libros ediderunt. Hic etiam fuit *ܐܠܥܒܪ Acbar* (vulgò *Agbarus*, seu *Abgarus*, *Herodiano* *Αυγαρος Augarus*) qui ad *Cbristum* scripsit *Epistolam*, quam olim *Londini* Arabicè vidi.

Abraham itaque postea, trajecto flumine, per Arabiæ partem tendebat in *Syriam*, & (dicente *Abmed Ibn Jûsuf*), venit ad *برزة* *قريّة*. . . . *ابراهيم تعبد في مسجده بقرية برزة فمن صلى فيه اربع ركعات خرج*. . . . *urbem Berza* — ubi *Abraham* aderat in ejusdem Templo in urbe *Berza*. Et quicumque ibi perorat quatuor Genustexionibus, exit è peccatis suis sicut die quo eum peperit mater ejus, & exaudiuntur preces illius. Arabum traditio vult insinuare, eum, trajecto *Euphrate*, tetendisse sinistrorsum per Arabiam felicem. Sed credat Arabs appella. Credendum verò potius eum ivisse rectiore viâ ad *Syriam*: nam ipse habitavit etiam in *Damasco*, ubi est Vicus dictus *ܐܘܪܝܐ ܕܐܒܪܗܡ Domicilium Abrahami*; quod etiam ab illius regionis hominibus audiui. Et dum *Abraham* in vetustissimâ illâ urbe habitaret, adscivit sibi *Oeconomum*, qui *Eliezer Damascenus*: antea enim illius religionis homines fuerunt Abrahamo ignoti. Integrant

1. At ut aliqui *Arabum* volunt eum tetendisse nimis australiter per *Meccam*, sic alii eorum nimis borealiter per *Haleb*, quæ *Aleppo*: sic *Ibn Al Mallâ Halebenſis*, qui dicit *Haleb* fuisse ex locis ad quæ peregrinatus est *Abraham*, qui ibi aliquandiu subsistit post discessum suum ab *Harrân*. Proh Nugæ!

hujus Patriarchæ Historiam scripsit *Hecatæus*, qui inter deperditos Autores numerandus. Quomodo autem maximos & rapidissimos Fluvios trajecerint & hodiè trajiciant, in Oriente artem habent facillimam per *Rates*, quæ in S. Bibliis vocantur רפסוד *ráψωδ*, quæ constant ex plurimis colligatis Lignis, margini applicatis inflatis Pellibus ad instar Vesicarum. Talis vocatur *Amad*, ejusque Artifex Ratiarius faber seu compactor, est *Amad-ghèr*, *Ratifex*. Ratis *Turcis* audit *Sâl*, & *Mesopotamiensibus* كلك *Kélek*. Hac arte fit, ut nullus Fluvius eis obstet, & magna Mercium onera per *Tigrim* & *Euphratem* facili negotio deportent.

Sed ut in viam redeam, dicti *Chasdim*, seu *Chasdae*, (vulgò *Chaldæi* facilioris soni causâ,) sic denominati sunt à *Chesed* *Nachor* fratris Abrahami, qui unâ cum filiis & posteris dictam urbem *Ur* & tandem totam illam regionem inhabitârunt. At notandum est, quòd quamvis Abraham [*Gen. XI. 31.*] dicatur exivisse ex *Ur Chaldæorum*, dictus *Chesed*, à quo isti denominati sunt (quamvis senioris fratris filius,) tunc quando Abraham exivit, non fuit natus: *Nachorem* verò deinde habuisse VIII filios (inter quos *Chesed*) narratum fuit Abrahamo [*Gen. XXII. 20, 22.*] tanquam lætum nuncium ei antea inauditum: nam si nati fuissent ante ejus exitum, Abraham id satis novisset, nec fratris filiorum nativitatem, dum in *Mesopotamia* erat, ignorâset. Sed post Abrahami exitum nascebatur *Chesed* ibi *Sedem* figens, à quo & ab ejus posteris illa urbs dicta est *Ur Chasdaeorum*, eoque nomine celebris evasit: & tota illa terra dicta est *Chasdaea*, & minùs rectè *Chaldæa*. Ideoque *Mosaicæ* Historiæ Scriptor (qui longè postquam illa omnia transacta sunt, vixit,) proleptice eam vocavit *Ur Chasdaeorum*; cum debuerat ad captum nostrum potius dixisse, *Abraham exivit ex Ur, ubi postea vixerunt Chasdae*. Nam Abrahami tempore, tam in *Ur* quàm in *Cûtba* fuerunt tantùm *Cushæi* seu *Cuthæi*, scil. posterì *ṛē Cûsh* & prosapia *ṛē Nimrod*, qui omnimodam persecutionem moliti sunt in Abrahamum, religionis causâ.

Quamvis verò Abram in Sacrà Historiâ nominetur priùs, fuit tamen filius natu minimus: nam dicuntur *Abram* & *Nachor* & *Haran*, eodem ordine ac *Sbem* & *Ham* & *Japheth*, incipiendo à juniore. Abram enim videtur natus anno post Diluvium 349, *Terachi* anno 129, aut 130, quibus addendo Abrami ætatem 75 quando discessit ex *Haran*, completur *Terachi* tempus 205 annorum. Post hoc tempus, Abram transiturus in *Canaan*, migravit ex *Haran*, ubi jam tum manserat aliquam multos annos, (scil. usque dum moreretur Pater ejus *Terach*;) quia

quia dicitur exportasse secum *omnem substantiam & omnes Animas quas fecerant in Haran*, quod fecisse requirebat multorum annorum tempus: nam in fine præcedentis Capitis dicitur, *Venientes ad Haran, ibi habitaverunt*. Nempe postquam incarcerationatus fuerat Abram in *Cûtha* & in *Ur*, ad evitandum ulteriorem persecutionem, discessit ex Chaldæâ ad *Haran* Mesopotamiæ urbem, ibique mansit ad mortem Patris sui, & tum statim discessit postquam ad tempus à Deo assignatum præstolatus fuerat. Et quidem decrepitem Silicernium nec secum portare nec commodè relinquere potuit: ideoque, vel eâ de causâ, expectandum erat usque ad mortem ipsius.

Ex supradictis constat, Abrahamum exeuntem ex *Ur* (scil. *Opṣôn* seu *Orboi*) quæ in Chaldæâ, transivisse in Mesopotamiam ad urbem *Haran*, & inde ad cognominem urbem *Urboi*, seu *Roba*, (nam in tanto itinere per plures urbes transeundum,) ut suprâ dictum. Et quando reliquit *Damascum*, fixit Sedem in Cananæ urbe à Conditore primò dictâ *Mamre*; postea *Kirjath rû Arba'*, ab *Arba'* gigante qui ibi vixit: is erat pater *rû Anak* & *Anakæorum*. Ibi primò regnavit *David* antequam regnaret in Hierosolymis. At postquam ea urbs uniretur cum regno Hierosolymitano, tunc tandem dicta est *הברון Hebron*, *focia* urbs, seu *focium* regnum. Aded ut eo loco ubi primò Sedem fixit, & Sepulcretum pro suis acquisivit Abraham in Canaan, ibi *David*, ex semine ejus, primò regnavit super Israelitas, providentiæ divinæ ductu. Tot nominum mutationes subiit illa urbs! Quamprimùm autem pedem poneret in Terrâ promissâ, gratitudinis ergò extruxit Altare inter *Bethel* & *Hai*, & aliud postea in Campesribus *Mamre*: & pro tempore secessit ad Philistæos in *Gerar*: & ad alia in Canaan loca non memorata pro lubitu concessit, redeundo semper ad *Mamre*; nam peragravit totam Terram promissam ut lustraret eam, idque jussu Divino, ut *Gen. XIII. 17*, *Surge, peragrato terram per longitudinem & latitudinem ejus, quia tibi daturus sum eam*.

Locus ubi primò extruxit Altare, erat Planities ab eo inde dicta *מורד Morè*, i. e. *Monens, docens*, quia Deus ibi apparens Abrahamo, eum monuit, *Surge, peragrato, &c.* Et eadem de causâ, sic denominata postea fuit *Terra Moriab*, seu *Mons Moriab*, super quo etiam extruxit Altare, (& ibi tandem extructum fuit Templum Hierosolymitanum,) ubi Dominus monuit Abrahamum ne mactaret Isaacum. Inde in Psalmis ille Mons vocatur *הר הבית Mons Domus Domini*, & in Lege, *הר יהוה Mons Domini*, & *יהוה יראה Jeborà jir'e*, i. e. *Dominus videbit*, seu *providebit*, quia providebat sibi Arietem loco Isaac: unde

unde Proverbium ad difficultatum & dubiorum subsidium atque solatium, *In Monte Domini* [yeràè] *providebitur*. Hócque factum est, ut ibi oblatus *Isaacus* esset *Typus* Christi postea Hierosolymis immolandi pro peccatis Mundi, in eodem loco, seu ejusdem Montis ramo extra Urbem exporrecto, malâ Metathesi dicto *óλγοθα* pro *Ιαλδοθα*

Gogúla, i. e. *Cranium*.¹ In hoc Monte est *Ecclesia Sancti Sepulchri*, aliàs dicta *Avásmois*, seu *بيعة القيامة Ecclesia Resurrectionis*: at ubi erat Templum Hierosolymitanum, jam est *مسجد الاقصي Mesjedd' Akfa*, i. e. *Ecclesia extrema* Mohammedanorum, quam extruxit Omar, quo nomine apud *Arabum Geographos* ipsa Urbs tota etiam intelligitur.

Quinetiam, uti Abrahami pater in S. Bibliis vocatus in Conversione suâ *Terach*, habuerat aliud etiam Nomen Ethnicum à parentibus inditum, sic quoque Abraham ipse proculdubio in pueritiis habuerat aliud Nomen, idque Chaldaicum, quo nominatus fuerat apud suos. Nam אַבְרָם *Abram* erat Conversionis Nomen postliminiò inditum, quo significatur *celsus*, seu *sublimis pater*, honoris causâ sic vocatus; cui etiam postea Deus adhuc honoratius Nomen imposuit אַבְרָהָם *Abraham*, quod abbreviatum, est אַב־רַב־הַמּוֹן *Ab-rab-hamon*, i. e. *pater magnæ multitudinis*, cùm ejus proles futura esset ut arena maris & ut stellæ cœli innumerabilis, & in eo omnes terræ nationes benedicendæ essent. Apud *Arabes* & *Mohammedanos* omnes (ut & in S. Bibliis) Abraham donatus est Epitheto خليل الله *Cchalîl Allâb*, i. e. *Amicus Dei*; vel aliàs sæpè simpliciter & emphaticè vocatur *Cchalîl*, id est, φίλος.

Quid fuerit ejus Nomen Ethnicum Chaldaicum, nullibi hæcenus didici. Illius autem apud veteres Persas Nomen in Libro *Pharhangh Gibanghiri* proditur fuisse زروان *Zervân*; quod aliquando aliàs ibidem scriptum reperitur زرفان *Zerfân* & زربان *Zerbân*, notans *Divitem*, seu ad verbum, *Auri custodem*, seu *Pecuniæ possessorem*: sic enim tam nomine, quàm re ipse fuit, divitiarum famâ in Oriente celebris. Sic *Gen. XIII. 3*, perhibetur *Pecoribus & auro ac argento ditissimus*: & *Gen. XXIII. 6*, appellatur *Potentissimus Princeps*. Unde fortè sit quòd vocatur *Rex* in Libro *Zend*, ubi etiam paulò aliter ejus nomen scribitur *Zerrevân*: ibi enim inter Benedictiones nuptiales quas Sacerdos Nuptis apprecatur, legitur hæc sequens comprecandi & benedicendi formula, videlicet,

Sicut Zer - revân
Rex faciendi estote.

1 De Hierosolymis vide plura in Notis nostris ad *Itinera Mundi*.

Si vim vocis spectemus, nomen *Zer-reván*, seu *Zar-raván* Persicè, est *Aurum means*, seu *meabile & transibile*, sc. Aurum probum. Regem cum vocaverint Persæ, fortè quia in capite exercitûs contra *Cbedorlaomer* ad eos veniens, videbatur universæ terræ Canaan præfuisse. Et quidem noster *Zerván*, seu *Zarván*, est idem qui apud Theodorum Presbyterum Mopsuestiensē minùs rectè vocatur *Zapsàm*, nomine à Theodoro non intellecto.* Quin & supradictum Abrahami nomen subinde scriptum reperitur *زerman* *Zermán*, & aliquando *زرون* *Zer-bûn*, quorum interpretatio est *Senex decrepitus*: nisi fortè orta fuerint ex corruptione alterius nominis. Quia verò Abraham tam magnus erat in Religione Antistes, à *veteribus Persis* subinde etiam vocatus fuit *زروان بزرگ* *Zerván buzûrgh*, i. e. *Zerván magnus*, ó *μέγας*. Et quia ille censetur prævisse in eadem Religione quam postea professus est *Zerdusht*, Persicæ religionis Antistes posterior, ideò Abraham à Persis etiam nuncupatus est *زردشتی بزرگ* *Zerdusht buzûrgh*, i. e. *Zerdusht magnus*, seu *maximus*; scilicet *Zoroastres magnus*, nam is idem est. Et in Libro *Pharbangh Surûri*, ut supra dictum, Persarum Religio, quæ aliàs simpliciter vocari solet *Religio Abrahami*, ibi vocatur *مذتی ابراهیم زردشتی* *Religio Abrahami-Zerdusht*, seu *Abrahamo-Zerdushtensis*: & ibidem vox *ابست* *Abestâ* dicitur esse nomen Libri *زشتی ابراهیم زردشتی* *Abrahami Zeratûsht*. Sic Persæ veteres.

S. Scriptura nos docet, quòd Abraham obiens sepultus fuit in *Spe-luncâ Machpela*, seu *duplicitatis*, scil. in Speluncâ quæ erat duplex, seu duabus Speluncis constabat, quam emerat apud *Mamre*. At quia Abraham natus fuerat in Chaldæâ, ergò & Mohammedani fabulantur eum etiam ibi sepultum; cùm certè non erat Abrahamo (nec vivo, nec mortuo, neque familiæ ipsius) licitum reverti in Chaldæam, ne plus quàm Israelitis licebat reverti in Ægyptum: quia ex hisce locis Idololatricis Deus eduxerat illum & illos, ut nunquam illuc reverterentur. Sed hisce non obstantibus, sic volunt Arabes, qui multas nugas (quas omisimus) de eo narrant, illumque ponunt sepultum in *Cûtha* quæ in Chaldæâ juxta Babelem. Sic *Saphioddin* in Lexico Geographico Arabico, *وڪوئي بالعراق في موضعين كوفي الطريق*

* Magnæ Autoritatis Autor *Ilm Phacereddin Antjem* in Libro *Pharbangh Gjibângliri* ponit *Zerván* esse *Abrahamum*, qui (cum *Zerván* fuit tantum unus) proculdubio erat idem cum *Zapsàm* Theodori Mopsuestiensis, & cum *Zervan* Sharistanii Cap. XXII. huius. Ideoque dicendi Autores qui minoris Autoritatis, centiebuntur errasse statuendo *Zerván* esse diversum quendam ab Abrahamo, ejusque opiniones diversas; ex tam profunda Antiquitate veritatem ejus piscari neclientes.

وذكوي ربا ربهما مشهد ابراهيم الخليل م و هما قريتان بينهما تلل
 Cútba est in Erác in duobus locis, (seu est duplex,) est sc. Cútba Al Taríc, & Cútba Robá, in quâ est Sepulcrum Abrahami Amici Dei, cui pax: hæ sunt duæ urbes, inter quas sunt multi Tumuli Cinerum, qui dicuntur esse Cineres ignis quem Nimrod accendebat ad comburendum illum. Geographica partem credimus: sed quoad Sepulturam & Cineres, credat Judæus apella. Cútba Al Taríc est Cútba viæ, scil. juxta viam publicam: & Cútba roba, est Cútba Colliculorum, seu Tumulorum dictorum.

Illius Uxor (decennio junior Abrahamo) erat perpulchra, ut S. Scriptura testatur; quam præ primis ad veram Fidem convertit. Ipsa prius Ethnico nomine dicta fuit *Ischab*: sic Gen. XI. 29, ubi etiam ait *Jonatban ben Uzziel*, ישכנה היא *Ischab*, ipsa est *Sarai*. Nam postea, Conversionis nomine, vocata est שרי *Sarai*, i. e. *Principissa mea*, seu *Dominæ meæ*, honoratori stylo plurali; quod tamen communi acceptione sonat quasi singulariter tantum *Principissa mea*, seu *Domina mea*. Deinde jussu divino nuncupata fuit שרה *Sarâb*, i. e. *Principissa*, seu *Domina*, absolute loquendo. Ethnici nominis rationem adducunt Syri, إسمه سارة اي اديها ذات الحسن والجمال, *Isca* erat nomen *Saræ*, i. e. quia fuit pulchra & formosa: ita ut hoc nomine pulchritudo, seu pulchra denotari censeatur.

Sarab obiit anno ætatis suæ 127, Abraham anno 175. Appropinquante verò Abrahami obitu, (inquit *Tabári* Persa Mohammedanus,) *Angelo mortis jussu est ut caperet Animam Abrahami*, quod & fecit.¹

Reliqua de *Abrahamo* & *Sarâ*, quæ ex S. Bibliis peti possent, sponte omitto, utpote quæ sunt omnibus nota. Multa de Abrahamo memorat *Cedrenus* in Chronologiâ suâ, & in Historiarum Libro: atque addit, quòd in S. Scripturâ vocatus est *Angelus*: sed locum non citat. Et post hæc, Abrahami contentionem cum Gentilibus distinctè narrat. Videri etiam possunt quæ de Abrahamo collegit *Rakeghus* Hist. lib. 1, cap. 11, §. 2. Si autem reperiri possent *Hecateus* & *Eupolemus*, qui Vitam Abrahami ex professo scripserunt, tum demum scirentur & luce donarentur desiderabilia multa, quæ jam in obscuritatis latebris & antiquitatis rudibus sepulta jacent.

¹ De *Angelo Mortis* videas Notas nostras ad *Relig. Turc.* p. 19. Is autem veteribus Persis dicitur *Murdâd*, & alijs *Hibim-dio*, Judæis *Azriel*, Arabibus item *Azrael* & *Abu-Jânja*, q. d. *Pater Jobannis*. De isto Angelo in hujus operis sequelâ (suo loco) magis particulariter dicetur. Ex eorum sententiâ, istius est morientium Animas à Corporibus separare, qui ideo terribilis habetur: & quia opus ejus est multiplex, viginti manibus præditus censetur.

C A P. III.

Disquiritur quænam qualisque fuerit veterum Persarum Religio, & quatenus cum eâ Abrahami olim convenerit, vel hodiè conveniat: ubi etiam de Persarum & aliorum Sabaismo.

HISCE jam præmissis de Abrahamo, quem Persæ primum suum Antistitem fuisse volunt, & Religionem suam ei referre gestiunt, restat disquirendum quomodo Persarum Religio cum eâ Abrahami convenerit, vel hodiè conveniat; ut inde videri possit quo sensu, aut quâ ratione, tam speciosus Titulus ei quadrare posse censeatur. *Abrahamiticam* itaque esse asserunt suam Religionem, quia hæc religio (ut supra innuimus) unius Dei cultum primitus docuit, prout suos docuit iussitque Abraham. Et quamvis processu temporis inquinârunt & interpolârunt religionem suam, illam, sic interpolatam, reformavit & ad primitivam puritatem restituit Abraham, unde meritò appellari potuit *Religio Abrahami*.

Persæ quidem (ut in sequentibus planiùs & pleniùs constabit) Creationis historiam ab immemorialibus seculis quodammodo nôrunt; idque, vel ab Israelitis, vel (ut volunt) à suo Zoroastre. Et eandem historiam meliùs quàm aliæ aliquæ Gentes retinuerunt; in illâ fundantes Religionem suam, ejusque Principia inde petentes, nec quicquam ultra eam sapere prætendentes. Nam, ut in Codice sacro, nihil dicitur de eis quæ facta sunt ante Creationem Mundi, ita nec à Persis tale quid dicitur, nec quando Angeli, vel boni, vel mali, creati fuerunt, memoratur: nam de ejusmodi rebus apud eos prorsus filetur. Et certè à scrupulosâ inquisitione de illis rebus quæ ad nos non spectant & quas Deus noluit revelare, vel prorsus abstinere præstat, vel saltem modestiâ uti: cum Deum omnium rerum Conditorem (unâ cum generali Creationis historiâ) novisse, pro nobis sat duxerit Historicus Sacer.

De Angelorum Creatione strictè inquirere, est supra captum nostrum. Nam quamvis Angeli sint Creaturæ, adeoque non antiquitate æquales cum suo Creatore; nullum tamen est dubium quin extiterint infinito tempore ante Creationem Mundi, & sint tantæ antiquitatis quæ sit ultra humanæ mentis vires conceptionemque ritè considerare aut perpendere: quod piè credendum est, cum non sit pium, aut decorum, imaginari Deum ullo unquam tempore fuisse Ministris destitutum,

tum, sed semper habuisse Angelos ministrantes, qui ad nutum ipsius divinum, iussa præstare, constanter omni tempore parati fuerint. Nec in S. Scripturâ dicitur quando ceciderint Angeli mali, & gravissimo illo lapsu facti fuerint Diaboli; quod tamen necessario fuerit ante Creationem Mundi, adeoque sit supra humanam potestatem illud tempus investigare, cum divina revelatio in hac parte filuerit. At fortè tam horribilis eorum lapsus & apostasia non fuerit multò ante conditum Mundum; quia donec crearetur Homo, non erat pro Diabolo opus in Mundo agendum: nam omnia semper divino ductu & prævisione ex eodem filo pendebant. Sed Diabolum certè ante Adamum extitisse constat: nam quamprimùm creatus fuit Adam, eodem die, Diabolus sub nomine & specie Serpentis, statim in promptu adfuit, ut posset illum tentationibus suis invadere, eumque è beatissimo illo felicitatis gradu ejicere, atque ex primævæ innocentie statu eliminare. *Christi* etiam seculo (ut *Apoc.* XII. 9. & XX. 2.) *Veteris Serpentis* nomine intellectus est Diabolus; eodem modo quo etiam ab *antiquis Persis* & à toto Orbe (ut videtur) intellectus fuit, quod notatu dignum: nam quamvis nil nisi nudum *Serpentis* nomen memoratum fuerit, inde tamen collectum fuit per illum serpentem subintelligi Diabolum, ut ex sequelâ manifestum. In *Novo Test.* etiam vocatur *Draco*: sic *Michael cum Angelis suis pugnavit contra Dragonem & Angelos ejus*, i. e. Diabolum. Sunt qui imaginantur quòd dictus Serpens fingebatur loquens, & reverà non loquebatur, sed tantùm mulieris animo suggerebat tales res, secreto quodam instinctu, cum multis aliis opinionibus malè fundatis; cum tutius sit *Sacram Historiam* (quantum potest fieri) literaliter intelligere. *Diabolus* igitur videtur disertis verbis & assâ voce cum *Eva* collocutus sub specie Animalis: sic enim (ad amovendum absurditatem) ejusmodi Animalibus aliquando tribuitur loquela, ut *Apoc.* XIII, 11, *Et [aliqua bestia] locuta est sicut Draco*. Et quia Diabolus omnes sonos facillè imitari novit, probabile est, quòd reverà articulatâ voce locutus est; idque, vel intrando in serpentem verum, vel aliter assumendo visibilem speciem serpentis; cum aliàs Diabolus, qui Spiritus, videri non posset: & audita vox sine visâ personâ loquente, facillè mulieri persuaserit, eam Dei vocem fuisse, quæ absque mulieris culpâ, eo nomine, obedientiam ejus exegisset. Porro Serpens fuerit huic operi præpositus, non tantùm propter eam, quam in humanum genus habuit, inimicitiam, quâ mulieri non tam suaserit quàm terrorem incusserit, sed & propter innatam aliquam astutiam, quæ ut vera ad dictam

actionem qualificatio assignatur in Sacro Textu, *Et serpens fuit subtilior omni bestia agri*, quâ ratione esset Seductionis operi aptior & habilior: unde & Christus præcipit, *Esote sapientes ut serpentes*; quamvis toti eorum generi non competat id quod uni individuo fuit peculiare, qui habuit plus astutiæ quàm reliqui congeneres: qui tamen fortè astutiores sint quàm nos scimus, qui eorum naturam non satis perspectam habemus propter eorundem apud nos paucitatem. Serpens itaque apparuit sub propriâ formâ & specie suâ, quia, in ipso actu tentandi Evam, vocatur *Bestia agri*: & rursus Versu 14 legitur, *Quia hoc fecisti, maledictus es præ omni bestia*. Et, si non fuisset verus *Serpens*, iniquum fuisset inflixisse maledictionem in totum genus serpentum: nam totum serpentum genus fuit maledictum, quia eorum unus fuit instrumentum & vehiculum tentationis diabolicæ; ut & totum genus humanum propter unum hominem punitum est. Ideoque necessariò fuit vera species serpentis, quia pœna inflictâ fuit tanquam in speciem serpentis, *Super ventre tuo gradiêris*, sive figuratè sive literaliter: sed non item literaliter, *Et pulverem comedes*, quia Diabolus qui Serpentem obsedit, non edit omnino; & serpens non edit pulverem, qui non est Alimentum cujusvis animalis. Sed *comedere pulverem*, metaphoricè est miserâ conditione esse, eodem sensu quo dicitur, *Et inimici ejus lambent pulverem*. At quamvis serpentes reverâ non edant pulverem, videntur tamen sic facere & eundem lambere, quia inter gradiendum, ora eorum terram contingunt: unde *Mic. VII. 17*, in profanas nationes minitatur Deus, *Et lambent pulverem ad instar serpentum*. Ideoque in dicto Geneseos loco, utraque Enuntiatio miseram & abjectam Serpentis conditionem notat. Deus enim qui prænovit quid futurum esset, prius constituit serpentes astutos, eosque super ventre gradiiri fecit, & causam declaravit postea.

Sed ut resumam priorem discursum à quo digressus sum, quoad *Perfas*, qui Shemi progenies, Gentis eorum Aborigines fuêre veri Dei cultores, (ut diximus) quamvis postea unâ cum reliquo Orbe illapsi sunt in aliquam *Sabaismi* speciem, quâ Religionem suam, quæ prius orthodoxa fuerat, interpolârunt: donec Abrahami tempore, ad strictiorem orthodoxiam reducti fuerunt. Nam ante Abrahamum, *Sabaistica* Religio fuit ferè universalis, in quâ etiam (ut dictum) fuit Abraham puer in *Sabaismo* à parentibus educatus. Is autem adultior factus, illam religionem deseruit, parentes & totam familiam convertens, & ad solius Dei veri cultum perducens. Adeoque

que Persarum tunc Religio orthodoxa, referenda est ad Abrahamum adultum, qui probè notus fuit *Persis*, eò quòd *Cbedorlaomer Rex Elam & Persiæ* (illius temporis Monarcha) ab Abrahamo in bello fusus & fugatus fuit. Illum itaque primò malâ experientiâ noverunt Persæ; bono tamen eventu, cùm, hâc ratione, ab interpolatâ ad reformatam religionem conversi fuerunt. Nam (ut fas sit credere) ab hoc tempore, & hac occasione, Persæ suam nominarunt *Religionem Abrahami*. Cùm enim Abraham tam parvâ militum manu (ut legitur) tot Regum copias fuderit, eisque hoc modo terrorem incusserit, meritò crediderint eum cœlitùs adjutum, adeoque Religionem ejus amplexi fuerint, miraculo (ut *Nebuchadnezzar*) conversi. Sed sive pluribus, sive paucioribus, victoriam obtinuerit, haud multum refert, cùm certum sit manum Dei fuisse cum illo. Utcunque (ut liberè dicam) quamvis nocturnâ invasione & subitanâ incursione terrefacerent inimicos quos Deus terrefieri voluit, vix credendum est Abrahamum secum habuisse tantùm *trecentos* servos suos, tunc quando Regem Persiæ ejusque confœderatos Reges devicit: nam planè constat eum tunc secum etiam habuisse confœderatos suos tres Cananitarum Principes *Aner & Eshcol & Mamre*, qui proculdubio suorum omnium conjunxerant vires auxiliares, fortè aliquot *millenos* homines; præter relictos Sodomæ & spoliatarum urbium incolas, qui proculdubio ad sua recuperandum properârunt. Et tamen hi omnes fuere pauci respectu adversorum Regum. Aliàs autem, sine Cananitarum ope, Abraham absque miraculo non potuerit eos vincere; vel si vicisset, tam pauci homines non potuerunt vel ipsa spolia reportâsse. Historia verò narratur tacitis hisce subsidiis & auxiliis, brevitatis causâ; eodem modo quo *Simeon & Levi* dicuntur spoliâsse integram urbem, absque mentione Servorum & aliorum eos concomitantium; cùm isti duo à solis sceminis repulsi & interfecti fuissent; nec potuerunt absque aliquot *centenis* secum viris abegisse pecora, & multò minùs omnia reportâsse spolia. Isti autem duo soli memorantur, ut præcipui & totius agminis Duces & Ductores, uti in alterâ expeditione memorantur solæ copiæ Abrahami, ut præcipui Ducis, qui susceptæ expeditionis causâ Efficiens & Susceptor fuit. Hoc modo ab Abrahamo devicti sunt Persæ. Et cùm (ut in Oriente dici solet,) قوم علي دين ملوكهم *Populus semper est de Religione Regum suorum*, probabile est in hac conversione prævisse *Cbedorlaomer*, quem igitur totus populus & omnes ejus confœderati Reges secuti sunt.

Perfarum itaque Religio orthodoxa originalis referenda est ad Shem & Elam: & post eorum lapsum in Sabaismum, ejusdem restitutio & reformatio referenda est ad Abrahamum. Sabaismum enim pro virili oppugnabat Abraham, qui cum Idolorum & Syderum cultoribus perpetuas lites fovebat. Quamvis verò Abraham sedulò veram Religionem propagaret, & in debellando Sabaismum quotidie laboraret, ita ut plurimi fuerint conversi; hoc tamen ejus Zelo Sabaismus non fuit planè deletus, sed tantum pro tempore debilitatus, qui itaque postea revalescere & pristinas vires recolligere coepit: nam is non potuit totum Mundum tunc Sabaismo involutum reducere, nec è suis familiaribus Idololatriam prorsus eradicare. Nam quamvis de familiâ suâ optimè prospiceret, præcavendo contra nuptias cum infidelibus, & jubendo Isaacum ne sumeret uxorem de filiabus Heth, seu Hittitis, sed è cognatione suâ, jam tum conversâ, quæ in *Padan-Aram*; Idololatricus tamen Sabaismus inter ejus nepotes adhæsit, nec ex eorum familiis prorsus aboleri potuit. Nam Esau sumpsit uxorem è filiabus Heth, quod dolori fuit Parentibus. Et quamvis Jacob veram Religionem tenuerit, tamen (non obstante dictâ præcautione) Sabaismus & Idololatria mansit in ejus familiâ, uti legitur *Gen. XXXV. 2, Jacobus dixit familiæ suæ, & omnibus qui cum eo, amovete Deos alienos qui sunt inter vos; & mundi estote, mutantes vestes vestras.* Adeò ægrè eradicata est Infidelitas quæ inter eos hæserat.

Dicta gentium Religio Arabicè vocatur صابية *Sabiya*, i. e. *Sabiismus*, seu *Sabaismus*, quo etiam nomine Arabico, uti & nomine صابا *Saba*, subinde notantur *Sabii*, seu homines eam religionem colentes. Participiali formâ singulari صابي *Sâbi* est *Sabius*, pluraliter صابيين *Sabiyîna*, *Sabii*, minùs rectè à quibusdam dicti *Zabii*. Hi autem non sunt particularis aliqua Gens, (eo modo quo à سبا *Sabâ*, Arabiæ felicitis urbe, aliqui dicti sunt *Sabæi*, qui Jobi peculium invadebant,) sed illo nomine intelligitur peculiare hominum Genus per totum Orbem sparsum, Stellas & Idola sub eis conficta colens, & Suffimentis aliisque Cæremoniis placare studens. Hinc Arabes (extra linguæ suæ pomœria non quærentes, ideoque veram vocis originem non percipientes,) volunt Verbum صابا *Sabaa* significare *Religionem mutare* in genere, & *ab unâ Religione ad aliam transire*, &c. Hæc autem eorum Interpretatio videtur coacta: cùm *Sabaa*, *mutare*, non dicatur absolute & in genere de quâvis Religione, (ut secundum eos debuerat,) sed tantum de hâc solâ Religione dicitur. Nam aliàs quando aliquis relinquens *Ethnicismum*, amplectitur *Islamismum*, id Arabicè dicitur

حرف

حنف *Hánafa inclinavit* : & quando relicto *Islamismo*, aliquis sequitur *Christianismum*, tunc dicitur كافر *Cábara*, *abnegavit*, *apostatizavit*, vel انكار *áncara*, *negavit* veritatem. At his Religionibus relictis, ad Stellarum cultum se convertere, est *Sábaa*. Vera autem Etymologia petenda est ex lingua *Hebraica*; nempe Arab. صبا *Sabaa*, *Sabaizavit*, est צבא *Saba*, *exercitus*, *copiae*: nam cum colerent totum cœli exercitum, (ut S. Scriptura monet,) talis cultor rectè vocabatur צבאי *Sabái*, *Sabaita*, q. d. *Copiarus*, seu copiarum cœlestium cultor, scil. is qui ab orthodoxyâ ad *Sabaismum* vergebat.

Persas olim fuisse *Sabaitas*, seu *Sabios*, referunt Scriptores *Mohammedani*. Sic supradictus *Ibn Phacreddin Angjou* genere Persa, patriâ Indus, in Præfatione laudati Libri *Pharbàngb Gibángbírí*, ubi de Veteribus Persis Elami proximis nepotibus *Persicè* narrat, (eodem modo quo antea *Arabicis* verbis ibidem narraverat, ut *supra* p. 4. notavimus,) وكميش ايشان صابية بود پس ازان انتقال کردند بدین *Eorum Religio tunc erat Sabaismus: tandem verò transverunt ad Religionem Magorum, Ignis Fana extruentes*. Et in eundem sensum Autor Libri *Mú'gijizát Phârsi* p. 224, de Persarum seris nepotibus refert, فرس در قدیم زمان بر دین صابية *Persæ antiquo tempore erant de Religione Sabaitarum Stellas colentes, usque ad tempus Gushtâsp filii Lohrâsp*. Tunc enim eorum Religionem reformavit *Zoroastres*.¹ Illis temporibus Sacerdotes vocabantur *Mog*, & *Râd*, & *Mûbad*, &c. ut suo loco dicetur, quæ nomina adhuc retinentur: sed à tempore *Hystaspis* præcipuè vocati sunt هیربد *Hyrbad*, i. e. *Præfetti Ignis*, quod quidem Nomen ipse Rex etiam tunc, zelo ductus, affectavit, quamvis tantum infimus Sacerdotum Ordo hoc Titulo gauderet, ut infra dicetur. Illorum quoque temporum alii Reges affectabant Nomina ad suam Religionem spectantia: unde fuit quod Rex Gjèm cognominari voluit شین *Shíd*, i. e. *Sol*; unde emerfit Nomen جمشید *Gjemshíd*. Rex *Phridûn* vocari voluit موبد *Mûbad*, i. e. *Præsul*. Et Rex کیتبان *Kei-Cobád* assumpsit sibi Nomen Arabicum عبد الشمس *Abdo'l Shems*, i. e. *Servus Solis*; ad instar reliquarum Gentium Sabaiticarum quæ adsciverunt sibi Nomina Religionem spectantia, qualia apud Arabes erant عبد یغوث *Abd Yagûth*, i. e.

¹ Videtur quoque de hac re *Abulpharagius* p. 2.

Servus Yagútbi; & *غلام زوبال* *Goldám Zobál*; i. e. *Mancipium Saturni*.

Shabristáni Arabs Sabaitas dividit bifariam, vel in عبدة الهياكل *Cultores Sacellorum* 7 *Planetarum*, (quæ quidem *Seēla* aliàs dicitur عبدة الكواكب *Cultores Stellarum*;) vel in عبدة الاصنام *Cultores Idolorum*: additque, *Sabaitarum Græcorum confugium fuisse ad Planetas, & eorum Indiæ ad Stellæ fixas*. Prioris generis Sabaitæ erant *Persæ*, reverentiam exhibentes *Stellis*, non autem eas adorantes, nec pro *Diis* habentes: ideoque injustè eis impingitur, quasi *Mitbram* & *Martem* haberent deos. Sic *Strabo* de *Caramania* (quæ est *كرمان* *Kirmán*, *Persidis*) loquens, dicit *Caramanos Asinum sacrificare Marti*, ὃν Περσὶ σέβονταί θεῶν μόνον, quod est falsissimum: nam *Martem* non putant Deum. *Casaubonus* in *Notis* agit de *Equo* sacrificato *Flumini*, cum aliis quæ hunc *Strabonis* locum illustrare putat. Sed gratis taxat dictam lectionem Græcam, volens ejus loco substituere, ὃν περ καὶ σέβονταί θεῶν μόνον, cùm antea rectè se haberet. *Xenophon* in *Cyropædiâ* p. 233 ait, *Cyrus sacrificabat Jovi, Soli, &c. in summis montium jugis, ut mos tunc erat*: sc. immolando, sed non cremando. Et ibidem, *Cyrum pugnam commissurum, peragisse Sacrificia, militibus etiam indicando tam Deos quàm Aruspices prælium fore significasse, & victoriam ac incolumitatem* ἐν τοῖς ἱεροῖς, per *Extæ*, pollicitos fuisse, *Ctesias* p. 662, ut infaustum Omen refert, quòd *Cambyse* sacrificante, cùm victimæ jugularentur, sanguis non flueret. Idem *Ctesias* p. 663, asserit, Quòd *Darius Hyfistis* *Aram Jovi Diabaterio* erigebat, sacrificiis eum celebrans. Videatur *Plutarchus* in *Artax.* ubi *Ctesiam* fabulis & mendaciis refertum asserit, quale fuerit hoc de *Arâ Jovis Diab.* nam *Strabo* & *Herod.* in hujus contrarium ajunt, *Persæ nec statuas nec Aras erigunt*. Ego autem distinguo de temporum diversitate: *Persæ* quidem postquam habuerant *Pyrea* pro *Sacro Igne*, ibi habuerunt *Aras*, seu altiores *Focos*, in quibus etiam aliquando fiebant *Sacrificia*. Sed anteaetis temporibus, quando *Sacra* faciebant solis *Planetis*, vel *Deo*, pro *Planetarum influxu* & cœli beneficio deducendo, hoc non faciebant super aliquâ *Arâ*, sed super montium jugis, sub *Dio*, seu in patente aëre. *Strabo* in dicto loco tempora confundit: nam primò loquitur de *Persarum* more antequam extruerentur *Pyræa*, & mox subjungit; *Quidam ut fertur, &c.* pergendo narrare quid à *Persis* fiebat postquam frequentia haberent *Pyræa*. Sic itaque se habet; *Persæ nec statuas nec Aras erigunt: sacrificant in loco excelsò, cœlum Jovem putantes. Colunt Solem, quem Mitbram vocant: item Lunam & Venerem, & Ignem, & Tellurem,* &

Et Ventos Et Aquam. Sacrificant in loco mundo, *ναυωζῦνδοι* imprecantes: Et coronatam Hostiam statuunt, ubi Magnus qui Sacrificium enarrat, Carnes in portiones distribuit: Et suâ quisque acceptâ, abeunt, nullâ parte Diis relictâ; dicunt enim Deum nihil velle præter Hostiæ Animam. Quidam (ut fertur) Omenti partem Igni imponunt. Aliter verò Igni, aliter Aquæ, sacrificant: Igni ligna arida imponentes, adempto cortice, Et Arinâ superinjectâ: deinde infuso Oleo succendunt, non inspirantes, sed ventilantes. Si quis inspirat, aut mortuum quicquam cœnumve in Ignem injicit, morte punitur. Aqua Sacra peragunt hoc modo: ad Lacum, vel Fontem, vel Flumen venientes, Scrobem faciunt, ibique Hostiam jugulant, caventes ne quid proximæ aquæ sanguine contingatur: sic enim omnia pollutum iri. Postea Carnibus, Myrto Laurisque impositis, eas Magi gracilibus virgis comburunt: Et factis Precactionibus quibusdam, Oleum lacte Et Melle mixtum inspergunt, non in Iguem, nec Aquam, sed in terram. Sed quàm stultum & falsum est, additionem Lignorum & Olei vocare sacrificium Ignis; cùm esset tantum pro ejusdem accensione & continuatione, ne extingueretur.

Quo Persico nomine vocetur Aquæ Sacrificium, postea dicitur. Mos autem injiciendi Oleum dulce & Fruges & Carnes in Ignem, Persis dicitur *خشیگان* *Epulæ Ignis*, id quod forte respiciat *Maximus Tyrius*, narrans eos hac occasione solere dicere, *Νῦν δῖον ἐσθὺν*. Hoc enim faciunt (inquiunt Græci) adhibitis Incantationibus; imò potius Precibus. Olei dulcis injectio erat, tam ut delicatius pasceretur Ignis, quàm ut flagrantius arderet, & in suis flammis quasi exultaret. Quoad Coronatam Hostiam, Scaliger, ex Herodoto, vult quòd non tam Hostia quàm Sacrificus erat *ἱερανομέων*. Sed utrumque videtur verum: aliàs abesse censeretur solennitas. Servius, apud Romanos, meminit Vittæ quâ Victimæ coronabantur. Et Xenophon ait, *Κῦρος μὲν ἱερανομέων ἔδου περιγύλα καὶ τοῖς ἄλλοις ὁμοτίμοις ἱερανομέων πρὸς τὰ ἱερὰ παρῆναι*. Magi Sacrificiorum carnes, antiquissimo tempore, edebant, vel distribuebant: aliquando tamen, posterioribus temporibus, *Holocausta* cremabant, ut notat *Brissotius* Lib. 11. p. 173, 174. Et sic Romani *Vestæ* cremabant *Vitulos*, ut alibi notavimus.

Ex Strabonis verbis & alibi etiam constat, quòd Elementa honorabant: unde apud *Bar Bahlûl* Syrum dicitur, *محرقات* *محرقات* *محرقات* Magi sunt Cultores Elementorum; quæ Persicè vocantur *آتش-جان* *Achshigân* seu *آخشیکان* *Achshigân*, i. e. Contraria sibi invicem. *Plutarchus*, p. 1022 ait, Terram Et Aërem colebant, (sc. cultu quodam civili:)

civili:) nam *Artaxerxes Longimanus* filiam suam *Atossam*, matrimonio sibi conjunctam, tam perditè amavit, ut (quanvis *Leprosum* esset extra urbem relegandi,) dum *Vitiligo*, seu *Lepra*, ejus corpus depasta esset, nihil quicquam fuerit eâ re offensus: sed pro eâ orabat τῇ Ἡρᾷ *Junoni* [seu *Aëri*] manibus *Tellurem* contingens; & *Donorum* tantam vim, jussu ejus, *Satrapæ* & *Amici* mittebant, ut interjecta inter *Fanum* & *Regiam* LX *stadia* *auro*, *argento*, *purpurâ*, & *Equis* affluerent. At nullus *Persæ* oravit *Aëri*, ergò falsum.

Hoc modo videmus quòd *Græci*, qui *Idololatræ* erant, non possunt aliter nisi suo stylo loqui de *Persis*, qui non erant tales, memorando *Deos* in plurali, & fingendo quasi oraverint *Junoni*, seu *Aëri*, cum *Persæ* agnoscerent tantum unum *Deum*: civiles itaque *Persarum* cærimonias erga *Elementa* & *Planetas*, repræsentant tanquam divinum cultum, quem non intendebant *Persæ*, sed hæc tantum civiliter præstabant. Insuper solennes precandi formulas & benedictiones quas in suis rebus adhibent ad *Deum*, perperam & malitiosè vocant *Imprecationes* & *Incantationes*, &c. Adeò ut cautè de hisce rebus legendi sint *Scriptores Græci*.

Quod in præcedentibus *Strabo*, & in subsequen-
tibus *Herodotus* asserit, *Persas* nullas habere *statuas*, non est absolute verum: nam optimus *Rex Gjemsbîd* de idololatriâ accusatur, & declinante vetere Imperio, *Veneris* statua à *Persis* culta est in *Templis* ad hoc paratis, cum *Sacerdotibus*, seu *Sacerdotissis*, inter quas fuit *Aspasia*. *Justinus* auctoritate freti, plerique *Autores* statuunt *Persas* habuisse *Sacerdotissas Solis*. Nam (inquit) cum *Artaxerxes Mnemon* *Cyri junioris formosam* pellicem *Aspasiâ* in matrimonium duceret, banc, filius ejus *Darius*, unâ cum resignato regno, jure sibi cedere postulavit: quam itaque ex indulgentiâ erga *Liberos*, [vel ut *Plut.* ait, cum ex *Lege* ei negare non posset,] pro tempore ei concessit: sed postea ut eam adimeret, & id quod temerè promiserat, honestè negaret, eam *Solis Sacerdotio* præfecit. Quod agrè ferens *Darius*, factâ *Conjuracione* periit, & *Pater* resumpsit *Regnum*. Ista erat *Gente Græca*, antè dicta *Μιλτιάδης*, seu *Miniatis* *genis prædita*: à *Persis* autem (ut videtur) dicta est *اسپاس* *Ispâs*, scil. *Laus*, seu laude dignissima, unde *Græcis* *Aspasia*. Sed falli videtur *Justinus* de *Sacerdotio Solis*; cum *Plutarchus*, qui rem fusiùs prosequitur, asserat eam ab hoc Rege lectam fuisse in *Sacerdotium Dianæ* (ut *Lat. Interpres* habet,) seu potius *Veneris*, *Αρτίμιδος τῆς ἐν Ἐκβατάνοις, ἢ Ἀρτέμι καλῶσι.* Hocque eò potius verum existimo, cum iste dictus

x Mallem legere *Ανίμι*, seu *Ανίμι*.

Rex

Rex is fuit qui primus *Veneris* Statuam colendam præscripsit, eique *Templa* & *Sacerdotes* consecrari curavit: id quod *Clemens Alex.* p. 32, testatum reliquit, his verbis: *Neque eorum celaverim inscitiam: nam etsi maximè existiment fugere ab errore, in alium tamen labuntur. Deorum quidem Simulacra Ligna & Lapides non existimant, ut Græci; uti nec Ichneumonas & Ibides, ut Egyptii; sed Ignem & Aquam, ut Philosophi. Multis tamen postea annorum curriculis, eos Figuras, hominum ad instar, expressas coluisse, ostendit Berosus in tertio Chaldaicorum, cum hoc Artaxerxes Darii filius, Oebi nepos, introduxisset: qui cum primus Veneris Tanaidis [i. e. Anaitidis] statuam erexisset Babylone & Susu & Esbatanis & Persis & Bactris & Damasco & Sardibus, eam ostendit esse colendam. Fateantur ergo Philosophi suos Magistros fuisse Persas, vel Sarmatas, vel Magos, à quibus didicerunt impietatem venerabilium sibi Principiorum. Plura passim de cultu Veneris habet dictus Clemens, ut & Pausanias, quos adeas. Herodotus, Artaxerxi Mnemoni ferè coævus, ait Persas ab Assyriis Arabibusque edoctos, didicisse Urania, seu Veneri, sacrificare. Veneris statua apud Persas (ut vides) erat humanâ formâ: sed apud Paphios (ait Max. Tyrius) Albæ Pyramidi baud dissimilem dixeris.*

Quomodo in Veneris cultu apud Assyrios & Persas viri se effœminatos reddebant muliebri ornatu & poliendo cutem, &c. docet *Julius Firmicus* Cap. 4 & 5: & quomodo apud Veneris Templum se prostituiebant fœminæ, docet *Herodotus* in *Clio*: *Erat inquit Babyloniorum Lex, ut omnes fœminæ semel in vitâ sederent apud Templum Veneris, præsolantes adventum peregrinorum, qui cum eis congregarentur. Harum ditiores sumptuosis Rbedis vectæ, famulatio interim retrò manente. Sedebant coronatæ Sertis, & inferiores Vestes vinctæ funibus juncis fragilibus, qui ad congregiendum erant frangendi. Earum quoque Secessus erant Funiculis distincti, ut ad eas accedere scirent advenæ. Primum adventantem qui se offerebat, non debebant recusare, nec eam quam offerebat mercedem quanvis non ita magnam, quæ in sacrum usum reponebatur. Advena dicebat, Επικαλῶ τι τὴν θεὸν Μύλην, Tanti tibi Deam Mylittam imploro. Et quæcunque fœmina sedere inceperat, non debuit abire donec vitata fuerat: unde formosæ citò dimisse, sed deformes unum aut plures annos expectabant. Hæc pluribus narrat, quæ illustrent Epistolam Jeremiæ Baruchi VI, ubi eadem Historia legitur. Nec mirum de prædictis, cum (narrante Curtio lib. V. 1,) Babylonii solerent uxores & filias pro pecuniâ peregrinis prostituere, quæ inter saltandum impudicitiam omnem monstrarent & pudenda detegerent.*

M

narum

narum prostitutio videtur pellexisse dictum Regem ut (libidinis satiatione ergo) nequissimum Veneris cultum, aliunde mutuatum, inter suos institueret: & eadem ratione ducti, alii succedentes Reges eandem nequitiam continuârunt.

Dictus Veneris cultus apud Persas continuatus est ultra tempora *Antiochi Epiphanis*, qui in *Veneris* Templo occisus est, ut in *Maccab. libro* legitur. Dictus Rex in *Clementis* Textu legitur, *Αρταξέρξης τῷ Βασιλῆϊ τῷ ὅγῳ*, qui quidem *Beroſi* ordo ægrè conciliatur cum receptâ Chronologiâ. Sed sciendum est, *Artaxerxem Longimanum* legitimum filium habuisse quendam *Xerxem*, & *Spurios* multos, inter quos *Ochus*, qui, ex *Beroſo*, suâ vice regnâsse videtur: ita ut *Beroſi* ordo videatur esse, 1, *Artaxerxes Longimanus*; 2, *Ochus*, qui (ut videtur) *Spurius*, seu *Nothus*; 3, *Darius Nothus*, cujus filius fuit à 4^{ta}, *Artaxerxes Mnemon*, qui dicti Cultûs Veneris Præscriptor.

De Veneris nomine in veteribus Inscriptionibus, vide *Gruterum* in primâ parte. Inter Veneris Nomina Persica, est *وہارای Vaparâi*; & *بدوخت برک Biducht-bergh*, seu simpliciter *بدوخت Bîdûcht*: unde apud *Bar Bahlûl* etiam legitur *بدوخت Bîdoucht*. Sed receptius & communius ejus Nomen Persicum, est *ناهید Nâbid*, seu subinde *انابید Anabîd*, & *ناهید Nâbida*, quorum originalis significatio est *Punicis mammis prædita puella*, i. e. rotundis & tuberantibus mammis; scil. *بشیش قیر adulter*, seu *puber virgo*, ut apud *Rufemi Al-Maulavi* Epitomatores, *Turcicè* exponitur *Nâbid*, seu *And-bid*. Hinc apud Autores Græcos Venus vocata est *Αναίτις* & *Νηίτις*. Et *Plato* in *Timæo* meminit, quod in *Ægypto* in *Saiticâ* Præfecturâ colebatur *Νηίς*: quod quidem nomen à Latino Interprete exponitur *Minerva*, malè: falluntur enim in hoc Interpretes *Platonis*, ut & *Arnobius* & *Cbalsidius* ex eo excerptes.

Ex hoc Persico Nomine depravatum videtur Veneris Nomen quod apud Syros legitur *نان Nani*, seu *Nanai*, Græcè scriptum *Ναναία*. Unde 2 *Macc. I. 12*, *Templum Nanææ*, & *Sacerdotissæ Nanææ* apud Persas fuisse memorantur. Ab *Arabibus antiquis* Venus dicebatur *العزى Al Uza*: postea à *زہرة Zabra*, albedine & summo splendore, dicta est *زہرة Zûbra*, seu *Zobrat*, quod in *Ægyptiorum* linguam receptum, est *κόρυς*. Aliàs *Arabicè* cum Articulo legitur *الزہرة Al Zûbra*, seu *Az-Zûbra*: unde *Straboni* p. 512, minus rectè *Αζαπα* vocatur *Minervæ* & *Dianæ Templum Persicè*, ut ille dicit: cùm *Αζαπα* reverà sit *Arabicum* Nomen corruptum, non quidem *Templum*, sed ipsam

ipsam *Venerem* notans. Hinc est apud *Hesychium* *Ζαφρὴ* Ἀφροίτης, *Πέρσης*. Imo potius *Ζαφρ* est *زفر*, sc. Arabum *Venus*. Sed *Dianæ* nomine etiam alibi intelligitur *Venus*.

Dictus *Veneris* cultus, lasciviâ duce, introductus est, ut supra notavimus: nusquam autem reperi Persas ullas alias habuisse statuas præter illam *Veneris*; exceptis hybridis illis & hæreticis in *Cappadociâ* Persis, quorum *Sacra* *Strabo* meminit se vidisse. Isti, inquit, dicti sunt *Πύραιοι*, *Ignis accensores*, qui *Iconolatriam* cum *Pyrodoliâ* miscuerunt. Ejus verba sunt, *In Cappadociâ* (nam ibi est *Φύλιν* Tribus quedam *Magorum* qui *Pyraetibi* vocantur, & multa *Persicorum* *Deorum* *Templa*.) non cultro, sed stipite quodam mañant *Sacrificia*, tanquam malleo verberantes. Sunt & *Πύραιοι*, scil. *Σηπὶ* Septa quedam *ingentia*, in quorum medio est *καμὸς* *Ara*, seu *Focus*, in quo *Magi cinerem multum* & *Ignem perennem* servant: & eo quotidie ingressi *ἐκείθεν* accinunt [seu canunt preces suas] serè per horam, ante *Ignem* *Virgarum fasciculum* tenentes, *νάπας* *πύλων* pileis coactilibus insulatis velati ex utràque parte dependentibus, adeo ut *Vittæ labia* contegant & *malas*. Hæc in *Λαϊτρίδῃ* καὶ *Ομάνῃ* *Anaitidis* & *Omani* delubris sunt: nam & horum ibi delubra sunt, & *Omani* statua in pompa ducitur. Ista nos vidimus: sequentia *Historia* memorarunt. In *Fluvium* *Persæ* non immittunt, nec abluantur, nec *Cadaver* injiciunt, nec alia quæ immunda esse videntur. Cuiusque deo sacrificant, primum *Igni* *ὄρχοται*, preces fundunt. *Reges* habent ex eadem stirpe: qui non paruerit, capite & brachio amputato foras projicitur. Ducunt uxores complures, & multas pellices alunt, multiplicandæ sobolis gratiâ. *Reges* quotannis præmia proponunt iis qui plures filios progenuerint. *Pueri* ante quartum annum in patris conspectum non veniunt. *Nuptiæ* initio *Æquinoctii* verni celebrantur: deinde *Sponsus* in *Tbalamum* venit, comesto prius *Malo*, aut *Cameli* medullâ, & præter id nihil eo die. A quinto usque ad *XXIV* annum discunt sagittare, jaculari, equitare, & imprimis vera dicere. *Pueri* auro exornantur, cujus *Ignem* fulgorem venerantur: quare id neque mortuo apponunt, nec *Ignem*, ob honorem quem ei deferunt. *Persarum* *Capiti* imponitur *Pileus* *turritus*. — *Tiaræ* *Magorum* *Insulis* similes. Si notis & æqualibus in viâ occurrunt, eos osculantur: si humiliores, genam eis præbent, eaque osculum excipiunt: qui humiliores admodum sunt, duntaxat genu flexo digniores venerantur. *Corpora* mortuorum humant, prius cerotis involventes. *Magos* insepultos avibus edendos permittunt. Hi cum matribus (*majorum* instituto) coeunt. Hæc ille, qui per *Magos*, fortè

intelligit *Sacerdotes*. Sed cur alios mortuos humaverint, non video, cum sit Persarum mori contrarium.

Rectè dicit Strabo, non licere putidum morticinum Igne cremare, sed tantum Sacrificium: nam *Herodotus* de *Cambysæ* refert, *Eum fecisse id quod non erat Sanctum, cremando Amasis Regis Aegypti Cadaver: cum illud salitum & induratum resistebat, adeo ut verberando & pun-gendo frangere non potuerant.* Item ejusmodi illicitum, & tamen factum, legitur apud *Megidi* in fine vitæ *Gustafpis*.

Alibi Strabo de *Hyrcaniâ* agens p. 352, dicit, *In campo Petram quandam aggere complentes, ita ut rotundi Collis figuram referret, muro cinxerant: ibique Deæ Anaitidis & eodem Altari gaudentium Anami & Anandrat, Persicorum geniorum, Templum posuerunt, & τὰ Σακὰ Saca, solennem ei conventum, indixerunt. Is etiamnum ab iis celebratur qui Ζήλα Zela tenent: est enim Oppidum in Armeniâ quod tenent Hieroduli, scil. Sacrorum Ministri, seu Sacerdotes.*

Quoad supradictum Σακὰ, videtur esse pro Σακία, quæ est *שקיה*, seu *שקיה* Propinationis Festum, quod in S. Bibliis vocatur *משחה* *Mishe* Ahafueri, Festum vini. Quoad Nomina *Ανάνδρατος*, & *Αμανός*, seu *ο-μάνος*, sive *Ομανός*, (nam tot modis, Scribarum errore, apud Strabonem scribitur,) ea Persicè scripta nunquam vidi, & an genuina Persica sint multum dubito. *Ανάνδρατος* videatur potius Græcum, q. d. *Eviratus*, fortè quasi virilibus destituta statua, modestiæ causâ: nam aliàs *אנדרטא* *Andrata* in *Targumim* est *Statua virilis*. Quære ergo an in supradicto *Ανάνδρατος*, *Alpa* sit privativum, q. d. *statua non virilis, seu fœminina*? Sed hæc sunt steriles conjecturæ. Quoad *Αμανός*, quamvis sono conveniat, vix puto id esse *חמן* *Hamman*; quamvis ad *Justinum* Annotator varius statuatur *Αμανός* & *חמנים* *Hammanim* esse *Strabo-nis* *Πυρακτῖνα*, quorum hoc à *חם*, significatione *caloris*. Sed hoc non potest sic esse, quia in S. Bibliis *Hammanim* semper numerantur cum *Lucis* & *Excelsis* Idololatricarum Gentium quæ non colebant Ignem. Nec est à calore Ignis, sed à *חמה* *Hamma*, *Sole*; unde in *Arabica* Versione Judæorum *Maroccanorum*, qui valdè gnari, ad *Levit. XXVI. 30*, verbatim legitur *شمسائك* *Solaria vestra*, seu loca altiora Soli exposita, quæ eminebant supra Altaria, seu Menfas in quibus Ciborum & Libationum patinas apponebant, ut in Oriente coram Idolis semper fieri solebat, & hodie fit. Sed hoc non convenit Persis qui talia non faciunt. At cum prætendatur quòd *Αμανός* sit Deitas Persica, si conjecturæ locus sit, notabimus quòd in Bibliorum Polyglottorum *E-vangelis Persicis*, à quodam *Tabrizensi* Persâ versis, *خمان* *Chamanâ* sit

sit i. q. *Hamana* & *Manā*: aded ut per *خامانای* *Chamanāi* ibi significetur *Similitudo*, unde fortē & in genere *Simulacrum*. Sed cū apud Gentes in more fuerit, ut quicquid grande & immane esset, pro deitate coleretur, potuerit esse quoddam isti supradicti *Cappadociæ Magi* hæretici (alienis moribus infecti) contra veri Magismi principia peccantes, Monti *Amano*, *Anatoliam* à *Syriâ* dirimenti, formaverint Statuam, *Jovem ter maximum* sub istius grandis Montis nomine colentes, ut *Druides Jovem* sub formâ proceræ arboris colebant. Et fortē tale quid de *Anandrato* sentiendum. Sed hæc sunt meræ conjecturæ. Et cū neutrum horum nominum videatur verē *Persicum*, nolo multiplicare conjecturas, sed tantū addam, quoddam apud *Ægyptios* *Αμυν* est *Jupiter*, corrupto nomine ab *Αμυν*, seu *Avenarius*, scil. qui inter *Libyæ arenas* colebatur: si fortē illi in *Cappadociâ* suum *Αμυν* nomen inde sumpserint.

Persarum autem Sabaisimum magis distinctè describit Herodotus p. 62, 63, 64; "Porro ritus, quibus utuntur Persæ, tales esse comperi. Neque statuas neque Tempia neque Aras extruere consue-tudo est, quinimò hoc facientibus, infantiæ tribuere; ob id (ut mea

Animadverta in præcedentem Herodoti Paragraphum.

1 Tempia] Herodoti tempore habuerant Tempia: sed fortē loquitur de Persis Sabæis anteaſtis temporibus. Hinc *Tābari* Persæ de antiquissimo Rege *Kojemāras* refert, *وکلوهیلا* *Qūdā in Montibus versari, & cum hominibus parū misceri, solebat*: scil. Religionis causâ secedebat, & magnam vitæ partem in Solitudinibus & Montibus & Spelunca transigebat, absque Templorum usu.

2 Infantiæ] Hinc Xerxes Græcorum Tempia vastabat, præcipuè autem quia Idololatræ erant: nam Xerxis tempore, Persæ etiam Templis abundabant in quibus Deum adesse, sed non comprehendendi, sentiebant; ut *Salomon* de Templo Dei Hierosolymitano. Et tamen in suâ vastatione, Apollinis Templo Delio pepercit, atque Templo Ephesino; quia illud soli dicatum prætendebatur, & hoc erat *Dianæ*, seu *Lunæ* sacrum. D. *Sequimus* p. 9, 10, exhibet *Hierocæsarian* Nummum, ubi in adversâ parte est *Dianæ Persicæ* caput, cum pharetrâ quæ pons cervicem apparet, quasi Dea arcu & sagittis armata. In oppositâ parte est *Ara cum Foco ubi ignis Jammani* Persico more. *Plutarchus* in *Lucullo* p. 507, agit de *Dianâ Persicâ* quæ colebatur trans *Euphratem*, cui ibi aliqua *Vacca* sunt sacra, &c. Et D. *Sequimus* insuper narrat ex *Cyrano* & *Plinio* & aliis, in *Castabaldi* Ciliciæ oppido fuisse *Dianæ Persicæ* Templum, ubi sacra Virgines dicata quæ (tantâ sanctitate pollentes) super prunas nudis pedibus deambulavit innoxie. Et ex *Tacito* citatur, *Hierocæsarenses* apud se habere *Dianam Persicam* cui *Delobrum* à Rege *Cyro* dictum, quod reis erat Asylum, cujus circumjectum spatium per bis mille passus habitum fuit sacrum. Et cū tales Sacerdotissæ debuerant esse virgines intactæ, male fecerit (in supradictis) *Darius*, desolatum *Aspasium* Veneris Sacerdotiæ prædicendo. *Diana* quidem Græcè vocatur *Αἴνυς*, & *Venus* est *Αφροδίτη*, quæ fortē (non obstante Nominis & Descriptionis diversitate,) eandem Deam plerumque notaverint: nam antiqui, temporis processu, sæpè perplexi, primæ Deitatum suarum originis & genuinæ descriptionis obliti, quales, aut quâ formâ fuerint tales deitates aliquando tandem ignorârunt, in earundem descriptionibus inter se differentes. Utunque tamen hoc fuerit, certum est Persas nunquam novisse *Dianam*, nec de

"fert opinio) quòd non, quemadmodum Græci, sentiant deos ex
 "hominibus esse ortos. Moris habent, editissimis quibusque conscen-
 "sis montibus, Jovi Hostias immolare, omnem gymrum cœli Jovem
 "appellantes. Soli Lunæque sacrificant, & Telluri, Igni, Aquæ, at-
 "que Ventis, hisque solis Sacra faciunt jam inde ab initio. Postea
 "verò didicerunt Uranie sacrificare, ab Assyriis Arabibusque edocti.

et aliquid audivisse, & multò minùs sub Artemidis sat alio nomine eandem coluisse: sed potius quasi *Agræus* & *Aphroditæ* pro eadem deâ habitæ fuerint, ubicunque apud autores memoratur *Artemis* Persis tributa, eo nomine intelligenda est *Aphrodite*. Quaravis enim *Artemis* solum sumpta, sit *Diana*; tamen *Artemis Anaitis*, est *Venus*: nam quoticunque *Artemis* memoratur *Persica*, sic distinguenda subintelligitur: & quidem *Anabid*, seu *Anaitis* quod est *Perficum Artemidis* nomen, planè *Venerem* significat, idque est *Planeta Veneris* solum & unicum ubique receptum nomen. Atque quòd tam *Agræus* quàm *Aphroditæ* utraq; fuerint *deæ armatæ*, certum est ex *Pausanidâ*: qui etiam tam *Diana*, quàm *Veneris* denominationes, à tot locis & tam variis occasionibus sumptas enumerando, inter alia, p. 192, memorat *Agræus* idem *Anaitis* *Dianæ Anaitidis templum*, (i. e. *Veneris*), quæ denominatio & distinctio supradictam inter auctores differentiam quodammodo conciliare videtur. Apud *Plutarchum* quoque memoratur *Agræus* quam vocant *Anaitis*, & *Clem. Alex.* meminit *Aphroditæ Tauridæ*, pro *Anaitidæ*. Præterea in Biblijs Polyglottis AB. XIX, ubi in reliquis linguis legitur *Artemis*, seu *Diana*, in Arabicâ Versione legitur *زهرة*, *Zôhra*, *Venus Ephesiorum*: & in *Arabum* Libris ubi VII Clima-
 tum limites describuntur, unum aliquod Clima extenditur per *الزهره* *Templum Veneris*,

quo nomine *Templum Ephesium* intelligere videntur: nam tacito *Ephesi* nomine, totam urbem intelligunt per *Templum Veneris*, denominatione sumptâ à potiore parte.

[Jovi.] D. Seldenus de diis Syris p. 212, 213, ait quòd *Jupiter Persicus* sit *Jupiter Martialis*, quàm absolute *Martem* vocant, & Bello præficiunt. Ipse videat. Apud Persas, Planetarum cultus civilis erat immediatus: non autem per Statuas, ut fecerunt Sabaitæ Iconolatæ: qui etiam sæpè inter se dissentiebant de ejusdem Deitatis formâ, ut abundè constat ex *Plat. de Iside & Osiride*. In Labyâ apud Ammonios, *Jupiter* colebatur tam sub formâ *Capitis arietini*, quàm sub formâ *Umbilici*, qui à quibusdam creditur *Pyxis nautica*, tam ex figurâ, quàm quòd gestabatur in *asapato Navigio*, quando, tanquam *Oraculum*, pro Responso consultabatur. Apud *Celtas* *Jupiter* colebatur sub formâ proceræ *Quercis*, ut *Max. Tyrius* habet *Orat. XXXVIII*, *Κίρκου σίκου μιν Δίος ὀρκισμός* *N* *Διὸς, ἰσχυρὸν ὄρκον*. Hinc hujus Religionis homines dicti sunt *Dryides*, seu *Dryades*, (sc. quernæ religionis homines), quos ex sua Ditione abolevit *Claudius Imp. 5*. Hi Visco querno (vulgò *Spilseto*) nihil sacratius habere, nec ulla Sacra sine fronde quernâ peragebant. Et quia *Quercus* habebatur Sacra, hinc dictæ sunt *Sylvestres Nymphæ Dryades & Hamadryades*, utpote quæ simul cum *Quercubus* nasci & cum eis intrare crederentur; vel quæ in Quernis sylvis versarentur. De Lucorum Consecratione, consultatur *Dempsterus ad Reginum*, p. 21, 22. Constat enim Arboribus immolatas fuisse Hostias humanas, ex iis (inquit) quæ de Druidibus prodiderunt *Strabo*, *Mela*, *Plinius*, & *Cæsar*. De Sacerdotibus Lucorum alijs æstatim in 8. Biblijs.

a. *Ventis*) i. e. *Aëri*. *Hisq; solis* hoc est falsum: nam Deum præcipuè colunt. Neque *Theogoniam* accinunt, ut is, Græcorum more, fabulatur.

3. *Postea didicerunt Uranie*] postea ægetice sequitur, vocant *Assyrii Venerem*, *Mylitæm*. Hoc confirmat *Hesychius*, *Μολίται, τῶν Οὐγγίων, Ασσυρίων*. Scil. *Assyriaci* *Μολίται* est *Genetrix*. *Herodotus* pergit docere, quòd *Venus* Arabibus dicebatur *Alitta*: quod quidem nomen fortè sit *أليثا* *Alitas*, seu potius *Ilabat*, i. e. *Dea*; nam *Venus* aliter vocatur

"Vocant autem Assyrii Venerem *Mylittam*, Arabes eandem *Alittam*
 "vocant, Persæ *Mitram*. Sacrorum autem ritum circa hosce jam
 "dictos deos, hujusmodi quondam instituerunt. *Persæ* quippe sacri-
 "ficaturi, nec Aras erigunt, nec Ignem incendunt prorsus: sed neque
 "ἁγίων ¹ Libamentis utuntur, ἐν αὐλῇ, ἢ εἰμασσι, ἢ ἄλλοι aut *Ti-*
 "*biis*, *Insulifue*, aut *Molis*: verum, ut quisque divis his Sacra facere
 "statuit, in locum mundum Victimam sistens, Deum illum implo-
 "rat, Myrto maximè cinctam gestans *Tiaram*. Sacrificans autem non
 "pro se solo, privatimque vota nuncupat, sed communiter *universis*
 "*Persis* benè precatur. Imprimis quidem Regi, quoniam omnes
 "Persas idem quoque comprehendit. Ubi verò jam in minutis por-
 "tionculas membratim Hostiam confcidit, carnibus elixis herbam
 "substernit quam mollissimam, maximè Trifolium. Huic imposi-
 "tis carnibus, *Theogoniam* accinit: siquidem hanc esse Incantatio-
 "nem efficacissimam. Citraque Magum, nullum illis sit legitimum
 "Sacrificium. Mox Sacrificus, sublatis carnibus, utitur in quem-
 "cunque usum illi fert animus. Ex omnibus diebus, præcipuè colen-
 "dum censent quisquis suum Natalem: nimirum, hoc die, plus aliis
 "æquum censentes ciborum apponere. Ut ditiores integros Boves,
 "Camelos, Equos, Asinos, eosque in Fornacibus tostos, illo die in

Arabick. Cur autem addit *Eam Persis vocari Mitram*, plene nescio: nam cum eo nomine semper significetur *Sol*, quamnam erroris ansam anipuerit, divinare non possum. *Julius Firmicus* itidem errando dicit *Mitram* esse *Ignem*. Cum verò Herodotus dicat, *Postea didicerunt*, id cum post *Artaxerxis* de cultu Veneris Institutum vixisse arguit. * Ut itaque res pateat, *Herodotus* quadragemarius, anno *Artaxerxis* primo, *Historiam* suam conscripsit, & ejusdem Regis anno tertio eandem publicè recitavit. Ideoque, vel *Artaxerxes* initio regni sui dictum cultum instituerit, vel aliis, *Herodotus*, post publicatam suam *Historiam*, eandem dicti cultus notitiâ & fortè aliis quoque additionibus interpolaverit.

1 Libamentis] In solenni Processione quam ex muro *Persopolitano* deseripit D. *Chardin*, multorum manibus binatim geruntur Patinæ (ut videtur) Libaminum. Et quòd Vinum in *Coudy* libant, ab aliis narratur. Nec *εἰμασσι*] super citavimus D. *Strabonem* in Notis ad *Strabonem*, ex Herodoto afferentem tam Victimam quam Sacerdotes fuisse *εἰμασσι*. *Myrto cinctam gestans Tiaram*] quod si verum, tum Herodotus planè sibi contradicit. *AB. XIV. 13, Tunc Jovis Sacerdos afferens Boves & Seria, voluit sacrificasse, &c. Mola* in Sacrificiis erat vel Farina salta, vel Placenta salita, scil. vel Simila, vel Massa farinacea in Libam confecta & Sale conspersa in Sacris Gentilibus usurpata: nempe Mense *Junio* Vestæ offerebant Molam, de quâ re in sequentibus agetur. Vox est origine *Punica*: nam Romani eam acceperunt à *Phœnicibus*, qui cum reliquis *Ethalcis* erant in multis rebus Veneris Legis finis. Est sc. מילח *Milch* (ia Conj. *Pual*) *Salitum*, cum in *Lego Mola* omne Sacrificium erat מילח me-millab ba milab, salitum sale.

2 Theogonia] Non potuit abstinere à phrasi Græcâ, quamvis falsò applicatâ. Prætered sibi contradicit, cum paulò superius dixerat, eos non existimare Deos ab hominibus genitos. Sed cum Persæ suas Preces & Deo laudes cantarent, ille ineptè hoc vocabat *Theogoniam* accinere.

a Conferantur hæc cum Append. No. XVI,

" mensam

“mensam apponunt. Pauperes Natalem minoribus Pecoribus honorant. Cibis autem utuntur perpaucis, Bellariis multis, nec iis admodum bonis. Hinc est quod Persæ dicant, Græcos finem edendi facere adhuc esurientes, quod à cœnâ nihil apponatur illis quod sit alicujus pretii: quod si tale quid apponeretur, non esse finem facturos quoad satiati essent. Vini valdè appetentes sunt. Eisdem, nec vomere coram, nec urinam facere licet: quæ etiam nunc ita observantur. Poti, seu inebriati, de rebus maximè seriis consultare consueti sunt. Quod autem ipsis placuerit deliberantibus inter pocula, id postridiè proponit Dominus illius domûs in quâ deliberaverant: & siquidem placuerit sobriis etiam, eo utuntur: sin minùs, relinquunt. De quibuscunque autem sobrii consultaverint, inebriati ea in disquisitionem revocant.”

“Si in viâ invicem sibi occurrunt, ex hoc quis cognoscat an pares sint; nam salutationis loco, se mutuò osculantur: quod si alter fuerit inferior paulò, malas osculantur duntaxat: si autem alter fuerit multò ignobilior, prostratus adorat honoratiorem. Imprimis autem illos observant reverenter qui proximè habitant: secundas tribuunt iis qui à primis proximi: atque sic deinceps progredientes, quò viciiores, hos arctiore necessitudine junctos existimant; se nimirum omnium longè optimos arbitantes: alios verò quò remotiores diffisi sunt, hos à virtute esse magis alienos: atque illos demum secundum dictam proportionem pessimos esse colligentes, qui à Persis absunt remotissime.”

“—— *Medi.* Idem & affines perinde atque Persæ colunt. —— Persæ, à Græcis edocti, puerorum quoque indulgent amoribus. Virgines multas, uxorum loco, ducunt, sed multò plures Pallacas habent. Secundum bellicam fortitudinem, potior ducitur numerosa sobolis procuratio: & qui quamplurimos Liberos ediderit, huic Rex munera quotannis mittit: in multitudine enim positum esse robur existimant. Liberos suos, à quinto anno incipientes usque ad vicissimum, tribus duntaxat instituunt, *Equitare, arcu sagittas excutere,* & *vera loqui.* Ante quinquennium filius in conspectum Patris non venit, sed apud sœminas degit: quod eâ gratiâ sic fit, ut si inter educationem decedat, nullam hæc prolis jactura Patri afferat molestiam.

[*Vera loqui.*] Unà cum Herodoto & Strabonis dictis de Persarum *ἰσχυρία & πείθειν & ἀκρίβειαν* seu ἀκριβοῦς, censetur celebris illa (in *Ezdræ* cap. 3.) Zorobabelis sententia de Veritatis prævalentiâ à Dario Persarum Rege approbata. Consulatur quoque & Xenophon in *Cyropædiâ* de Foro liberali pro educatione juventutis.

“tiam.

"tiam. Equidem hunc morem laudo: laudo item illum, ne ob
 "unam tantum culpam liceat, vel ipsi Regi, occidere quempiam, ne-
 "que alicui aliorum Persarum atrocius aliquid in familiam suam ex-
 "ercere ob unum solum delictum: sed expendere jubetur quisque si
 "plura magna patrauerit, atque tum demum iustâ utatur indignatione.
 "Suum autem Patrem aut Matrem ajunt neminem unquam occidisse:
 "verum quotquot horum fortè acciderunt, omni necessitate excusâ,
 "hos tandem deprehenso tradunt aut subditos aut spurios. Quippe
 "haud verisimile videri ajunt, ut is qui verus parens sit, à proprio
 "filio interimatur. Quæcunque apud eos fas non est facere, ea nec
 "dicere. Turpissimum apud eos ducitur, mentiri: secundo loco, æs
 "alienum debere, cum ob alias multas causas, tum quod necessum
 "sit eundem qui debet, mendacio quoque obnoxium esse. Si quis
 "è civibus leprâ aut vitilagine infectus sit, huic in civitatem accedere
 "non conceditur, neque cum aliis Persis consuetudinem habere. Di-
 "cunt enim hos morbos illis immisos, quod in *Solem* peccaverint.
 "Exterum, qui eisdem correptus fuerit, è regione suâ exigunt. Ex-
 "pellunt quoque *albas Columbas*, eandem causam prætendentes. In
 "Flumen nec immejunt, nec inspuunt, nec manus in eo abluunt,
 "nec denique simile quippiam faciunt: sed Flumina inter omnia re-
 "ligiosissimè colunt. [*Deinde mendacium, de omnibus Nominibus*
 "*Persicis desinentibus in Sigma, omitto.*] Cadavera defunctorum
 "Persarum dicuntur non prius humari, quàm ab Alite, aut Cane
 "trahantur. Magos tamen certè sat scio hæc facititare, quandoqui-
 "dem apertè faciunt. Persæ igitur mortuum *κατακρηρῶσθαι* *Cerâ in-*
 "tegentes in terram condunt. Magi verò, cum ab aliis hominibus,
 "tum à Sacerdotibus Ægyptiis differunt. Siquidem hi nullius Ani-
 "malis occisione se pollunt, præter ea duntaxat quæ diis immolant:
 "Magi verò suis ipsorum manibus, excepto Homine atque ¹ Cane,
 "quodvis occidunt: imò hoc palmarii loco ducunt, si Mures, For-
 "mices, ² Serpentesque, & breviter reptilia atque volatilia plurima,
 "necaverint."

¹ Canis habetur Animal quodammodo sacrum: ideòque inter Zoroastris Præcepta jube-
 tur Charitas erga Canes eosque pascere. Quomodo eos moribundis hominibus applicant, vide
 in Appendice XVII nostrâ ea quæ notavimus ex *Taverneri* Itinerario.

² Solennis apud eos datur dies in quo noxia animalia necare saugunt; de quo alibi dixi-
 mus.

Heic desinunt Animadversa in præcedentem Paragraphum
 ex Herodoto desumptum.

Magorum Principia & Dogmata quædam tradit *Diogenes Laërtius* in *Proæmio* ad *Vitas Philosophorum*, hoc modo: *Magos in Deorum Sacrificiis & Precibus ita versari, quasi ii soli ab eis exaudiantur; atque etiam eos de deorum naturâ & ortu differere, quos & Ignem esse, & Terram, & Aquam putantes: statuas repudiare, & eorum maximè opinionem, qui Deos mares & fœminas esse ajunt. De justitiâ verba facere; nefasque arbitrari igne mortuos humare: fas existimare cum Matre, aut Filiâ corpus miscere, quemadmodum Sotion ait in XXIII. Præterea Divinationem ac Prædictionem profiteri, deos sibi se offerre dicentes: quinetiam Spectrorum plenum esse Aërem, quæ à vaporibus defluentia in oculos acutè cernentium introferri. Atque etiam eos ornamentis aurique usu in vestitu interdiceret. Horum vestitus quidem albus; cubile, terra; cibus, olera caseûsque; & panis, cibarius; bacillum, arundo; quæ quidem (ut ajunt) caseum figentes attollebant & comedebant. Sed γαντικήν μαρτίαν eos non novisse.*—*Aristoteles, in primo de Philosophiâ, ait eos Ægyptiis antiquiores, & ex eorum sententiâ duo esse Ἀρχαὶ Principia, Bonum Malumque Δαίμονα, seu Larem; quorum alter est Jupiter & Oromafdes, alter Orcus & Arimanius appellatur.*—*Theopompus in VIII Philippicarum ait, Magorum sententiâ, Homines in vitam reddituros immortalesque futuros, & ea quæ sunt, suis quæque vocabulis permanfura tradit. Hecatæus autem, Deos genitos esse, de eorum sententiâ, prodit. Clearchus Gymnosophistas à Magis progenitos esse ait.*—*Præterea qui res Magorum scripserunt, Herodotum refellunt: nec enim Xerxem Tela in Solem jecisse, nec Compedes in Mari demisisse, quorum utrumque Magi Deum esse arbitrantur. Simulachra etiam jure sustulisse. Sic ille. De eorum opinionibus & praxi, vide Briffonium p. 181. Qui de Persarum Religione scripserunt, ajunt Magos censuisse mortales aliquando revicturos & sempiterno ævo fruituros, uti & nos ex eorum Scriptis magis particulariter docuimus sub finem hujus Operis. Briff. p. 106, agit de Sacrificiis & pietate Regum, & quomodo Cyrus instituit eos qui quotidie Divina Officia canerent: & postea de oblatiis Holocaustis. Præmissis semper Cultu Divino, res suas aggregiebantur, factis à Jove principio: sic Xen. de Cyro, Rem sacram Jovi primùm Regi, deinde Diis cæteris fecit; additis Precibus, ut propitii benignique essent, & exercitui se Duces bonosque commilitones & socios atque etiam rerum utilium consultores præbere vellent. Præterea Heroas, Medorum terræ incolas & curatores, imploravit. Cumque ritè litâisset, Tellurem etiam Libationibus propitiâ sibi reddidit, & Deos atque Heroas regionem Assyriorum incolentes εὐμενίζεν Sacrificiis placavit.*
Quibus

Quibus peractis, rursus Jovi patrio ἵδνα: nec siquis alius Deorum se offerret, ullum neglexit. Cūque Somnio moneretur se moriturum, excitatus, mox sumpsit ἱεῖνα Hostias, Jovi patrio & Soli & Diis cæteris, in summis montium jugis, ut Persis mos erat, ἵδνα sacrificavit, & hujusmodi preces concepit, Ζῶ παντὶ καὶ ἡμῖν καὶ πάντις θεοῖς, Jupiter patrie, Tuque Sol, & Vos Dii universi, accipite hæc τιλίσματα, Præstationes sacras, quibus & multis præclaris actionibus finem impono; hæcce χαρισματα Gratulatoria, quod mihi tam ἱπὸς extis, & in ἱπείκους σφαιρὰς Cælestibus Signis, in οἰκῶνς avibus, ea significastis quæ vel facienda vel omittenda erant. Magnas etiam vobis gratias ago, quod & ipse curam de me vestram agnoverim, & nunquam me rebus prosperis supra conditionem extulerim. Rogo vos, ut nunc quoque Liberis, Uxori, Amicis, Patriæque felicitatem largiamini: mihi verò peto, ut quale concessistis ævum, [sc. pietate transactum,] talem etiam exitum detis. Xenophon hic pro lubitu concepit pro Cyro Orationem, seu Precationem ad Jovem & Solem, ut Homo Græcus, fingens eum orasse ad plures Deos; cū Cyrus nunquam oraret ad Solem, nec nisi ad Deum unum & verum vota nuncuparet: & hoc semper comperimus in Scriptoribus Græcis, qui non possunt loqui de Deo in singulari numero, sed (ut supra notavimus) perpetuò de Diis loquuntur in plurali. Præterea superior illius ad milites pugnatos Urtatio, non est secundum stylum & loquendi morem apud Persas usuratum, uti meliùs constabit ex aliâ ad milites Hortatione verè Persicâ, quam in sequentibus adducturi sumus. Non immeritò ergo Xenophontis Cyropædiam fictam judicat Cicero.

Brissonio non constituit, Persas unquam in suis Sacris obtulisse Odores, cū (ut videtur) tale quid de eis apud Græcos nunquam legisset. Sed in Libro Pbarbāngb Gjibāngbiri memorantur VII antiquissima Pyræa, in quibus Ignem servabant & Incensum Planetis adolebant: ejus verba extant in voce ازرى آتشکدهاى Azur, ubi refert, هفتگاده را منسوب دىكى ار كواكب سبعة ميداشته اند و بخوري ده Horum septem Pyreorum quodvis alicui ex septem Planetis relatum babuere: ibique Incensum, illis Planetis proprium, in illo Igne suffiebat. Sed dicti Libri Autor Mobammedanus, fortè partialis fuerit in nostros de Incenso ad VII Planetas: id enim, tempore Sabaismi, sub dio fieri solebat: at in Pyreis postea Deo offerebatur Incensum. Nam quod & Deo offerebatur Incensum solennioribus temporibus in eorum Pyræis, in Libro Erdavirâph-nâma memoriæ proditum est; quomodo Odoribus fiebant

de eodem unico puro Ignis Elemento accendantur, ideò in hunc facrum censum veniunt (ut supra dictum) omnia ignita Meteora & Fulgura, omnesque Ignis lambentes & circumvolitantes, qui singuli *Sacri* aestimantur; utpote qui coelitus ad nos veniant, & quasi à Deo accensi habeantur. Nec quidem culinaris ignis suâ veneratione & sanctitate caret. Hocce Pyréum & hic Ignis aliàs, transpositis vocibus, vocatur *دوش آذر* *Nûsh-Azur*, ignis blandus, vel junctim *دوشاثر* *Nushâdur*, quo quidem nomine apud *Chemicos* appellatur Exhalatio quædam calida, quæ interdiu ut Fumus, noctu ut Ignis apparet, in cujus honorem hoc Pyréum extructum est. Dicta Exhalatio evaporata, & superinducto aliquo vase, aut asserum tecto excepta, evadit concreta: quæ quidem Concretio est *Sal* illud quod aliàs (quia in Libyæ arenis frequens) *Ammoniacum* vocatur, in *Chemicorum* Libris *Nuxâdur* (per *x* *Portugalicum* quod sonat ut *sh*) pro *Nushâdur*. Quin & ob similitudinem, communis Ignis *fatuus* eodem nomine gaudet, quippe qui sit Exhalatio falsa è paludosis locis exurgens.

Tertii nomen *Azuri-Bebrâm* sonat Ignis Martis, quasi Pyréum denominatum ab Igne erumpente è rubente igneove Planetâ Marte; cum illius color ignis speciem exhibere videatur. Quarti *Azur-Ayîn* significatio est incerta: nam *Ayîn* est *Urceus*, quasi in quo Ignis quidam servatus fuerit: vel fortè nomen corruptum sit, ut & Quinti nomen *Cberîn*, nullam significationem habens. Fortassis vitiosè scriptum sit pro *Cburdâd* Angelo, quod est aliud hujus Quinti nomen, quasi talis Ignis quem ille aliquando sparserit. Quoad Sextum, aliàs apud *Chalil Sûpbi* in Libro *Nimetullâb*, sic legitur, *آذر برزین* *Azer-ber-zîn* est Pyréum quoddam sublime: & in eodem Libro ordine Literæ *Be*, supradictum *Berzîn* exponitur, nomen alicujus *Sectæ* quæ asserit se esse de Religione *Abrabami*: vel aliàs, nomen alicujus Sacerdotis, seu *Antistitis*, qui tale Pyréum extruxit, quod itaque ab eo denominatum est. Hæc secunda dicti nominis ratio affertur etiam in Libro *Pb. Gj.* ubi tamen (quia *Ber-zîn* est *super Ephippium*,) ut magis probabile additur, Quod Rex *کد خسرو* *Kei-Cosrav* aliquando inter media tonitrua & fulgura equitando, ab equo suo dejectus est: & eodem momento Fulgur in ejus Ephippium cadens, Ephippium incendit & Equum voravit, nec extingui potuit. In cujus rei memoriam, devoti homines hujus nominis Pyréum extruxerunt, illud nominantes *Azer-ber-zîn*, i. e. Ignis super Ephippium. In Libro *Pbarbângb Surâri* hoc Pyréum dicitur extructum in loco dicto *دود* *Navênd*. Septimum fuit propter Ignem quem fovebat *Zerdûshb*, ejusdem extructor.

In

In Libro *Sad-der* cap. 43, memoratur Pyreum dictum آذر خور *Adur-chura*, i. e. *Ignis illuminationis-rationis*, q. d. mentis & rationis illuminatione aliquem inspirans. Estque juxta *Kirmân* illud Pyréum, illeque Ignis illuc traductus ex *Chorasân*, seu *Bactriâ*, ut vult *Shabristânî*. Hæc hodiè (ut alibi fusiùs dicitur,) est *Metropolitana Ecclesia Magorum* omnium, ad quam semel in Vitâ suâ tenentur *veteres Persæ* omnes Peregrinationem suscipere, Sacræ Visitationis ergô, ut olim faciebant ad antiquam Ecclesiam Cathedralē *Azur-Gushtâsp* in *Balch*, seu *Bactris*, & prout antea fecerant ad multo antiquiorem ibidem Cathedralē *Nau-Babâr*. Fuit enim in urbe *Balch* (ut mox dicitur) aliud antiquissimum Pyréum dictum نو بهار *Nau-Babâr*, seu *Novum Ver*, propter vernantem ejusdem ornatum & picturas floridas. In Libro *Pb. Gj.* & alibi, memorantur sequentia aliquot Pyréa seu vetusta Tempia Cathedralia, quæ non prætermittenda duxi. Horum unum legitur خرد سور *Chûrd-Sûz*, quod alibi (ut videtur) rectiùs legitur خرد بسور *Chûd-bosûz*, i. e. *Ipsè*, seu sponte urito, in regione *Aderbayagjân*. Urbem *Balch* extruxit *Lobrâsp*, *Gushtâspis* Pater, & in eâ paravit Pyréum آذر گشتاسب *Azur-Gushtâsp*, quod apud moderniores *Persas* sonatur *Ader Keshâsp*: illud autem in Libro *Pharb. Surûri* appellatur آذر گشتاسب *Azur-Gushtâsp*: *Lobraspis* enim filius hoc loco natus, inde nominatus fuit گشتاسب *Gushtâsp*, i. e. *Ignis saliens*, ut postea pluribus dicitur. Dictus filius ibidem Sacri Ignis custodiam confirmavit, & eandem, postea neglectam, renovavit. Erat etiam insigne Pyréum in monte البرز *Elbûrz*, prope urbem یزد *Yezd*. Aliud Pyréum dictum درخش *Dorûchsh*, seu *Dorâchsh*, memoratur fuisse in urbe ارومیه *Urmiya*, in *Curdistaniæ* montibus: cujus quidem Urbis & Pyréi (ut & Urbis *Shirâz*) extructor ditissimus fuit راس مجوسی *Râs Magjûsi*, seu *Magjuseus*, aliàs dictus راس البغل *Râs Al Bagâl*, i. e. *Caput muli*, à quo denominatus fuit Nummus quidam dictus درهم *Dirhem Bâgali*, *Nummulus Bagalæus*. Prope urbem هرات *Herât* in *Chorasân* fuit in summitate montis Pyréum dictum سرشک *Sirishk*, quo nomine (inter alia significata appellativa) notatur *Scintilla ignis*, seu *Scintillarum elatio*. Fuit in urbe *Tabrîz* (vulgò *Tauris* in *Mediâ* quæ censetur *Ecbatana*,) ignis Fanum celeberrimum, & fortè omnium primum atque antiquissimum, dictum آذر آبادگان *Azur-Abâdagbân*; quo etiam nomine aliquando notatur ipsa urbs *Tabrîz* ejusque Provincia, aliàs sonata *Adarbâyagjan*. Aliud Pyréum Arabico nomine gaudet بیت مارس *Beit Mâras*, si recte scriptum, nam idem alibi

alibi legitur بیت تاراس *Beit-Táras*: sic *Sbabrifstáni* Arabs propè calcem, in Sectione de opinionibus Arabum tempore ignorantiae, ubi refert, Fuisse Arabibus & Indis Aedes septem Planetarum, quarum aliqua fuerunt converſae in Aedes Ignium, & aliqua non converſae. Fuitque magnum inter Idololatræ & Ignicolas diffidium: & quisque qui super alterum prævaluit, eas ſemper mutavit in Cæremonialia Religionis ſuæ. Ex his fuit *Beit Táras* in cacumine montis 3 *Paraſangis* ab *Iſpabân*, in quâ fuerant Idola, donec ea eiecit *Hystaſpes* Magiſtrum amplectens, eamque convertit in Aedem Ignis. Ex his etiam fuit النو بهار *Al Nau-Babâr*, quam extruxit Rex *Manſſabâr* in *Balc*, dedicata *Lunæ*: eam tamen poſtea vaſtârunt *Balcenſes* quando apparuit *Iſlamismus*. Ex his quoque بیت عهوان *Beit Abdân* in urbe *Sánaa* Arabiæ feliciſ, quam extruxerat *Dabbâk*, illamque dedicaverat *Veneri*: eam autem vaſtavit *Othmân* filius *Affân*. Ex his item fuit بیت کاوسان *Beit Cäuſân*, quam extruxerat Rex *Cäus* mirâ ſtructurâ, eamque dicavit nomini *Solis* in civitate *Pbergâna*: eam verò vaſtavit *Al Mu'taſim*. Sic ille. Quid autem nominis ſit ſupradictum *Táras*, ſeu *Máras*, non ſcio: ſed مرس *Marâs* fuit celeberrimus quidam *Magus*, qui fortè dictam Aedem extruxerit. Quoad Templum *Veneris*, agnoſcimus peſſimam illam hæreſin ab aliquo Rege introductam fuiſſe. Sed quoad dicta *Solis* & *Lunæ* Tempia, iſte relator fuit ex Arabibus qui res *Perſicas* hand ſatis nôrunt: nam *Perſarum Sabaiſmus* nunquam eos abduxit à Dei cultu, adeò ut omnia eorum Tempia Dei Omnipotentis nomini & cultui dedicata fuêre. Dicta itaque Tempia, vel ab Idololatriæ extructa fuêre, & poſtea converſa in *Pyræa*: vel fortè ob externa talium Planetarum ſymbola, ſic nominata fuerint, ut hodie omnia *Mobammedanorum* Tempia creſcentis *Lunæ ſymbolum* ſupernè gerunt. Aliàs enim, quamvis ſingulis Planetis adoleverint Suffitus, nunquam tamen (quatenus hætenus comperimus,) habuerunt talia Tempia quorum denominationes ab illis Planetis deſumptæ; imò hujus contrarium ex ſuperioribus VII *Pyreis* apparet: ibi enim inter ea, neceſſaria fuiſſet talium Templorum mentio: ibi autem ſola mentio *Ædis* ab *Ignis Solis* denominatæ, non autem pro cultu *Solis* ordinatæ; cùm nulla Tempia pro cultu *Solis* habuerint, nec *Sacerdotes Solis*, ſed tantum *Pyræa* & *Sacerdotes* pro ſolius Dei cultu habuerunt.

In Libro *Pharb. Gj.* memoriæ proditum eſt, Quòd *Ardeſbâr Bâbek*, qui fuit ex *Perſarum* Regibus ordinis poſterioris, celiſſimum quoddam ædificium dictum دربالی *Terbâli* extruxit ad Orientem urbis شهرگون *Shabragbûn* in *Perſiâ*; & quod è regione bujus urbis ſit Mons (in cujus cacu-

cacumine est Pyrëum) emittens aquam quæ supra Verticem τῦ Terbâli transluit. Hoc mirum, si verum. Alia etiam veterum Templorum Persicorum nomina in sequentibus memorantur: at eorum omnium Nomina hodie recuperare & recensere, est planè impossibile. Sed notandum est, quòd omne Pyrëum fuit Ecclesia Cathedralis dotata ad alendum Episcopum & Sacerdotes necessarios, ut infra fusiùs dicetur.

C A P. IV.

Mithræ apud Persas cultum, non esse adorationem divinam, non obstantibus eis quæ Græci & Latini in bujus contrarium dicunt. Persarum Sacerdotes id expresse negant, & affirmant se solum Deum adorare. De Mithræ Antro, &c.

DE Sole, quatenùs Persarum Religionem cultùmve spectat, tractaturus, ut naturali ordine procedam, ejusdem gloriosi luminis, quæ in Linguâ Persicâ reperiuntur, Nomina præmittenda censeo. Corpus Solare seu Discus Solis in Libro *Pharb. Gj.* vocatur *سیر سیاه Sipër Siyâb*, i. e. *Pelta nigra*, seu *Chypeus niger*; idque propter rotundam formam. Et propter ejusdem intense splendentis aqueum nigrorem, apud *Skeich Saadi* dictum corpus solare vocatur *چشمه هور Tchêshmahi Hûr*, i. e. *Fons Solis*, quòd aquæ fontem imitetur splendente superficie. *Sol* autem (variis aliis sonans nominibus præter dictum *Hûr*,) nuncupatur etiam *خور Cbûr*, & *شید Sbîd*, vel junctim *خورشید Cbûrshîd*, seu ut in *Pharb. Sur.* *خورشان Cbûrshâd*. Alias subinde vocatur *قباس Kobâs*, & *شر Sbîr*, & *کلیچه Calîtcha*, & *لیو Lîu*, & *لاب Lâb*, & *رور افکن Rûz-afken*, i. e. *diem jaciens*, sc. *diem seu lucem producons*. Nominatur quoque *هزار تابه Hazâr-tâba*, i. e. *Mille-splendens*, sc. *copiosè splendens*: item *گرن Gbêrd*, i. e. *urbs*, vel *vertens*; item *رورگرن Rûz-gbêrd*, i. e. *Diei urbs*, seu *Diem vertens*, sc. *diem*

diem seu lucem circumducens. Inter ejus nomina quoque est *هورخش* *Huràchsh*, contractè pro *هوررخش* *Húr-ràchsh*, i. e. *Solis Splendor*. Vocatur quoque *مرغ* *Múrgh*, i. e. *Avis*, *Volucris*; fortassis eâdem ratione quâ *Ægyptii* Solem etiam *Phœnicem* esse mysteriosè fingeant: quam quidem *Fabulam* explicavimus in Notis nostris ad *Itinera Mundi*. Horum quædam sunt rarò usitata nomina vel tantùm apud Poëtas. Omnium usitatissimum Solis nomen est *افتاب* *Apbitâb*, q. d. *آب تاب* *Abi-tâb*, seu *آوتاب* *Avi-tâb*, i. e. *Aquæ splendor*, seu *Aqueus splendor*, quod quidem nomen respicit supra dictam notionem de *Fonte Solis*. At in Religionis negotio, *Sol* præcipuè appellatur *مهر* *Mibr*, quâ voce primariò significatur *Amor*, *miseratio*, *misericordia*; quo quidem nomine insignitus est *Sol*, quia totum Orbem fovet recreâtque, & quasi amore complectitur; notione haud multùm diversâ ab eâ vetustissimorum *Hebræorum*, quibus à ministrando ipse *Sol* dictus est *שמש* *Sbemesb*, q. d. totius Orbis *Minister*, seu *Famulus* officiosus.

Quoad verum sonum vocis *Mibr*, sonanda est *Myr*, seu *Mir* per *i* tenue longum, non autem *Mir* per *i* crassum longum; eodem prorsus modo quo fit in ejusmodi vocibus in linguâ Germanicâ, ubi litera *h* in eundem ipsum usum adhiberi solet: nam *mir* eorum literis exprimenda esset *mih*. Græcis autem difficilis erat in mediâ voce Aspiratio simplex; ideòque apud eos, per Aspirationem cum literâ *θ* conjunctam, legitur *μῆθεα*, ut ab eis factum est eâdem ratione in nomine *μῆθευδάρης*, quod est *مهرداد* *Mibridâd*, i. e. *Amor justitiæ*, (sc. is fuit, vel æstimari voluit, Amator justitiæ,) quod Græco ore sonari non potuit. Id melius sonuit *Tacitus*, apud quem *Pbraortis* filius vocatur *Meberdates*.

Propter Solis gloriosam figuram & summum, quod Orbi terrarum præstat, beneficium, ferè ubique gentium ei erigebantur Tempia, & Sacerdotes sacriati, quòd nimis prolixum esset narrare. Tale Templum fuit *Palmyræ*, cujus meminit Fl. *Vopiscus*, citans *Aureliani* Imperatoris Epistolam ad suum Generalissimum Ducem qui *Palmyram* expugnaverat, his verbis, p. 219, *Aurelianus Ceionio Basso*. Non oportet ulterius progredi militum gladios: jam satis *Palmyrenorum* cæsum atque occisum est. — Templum Solis quod — diripuerunt, ad eam formam volo quæ fuit reddi: Habes trecentas auri libras è *Zenobiæ* capsulis: habes argenti mille octingenta pondo: de *Palmyrenorum* Bonis habes Gemmas regias. Ex his omnibus fiat cobonestari Templum: mibi & diis immortalibus gratissimum feceris. Ego ad Senatum scribam ut mittat Pontifi-

cem qui dedicet Templum. Hinc constat, eorum Tempia primò habuisse solennes Dedicaciones; quæ, post expilationem & defecrationem, de novo reparata, easdem iterari postulabant. *Romani* (inquam) & *Græci* & pleræque nationes hoc superstitionis genere abundantes, habuerunt Tempia & Sacerdotes Solis: sed *Persæ* non item, nec Tempia, nec Sacerdotes, Solis aut Lunæ unquam habuerunt. Aliquis dicit *Zoroastrem*, in propagando religionem, habuisse contentionem cum Sacerdotibus Solis: sed perperam eos sic vocavit, propter aliquas ceremonias quas faciebant Soli; quarum tamen quasdam ipse toleravit & iussit quotidie faciendas, ut ex ejus Præceptis constabit.

Græci eis impingunt *Mithræ* cultum divinum, quasi, posthabito Deo omnipotente, *Mithram* unice colerent: sic *Hesychius*, *Μίθρας* ὁ πρῶτος ἐκ Πάριος θεός. Et *Strabo* de *Caramanis* *Persis* agens, idem dicit de *Marte*, ὃν Πάριος οἰκοῦντες θεῶν μόνον. Hæc autem sunt ἀσύνετα; quasi *Sol* sit *unicus* *Persarum* *Deus*, & *Mars* sit *unicus* *Persarum* *Deus*: hæc non possunt eodem tempore & loco consistere, nec possunt esse simul vera; sed potius utraque sunt falsa: nam neuter horum *solus* colitur, nec *divino cultu* colitur, nec à *Persis* unquam vocatur *Deus*, sed agnoscuntur esse *Creaturæ* à Deo omnium Creatore conditæ. *Hesychius* insuper adducit *Græcorum* *Mithricolarum* juramentum, ἢ τὸν Μίθραν, & ὁρκίζεσθαι τὸν Μίθραν. Et apud *Xenophontem*, *Artabazus* introducitur jurans μὰ τὸν Μίθραν, & fingitur Precatio ad *Jovem* & *Solem*, Ζεῦ πατὴρ καὶ ἥλιε, &c. Illius autem veniâ, *Persæ* nunquam asseruerunt *Solem* esse *Deum*, nec (ut alibi diximus) necessitatum petitiones ei unquam exhibuerunt, quasi esset *Deus*. Quid autem sibi volunt *Persæ*, docet nos *D. Sanfon* in *Hodierno statu Persiæ*, qui interrogatis eorum Sacerdotibus in *Ispahân* de cultu Solis, sic refert, *Gavri* affirmant se non adorare istum Planetam, sed tantum unum Deum. Et in eodem Capite, Hoc observavi, eos non habere Imagines, & planè abhorreere ab iis qui habent eas. Quando ab eis quæritur, Cur prostrati adorent orientem Solem? respondent, Se homagium præstare ei *Creaturæ*, utpote quæ, post *Hominem*, sit perfectissima earum quas *Deus* ex nihilo creavit. Ajunt quoque *Deum* in eo collocasse *Thronum* suum; cujus itaque gloriosa *Majestas* debet humillimam eorum venerationem demereri. Hæc quæ orienti *Soli* exhibetur *Salutatio*, non est peculiaris illis solis: nam moderni *Persæ* eâdem quoque utuntur, ut & *Armeni* [*Christiani*] qui idem faciunt, seipsos coram *Sole* frequenter cruce signando. — Credunt quoque aliquem *Paradisum* dari in ipso *Sole*; atque *Sanctorum* suorum *felicitatem* consistere in clarâ *Solis* visione, quâ asserunt se videre *Deum* per reflexionem

reflexionem sicut in Speculo: neminem autem ad hanc admitti felicitatem, nisi triduo post mortem, &c. Cum itaque (ut vides) agnoscunt Solem esse Dei Creaturam, impossibile est quòd eum colant pro ipso Deo, qui à Persis vocatur *آفریدن* *Creator* omnium rerum, cum reliquis Attributis. Absint itaque supradicti mendaces Græci qui pro Persis Oratiunculas componunt stylo religionis Græcæ, quod æquè absurdum est ac si tales pro nobis Christianis eodem stylo componerent. Nimis temerè itaque de Persis pronuntiant ea quæ non sunt vera, & falsa eis pro lubitu impingunt. Adèd ut quando aliquid ex eis citatur, necesse sit habere in alterâ manu calamus expurgatorium ad corrigendum & refutandum eos, de Persis, vel falsa, vel perperam intellecta referentes. Et hoc modo ferè semper negotium nobis facessunt isti nugatores, qui habuerunt opus institutionis in Persarum scholâ ubi docebatur *آفریدن* & discebatur *آفریدن*.

Quoad id quod *Sanfonius* suprà retulit de *Paradiso* in Sole, videtur opinio Heterodoxorum & *Manichæorum* potiùs quàm Orthodoxorum Persarum: *Manichæi* enim, adorantes Solem & Lunam, credunt in hanc Animas suorum evehi, ibique fulgere, & his repletam tunc videri plenam Lunam; quæ se exonerans, eas transponit in Solem, quæ inde in ævum Beatorum migrant. Quod attinet supradictos Christianos *Armenos* ad Solem se flectentes, de ejusmodi Christianis etiam suo tempore conquerebatur *Leo Papa* (Serm. VII. de Nativitate Christi,) *Priscillianistas* arguens de cultu Solis, *Ut Sol exurgens — à quibusdam insipientibus de locis eminentioribus adoretur.* Quod nonnulli etiam Christiani adèd se religiose facere putant, ut priusquam ad *D. Petri Basilicam* perveniant, superatis gradibus, — converso corpore, ad nascentem se Solem reflectant, & curvatis Cervicibus, in honorem se splendentis orbis inclinent. Et præter dictum *Sanfoni* testimonium de Armenis, ego etiam benè memini aliquos *Pers-Armenos* (ut suprà innuimus,) quibuscum collocutus sum, mihi nuperis annis agnovisse quòd flectere se soleant coram Sole, eosque id faciendi modum mihi monstrasse. Sed olim tempore *Constantini*, sub *Sapore* Persarum Rege, quando in hoc consistebat *Criterion*, (ut supra meminimus,) Christiani voluerunt potiùs mori quam prosternere se Soli, credentes (ut videtur,) Persas tunc cultum divinum Soli tribuisse; nec voluerunt eandem prostrationem præstare Regi, quamvis scirent eam esse tantùm civilem. Sic memoriæ proditum apud *Sozom.* II. 8, 9, 12, *Saporis jussu, Simeon cum multis aliis, quòd Solem adorare recusassent, ultimo supplicio adfecti.* Nempe XVI millia martyrium passi sunt. Hinc fateor, quis

(nisi præmonitus) putaret Persas divinum cultum tribuisse Soli, quia Christiani videbantur id de eis credidisse. Cùm autem dicti Regis tempore, plurimi ex Persis ad Christi fidem converterentur, *Magi* metuentes, ne etiam *Sapor*, ad Christianitatem conversus, *Magorum* Religionem aboleret, excogitabant omnes astutias & technas quibus Christianorum animis scrupulum injicerent ne Regi parerent. Scientes itaque Christianos odisse omnem Idololatriam, tentârunt adigere eos ut Regem atque Solem adorarent Persarum more, ut hoc modo contra recusantes invenire possent criminationes. Hinc autem non arguitur, Persas honorantes Regem & Solem, istos divinâ adoratione coluisse; sed quia videbant Christianos hoc averfantes, ideò Persæ eò magis id urgebant, ut omnes recusantes neci traderentur, eodem modo quo à *Chaldæis* aliquando factum est *Danieli*. Christiani igitur (inquam) perperam existimabant (vel saltem prætendebant) Persas divino cultu adorâsse Solem, quem itaque cultum contempserunt & damnârunt; & vice versâ, Magi Christianorum aversionem percipientes, eò furiosius eos ad dictam superstitionem adigere tentabant, ut, hac ratione, Christianitatem relinquere cogerentur. Sed (ut verum fatear,) dicti Christiani, mihi videntur, suo humori & propriæ pertinaciæ plus quàm veræ conscientiæ litâsse, cum probè scirent, per totum Orientem (præsertim in Persiâ) morem esse, civilem cultum præstare adorando: sic fecerunt *Josephi* fratres (quamvis orthodoxi) in *Ægypto*. Imò & cùm Regibus non vacaret, (eisque absentibus,) eorum Statuis idem fieri solebat. Talia voluit *Ὠυαρδάνης Vardanes*, is erat *Bardanes* in *Parthorum* dynastiâ, seu potius *Ὠυαρραγένης Vararanes*,) ut meminit *Philostratus* in *Vitâ Apoll.* lib. 1. cap. 19; scil. *Quando Apollonius Tyaneus Babylonem ingrederetur, Satrapa portæ Custos, Regis Statuam auream illi obtulit; quam nisi quis procidens adorâisset, civitatem intrare ei non permittebatur.* Hoc (inquit *Philostratus*) à *Barbaris* exigebant, non autem à *Romanorum Legatis*. Dicta reverentia prostrationis fiebat etiam non tantùm Regibus, sed & *Magnatibus*, ut in dicto exemplo *Josephi*, & in Persiâ *Hamano* & *Mordecai*: sic in Libro *Esteræ*, Regis *Abasueri* servi id faciebant *Hamano* כורעים ומשתחוים *incurvantes & proster-nentes se*. Ideoque cùm Persæ talia, de more, præstare solebant hominibus, si haud minorem honorem & reverentiam præstiterint *Igni* & *Mithræ*, non sunt, in hac parte, adeò multùm culpandi, nec de Idololatriâ accusandi.

Curtius, cum ipse esset *Idololatra*, nimis temerè facit idem falsum judicium de *Persis*, p. 49, malè eis tribuendo invocationem *Planetarum*,

rum, quod Persæ nunquam fecerunt, cùm nunquam putarent eos fuisse deos qui preces exaudirent. Ille quidem suo modo narrat, *Quod Darius pugnam cum Alexandro commissurus, Solem & Martem sacrumque & æternum invocabat Ignem.* Nempe talia quæ Græci & Romani ipsi faciebant, eadem non dubitavit impingere Persis. Quid autem Persæ reverà præstiterint *Mithræ*, quantum possumus colligere, sub finem hujus Capitis videbitur.

Non autem de Persis credenda sunt, nec eis tribuenda, ea quæ *Græci & Romani* superstitiosè fecerunt posterioribus temporibus, *Mithræ* cultum, qui apud Persas erat tantùm civilis, in usum Idololatricum atque in abusum trahentes. Hæc enim, quæ mox tradituri sumus, non ad antiquissima tempora, nec ad *Persas* pertinuisse censeantur; sed tantùm ad *Græcos & Romanos*, qui *Mithriacorum* usum, ad se derivatum, planè mutârunt & perverterunt, & res falsas de Persis retulerunt. Dicente igitur *Suidâ*, multa faciebant Sacrificia: & ut *Mithriacorum* Sacrorum digni fierent discipuli, sponte multa patiebantur tormenta: *Μίθραν νομίζουσι εἶναι τὸν Ἥλιον καὶ τέταρτον δύναμις πολλὰς θυσίας. Οὐκ ἂν ἔν τις αὐτὸν διωξάτο πρὸς πλεονάζειν, εἰ μὴ διὰ τῶν βαθμῶν παρελθὼν κολάσειον, δεῖται ἑαυτὸν ὅσον καὶ ἀπαθῆναι.* Persæ Solem censent esse *Mithram*, cui sacrificant multa sacrificia. Non autem potest quis initiari, nisi per aliquot Tormentorum gradus perveniens, ostenderit seipsum Sanctum & *Apathiæ* assuetum. *Greg. Naz.* in Orat. 3, meminit *Cruciatuum & usionum* quæ in *Mithræ* Sacris: & iterum describens crudelissimos cruciatus *Marci Arethusi*, ait, *Raptabatur per plateas, protrudebatur per clodæas, crinibus & aliâ quâvis corporis parte (admixtâ tormento contumeliâ) ab his trahabatur.* Hæc tormentorum genera à quibusdam dicuntur VIII, ab aliis LXXX, quæ omnia patienter tulisse oportebat, ut hoc modo cultor humilis & discipulus moriger evaderet. Ex his erant, fodere ad extremam lassitudinem, in ignem se conjicere, & diu jejunare, & similia. Hæc sunt *Romanorum Inventæ*: nam Persis jejunium religiosum est prorsus prohibitum inter *Zoroastri* Præcepta; nec in ignem spirare permittitur, & multò minùs ut quis se inibi volvat. Græci autem & Romani *Mithræ* cultum & nomen (ut dictum) à Persis mutuantes, (eundem verò immutantes, seu minùs benè imitantes,) humana ei Sacrificia obtulerunt: sic *Photius* in *Vitâ Athanasii* p. 1446, *Εν Αλεξάνδρῃα τῶν Ελληνικῶν, ἐν ᾧ, τὸ παλαιόν, οἱ Ἕλληνες τελετὰς ἐτέλουν τῷ Μίθρᾳ, δύναντες τε ἄνδρας καὶ παῖδας καὶ γυναῖκας, τοῖς ἀπλάχοις μαντιζόμενοι.* Sic Romani erexerunt *Mithræ* *Æras*, cum *Inscriptionibus*, seu *Titulis*, quæ apud *D. Sponium* & alios leguntur,

DEO SOLI INVICTO MITHRÆ.

&

SOLI INVICTO MITHRÆ.

&

NVMINI INVICTO SOLI MITHRÆ
ARA.

&

SANCTISSIMO SOLI, &c.

Et suum, in hac parte, zelum commonstrans, *Neroni* adblanditus *Tiridates*, *Eum* perinde ac *Mitbram* se adoraturum pronuntiavit. *Lampridius* in *Commodo*, docet istum Imperatorem inter reliquum suum cultum promiscuum, *Sacra Mitbriaca homicidio vero polluisse*, cum illic, aliquid ad speciem timoris, vel dici, vel fingi, soleat. Hæc dicuntur de minitante Sacerdote, & de Milite eligente mortem præ coronâ. Nam *Lampridii* verbis (inquit *de la Cerda*) satis innuitur à Milite eligi cædem præ coronâ; non quasi occidendus esset mortem eligens, quia minæ illæ erant tantum ad speciem. Sed ea fuit *Commodi* improbitas, ut ita polluerit *Sacra* illa homicidio vero. Et sciendum, initiatos *Mithræ* *Sacris*, varia tormenta passos; ut hinc eludi possint quæ *Lampridius* de timore, tantum ad speciem, scribit. Eorum *Milites Mitbræ* videntur vocari *Leones Mitbræ*: sic *Tertul.* *Aridæ* & *ardentis naturæ sacrificia Leones Mitbræ philosophantur*. Aliàs autem, *Leo Mitbriacus* pingitur ut *Leo vorans apem*, ut inter annexos Iconismos cernitur. De initiatione Militis *Mithriaci*, *Tertul. in Præscrip. Hæret.* de Diabolo dicit, *Et sub gladio redimit coronam*: sic nempe in deteriorem sensum trahit. Quomodo autem Discipulos suos (quos *Milites* vocabant) initiare solebant, alibi magis particulariter docet idem *Tertullianus*, Cum *Mitbræ Miles* initiatur in *Spelæo*, (in castris verè tenebrarum,) *Coronam*, interposito *Gladio*, sibi oblatam, (quasi *mimus Martyrii*,) debinc capiti suo accommodatam, monetur obviâ manu à capite pellere, in humerum, si fortè, transferre; dicens *Mitbram* esse coronam suam. Atque

pag. III.



um sculpturis desump-

Borghers sculp.



que exinde nunquam coronatur; idque in signum habet ad probationem sui, sicuti tentatus fuerit de Sacramento: statimque creditur Mithræ Miles, si dejecerit Coronam, si eam in deo suo esse dixerit. Talis Miles suæ etiam militiæ externum aliquod Signum gerebat, ut in eodem Libro Tert. notat his verbis, Si adhuc memini, Mithra signat illic in frontibus Milites suos: celebrat & Panis oblationem, & imaginem Resurrectionis inducit, & sub gladio redimit Coronam. Quid? quod & Summum Pontificem unis nuptiis statuit? Habet & Virgines, habet & Continentes. De Tinctione, de Oblatione Panis, & de Imagine Resurrectionis, videatur Doctiss. de la Cerda ad ea Tertulliani loca, ubi de hisce rebus agitur. Gentiles citra Christum talia celebrabant Mithriaca, quæ videbantur cum doctrinâ Eucharistiæ & Resurrectionis & aliis Ritibus Christianis convenire, quæ fecerunt ex industriâ ad imitationem Christianismi: unde Tert. & Patres ajunt eos talia fecisse, duce Diabolo, qui vult esse simia Christi, &c. Volunt itaque eos res suas ita comparasse, ut Mithræ mysteria essent Eucharistiæ Christianæ imago. Sic Just. Martyr p. 98, & Tertullianus & Chrysostomus. In suis etiam Sacris habebant Mithriaci Lavacra (quasi Regenerationis) in quibus tingit & ipse (sc. Sacerdos) quosdam, utique credentes & fideles suos, & expiatoria delictorum de Lavacro repromittit, & sic adhuc initiat Mithræ. De hoc in Just. Mart. & Chrysostomo legitur, Hi ergo per singulos annos, post messem trituratoriam, ascendeant in montem aliquem qui vocatur lingua eorum Mons Victorialis, (habens ibi in se quandam speluncam in Saxo,) fontibus & electis arboribus amœnissimus; in quem ascendentes & lavantes se offerebant, & orabant in silentio Deum tribus diebus.

Mithræ Figuræ, quas exhibemus, videntur esse tales quas mathematicè effinxerat olim Zoroastres, quæ non fuerunt cultûs ergò, sed ut per eas philosophicè & mysticè repræsentaretur Systema hujus Mundi. Ab illis itaque hæcce figuras nacti Romani & Græci, easdem in Lapidibus sculpi curarunt, quæ repertæ fuerunt Romæ, unde nostrates eas habuerunt. Hunc nostrum Iconismum spectavit Statius in Versu, — torquentem cornua Mithræ. In hunc locum cæspitans Cælius Rhodiginus, refert, Quod Mithræ simulacrum Leonis rictum præ se ferebat, cum Tiara, utraq; manu bubula premens cornua, qui Bos mox immolandus. De Lunâ hoc exponit Lactantius Placiades ad Statium. Hisce interpretationibus seductus fuit Marius in Scholiis ad D. Hieronymi Epist. ad Latam, ubi de Specu Mithræ agitur. De Leonis rictu & de Bove immolando fallitur Rhodiginus: quisque enim novit quod

quodd *Mithra* (sec. Græcos) immolabant *Equum*, *Jovi Taurum*, &c. Datur tamen unum irregulare exemplum, τὸ βούδιον ἐν τῷ βαμνὸν τῷ ἡλίου; ut & erat eodem tempore, *Agésilai* dextram in ignem injectam comburendo absumpsisse; ut *Stobæus* p. 9, ex *Agathyrside Samio* de rebus Persicis. Nam *Agésilas*, Græcorum Explorator, cum *Mardonem*, loco *Xerxis*, interfecisset, à *Persis* comprehensus est: & *Xerxes*, tunc Bovem super *Aram* immolaturus, *Agésilai* dextram injecit; quo facto, is sponte obtulit sinistram, quam recusavit Rex, ejus fortitudine in tolerando deterritus.

In supradictâ D. Hieronymi Epistolâ hæc verba leguntur, *Gracchus* — cum *Præfecturam* gereret urbanam, nonne *Specum Mithræ* & omnia portentosa simulachra subvertit? Qualia autem erant hæc portentosa simulachra, haud potest melius sciri quam ex talium Typo apud D. Leonbardum Augustinum, in *Antiquarum Gemmarum sculpturis* ab eo diligentissime expressis. Et ibidem Vir Doctiss. D. *Jacobus Gronovius* tres ejusmodi Icones præmisit, prout dedimus. Hæ erant ex *Mithræ* Figuris apud Romanos, de quibus Annotator ibi dicit, quod Romæ, diversis in locis, reperiuntur Tabulæ marmoreæ antiquæ, cum insculpto Deo *Mithrâ Persarum*, in habitu ferientis prostratum Taurum, per quod allegoricè innuitur virtus Solis super terram, & fecunditas universæ naturæ. De his ibi videas plura p. 53. D. Hieronymus per portentosa simulachra videtur intelligere Solem in XII Signis secundum singula *Dodecatemoria*, quæ (inquam) videntur fuisse ex supellectili Antri Mithriaci. In istis itaque Figuris quas apposuimus, visitur *Mithra*, seu *Sol*, figurâ humanâ Regis *Persici*, qui subigit Taurum eumque calcât necâtque, qui pedestris id facit, ferè ut solebant Græci Equestres in ταυροκατασίαν ποίειν. Sol in hoc verno Signo positus, ibi sedet Mundum inferiorem regens & calore suo fovens ac fertilizans eundem; appictis etiam Animalculorum Asterismis in eodem *Dodecatemorio*, cum aliis rebus Symbolicis ad cœlestem apparatus spectantibus. Hoc autem Signum præ aliis exprimere & sculpere amabant, quia sequentis anni ubertatem promittere videbatur. His enim insinuat, quod provecto Vere, cum Sol est in Tauro, omnia florere & vernare cernantur; unde (posito boni ominis Emblemate,) fertilitas & uberrimus terræ proventus speretur. Tunc enim, ineunte Vere, à Sole fit terræ Imprægnatio in totius anni sequelam benefica, quando moventur Sales, omnis vegetationis principia, quæ omnium rerum ubertatem procurare solent. Sol autem (qui homine Rege repræsentatur,) jam Tauri Signum supergressurus, Taurum ponè se





Sol in Tauro seu vulgus
in Oriente, ex nummis
Mogulensibus.

AB. d. ex sculp.

Darius jaculaturus, prout in nummo Darico cernitur.



Togrulbegh. p. 218.



p. 218.

Reverendo Viro CAROLO RODERICK, S.T.D. Coll. Regis Cantab. Praeposito dignissimo
et Ecol. Cath. Eliensis Praebendario, gratitudinis ergo lubens meritog. DDD. Autor T.H.



se semi-mortuum relicturus, ad reliquam Signorum consequentiam quasi alatus properat, omnia Signa peragraré & Duodecim Laborum suorum opus penitus absolvere gestiens. In superiorem sensum *Macrobius*, pag. 73, *Vernum tempus jam obtinet, cum, dicente Virgilio,*

*Candidus auratis aperit cum cornibus annum
Taurus. —*

Tunc scilicet (ut idem monet *Macrobius*,) *Tauro gestante Solem*. Sic nempe, pinguntur Signa: aded ut in dicto Iconismo exhibeatur *Sol in Signo Tauri* Persarum more designatus. Sic etiam in nummis *Magni Mogul* Imp. Indiæ exhibetur *Corpus Solare* super dorso Tauri, aut Leonis, qui illud eodem modo gestat. Nam Sol videtur portari & circumduci super XII *Zodiacalia* symbola, dum singula *Dodecatemoria* percurrit. In omnibus enim Cælestium Signorum nominibus symbolicis, Agriculturam ejusque utilitatem præcipuè spectabant tam *Cbaldae*, quam *Ægyptii* & *Persæ veteres*, ut suis locis fusiùs docebitur. Et inde veterum Persarum Reges (ut monetur in Libro *Mugjizat*,) ut Agriculturam promoverent, solebant semel singulis annis descendere in familiare colloquium cum Agriculis & Colonis, hortando ut alacriter procederent, & agnoscendo se non posse carere illis, nec posse vivere sine fructibus agri, cum ejusmodi aliis multis. Et tale quid faciebant veteres Reges *Chinæ*, ut suo loco dicetur, ubi de *Anno Sinico* agetur. Quid ibi faciunt moderni reges *Tatarici*, non scio.

Macrobius docet quomodo pleræque Εἰδωλαστρίας formæ referri possint ad Solem, cùmque quodammodo repræsentent. Sed hoc ad nostrum scopum non est: videant alii. Aliqui ex Solis cultoribus (ut refert *Max. Tyrius Orat.* XXXVIII,) Solem repræsentabant *parvo Disco* Longurioni imposito. *Palmyreni* adhibebant *Caput radiatum*: alii *Corpus radiatum* rotundum. Apud *Emissenos* (dicente *Herodiano*) Solis simulachrum erat *grande saxum* conicum nigrum, quod jacebant à cælo fuisse delapsum.

In *Chronico Alexandrino* p. 26, legitur, *Romulus — equestre certamen, seu Circensia in Urbe instituit* ἡλίου Σολί, *subjectis ei quatuor Elementis, ratus, eâ de causâ, ὅτι Ἀπὸ τῆς τοῦ εὐρύχου φύσεως οἱ τῶν Πέντε βασιλεῖς εἰς τὰς πόλεις, utpote qui quatuor Elementa venerarentur. Romæ enim ante eum diem nullus honor & festa dies nulla. — Oenomâus verò Rex Pisæ, ad Europæ partes, certamen peregit mense Σώρῳ, seu Martio, die XXV, in Solis, ut Titanis excelsi cultum; certantibus (inquit) Terrâ & Mari cæterisque Soli subjectis Elementis.*


P

Solem

Solem colebant *Julianus* & plerique Imperatores Romani: & (devictâ *Zenobiâ Palmyrenorum* reginâ,) Solis simulachrum Romam *Palmyrâ* advexit *Aurelianus Imp.* de quo *Zosimus lib. I.* Et dicente *Herodiano*, iste *Imp.* idem Solis simulachrum Romæ erexit, & Templum ei ædificavit egregiis donariis exornatum, inter quæ *Solis* & *Beli* simulachra infra memorata. Soli etiam consecrabant Sacerdotes, inter quos erat *Balbillus*, atque *Elagabalus* qui gente *Syrus*, seu *Pœnix*. Ejus Icon quam exhibuimus, extat apud *Hemmelarium*, cum subscriptione,

SACERDOS DEI SOLIS ELAGABALUS.

Qualia Sacra Soli peragebat, visitur in ejus *Nummo*, in quo Ara cum ardente igne pro Sacrificiis, & Sacerdos cum Libatione & virente Herbâ in manu. Ibi enim stat, Sacrificantis ritu, togatus & velato capite, Pateram super *Aram* effundens. Is (ut solebant) maximo honore duxit denominari à Deo suo, cum nihil potuit esse honoratius, & (ut ego dicam) nihil arrogantius: nam idem *Herodianus* prodit, Solem à *Pœnicibus* cultum & dictum *ελαγαβάλον*. Eodem etiam nomine *Sol* vocatus fuit apud *Romanos*, qui illud ex *Panismo* mutuârunt. Sic autem dictus fuit per communem literarum metathesin, pro *עגל בעל* *Agûl-Baal*, i. e. *deus rotundus*, ut *D. Seldenus* (*de diis Syris* p. 220, 221,) elicit ex antiquâ Inscriptione p. 226, *αγλιβάλων καὶ μαλαχ-εὐλαὶ πατρὸς θεοῦ*. Fortè melius legendum fuisset *עגל בעל* *Aglibaal* *αγλιβάλων*. Huic nomini quadrat Solis forma rotunda: sed & iste Imperator dicitur coluisse Solem sub forma Saxi ab imo rotundi & conici, quâ formâ (ut dictum) apud *Emissenos* cultus fuit. Is fortè ductus fuerit (ut & illi) sententiâ *Anaxagoræ*, qui (ut habet *Plut. de Placitis Philosophorum*,) existimabat Solem esse rotundum aliquem Lapidem ignitum, talem qui Græcis *μύδρος*. Ille etiam (dicente *Plinio lib. I. cap. 58.*) “fertur cœlestium literarum scientiâ edoctus, prædixisse quibus diebus dictum Saxum à Sole esset casurum: idque interdum in *Thraciæ* parte ad *Ægos* flumen fuisse factum: quod quidem Saxum (inquit) etiam nunc ostenditur magnitudine Vehis seu Plaustri, adusto colore.” Est itaque *Elagabalus* (abjectâ terminatione us,) nil nisi *עגל בעל* *Agli-bal*, seu *Egli-bal*, i. e. *deus rotundus*, uti est tam Sol quàm Cinctura seu Scapus Coni. Apud *D. Sponnium* etiam p. 1, extat supradicta Inscriptio, dupliciter Græcis atque *Palmyrenis* characteribus exarata, sub pedibus dictarum deitatum, quarum ibi cernuntur Imagines in eodem marmore.



Reverendae Viri ROBERTO HUNTINGTON, S.T.D. C. H. SS Trinitatis apud Dublin. quondam Praeposito
hancce Tabulam Gracitudoinis ergâ lubens meritoq. DDDAuctor T.H.

& *Beli simulacra* vocet ea *Herodianus* in *Macrino*, planum est illam dicti Monumenti dedicationem fuisse factam Imperatori *Elagabalo*, à Sole (vel à Saxo) denominato *Egli-Baal*, atque *Jovi*, seu *Belo*, qui dictus est *Malach-baal*, seu *Rex Baal*: nam apud *Ethnicos Planetae* omnes *Regum* epitheto semper gaudebant. Quivis itaque *Planeta* vocabatur *Rex*, atque etiam *Baal*, i. e. *Dominus*, seu *Numen*: & sic quodvis *Numen* Idololatricum, ut *Vitulus aureus*. Talia autem omnia in plurali vocantur *Baalim*, i. e. *Domini*, *Numina*. Aded ut, adu-landi causâ, Imperator cum Jove junctus est, quasi Imperium cum eo æqualiter divisum habuerit, ut voluit Poëta,

Nocte pluit totâ, redeunt Spectacula mane:
Divisum Imperium cum Jove Cæsar habet.

Alii paulò aliter de illo Nomine sentiunt. Vide *Casaubonum* ad *Lampridium*.

Cananite Solis cultores, (ut quovis modo opitularentur Deo suo & se officiosos ostenderent,) prætendentes quasi vellent juvare Solem in cursu suo, ei dedicabant qui (2 Reg. XXIII.) vocantur שִׁמְשֵׁי הָעֵשֶׂת *Equi Solis*, & מְרַכְּבֵי הָעֵשֶׂת *Currus Solis*, ex metallo fusi & Soli dedicati. Dicti *Equi* subinde ut *Gryphes* fingeantur, ut videre est apud *D. Sponium* & alibi.

Quod verò ad præsentem scopum pertinere censeatur, miraculosum illud, tempore *Josue*, Solstitium (seu potius *Solis Regressio*), non erat ignotum *Mithræ* celebratoribus *Magis*, qui Solis in *Achazi* Horologio retrogradi Memorialia retinent, si fides *Dionysio Areopagite Epist. VII*, (seu potius *Apollinari juniore*, qui putatur Librorum qui *Dionysio* tribuuntur verus *Autor*:) apud eum τριπλάσιος *triplo major*, seu *extensior*, dicitur tunc *Mithra*, propter talis Diei extensionem, his verbis, τὸ τοῦ Πίσσαν ἱερατικῆς Φήμης, ἣ εἰσὶν ἄλλαι τὰ Μνημόσυνα τῶ τριπλάσιον Μίθρῳ τελῶσιν. Ad hunc locum *Georgius Pachymerius*, Πίσσῳ τὸ παρίκταμα ἢ ἡμίρας ἰκέτης διὰ ἢ τελειῆς τῶν Μνημόσυνων τῶ τριπλάσιον σημαίνουσι.

Per *Mithriaca*, intelligimus, vel *Mithriacas* figuras symbolicas, vel *Mithriacos* ritus & cæremonias. Quoad Ritus; eorum origo referenda est ad remotissimam antiquitatem. Hi omnes peragebantur in aprico *sub dio*, ut hodiè fit. At cum *Zoroastres*, præcipuus Religionis Antistes & Reformator, in *Anthro* vixerat, ibi Deum adorans, alii postea ejus exemplo ducti, idem fecerunt, & solenne esse jusserunt, & *Antrum Mithriacum* etiam parârunt. Originis itaque universus eo-

rum cultus fiebat absque Templis; cùm crederent Deum qui totum Mundum implet, intra nullius Templi parietes comprehendi posse, ut de eis notat *Cicero*. Idem itaque in hac parte sentiebant cum *Salomono*, qui dixit Deo, *Qualem Domum ædificabo Tibi quem cæli cælorum non continent?* Hoc Persarum tunc de Deo orthodoxam opinionem monstrat, & à Mithræ, aut cujusvis alius Numinis, cultu divino præcavet, eosque à quâvis Idololatricâ adoratione vindicat atque absolvit.

Quoad Mithriacas figuras, de his optimè agit *Porphyrius* in *Libro de Nympharum Antro*, ubi exponit qualia erant Mithriaca à Zoroastre excogitata & efficta, quæ ibi ut monumenta Philosophica & Astronomica servabantur, non autem religiosè colebantur, quippe quod non ferebant Persarum Principia. *Porphyrius* quidem, ex suâ & Græcorum sententiâ, vocat Mithram omnium patrem, eûmque Mundum candidisse insinuat. Persæ autem (ut supra) Mithram esse Creaturam, & Mundum à Deo Omnip. conditum credunt. Sic itaque se habet locus, Eodem modo Persæ animarum in inferiora κατόδον Descensum, & deinde ἄνδον Regressum, mysticè significantes, Μυστην initiant, Σπήλαιον τόπον Spelaum locum nominantes. Nam referente Eubulo, Zoroastres, primus omnium, in montibus Persidi vicinis Antrum nativum, floridum, fontibusque irriguum, in honorem Creatoris, & omnium Patris Mithræ, consecravit: ita ut Antrum conditi à Mithrâ Mundi figuram ei repræsentaret: ea verò quæ intra Antrum erant certis invicem intervallis disposita, ut Elementorum Climatumque mundanorum symbola seu figuras gererent. Dein post Zoroastrem, apud alios quoque obtinuit, ut in Antris atque Specubus, sive nativis, sive manufactis, τὰς τελετὰς ἀποδιδόναι Præstationes sacras peragerent. Nam ut Diis cælestibus Tempia & Delubra atque Altaria ponebant, Terrestribus verò & Heroibus Aras, Subterraneis autem Scrobes & μύραα Ediculas, ita Mundo Antra & specus; itidem & Nymphis, ob aquas in Antris distillantes & scaturientes, quibus Naidæ Nymphæ (ut mox dicemus) præsent. Nec Mundi tantum (ut diximus) geniti scil. ac sensibilis Symbolum faciebant Antrum, sed pro omnium quoque invisibilium virtutum Symbolo idem accipiebant: quòd Antra quidem obscura; virtutum verò illarum essentia incognita sit. Hinc & Saturnus in ipso Oceano Antrum extruxit, & Liberos suos in eo abscondit: sic & Ceres Proserpinam in Antro cum Nymphis educabat. Aliaque multa hujus generis, Theologorum Scripta pervolvendo, aliquis inveniet. — Et ab hisce quoque (ut opinor) Pythagorei, & post ipsos Plato, sumptâ occasione, Antrum atque Specum Mundum vocârunt, — Et apud Plato-

Platonem libro VII de Republicâ, dicitur, "Ecce enim homines tanquam in subterraneo Antro & in habitaculo simili Speluncæ, cujus ingressus versus lucem latè per totum Antrum patet. — Nam habitaculum hoc quod oculis usurpamus, Carceris habitaculo assimilandum: ignis autem Lumen in eâ relucens, Virtuti Solari." Quod igitur Theologi Antra Mundi virtutumque mundanarum Symbolum posuerint, ex hisce manifestè perspicitur.

Hoc modo vides qualia erant Persarum *Mithriaca* in Antro servata. Falsò itaque eis impingitur quasi *Mithram* coluerint in Antro, loco ad hoc planè incommodo & inepto; cùm reverà *Mithram* non colerent, sed tantùm Deum ibi colebant, (ut de antiquissimo Rege *Kejomâras* suprâ notavimus,) ad eum precando, & meditando in *Zoroastris* illam celestem & terrestrem compagem ac structuram, in quâ celestia Signa & terrestria Climata erant in eo Antro mathematicè comparata, ut ea essent ingeniosa aliqua Mundi repræsentatio per symbolicas figuras facta. Sed cavendum est ab iis quorum mos est quasvis cæremonias civiles & meram talium rerum custodiam vocare *Cultum*, quem divinum esse insinuant; cùm reverà talis non fuerit.

In singulis illis *Iconismis*, ter visitur *Mithra* seu *Sol*, sc. suprâ ubi *Taurum* jugulat superatque, & (quasi interposito Tauro non luceret,) infrâ interim (tanquam per faces) utrinque Mundo lucem suppeditare videtur. *Mithra* ibi est in figurâ Regis Persici, uti constat ex *Tiarâ directâ* & *Stolâ*, quæ solis Regibus competunt. *Stola* Arabicè dicitur *حلة* *Hilla* seu *Hulla*, si modò duplicata sit; si autem simplex, tum Arabicè *رداء* *Ridâ*, quæ in Libro *Turgjemân Turcico-Persicè* explicatur, *طاش طون دعني چار* *Ridâ* est gemmata vestis, scil. *Tchâr*. Talis Persica *Stola* Curtio Latinè dicitur *Palla*, quæ (si sit Latinæ originis,) ferè consonat cum *Persicâ* voce *بال* *Bâlâ*, vulgo *Pâlâ*, i. e. superior, cùm *بالابوش* *Bâlâ-pûsh* sit superior vestis (qualis erat *Stola*) ex panno aureo, gemmis plumata & animalium figuris intertexta. Erâtque *Palla* tam virilis quàm muliebris.

In militaribus Persarum Processionibus, Solis imago simul portari solebat, & non procedebant nisi orto Sole, ut ei priùs debitum respectum solverent, utpote cujus favorabilem aspectum eis prodesse posse existimabant. Sic apud Curtium in Darii Processione, Orto Sole procedunt: & super Regis Tabernaculo (unde ab omnibus conspici posset,) Imago Solis chrysallo inclusa fulgebat. Ignis argenteis Altaribus præferebatur. Magi proximi patrium carmen canebant. Magos CCCLXV Juvenes sequebantur puniceis Amiculis velati, ad numerum Dierum Anni.

ni. Currum Jovi sacrum albentes vehebant Equi: hos eximia magnitudinis Equus, quem Solis appellabant, sequebatur. Aureæ Virgæ & albæ Vestes regentes Equos adornabant. Et mox addit, Regius Currus — cujus utrumque latus deorum Simulacra ex auro argentoque expressa decorabant: distinguebant intervenientes Gemmæ Jugum, ex quo eminebant duo aurea Simulacra cubitalia, quorum alterum in alterum belligerebat effigiem, scil. inter Darium & Alexandrum faciendi. Hæc omnia Simulacra necessariò fuerint ornatûs, non autem divini cultûs ergò; cùm ab Imaginibus colendis abhorrent. Nec tunc habebant aliquid Carmine scriptum, ut ille falsò dicit.

Apud Persas non erat *Mithræ* cultus aliquis divinus, sed tantùm civilis & cæremonialis, scil. *Prostrationes*, & *Salutationes*; &, ut quidam volunt, *Suffitus*: qui tamen plerumque Deo fiebant in *Pyræis*, ut suprâ ex *Erdavirâph-nâma* notavimus. Græci his dictis addunt *Libationes*, & *Sacrificia*. Sed quicquid Deo fecerint, Græci volunt eos id fecisse *Soli*, eorum actiones perperam interpretando. Sic *Xen.* τῷ ἡλίῳ ἀλοκαύτωσαι τὰς ἵππας: imò & *Taurus*, ut suprâ de *Xerxe* diximus. Ea autem Sacrificia non *Soli*, sed *Deo* fiebant. Sic in religiosâ Processione *Persépolitana* est grande aliquod Sacrificium Deo faciendum, ubi visuntur multi Boum pares alternatim procedentes: nulla autem *Solis Icon* ejusve portatio ibi visitur. In sacrum usum alebantur generosiores Equi qui pompâ ducebantur, ut *Strabo*, In *Xerxis exercitu post CCIOO militum cohortem, sequebantur X Equi Nisæi grandes pulchrè ornati*: & post hos, Currus Jovis sacer albis Equis tractus; pone Auriga: deinde Rex ipse in suo curru. Optimi Equi erant in *Mediæ* regione *Νεσά*, ubi erat peramplus Campus *Nisæus*, (cujus meminit *Herod.* p. 155,) ubi tales Equi pascebantur herbâ quæ inde ad nos transplantata, usque hodiè à *Botanistis Europæis* vocatur *Medica*, seu *Pabulum Medicum*. †

In supradictâ Processione visuntur Homines binatim portantes *Libationes* in parvis patinis. Si Vinum libabant, erat (inquit *Athenæus*) in Paterâ magnâ dictâ *Condy*, continente X Heminas: nam oportebat eam fuisse magnam, tam ut esset Oblatio digna, quàm ut esset hominibus grata: talia enim ab astantibus consumebantur. Aliàs ex *Phialâ aureâ* libabant, ut in seqq. dicitur. Hæc autem Deo fiebant, non *Soli*, ut putarunt Græci. Libri *Ph. Gj.* autor (ut suprâ p. 99,) memorat VII antiqua Tempia, in quibus (inquit) *Suffitus* offerebatur

† De cujus nominibus Orientalibus vide Append. nostram No. IV.

VII Planetis. Sed cùm is fuerit *Mobammedanus*, ejus fidem in hac parte suspicor, cùm planum sit, illa Tempia non fuisse dedicata Planetis: & cùm præterea certum sit, quòd quicquid fiebat Planetis, factum fuit sub dio; & quicquid fiebat in Templis, factum fuit Deo. Ideoque ego (cum *Briffonio*) suspicor, an Persæ unquam stellis incenserunt *Suffitum*, quod erat pejorum *Sabaitarum* proprium. Sed è contrà, *Suffitum* in Pyreis Deo factum fuisse benè scio. Græci his dictis addunt *Libationes & Sacrificia* Soli: sed ego diffiteor, donec à Scriptoribus Persicis hoc edoctus fuero. Quòd *Libationes & Sacrificia* fecerint Deo, satis constat, tam aliunde, quàm ex Sacra Processione apud *Persopolim*.

Herodotus pro more dicit, quòd *Xerxes* εὐχόμενος πρὸς ἥλιον: quod tamen nunquam factum fuit. Sed cùm ad Deum oraret, Græci putarunt id factum fuisse ad Solem; planè ignorando quòd Persæ Deum Omnipotentem colebant in aprico coram Sole. Id autem quod reverà Soli faciebant Persæ, erat tantùm مهر دیاش *Mibr-niyâish*, i. e. *Mithræ celebratio*, seu *Laudatio*, sive *Salutatio*, quæ incipiebat in nomine Dei, & ad eum dirigebatur, agendo Gratias pro beneficio Solis, qui glorioso lumine Orbem illustrat, & totam Creationem calore suo fovet recreatque, &c. Et talis est eorum ماه دیاش *Lunæ Salutatio*, & بهرام دیاش *Martis Salutatio*, atque deinceps cæterorum Planetarum, Deo gratias agendo propter talia Luminaria, quæ noctis obscuritatem illustrant, &c. Id quod Soli fit, est Sacrum quotidianum: nam inter *Zoroastris Præcepta* in Libro *Sad-der*, præscribitur ter faciendum singulis diebus. Habebant autem (& hodie habent) semel in anno, (scil. in medio mensis *Mibr*) magnam per VI dies Festivitatem dictam *Mibragân*, i. e. τὰ Μίθρανὰ, seu *Mithralia*, quæ suo loco (ubi agitur de *Die Mibr* & de *Mense Mibr*.) describuntur: nolo heic repetere. Hoc tempus respiciens *Eusebius* ad *Homerum*, ait quòd erat certa *Dies καὶ ἐν τῷ Μίθρῳ ἔθνη*: & quòd tunc *Persarum Regi* licebat inebriari & *Persicum saltare*, quæ aliis temporibus illicita. Quod ille dicit ἔθνη, erat aliquas civiles cæremonias facere & lætitiâ celebrare. Omnia quippe Festa sua (ut ex Libro *Pb. Gj.* constat,) celebrabant Solennioribus Precibus in Pyreis, quibus temporibus manè omnes ad Ecclesiam confluebant; & deinde post peractas preces, Comestationibus & Ludis & omnis generis Lætitiæ indulgebant, eodem modo quo apud Christianos fit in diebus Festis. Sed in eorum Libris non inveni mentionem *Sacrificiorum*, ne quidem in Solenni illo Conventu MCCCC abhinc annis habito in tempore

pore *Ardishir Babecân*, quando de Religione consulebatur; ubi tamen proculdubio, florente tunc Imperio, nulla Solennia omittebantur. Si verò intra hosce mille annos (ex quo dissolutum fuit Imperium) apud paupertate & inopiâ pressos, Sacrificia majora & sumptuosa fortè cessaverint, non equidem miror.

Quicquid igitur Soli fecerint, id tantum (ut dictum) civiliter factum est; non credendo Solem esse Deum, nec petitiones ad eum dirigendo, (quod inculcare debemus,) cum semper Deum Omnipotentem (cúmque solum) religiose colerent. Quid autem cum Sole volunt, & an eum colent necne, docet supracitatus *Sanfonus* pag. 108, quem videas. Nam quamvis Soli, aut Planetis, aliquas cæremonias fecerint, interim tamen de Deo rectè senserunt, ut docet *Dio Chrysostomus* in Oratione *Borysthenicâ* XXXVI, his verbis, *Alius autem sermo in reconditis mysteriis ab hominibus Magis admodum canitur admirandus, qui Deum hunc laudibus celebrabant, ut perfectum, & primum aurigam perfectissimi currus. Solis enim currum recentiorem esse ajunt, cum illo comparatum, ut qui appareat & vulgò, utpote cursum faciens manifestum.* — Fortem autem & perfectum Jovis Currum nemo laudibus extulit dignè hoc modo, neque *Homerus* neque *Hesiodus*, sed *Zoroastres*, *Magorumque Discipuli* canunt, ab illo edocti. — Illi verò & alia juxta Sacros sermones faciunt, atque etiam Jovi alunt Currum *Nesæensium Equorum*, qui maximi pulcherrimique omnium qui sunt in *Asia*: Soli verò unum Equum. Interpretantur autem omnia Sermone: non quemadmodum apud nos *Musarum prophetæ*, singula magnâ cum persuasione dicunt, sed ex se valde contumaciter. Esse enim dicunt universitatis rerum unam vocationem & aurigationem, à summâ quæ fiat experientiâ & robore semper, eamque inaccessible in inaccessibleibus seculi circuitibus. Solis autem & *Lunæ* cursus, veluti equorum, motus esse partium: unæ & ab ipsis clariùs videri. Universi verò motum atque cursum hanc multos intelligere, sed illius certaminis ignorare magnitudinem. Quæ post hæc sequuntur, erubesco dicere de *Equis* deque *Aurigatione*, quomodo interpretantur; non admodum curantes, ut sibi usquequaque Imago similis fiat. Quid deinde fabulentur Gentes de hisce *Equis*, prolixè docet, & unus *Vestæ* comparatus. *

Cum autem *Persæ* tam impensè honorarent Solem, mirum est cur *Magi* Lunam sibi præesse prætenderent, præsertim cum Rex ipse aliter crederet, donec audiret infallibiles Doctores & Ductores suos

* Qui plura capit, Dionem adeat ipsum,

contrarium affirmantes. Nam inopinatò superveniente Solis Eclipsi (ut *Herod.* p. 454.) quâ *Xerxes* putabat affici *Persas*, *Xerxi* respondebant *Magi*, Solem Græcorum, Lunam verò Persarum esse ~~αεθελος~~. Hoc ergò videtur à Magis dolosè dictum *Xerxi*, ut ei placerent avertendo omen & timorem inde exortum. Hinc constat eos non novissè calculationem Eclipsium, cùm tale quid non, prævisum, eos inopinatos invaderet. Si novissent ejusdem causam esse naturalem, non erat opus ut Regi, malignum omen inde metuenti, doloso responso satisfacere satagerent.

Solis quidem Adoratio plus quàm civilis fuit fere universalis: nam *Scythæ*, tam Occidentales, quàm Orientales, seu *Tatari* fecerunt. His *Sol* vocatur *گوش* *Ghiñesh*, vel contractè *گون* *Ghiñ*; quo etiam notatur *Dies*, cùm ille sit effectus hujus. Sic *Luna*, & *mensis* per eam metitus appellatur *دی* *dî*. Talis est lingua *Tatarorum* citra *Imaum*, sc. *Turcica*. Ea autem ultra *Imaum*, est *Mogolo-Tatarica*, quâ *Sol* dicitur *داران* *Ndran*, & *Luna* atque *mensis* *سار* *Sarâ*. Quàm autem longè latèque iste Sabaismus, seu copiarum cœlestium cultus fuit diffusus, mirandum est; cùm ex probatis autoribus (ut alibi notavimus,) certum sit, in *Peruviano* tractu ante *Hispanorum* adventum, fuisse Tempia dicata Soli, & in eis Virgines, aliquando ducentas, perpetuæ castitati addictas; nisi fortè aliqua ex Sole conceperat, ut astuti Sacerdotes ignaro populo persuadebant: nam populi simplicitas & Sacerdotum astutia omni ævo omnique regione semper notabilis. Et quidem talis eorum cultus videtur, vel ex communi hominum consensu profectus, vel ex eorum commercio & conversatione cum aliis Gentibus, quorum hoc posterius magis probabile, præsertim propter institutionem Sacerdotissarum Virginum: nam non est dubium quin olim *Pæni* & *Cananæi* ad eos navigaverint, uti ex *Hannonis* Periplo & aliunde fecimus probabile in *Notis ad Itinera Mundi*. Præterea in Bibliis Græcis legitur quoddam *Salomon*, Tyriorum ope, accersivit sibi Aurum ~~αυριον~~, i. e. *Peruvianorum*, unde verior nominis פרים punctatio colligitur.

CAP. V.

Peculiare Caput (per modum digressionis) in quo stricim agitur de sequioribus Sabaïtis, seu Sabiis, sc. de Sabaismo & Idololatriâ Gentium nationum, quæ sub influentiis Planetarum formabant Imagines adorandas; ut Lectori innotescat inter utrumque Sabiorum genus differentia.

DE Gentium cultu Solis, multa diximus in præcedente Capite: illuc itaque Lectorem remittimus. *Sabii* non sunt certa aliqua Gens, sed certum Religionis genus, sc. eorum qui copias cœlestes colunt, ut in superioribus dictum, ubi egimus de ratione Nominis Sabiorum; quos etiam (ex *Sabristâni*) in duo genera distinximus, sc. in Sabios colentes Stellas, & in Sabios colentes Imagines. Prioris generis (qui meliores) erant olim Persæ, qui unâ cum suo Sabaismo Deum solum divino cultu adorabant, Planetas autem & Elementa tantum cultu civili, Iconolatriam repudiando. Posterioris generis (qui peiores) erant aliæ Gentes, quæ posthabendo & prorsus negligendo Deum, divino cultu colebant Angelos & Stellas atque Imagines sub earum influentiâ formatas, cum Idololatriâ absolutâ, eâque pessimâ. Arabum de ratione Nominis (sc. à *transcundo ab unâ religione ad aliam*,) sententiam suprâ expendimus & refutavimus: eam tamen heic rursus propter adjunctam Sabaismi aliam Definitionem Perficam, repetimus ex Libro *Pharb. Gj.* in voce *Nogûsbâ* atque ex Alcorani Interpretatione *Hoseinæ*, صابيين که از ديني بديني گردانيدن گانند يعنى ار هر

ديني چيزي اخذ کردند و ملائکه مي پرسند و روبرو ميخوانند و روي بکعبه دمار مي گذارند و گفته اند صابيان ردانده اند يا ستاره پرستان

Sabii sunt qui ab unâ religione ad aliam convertuntur, i.e. ex quâvis religione aliquid arripiunt, & Angelos colunt, & Schedulas recitant, & inter orandum, faciem Meccæ obvertunt. Sunt qui dicunt Sabios fuisse Sadauceos, aut Africolas. Isti Nogûsbæi, seu Sabii, aliter ibidem Perficè fusiùs describuntur Colere stellas & adorare Solem, eique preces fundere VII vicibus quotidie: [alii dicunt III vicibus.] Hujus religionis homines duas habere opiniones, quarum altera est, Deum Excelsum esse Creatorem Mundi: eum tamen præcepisse Servis suis ut magni faciant Stellas, & ut ad درآيدان Luminosa corpora se convertant in Precibus. Altera

Altera opinio est, Deum Excelsum esse Creatorem Orbium cœlestium & Angelorum & Stellarum; & quoddam Stellas rerum inferiorum Gubernatores esse constituit, & quoddam res Incolarum hujus Mundi quoad Bonum & Malum & Sanitatem & Ægritudinem, &c. totaliter ab eis dependant: ideoque oportere homines magnificare illas, quippe quæ sint پروردگار. Altores populi mundani & inferioris, & rerum eorundem Gubernatores. Et banc fuisse opinionem Chaldæorum, de quâ Abraham cum eis disputavit, eamque refutavit. Addam, & Abrahamum contra Chaldæorum Iconolatricam æquè ac Syderolatricam disputasse.

Calcasbendi Ægyptius Arabicè scribens narrat, Sabiorum præcipua Festa esse illis diebus quibus contingit alicujus Planetæ Exaltatio: esse autem Saturni Exaltationem in XXI gradu Libræ, Jovis XXV Cancri, Martis XVIII Capricorni, Veneris XXIX Piscium, Mercurii XXV Virginis, Solis XXIX Arietis, Lunæ III Tauri. Sed maximum omnium Festum, quo meliores vestes induunt, esse ipsum Diem quo Sol Arietem ingreditur. [Tum nempe erat initium Anni eorum.] Eorum quoque Reges extruxisse هیاکل Sacella, quibus appropriabant Festa, pro ratione Stellarum quarum nominibus talia Sacella dedicata sunt. Scil. Festum Solis erat in Sacello Solis, Festum Martis in Sacello Martis, &c.

De hisce hominibus scribit Eſteri, الصابئون يرجعون ادهم على ددى Sabaitæ reputant se esse de Religionem Noachi, cui pax: & eorum Kibla est plaga australis: scil. ut supra dicitur, convertunt se ad Caabam, i. e. australiter. D. Augustinus de sui temporis Sabiis in Libro de Hæres. refert, Orationes faciunt ad Solem per diem, quaquaversum circumit; ad Lunam per noctem, si apparet: si autem non apparet, ad Aquiloniam partem, quâ Sol cum occiderit, ad Orientem revertitur, stant orantes. Ex supradictis colligitur, quoddam quando particularem aliquam stellam adorant, se ad eandem convertunt in quâcunque plagâ fuerit; quod tam rationi quàm bonis moribus consentaneum. At diversum quid statuit Pbiruzabadius Camûsi Autor, مهب الشمال عند منتصف النهار Eorum Kibla est plaga Septentrionalis tempore meridiano. Nempe aliqui eorum (ut videtur) Septentrionem ejusque Polum inter precandum respicere voluere. Idque fortassis quia ea cœli pars semper serena est, oculos non perstringens; ea quoque semper visibilis & constans est, eos nunquam destituens: adeò ut ibi semper habeant Numen quod colant, & quod in inferiora influat: cum reliquæ cœli partes sint inconstantes & aliquando invisibiles, aliquâ anni parte non comparentes, adeoque cul-

tores suos destituentes. Deitatum enim propinquitatem & præsentiam amant, longinquitatem autem & absentiam deplorant.

Hoc modo inter se differunt Autores in assignando Sabiorum *Kiblam*. Sed fortè hæc eorum differentia quodammodo conciliari possit, perpendendo diversitatem Stationis orantium in quâcunque Mundi plagâ fuerint; prout faciunt *Mohammedani*, qui (ut supra diximus) in hunc usum habent Tabulas mathematicè calculatas quibus Titulus *قبول كبله* *Conversio*, seu *circumrotatio Kiblae*, quæ *Caaba*; ut ubicunque fuerint, sciant rectâ se illuc convertere inter orandum. Si itaque Sabiorum (ut quidam ajunt) *Kibla* sit *Mecca*, seu *Caaba*, idem de illis sentiendum est. Ab *Augustini* patriâ, *Mecca* fuit inter Ortum & Boream: & aliis Borealibus, seu Boreo-orientalibus, *Mecca* fuit ad Austrum, qui ergò in communi sermone nominando *Kiblam*, necessariò intelligant *Austrum*. Et sic de reliquis plagis Orantium, quorum *Kibla*, seu *Anterior pars*, inter orandum, pro Stationis diversitate semper variatur. *Calcasbendi Ægyptius* habuit Meccam magis ad Boream: ideòque haud mirum est quòd ille posuerit Sabiorum suorum *Kiblam* in eâdem plagâ. Si hæc conciliatio non sufficiat, tum diversitas (si quæ restat,) necessariò sit in opinione Orantium, qui fortè omnes non idem sentiant de suâ *Kibla*, dum alii in Meridie, & alii in Aquilone, eam collocant.

Quoad supra allegatum *Calcasbendii* locum ubi Planetarum *Exaltationes* tanguntur, notandum est, ibi inesse aliquot menda, tam Autoris, quàm Exemplaris ex quo ipse hæc descripserat. Nam quamvis Autor suos *Numeros* exprimat disertis *verbis*, videtur tamen eos sumpsisse ex Tabulis ubi omnia erant numeralibus literarum *Notis* expressa, in quibus prout Scribis errare, & sæpissimè erratur. Is ergò pro XXV *Cancris*, debuerat legere XV: & pro XVIII *Capricorni*, legendum erat XXVIII: & pro XXIX *Piscium*, legendum XXVII: (nam *سبعة* est scribæ error pro *سبعة*;) & pro XXV *Virg.* leg. XV: & pro XXIX *Arietis*, leg. XIX. Cùm itaque ex Planetarum *Exaltationibus* ritè statis, pendeant Sabiorum Festa, vera *Exaltationis* loca habeto ex *Ab Birgendi* Persa, qui Cap. VIII scribit, *Exaltatio*

Saturni est in XXI gradu *Librae*, *Solis* in XIX gradu *Arietis*,
Jovis in XV gradu *Cancris*, *Mercurii* in XV gradu *Virginis*,
Martis XXV III gradu *Capricorni*, *Veneris* in XXVII gradu *Piscium*,
Lunæ in III gradu *Tauri*.

In

In Planetarum *Exaltationes* designando, cum his ad amussim concordant Astrologi *Anglicani*. At paulò aliter *Sbâb-Cbolgi* Persa in Comment. ad *Nassifreddini* Tabulas, qui singulorum Planetarum *Exaltationes* per unum Signum retrahere videtur, seq. modo: viz. *Exaltatio*

Saturni	Jovis	Martis	Solis	Veneris	Merc.	Lunæ
est in signo VI,	III,	IX,	O,	XI,	V,	I,
in gradu XX.	XIV.	XXVII.	XVIII.	XXVI.	XIV.	II.

Hic ut vides, Saturni *Exaltatio* ponitur in Signo sexto, seu *Virgine*, cum apud alterum fit in Signo septimo, seu *Libra*. Sed distinguendum est inter Signorum *Dodecatemoria* & inter Signa ipsa, seu *Stellas*, cum à tempore *Hipparchi*, stellæ *Virginis* promotæ sint in *Dodecatemorion Libræ*. Ergo *Ali Birjendi* intelligit Signorum *Stellas*, & *Sbâb-Cbolgi* intelligit Signorum *Dodecatemoria*, ut constat ex nullitatis notâ Solis in *Ariete*: sic enim scribere, eo in casu, est mos Astronomorum Orientis. In Syrorum aliquo Calendario *Arabice* conscripto, Planetarum *Exaltationes* adscribuntur sequentibus Diebus: viz. *Exaltatio Saturni* XVI *Januarii*, & V *Qâobris*: *Jovis* XXVIII *Junii*: *Martis* IX & XXIX *Decembris*, & VII & XXVIII *Januarii*, & XV *Aprilis*: *Solis* XXIX *Martii*: *Mercurii* VII *Augusti*, & XXX *Decembris*: *Veneris* VIII *Martii*, & XVIII *Aprilis*: *Lunæ* XIV *Aprilis*, & XVIII & XXVIII *Augusti*: nempe è regione dictorum Dierum notantur tales singulorum Planetarum *Exaltationes* in dicto Calendario.

Plurimi autem Sabaitæ Religionem suam aliquantò altius petunt à Patriarchâ antediluviano *Seth*, quem vocant شَيْت *Sheit*, magni facientes rex الله شَيْت *Sobuph Sheit Nebiullah*, (sic enim sonant,) *Librum Sheit Prophetæ Dei*, qui est Liber satis grandis *Arabice* conscriptus, in quo multa Moralia Præcepta de praxi Virtutum & fugâ Vitiis continentur. Et quidem Sabaitæ, seu Sabii, in Monte *Libano* & alibi dictum Prophetam suum ita venerantur etiam hodiè, ut per eum jurare plus sit quàm per Deum jurasse: nam (quod ab incolis didici,) si aliquis ex istis juraverit tibi والله *Wallâb*, per Deum, vix potes ei credere: at si وشَيْت *Washeit*, per *Seth*, tum tutò potes ei credere, cum hocce Juramentum religiosissimè servaturus sit; id enim violare nefas.

Ibn Shabna in Libro de *Primis & Postremis*, dictum Librum memorans, *Arabice* scribit, *قال إن الصابغة أخذت دِينَهُمْ عَنِ شَيْتِ وَأَدْرَسَ*

والباقي وادرسى *Dicuntur Sabii accepisse Religionem suam à Seth & ab Idris [seu Enoch.] Estque illis Liber dictus Sobupb Sbeit, quia cum accensent tō Sbeit: in eo agitur de Bonis Moribus, quales sunt Veracitas, Fortitudo, Affabilitas erga peregrinos, & ejusmodi alia quæ in eo præcipiuntur. Item in eo memorantur Vitia quæ prohibentur. Habentque VII precandi tempora; sc. quinque, (ut sunt quinque illæ preces Muslimorum,) & Precationem matutinam, atque septimam quæ fit completis VI horis noctis. Præscribunt firmam intentionem: nec preces suas cum aliis rebus commiscunt. Precantur autem super Feretro absque Genuflexione aut Prostratione. Jejunant mensis tres primos dies, computantes Jejuniorum solutiones ab ingressu Solis in Arietem. Jejunant quartâ parte diei [al. noctis] usque ad occasum Solis. Magnificiunt Meccam & Pyramides Ægypti: & solennem peregrinationem suscipiunt ad locum prope Harrân. Festa eorum sunt V, in ingressu Saturni & Jovis & Martis & Veneris & Mercurii in domos Exaltationis suæ. Festorum autem maximum est die quo Sol Arietem ingreditur. Seipsos derivant à Sâbi filio Idris, qui sepelitur in Ægypti Pyramide tertiâ. Dicit Ibn Hazm, Religio quam Sabaitæ profitentur, erat Religionum antiquissima per totum Mundum tunc prævalens, adeo ut plurima de eâ referant: Deus autem misit Abrahamum cum Religione in quâ jam sumus. Sbabristâni dicit Sabios æstimare Spiritualia, seu Angelos, in contrarium Haniphæorum, qui magnificiunt Corporalia, seu Homines. Sic ille.*

Maimonides in *More Nevocchim*, parte III, Cap. 29, 30, plurima habet de Sabiis notatu digna. Ego, heic brevitatis causâ, tantum rerum summam exhibebo, quæ apud eum & alios fusiùs leguntur. Dicti (inquit) Sabii olim agnoscebant, & hodiè agnoscunt, Deum esse Conditorem Mundi, & Cœli Possessorem; sed propter nimiam distantiam & plurimum reverendam Majestatem, non esse accessibilem; ipsosque non posse adire illum immediatè, ne nimis audaces videantur. At more illorum qui Reges appellare volunt, necesse putant ut supremos illius Ministros primò adeant, qui sint apud tales Reges *Mediatores*, illorum negotia & petitiones ei impertientes, ejusque voluntatem & determinationem sive responsum illis renuntiantes: sic Sabii adibant, & hodiè adeunt, Angelos & Planetas, ut *Mediatores*, quos septem minores Reges esse putant in luminosis illis corporibus habitantes, ut in tot Palatiis aut *Sacellis*; ad quorum imitationem alii ex eis *Sacella* etiam in terris fabricabant, in quibus collocatæ erant Imagines dictis Stellis dedicatæ. Talia *Sacella* in S. Bibliis vocantur *Tabernacula*, ut *Tabernacula Molech & Remphan*, &c. Nam cum Pla-

nctiæ

netæ etiam nimis diffiti essent, & aliquando quoque abessent, sub terrâ occumbentes & delitescentes, consultum duxerunt hisce Planetis erigere Imagines de eorum virtute participes, quæ nunquam abessent, sed semper cum eis præsentēs, ut eas perpetuò die nocteque adire possent. Cùmque illorum temporum *Astrologi*, omnes Colores, omnia Metalla, Ligna, Lapides, Arbores, Fructus, Herbas, & Animalia tum volatilia quàm quadrupedia, & quavis res alias alicui Planetæ appropriare solerent, faciebant Imagines ex aptâ materiâ, quæ tali Planetæ esset propria & peculiaris; idque apto tempore, seu sub fausta cœli positurâ, quando talis Planeta esset in suâ exaltatione, & in fausto cum aliis Planetis aspectu, &c. Et tum existimabant ejusmodi Imaginem ritè factam, talis Planetæ virtute imprægnatum iri. Nam in Imagines, ex tali materiâ, & sub tali cœlorum positurâ, *telesmaticè* confectas & conflatas, Idololatræ credebant per Preces & Suffitus faciliè deduci posse superiorum Corporum Influētiās: & quidem hujusmodi Imagines credebant easdem habere vires & virtutes cum Stellis ipsis quas repræsentabant.

Istiusmodi itaque Imagines æquè ac Stellas ipsas adorabant *Chaldaei Sabaitæ*, ad eas preces fundebant, easque placare studebant Suffitu, seu Incenso; & Cultores ut & Confectores interim erant induti vestibus talis coloris qui tali Planetæ gratus & congruus esset, &c. Deum interim negligentes eùmque oblivioni dantes. Et hoc modo (uti etiam per Heroum Imagines, ut supra notavimus,) venit Idololatria in Mundum, nempe per malas Artes Astrologorum qui talia omnia excogitabant, & ignaro vulgo, talium nimis avido, hujusmodi nugas insusurrebant eisque obtrudebant, falsas Planetarum & Imaginum sub eis factarum virtutes prædicando, & suadendo, quòd si Stellas eisque dicatas Imagines ritè placarent, tum eos non tantùm esse feliciores & obtinere quasvis necessitates suas, sed & descensuros Imbres qui terram rigarent & fertilem redderent. Et hoc modo Pietatem cum Utilitate conjungentes Astrologi, faciliiori negotio ista sua venena hominibus propinabant, & ab eis imbibenda procurabant, eos ad Idololatriam, hoc modo, seducentes: aded ut hisce Stellis & earundem Imaginibus tandem Divinum cultum exhiberent, Creaturas solas respicientes, & omnium Creatorem negligentes. Hocque fiebat, magnâ ex parte, per *Chaldaeorum* Librum cui Tit. *كتاب الغلاته Kitâb Al Phaldhat*, i. e. *Liber Agriculturae*, in quo docetur totam Agriculturam Astrologicè exercere, & conficere *Telesmata* ad deducendos Imbres, & ad averruncandas atque abigendas Locustas & res quas-

vis noxias, quæ aliàs lætiorē terræ proventum, & vitam feliciter instituendam, turbarent & impedirent.

Adeò ut *Chaldaei Sabaitici* quamvis scirent Deum, eum tamen non colebant; sed in meram Idololatriam effusi, preces suas immediatè ad Imagines dirigentes, absque ullo ad Deum respectu, quem prorsus negligebant, inferiores tantum causas respicientes. Unde in hos, & in populum suum *Israeliticum* istos imitantem, meritò succensuit Deus, qui per Prophetas suos de istiusmodi hominibus conquestus est, quòd Ligna & Lapides adorarent, & flecterent se trunco arboris, dicendo, *Juoa me, nam tu es deus meus*; & quod ejusdem Ligni parte extruerent ignem, & ex reliquâ ejus parte conficerent Deum: de his, inquam, quotidianæ querelæ, pessimam eorum Idololatriam damnando. Ex supradictis constat *Chaldaeos* non adorasse Ignem, ut à quibusdam stultè & nimis temerè creditum. Quid autem adoraverint, docet *Plutarchus in Iside & Osiride*, & docetur in Libro *Danielis*.

Perperam itaque & fabulosè fingebatur Certamen inter Ignem *Chaldaeorum* deum & *Canopum Ægyptiorum* numen sub formâ Hydriæ perforatæ & cerâ obductæ; (quasi inter utriusque Gentis tum Deos quàm Homines certamen fuerat;) cum Ignis non esset *Chaldaeorum* deus: si enim Ignem æstimassent sacrum, certè noluisissent eum cadaveribus inquinare, homines in fornace igneâ comburendo; nec concedere, ut aquâ extingueretur, cum apud omnes Ignicolas nefas sit eum quovis modo polluere, aut Ignem & Aquam committere: nam malâ morte mulctandus erat qui hoc fecerat. Si itaque *Ægyptii* ex unâ parte voluerint evincere *Canopum* suum esse deum, ex alterâ parte *Chaldaei* non opponebant Ignem tanquam deum, quia talem esse non existimabant. Et propter hæc rationes, nec de Perfarum Igne verum esse potuerit tale certamen.

Pro exemplo Sabaitici cultûs Stellarum, consulatur *Abulfaragius*, qui notat unam Arabum Tribum coluisse *الأميسام* *AMi'sam*, aliam coluisse *الدبران* *AlDebarân*, &c. quæ in *Notis nostris ad Olug-Begum* explicantur, uti & mox sequentes *Stellæ Gregis*. Pleræque autem majores Stellæ & insigniores Asterisimi habebantur tot Reges, qualis fuit *Sepbarvairum* deus, seu Astrum, *ענמלך* *Ana-melech*, i.e. *Pecus Rex*, ab *ענא* *Ana*, seu *ען* *An*, quod semper collectivè, seu quasi pluraliter usurpatur, *Pecudes* minores (sc. Oves & Capras) notans. Hæc erat Constellatio illa, quæ à *Cepheo* Æthiopum Rege denominata, ejusve pars, in quâ, ex Orientalium sententiâ, est *الراعي* *AlRâi*, i.e. *Pastor*,

Pastor, & غنم *Ganam*, i. e. *Pecudes*, quæ etiam *Olug-Bego* vocantur كواكب الفرق *Stellæ gregis*: nam Arabibus & aliis pastorem vitam agentibus & in agris degentibus, primum erat inter *Pecudes* & *Stellas* collationem instituere & inde rei pastoralis accommodata Nomina stellis imponere; præsertim cum ab earundem influentiâ censeretur pendere fertilitatis & foeturæ omen. Quicquid enim vel prodesse, vel multum obesse, putabatur, id ut Numen colebant & quovis modo placare studebant Pagani Idololatæ. Hanc itaque pecuariam *Constellationem* & *Pecudum* figuras sub proprio Planetâ effictas colebant: nam præter *Stellas* ipsas, habebant etiam *Figuras* sub eis factas quæ essent hominibus propiores: unde probabile quod ea *Constellatio* quæ *Sepharvaitis Anammélech*, *Sidonii* alio nomine vocata fuit עשתרות *Ashteroth*, à sing. עשתרה *Ashtarà*, i. e. *Grex*, & in hoc loco Biblico Chaldæus etiam legit עררי *Adre*, *Greges*. Ad hunc locum Kimchi notat, *Ashteroth* esse nomen *Imaginum Ovi* formam habentium, quas scil. *telesmaticè* sub illo Sydere (& sub Planetâ cui subjectæ sunt *Greges*,) factas, pro deitatibus colebant *Sidonii* & *Philistæi*, (sc. omnes junctim pro uno Numine,) cum in finem, ut uberiores in *Gregibus* suis foetificationem, hac ratione, procurare possent. Nec mirum est de differentiâ Nominis ejusdem Numinis apud varias Gentes, ut sc. idem fuerit *Anammélech* & *Ashteroth* quæ *Astarte*; cum eodem modo *Ammonitarum* خمش *Chemôsh*, seu *Culex*, fuerit *Ekronitarum* בעל-זבוב *Beel-zebûb*, *Dominus muscarum* averruncus, à *Judæis* per contemptum vocatus בעל-זבול *Beel-zebûl*, *Dominus stercoris*. Erat nempe magnus quidam *Culex metallicus telesmaticè* confectus, apto tempore, scil. sub fausto aspectu Jovis, aut Planetæ cui subsunt *Muscæ*, & ex aptâ materiâ, cum Precibus & proprio Suffitu, &c. Igitur apud populum ע *Chemôsh* & ejusmodi alios, hocce *Telesma* fuit idem quod apud Græcos Ζεύς ὑστρομύχης *Jupiter muscarum-abactor*, prout illi omnes stultè credebant. Quod si eas aliquando non abigebat, tum danda opera ut Precibus, & Suffitu, & Libationibus, & aliis cæremoniis melius placaretur.

Imaginum quoque cultu infamis erat totus Orbis, uti etiam *Arabes*, qui colebant اللات *Al Lâtt* & العزى *Al Uza*, &c. Et sanè prolixum esset omnia *Arabum* *Idola* enumerare. Eos autem ab *Idololatriâ* ad unius veri Dei cognitionem & cultum perduxit *Mohammed*, quod opus laudabile. *Chinenses* & *Indi* præter *Imagines* in *Pagodis*, seu *Delubris*, prægrandes, aliquando etiam integras *Rupes* (præsertim si naturâ in pyramidalem formam vergebant,) in *Idola* formare solebant. Talia

propè urbem *Bamiyân* (quæ postea *Balch*, seu *Baētra*,) erant immania & prodigiosa illa *Perficæ* dicta *سرخ بتی* *Surc'b-Büt*, i. e. *Idolum rubrum*, & *خنگ بتی* *C'bingb-Büt*, i. e. *Idolum griseum* seu *cinereum*. Hæc (ut in Libro *Masâlik Mamâlik* *Perficæ* describuntur,) erant duæ prægrandes Statuæ ad altitudinem & magnitudinem Turrium & rupibus excisæ, intus cavæ, ita ut quis per plantam pedis subintrans, totam interiorem earundem partem usque ad extremos manuum & pedum digitos permeare posset. In Libro *Pharb. Gj.* in *Indiâ* conscripto, hæc duæ Statuæ dicuntur quinquaginta cubitos altæ, ad quas tempore ignorantie confluebant *مشرکان* *Pagani* in aliquo loco urbis *Bamiyân*, ex territorio *کابل* *Câbul*, in limitibus regionis *بدخشان* *Badachshân*. Hinc veniunt *Rubini Balasçii*. Hæc *Idola* (inquit dictus Autor) à quibusdam censentur esse ea quæ *Arabibus* dicta sunt *يغوث* *Yagûth*, & *يعوق* *Yäûk* tempore *Noæ*: & ab aliis habentur pro *منان* *Manât* & *لائت* *Lâit*. Et baud procul ab istis, dicitur esse aliud ejusmodi *Idolum* paulo minus, formâ *Vetulæ*, dictum *نيسر* *Néîrem*, seu *نيسر* *Nesr*, sive *نيسار* *Nesâr*, (atque *نيسا* *Nesâ*, si rectè,) quæ videtur Statua in *Luco* posita, quia *Nesr* (ut & reliquæ hujus Nominis formæ,) *Perficæ* notat *Umbraculum* ex virentibus frondibus, & talem in montosis locum ubi *Sol nunquam splendet*: talia enim loca contra *Solis* ardores munita, pro cultoribus erant commodissima. At fortè *Perficus* autor erraverit, putando hæc fuisse *Idola* tempore *Noæ* in *Alcorano* memorata, cùm eorum descriptiones sint prorsus diversæ, ut ex sequentibus constabit. Illa enim erant intus cava ut inde clam darentur *Responsa*, contrâ quàm erant *Arabie* *Idola* tempore *Noæ*, qui suis prædicavit ut talium cultum relinquerent, sc. cultum *وَد* *Wodd*, & *سواع* *Sowâ*, & *يغوث* *yagouth* & *يعوق* *yäouk* (vel *yogouth* & *yöouk*,) & *نيسر* *Nesr*. Illorum autem temporum *Sacerdotes* (non obstante præconio *Noæ*,) dixerunt *لا تتركوا عبادَةَ اللَّهِ* *ne relinquitte cultum deorum vestrorum*, scil. *وَد* *Wodd* qui (inquit *Commentator Perficus*,) erat in figurâ *Hominis*, & *Sowâ* in figurâ *Mulieris*, & *Yagûth* in figurâ *Leonis*, & *Yäûk* in figurâ *Equi*, & *Nesr* in figurâ *Vulturis*. *Arabes* autem videntur has formas eliciuisse ex appellativis horum Nominum significationibus. Deinde dictus *Commentator* addit, *وَادِنِهَا اسْمِي بِنِج مَرْن صَالِح كِه مِيَان آم*, *وَدوح* *Wodh* *ء م بودند كه مردم بدیشان اعتقادى تمام داشتند بعد از مرگ افشان را از چوب و سنگ پيكر ساختند و معظم آن مي نمودند و مردم ورفان بپرستش آن مشغول شدند و بعد از طرفان ابلهس لعين اين بتها را*

بغادرا بمرون آرون و عرب را پيرستش آن فرمون *Hæc fuisse inter Adam & Noab, (super quibus pax,) nomina quinque piorum virorum in quibus fidem integram habuerunt homines: & post eorum mortem, eis fecerunt Imagines ligneas & lapideas quas venerati sunt, & omnes in eorum cultu occupati fuere. Et post Diluvium, Diabolus maledictus ista Idola producens, Arabibus eorundem cultum præcepit. Et dein (pergit Commentator) homines Tribûs Beni Kelb coluerunt Wodd tempore dynastiae الجندل AlGjendal, & Sowâ' colebatur in Tribu Hodbeil, & Yagûth juxta littus maris eligebatur à Beni Atîph & Beni Morâd, & Yâûk erat in Hippodromo ٢٢٥ Hamadân, & Nefr erat numen Arabum ذي الكاع [وادي ١.] incolarum Vallis di' lCâgh, si rectè legerim malè exaratum. Ait autem Beidâvi, Nefr erat Idolum ٢٢٥ Him'yar in Arabiâ felice. Atque aliunde constat, quòd Manât erat Idolum Tribuum Hodheilitarum & Choraatarum inter Meccam & Medinam, ubi etiam Yagûth & Yâûk. At AlLâtt, si rectè memini, colebatur in Mecca, ubi etiam Al Uza.*

In Indiâ passim cernuntur Statuæ, ad X aut plurium cubitorum altitudinem, è rupibus excisæ: non autem pari cum duabus superioribus arte elaboratæ. In Persarum Libris memorantur مرخ و خدل Murc'b & C'hanâl Paganorum Idola duo, quæ manè ridere & vespere flere solebant, uti jam fabulantur Orientales.

Clemens Alex. I Stromatum, Εἰσὶ δὲ τῶν Ἰνδῶν οἱ βῆτα πειθόμενοι παρ' ἀγγέλμασιν, Sunt ex Indis qui Buttæ præceptis obsequuntur, quem, ob Sanctitatis excellentiam, ut Deum colunt. Clemens sc. credebat Buttam fuisse Brachmanum quendam in Sanctorum catalogum ab eis relatum. Si fortè particularem aliquem defunctum sub eo nomine coluerint, cur eum donârunt nomine Butt, inde factum videtur, quia linguâ Persicâ بت Butt significat Idolum in genere, quod Arabes in suam linguam assumptentes, illud mutârunt in بد Budd, eodem sensu. Et cùm Indorum lingua communis admista habeat multa Persica, inde & hoc nomen ad Indos propagatum: & Idolum quod in Insulâ Selân; seu seylon colitur, eodem nomine gaudet. Et hinc (quod inter Mithræ Iconismos,) Doctôr religionis, seu Sacerdos, Selanensium linguâ vocatur Budum, fortè sonandum Bu-ndum; & grandis illa Arbor sub quâ dictum Idolum colitur, audit Budum-ghàs, seu contractè Boghàs, i. e. Sacerdotum Arbor, quæ Lusitanis in Indiâ degentibus Arbor Diaboli nuncupatur. Estque suo genere grandis, habens Tiliæ folia semper tremula, sive Ventus flet, sive non, ut me olim docuit Doctissimus Hermannus oculatus testis: fortè Populi aliqua species. Aliàs etiam

habent Templa lapidea. Sed sub istâ arbore est *Area* variis circularibus sepimentis inclusa, cujus mediam partem tanquam *Adytum* adiri prohibent Sacerdotes, prætendentes esse periculosum: eam tamen partem per vim aliquando adiit *Europæus* quidam, nec damnum sensit. Talia fiunt non tantum in *Selân*, seu *Serandîb*, sed & in *Gjrvadîb*, † & alibi. *Butta* autem est *Idolum* appellativè: & *Butta* sic præcipit, i. e. *Idolum* sic præcipit.

Istæ tamen Idololatricæ Gentes non planè ignorant *Deum*, quippe qui ab eis linguâ *Indicâ* agnoscitur *كرتار Kertâr*, *Factor* omnium rerum, & *سرجانبار Sergjanbâr*, *Creator* Mundi. Sic etiam ab Idololatricis *Cbinesibus* *Deus* vocatur *Tien Cbû*, i. e. *Cæli Dominus*, & *Sbangb Ti*, i. e. *Supremus Magister*, seu *Imperator* universi. Attamen semper colunt *Fe*, & *Pu-ça*, &c. credentes rerum inferiorum Gubernationem his esse commissam. Quin & in quibusdam *Cbinesium* Templis Idololatricis visuntur procerrima *Idola* tria, diversæ altitudinis gradualis, simul stantia, quæ putantur ex veteris ibidem *Christianismi* reliquiis Sacrosanctam Trinitatem repræsentare.

Qualis & quàm multiplex fuerit Canaanitarum Idololatria, (quæ etiam nimis vicinos Judæos infecit,) omnibus ex parte notum est. Placet heic subijcere ex Libro *Jalkut* [fol. 61, col. 4,] ea quæ ibi notantur ad *Jer. VII. 31*, qualis fuerit cultus *Molechi*, seu *Martis*, de quo sequente modo narratur: *Etsi fuerint omnes Domus Idololatricæ in ipsâ urbe Jerusalem, ea tamen Molechi fuit extra urbem, in loco separato. Quomodo Molech erat factus? Imago erat [ærea inquit R. Salomon ad Jer. VII. 31,] habens faciem Vituli, manus expansas, instar hominis manus aperientis ut ab alio aliquid acciperet, intrinsecus excavata. Septem ipsi extructa fuere Sacella, seu Tabernacula, ante quæ Imago ista fuerat collocata. Avem, seu Pullum columbinum offerens, primum Sacellum ingrediebatur: Ovem aut Agnum, secundum: Arietem, tertium: Vitulum, quartum: Juvenum, quintum: Bovem, sextum: qui denique Filium proprium offerret, septimum ingrediebatur Sacellum. Hic Molechum osculabatur; juxta illud, Sacrificatores hominum, Vitulum osculantur, Hof. XIII. 2. Filius ponebatur ante Molechum, qui igne supposito succendebatur, donec ignitus fieret instar lucis. Tunc Sacrificuli acceptum infantem candentibus Idoli manibus indebant: ac ne parens ejulatum ac clamorem pueri audiret, tympana pulsabant dicta תפפים tuppim, unde & locus dictus est תופת Tophet, ut suprâ pag. 29, ex Plu-*

† Vid. Append. No. V.

tarcho notavimus. Aliquando traducebant Filios *per Ignem*, quod à priori diverſum.

Molech (ut videtur) habens VII Tabernacula extra illa collocabatur, cùm idem individuum in ſingulis collocari non poſſet. Sed quæ habebant unum tantùm Tabernaculum, ſeu Sacellum, collocabantur intra illud tanquam in *Tuguriolo*. Sic memoratur Tabernaculum Dei veſtri כִּיזֵן *C'hizân*, qui كيروان *Keirvân*, i. e. *Saturnus*: qui in Verſione Græcâ (quaſi evanidâ parte literæ כ, legendo כִּי *Revan*,) per *Mem* Epentheticum legitur *ρίμψαν*.

Dictus Sabaiſmus non tantùm per Orientem, ſed & per Occidentem obtinuiſſe conſtat, cùm veteres Gentes Europææ, (ſc. *Teutones, Germani, Sueci, Goſbi, Dani*, &c.) Planetas etiam coluerint, Statuas eis erigendo, uti teſtantur, tam Antiquitatis Monumenta omnia, quàm *Dies Septimana*, ad hodiernum uſque diem, à Planetarum *Regentiâ borariâ* denominati; qui mos ab *Ægyptiis* deſumptus. Huius rei meminit *Dion Caſſius*, & ex eo *Xiphilinus* in *Epit. Dionis Gr. Lat.* p. 142: *Ab Ægyptiis profeſtum eſt ut Dies ſecundum VII Planetas nominentur.* — Planetarum ordo ſecundum *Ægyptios*, eſt *Saturnus, Jupiter, Mars, Sol, Venus, Mercurius, Luna*. Secundum hunc ordinem ſi *Horas Diei Noctiſque* recenſueris, reperiſ ſ primam Diei *ἐπιούρας, Soli* tribui. Rurſus in eiſdem XXIV *Horis ſupradictâ ratione perges, Lunæ primam Horam Diei tertii aſſignando*. Hæc eſt vera ratio cur *Dierum* denominatio non ſequatur dictum Planetarum ordinem, qui ſemper interrumpi videtur, & unus Planeta ſemper intermitti, cùm à Die *Solis* ad diem *Lunæ* & deinde ad diem *Martis* tranſiliatur. Sed quia fortè non omnibus in promptu ſit hoc intelligere, ſequente exemplo illuſtrabitur. Præmittendum verò eſt, quòd quando auditur *bora ſeptima*, mox debemus dicere, *Eſt jam bora oſtava*, ſcil. (contra quàm vulgò creditur & reputatur,) intelligi debet *oſtava bora inchoata*; nam ſeptimâ jam completâ & finitâ, tunc incipit oſtava; quæ etiam completa & finita erit quamprimùm ex Horologio audita fuerit Hora nona: nam ſonante Horologio, tunc ſemper finitur Hora quæ eodem momento ſonatur. Et ſonatâ Nonâ, poſt ſemihorium, tum dicimus, *Eſt jam media decima*: ſc. jam elapſa eſt Horæ nonæ dimidium, & reſtat aliud *Dimidium boræ uſque ad Decimam*: non autem tunc erat *Dimidium Horæ poſt Decimam*, ut vulgò creditur & à *noſtratibus* vulgò perperam intelligitur. His præmiſſis, & rectè ſtatuto Horarum in communi ſermone Initio & Fine, ponemus Exemplum, quòd ſcil. *die Saturni* horâ oſtavâ *Saturnus* ſupponatur in inferiora influere, quæ itaque

itaque ab *Astrologis* vocatur *Hora Saturni*: & percentsitis VII Planetis, (unâ horâ singulis attributâ,) *Hora Saturni* erit rursus *tertia post meridiem*; & rursus *decima vespertina*: & deinde *tertia nocturna*; & rursus *decima matutina*: & sic deinceps numerando, post singulas *septenas* horas, ejus vices redeunt. Dum autem secundum hunc censum numeramus, Solis vices veniunt sequentis diei *horâ octavâ matutinâ*, qui ideo dicitur *Dies Solis*. Et, si pergitur hoc modo numerare, *tertii* diei *horâ octavâ* venient vices *Lunæ*, qui itaque dies vocatur *Dies Lunæ*. Et eâdem ratione reliquorum Planetarum nomina Diebus sibi propriis imposita fuere: quia nempe talis Planeta censetur peculiarem influxum emittere & omnia regere sui diei *horâ assignatâ*, sive sextâ, sive septimâ, sive potius octavâ: & sic quâvis octavâ deinceps horâ. Et secundum hunc ritum *Astrologi* in Quæstionibus horariis semper dicunt, Hæc est *Hora Saturni*, vel *Jovis*, *Martis*, aut cujusvis tandem Planetæ; quorum vices (percentsitis *rois* VII) octavâ deinde horâ redeunt, idque per totum *Septimanæ*, *Menfis*, & *Anni* circuitum: & sic deinceps in æternum. Supradicta de *Horarum* initio & fine, sunt ad distinguendum inter computationem *vulgarem* & computationem *Astrologorum*. Vulgò enim putamus, quòd quando ex Horologio audita est aliqua *Hora*, ea tunc inchoatur: ex. gr. auditâ primâ, putamus esse initium horæ primæ, quæ durare censetur donec audiatur secunda: & sic deinceps. Usus autem apud *Astrologos* est planè contrarius, sc. ut auditâ aliquâ horâ, ea tum censetur finita: nam ex Horologio *auditâ primâ*, tunc reputant finiri horam primam, & eodem momento tunc statim inchoari horam secundam. Et postea *auditâ secundâ*, tunc eam finiri, & eodem momento inchoari *horam tertiam*. Et sic deinceps.

Hujus Capitis subiectum hoc modo ita breviter strinximus & parciùs tractavimus, cum præter scopum erat de Gentilium Religione accuratius & prolixius agere. Infinitum esset reliquam eorum Idololatriam persequi, quod integrum Librum postularet: ideoque supersedendum duxi.

CAP. VI.

De Persarum custodiâ Aquæ, simul & Ignis.

PERSÆ erant quatuor Elementorum Custodes & Curatores : unde à Græcis & aliis perperam vocantur *Cultores Elementorum*, qui erant tantum *Excultores*. Cum enim Elementa essent prima omnium rerum Semina, illa in honore habebant, & eo nomine, in primitivâ suâ puritate conservare studebant. Hoc modo Aërem ita honorabant ut à fœtoribus (quantum esset possibile) immunem servarent : & propter officiosam illam dignationem & reverentiam, *Herodotus*, suo more, eos repræsentat, quasi Aërem habuissent Deum, totum (inquit) *Cæli gyrum, Jovem existimantes*. Et ut Terram servarent puram, mortuos suos non humabant, sed Avibus & Feris vorandos & in eorum visceribus sepeliendos relinquebant, ut hoc modo sisteretur fœtor ; ut de his suprâ diximus. Omnia itaque Elementa servare pura, erat magnæ Pietatis Opus, & tam in hoc Mundo quàm in altero meritum : nam maximè addicti erant puritati, omnem immunditiem fugientes & procul arcentes. Præcipuam autem curam impendebant in Ignem & Aquam, utpote quæ essent contaminationi maximè obnoxia. Græci istam curam & civilem reverentiam vocant *Adorationem*, & multa falsa eis imputant. Sic *Procopius lib. II*, cap. 24, dicit in *Ardabiganis* esse Μέγα πυρῶον — ὃ οἱ ὅσων Πύρρον θεῶν μάστιξ. Ibi Ignem inextinctum foventes Magi, cum alia Sacra procurant studiosè, tum παντὶς ἐς τῶν πραγμάτων τὰ μέγιστα χροῖται, i. e. in gravioris momenti rebus ut Oraculum consulunt. Sic etiam *Agathias*, ait, *Quid ignem τῶν ἱερῶν πέρι ἀναπνέοντων, de futuris rebus sciscitabantur* : sed fides sit penes autores, cum tale quid aliunde non constet. Et apud *Herodotum* dicitur libatum fuisse mari ; *Xerxes in Græciam trajecturus, ex aureâ phialâ libavit mari : & postea Phialam projecit in mare, unâ cum Acinace Persico*. Hoc fortè inter *Herodoti* mendacia numerandum, quasi telo acuto violentiam faceret sacro Elemento. *Herodotus* etiam p. 477, narrat de *Xerxis* exercitu quid fecerunt apud *Strymonem* fluvium, cui Magi mæstatis Equis candidis litavère, aliis etiam quamplurimis medicamentis in fluvium jactis. At

Diog.

Diog. Laërtius refert, *Qui res Magorum scripserunt, Herodotum refellunt: nec enim Xerxem tela in Solem jecisse, nec compedes in mari demisisse; quorum utrumque Magi Deum esse arbitrantur.* Miror quid mali *Herodoto* fecerit *Xerxes*! Dolendum quodd antiquissimus Scriptor addictus fuerit mendaciis! *Plutarchus* integrum Libellum contra ejus mendacia scripsit in uno genere: quem si de omni genere scripserat, in crassum Tomum excrevisset. *Job. Chrysost.* Tomo I, p. 67, eodem modo errat de Persis, *Θεὸς παρὰ τοῖς Πέρσαις νομίζεται τὸ Πῦρ, ἡ τιμῶσιν αὐτὸ μετὰ πολλὰς διεργασίας οἱ βαρβαροὶ οἱ τὴν χῶρον ἐκείνην οἰκῆντις ἐπὶ καὶ ἡν. Suidas, οἱ Πέρσαι τὸ Πῦρ ὡς Θεὸν ἰσχύοντο.* *Strabo* ait, τῷ πυρὶ καὶ τῷ ὕδατι θύουσι. Et *Socrates* ait, *Reges ἐν οἰκῷ τινὶ τὸ διηκνέειν πῦρ πεσοκύνει.* Hæc omnia, & ejusmodi alia apud Autores extantia, monstrant, talem fuisse exterorum omnium vulgò receptam opinionem; quam tamen ego audacter & peremptoriè assero fuisse vulgarem errorem. Et (quod potius ad præced. cap. pertinuerat,) *Justinus* ait quodd *Solem esse unum Deum Persæ credunt.* Et *Strabo* XI, *Θεὸν δὲ ἥλιον μόνον ἡγῶνται, τῷ δὲ ἰπποθῦσι.* Bone Deus, quanta sunt hæc mendacia! Quæ tamen non licuisset detegere, nisi Persarum res meliore autoritate novissemus. Hæc itaque sunt impossibilia & absurda: nam qui verè Deum toto corde & animo colunt, non possunt quidvis aliud colere cultu divino: sed Persæ verè colunt Deum, ideòque non potest esse verum quodd colant quidvis aliud cultu divino. Irregulare quidem erat in *Xerxe* defodere vivos apud novem vias *Edonorum*, (si verum fuerit,) cùm hoc modo Terra inquinaretur. Nec licitum erat eo modo Aquam inquinare, ut *Tacitus* in *Annalibus* Lib. VI, de *Tiridate Armenorum* Rege refert; *Tiridatem* cùm videret *Vitellium* cum copiis ad alteram *Euphratis* ripam consistentem, placando *Anni Equum* adornasse, prosperi transgressus causâ. Hoc inquam non erat probabile, cùm ejusdem *Tiridatis* cautela ab iniquatione Aquæ pateat ex eo quodd notat *Plinius* lib. XXX. 11, *Tiridates Magus, ad Neronem veniens, navigare noluit, quia expuere in maria, aliisque mortalium necessitatibus violare naturam eam, fas non putavit.* Ideòque prædicta illa erant falsa, cùm contraria de eodem homine non possunt esse simul vera. Aliàs autem Reges ex plenitudine potentiae aliquando fecerunt res extraordinarias & violentas, quæ orthodoxo *Magismo* non annumerandæ, ut cremando *Amasis* cadaver, cujus alibi mentionem fecimus. Is autem qui Aquam aut Ignem sponte inquinabat, putabatur morte dignus in hoc Mundo, & æterno supplicio in altero: & quicumque Ossa cadaverosa in aquam iniecisset, certò damnatus credebatur. Magi itaque ubicunque fuerint, omnibus

omnibus sibi vicinis aquis invigilabant, assignatis Custodibus, quorum erat ei unicæ rei operam dare. Eademque Vestalibus non tantum Ignis, sed & Camænarum Fontis & omnis Aquæ custodia demandata fuit: non autem ut eâ aspergeretur Vestæ Templum, ut existimat *Lipſius*, sed quia omnem sibi vicinam aquam tueri debebant. Hujus rei exemplum est id quod in amœnissimæ urbis *Samarcandæ* descriptione refert *Jacutus*, Geographus Arabs, *Quòd ad rivum* [Sogd] *qui mediam urbem perfuit, tam hyeme quàm æstate pernoctant Magi, eundem Rivum custodientes; ad quos idèò, piæ donationis jure, frugum ripalium pars annuatim pertinet in perpetuum.* Nam cum Deus nullâ artificiali Imagine repræsentari posset, de eis refertur, quod putent Aquam & Ignem in puritate servata, esse solas Dei Imagines in terris. Sic ex *Dinone Clemens Alex. in Protreptico* ait, τὰς Πέρσας, καὶ τὰς Μήδας, καὶ τὰς Μάργας, θύειν ἐν ὑπαίθρῳ τέρας ὁ Δείνων λέγει, θεῶν ἀγάλματα μόνον τὸ Πῦρ καὶ τὸ Ἰδωρ νομίζοντας.

Imò Persæ existimant peculiari Angelo demandatum esse tueri Aquas, cui nomen est *Ardisûr*, seu *Arduisûr*, cui etiam peculiaris *Niy-âish*, seu *Laudatio*, præscripta est, ut legimus in eorum Libris,

ارسعوسوسدوسرودورن يعني دريا ورون وچاه وچشمه

Laudatio τοῦ Ardisûr, gratia Maris, & Fluminum, & Putorum, & Fontium,

Laudando eum pro tali tuitione, & precando ut in eâ pergat, Deo gratias agendo pro talium usu & utilitate, & pro beneficiis quæ ab hisce Elementis accedunt hominibus. Is itaque Aquis præest: & quod sit Angelus, constat ex nuptiali Formâ, ubi inter Benedictiones Nuptiales quas Sacerdos apprecatur nuptis, (ut sc. unus Angelus det eis talem Benedictionem, & alius Angelus aliam Benedictionem,) inter istas inquam Benedictiones Angelorum quibus hominum custodia demandata est, additur & sequens apprecatio quæ heic subjicitur,

باسدوسوسدوسرودورن

Rivos aquarum Arduisûr det, scil. hisce matrimonio junctis.

Et quidem pro fideli Aquæ & Ignis custodiâ, promittitur magna remuneratio: sic enim in Libro *Erdavirâph-nâma* narratur, uti in Capite de *Statu Paradisiacorum* p. 232, 233, legitur, quod quando *Erdavirâph*, Persarum Legislator ultimus, à Gabriele à loco ad locum in Paradiso deductus est, in uno loco vidit Populum felicem vultu ad instar Lunæ & Solis, amictum tamen alio colore, ita ut tale quid in toto Mundo nunquam auditum aut visum fuerat: isti multis aliis etiam Felicitatis signis splendebant. Cùmque quæreretur, Quales hi

C A P. VII.

De Vestâ Romanorum & Græcorum.

Postquam (ut supradictum) jussu Divino in Templo Hierosolymitano institutus esset Altaris Ignis perpetuus, & quotidie offerretur *עולת חמיד Sacrificium juge*, eò quòd quotidie & perpetuò ab aliquibus peccaretur; ad hujus imitationem etiam Gentes Æternum Ignem fovendum curabant, novum huncce Religiosum Ritus veteri suo Sabaismo, seu Solis & Planetarum ac Elementorum cultui, superaddentes; existimando melius esse Religione suâ abundare, potius quàm in aliquâ ejus parte deficere: sic enim erat eorum mos, nova quævis amplecti, eaque veteribus accumulare; donec tandem egregiam & inexplicabilem Rituum farraginem confarcinâssent. Præcipua enim quæ Deus pro suo cultu instituerat, per Ethnicorum ignorantiam, & imperfectam de illis rebus cognitionem & incertam traditionem, in usum superstitiosum pertracta sunt. Sic erant *Urim & Thummim*, pro quibus *Arabes* habuerunt *تميم Temima*, seu *τέλιμα*, scil. eâdem vocis vi pollente nomine. Et *Phylacteriorum* vice venerunt *Arabum* *تأويل Tá'wîl*, *Præservativa*, seu *Averrunca*, & *حمائل Hamâil*, *Appensoria*, seu *Amuleta*. Quædam *Telestmata* videntur à Deo permiffa: qualia erant *Aurei Hemorrhoides*, atque *Serpens æneus*, qui ab ipsis etiam Israelitis in abusum pertractus & pro Idolo tandem habitus; qui igitur à piis & orthodoxis postea per contemptum dictus est *נחשתן Nebûsthan*, æneum quiddam; idèoque rejectus & abolitus est.

Judæi quidem olim, pro Sacrificio jugi in Templo Ignem in Altari alebant perpetuum: & ne fortè Ignis extingueretur, Lampadem habebant in Templo, uti & hodie in Synagogis suis servant Lampades, quarum saltem una die noctèque semper ardet: & publicarum Precum tempore, ejusmodi plurimæ, vel saltem accensæ Candelæ, per totum Synagogæ circuitum in summo muro appensæ & lucentes cernuntur, Cumque Judaica Religio per Orbem percrebresceret, evidentibus miraculis confirmata, & Dei præsentia ejusque familiari colloquio comitata, & Divina Lex è terribundis tenebris & Igne cum tonitruis in conspectu Gentium tradita in cacumine Montis *Sinai* in Arabiâ, & Israelitæ per *Mure rubrum* summo miraculo traducti; hæc inquam

omnia (cum perpetuis Victoriis, & Aquâ à petrâ elicitâ, & ductu Nubis & Ignis Israelitas præeunte,) justissimam admirationem in omnibus totius Orbis Gentibus genuerunt, imitationemq; pepererunt. Hinc sparsis rumoribus & perlatis nuntiis factum, ut celebres evaderent Judæorum Ritus, inter quos Custodia Ignis; unde non tantum *Orientales*, sed & *Græci* ac *Romani* illustriorem hanc *Judaicæ* Religionis particulam sibi adsciverunt. Et, ut omnes alii fecerunt, sic etiam quoddam *Numa* suum *Ignem Sacrum* ejusque varium ministerium à malè intellectâ *Lege Mosaicâ* desumpserit, nobiscum sentit *Tertullianus* in Libro de *Præscr. Hæret.* p. 247, his verbis; *Cæterum si Numæ Pompilii Superstitiones revolvamus, si Sacerdotalia Officia, Insignia, & Privilegia; si Sacrificia, Ministeria, & Instrumenta, & Vasa ipsorum Sacrificiorum, ac Piaculorum & Votorum curiositates consideremus, nonne manifestè Diabolus morositatem illam Judaicæ Legis imitatus est?* Nempe, ut in Altari Judaico Ignis semper die nocteque ardere debuit, sic fecit *Numa*, adhibitis omnibus Ritibus & Ministeriis *Mosaicis*.

Numæ autem *Igni Sacro* à *Latinis* impositum est nomen *Vesta*; quod quidem factum est à *Græco* *Εστία*, mutatâ Aspiratione in *V*, ut in *Εσπέρα Vespera*, & in multis ejusmodi aliis. Et quidem *Εστία* videtur circa tempora *Mosis* in Linguam *Græcam* adscita vox, cum *Homeri* ætate esset vulgò ab omnibus recepta. Nam hoc non erat aliquod vulgare Ignis nomen, nec origine *Græcum*; sed exoticum. Ut enim suum *Ignem Sacrum* ab extra petiverunt, sic etiam unâ & nomen: nam *Εστία* est *Hebræo-Chaldaicum* אֶשְׁתָּא *Esta*, i.e. *Ignis*: adeò ut *Vestæ* sacrificare, sit *Igni* sacrificare. Cùmque *Εστία* planè sit ab *Esta*, videretur non tam per Spiritum asperum quàm per lenem legendum. Et ab eadem origine, in eundem usum, *Zoroastres* captavit suum אֶשְׁתָּא *Esta*, quo primariò *Ignis*, deinde *Liber Ignis* custodiam docens notari solet: & hoc apud *Persas* sæpè mutatur in *وَسْتَا*, *Vesta*, & *اَوَسْتَا* *Avestâ*, ut suo loco magis distinctè docebitur. *Procop. lib. I.* cap. XXIV, de *Perfarum* Igne loquens, addit, τῆς ἐστὶ τὸ πῦρ, ὅπερ Ἑστίαν ὠμάδην τι καὶ ἐστίοντο ἐν τοῖς ἀνω χρόνοις Ῥωμαίων, *Hic est ille Ignis quem Romani Vestam vocabant, & superioribus temporibus venerabantur.*

Romæ quidem, septingentis ante *Christum* annis, *Vestam* instituit *Numa Sennacheribo* coævus, circa initium Monarchiæ *Assyriorum*. Et sanè longè ante *Numæ* tempus *Græci* habuerunt suum πῦρ ἁγίου, quod primò à *Virginibus*, & cùm subinde vitarentur, à *Vetulis* ultra nubendi ætatem provectis, die nocteque fovendum erat *Delphis* & *Athenis* alibi: & si fortè extingueretur, non à communi culinari Igne

Ignem accendendum erat, sed à radiis Solaribus, aut alio curioso modo renovandum.

Non licebat eis jurare nisi per *Vestam* suam; atque Persæ solenniter jurantes, id faciebant coram Igne. *Vestæ* *Ædes* in vetustis Nummis Romanis cernuntur *rotundæ*. Secundum *Festum*, *Pemus* vocabatur locus intimus in *Æde Vestæ*, tegetibus septus, qui certis diebus circa *Vestalia* aperiiebatur. Ille dies religiosi habiti. Et quidem *Vestæ* Templum de die patuit omnibus, & masculis interdum ingredi licebat; noctu autem non item, nam ibi pernoctare nefas fuit omni masculino. Nec ulli unquam *Viro* hujus Templi Penetralia adire licuit, sed solis *Virginibus Vestalibus*, quæ Secreta Domus celare tenebantur: cum ibi servaretur Romani Imperii *Pignus*, quod à Doctioribus creditur *Palladium*, (seu parva *Pallas* IV cubitos longa,) quod nulli nisi Vestalibus videre licuit; ut hac ratione religiosius servaretur dicti Pignoris Veneratio: cum nimia familiaritas contemptum peperisset, sed ignota veneramur sciendi aviditate allekti. Nam in *Vestæ* Templo *Simulacrum* erat nullum ab hominibus colendum, sed tantum *altior* quidam *Focus*, (ut in *Persarum Pyreïs* hodiè cernitur,) seu Ara in qua *Vestæ* sacrificabant, dicente *Pausaniâ*. Nec opus erat *Simulacrum*, cum Ignis esset sola Dei Imago. Nec *Vestæ* propriè sic dictæ ulla erat *Effigies*: quid ergò vult D. *Dempsterus* nescio, dum dicat Romanos ferè singulis Domibus habuisse ad fores *Vestæ effigiem*; quæ tamen (ni fallor) non erat *Vestæ*, sed *Hecate*. Nisi fortè id velit quod affert *Cæsar. Rhodiginus* p. 562, scil. *Vestam* quibusdam haberi *Terræ Animam*, aliis *Terram*, quam veluti Mulierem fingeant Tympanum gestantem, quoniam Ventos in se contineret.

Frequentia videntur fuisse Sacrificia; eaque non tantum interdum, sed & noctu: nam *Seneca* in Lib. I. de *Providentiâ*, memorat *Sacras Vestales noctibus excitari solitas ad faciendâ Sacra, dum aliis profanis somno indulgere licebat*. Virgo autem sacrificatura habebat Tempora redimita Vittâ, seu Tæniâ lancâ, de qua videri possunt plura in *Lipsii Tract. de Vestâ & Vestalibus*, cap. XII. Capiti quoque impositam habebat & ab eo dependentem promissiore Stolum albam, prætextam, quadrangulam oblongam, quæ Fibulâ comprehendebatur: & in manu *Suffibulum* tenebat, dicente *Festo*. Stolæ autem, seu Togæ (si ita appellare liceat) Lacinia erat in humerum rejecta, ne sacrificantem impediret. *Suffibulum* à quibusdam perperam accipitur pro Vestalium dictâ Stollâ, seu Pallâ, ab humeris retrorsum dependente & antè sub gutture confibulato. Sic Lexicographi. Sed ut à *Tbure* fit *Tburebulum*,

ribulum, sic dicendum est quodd à *Suffitu*, seu *Suffiendo*, fit *Suffibulum*. Et hoc sensu accipitur ab iis qui de Nummis scribunt, qui Vestalem describunt cum *Suffibulo*, seu *Paterâ libatoriâ*, hoc modo exponendo quid sibi velint per *Suffibulum*.

Virgines Vestales erant primò *Quatuor*, deinde *Sex*; non autem *XX*, ut quidam volunt, sed ex *Viginti selectæ*. Hæ, quia sacerrimæ habitæ, malâ morte mulctandæ erant, si impositam Castitatis Legem transgrediebantur: tunc enim *vivæ in terrâ defossæ sunt & suffocatæ*. De his *A. Gellius lib. I, Cap. XII, ex Labeone Antistio* docet qualis esse debeat Vestalis Virgo, scil. *Minorem quam annos VI, majorem quam annos X natam negaverunt capi fas esse. Item, quæ non sit patrima & matrima. Item, quæ linguâ debili sensûve aurium deminuta, aliave quæ corporis labe insignita sit. Item, quæ ipsa, aut cujus pater emancipatus sit: etiam, si vivo patre, in avi potestate sit: item, cujus parentes alter amborve servitutem servierunt, aut in negotiis sordidis deversantur. Sed eam, cujus soror ad id Sacerdotium lecta sit, excusationem mereri ajunt: item, cujus pater Flamen, aut Augur, aut XV vir S. F. aut qui VII vir Ebulonum, aut Salus est. Sponsæ quoque Pontificis, & Tibicinis Sacrorum filia vacatio à Sacerdotio isto tribui solet. Præterea Capito Atejus scriptum reliquit, Neque ejus legendam filiam qui domicilium in Italiâ non haberet, & excusandam ejus qui liberos tris haberet. Virgo autem Vestalis, quæ simul est capta atque in atrium Vestæ deducta & Pontificibus tradita, eo statim tempore, sine emancipatione, ac sine capitis diminutione, è patris potestate exit, & jus testamenti faciundi adipiscitur. De more autem ritûque capiundæ Virginis litteræ quidem antiquiores non exstant, nisi quæ capta prima est, à Numâ Rege esse captam. Sed Papiam Legem invenimus,—quâ cavetur ut, Pontificis Maximi arbitratu, Virgines è populo viginti legantur; sortitioque in concione ex eo numero fiat; & cujus Virginis ducta erat, ut eam Pontifex Maximus capiat, eaque Vestæ fiat. Sed ea sortitio ex Lege Papiâ non necessaria nunc videri solet: nam, si quis honesto loco natus adeat Pont. Max. atque offerat ad Sacerdotium filiam suam, cujus duntaxat, salvis religionum observationibus, ratio haberi possit, gratiâ Papiæ Legis per Senatum fit. Capi autem Virgo propterea dici videtur, quia Pontificis Maximi manu prebensa, ab eo parente (in cujus potestate est,) veluti bello capta abducitur. In libro primo Fabii Pictoris, quæ verba Pontificem Maximum dicere oporteat, scriptum est. Ea verba hæc sunt:*

SACER-

TAB. IV.



Vestales ministrantes.



Vesta templum.

pag. 193.



Vestulis cū tomone et globo effundens libationem.



Vestalis manu tenens simpulum.



Vestalis armata, manu tenens Palladium.

Atmodum Reverendo in Christo Patri JOHANNI dio. perm. Episcopo Olfertensi, haece Vestalium Icones ex vet. nummis desumptas, Gratiitudinis ergo & lubens morisq. D.D.D. Autor T. H.

SACERDOTEM VESTALEM QVAE SACRA FACIAT
 QVAE IOVS [Jovis] SIET
 SACERDOTEM VESTALEM FACERE
 PRO POPOLO ROMANO QUIRITIBVSQUE
 VTEI QVAE OPTVMA LEGE FOVIT, [fuit,]
 ITA TE AMATA CAPIO.

In *Com. Labeonis* quæ ad XII Tabb. composuit, ita scriptum est, *Virgo Vestalis neque bères est cuiquam intestato, neque intestatæ quisquam: sed bona ejus in publicum redigi ajunt: id quo jure fiat, quæritur?* *Amata*, inter capiendum, à *Pont. Max.* appellatur, quoniam quæ prima capta est, hoc fuisse nomine traditum est.

Aliquando offerebant Holocausta, quæ à seniore Virgine sacrificari debebant, ut canit *Ovidius* in IV *Fastorum*,

Ignem cremat Vitulos quæ natu maxima Virgo est.

Vitulos cremandi Ritus nondum vidimus in Nummis. Sed frequentioris usûs erat Libatio. Et quidem hujus rei Ritus visitur in *Galbæ* Nummo, ubi est *Temo* & *Globus*, & persona aliqua in Arâ sacrificans. Globus fortè vult, *Vestam* aliquando *Terram* significare.

Tricennale tempus, quo ministrare tenebantur Vestales, partim discendo, partim docendo, & partim exercendo infumebant, nempe Decennium in singulis. Harum senior dicebatur *Maxima*, ut suprâ *Ovidius* habet. Et quævis Virgo, cùm primò à Pontifice caperetur, (nam quasi vi arripi solebat, parentibus interim per præmia & aliter contranitentibus,) ab eo compellari solebat *Amata*, ut suprâ ex *Gellio* habes: at ea quæ, suâ vice, ad sacrificandum accincta, dicebatur *Armata*, auctore *Festo*. Ideoque eæ, in antiquis Nummis *stolatæ* stantes coram Arâ, alterâ manu tenent *Hastam*, alterâ vel *Suffibulum*, vel *Pateram libatoriam*. Aliquando (sc. summo imminente periculo Reip. seu Imperii ruinam minitante,) alterâ manu tenebatur *Palladium*, quod scil. in eodem Templo servatum, à nemine alio, ne quidem ab Imperatore, hoc impetrante, visendum. Aliis temporibus (nam varii erant Ritus,) Vestales

Vestales cernuntur *dextrâ Simpulum*, aliquando *Tympanum*, & *sinistrâ Taedam*, seu Facem ardentem gerentes, quia de nocte etiam Sacra facienda erant: atque *Camænarum* Fonti (qui dicente *Plutarcho* Vestæ facer,) tam interdiu quàm noctu invigilabant ejúsque curam gerebant, quod sine accensâ face vix fieri potuit. Nam ut de Persis suprà memoratum, Ignis & Aquæ cura erat tam in hoc Mundo quàm in altero meritoria, sic etiam apud Romanos (dicente *Suidâ*) Vestalibus Ignis & Aquæ cura demandata est. Præcipua itaque Vestalium cura erat Sacrificia ritè peragere, Aquam ab omni immunditiâ immunem servare, & Ignem die noctéque alere, ne extingueretur: nam grave erat & terribile Imperio omen, si sacer Ignis fortè extinctus esset. Quod si Virginum culpâ factum accideret, illa Virgo cujus vices erant Ignem curare, à Pontifice flagro admonebatur; privatim tamen, & interposito Velo, pudicitiz & modestiz servandæ ergò. Et tamen semel quotannis Sacrum Ignem extinguere libenter sinebant, exeunte & finito veteri Anno; ut cum felici omine novus accenderetur, ineunte novo Anno, inchoato à mense Martio, qui (ut suprà notatum) Igni facer, utpote qui ab igneâ Martis Stellâ denominatus est. Eorum itaque Annus tunc à *Martio* Mense inchoabatur: & (dicente *Macrobio*) *Primâ die Mensis Martii Ignem novum in Vestæ Aris solebant accendere; ut incipiente Anno, cura demò servandi novati Ignis inciperet.* Hoc indigitâsse videtur *Ovidius* in Libro *Fastorum*,

*Adde, quòd arcanâ fieri novus Ignis in æde
Dicitur, & vires flamma refecta capit.*

An novi Anni gratiâ hoc fecerint Persæ, non dicitur: sed idem facere solebant Persæ in honorem Regum, (hoc est, in morte veteris & inauguratione novi,) ut Ignis sacer aliquam cum eis sympathiam habere videretur; nempe, ut defuncto & extincto Rege, sacrum Ignem simul emori & sponte extinguere sinebant, eundem rursus, in novi Regis honorem, de novo accendentes; quasi insinuarent ab illis Regibus percipisse quicquid erat Sacrum, utpote cum eis ultrò moriens, & postea cum alio Rege reviviscens.

Quando verò apud Romanos Ignis de novo accendendus esset, (ut dicit *Festus*) *mos erat felicitis materiæ Tabulam seu Asserem terebrare, donec exiliret Ignis, quem cribro excipiens Virgo ad Aedem Vestæ ferebat.* Sic etiam *Simplicius* in *Aristotelem*, ἀπὸ ξύλων δὲ πῦρ ἐκβάλλουσιν, &c. Ignem ex Lignis excutiant, alterum Lignorum tanquam Terebram in altero circumvertentes. De hoc ritu apud Persas & alios Orientales postea

scēa differemus. *Plutarchus* refert, Si apud Græcos Sacer Ignis extinctus, non à communi Igne rursus accendebant; sed ex ipso Sole, (ei oppositis Scaphiis, seu Vasculis metallicis quæ cavata sint æqualibus lateribus reſtāngulis trigonis, unde emicantes Radii in quoddam centrum coacti;) applicatum fomitem accendebant. Hac nempe ratione putabant se Ignem cœlestem accepisse. Idem hodie solemus facere cum concavis *Ustoriis* metallicis; sed rotundā formā, quæ melior. His dictis & quoque multis aliis modis (scil. CI) Ignem sacrum de novo accendendum præscribunt Persæ, ut postea suo loco dicetur. At ubi ad continuandum Ignem Ligna defunt, oleo in Lampade Ignis inextinctus servatur, ut sit in minoribus Synagogis indotatis apud Persas.

Macrobius Saturnalium Lib. I, cap. 16, innuit datum fuisse Sacrorum Regem *Regulimeve* his verbis, Ad Regem Sacrificulum, seu Regem Sacrorum, Virgines Vestales certā die ibant, & dicebant, Vigilāsne Rex? Vigila. *Porphyrus de Abstinentiā* lib. IV, fol. 82, insinuat Puerum quendam sacrificare solere: Sicut enim in *Mysteriis* ὁ ἀπ' Ἐσίας λεγόμενος Πῦρ qui à Vestā dicitur Puer, exquisitè omnia quæ mandata fuerint agendo pro omnibus qui initiantur, Numen placat; ita in Gentibus & Civitatibus idem faciunt Sacerdotes, dum pro omnibus sacrificant, &c. *Alexander ab Alex.* Lib. III, cap. 12, dicit quod Vestæ, non Vino, sed de Numicio flumine, libabatur: idque colligit ex *Virgilit* Versu,

Hæc fontis stagna Numici. —

Sed videatur quòd Vino etiam libabatur, cùm *Juvenalis* canat,

Cum farre & vino Janum Vestāmque rogabat.

De Vestæ Ritibus copiosè differit *D. Dempsterus* ad *Rosinum*. VI dies Martii (qui est pridie Non.) sacer Vestæ erat, Thus in Focis adolendo. Et *Alexander ab Alex.* Lib. V, cap. 12, Vestæ siquando Vestales Virgines sacra libarent, vel rem divinam facerent, eo cultu ornatūque, ut erant, & vittatæ peragebant. Album tamen (ut supra) præterea vestimentum quod Suffibulum vocabatur, oblongum & prætextum & quadrangulum in capite fumebant, fibulæque subnectebant. Tum captā Molā & Sale tuso ac in ollam scitilem misso, mox in Aquam injecto, sacra faciebant: calicibusque scitilibus, quas Culillos dicebant, Vestæ & Diis libabant. Et idem *Dempsterus* p. 262, Vestalium Aræ adstantium & ministrantium Iconismum exhibet, additque, Item, V Idus Junii serice erant Vestæ, seu (ut *Varro* ait) Vestalis dies, ut Virgines Vestales Vestæ sacrificarent. Hoc die, Convivia passim ante Focos agitabantur, cibi

T.

etiam

etiam ad Virgines à civibus mittebantur Deæ Vestæ libandi; & Afini floribus coronati, atque è pane veluti Monilia quædam gerentes circumducebantur per urbem. Molæ item Sertis & Floribus ornabantur, & quiescebant. [Differt Mola afinaria à falsâ Molâ supradictâ.] De hoc Ovid. VI *Fastorum*,

*Ecce coronatis panis dependet Afellis,
Et velant scabras florida Serta Molas.*

Harum Cæremoniarum ac Rituum causas Ovidius explicat, viz. quòd olim nullum Molarum usus fuerit: sed Farra solummodo in Furnis Vestæ, hoc est, Ignis beneficio, torreretur consueverit; indeque mos servatus fuerit ut hoc die & Foci & Deus Focorum (quæ Vestæ est) à Pistoribus colerentur: & Afini, qui scil. primis temporibus, Vestæ beneficio, immunes à circumagendis Molis essent, cum nullus earum Romæ usus esset, vacarent & feriarentur. Sic ille. Cur autem iidem Afini floribus coronati Panes ex collo dependentes gestare solerent, hanc rationem affert, quia scil. Afini *Sileni* clamore, Vestæ è Somnis excitata, insidias & libidinem *Priapi* effugisset. Sic Ovid. VI *Fast.* versu 309,

*Venit in hos annos aliquid de more vetusto,
Fert missos Vestæ pura patella cibos.*

Vestales nudis pedibus ad Vestæ Templum ibant, quia (dicente Ovidio) eâ parte lacunæ essent, ut sicco pede Templum Vestæ adiri non potuerit; quod postea, in vetustatis memoriam, quamvis siccatis jam lacunis, continuatum est.

Quomodo Vestæ obtulerint Molam, consule Gyraldum Tom. I. p. 224. Et ibidem vide plura de Vestâ p. 524. At apud Alex. ab Alexandro Lib. V. cap. 12. totum est de Vestâ, prolixè & benè: non transcribam, sed Lectorem illuc remittam. Ab eo fortè suum de Vestâ Tractatum mutuaverit Lipsius; qui etiam narrat Ægyptios & Afros eundem morem servandi Ignem Sacrum habuisse. Has opiniones fovierunt Philosophi, de quibus Clem. Alex. p. 42, 43, *Parmenides Eleates* introduxit deos Ignem & Terram. Ex his, alterum solum Deum existimârunt, Ignem, *Hippasus Metapontinus* & *Epheus Heraclitus*. — *Heraclitus* & ejus Sectatores Ignem, tanquam ortus rerum Principium, colebant, qui Ignis illis dictus est *Ἡφαίστιος*, Vulcanus. Persarum etiam Magi Ignem coluerunt, & multi ex iis qui Asiam incolunt: quin etiam Macedones, ut ait *Diogenes* in primo Persicorum. Ne *Sauromatas* recenseam,

cenſeant, quos refert Nymphiodorus in Libro de Legibus Barbaricis, Ignem colere, aut Perſas & Medos & Magos?

In *Britanniâ* Minervæ Numen colebatur, in cujus Templo perpetui Ignes nunquam coaleſcere in favillos, ſed in ſaxeos globos verti ſerebantur, ex *Solino* cap. 35, ſub finem. Et *Cambdenus* in *Britannia* p. 747, in Comitatu *Kildar*, meminit Sanctæ *Brigidæ* ante 1000 annos Sancti *Patricii* Diſcipulæ, Cujus, inquit, miracula & Ignem inextinctum (tanquam in *Vestæ* adytis penetralibus) à Virginibus ſacris aſſervatum, cinere nunquam excrescente, Scriptores commemorarunt.

Vestam quoque coluiſſe *Scythas* ſeu *Sarmatas* tradit *Herodotus* p. 275, 276, *Scythas* colere Solem & Vestam ante omnes: dein Jovem, Tellurem, Apollinem, Venerem cæleſtem, Martem, Herculem, & Neptunum. Sed Simulacra & Aras, & Delubra non facienda putabant, præterquam Marti. Eorum linguâ *Vesta* dicebatur *Tabiti*; Jupiter, *Papæus*; Tellus, *Apia*; Apollo, *Oetofyrus*; Neptunus, *Thamimaſades*. Martis Templum fiebat Sarmenorum fascibus, ſub quibus erat ferreus *Acinacis*, qui Martis ſimulacrum, cui annuas Hoſtias immolabant; & plûs huic *Acinaci* quàm cæteris diis. Hoc fit *Acinaci*, quia per Gladium ſuum vivunt & alios devincunt. De *Scythis* quoque *Mongolis* ſeu *Mogolo-Tataris* ultra *Imaum* talia tradit *Job. de Plano Carpini*, qui circa CCCCL ab hinc annis apud eos fuit: Solem & Lumina & Ignem venerantur & adorant, & Aquam & Terram, eis Ciborum & Potis primitias offerentes, idque potiſſimum mandè antequam comedant & bibant: nam de cultu Dei nullam Legem observant. — Utuntur Incantationibus, &c. Et cùm ipſi à dæmonibus reſpondetur, credunt quòd Deus ipſis loquitur; quem Deum vocant *Ytoga*, ſed *Comani* eum *Cham* appellant. — Nam reverà colunt ſtatuum *Gingiz-chân*, & cogunt alios eandem adorare, vel ſe erga eam ſeſtere. Habent etiam Statuam in Curru ante Ordas ſuas, & alias Statuas è Filtro ad utrumque latus januæ: & credunt has tueri pecora ſua.

Apud Feſtum extat Barbarum nomen *Exſir*, quod exponitur Genus ſuſſitionis à *Vestalibus* parari ſolitæ. An ergò Artem Chemicam novērunt? Hoc enim videtur malè ſcriptum pro Arabico *إكسير* *Exſir*, ſeu *Icſir*, vulgò cum Articulo *ال* *El Icſir*, vel *Elixir*; quæ eſt Quinteſſentia Chemicis notiſſima, ſcil. purior & ſpiritualior pars ex craſſiore quâvis materiâ extracta per vim ignis, quæ in ignem injecta flammam auget eamque vehementiorem & exultantiorem reddit. Eſt itaque reverà *Extractio*, ſeu *Extractum*. Sed quoad primam notionem vocis *إكسير* *Icſir*, eâ ſignificatur *Fractio*; q. d. quando ex aliquo

corpore IV Elementis composito (uti est corpus naturale quodvis,) extrahitur aliquod *Quintum* ex eis omnibus conflatum, id itaque *Quinta-essentia* vocatur: hæc fit, ea IV Elementaria corpora penetrando & quasi frangendo, quæ itaque perfracta relinquuntur, dum per ea per-rumpitur extrahendo tale *Elixir*. Et eadem videtur ejusdem vocis vis apud *Mathematicos*, ubi in dimensionibus Terræ, Diametri ejus Di-men-sio, seu quantitas, per cubitos seu pedes numerata, in Libris *A-rabiciis* vocari solet *اَكْسِير الارض* *Icsir terræ*, q. d. per medium ejus *perruptio*, ut talis ejusdem mensura eliciatur.

C A P. VIII.

De Vestâ Persarum, seu de Ignis custodiâ apud Sacerdotes Magos. De antiquis Pyreis ante Zoroastrem. Et Manugjabri Regis Oratio pia, &c.

SI vox *اِسْمَا* *Esla*, seu *وِسْتَا* *Vesta*, originaliter significat Ignem, hi (si opus sit) vocari possunt *Igniarii Sacerdotes*, seu *Vestales Viri*, qui erant uxorati: nam tam his quàm omnibus aliis jussum est nu-berè, quia procreatio Liberorum qui futuri sint *Fideles*, meritorium est in hac vitâ & in alterâ. Isti autem qui ab aliis vocantur *Sacerdo-tes Ignis*, meliùs merentur vocari *Sacerdotes Dei*, (uti reverà erant,) quamvis circa Ignem & ejusdem custodiam versati, uti erant Judæo-rum Sacerdotes, quorum erat Altariis Ignem perpetuò alere & inex-stinctum servare. Atqui nec horum nec illorum totum negotium erat circa Ignem, sed & Preces publicè recitare & alia Officia Sacerdota-lia & Ecclesiastica quotidie præstare, ut alibi in suo loco docebitur, ubi ministrandi modus monstrabitur. Quia verò, unà cum cultu Dei Omnipotentis, nimis officiosi erant circa Ministerium Ignis, *pyrodu-liam* quandam erga eum exercendo & præstando, *Græci* & *Moham-medani* (ut alibi innuimus,) hæc videntes & ignorantes quòd reverà colebant Deum, perperam imaginati sunt totam eorum Religionem consistere in solâ illâ *pyroduliâ*, seu civili cultu Ignis, eosque circa eam solam versari, non dubitantes ergò eos absolute *Atesh-perest* seu *Igni-scolas* nuncupare, cum aliis opprobrii nominibus, quæ posthac suo loco recitantur. Isti nunquam peccata sua confitentur, nisi Deo, nec eorum remissionem petunt nisi ab illo: sed tamen amant hæc facere *coram Re Sacrà*, scilicet *coram Igne*, aut *Sole*, tanquam *coram teste*. Nam
ut

ut Judæi in Templo confitebantur Deo peccata sua, dùm Ignis facer arderet juxta eos, sic Persæ Deo confitentur peccata sua, Igne sacro ardente juxta illos. Et ut Judæi tenebantur tam alia Ministeria facere quàm Ignem sacrum die nocteque alere, sic & Persæ. Hi ergò non sunt magis Sacerdotes Ignis quàm erant Sacerdotes Judaici: cùm utriusque munus esset tam Ignem quàm alia Ministeria curare, eisque suis vicibus attendere & excubias agere. Si itaque alicui libet esse malitiosum, potest Judæorum Hierarchiam vocare *Sacerdotium Ignis*, & eorum Sacerdotes *Laniones* nominare.

Apud Persas itaque *Custodia Ignis* ejusdem originis ac antiquitatis est cum Romanorum *Vesta*, sumpto illustri exemplo à Templi Hierosolymitani Altari in quo *Ignis perpetuus* ardebat. Cùm enim Græci & Romani ab illis temporibus Sacrum Ignem servaverint, vix crediderim Persas in hac re fuisse ultimos. Et quidem non est dubitandum quin Persæ per *plurima* secula *Vestam* seu *Ignem* servaverint, antequam *Zoroastres* suas in Religione peculiare Reformationes *Gushtaspi* commendaret & obtruderet, suadendo ut adhuc plura *Pyræa* extruerentur. Suprà diximus veram Persarum Religionem fuisse & adhuc esse *veri Dei* cultum ejusque *soli* adorationem divinam; in quem usum, ex eorum sententiâ, non opus fuit Templorum, ut *Strabo* & *Herodotus* & *Cicero* aliique affirmant: eo itaque nomine Tempia abhorrebant, quia Dei Majestas nimia erat ut intra angustos parietes comprehendere posset. *Græcorum* itaque Tempia Idololatrica vastabat & subvertebat *Xerxes*, ut alibi diximus. Nec pro civilibus cæremoniis *Mithræ* præstandis, opus erat Templorum, quippe quæ melius *in præsepis* sub dio præstari potuere. At pro custodiâ Ignis, à quo tempore eum servaverint, Tempia (Judæorum exemplo) fuerunt semper necessaria; cùm sine ejusmodi Domiciliis, Ignis inextinctus servari non potuit. Ideoque, quæ tantùm pauca erant, multiplicari jussit *Zoroastres*, in suâ reformatione. Unde constat, quòd supradicti autores negantes Tempia fuisse Persis, intelligendi sunt cum dictâ limitatione; cùm id, absolute dictum, planè non fuerit verum.

Ex quo itaque Persæ servaverunt Ignem perennem, ex eo etiam necesse fuit eos pariter habuisse aliquot *Pyræa* in quibus talis Ignis servaretur. Non autem necesse fuit ut ubique habuerint *multa Pyræa*, cùm eisdem temporibus in *Graciâ* habuerint tantùm *pauca*, & in *Româ* tantùm *unum* in generale bonum totius Gentis, ubi pro populo universo litabatur. Et quidem quòd tantùm pauca *Pyræa* tunc habuerint Persæ (præterquam quòd rationi consentaneum sit,) colli-

colligimus ex eorum Historiis, in quibus narratur *Gushtaspem*, Zoroastris instigatione, multiplicasse Pyreæ, eaque ubique extruxisse; unde eorum antea paucitas arguitur. Suam itaque Ignis custodiam habuerunt ante Zoroastrem: is enim non apparuit ante tempora *Hystaspis*: eos autem dictam Ignis custodiam habuisse sub *Medorum* Monarchiâ satis liquet. Nam de *Hûshangh*, Medorum Rege tantum non antiquissimo, refert *Tabari*, هوشنگ — مغان گفتند که آتش پرستی *Hûshangh* — *Magi* dixerunt quod fuit *Ignicola* & ex nobis fuit: & *Judæi* dixerunt quod de Religione nostrâ fuit. Is nempe Deum adoravit, & Ignem honoravit: & cum tam *Magi* quam *Judæi* sic etiam facerent, & ambo talem etiam Ignem in respectivis suis Oratoriis tunc servarent, utraque Gentes, propter Ignis custodiam, hunc pientissimum Regem de suâ Religione fuisse voluerunt, de eo postea contententes & altercantes. Sed notandum est, quod *Tabari* *Mohammedanus* perperam repræsentat Persas vocantes seipsos *Ignicolas*: quod nunquam faciunt: sed hoc est Improperium, seu dedecoris nomen, à *Mohammedanis* impositum, & à Persis inter seipsos non usurpatur. Et idem in sequentibus ex *Tabari* citationibus observandum. Is enim de antiquo *Medorum* Rege *Aphiridûn* narrat, آپریدون — مغان گویند که وی آتش پرستی *Aphiridûn* — *Magi* ajunt quod ille fuit *Ignicola*. Historicus *Emir-chond* dicit hunc Religiosum Regem assumpsisse sibi Ecclesiasticum Titulum *Mûbad*, seu *Præfulis*. Et postea de tempore Regis *Manûgjabr* idem *Tabari* dicit, ایشان آتش پرستی بودند *Et ii tunc Ignicolæ fuerunt*. Atque (ut de aliis intermediis Regibus taceatur,) certum est *Cambyfis* temporibus Ignem æstimatum fuisse sacrum, cum *Herodotus* taxet eum fecisse id quod (secundum Persarum Religionem) non erat Sanctum, comburendo *Amasis* Regis *Ægypti* cadaver, quippe quo Ignis pollueretur, ut antea notavimus. De *Cyro* etiam constat, eum magnum aliquod opus suscepturum, adiisse Ecclesiam, ubi Deo cultum & Igni cæremonias faciebat: non quasi solum Ignem eo in casu adiiisset, sed quia mos erat ut, primo ingressu in Ecclesiam, usitatum reverentiam exhiberent Igni, & deinde Deum orarent, ut alibi fusiùs docuimus. Sic *Xenophon* (si ei fides,) πῶτον ἑστία ἔδυσεν: ubi ἔδυσεν, non *Sacrificavit*, sed quasvis cæremonias fecisse significat. Et quamvis esset Dei Templum, tamen vocabatur *Pyreum*, seu *Ædes Ignis*, (quod Ignis in eo aleretur ut in Templo Judaico,) quod non habebatur malum Epithetum: & quo zelo, *Cyrus* Deum adoraturus ad *Pyreum*

Pyréum seu Templum venerit, narrat *Pbirdausi*, Libri *Shabnâme* Autor, his Versibus,

پيامد خروشان بآتشكد *Venit exultabundus ad Aedes Ignis,*
 بگسگرد بر موبدان سيم و زر *Circumfundens super Præfules Argentum & Aurum,*
 بر آتش پراگنده چدن گهر *Et in ipsum Ignem aliquot Uniones spargens.*

Hoc modo deduximus Ignis custodiam ab initio Monarchiæ *Medorum* ad *Hystaspem*. His quoque pleniorē fidem facit *Shabristāni Arabs*, saltem à tempore Regis *Pbridūn & Gjemsbid*, اما بموت النهران للمجوس قاول بميت بنا افریدون بیت بطوس و آخر بمدينه بخارا هو برنسون و اخذ بهمی بیت بسجستان مدعی کرکر اولهم بیت فی نواحی بخارا مدعی قباغان و بیت خار سسی کوسمة بین فارس و افغانستان بناه کخسرو و آخر بقومس سسی حریر و بیت خار سسی کنکدر بناه سیاوش فی مشرق الصین و آخر بارجان من فارس اخذه ارجان جد یشتاسف و هذه البيوت كانت قبل رراشت ثم جد رراشتی بميتی نار جنمشابور و آخر بغسا و امر یشتاسف ان یطلب نار کان معظمها جمشید فوجدها بمدينه خوارزم فنقلها الي نار ايجرن و سمي آنر خرة و المجوس يعظموها اکثر من غيرها و كخسرو لما خرج الي غزو آفراسياب عظمها و سجد لها و يقال ان اخوشير ان هو الذي نقلها الي الكارمان فتركوا بعضها و حملوا بعضها الي قسا و فی بلاد الروم علي باب قسطنطينية بیت نار اخذه شابور بن اردشهر فام یزل كذلك الي انام المهدی و بیت نار باسغینما علي قارب مدینة السلم لبوران بنت کسری و كذلك بالهند و الصين بموت دیران و اما اليهودیون *Fuerunt* فكان لهم ثلاثة ابيات لمسی فیها نار و نكرناها *Magis aliquot Pyræa, quorum primum erat illud quod Apbriddūn extruxit in Tūs: & aliud erat in urbe Boebāra, dictum Bérdesūn. Præterea Behman erexit in Sigjistān Pyræum dictum Gbérger [seu Gbárgber.] Ex primis eorum fuit in Boebāra Pyræum dictum Kobādān: eratque inter Pbars & Ispabān Pyræum dictum Causiya, quod extruxit Kei-Cbostrav: & aliud in Kūmus dictum Harīr. Erat quoque Pyræum dictum Gbangh-*
diz,

diz, ad orientem Chinæ extructum per Siyâush: & aliud in Argjân Persidis, quod extruxit Argjân Avus Hystaspis. Hæc Pyræa fuerunt ante Zerdusht. Tum postea novum fecit Zerdusht Pyreum in Neishâbur, & aliud in Pbesâ. Et Hystasp jussit ut exquireretur Ignis quem veneratus fuerat Gjemsbid, quem invenientes in Cborzem, transfulerunt ad Darâbgjerd, & [iste] nominatus est Adur-chûra. Hunc præ cæteris venerantur Magi: cùmque Kei-Chôsrav exiret ad belligerandum cum Aferâsiyâb, eundem veneratus est coluitque. Dicitur autem Anushirravân fuisse qui eundem portavit in Caramaniam, ubi partem ejus reliquerunt, & aliam partem portârunt ad Pbesâ. Porro in regione Græcorum est Pyreum quod ad Constantinopolews portam erexit Shâbur filius Ardeshr, quod non desit usque ad tempus Al Mabdi. Erâtque in Espbinîya prope Bagdâd Pyreum quod extruxit Bûrân [l. Tûrân] filia Cosrois. Et sic in Indiâ & Chinâ erant Pyræa. Erântque Græcorum tria Pyræa, quorum alibi meminimus: in eis autem non erat Ignis. Plura Pyræa vide suprâ p. 103.

In isto Sbaristânii Paragrapho malè scripto, quærendum annon Berâsim perperam sic scriptum fuerit pro خور سور Chûdsûz? & annon Causîya (in alio Exemplari کودسا Cûnîsa,) sit pro کسریا Kisriya? nam autores Arabes subinde solent errare in rebus Persicis, uti & dictus Sbaristâni etiam alibi facit pessimè. An Kûmus sit pro Kûm? Et quid sit Harîr? Gbangb-diz est scilicet locus, de quo infrâ diximus. In altero Exemplari pro Gbergher, est کوکو Cûcû; utrumque malè. In uno Exemplari Arabico scriptum est اذر خورا Azur-churwa, in alio اذر حور, quod cum optimâ ratione puto rescribendum اذر خور Azur-chura, ut feci: nam hunc Ignem in Caramaniâ præ cæteris usque hodiè venerantur Magi: ejusque huc translatio mira fuit. Pro Espbinîya, in alio Exemplari legitur Espbiliya, utrumque malè.

De veteribus Persis fatendum est, quodâ quamvis Deum Omnipotentem eumque solum divino cultu colant, omnia ejus Attributa agnoscences, eos tamen habere inveteratas quasdam superstitiones præstandi nimias cæremonias Elementis & Planetis. Unde Epiphanius, quasi illorum misertus, ait, Παρὰ Πέρταις Μαγισαῖοι καλέμενοι, οἱ εἰδωλα μὲν βδελυγόμενοι, εἰδώλοις τε προσκυνοῦντες, Πυρὶ, καὶ Σελήνῃ, καὶ Ἡλίῳ. Sed illi interim, in hac parte cæcutientes, in his pergunt, non putantes aliquid mali esse in eis, quia ex animo verum Deum religiosè colunt: & ægrè ferunt ut propter externas quasdam cæremonias, quas putant innocuas, habeantur Ignicolæ & Idololatræ. Hi itaque ineluctabili fato ab omnibus reputabuntur meri Idololatræ, quia exteri, talia videntes, existi-

existimant totam eorum Religionem in illis visibilibus caeremoniis consistere, propter externam speciem, dum internam animi intentionem non vident. Unde misera est, in hac parte, hujus Gentis fors, quòd reputentur Idololatrà, cùm sint solius Dei Adoratores, nihil magis quàm Idololatriam odio habentes: dum totus Mundus, in eorum Religione deceptus, putet eos esse cultores Creaturarum, propter aliquas nugas quas illis tantùm civiliter præstant. Unde est quòd fere nihil aliud de eis prædicetur, quasi talia essent in eorum Religione summum & principale, cùm reverà sint tantum irreptitia, veriori & antiquiori eorum Religioni orthodoxæ superaddita, & cum processu temporis interpolata: dum interim vera & principalis eorum Religionis *Tessera*, maximè notatu digna, sit eorum à diluvianis temporibus de Deo orthodoxia, ejusque solius Adoratio divina, dum Ignis & aliorum cultus (ut planè afferunt) sit tantùm civilis, nec ea unquam vocent Deos: nullas necessitatum petitiones eis exhibendo, nec preces illis fundendo, sed meras civiles laudationes eis præstando, pro beneficiis quæ, Dei ductu, Mundo impertiuntur. Vera autem eorum de Deo orthodoxia ab aliis prorsus ignoratur & tacetur, & nil nisi Idololatria & Ethnicismus de eis interim prædicatur; propter aliarum Gentium de eorum Ritibus & Opinionibus Ignorantiam, & cultus eorum similitudinem cum Idololatriâ. Et hoc pro pœnâ lucrati sunt Persæ, Religionem suam tam studiosè celando: cùm Religionem & Linguam in quâ scribitur, peregrinis revelare sit vetitum. Cùm itaque (ut diximus) id quod in eorum Religione *minimum* est, ubique Gentium circumferatur & celebretur ac propaletur, id verò quod reverà *maximum* est, prorsus omittatur & ignoretur; nos suscepimus piam istam vero Deo devotam Gentem à tali vituperio vindicare, ut totus Mundus de eis in posterum sentiat meliora. Si enim comperissem Persas *Solem* aut *Ignem* vocasse *Deos*, aut petitiones eis fecisse, noluissem eos vindicare.

Omnia itaque quæ fiunt Igni, vel per Ignem, in eorum Ecclesiis, sunt tantùm Apparatus ad mox sequentem Dei cultum, in cujus gloriâ omnia desinunt. Qualem autem erga Ignem respectum habent, testatur D. *Sanfon in Hodierno statu Persiæ*, qui de hisce rebus collocutus est cum eorum Sacerdotibus, qui responderunt, *se tantùm credere Ignem esse omnimodo respectu dignum, cum sit omnium Elementorum purissimum*. Sed nunquam præcipitur eum *پرستیدن* colere: agnoscunt enim esse merum Elementum, Dei Creaturam. Sic etiam testatur infra citatus *Am. Marcellinus*, Quòd coram Igne, Magi mitrati, construentes

entes lignis Ignem, preces accinunt invocato nomine Dei; scil. recitato nomine Dei: nam nihil sine Dei nomine aggrediuntur, & quicquid faciunt, ad Dei gloriam fit. An hi ergò sunt Ignicolæ? Absit! Quales autem fuerint, ex sequentibus melius constabit; ubi non tantum Dei cultus ab eis affectatur, sed & erga eundem cultum & Dei gloriam zelus monstratur.

Supracitatus itaque *Tábari*, antiquus *Historicus Persæ*, de supradicto *Medorum Rege* penè antiquissimo refert, هوشنگ — بادشاهی کی
Húshangh — fuit Rex
 qui totam terram possedit, & populos ad Deum Excelsum vocavit: scil. *Affyrios & Chaldæos*, qui sub præcedentibus Monarchis fuerant Idololatæ, sub suâ Monarchiâ Medicâ coëgit ad cognitionem & cultum veri Dei. Ab eodem *Tábari* & *Persarum* Historicis omnibus, huic Regi tribuitur de Deo Liber hodiè extans, cui Tit. جاویدان خرن *Gjávidán Cbrád*, i. e. *Æterna Sapientia*; qui quidem Liber est omnibus Scriptis *Zoroastrianis* multò antiquior. Ab Ethnicismo itaque procul fuit Autor, ut & antiquissimi *Medi* omnes. Idem *Tábari* in Vitâ Regis *Manúgjabr* narrat, quòd (quando, rupto cum *Persis* fœdere, *Turcæ* fluvium *Gjeibun* trajecerunt *Persiam* invasuri,) convocatis Regni sui Magnatibus & Proceribus, hæc verba ad eos fecit *Manugjabr* Rex,
 ابرن سبجاده و تعالی این ملک مرا دان تا من اورا شکر
 و سپاس داری کنم و مملکت نگه دارم و رعیت را بنمکو دارم و دان کنم
 ادبر میمان خلف تا خدا عز و جل این ملک مرا افزین کند پس
 اگر داسپاس کنم و شکر کنم این ملک از من باز ستاند و مرا بدان
 جهان عقوبت کند و ابرن سبجاده و تعالی مرا از اهل ملکان آفرید
 Deus و ملک من دان و من این ملک را ضایع نخواهم کردن &c.
Sanctissimus & Excelsus hoc Regnum mibi dedit, ut ego Laudes & Gratiarum actionem ei haberem, & Regnum custodirem, & Subjēctos in bono statu conservarem, & inter populum exercerem justitiam; ut, hac ratione, Deus Optimus Maximus hoc Regnum mibi augeat. Nam si ingratitudeis reus non reponerem ei Gratias, is hoc Regnum mibi adempturus sit, meque in altero Mundo affecturus tormentis. Cum itaque Deus Sanctus & Excelsus me ex Regum stirpe creavit, & Regnum mibi dedit, ego hoc Regnum non amittam, &c. Ex horum verborum tenore quivis ejus Fidem & in Deo Fiduciam faciliè elicere poterit. Deinde idem Rex addidit,

addidit, quòd si cras illum convenirent, prolixiore Oratione se illos excepturum, cùmque fufius perorantem audirent. Quod & fecit: nam craftinâ luce coram omnibus habuit valdè prolixam Orationem, seu ad Nobiles & Milites Hortationem illam, quâ dictus Persarum Rex exercitum suum excepit, quo tempore *Orientales Scythæ* (quos *Turcas* appellat) è territoriis suis eruperunt Persiam invasuri. Ex dictâ Oratione excerptimus hæc pauca sequentia: منوجهر بر تخت مملکت

بنشستى و تاج بر سر نهاد و موبذ موبذان را بر کرسی زرین برابر تخت بنشادن و او مهتر موبذان بون و مهتر همه عالمیان آن زمانه — خطبه کردن و امشان را پند دان و بابتداء خطبه ایزن سبحانه و تعالی سیاس داری کردن پس گفت ای مردمان این چنین خاف کی شما همه ببینید بدین بسیاری این همه را یکی خالف آفریدگارست و بر کسان نعمت اروست و این خالف را او آفرید و او را باید پرستید و بنعمت او سیاس داری کردن و خوبستن بقضای او دادن و هر چه بودنی جاره نیست که نباشد و هیچ چیز ضعیفتر از مخلوق نیست و اگر این مخلوق چیزی بوجود نیابد و هیچ قوی تر از خالف نیست و درگاه هر گهی که این مخلوق را بوجود بدست آرند و بدست او اندرستی پس از همه خالف خالف قوی ترست — و ایزن تعالی مارا از بررگی خودش ایزن فضل دان و ما او را سیاس داریم و از وی آن خواهیم که مارا برادر راستی بدارد و دل ما در دقیمی نکاه دارد و ما بدانیم *Manûgjabr super Solium Regni sedit, & Coronam capiti imposuit, & Præfulem Præfulum in Cathedrâ aureâ è regione Solii collocavit. Is erat præcipuus Præfulum & præcipuus omnium Doctorem ejusdem temporis. — Deinde Orationem habuit, eisque consilium dedit. Et in initio Orationis suæ, Deo Sanctissimo & Excelso gratiarum actionem fecit: & deinde dixit, O viri, istius populi, quos tantâ multitudine videtis, unus est Creator & Conditor, & boninibus impertita Beneficia sunt ab eo; ideoque ei oportet servire, & pro Beneficiis ejus gratias agere, & nosmetipsos illius determinationi permittere. Quicquid enim existit, non potest non esse: & nihil debilius est Creaturâ: nam si ista Creatura aliquid querit, non invenit. Atque nihil fortius est Creatore: nam si is quovis tempore istam Creaturam quaerit,*

rit, mox in manu suâ habet, & in manibus ejus est, i. e. in Potestate ejus. Ideoque omni Creaturâ fortior est Creator. Deinde post alia multa, subjungit sequentia, *Et Deus, ex magnificentiâ suâ, hunc favorem exhibuit nobis, & nos ei gratias habemus: & ab eo hoc petimus, ut nos in viâ rectâ contineat, & cor nostrum in veritate custodiat. Nam nos scimus, quod totum hoc [scil. Turcarum Invasio] est ab eo, & nobis ad eum est Reditus.*

Ex hâcce dictæ Orationis particulâ possumus hominis Fidem & orthodoxam erga Deum Religionem agnoscere: nulla enim mentio illius temporis Mithræ, sed solius Dei, in quo suam confidentiam ponit, ad solum Deum confugit convolatque, & ad eum suas Preces dirigit. Quamvis itaque illis temporibus usitatas Cæremonias & Reverentiam perolverent Mithræ, constat tamen eos illum non coluisse, cùm necessitatis tempore ad illum non confugerent nec invocarent, nec in eo, sed in solo Deo confiderent. Imposterum itaque absit Censura quæ injustè taxat eos de divino aliquo cultu exhibito Mithræ aut Igni: nam isti veteres Persæ non loquebantur ut tales Mithriaci. Et inter alia hujusmodi Testimonia quæ de aliis Persarum & Medorum Regibus inveniri possunt, accipe hoc de *Lobrâsp*, ex *Abmed Ibn Jû-supb* Historico Arabe, *لما كان يوم المهرجان تنسم لهراسب سرور* الملك واعتصب بتاج السلطنة فحمد الله واثني عليه ثم قال ايها الحاضرون استعشروا الخوف من الله عز وجل المنزه القاهر الذي اجري البحار ونصب الجبال ورفع السما وجعلنا في الارض ذات الطول *Quando fuit dies Mibragjân*, [seu Æquinoctium autumnale,] *Lobrâsp* inauguratus in Solio Regni, & redimitus coronâ imperii, laudavit Deum & gratias egit ei: & mox dixit, O qui præsentes estis, concipite animo timorem Dei Gloriosissimi & Sanctissimi & Omnipotentis, qui cursum dedit Maribus, & firmiter statuit Montes, & elevavit Cælum, & constituit nos super Terrâ longitudine & latitudine præditâ sicut Formicas reptantes super Tumulo-formicario in hac Sede Orbium, scil. in Terrâ quæ est Centrum Orbium cœlestium.

Iste Turcarum, seu Orientalium Scytharum Rex, qui (sec. *Tâbari*) dicto modo Persiam & Mediam invasit & eandem occupavit, fuit *أفراسياب* *Apherâsiâb*, qui (sec. *Emir-Cbond*) postquam Persiam possederat XII annos, à Persis tandem profligatus & exactus est. Is fuit filius *رو بسنك* *Pushângb*, ex *Tûri* familiâ, *Apbridûni* nepos. At
Emir-

Emir-chond ponit supradictam Persiæ Invasionem non fuisse tempore *Manúgjábri*, sed tempore τὸν Νύδαρ *Núdar* immediatè succedentis Regis, nepotis *Apbridúni*, qui circa VII annos regnavit: nam *Apheráfiáb* audiens *Núdar* esse Gubernationi ineptum, eam captavit occasionem obruendi illum.

His, quæ de Medicorum & Persicorum Regibus dicta sunt, addatur id quodd ex S. *Scripturâ* constat, scil. *Darium Medum* planè cognovisse & agnovisse verum Deum, eúmque coluisse, uti colligitur ex ejus verbis in Libro *Danielis* & ad *Danielem*, *Deus tuus, quem colis, te liberabit*: & postea, *O Daniel, serve Dei viventis!* in contrarium Numinum mutorum quæ colebant Gentes. Præterea ad summum Magistratum extulit *Danielem* Dei servum, & jussit ut omnes colerent Deum *Danielis*. Iste ergò Rex, durante tempore regni sui, quod fuit breve, probabiliter destruxit *Babyloniæ* Idola, & ad veri Dei fidem vocavit *Chaldeos* antea subditos *Belteshazzari*, cui successit.

Et si hinc descendimus ad *Cyrum* & *Hystaspem*, planè inveniemus eos verum Deum agnoscentes & colentes. Et longè posthac, suo tempore, *Porphyrus* docuit, Magos esse solos qui Numen colerent, ut postea ex ejus verbis infra adductis monstrabitur, uti etiam ex *Laertio* monstratum fuit: Deum enim verum colebant, quod circumpositæ nationes non faciebant.

Deinde istam Disquisitionem deducendo ad tempora Persarum regis *Ardesbir Babecân*, de quo supra; & ad tempora *Anusbirravân* qui *Justiniano* Imperatori coævus, inveniemus apud *Symeonem Sethum* in Prolegomenis *Sapientiæ Indorum*, *Perzoëm*, dicti Regis Archiatrum, consistentem veram Religionem, orthodoxam de Deo & Resurrectione & futuro statu fidem. Iste *Perzûya*, is erat qui pro suo Rege ex *Indiâ* attulit dictum Sapientiæ Librum, (in quo Personæ sunt *Culile* & *Dimne*, seu *Σταφανίτης* & *Ιχνηλάτης*, viz. Indorum Rex & Vestigiator qui *Philosophus*,) eúmque Persicè vertit: quo opere æternam apud Persas laudem meruit, & à Rege voluit ut *Perzûya* *Buzurgjumbur*, (ibi dictus *Περζέτιζμχαρ*,) præcipuus Consiliarius & Secretarius, Regis jussu, totam *Perzois* Vitam ab infantia ad adultiorum ætatem describeret, quod & fecit. Hæc videri possunt etiam in Libro *انوار سوبهيلي* *Anwâdar Sobeili*, i. e. *Flores Sobeikei*.

Atque ut veterum Medorum & Persarum Fidei veritas ex antiquorum Scriptis elucet, sic & eadem ad hodiernum usque Diem continuata (nam suæ Religionis & Rituum sunt valdè tenaces,) apud eorum Sobolem retinetur, ubicunque sint, uti testatur D. *Tavernier* de

Cara-

Caramania, & D. Sanſon de *Iſſabân Perſidis*: & idem ex veterum Perſarum Converſatione in *Indiâ* teſtatur D. Ovington in *Itinerario Surattenti*, *Agnoſcunt & adorant unicum Deum ſupremum*, qui (ut eſt omnium rerum Principium,) primum cujuſque Menſis Diem ſolenni cultûs ipſius celebrationi dedicant, &c. Scil. cùm is eſt omnium rerum Principium, ergò Menſis Principium ei dedicant & ab eo denominant. Et D. Mandellſto in *Itinerario Indico* reſert; *Veteres Perſæ credunt unum tantum Deum, qui univerſi Mundi Conditor & Conſervator, in omnibus rebus ſolus & immediatè agens. Credunt tamen eum habere multos Servos Angelos, præſertim Septem, qui res Mundanas obſervant eique renuntiant. Ignem quoque multum æſtimant, quia repræſentat Deum. Ogilvius in Perſiâ p. 46, Orant ter quovis die, mane, meridie, & vèſperi, & credunt in unum tantum Deum, omnium rerum conditorem, inviſibilem & omnipotentem: ideòque Mohammedani injuſtè eis tribuerunt nomen Gavorum, ſeu Idololatrarum.* Et poſt teſtimonia affirmativa, quòd reverà colunt Deum; addam teſtimonium negativum, quòd non colunt Ignem cultu aliquo divino, ſed tantum civili: idque ab amico qui, ex colloquio cum Perſarum Sacerdotibus in *Indiâ*, ſcripto mihi retulit eorum rationem honorandi Ignem non ut Deum, ſed ut Dei Creaturam glorioſam: ſcil. quia *Zoroaſtres in cælum raptus, non vidit Deum, ſed audivit eum colloquentem è medio Ignis; quem itaque tanquam Dei virtutem accepit, & in terram ſecum portans, eundem honorandum præſcripſit. Ideòque primo ingreſſu in Pyreum, dum omnes ad X pedum diſtantiam circumſtant Ignem, Sacerdos præſatur, Quòd quia Ignis Sacer à Zoroaſtre acceptus fuit à Deo tanquam Virtus & excellentia ejus, & quia miraculis confirmatâ Lege cautum eſt ut iſte Ignis honoretur, idèò debent eundem tanquam Divinitatis particulam venerari; & ſic Solem & Lunam & omnes res Ignem referentes; veniam etiam præcantes ſi fortè talem Ignem inopinato inquinaverint.*

Si hæc non ſufficiunt ad monſtrandum hujus populi orthodoxam de Deo opinionem, & piam atque devotam in eo ſolo intemeratam Fidem, in hujus Operis ſequelâ adducuntur ejusmodi plura, tam aliunde, quàm ex eorum Authentico Libro *Sad-der*, ubi orthodoxa Religio antiqua exhibetur, & ad hodiernam diem continuata præſcribitur ſequenda. Ideòque non obſtante, quòd eorum orthodoxa Religio antiqua, aliquot Additionibus & ſuperſtitioſis nugis interpolata fuerit, non tamen eſt deleta, quin ab initio primam illam rectam de Deo ſententiam teneant adhuc inconcuſſam & intemeratam, ut ex quotidianâ eorum praxi ſatis liquet, & omnibus eorum res & Religionem rectè

rectè perspicientibus notum est. Cùm itaque cultu divino unicè colant verum Deum solum, ejúsque Unitatem asserant, & præter eum nihil habeant quod vocent Deum, (ut suprà innuimus,) certè indigne factum est à Græcis & aliis in Religionis eorum *minùs* principalem partem insistendo, polytheismum illis impingendo, & alias præter Deum res, Persarum Deos vocando; & interim omittendo Religionis eorum *magis* principalem & præcipuam partem, scil. quòd Deus excelsus sit unicus eorum Deus, & quòd ille solus sit qui divinà adoratione ab eis adoretur. De illorum Pietate erga Deum, vide plura ubi de Magis Christi Visitatoribus agitur, & postea in Capite ubi Persarum Fides orthodoxa docetur & explicatur.

C A P. IX.

Persarum primitiva Principia duo, unum æternum, alterum creatum: cum utriusque Nominibus. Hæc Zoroastres vocavit Lucem & Tenebras. Opiniones de Deo. Creatio Mundi in VI Temporibus, quorum nomina & descriptiones in medium adducuntur. Solennis eorundem observatio strictè injuncta Persis, in memoriam operum Dei.

Veterum Persarum Fides orthodoxa primitiva, quæ postea in *Abrahama* doctrinâ atque in *Mosaicæ* Historiæ veritate confirmata, posuit Unicum Boni Principium æternum, quod fuit *Deus*, eorum linguâ dictus *دژ* *Yezad*, seu *إزد* *Izad*, vel *Ixid*, (vulgò *Ixid*,) sive aliàs *دژدان* *Yezdân*. Hæc fiunt à Verbo *دشختن* *Yeshsten* (in Futuro *دژ* *Yezad*,) *supplicare, intercedere*, q. d. *Supplicandus*: & Futurum nominascens migrat in Nomen Dei. Aliud ejus nomen est *اورمزد* *Ormùzd*, seu *هرمز* *Hormùz*, vel *هرمزدا* *Hormùzda*: & junctim cum recentiore nomine, *هرمزدا خدا* *Hormùzda Chodâ*, ò *summe Deus!* Hinc apud Græcos Scriptores *Ὀρμιάδης*. Hocque nomen *Hormùz*, seu *Ormùzd*, aliquando ad *Jovem* planetam transfertur. Apud vetustissimos Hebræos *Deus* erat *אלהב* *Eldab*, i. e. *qui colitur*, sæpè in plurali *אלהים* *Elobâm*, honoris causâ, ut & alia quædam Dei nomina in Ling. *Heb.* Hinc *Chald.* *אלה* *Elâb*, *Syr.* *ܐܠܗܐ* *Alôbo*, *Arab.* *الله* *Ilâb* (cum Articulo *الله* *Allâb*,) ab *الله* *Alaba*, coluit, adoravit.

Deinde posuerunt aliud Mali Principium creatum, quod fuit *اهریمن* *Abârîman*, seu *اهریمن* *Abreman*, sive *اهریمن* *Abrîman*, & metri causâ *اهریمنان* *Abrîmanân*: unde fit apud Græcos Persicarum rerum Scriptores

tores *Αρπαίου*. Hoc nomen conflatum est ex *آهار* *Abâr* & *دین* *Rîman*, quæ sunt Synonyma quibus significatur *Spurcus*, *fædus*, *pollutus*; & hisce geminatis, *valdè pollutus*, seu *spurcissimus*. Quin & cum aliâ vocali, *رمان* *Raiman*, seu *Reiman*, est *Deceptor*, *fraudator*, quod genuinum Diaboli Attributum. Dictum Diaboli nomen in eorum *Libris* antiquis, detestationis causâ, plerumque scribitur eversum, hoc modo, *ⲙⲓⲣⲓⲙⲁⲛ* *umiri.ymn*, quod illis peculiare; summum, hac ratione, fastidium & dedignationem atque à Diabolo averfationem ostendentes, utpote qui sit pessimus humani generis hostis. Apud moderniores is vocatur *دبر* *Dîv*.

Talia etiam sunt duo Boni & Mali Principia apud *Peruvianos*: unde constat eos non fuisse ita prorsus à reliquo humano genere disjunctos, quin habuerint notitiam Historiæ Creationis. Apud veteres Græcos nullum extat Diaboli nomen, nec de eo aliqua mala Notio, ut *Spurci* aut *Nequam*: sed *Pluto* habitus est Inferorum Gubernator satis honorabilis, qui sicut *Lictor* præest *Pœnis* irrogandis. *Δαίμων* *Genius* erat indifferens, sive *εὐδαίμων*, sive *κακodaίμων*. In vetustissimâ Linguâ *Hebræâ* is nominatus fuit *שטן* *Sâtân* *Σατανᾱς*, *Adversarius*, unde *Syrorum* *صلي* *Sotôno*, & *Arabum* *شیطان* *Sheitân*. At *Arabum* *ابليس* *Iblîs* per aphæresin factum est à veterum Christianorum Epitheto ejusdem *διαβολᾱ* *Calumniator*, *accusator*, qui quotidie accusat pios coram Deo. Hinc nomen *Diable* & *Dibel*. Hæc autem de eo Notio desumpta est ab Heb. *Sâtân*, unde etiam veteribus *Judæis* & *Syris* dictus fuit *בבבב* *Beelzebôbo*, seu *Beelzebôbo*, i. e. *Dominus inimicitiae*, *Inimicus*: hinc in *Novo Test.* *βελζεβυβ* *Ekronitarum Dominus muscarum*; de quo in antecedentibus diximus. Cum superioribus coincidit veterum *Anglorum* Epithetum *the foul fiende*, i. e. *spurcissimus ille adversarius* seu *inimicus*, qui in *Novo Test.* *Impurus* seu *immundus spiritus* vocatur. Ita ut omnes ubique Gentes (exceptis veteribus Græcis,) de Diabolo eandem opinionem retinuérunt. Varia Dei Nomina & Attributa in penè seq. cap. habebis.

Ejus autem quod ad *Perfas* spectat summam habeto ex *Ibn Shabna*, *Arabe Mohammedano*, in *Libro de Primis & Postremis*, qui refert, *امة الفرس — وله ملك قديمة يقال لعلمائها الكيمورية اثبتوا الها قديما و يسمىوه جزان دعنون به الله والها مخلوقا من الظلمة وسمىوه اشرون دعنون ابليس دعظمون النور حتي دعبدوا النار وعتوزن*

والمختبرين من الظلمة و لا يرحوا كذلك حتي ظهر رزديش الذي ادعي النبوة فقالوا بالباري وانه خالف النور والظلمة وانه واحد لا شريك له وان الخير والشر والصلاح والفساد انما حصل من امتزاج النور والظلمة و لو لم يمتزجا لما كان وجود العالم ولا يزالا يمتزجا الي ان يختص الخير الي عالمه والشر الي عالمه — وهذا دين المجوس

Quoad Persarum Gentem — ei est Religio pervetusta : & in eâ Docti vocantur Keiomarffii. Isti statuunt aliquem Deum æternum, quem vocant Yezdân, eo designantes τὸν ΘΕΟΝ : & alium deum creatum ex Tenebris, quem nominant Abreman, designantes Diabolum. Magnificiunt Lucem, eò usque dum colant Ignem : & cavent sibi à Tenebris. Nec destiterunt sic facere, donec prodiit Zerdusht jactans prophetiam. Afferunt itaque Deum Creatorem, quòd scil. creavit Lucem & Tenebras : eumque esse Unicum, nec habere Socium. Et quòd Bonum & Malum, & Probitas & Improbitas conquistæ sunt ex mixtione Lucis & Tenebrarum : & , quòd si hæc duo non fuissent mixta, non extitisset Mundus : & , quòd hæc duo hoc modo mixta non desinent, donec Bonum approprietur Mundo suo, & Malum Mundo suo ; [i. e. utrumque horum tandem concedet ad Mundum sibi proprium, scil. in fine Mundi.] — Et hanc esse Religionem Magorum. Hæc habebis postea ex aliis autoribus confirmata & pluribus tradita.

Quia verò quædam eorum quæ aliquando de Deo dicuntur, ejus naturæ non satis competere censeantur, Libri *Pharb. Gj.* Autor, magis accuratè distinguendo, exponit quòd Yezdân, Dei nomen, aliàs accipiat pro ملك رهنماي ذيكمها *Angelo Ductore*, seu *Directore*, ad res bonas ; & Abreman esse شيطان رهنماي بديها *Diabolum directorem* ad res malas ; idque (inquit) secundum opinionem المجوس الثنوية *Magorum Dualistarum*, apud quos eorum prior habetur فاعل الخير *Agens Bonum*, posterior فاعل الشر *Agens Malum* : hocque (infit) *est, والله والبدل* quia Deus ipse exemptus est ab agendo vel Bonum vel Malum. Vult nempe quòd Deus sit in Abstracto, Bonitas ipsa, & purissima Essentia, ab omni vel Boni vel Mali impressione ac passione prorsus exempta & immunis. Qui enim cautè & philosophicè loquuntur, benè perpendentes quid dicunt, prædicant Deum esse *بمجرد و بدون* *Sine qualitate & sine quantitate*, &c. et quando inter loquendum dicunt *بمجرد أن* *Ille qui qualitatatum expers*, intelligitur Deus.

Dualistas meliore sensu accipit laudatus Autor : nam aliàs *Dualistæ* Diaboli cōæternitatem asserunt. Sunt enim ex *Indo-Persis* & *Dualistis Manichæis* aliisque Hæreticis (ut quidam sunt in omni Religione) qui opinantur Diabolum à seipso processisse, ut loquuntur, i. e. æternum fuisse, & malos Angelos sibi creâsse : sed est Hæretica opinio, eaque ignorantium quorundam hominum qui peculiariter vocantur الثنوية *Tbanavia*, i. e. *Dualistæ*, seu اصحاب الاثنين *Domini duorum*, scil. *Assertores* seu *Autores duorum principiorum*; qui (inquit Shahrîstânî,) *Lucem* & *Tenebras*, seu *Deum* & *Diabolum*, statuunt duo *Principia cœterna*, in contrarium *Magorum*, qui *Lucem æternam*, & *Tenebras creatas* ponunt. Isti tales fuerunt, qui *Oromazen* & *Arcimanium* duos esse Deos asserbant, ut *Plutarchus* lib. de *Iside* & *Osir*. De præcipuis autem *Magorum* & *Persicæ Religionis* opinionibus fusiùs dicetur in suo loco. Interim in genere (ait Shahrîstânî) *In Magorum Religione sunt Sectæ LXX, in eâ Judæorum LXXI, in eâ Christianorum LXXII, in eâ Muslimorum seu Mohammedanorum LXXIII.*

Loco ejus quod nos *Hexæmeron* vocamus, veteres Persæ credunt Deum creâsse Mundum in sex گاهان *Ghábân*, seu *Temporibus* : quæ etiam in *Pb. Gj.* vocantur شش روز *Shash ruz*, respiciendo ad شش روز *Shash ruz* sex dies quæ in کتب سماوی *Libris cœlestibus*, seu *Bibliis Sacris*, memorantur : idque faciunt در رجن مسطورست *ex Regulâ quæ in Libro Zend exarata est*; viz. putantes, in tam grandi Opere, Diem esse pro *Collectione Dierum*. Hanc quidem doctrinam hauscrunt à *Zerdušt*, ut dicit Libri *Pbarbāngh Gibāngbiri* Autor. Idem quoque affirmat *Shâb-Cholgi*, وایشان نقل میکنند از زردشتی که خدای وایشان نقل میکنند از زردشتی که خدای *A Zerdušt* babuerunt traditionem, quòd *Deus Excelsus creavit Mundum in sex Temporibus*. Horum VI Temporum festivalis observatio rigidè injungebatur. Nam in Libro *Sad-der*, ab *Espintamân* (i. e. à *Zerdušt*,) mandatum est, ut quisque observet *Consuetudinem* seu *ritum* *Ghabanbâr* : &, si unus non poterat, ut duo aut tres aut quatuor junctim id facerent. Sunt ex eis qui putant hæcce VI Tempora fuisse antiquiora Zoroastre : nam in eodem Libro *Sad-der*, cap. 94, traditur, Deum de hisce Temporibus primò monuisse Persarum veterem Regem جمشید *Gjemsbîd*, qui postquam, ope Angeli *Bêhman*, profligaverat famelicum aliquem & esurientem Diabolum, qui sub humanâ specie ejus Culinam insatiabilis frequentabat, is inde horum temporum observationem indixit : &, quòd tandem

Angjou Libro *Pbarbangh Gjibângbîri*, Temporum Nomina hoc seq. ordine veniunt.

- I. Primum Tempus est *میدوزرم* *Mid-yúzeram*, continens XLV dies, quibus creati sunt Cœli.
- II. Secundum in *Pb. Gj.* est *میدوشم* *Mid-yúskam*, in *Sad-der* *میدوشم* *Mid-yúsbakam*, LX dierum, quibus creatæ sunt Aquæ.
- III. Tertium in *Pb. Gj.* *پیتیشہم* *Pîtîshabîm*, in *Sad-der* est *پیتیشہم* *Pîtîshabîm-Gbâb*, LXXV dierum, quibus creata est Terra.
- IV. Quartum in *Pb. Gj.* *ایاسرم* *Iyâseram*, in *Sad-der* est *ایاسرم* *Iyâsferam* eodem sono, (seu *ایاشہرم* *Iyâsfebram*, ut in alio Exemplari,) XXX dierum, quibus creatæ sunt Arbores.
- V. Quintum tempus est *میدیاریم* *Midiyârîm*, LXXX dierum, quibus creatæ sunt Creaturæ omnes.
- VI. Sextum tempus est *ہمسپیتامیدم* *Hamešpîtâmîdîm*, LXXV dierum, quibus creatus est Homo.

Libri *Pb. Gj.* Autor addit, Tempore V^o creatas fuisse Bestias & Aves CCLXXXII *سردہ* *Serda*, seu *generum*; quæ, si bifariam divisæ, Bestiarum genera erant CLXXII, Avium CX. Sic ille: & fides sit penes Autorem. Dicti autem dies, in unâ summâ numerati, sunt CCCLXV, quibus unus integer Annus, seu totum Creationis Tempus, absolvitur.

Dictorum VI Temporum Initia sequuntur sec. Persicos Autores; qui tamen de eis discrepant, à se invicem & à veritate dissidententes, nec analogam dierum partitionem instituentes; quasi non possent computare. Utcunque ea secundum illos exhibebo: & postea id quod rectius erit, statuere conabor. Dabo ea, *Primò* prout D. *Goli*us habuit, ex Tabulis *کوشان گیلای* *Koushân Gbilæi*. II, ex Tabulis universalibus *نوشیاء حکیم* *Noushiyâi Hakîm*, (qui fortè idem sit cum præcedente,) prout citatur in Libro *Pb. Gj.* III, ex ipso Libro *Pb. Gj.* Autore *Ibn Phacreddîn Angjou Indo-Persâ* Mohammedano, qui præterit sequi Mensium Ordinem antiquam, sed reverà sequitur Ordinem recentiore. Sed cum horum Temporum observatio fuerit Institutum *Zoroastri*s, vel fortè antiquioris *Gjemshîd*, proculdubio illa sec. Menses

Menses veteres accipienda sunt, prout mox in sequentibus rectius statuatur. IV, ex Libro *Sad-der* sec. usum *Indo-Persarum Magorum*. Sed in his computandum est secundum Menses *Persicos* qui omnes sunt *æquales*, constantes *Tricenis* diebus, non autem secundum Menses *Latinos*, qui sunt *inæquales*. Quando numerant XXXI, intellige primum Appendicum. Si autem *Koushân* & *Noushiâi* sunt idem Autor, est tamen differentis Exemplaris diversa lectio, quâ in parte aliquid lucramur.

I, <i>Sad-der</i>	11	} <i>Ardibehisht</i> seu } <i>Aprilis</i> Gjelalæi.	IV, <i>Sad-der</i>	26	} <i>Mibr</i> seu <i>Septem-</i> } <i>bris</i> Gjelalæi.
<i>Angjou</i>	15		<i>Angjou</i>	26	
<i>Koushân</i>	25		<i>Koushân</i>	15	
<i>Noushiyâi</i>	26		<i>Noushiyâi</i>	15	
II, <i>Sad-der</i>	11	} <i>Tîr</i> seu <i>Junii</i> } Gjelalæi.	V, <i>Sad-der</i>	16	} <i>Dey</i> seu <i>Decem-</i> } <i>bris</i> Gjelalæi.
<i>Angjou</i>	16		<i>Angjou</i>	16	
<i>Koushân</i>	25		<i>Koushân</i>	11	
<i>Noushiyâi</i>	26		<i>Noushiyâi</i>	11	
III, <i>Sad-der</i>	26	} <i>Shahrivar</i> seu } <i>Augusti</i> Gjelalæi.	VI, <i>Sad-der</i>	31	} <i>Ispendârmaz</i> seu <i>Februarii</i> } Gjelalæi, vel (ut dicti Au- } tores expriment,) primo } Appendicum, quando ve- } niunt in fine Mensis <i>Isp-</i> } <i>bendârmaz</i> .
<i>Angjou</i>	26		<i>Angjou</i>	31	
<i>Koushân</i>	16		<i>Koushân</i>	31	
<i>Noushiyâi</i>	16		<i>Noushiyâi</i>	31	

Sex Temporum Initia secundum Mensium Ordinem antiquum: I, ex *Shâb-Cholgji* Tabulis *Persicis*. II, ex *Nassiredîni* Tabulis *Ilchanicis*, prout citantur in Libro *Ph. Gj.* III, ex *Olugh-Beighi* Tabulis *Persicis*.

I, <i>Shâb-Ch.</i>	11	} <i>Dey</i> antiqui seu } <i>Aprilis</i> .	IV, <i>Shâb-Ch.</i>	26	} <i>Chordâd</i> seu <i>Sep-</i> } <i>tembris</i> .
<i>Nassired.</i>	15		<i>Nassired.</i>	26	
<i>Olugh. B.</i>	11		<i>Olugh B.</i>	26	
II, <i>Shâb-Ch.</i>	11	} <i>Ispendârmaz</i> } seu <i>Junii</i> .	V, <i>Shâb-Ch.</i>	26	} <i>Shahrivar</i> seu } <i>Decembris</i> .
<i>Nassired.</i>	11		<i>Nassired.</i>	26	
<i>Olugh. B.</i>	11		<i>Olugh B.</i>	16	
III, <i>Shâb-Ch.</i>	26	} <i>Ardibehisht</i> seu } <i>Aprilis</i> .	VI, <i>Shâb-Ch.</i>	31	} <i>Âân</i> seu <i>Februarii</i> , sec. pri- } mo Appendicum, quando } veniunt in fine Mensis } <i>Âân</i> .
<i>Nassired.</i>	26		<i>Nassired.</i>	31	
<i>Olugh B.</i>	26		<i>Olugh B.</i>	31	

Ab his omnibus discordat *D. Lord*, (vel Sacerdos qui ejus informator,) diverso ordine ea recensens; prout apud eum videre est. Et sanè ex omnibus dictis horum Temporum Indicibus, seu Catalogis, constat Temporum Initia esse confusa, & omnes Autores *Persicos* de eis statuendis inter se discrepare: ita enim Initia statuunt, ut non interpo-

natur


natur sat dierum distantia, prout ea singulis Creationis Actibus ab illis annumerari solent. Quamvis verò de Diebus Initialibus discrepetur, inter omnes tamen convenit de Mensibus & de Dierum Numero, & de Initio VI^{ti} Temporis, quòd scil. fuerit die *Abnavâd*, seu primo Appendicum in fine Anni tam antiqui quàm recentioris. Adeò ut tam apud antiquos quàm apud recentiores, ultimi Creationis Festi *Quindium*, seu *Pentaëmerum*, coinciderit cum Festi Appendicum *Quindio* posteriori. Nam Appendicum Festum totum constat integro *Decendio*, seu *Decaëmero*, quod incipit XXVI^o die mensis ultimi.

At si volumus eorum *παράμυθα* castigare & emendare, & Creationis Festa & Tempora rectius constituere secundum Dierum Numerum & Situm singulis assignatum, oportet notare, Festi ultimi Initium esse certum, sine ullâ inter eos discrepantiâ; unde ejusdem ductu, de reliquis statuere licebit, sequente modo secundum mensium Ordinem antiquum.

- I, Creatio Cœlorum XLV diebus, incipiens ab XI *Bebman*, durabat ad XXV *Isfbendârmaz*, utrinque inclusivé.
- II, Creatio Aquæ LX diebus, à XXVI *Isfbendârmaz* ad XXV *Ardibehisht*, utrinque inclusivé.
- III, Creatio Terræ LXXV diebus, à XXVI *Ardibehisht* ad X *Mordâd*, utrinque inclusivé.
- IV, Creatio Arborum & Plantarum XXX diebus, ab XI *Mordâd* ad X *Sabhrivar*, utrinque inclusivé.
- V, Creatio Creaturarum seu Animalium LXXX diebus, ab XI *Sabhrivar* ad XXX *Abân*, utrinque inclusivé.
- VI, Creatio Hominis LXXV diebus, à primo Appendicum ad X *Bebman*, utrinque inclusivé. In toto, integer Annus, seu CCCLXV dies.

Adeò ut secundum illos (quantum colligere liceat,) Creatio videtur inchoata in Ætate circa mensem Majum; & vertente Anno, eodem tempore finita & completa: adeò ut, tandem condito Adamo, omnes terræ productiones in æstivalis perfectionis statu adulto tunc fuerint.

Alia autem quædam *Temporum* Nomina, à superioribus diversa, leguntur in Libro *Zend*, peculiaribus adaptatis Precibus: sunt verò



Glah Hâvâni.
Glah Râspîwan.
Glah Uxvan.
Glah Jansîrim.
Glah Ushaban.

Sextum

Sextum ibi non occurrit. Igitur post Fidem in uno vero & æterno Deo, quam antea tenuerant, semper retinendam, hoc fuit *Zerduſhti*, seu *Zoroastri* Præceptum proximum, ut pro singulis dictis *Temporibus* celebrarentur, quavis vice, *quinque Dies Festivales*, cum Epulis & lætitiâ, ut in *Sad-der* præscriptum. Quapropter, etiam hodie, *veteres Persæ* & eorum *Magi*, ex instituto *Zoroastri*, in singulis Creationis Festis celebrant V Dies, & quovis istiusmodi *Pentæmero*, seu *Quindio*, laudant Deum pro iis quæ illâ Temporum vice condidit & creavit, & ad omnia pii animi Officia, quæ Operibus illis respondeant, homines adhortantur.

Singulorum itaque *sex* Temporum Festivitas durat per V tantum Dies: sed nihilominus cujuscvis Temporis Opus in eo conditum, per plurimos Dies (ut dictum) inter faciendum durasse credunt. *Zoroastres* ergo, Persarum propheta, tam ex *Bibliis Hebraicis*, quam ex Judæorum ore in Persiâ, accipiens Creationis Historiam, eam torſit & suo modo interpretatus est, exponendo *Sex* ibi dictos *Dies* fuisse *Sex Tempora*, quorum singula multis diebus constabant, & quorum omnium *Sylloge* unum integrum Annum constitueret; nolens arbitrari tam grande Opus, quale fuit Mundi Creatio, ita præcipitanter VI dierum spatio acceleratum fuisse; ideoque longiora tempora ad hoc assignavit, absque necessitate: cum Deus omnipotentiam suâ non tantum VI diebus, sed illorum dierum VI *momentis*, totius Universi Fabricam miraculosè absolvere valeret.

Zoroastre itaque in illâ opinione præeunte, Persæ etiam *hodie* adhuc credunt Deum, in rerum Creatione, multorum dierum Tempora insumpsisse, quod fuit merum Somnium & Zoroastri delirium, minuens ejus omnipotentiam, qui per *æternum Verbum* fecit Mundum, omnia VI *momentis* creans, eundemque potentissimo suo Mandato sustentans, ut in Psalmo, *Mandavit, & firma steterunt*. Imò Deus (si sapientiæ ejus Divinæ sic visum fuerat,) uno momento, per unum verbum *كن* *Cûn*, seu *باش* *Bâsh*, *eslo*, totum Mundum & omnia in eo condidisse potuerit. Ille autem *ἀνδραποδάσας* opus suum divisit in VI dies, & tunc quievit *Septimo*, ut exemplo esset hominibus, quos diem Septimum sanctificare voluit, & id strictè præcepit, & severam pœnam in delinquentes irrogandam curavit.

CAP. X.

De humani generis origine. De Diluvio, & de aliis quibusdam rebus antiquis. De felicitatis Paradisis terrestribus. De Mose & Salomone. Persarum Religio in multis convenit cum Judaicâ, & magnâ ex parte ab eâ desumpta fuit.

QUoad humani generis originem in Mundi Creatione, veterum Persarum orthodoxi credunt (prout in S. Bibliis traditum) آدم وحواء *Adamum & Evam* omnium hominum *Protoparentes* fuisse. At secundum eorum alios, primus Vir ejusque Vira fuerunt همیشه و میشاده *Mischa & Mischâna*, ut legitur apud *Ibn Pbacreddîn Angjou* Persam in Libro *Pharbângb Gibângbîiri*, & apud *Sbabristâni* Arabem in Libro de Religionibus Orientis. In Persicorum Regum catalogo *Constantinopolitano*, hi minùs rectè vocantur مستعی و مستعاده *Mésti & Méstâna*. Sunt ex Magis qui statuunt مهلی و مهلیمان *Mubli & Mubliân*, ut Persicè tradit *Ibn Sâid Gjurgjâni* in Libro *Masâlik Mamâlik*, quem subinde, brevitatis causâ, cito sub nomine *Masm*. Ibidem memoratur, dari aliquos ex Hæreticis Magorum (ut & *Indorum*) qui ajunt eandem fuisse originem *Hominum & Brutorum*. Contra illos verò iste Autor arguens objicit, *Si sic fuerat, tum in horum utrorumque formis & coloribus non fuisset differentia*. Sed fortè alio sensu dictam originis identitatem intellexerint illi Magi. A quibusdam *Indorum & Persarum*, Rex cui nomen كرمورث *Kejomâras* ex eorum *chronologia & Chronologiæ* ignorance) perperam habitus est *Adamus primus*: ab aliis eorum habitus est آدم الثاني *Adamus secundus*, qui apud Orientales erat *Noab*, propter humani generis restitutionem & renovationem à Deo factam per illum. Hinc est quòd dictus *Kejomâras* apud *Emirchond* Persicè (ut alibi notavimus) vocatur گلشاه *Ghilshâb*, i. e. *Rex terræ totius*: & in supradicto Catalogo, ejus nomen perperam scriptum est جلشاه من الملوك *Gjiltâ* qui ex Regibus fuit, scribæ errore, pro quo rescribendum est *Arabicâ* illâ formâ جلشاه *Gjilshâb*. Et propter hanc malè fundatam opinionem, dictus Rex in Persico Libro *Mu'gjizât* vocatur پدر اول *Pater primus*, seu hominum *Protoparens*; nempe post Diluvium primus hominum Propagator, seu Sator, à quo Persarum aliqui se derivari gestiunt,

gestiunt, quasi is fuerit *Noab*. Alii autem ex eis, aliter statuunt. Ut itaque ista eorum fabula retexatur, sciendum est, quòd dictus *Kejomáras* fuit ex primis Dynastiæ *Medicæ* Regibus, qui Regnum suum ex *Affyrriorum* manibus ereptum & eis ademptum restituit *Medis*. Unde, quia is fuit Imperii & Religionis Restitutor, ab illis prædicatur quasi totius Humani generis Restitutor, (vel saltem eum sic figuratè repræsentare amant,) quia Orbi Medico & Persico talis & tam insignis Restitutionis Autor fuit, idque à tempore apud eos immemoriali. Ab aliquibus Persarum, Adami *Uxor* vocatur بلده *Belda*, ut in dicto Libro *Pb. Gj.* Et Adami filia nominata est اقليميا *Iclimia*, ut in Libro *Pharbàngb Surûri*.

Veterum Persarum Orthodoxi credunt طوفان *Diluvium*, idque fuisse universale, & totam terram occupasse. Sed ut varias habent Sectas & Opiniones, de omnibus hisce rebus, à tam remotâ antiquitate petitis, inter se subinde dissentiunt & in *fabulationem* excurrunt. Nam, referente *Ibn Shabna* Arabe, in Libro *de primis & postremis*, dantur aliqui ex Magis qui negant *Diluvium*, uti (inquit) & Indi & Cbineses & aliæ quædam Gentes Orientales. Alii (inquit) ex Magis agnoscunt *Diluvium*: sed ajunt illud non fuisse universale, nec transivisse ultra عقبه حلوآن *jugum montis prope Hulvân*; quæ est inter Assyriæ & Persiæ confinia urbs. Ex Zoroastris autem sententiâ ajunt, quòd non fuisset *Diluvium*, nec Mundus submersus, nisi propter iniquitatem & diabolica præstigia nequissimi hominis ملكوس *Malcûs*; & quòd postmodum, tempore Sâm filii *Nerimân*, oppressio & tribulatio super Mundum non venisset, nisi propter impium hominem سرورگ *Sarûregb*.

An per nomen *Malcûs* intelligant *Cain*, vel ex ejus familiâ *Lamech*, determinare non audeo: uti nec an per *Sarûregb* intelligant *Sarugh*, qui *Ibn Shabna* dicitur سرور *Sarûr*, quem primum Idololatriæ invectorem statuunt aliqui ex Orientalibus. In Libro *Pharb. Sur.* memoratur كوه جليل *Mons illustris*, ubi tunc habitavit *Noab*, cum ex eo erumperet aqua *Diluvii*: & ibidem راله كوفه *Zâla-Cûpha* dicitur fuisse nomen Vetulæ ex cujus فنور *Furno* aqua *Diluvii* primò erupit. Sed iste *furnus* est ex Persarum nugis quæ vix recensione dignæ.

Quid de veteribus quibusdam rebus senserint Persæ, & quænam eis Nomina imposuerint, novisse juvat. *Hierosolymorum* urbs ab eis olim nuncupata est ضحاک تاري *Domus Debâk Arabis*, scil. habitatio illius qui Διόνης, origine *Arabs*, postea factus *Medorum* Rex

tempore *Menaffis* regis Judæ, quando Judæi deportarentur à *Sennacherib*, cujus filius *Esarbaddon* mox regnavit. Quodd *Deioces* Arabs Hierosolymis vixerit, non est impossibile: nam absente Judæorum potentiâ, quivis potuerit ibi habitare. Aliàs autem, à veteribus Persis ea urbs aliter vocata fuit گنگدر هوبت *Gbangb-diz Houbt*, i. e. *Paradisus Judæorum*. Eam vocarunt *Judæorum Paradisum*, seu *Elysium*, quia Judæi videbantur jactare de eo loco tanquam de Paradiso, cum *Ezra* & Captivi Judæi docerent *Cyrum* & *Artaxerxem* & Persas omnes quàm gloriosus & quoque sacer esset ille locus, & prædicarent multa de *Deo Israelis* qui habitabat *Hierosolymis*, ut *Ezr.* VII. 15. Unde Persæ videntes eum esse felicitatis terrestris locum quem magni faciebant Judæi, haud immeritò eorum *Paradisum* vocarunt, ei accomodantes suum nomen *Gbangb-diz*. Judæorum autem nomen variè profertur in Oriente: à Turcis scribitur جهون *Gjebûd*, & sonatur *Gjifût*: Arabibus rectiùs يهون *Jebûd*, & abbreviatè هون *Hûd*; unde Persis paulò productiùs هوبد *Houbd*, seu, facilioris soni causâ, هوبت *Houbt*. Quid Persæ seriò & reverà sentiunt de Paradiso cœlesti, alibi suo loco dicetur. Sed hocce Paradisi nomen, quo dignati sunt Judæorum *Solyma*, est ex fictitiis Paradisis, Persarum & aliorum Orientalium *Mythologia* annumerandis. Nam cum *Horti Eden* verus locus à veteribus Gentibus ignoraretur, mente revolvebant & exquirebant quænam Beatitudinis loca terrestria alicubi imaginari liceret, aut in Mundo habitabili reperiri possent. Et horum Locorum unus Persicè vocatur گنگ *Gbangb*, seu بهشت گنگ *Bebishti Gbangb*, i. e. *Paradisus Gangis*, vel aliàs گنگدر *Gbangb-diz*, i. e. verbatim *Gangis castellum*. Sed sine notione *Castelli*, absolutè ut locus felicitatis terrestris consideratur. Hic locus supponitur urbs ubi منزل بریان *Mansio Spirituum*, & معبد *Adoratorium*, seu پرستشگاه *Templum* dictum قندهار *Candabâr*. Iste locus quibusdam audit *Arin*, at in Arabum Libris اردن *Arin*, & قبة الارض *Kubbato'l'Arâ*, seu *Vertex terræ* summus, ad orientem *Kataia*, seu *Cbinæ* situs. De situ autem hujus Loci fictitii mox accuratiùs dicetur. At pro گنگدر *Gbangb-diz*, in *Olugh-Beigbi*, & *Nassireddini* Tabulis Geographicis, ex Scribæ ignorantia malè legitur گنگدر: unde D. *Job. Gravius*, olim Astronomiæ Professor Oxoniensis, in suâ Versione perperam legit *Cancadora*, ut in *Notis ad Itinera Mundi* fusiùs docuimus.

Alius

Alius *Felicitatis* locus (vel fortè idem locus sub alio nomine) vocatur جڭمڭرڭ Gjamgbèrd, seu Gjembèrd, in Libro *Sad-der* memoratus. *Abulpheda* in *Geographiâ* suâ *Arabica*, & ex eo *Spâbi-zâda* in *Lexico Geographico*, hoc nomen perperam scribit جڭمڭرڭ Gjamgbût, & ait *Perficè* legi جڭمڭرڭ Gjamgbûd, utrumque malè, Scribæ errore in litera *Waw* pro *Re*, cùm autor intenderit ut legeretur جڭمڭرڭ Gjamgbèrt seu جڭمڭرڭ Gjamgbèrd. Et quidem in *Tabellâ Urbium* in *Almagesto Arabico Pocockiano*, in ipso *Æquatore* in extremo oriente collocantur tres Urbes (vel saltem loca vulgò supposita,) quæ sunt قبة اربى Kûbba Arîn, & تازة Tâzè, & جڭمڭرڭ Gjamgbèrd; quæ (ut de *Chimæris* dicere solent Arabes,) موجود الاسم معدوم الجسم extant nomine, sed non re. Hæc loca supponuntur exactè sub ipso *Æquatore*, عريضة العرض Latitudine destituta seu privata. Est autem Gjam, seu Gjem, ex nominibus *Solis*, & subinde etiam *Lunæ*: aded ut Gjamgberd, ex vi vocis, sit *Solis Lunæve Civitas*: commodissimum sanè loci *Paradisiaci* nomen! Vel Gjem est *Salomonis*, seu Gjemsbîdi nomen, (si libet interpretari,) *Salomonis*, aut Gjemsbîdi *Civitas*.

Talis etiam *imaginarius Felicitatis* locus dicitur ايران وڭج Irân-vîgj, itidem in *Libro Sad-der* memoratus, qui videatur haberi, seu fingi, alicubi intra limites *Perfidis* quæ vocatur Irân. Fortè sit ماردن كوه Mons Dumâvand prope ejusdem nominis urbem;¹ vel alias, aliquis Locus sub *Æquatore*, cum Irân-vîgj sit Irân beata, seu beatitudinis. Sed prædicta loca videntur esse nominalia tantùm, quæ *Orientalium Eutopice*, seu potius *Atopice* (utpote quæ nullibi terrarum reverà inveniuntur,) annumeranda.

Ejusmodi *Beatitudinis* locus etiam ab *Indis* fingitur in regione کشمیر Keshmîr circa caput *Gangis*; unde fortè Gbangb pro generali cujusvis loci *Paradisiaci* nomine habitum, aded ut alter supradictus *Paradisus* (quamvis diverso situ sub *Æquatore* fictus,) inde suum mutuaverit nomen Gbangb-dîz, q. d. alter *Paradisus Gangeticus*: aliàs enim hoc nomen minùs aptum, cùm designet locum in medio maris plus quàm MMM milliaribus à *Gange* distantem. Non itaque à convenientiâ seu identitate Sitûs, sed à paritate felicitatis desumpta videtur denominatio. Cùm enim Indorum in Keshmîr *Paradisus* terrestris sit ad *Gangem*, consecrarium videtur quod à paritate amœnitatis, eodem nomine gavissus fuerit Gbangbdîz, quamvis diversissimo situ

¹ De quo loco infra in Vita *Gustaspis*.

procul à Gange positus. In *Indiâ* enim *australi* calor est intensus & intemperatus; unde respectu hujus, alter locus qui *borealis*, sit magis temperatus ubi detur *refrigerium* & à caloribus *Indiæ* remissio, ut ex differentiâ climatis amœnitas Paradisiaca exurgat. Hæc itaque fabula de loco in *Keshmîr* ortum habuerit tam à felicitate climatis, quàm quòd ibi oriatur *Ganges*, quem *Indi* beatissimum & sanctissimum æstimant.

Cur autem *Ghângb-diz*, & *Gjangbèrd*, & *Kúbba Arín*, &c. habitata fuerint loca Paradisiaca, dicendum restat. Hoc enim non fortuitò factum, sed *mathematicè* consideratum & benè perpensum. Talia enim loca nullibi terrarum dantur: sed sunt loca *mathematicè* supposita ad orientem *Cbinæ* in medio maris, ubi in orientali extremitate Globi datur maximorum Circulorum (scil. *Zodiaci* & *Æquatoris*) Intersectio exactè ad CLXXX Longitudinis gradum, Globum hac ratione æqualiter dividendo. Nam ab alterâ dictorum Circulorum intersectione, in occidentali Globi extremitate, (unde sumimus Longitudinis initium,) ad hanc extremitatem Orientalem sunt CLXXX gradus, ut dictum. Unde *Indorum Astronomi*, qui orientali extremitati propiores, Longitudinis initium sumentes ab *Arín*, talem Longitudinem in contrarium nostrî ducebant versus Occidentem, eandem terminantes ad gradum CLXXX in *Insulis fortunatis* ubi nos incipimus. Hæc itaque loca, quæ primò ad usum mathematicum accommodata, cùm essent exactè sub ipso *Æquatore* ejusve Intersectione sita, necessariò fuerint amœna, ideòque habitata ad instar Paradisorum terrestrium, quorum felicitas in aëris temperie & clementiâ consistebat. Hæc itaque loca sunt nil nisi *fictitii Paradisi* in *locis supposititiis*, nullum aliud felicitatis fundamentum habentia nisi in situ illo, præsumendo quòd quivis locus perpetuo *Æquinoctio* temperatus deberet esse peramœnus, & eo solo sensu ut Paradisus habendus. Inde enim factum est ut *Μαχαρίων Νήσι*, seu *Insulæ fortunatae* (ubi Græcorum *Elysium*) in occidente, habitæ fuerint pro Beatorum sede, propter situm suum in *Æquinoctio* perpetuo, omni aliâ ratione cessante, & absque alio felicitatis prætextu, aut argumento ullo, nullâ caloris aut frigoris sævitie læsa aut turbata, prout decebat Paradisum. Iste autem Paradisus occidentalis, seu *Elysium*, à Persis vocatur *درآنه*, *Derânegh*, ut in Libro *Pb. Gj.* describitur. Aded ut hæc duo, in utrâque Mundi extremitate, loca Paradisiaca, non ex rudioris vulgi designatione orta sint, sed à veritate mathematicâ, quoad situm, pendeant. Et ut *Indi* à dictorum Circulorum Intersectione orientali Longitudines suas sumebant, sic in reliquâ Orbis parte, tam
in

in *Europâ*, quàm in *Asiâ*, ab oppositâ Interseccionē occidentali omnes (sive *Regionum* in *terris*, sive *Stellarum* in *calis*) accurato calculo Longitudines sumunt; scil. ducto initio ab illo loco quem circa tempora *Hipparchi* & *Chaldeorum* occupabant primæ stellæ *Arietis*, jam è *Dodecatemorio* suo ferè egressæ. Adeò ut, duplici de causâ (*Astronomorum* monitu ductûque) per totum Orbem insignia & notabilia fuerint duo illa dictarum *Interseccionum Puncta*, scil. propter usum mathematicum Longitudinum, tam *terrestrium*, quàm *cælestium*, inde tanquam à locis fixis sumendarum, & propter imaginariam talium locorum felicitatem & amoenitatem Paradisiacam, vulgò creditam, & aliàs nullibi terrarum inveniendam. Cùm enim veteres Gentes, ex *Mosaicâ* historiâ, de Paradiso & aliis rebus monerentur, talium rumor totum terrarum Orbem pervasit; non autem potuerunt ad satisfactionem suam, nisi mathematicè, locum ejus quærere & investigare. Cùm verò dicta Historia nullam Paradisi cælestis, nec Vitæ æternæ mentionem faciat, (quæ veterum Persarum Fides docet,) oportet ut illa sua Principia altius petierint, à Prædicatoribus justitiæ, *Noab* ejusque filiis edocti. Et inde est, quòd sacra linea Judaica easdem notiones semper retinuerit, quamvis Lex postea data (exceptâ Dei Unitate) de rebus agendis potius quàm credendis magis sollicita, non videtur *Vitæ æternæ* & *Resurrectionis* disertam mentionem fecisse, quantumvis hæc omnia, perpetuâ traditione & indubitâ fide, ab initio ad hæc usque tempora, ab Orthodoxis & Fidelibus semper crederentur. Adeò ut, tam Persæ, quàm sacra linea Judaica, primam orthodoxiam suam ab eodem fonte hauserunt, & inde primi Paradisi terrestris priorem monitionem acceperunt, cujus tamen (ut & Creationis) magis particularem notitiam à Lege postliminiò traditâ habuerunt.

Ut itaque Persæ Paradisi terrestris posteriorem notionem & notitiam habuerunt à Lege, sic & sanctissimi Viri Dei, *Mosis*, atque aliarum rerum & personarum notitiam ab eodem fonte hauserunt. *Moses* enim, qui per totum Orbem suo tempore celeberrimus & famigeratissimus, (Arabibus dictus *كليم الله* *Interlocutor Dei*, vel simpliciter *Calim*, *Interlocutor*,) apud *vetustissimos Persas* habet nomen in quo continetur ejus descriptio, *سرخ شیان باهودار* *Rufus Pastor baculum tenens*: nam Pastoratum egit apud *Jethronem* cum *Pedo*, seu *Baculo* pastorali, & virgâ, seu *Bacillo* manuali, apud *Ægyptios* famosus fuit. Dictum *Mosis* Epithetum ex remotissimâ antiquitate petitum est.

Atque

Atque Doctissimus *Huetius* in *Demonst. Evang. ex Artapano* tradit *Mosen* fuisse procerum & rufum, &c. Et quidem hæc videtur recepta opinio etiam apud *Arabes*: nam *Rod. Ximenez* in *Hist. Sarac.* Cap. V, explicando *Mohammedis* Visiones, narrat illum prætendentem se, quasi in Hierusalem cœlestem raptum, ibi vidisse *Abrahamum* & *Mosen* & *Jesusum*: & *Abraham* (inquit) similis erat mihi: *Moses* rubeus & *crispus*: *Jesus Mariæ* filius erat flavus capillis; nec longus, nec parvus, sed dispositione & staturâ mediâ coaptatus. Et videbatur aqua ab ejus capite proflire, sed aqua non erat ibi. Postcâ in sextum cœlum evectus, inveni ibi hominem rubeum & procerum, qui erat *Moses*. Nempe, *Gloriolæ Christi* caput ambientes, erant sicut radiationes aquarum ex Sacro ejus Capite emanantium, ut voluit insinuare *Mohammed*.

Cùmque *Salomon* per totum Orbem esset famosus, apud veteres Persas etiam non fuit inauditus, à quibus ergò vocatus est جم جمem, quo aliàs nomine vetustus quidam Persarum Rex (quasi sapientiâ ei par) designari solebat. Nempe quoties nomen *Gjem* cum melle, myrto, dæmone, genio, vento, feris, avibus, aut ejusmodi aliis memoratur, eo significatur *Salomon*: at quoties hoc nomen memoratur cum جم جمam, seu Poculo, tum eo intelligitur Rex جمشيد Gjemshid: de cuius Poculo & mirâ ejusdem Inscriptione alibi agetur, si Deus vitam & vires suppeditaverit.

De Persarum Opinionibus primitivis, nolo heic aliquid dicere, quia de eis plura ex *Shabristânio* inferiùs adducuntur, & deinde postcâ, ubi de extremi *Judicii* Ponte agitur. In genere autem innuam, quòd ex *Lege Mosaicâ* eis plurima suggessit eorum *Propheta Zerdusht*, quem in illâ *Lege* satis versatum fuisse constat; idque tam ex dictis de primâ *Creatione*, & *Diluvio*, & *Abrahamo*, & *Altaris Igne* perpetuo, &c. quàm quòd, ut *Malchisedek* Decimas solvebat *Abrahamo*, sic & hi solvebant *Sacerdotibus* suis: & deinde, quòd instar *Judæorum*, habent Summum *Sacerdotem*, & frequentes *Lotiones*, & *Bestias* mundas ac immundas, & præcipiunt fugam pollutionis à contactu mortuorum, & de omni puritate curiosi sunt, & ad evitandum omnem contaminationem internam & externam cauti; & quòd Ignem alienum (quâ in parte peccabant *Nadab* & *Abihu*,) Deq̃ offerre nolunt. Quin & iste populus hodie frequenter in ore habent *Braham* & *Nebbi Mûsa*, & *Jûsufh*, aliâque *Vet. Test.* nomina. Prætercâ ex quotidianâ *Judæorum* cum *Persis* conversatione, illi cum his communicabant omnes res; adeò ut *Artaxerxes* (seu *Darius Hystaspes*) suum dederit فرمان Pherman seu Mandatum, ut antecâ fecerat *Cyrus*, pro restau-

restauratione Templi, & restitutione Vasorum; & pecuniam suppeditavit pro emendis Sacrificiis, &c. ut de his affatim legitur in Libris *Ezrae* & *Nebemiae*. Aded ut non sit mirum, si omnes Judæorum consuetudines innotuerint Persis, qui multas ex eis sibi retinuerunt: unde magna est in utriusque gentis Religione convenientia.

C A P. XI.

Dei Nomina & Attributa apud veteres Persas usitata, secundum Catalogum quem ex Oriente accepi.

𐎠𐎡𐎹𐎡𐎹 <i>Yadd.</i>	𐎠𐎡𐎹𐎡𐎹 <i>Atab.</i>
𐎠𐎡𐎹𐎡𐎹𐎠𐎡𐎹 <i>Yaddin.</i>	𐎠𐎡𐎹𐎡𐎹𐎠𐎡𐎹𐎠𐎡𐎹 <i>Atanginan.</i>
𐎠𐎡𐎹𐎡𐎹𐎠𐎡𐎹 <i>Choddi.</i>	𐎠𐎡𐎹𐎡𐎹𐎠𐎡𐎹𐎠𐎡𐎹 <i>Variddi.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹 <i>Chodvand.</i>	𐎠𐎡𐎹𐎡𐎹𐎠𐎡𐎹𐎠𐎡𐎹 <i>At.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Chodvandghar.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹 <i>Karbagdar.</i>
𐎠𐎡𐎹𐎡𐎹𐎠𐎡𐎹𐎠𐎡𐎹 <i>Omid.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Pharab-janab.</i>
𐎠𐎡𐎹𐎡𐎹𐎠𐎡𐎹𐎠𐎡𐎹 <i>Homid.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹 <i>Ghimagbi.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Homid-choddi.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Pargab-cord.</i>
𐎠𐎡𐎹𐎡𐎹𐎠𐎡𐎹𐎠𐎡𐎹 <i>Harab.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Tam-aptigab.</i>
𐎠𐎡𐎹𐎡𐎹𐎠𐎡𐎹𐎠𐎡𐎹 <i>Harab.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Harab.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Harab-tan.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Puravandab.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Harab-ghar.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Paravandab.</i>
𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Harab-Chod.</i>	𐎠𐎡𐎹𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹𐎠𐎡𐎹 <i>Harab.</i>
	<i>Harab.</i>

𐎧𐎠𐎢𐎡𐎢𐎠𐎢𐎠 *Hamiyāb.*
 𐎧𐎠𐎢𐎡𐎢𐎠𐎢𐎠 *Adarā.*
 𐎧𐎠𐎢𐎡𐎢𐎠𐎢𐎠 *Gbirā.*
 𐎧𐎠𐎢𐎡𐎢𐎠𐎢𐎠 *Ījān.*
 𐎧𐎠𐎢𐎡𐎢𐎠𐎢𐎠 *Gjānā.*
 𐎧𐎠𐎢𐎡𐎢𐎠𐎢𐎠 *Saphān.*
 𐎧𐎠𐎢𐎡𐎢𐎠𐎢𐎠 *Nābā.*
 𐎧𐎠𐎢𐎡𐎢𐎠𐎢𐎠 *Perwā.*
 𐎧𐎠𐎢𐎡𐎢𐎠𐎢𐎠 *Āyānā.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠 *Āyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Charāyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠 *Mān-āyān.*
 𐎧𐎠𐎢𐎡𐎢𐎠𐎢𐎠𐎢𐎠 *Yān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Harāyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Hāyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Har-āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Har-āyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Karāyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Avāyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*

𐎧𐎠𐎢𐎡𐎢𐎠𐎢𐎠 *Vanā.*
 𐎧𐎠𐎢𐎡𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠 *Phāyān.*
 𐎧𐎠𐎢𐎡𐎢𐎠𐎢𐎠 *Perwā.*
 𐎧𐎠𐎢𐎡𐎢𐎠𐎢𐎠 *Hāyān.*
 𐎧𐎠𐎢𐎡𐎢𐎠𐎢𐎠𐎢𐎠 *Charāyān.*
 𐎧𐎠𐎢𐎡𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠 *Satān.*
 𐎧𐎠𐎢𐎡𐎢𐎠𐎢𐎠𐎢𐎠 *Rachān.*
 𐎧𐎠𐎢𐎡𐎢𐎠𐎢𐎠 *Vanā.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Phāyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān, quasi*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠 *Cān-rad.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Phāyān-āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān, seu*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Phāyān, seu*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Phāyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Hamān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Stān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*
 𐎧𐎠𐎢𐎡𐎢𐎠𐎢𐎠𐎢𐎠𐎢𐎠 *Āyān.*

Ham-āyān.

دَد-اِسْبَرِيدَ Dad-ispurid.

دَد-دِيبَ Dād-dib.

سِیدَر-وید Slider, seu

شیدَر شین: Sizer, five

Skinder.

مَنَدَ Mānā.

تَیْغَبَر-وید Teyghār.

لِیر-و-بَر-وید Lir-u-bār.

کَرداپلَر-وید Kardaplār, i. e.

Canditor ve-

rum.

غَیْمَدَان-وید Ghaymān, i. e.

Occulta scientia.

Notandum est, quòd apud vulgum pronom est a tenuis sonum mutare in s, & pro *Yezād* dicere *Yezād*, seu *Izud*: pro *Sizad*, *Sizud*: pro *Zend* & *Pāzend*, *Zūd* & *Pāzund*: pro *Ispendārmaz*, *Ispendārmaz*, seu *Ispendārmōd*: pro *Zendaveštā*, *Zundavastaw*. Et sic in multis aliis, non autem in omnibus.

Insuper sciendum est, quòd Dei vocabulum *Yezād* aliquando tribuitur Angelis, (ut suprà dictum,) quia Deus aliquid loquens aut faciens, id facit per Angelos, qui Dei vice fungentes, ipsius vocabulo honorantur; ut & sæpè (si non semper) fit in Vet. Test. ubi Angelus haud semel vocatur Deus, & ejus loco honoratur; ut tam alibi, quàm in casu *Manoā*, qui dicit se vidisse Angelum, & tamen metuit se moriturum, quia viderat Deum. Vide suprà p. 161, &c. Et vide intrā ubi de *Angelis Dierum* agitur. Aliisque Gubernatoribus aliquando tribuitur alterum Dei nomen *Choddā*, ut in voce کَتَخْدَا pro کنه خدا, quo aliās vocatur *Oeconomes*, qui à Turcis pessimè sonatur *Kiābja*.

C A P. XII.

Nomina & Epitheta Angelorum ex sententiā veterum Persarum, præter Angelos Mensium & Dierum posthac memoratos.

فَاندَ یَزدَ Vandād Yezād. 1

هَکَم یَزدَ Hām Yezād. 2

بَرم-یَزدَ Barm-yezād. 3

نیر-یَزدَ Niri-yezād. 4

رَگ-یَزدَ Rāg-yezād.

دَیْمَن-یَزدَ Daimān-Yezād.

هَپت-یَزدَ Haptyezād. 5

اَکَبَر-یَزدَ Akbar-yezād.

کَکَبَر-یَزدَ Kakbar-yezād.

کَکَبَر-یَزدَ Kakbar-yezād.

مَکَبَر-یَزدَ Makbar-yezād. 6

هَکَم-یَزدَ Hām-yezād. 7

مَکَبَر-یَزدَ Makbar-yezād.

پَکَبَر-یَزدَ Pakbar-yezād. 8

بَکَبَر-یَزدَ Bakbar-yezād.

سید ران *Bād-rān*, 9

د سید ران *Revān-bāchsh*, 11

سید ران *Befter*, 10

د سید ران *Gherātāmān*, 12

1 Vulgus sonat *Vannūd-Izūd*: is (quasi sit *Pluto*) censetur præesse VII Gehennis, ubi omnibus assignat penas peccatis proportionatas. Is Diaboli furem & malitiam restringit, ne aliàs tyrannidem exerceret in damnatos, peccaminosas eorum animas ultra præscriptum modum cruciando. 2 Is est dominus maris, vel, secundum *Mandesh*, præest generationi hominum & omnium rerum productioni. 3 Is, secundum Indo-Persas, est famulus r̄u *Hom-Izūd*, ut vulgò sonant. 4 Secundum illos, is est famulus r̄u *Sorésh*. 5 Ille à stellis denominatus: nam *هفتورنگ* *Haptōrangb*, seu *Septentrio*, est duplex, major & minor, sc. tam Angeli quàm Constellationis nomen, *Septem-Trionas* tam majores quàm minores notans, de quibus vide Notas nostras ad *Olug-Begum* in Constellationibus Ur̄æ majoris & minoris. 6 De hoc Angelo ejusque officio, vide Lib. *Sad-der* cap. 28. 7 *Hārūt & Mārūt* sunt duo Angeli qui pro exemplo rebelles facti sunt, & in regione Babel suspensi pedibus sursum & capitibus deorsum. 8 Is est Angelus: an in genere? vel, quidam Angelus? 9 i.e. *Ventum-pellens* Angelus, qui Ventum in motionem ciet, & è loco suo educit. 10 Is est Angelus *Michāel*, qui victum & sustentationem hominibus præbet, & alimentum eis suppeditat. In *Pb. Sur.* *پشتور* *Befter*, & minus rectè *تشتور* *Teshter*, absolutè exponitur *Michāel-Angelus*. 11 i.e. *Animarum dator*, in oppositum *Azraēlis* qui Animarum ablator easque aufert, utpote qui sit *Morsis dator*, de quo vide Notas nostras ad *Relig. Turc.* Porro *Revān-bāchsh* exponitur, Angelus in cujus manu est Scientia, Arabicè aliquando dictus *روح القدس* *Spiritus Sanctus*, quo nomine aliquando *Gabrielem* intelligunt Commentatores *Coranici*. Aliàs apud *Gilelenses*, *Sorésh* est *Gabriel*: & sic in *Pb. Sur.* At in *Sherpnāma*, est Angelus nuntii later. 12 Is est Angelus qui humanorum operum Approbator aut Reprobator.

C A P. XIII.

Diaboli Nomina & Epitbeta apud veteres Persas, secundum Catalogum quem accepi ex Oriente.

سید ران *Abōriman*, 1

د سید ران *Dārg-akūman*, 2

سید ران *Hūrmāt*, 3

د سید ران *Dārg-in-akūman*, 3

سید ران *Abōriman*, 4

د سید ران *Dārg-zevān-akūman*, 4

سید ران *Gherātāmān*, 5

د سید ران *Abōriman*, 5

Gherātāmān, 5

د سید ران *Abōriman*, 6

سید ران *Abōriman*, 6

د سید ران *Abōriman*, 6

سید ران *Abōriman*, 6

Abōriman, 6

CAP. XIV:

De Veterum Persarum Anno & Epochis variis.

Antiquissimorum *Perſo-Medorum Epochæ* (initio Monarchiæ *Mēdicæ* vel ante eam) haud obſcurè colligitur fuiſſe inſtituta ab *Initio Veris*, à menſe *Martio*, propriè & primariò eis dicto, *آذر* *Adur*, ſeu *Azur*: nam in aliis ſubſequentibus Epochis impropriè cum aliis Menſibus coincidere relinquitur illud Nomen. Et quidem huic initio quadrat notus Anni finis & in eo Appendices, qui etiam in ſequentē Epochā *Gjemsbidæā* (quæ uſque ad *Yezdegberd* duravit) pervenerunt ad finem Menſis *Abân*, ubi continuati ſunt; poſt quem (ſeu initio *Adur*) ſequēbatur *Neurûz Magorum*, ſeu initium Anni apud *Magos vetuſtiſſimos*, (cujus mentio in *Pbarbangh Surûri*,) & *Equitatio imberbis*, quæ dicitur fuiſſe initio Hyemis & ineunte Vere. Sed frigus non videtur tunc planè exactum, ut conſtat ex Glaciē in dictâ Equitatione adhiberi ſolitâ primo die *Adur*. Hoc etiam arguit dictâ Feſtivitatis antiquitatem, contra *Persarum* aliquos qui recentem aſſerunt, aliis id negantibus. Cùmque vetuſtiſſimi *Persæ* ſub *Aſſyriis* fuerint, (ſc. ex *Aſſyriorum* Exarchiis ſub *Sardanapalo* & ante eum,) haud parum juvat id quod *D. Golius* ex idoneis Autoribus Orientalibus obſervavit, nempe *Curdorum Anni caput olim incepſiſſe ab Adar, ſeu Martio*. Nam cùm *Curdiſtania* olim *Aſſyriæ* pars fuerit, nullus dubito quin illi Menſes, quos *Curdorum Menſes* vocat, olim *Aſſyriorum* Menſes fuerint; qui etiam uſque hodiè *Syrorum* Menſibus tam nomine quàm ſitu reſpondent, exceptis trium nominibus: nam (inquit) loco *Eiyâr*, apud *Curdos* eſt *Gulân*, ſeu *Rofaceus*; & loco *Ab*, eſt *Dabâc*, ſeu *Æſtuoſus*; & loco *Eilâl*, eſt *Eilân*, ſeu *Aridus*. Et quamvis *Sabæ* & *Chaldæi* & *Syri* hodiè Anni ſui Caput tranſtulerint ad initium Hyemis, apud eos antiquitùs non ita fuiſſe videtur, quippe apud quos, etiam hodiè, *Adar* adhuc Menſi *Martio* reſpondeat. Ideòque non dubitavimus antiquiſſimorum Menſium *Persicorum* dicto ordine & ſitu Laterculum dare, prout initio Monarchiæ *Medicæ* in uſu fuerint.

Proxima huic Epochæ *Gjemsbidæa*, quâ (conſentiente Orientalium omnium traditione) *Gjemsbid Medorum* Monarcha ſextus Calenda-

rium.

rium reformavit; idque, ut conjicit D. Golius, sub initio Intercalaris Mensium Periodi, cum Sacra & Festa annua ab iis Anni tempestatibus, quas respiciebant, tum longius prolapsa essent. Nam Persæ eum Regem eo tempore vixisse asserunt, quod alterius Periodi initia antecedeat. Quamobrem si talis aliqua *Persis* expleta fuit, ea iniverit post *Gjemshidum*, sicut eorum Sapientibus passim attribuitur. Sed (inquit) in *Gjemshidi* Epochâ, seu Anno, non satis expressè docetur, an Æquabilitatem, an Mensium & Dierum nomina, an denique Intercalandi illum CXX annis modum spectare oporteat. Sic ille. Hæc Epochâ (quatenus scitur) duravit usque ad *Yezdegberd*, filium *Sbabriyar*, Persarum Regem ultimum, à cujus *Intbronizatione*, usque hodiè, Annorum suorum Computum deducit veterum Persarum Soboles, adhuc in Persiâ & alibi superstes. In Epochâ *Gjemshidæâ*, Anni forma videtur fuisse duplex, scil. *Civilis*, quam ante se constitutam invenerat *Gjemshid*; & *Ecclesiastica*, quam ipse instituebat, facto CXX annis integri Mensis *Embolismo*, ut Festa in pristinas sedes retraherentur. Aliàs enim, absque isto *Embolismo*, Annus Persicus civilis fuit vagus, scil. ejus initium fuit vagum per totum Annum circuiens: & ejusmodi Anni vagi integra Revolutio, seu ad idem initium Restitutio, absolvebatur MCDLX annis.

Præter Anni Reformationem, dictus Rex *Gjemshid* populum suum *quadrupliciter* in certas Classes dispescuit, & ad certa studia & artificia eos assignavit: & res multas ingeniosas excogitavit, & egregias constitutiones fecit, & pro Unionibus instituit Urinatores, & alia multa invenit. Aded ut, ope dæmonum, multa sua fecisse crederet vulgus, dum curiosa Artis Opera captum eorum superarent. Quin & apud Persas est mos loquendi, extraordinarios in quâvis arte homines vocare *Diabolos* in suo genere, dum aliquid plusquam humanum præstare videntur; ut & nostrates & aliæ nationes aliquando loquuntur. Præter hæc, *Tâbari* refert eum fuisse *برهمن ادريس النبي* *de religione Idris propheta*, i. e. *Enochi*, qui in cælum raptus, quia ambulaverat cum Deo in terris: & sic iste Rex Deum solum adoravit eique servivit. Et quidem *Gjemshid* Regem religiosissimum fuisse volunt Persæ veteres: unde & in Libro *Sad-der* memoriæ proditum est, eum habuisse Revelationes divinas, & Angelos ei apparuisse, &c. Sed tandem apostatizavit: nam *Abmed Ibn Jusuph* Arabs de eo refert, *Gjemshid* primò bonis moribus & virtuti ac industriæ deditus; at postea ab his deservit in superbiam & insolentiam super *Veziros* suos; unde eum deseruerunt Magnates ejus. Hocque resciscens *Dabâc*, eum persecutus est & devicit:

Et devicit: Et ponens eum inter *دفعی* duos asseres, ferrâ dissecuit. Quomocunque ergo se habuerit in initio, talia de eo narrant Arabes & Persæ Mobammedani omnes, (inter quos Emir Chond,) qui in eum impingunt, quodd, processu temporis, postquam diu regnaverat, degeneravit; & tandem evadens superbus & humanæ sortis nimium oblitus, divinos affectavit Honores: & à verâ Religione, in hac parte, exorbitando, suâ Simulachra (ut Numina) per omnia regni sui loca dimisit, eaque colenda imperavit. Si hoc verum fuit, tum meritò passus est iniquitatis suæ supplicium divinitus immisum, dum Regno suo & Vitâ simul exutus est. Nam (ut dictum) tandem bello petitus fuit ab Arabiæ Felicis Rege Sheddâdo Aadi filio, qui fratris sui Ukvâni filium Dabâkum Arabem (is erat *Δαβήκω*;) cum exercitu misit, qui, Gjemschido rege bello oppresso & occiso, Persarum regnum vi occupavit. Quâ morte mulctatus fuit Gjemschid, cum supracitato Almede consentiens Abulpheda in Hist. Gentium notat, quodd Bivarasp, seu Dabâc, eum affectus est fugientem, *دشورہ بدمشار*, illumque ferrâ dissecuit. Hinc est quodd in Persicorum Regum serie invenitur Dekê, seu Dabâk Arabs, qui etiam scribitur Zabâk, Zoâk, &c. quem ut valdè iniquum & crudelem Tyrannum vituperat dictus Emir Chond. Herodotus, qui nunquam in Veritatis Scholâ educatus, omisâ hostilitatis mentione, narrat Deiocem in Persarum Vico pacificè degentem, prætendisse velum justitiæ & bonitatis, aded ut à Persis sponte in Regem eligeretur: sed postea tyrannidem suam & injustitiam prodidisse. Planè autem errâsse videtur Rustemi Epitomator, in voce Pbridûn, *پبریدون* Pbridûn est ille Rex quem interfecit Dabâk: scil. vult insinuare Dabâcum interfecisse Pbridûnum Gjemschidi filium: quod non potuit esse, quia Pbridûn (Herodoto dictus Phraortes) fuit Dabâki seu Deiocis Filius & Successor, non à parente occisus.

Epocham Gjemschideam excepit Yezdegberdæa, quæ quodammodo censerî possit duplex; sc. vetustissima illa quæ initio Imperii ejus obtinuerat, quæ potiùs erat Gjemschideæ; & nova, quam de novo instituit Yezdegberd filius Sbabriyâr, in veteris Religionis (ut videtur) damnum; quippe in quâ nova erant Mensium & Dierum Nomina, neglectis iis qui ab Angelis denominati fuerunt, à quibus pendebant Ritus & sacræ eorum Solennitates omnes. Dicta Epochâ tunc nova, in Libro Pharb. Gj. toties memorata, ibi vocatur *تاریخ ملکی یزدگردی* Epochâ Melikæ Yezdegberdæa, seu Epochâ Regia Yezdegberdæa. Hujus

jus primus Mensis, seu Anni caput, fuit *Tcheshn-sâz*, i. e. *Festi-facti-vus* dies. Hæc Epochæ verè *Yezdegberdæa* (Europæis omnibus hætenùs inaudita) non potuit diu durare; cùm ille qui eam introduxit, tantùm XX annos regnavit. In hac erant *Menses novi*: & in alterâ (quæ vulgò audit *Yezdegberdæa*, apud Autores celebris,) erant *Menses veteres* hucusque continuati, cujus Anni caput statuitur *Pbervardîn*. Sic *Chrysococca* in Canonibus *Persicis*, ἐπὶ Περσίων ἀρχόμενον ἀπὸ τῆς Μεσημβρίας ἐν Νισσηνίᾳ τῇ πρὸς Πέρσας φαρμακτῇ. Et alibi; ἡ ἀρχὴ τῶν ἔτους τούτου ἡμῶν τρίτῃ ἀρχὴ μηνὸν φαρσιν, σπινίνα ὁ Ιασηδανίης εἰς τὸν θρόνον ἐνάθισεν. Omnium consensu, Regis *Yezdegberd* Inauguratio facta est XVI^o Junii die, qui in Anni vagi formâ incidit in initio mensis *Pbervardîn*: eo itaque die Anni *Yezdegberdæi* Caput constituunt *Koushân Ghilâus* & *Shâb Cholegius* in Tabulis suis Universalibus; ubi in Tabulâ quæ Epocharum Capita exhibet, in Epochâ *Yezdegberdæâ* *Persicâ* æquè ac in Epochâ *Gjelalæâ* Caput, seu primus Mensis, est *Pbervardîn*. Hocce Anni initium etiam spectare videtur *Cotboddini* illud, scil. *Yezdegberd* occisum fuisse *Periodi Embolimicæ* anno DCCCCLX, quod debuit fuisse mense *Embolimico* octavo: cùm octies CXX faciant DCCCCLX. Et quidem numerando à *Pbervardîn*, mensis octavus erit *Abân*, quem ritè sequuntur *Appendices*, prout relicti fuerunt tempore *Yezdegberd*. Hoc anno erat *Abân* duplex, *Ordinarius*, & *Embolimicus* qui (cum appensis *Epagomenis*) festivalis totus. Nam sic fieri solet in *Embolimicis* mensibus omnibus.

Hujus Epochæ meminit *Alpberganius* p. 5, de *Ægyptiacis* Mensibus agens, Olim borum Mensium Principia respondebant initiis Mensium *Persicorum*; ita ut principium mensis *Tbotb* idem esset cum initio mensis *Desma*: & porrò mensis quivis alter cum altero: donec Anni *Ægyptiaci* finis conveniret cum fine mensis *Adur*: quod etiam obtinet in Tabulis ad illud Tempus constructis. At menses *Ægyptii* hodiè aliter procedunt, intercalando quarto anno: quare eorum Menses jam *Persicis* dissimiles, at cum *Græcis* atque *Syriacis* congruunt. Primus apud eos dies est 29^{us} *Augusti*. Hic locus fortè seduxerit D. *Petavium*, qui in *Rationario Temporum* Lib. III, Cap. 15, supponit Anni *Persici* initium incidisse in Principium *Septembris*, dicitque, Quid in causâ *Persis* fuerit cur in *Calendas Septembris* Epocham figerent, nemo, quod sciam, causam exponit. Ille scil. non satis perpendens veterem Annum tam *Persicum* quàm *Ægyptiacum* non fuisse fixum, sed vagum; ideòque ratiocinium suum putavit secundum moderniorum annum *Ægyptiacum* fixum in *Ærâ Dioclesianâ*, quâ Anni primus mensis *Tbotb* incipit XXIX *Augusti*, seu initio *Septembris*,

Septembris, existimans eos dictum Anni sui initium tunc accepisse à *Macedonibus*, quod de *Alexandrinis* non diffitendum, sed de naturalibus *Ægyptiis* non item.

Ad supradictam *Alpberganii* collationem utriusque Anni, ratiocinatur D. Golius, *Tunc Persicam Mensis Intercalationem, aut non apud omnes Persas, aut non in omnibus rebus usitatam fuisse: aliàs concordare non possent Neomeniæ, eo modo quo declarat Alpberganius.* Dicta autem Mensis Intercalatio obtinuit in Persarum *Ærâ Ecclesiasticâ*, non autem in *Ærâ Civili & Astronomicâ*, quam voluit *Alpberganius*; in quâ, ut in eâ *Nabonassari* quam sequebantur *Ægyptii*, Anni Caput, sine ullâ restrictione, vagabatur per totum annum in perpetuum: & cum esset tantum CCCLXV dierum absque consideratione Fractionum, singulis IV annis uno die regrediebatur. Sed de diverso *Appendicum* in utroque Anno situ, non excusandus est *Alpberganius*; cum *Persarum Appendices* erant post *Abân*, non autem post *Adur*, ut coinciderent cum *Appendicibus Ægyptiorum*: quod arguit ejus collationem esse imperfectam eâ in parte. D. Golius eum excusare conatur, dicendo eum forte haud tanti fecisse tam parvam differentiam. *Alpberganii* autem collatio erat Annorum Civilium utriusque Gentis, qui (excepto illo *Appendicum* situ) satis concordabant. Et quidem rem plenius explicat D. Golius p. 47, *Ut verò ad demonstrandum Anni Ægyptiaci & Persici consensum redeamus, supponatur ex. gr. sub Yezdegberdici Imperii initium, Ægyptiis tunc adhuc in usu fuisse priscum Anni Civilis modum.* Ex verbis *Theonis Alexandrini* supra allatis, constat Anni vagi *Ægyptiaci* Revolutionem contigisse anno V^o Cæsaris Augusti, utriusque anni (*Ægyptiaci & Alexandrini*) Capite concurrente in eundem diem; qui haud alius fuerit quàm is qui totâ *Ægypto* Anni fixi Caput etiam hodiè existit, nempe XXIX Augusti. Ab hoc itaque die Neomenia *Tboth* anticipando retrogradi capit quadriennio quoque vertente diem unum. Quoniam autem (unâ cum Epochâ *Yezdegberdis*) Neomenia *Pherurdin* incidit in XVI Junii, necesse fuerit Neomeniam *Dejma* (annumeratis post *Abân*, vel *Adur* Epagomenis) incurrisse in XVIII Martii. Sunt autem à V^o Augusti ad *Æram* *Yezdegberdicam* Tetraërides CLXIV; quibus competunt totidem Dies quos Neomenia *Tboth* retroiverit, hoc est, à XXX Augusti ad XVIII Martii. Quare par concordantia superioribus quoque seculis fuerit, quibus uterque Annus & *Ægyptiorum* & *Persarum* eodem tenore fluxit. *Shâh Cholgji* etiam dicit, Veterem annum Persicum concordare cum eo *Nabonassari* qui in *Al-Mageslo* usurpatur. Ideoque rectè D. Golius pag. 31, ait, Indubitatum esse, Astronomos tam Persicos quàm

Aegyptios in rerum Caelestium Computo aequabilem Annum constanter usurpasse: & probabile, illos quoque idem fecisse in civili & populari usu. Nempe Persis (ut dictum est) fuit Annus duplex, Civilis & Ecclesiasticus; in quorum hoc fieri solebat Intercalatio CXX annis, ut Festa & Sacra quæ extra sedes suas vagata fuerant, aliquando in pristina sua loca revocarentur: dum Annus Civilis & *Astronomicus*, sine ullâ restrictione, vagaretur in perpetuum. Ideoque *Veterum Mensum* in *Gjelalæis* Calendariis situs, non erit usui, nisi prolixiore Epilogismo Epochæ *Gjelalææ* adæquentur. Quoad Anni *Aegyptii* principium, D. *Wanslebius*, qui in *Aegypto* cum *Coptitis* conversatus est, ait, illos inchoare Annum suum VIII Septembris secundum Stylium Gregorianum, quod est XXVIII Augusti secundum Calendarium Græcorum: & anno Gregoriano M DCLXXII, respondebat eorum: annus *Dioclesianus* MCCC LXXXVIII. *Kas Kuriacus* in *Syro-Græcorum* Calendario, Arabicè conscripto, ponit *Coptorum* *Tbotb* in XXIX Augusti, ibique figit القبط دورور *Neurûz Coptorum*, scil. illorum Anni Caput non satis propriè sic vocans vocabulo Persico. Et sic *Syri* sui Anni initio adhibent Nomen *Neirûz*: ex gr. *بالنبطية صبح اليا في النيمور*. *Musârdi* linguâ *Nabatæâ* est Effusio aquæ in *Neirûz*. Et mox, *Musârdi* in *Aramæorum* Proverbiis, est *Neiruz*: scil. Anni initium seu Caput eo nomine ab eis vocatur. Apud *Shâb Chelgi* reperitur collationis Epocharum Tabula incipiens ab Anno *Hegiræ* DCCCI, die V mensis *Mobarram*, qui respondet X^{to} mensis *Dey* Anno DCCLXVII Epochæ Persicæ *Yezdegerdiceæ*, & XII^{to} mensis *Eitûl* MDCCIX Epochæ Græcæ, & IV^{to} mensis *Mibr* Anni CCCXX Epochæ *Gjelalææ*: & congruunt cum D. *Gravii* Tabulis, nisi quod in his sit Epochæ Græcæ Annus MDCCX.

Circa Quingentis abhinc annis quando *Sbeich Saadi* scripsit Librum *Gulistân*, quàm immane tunc veteris Anni Menses vagi differebant à *Gjelalæis* fixis, innuitur dicti Libri p. 23, ubi legitur, *Primus erat Ardibeshifti Gjelaliani mensis dies*, scil. *Rosarum tempus*. Ad quem locum (pro alio Exemplo differentiae inter Annum veterem & recentiorem) Commentator *Turcicus* inter *Laud.* hæc habet, اول وقتى جلالشاهه منسوب اولان تاريخ قمرية اورده يار آفنگ اولى امدى بو تاريخ تعمير امدى رهرا تاريخ شمسية اورده يار آفنگ اولى اولز بو قمرية فرس قدومك اردبېشتدن احتراز املر رهرا اول

1 *Coptitarum* Menses videbis in Notis nostris ad Historiam *Aegypti* Arabicè & Latine à nobis (ut spero) edendam.

واقع اولمز اعتبار ايله گیل رماني Illud tempus Regi Gjelâl. relatum, secundum Epocham Lunarem erat initium medii mensis Veris. Et quidem istam Epocham exprimebat [Sheich Sa'di,] quia secundum Epocham Solarem tunc non erat initium medii mensis Veris. Ideoque hac restrictione cavet à Persarum veterum Ardibehisht, quia eâ. ratione non erat Rosarum tempus. Sed cur Epochâ Gjelalæa ab isto Commentatore reputetur Lunaris, equidem non video: nam planè Solaris est. Igitur pro قمرية Lunari, debuit potius dixisse جدید Novam, seu Recentiore: & postea, pro شمسية Solari, potius dixisset قدیم Veterem; quamvis utraque Epochâ sit Solaris. Rectius habet Jaacob fil. Seid Ali Commentator Arabs inter Poc. ad eundem Libri Gulistân locum, اسم شهر متعین اردیبهشت وهو شهر اوسط من الشهور الربيعية علي التاريخ الجلالی واما في تاريخ الفرس القديم فلما لم يعتبر فيه الكبيسة لم Ardibehisht est nomen mensis certi seu fixi; est scil. mensis medius mensium vernorum, secundum Epocham Gjelalæam. At in Epochâ Persarum veterum, cum non habeatur ratio Embolismi, non est certus seu fixus; sed vertitur, seu vagatur, antrorsum & retrorsum.

Yezdegberdo autem in Pbergânâ abactô, & postea in prælio occiso, (anno Hegj. XXXI, Christi DCLI,) in Persiâ rerum potiti sunt Saraceni, qui Hegj-ræ Epocham introduxerunt. Interim verò Persæ veteribus Mensium & Dierum nominibus utebantur; sed cum Intercalatione quâdam, quippe ad quam cogeant victores. Illorum enim tunc Martius incipiebat circa medium Piscium, donec Calendarium reformaret Rex Gjelâleddîn Melicshâb, qui Anni initium (facto XVIII dierum Embolismo, ut in sequentibus monstrabitur,) ad initium Arietis retrahebat, excogitatâ novâ Anni formâ quæ Solis motui quàm maximè responderet. Id autem non fecit primo suo anno, sed (ut puto) postquam aliquot annos regnaverat; idque suâsu insignis Astronomi Omar Cbeiyâm,* cujus Propositionem de emendandâ Epochâ omnes statim tanquam oraculum pronis auribus animisque exceperunt. In hac Epochâ, quaternis quibusque annis intercalabant, ut iste annus esset dierum CCCLXVI. Et quòd anni pars reliqua minor esset Quadrante diei, erat quoque quarti anni Intercalatio minor uno die, ideoque convénit ut Intercalatio fieret semel anno Quinto, postquam intercalatum esset septies vel octies. Si autem Septimæ & octavæ

* Vid. Append. No. VI.

Intercalationis alternatio observetur ad intercalandum annum V^{um} sequentem, seu, quod tantundem valet, si Intercalatio *Juliana* modò *trigesima tertia*, modò *trigesima septima*, (& quidem alternatim,) prorsus omittantur, cum hoc Persico, seu *Gjelaleo*, Calendario optimè concordàrit *Gregorianum*, scil. annis CCCC negligendo tres *Bissextos*.

In *Persarum* Mensibus *veteribus* nullæ sunt *Septimanæ*, sed quisque Dies habet peculiare nomen. Cùmque isti Menses sint Solares, uti & Annus, in moderniorum Persarum Libris quando fit mentio cuiusvis Anni aut Mensis Solaris, distinctionis causâ, scribi solet سال *Annus Dei*, & ماه الهی *Mensis Dei*: ne aliàs fortè intelligatur Annus aut Mensis *Hegj-ræ Lunar*is: nam in Perside jam inde, apud ipsos *Mohammedanos*, obtinuit duplex Epocha, *Solaris* & *Lunar*is, quarum hæc in Sacris, illa in rebus Civilibus usurpatur.

C A P. XV.

Mensium Ordo antiquissimus in vetustissimo Anno ab initio Martii eorum inchoato.
Item *Menses Gjelalei. Perso-Medici Mensis Dies, cum Appendicibus quinque.*

کوردیسع	Chordid, XXX, Sept.	سودر	Ahor, XXX, Martius.
چر	Tir, XXX, October.	دیر	Dy, XXX, Aprilis.
کوردیسع	Mordad, XXX, Nov.	سیدک	Bâman, XXX, Majus.
ویدیک دیوید	Shahrivar, XXX, Dec.	سودک	Ejshvârdarmad, XXX, Jun.
میدر	Mihir, XXX, Jan.	سیدک	Phurvârdin, XXX, Jul.
سیدر	Aida, XXX, Febr.	سیدک	Ardabehist, XXX, Aug.

Iste eorum Annus antiquissimus videtur fuisse vagus, vel saltem cum mox excepit Perso-Medicus *Annus civilis vagus*, cui postea adjunctus fuit *Gjemskidi Annus Ecclesiasticus fixus*, qui ambo concurrentes durarunt usque ad *Rêzdegberd*. Deinde eo occiso, post aliquod temporis intervallum, in Persidem introductus est *Civilis Annus Solaris fixus*, incipiens à medio *Piscium*. Quis certò hoc fecerit, nondum reperi. Videtur autem id fecisse *Selgjûk*, qui Persiam occupavit & longævus usque ad CIX annos vixit: vel aliàs, id fecit aliquis *Selgjukidarum* ex ejus familiâ; cum ea esset Anni Solaris forma quâ in patriâ suâ *Chorasân* utebantur dicti *Selgjukidæ*.

Veteres

Veteres autem Menses (uti & Dies in sequentibus recensiti) videntur fuisse *Medorum Inventum*, ut indicant ipsa Nomina, quæ à Medis unà cum Imperio transiverunt ad Persas, qui (cùm utriusque Religio esset eadem, & solennitates sacræ, à Mensibus & Diebus pendentes, essent quoque eadem,) ea tam benè excogitata retinuerunt: præsertim cum Lingua Medica elegantior esset quàm Persica antiqua, unde illa etiam pro *Lingua Curiali* habita & constituta fuit tempore Regis *Bebrâm Gbûr*. At *Yézdegberd* postea alia Nomina etiam Medica suis Mensibus & Diebus *Melicæis* imposuit.

Annus itaque, inquam, eorum antiquus (ut & *Ægyptiorum*) fuit vagus, ut suo loco fusiùs dicetur. An verò hi ab illis, vel illi ab his, talem Anni formam acceperint, dubium. At quamvis generaliora *Astronomiæ* satis intellexerint Medi & Persæ, tamen nec *bi*, nec *Ægyptii*, nec *Chaldæi*, Eclipses *prædicendi Artem* calluerunt, ut ex *Herodoto* & aliis colligere liceat. Nam *Thales Milesius* dicitur primus qui *Eclipsin prædixisse* memoratur.

Mensum Ordo Gjelaleus, ab ingressu ☉ in V, decimo nono Pbervardin veteris, qui fuerat à medio Piscium.

Persicorum Mensum Nomina à Græcis corrupta, prout leguntur apud Chrysococcam & alios.

فروردین Pbervardin, xxx, Mart.	Φαρϕαρδιν, seu Φαρϕαρδιν, five Φαρϕαρδης.
اردیبهشت Ardibehist, xxx, April.	Αρτιβέης.
خرداد Churdad, xxx, Majus.	Χορπάτ.
تیر Tîr, xxx, Junius.	Τέρ, seu Τέρμα.
مرداد Murdad, xxx, Julius.	Μερπάτ.
شهریور Shabrivar, xxx, August.	Σαχριϑρ, seu Σαριϕάρ.
مهر Mibr, xxx, Sept.	Μεχέρ, seu Μέχερμα.
آبان Abân, xxx, October.	Απέν, seu Απάνμα.
آذر Adur, xxx, Nov.	Αδέρμα.
دی Dey, xxx, December.	Ντὰ, seu Δημα.
بهمن Bâhman, xxx, Jan.	Πέχμαν, seu Πελμάν, five Μπάχμαν.
اسفندارمن Isphendârmaz, xxx, Feb. ^a	Ασφαντέρηματ, seu Ασφاندάρηματ, five Αυσφαντῆρ.

^a In Turcarum Calendariis Gjelalæis aliquando scribitur اسفندار Isphendâr, apocopatâ syllabâ ultimâ. Appendices V etiam corruptè vocantur Μασικεχά τ, pro Arabico horum nomine مسخرقة Mustâraca, i. e. Furtivi.

*Perſo-Medici Menſis Dies ab Angelis qui illis Diebus præſunt denomina-
ti, ſecundum Olugh-Beighum & alios ſequenti modo recenſiti, unà cum
V diebus Appendicibus.*

I. Hormuzd.	هرمز	XV. Deybamibr.	دیهامبر
II. Bábman.	بهمان	XVI. Mibr.	مهر
III. Ardibebíſt.	اردیبهشتی	XVII. Surúſh.	سروش
IV. Šabrávar.	شهریور	XVIII. Reſh.	رش
V. Iſpbendármaz	اسفندیارمن	XIX. Phervardín.	فروردین
ſeu — mad.		XX. Bebrám.	بهرام
VI. Čburdád.	خرداد	XXI. Rám.	رام
VII. Murdád.	مرداد	XXII. Bád.	باد
VIII. Deybádur.	دیبادور	XXIII. Deybadín.	دیهین
IX. Adur, ſeu Azur.]	آذر	XXIV. Dín.	دین
X. Abán.	آبان	XXV. Ird, ſeu Ard.	ارد
XI. Čbúr.	خورد	XXVI. Aſhtád.	اشتمان
XII. Máb.	ماه	XXVII. Aſumán.	آسمان
XIII. Tír.	تیر	XXVIII. Zâmiyád.	رامیان
XIV. Gjúſh ſeu	جوش ſeu گوش	XXIX. Máriſphand.	ماراسفند
Gbúſh.		XXX. Anirán.	انیران

*Quinque Appendices ſecundum Al-
pberganum minùs accuraté.*

I. Abnud-gjáb.	اهند جاه	I. Abnavád.	اهنون
II. Aſbnud-gjáb.	اشند جاه	II. Aſbnavád.	اشنون
III. Iſpbendamad- gjáb.	اسفندمن جاه	III. Iſpbendamàd, ſeu máz.	اسفندمن
IV. Achſhater-gjáb.	اخشتر جاه	IV. Vabſhát, ſeu Vabáſht.	وهشت
V. Vabſhatúſht- gjáb.	وهشت وشتی جاه	V. Haſhúneſh, ſeu, ut in Pb. Gj. legitur, Haſhtuvíſh.	هشودش

*Dies Appendices apud Alpberganum vocantur اندرجاهات Ander-
gjabát, i. e. Intermedia tempora: nam Gjáb eſt à Perſico گباه Gbáb,
i. e. Tem-*

i. e. *Tempus*. Is autem (ut solent *Arabes*) non satis rectè exprimit nomina Persica. Appendices aliàs apud Persas vocantur پنجۀ تاریخی *Pengja Duzdida*, i. e. *Pentas furtiva*. Et in Libro *Sad-der* figuratè assimilantur پنج خواهران *Pengj chuábarân*, i. e. *quinque Sororibus quæ solent nere & alias operas muliebres tractare*. Eorum verò nomina præstat videre scripta *veteribus Characteribus* (prout in dicto Libro *Sad-der* leguntur) in quibus nulla est soni ambiguitas, sequenti modo:

مزدکد دد دد I. <i>Mazdad</i> ,	د د د د د د د د د د IV. <i>Vahmástri</i> ,
د د د د د د د د II. <i>Astardá</i> ,	د د د د د د د د د V. <i>Vibistá</i> ,
د د د د د د د د III. <i>Espintomád</i> ,	د د د د د د د د د VI. <i>Vibistá</i> ,
د د د د د د د د	د د د د د د د د

Isti Dies Appendices à *veteribus Persis* etiam aliàs in suâ linguâ vocantur د د د د د د د د د د *Pengji mazdiyasnân*, i. e. *Pentat sacra*, quia in his est completi anni Festivitas & gaudium maximum. *Plutarchus* in Libro *de Iside & Osiride* dicit τὰς ἐπινομήνας fuisse cum quibusdam Diis cognomines, scil. quibusdam Angelis. Supradictum *Mensem* Perso-Medicum ejusque *Dies* excogitados fuisse post latam *Legem Mosaicam*, (& fortè post *Israelitarum Captivitatem*, in Persiâ,) constat ex *Sabbaticâ* eorum *Divisione*, quæ suo loco describetur.

Dies Mensis à Deo & Angelis denominati, prout leguntur in *Catalogo ex Oriente*, & in calce Libri *Erdavirâph-namæ*. Eisdem quoque nominibus (sed sine additione) utuntur *Gilolenses*.

د د د د د د I. <i>Hormuzd</i> , nomen Dei.
د د د د د د D. <i>Behman Anshâspand</i> , seu <i>Angelus</i> .
د د د د د D. <i>Ardebishti Anshâspand</i> .
د د د د د D. <i>Skabrivar Anshâspand</i> .
د د د د د D. <i>Espendâmad Anshâspand</i> .

73. *Chor*

VI. *Cherdid Angbispand.*

VII. *Murid Angbispand.*

VIII. *Dybdak Yezid.*

IX. *Abr Yezid.*

X. *Abin Yezid.*

XI. *Cherdid Yezid.*

XII. *Mabu Yezid.*

XIII. *Tir Yezid.*

XIV. *Chisb Yezid.*

XV. *Dybdambir Yezid.*

XVI. *Mibir Yezid.*

XVII. *Serdib Yezid.*

XVIII. *Rajini Yezid.*

XIX. *Pharandha Yezid.*

XX. *Ebram Yezid.*

XXI. *Ram Yezid.*

XXII. *Ghudal Yezid.*

XXIII. *Dybdalin Yezid.*

XXIV. *Din Yezid.*

XXV. *Arbajangb Yezid.*

XXVI. *Ajid Yezid.*

XXVII. *Off.*

& Dierum vocabula (à quibus Festa & reliqua Solennia pendebant) redeunt. Ea itaque *Epocha*, quæ Mensibus & Diebus *Yezdegberdeis* constabat, meritò dici queat *Intermedia*, seu *Interjecta*; quia paucis tantum annis duravit, nec ante, nec post, ejus tempora à Persis usurpata. Videtur itaque quòd multa in Religione innovavit, & quòd Ecclesiæ Festa & statutorum Temporum Observationes & antiqui Ritus, illo imperante, interciderint, & maximâ ex parte, cessaverint, cum horum omnium antiqua nomina abrogata fuerint. Cum itaque antecedentium temporum Magi, qui talia omnia strictè observabant, ab Intercalatione metuerent, ne Sacrorum Ordo interverteretur, ille in Intercalarem Periodum suo tempore incidens, Annum reformare non veritus est, sed Anni Caput, vagum & procul à sede sua evagatum & remotum, in locum & sedem naturalem restituit, id in initio Martii esse volens. Is enim nomina ab Angelis olim desumpta (quamvis Religioni damnosum esset,) reliquit, novas, eorum loco, Appellationes instituendo. Mensibus itaque imposuit Nomina naturalia, quæ, ex vi vocum, singulas Anni Tempestates designarent. Diebus autem dedit Nomina, vel ab *Opum affluentia*, vel ab *insigni aliquo gaudio*, vel à *sumptâ vindictâ*, vel ab *aggresso prælio*, vel ab alio memorabili eventu desumpta. Cum itaque sacra Mensium & Dierum nomina mutaverit, consecrarium erit, quòd sacras Solennitates ab eis pendentes abrogaverit, cum ne talium vetera nomina manere nec superesse permitteret: nam difficile erat, illis abolitis, hasce conservare. Et in novâ ejus Anni constitutione nullum, præter *novi Anni Festum*, memoratur. Persæ itaque veteribus suis Ritibus animitus addicti, eo mortuo, illum ejus Annum interciderere siverunt, veterem Annum, qui ante ejus Imperium obtinuerat, tunc (ut dictum) resumentes. Iste ejus Annus erat *Solaris*, Intercalatione (ut videtur) fixus, contrâ quàm Persæ voluerunt. Et istum Annum, ab initio *Arietis*, secutus est alius Annus, à medio *Piscium*, ut suprâ diximus. Mensium autem & Dierum *Yezdegberdeorum* nomina (quantum Exemplaris *Pharhangh Gihanghiri* imperfectio patitur,) sequente modo mox subjeci.

Sed quia tam hæc Epochæ, quàm altera recentior *Gjelakea*, in Persarum Libris vocatur *Melicea*, seu *Melikæa*, i.e. *Regia*, dum utraque Epochæ, à respectivo suo Rege denominata, gaudeat vocabulo nullo distinctum Regem notant; ne fortè aliquando oriatur confusio, oportet hic notare, quòd Epochæ *Melicea* recentior (quæ etiam Epochæ *Melichabæa*, & *Sultanæa*, & *Gjelakea* subinde vocatur,) denominata est à سلطان جلال الدين ملكشاه بن آلب أرسلان چوہی *Sultân*

Sultân Gjêlâleddîn Melicshâb filio Alp Arslân Selgjûki, qui postquam in Perside aliquot annos regnaverat, tum deinde anno à *Yezdegberd CCCCXLVI*, (*Hegiræ CCCCCLXX*, *Christi MLXXVII*,) veterum Persarum Annum Solarem reformavit, eumque Intercalando, ab ulteriores vagatione restrinxit; *Saracenorum*, seu *Arabum* Epochâ Lunari (quæ tunc plus quàm CCCC annos, simul cum Persicâ, in Perside obtinuerat,) non abrogatâ, sed pro *Saracenorum Muslimorum* Sacris reservatâ; dum interim pro rebus civilibus commodior esset Persarum Annus Solaris fixus, in usum vulgi: nam Astronomis Intercalatione opus non erat. Epochâ autem *Melicææ* altera vetustior, Persis dicta est *تاریخ ملکی یزدگردی* *Epocha Regia Yezdegberdææ*, seu simpliciter *Epocha Melikææ*, i. e. *Regia*, cujus etiam Menses & Dies vocantur *روزها و ماهها ملکی یزدگردی* *Dies & Menses Melikæi* (seu *Regii*) *Yezdegberdæi*. Hæc visum est præmittere, ne fortè quis Orientalium Libros evolvens, istis nominibus decipiatur. Oportet etiam scire quòd dictus Titulus *Alp Arslân* in Linguâ *Turcicâ* idem sonet quod in Persicâ *Erdshîr*, seu *Ardesbîr*, i. e. *Strenuus Leo*. Tali enim Titulo gloriabantur tam *Persæ*, quàm *Orientalis Turcæ*. Illi autem qui in *Europâ*, non utuntur.

C A P. XVI.

Menses Melikæi (seu *Regii*) *Yezdegberdici*, qui jam primò *Europam* vident, cum suis V *Appendicibus*.

- | | |
|------------|---|
| ماه نو | I. <i>Mâb-nâu</i> , i. e. <i>Mensis novus</i> , scil. <i>Martius</i> . xxx. |
| دوبهار | II. <i>Nau-babâr</i> , i. e. <i>Novum ver</i> , scil. <i>Aprilis</i> . xxx. |
| گرما افزای | III. <i>Gbermâ-apbzâi</i> , i. e. <i>Calorem-augens</i> , scil. <i>Majus</i> . xxx. |
| روز افزای | IV. <i>Rûz-apbzâi</i> , i. e. <i>Dies-augens</i> , scil. <i>Junius</i> . xxx. |
| جهان تاب | V. <i>Gibân-tâb</i> , i. e. <i>Orbem-calefaciens</i> , scil. <i>Julius</i> . xxx. |
| جهان آرای | VI. <i>Gibân-ârâi</i> , i. e. <i>Orbem-adornans</i> , scil. <i>Augustus</i> . xxx. |
| | VII. scil. <i>September</i> . xxx. |
| خزان | VIII. <i>Chezân</i> , i. e. <i>Autumnus</i> , scil. <i>October</i> . xxx. |
| سرما افزای | IX. <i>Sermâ-apbzâi</i> , i. e. <i>Frigus-augens</i> , scil. <i>November</i> . xxx. |

B b 2

X. *Shâb*.

- شب افزون X. *Shâb-apbzûn*, i.e. *Noctes-augens*, scil. December. xxx.
 XI. scil. Januarius. xxx.
 سال افزون XII. *Sâl-apbzûn*, i.e. *Annum-augens*, scil. Februarius. xxx.

Mensium septimi & undecimi Nomina in Exemplari Persico desiderantur, & ea alibi haecenus invenire non potui. In eorum Libris *Cbezûn* aliàs exponitur *Autumnalis quadrans*, & *Autumnalis mensis*, vel *ejusdem mensis XVIII^{vi} dies*. Autumnalis quadrans aliàs Persicè vocatur *پادیز* *Pâgiz*.

Dies Mensis Melikæi (seu Regii) Yezdegberdici.

- | | |
|---------------|--|
| چشمن سار | I. <i>Tchešm-sâz</i> , i.e. <i>Festum-agens</i> |
| برموده | II. <i>Bezmûna</i> . |
| سر افزار | III. <i>Ser-apbrâz</i> , i.e. <i>Caput-exerens</i> . |
| کشی نشین | IV. <i>Ghûšm-nishîn</i> , i.e. <i>Mas-insidens</i> . |
| دوش seu دوشته | V. <i>Nûsh</i> seu <i>Nûshet</i> . |
| غمودایی | VI. <i>Ghâm-zidâi</i> , i.e. <i>Mæstitiam-abstergens</i> . |
| رخ فروز | VII. <i>Rûch-pbirûz</i> , i.e. <i>Ruchis-vincens</i> . |
| پادار | VIII. <i>Pâdâr</i> , i.e. <i>Firmus</i> , seu <i>pedem firmum habens</i> . |
| زر فشان | IX. <i>Zêr-phishân</i> , i.e. <i>Aurum-spargens</i> . |
| دام جویی | X. <i>Nâm-gjûi</i> , i.e. <i>Famam-quærens</i> . |
| آتش افروز | XI. <i>Atêsh-apbrûz</i> , i.e. <i>Ignes-accendens</i> . |
| کینه کش | XII. <i>Kîna-kêsh</i> , i.e. <i>Vindictam-capiens</i> . |
| قیغ زن | XIII. <i>Tîgb-zen</i> , i.e. <i>Gladium-vibrans</i> . |
| دان ده | XIV. <i>Dâd-dib</i> , i.e. <i>Iustitiam-tribuens</i> . |
| دین پژوه | XV. <i>Dîn-puzûb</i> , i.e. <i>Religionem-scrutans</i> . |
| دیو بندی | XVI. <i>Dîv-bend</i> , i.e. <i>Dæmones-ligans</i> . |
| ره کشایی | XVII. <i>Râb-kushâi</i> , i.e. <i>Viam-aperiens</i> . |
| اسب تار | XVIII. <i>Asp-tâz</i> , i.e. <i>Equos-agitans</i> . |
| گوی بار | XIX. <i>Ghûi-bâz</i> , i.e. <i>Pilâ-ludens</i> . |
| | XX. |
| | XXI. |
| دوستی دین | XXII. <i>Dûst-bîn</i> , i.e. <i>Amicos-visitans</i> . |
| جادفزایی | XXIII. <i>Gjân-phizâi</i> , i.e. <i>Animum-augens</i> . |
| | XXIV. <i>Bût-</i> |

- بی فردین XXIV. *Būt-phirīb*, i. e. *Idola-fraudans*.
 اردن آردن آردن XXV. *İrd*, seu *Ard*, five *Arād*.
 شان باش XXVI. *Sbād-bāsh*, i. e. *Lætus esto*.
 دیار زی XXVII. *Dīr-zī*, i. e. *Diu vive*.
 شیر گهر XXVIII. *Sbīr-gbīr*, i. e. *Leones-capiens*.
 XXIX.
 ای شهریار XXX. *I-shabriyār*, i. e. *6 Auguste*.

Quibusdam horum non adjunxi Interpretationem Latinam: nam cū esset dubia, satius duxi eam intactam relinquere posteris, qui forte certiorē inveniānt. In vitioso Exemplari Persico, per Scribæ errorem, Diei VIII^o tribuuntur duo nomina, scil. *Pādār*, & مایخش *Māl-bāchsh*, i. e. *Opes-largiens*. Et eodem modo Diei XI^o duo nomina, scil. *Atēsh-apbrūz*, & رزم گهر *Rezm-gbīr*, i. e. *Prælium-capefens*. Utrum horum mavis accipe. Sed in hisce respectivis Diebus proculdubio alterum dictorum nominum censeatur pertinere ad alium aliquem Dierum XX, XXI, aut XXIX, ubi nomina desiderantur.

Anni Yezdegberdici V Dies Appendices.

- آفریدن I. *Apberīn*, i. e. *Benedictio* seu *Salutatio*, in initio Appendicum.
 فرخ II. *Pberruch*, i. e. *Felicitas*.
 فیروز III. *Pbirūz*, i. e. *Victoria*.
 رامشت IV. *Rāmish*, i. e. *Contentatio*.
 درود V. *Durūd*, i. e. *Valedictio*, in fine Anni.

Rāmish est idem quod رامش *Rāmish* seu آرامش *Arāmish*, i. e. *Contentatio*, quies, uti quando ex cantu & musicā animus demulceri solet, ut exponitur in Libro Ph. Gj. Et tandem *Durūd* est *Valedictio* totius Anni, i. e. ejusdem finis. Nempe secundum vim vocis, *Durūd* est صلوة *Apprecatio-boni*; quæ si sit à Deo erga Homines, tum nomine *Durūd* subintelligenda est رحمة *Misericordia*: si ab Angelis erga Homines, tum significatur استغفار *Remissio* seu *Condonatio*: si Hominum erga seinvicem, tum est i. q. دعا *Precatio*, seu *Apprecatio boni* quæ inter valedicendum adhiberi solet. Et *Durūd* Avium & Bestiarum, est تسبیح *Laudatio*. Ita variè usurpatur vox *Durūd*, uti & Arabum formula

mula *صلی اللہ علیہ* *Precatio*, seu *Benedictio Dei sit super illum*, ut à Commentatoribus *Coranicis* exponitur.

Hoc modo vides, illius tempore, *Perfarum* vetus *Calendarium* reformando prorsus abolitum; non tantum *Novi Anni*, seu *Anni Capitis* situm & nomen mutando, sed & veterum *Mensium* ac *Dierum* nomina delendo, eorum loco nova nomina substituendo, & *Festa* ac *Solennia* omnia *Ecclesiæ* *Magorum* abrogando: omnia enim simul uno impetu sustulit. Adeo ut, ipso regnante, tota *Ecclesiæ* *Magorum* facies videtur prorsus immutata, & tota *Disciplina Ecclesiastica* & *Festa* atque *Solennia* omnia neglectui habita. Nam si veterum *Sacrorum* *Nomina* diutius superesse noluerit, proculdubio (si quid posuit,) is nova *Sacra* eorum loco instituerit: rerum enim ejusmodi veterum nominibus non existentibus, impossibile ut *Res ipsæ* manserint; eodem modo ac si in *Calendario nostro* omnia *Dierum* *Dominicorum* & *Festorum* nomina omitterentur, necessario sequeretur talium omnium neglectus & intermissio; cum ex *Calendarii* directione statorum temporum observationes retineantur, quæ aliàs in oblivionem irent. Iste autem *Ecclesiæ* status eversus haud diu duravit. Nam, isto Rege defuncto, omnia in pristinum statum restituta sunt, & sic restituta ad hodiernam Diem (non obstante *Mohammedanorum* oppressione) rata & firma manent.

Quando nostrates aut alii loquuntur de *Epochâ Yezdegberdæâ*, si volunt tantum *Epocham* *Temporis*, seu *Computationis*, ab ejus *Inauguratione* sumptam, rectè se habent. Si autem volunt verum *Annum Yezdegberdæum*, falluntur, cum ille non usus fuerit eodem Anno quem illi supponunt, qui (ut dictum) reverà fuit *Annus Gjemsbideus*.¹ *Epocha* verò & *Anni* forma, quâ usus est *Yezdegberd*, fuit propria & sibi peculiaris, à *Gjemsbideâ* prorsus (ut vides) diversa, nullis hæcenus *Europæis* & paucis *Astronomis* *Orientalibus* nota. Ideoque novum & curiosum est quod nobis exhibuit *Ibn Phacreddîn Angjou* *Indo-Perfa*, in *Libro* suo *Pharbàngb Gibàngbîrî*, unde nos veræ ejus *Epochæ* & *Anni* notitiam extraximus. *Sbâb Cholgius* enim (ut in sequente capite videbis,) quasi nunquam audivisset de mutatione *Calendarii* per *Yezdegberd*, loquitur de *Perfarum* Anno cum illo definente & eodem modo hucusque manente, nullam faciens mentionem peculiaris *Anni Yezdegberdæi* quem nos exhibuimus. Nec (si rectè memini) apud alium aliquem, præter dictum autorem, ejus mentionem inveni.

Epochæ

Epochæ *Yezdegberdicæ* initium à plerisque rectè statuitur anno *Hegjræ* XI, Junii XVI, Feriâ tertiâ, scil. *Bicornis* seu *Alexandri* anno DCCCCXLIV, *Christi* DCXXXII, ut D. *Gravius*, vel DCXXXI, ut *Erpenius*. Sic *Olugh Beigh*, & *Cousbân Gbileus*, & *Alperganus*, & *Chrysococca*, & alii, ab *Yezdegberdi* Inthronizatione numerantes. Alii verò perperam hanc Epocham ab ejus morte numerare prætendunt, & tamen eandem cum præcedentibus computationem faciunt, cum reverà interfit XX annorum differentia. Sic ex *Haitbone* (ubi cap. 15, *Yezdegberd* vocatur *Ascaiorth*) facit *Christmannus*, & ex eo *Petavius*, dicens, *Yezdegberd* prælio casus Anno *Christi* DCXXXII, à quo tempore *Æra* *Yezdegerd* incepit. Ab ejus morte numerare prætendens itidem errat Libri *Sad-der* Autor in *Initio Libri*, ubi Epocham scriptionis Libri denominat *ار فوت دژن لرن همد و شصت و چار* ab obitu *Yezdegberd* DCCCLXIV, i. e. *Christi* MCDXCIV: at in *Calce* ejusdem rectius notatur Epochæ *Hegjræ* شصت و شتر *Sbutür*, seu DCCCC, qui annus planè coincidit cum *Yezdegberdi* Epochâ in initio Libri (ut prætenditur) à *Morte*, sed reverà ab *Inthronizatione* sumptâ. Error itaque non est in temporis notatione; sed in denominatione termini à quo, planè erratur, cum inde magna exurgat differentia. Nam *Historici Orientales* (ut *Chondemir Persa* & *Abu Mobammed Mustapha Arabs*, & *Elmacinus*,) disertè asserunt *Yezdegberd* filium *Shabriyâr* regnasse XX annos, eumque interfectum fuisse anno *Hegj.* XXXI. Cum itaque ejus *Evθπορμὸς* certissimè fuerit anno *Hegj.* XI, *Christi* DCXXXII, si his addantur XX Imperii ejus anni, tum obitus debuit esse anno *Hegj.* XXXI, *Christi* DCLII: at si à morte ejus numerant, tum DCLII debet esse Epochæ initium, quod absit! Cum itaque notissimum sit eum regnâsse XX annos, miror quemnam secutus est Doctissimus *Petavius* assignando ei tantum III Annos! Si autem Vir ille Doctissimus, extra *Literaturæ Europææ* limites egressus, forte erraverit, non est mirum; cum aliquem in peregrinum Orbem fortuito illapsum & commodo duce destitutum, ab affectatâ viâ facillimè errare possit, compertum sit.

C A P. XVII.

De Annis & Epochis in genere: & de Anno Persico in particulari.

UT autem ea quæ superius de Annis & Epochis tetigimus, meliore autoritate constare possint, ipsa Autorum rem exponendum verba habe. Imprimis itaque, de Anno in genere audiat *Sbab Gholgji* Persa sic differens, سال شمسی حقیقی است از هنگام مغارقت آفتاب از نقطه اول حمل تا معاونت او بار بهمان نقطه و آن سیصد و شصت و پنج روز باشد و ربع روزی الا کسری و در مقدار این کسر خلاف است بحسب هر رصدی اما بحسب رصد بطلمیوس سیصد و شصت و پنج روز است و چهارده دقیقه و چهل و هشت ثانیه و اما بحسب رصد ایلخانی سیصد و شصت و پنج روز و چهارده دقیقه و سی و دو ثانیه از روزی بر آن تقدیر که شباهت در شصت دقیقه باشد و ماه شمسی اصطلاحی چون ماه فارسیان و رومیان و سال شمسی اصطلاحی آن بون که بر عددی نزدیک بمقدار حقیقی وضع کنند چنانچه رومیان و فارسیان اختیار کرده اند و سال مرکب آن بون که سالهای شمسی اعتبار کنند و ماههای قمری مانند سال ترکان و هندوان پس در سالهای شمسی حقیقی بجهت کسری که دارن در هر چهار سال یا پنج سال یک روز بر ایام او زیادت شود پس آن سال سیصد و شصت و شش روز باشد و آن سال را سال کبیسه و آن روز را روز کبیسه خوانند پس ایام کبابس سالهای شمسی حقیقی در مدت صد و بیست سال بیست و نه روز باشد و ایام کبابس سالهای قمری در مدت سی سال یازده روز و در سال مرکب چون میان سال قمری و شمسی قریب یازده روز تفاوت است پس در هر دو سال یا سه سال یک ماه تفاوت کند آن ماه را در عدد ماههای آن سال زیادت

1. Lege قمری; nam Errorrem esse Scribæ Persici monet Auctor ipse, ut: postea videbimus.

کنند

کنند تا سالهای ایشان مطابق سالهای شمسی بون و آن ماه را ماه کبیسه خوانند و جماعتی که سالهای مرکب مستعمل ایشان است این ماه کبیسه را هر یک بنامی خوانند چنانکه هندوان انماس و عرب نسی و ترکان شون خوانند و جهودان آن سال عبور خوانند و شرح هر یک در محل خون کرده شون انشا الله

فصل سیوم در تاریخ رومی بدانکه تاریخ رومی را سالها شمسی اصطلاحی باشد یعنی سیصد و شصت و پنج روز و ربعی بی زیادت و نقصان و همچنین ماههای ایشان هم شمسی اصطلاحی باشد &c.

Annus Solaris verus est à tempore discessus Solis à puncto initii Arietis usque ad regressum ejus ad idem punctum; quod est CCCLXV dierum cum quadrante, minus unâ fractione. Sed de istius fractionis quantitate est diversitas, pro ratione cujuscvis Computi seu Epochæ^a. Nam pro ratione Computi Ptolemaïci, [annus] constat CCCLXV diebus cum XIV minutis XLVIII secundis. In Computo Ilchanico est CCCLXV dierum cum XIV minutis & XXXII secundis diei, eâ suppositione quâ Nychthemeron habetur constare LX Minutis. Et Mensis Solaris communis est sicut Menses Persarum & Græcorum. Et Annus Solaris communis est juxta talem numerum quem secundum quantitatem veram ponunt, qualem sibi adoptârunt Persæ & Græci, Annus verò Compositus talis est quem Annum Lunarem esse reputant, & Menses Lunares sunt, sicut est annus Turcarum & Indorum.

Deinde in Annis Solaribus veris, propter Fractionem quam habent, quibusvis quaternis aut quinis annis unus Dies superadditur: quo in casu, talis Annus erit CCCLXVI dierum; qui quidem Annus dicitur Annus Embolimæus, & talis Dies dicitur Dies Embolimæus. Deinde annorum Solarium verorum Dies Embolimæi CXX annis erunt XXIX dies. Et dies Embolimæi XXX annis lunaribus erunt XI dies. Et in Anno Composito (uti inter Solarem & Lunarem) erit differentia ferè XI dierum. Et tum in quibusvis binis aut trinis annis, erit unius mensis differentia: quem quidem mensem talis Anni mensium numero superaddunt, ut eorum Annus annis solaribus coæquetur. Et talis Mensis vocatur Mensis Embolimæus. Et ii qui Annis Compositis utuntur, talem Embolimæum Mensem peculiari nomine vocant; Indis enim dicitur Adimâs, Arabibus Nesi,

^a رصد *Rasâd* est Observatio Cœlestis, vel Epochæ super eadem fundata, vel Computus talis: ideoque per has voces indifferenter exponitur.

Turcis Shûn: & Judæi talem Annum vocant Ibbûr. Et horum singula volente Deo suis locis explicabuntur.

Caput tertium agit de Epochâ Græcâ, in quâ Anni sunt Solares communes, i. e. CCCLXV dierum cum quadrante, & nec plus nec minus. Et sic eorum Menses sunt etiam Solares communes, &c.

His præmissis de Anno in genere, proximè agendum est de veteri Anno Persico, de quo audiatur nuper laudatus *Mabmûd Shâb-Choljî* in *Tabulis Universalibus Part. II, Cap. 4.* از تاریخ فرس از

کسور و کبابس خالی است و سال آن شمسی اصطلاحی باشد یعنی سیصد و شصت و پنج روز و ماههای وی هفتاد و پنج روز و ماهی سی روز بود &c. و این تاریخ در اول از کسور و کبابس خالی دیونه است بلکه در هر صد و بیست سال یک ماه کبیسه می کرده اند یعنی یکماه مکرر گرفته اند تا صد و بیست سال ایشان مرافق صد و بیست سال رومیان گردن و خمسست مستغرق در آخر ماه مکیبوس ریادت می کرده اند و ماه مکیبوس دیز معین دیونه است بلکه بعد از صد و بیست سال ماه مکیبوس فروردین را گرفته اند و در صد و بیست سال دیگر که بعد از آن دیونه است ماه مکیبوس اردیبهشت را می گرفته اند و همچنین تا آنگاه که دویست کبیس بهر یک از ماههای دوازدهگانه رسیدی و آن در مدت هزار و چهار صد و چهل سال بودی و آن را دور کبیس گفتندی و اول این تاریخ در زمان جمشید دیونه است و بعد از هشتاد و پنج سال جلوس هر پادشاهی بزرگ که ایشان را بودی تاریخ را تجدید کردند بنام آن پادشاه تا آن زمان که مملکت هرجرد بن شهریار بن کسری که آخر ملوک عجم بود رسید اتفاق چنان افتاده بود که دویست کبیس یا آن ماه رسیده بود و خمسست مستغرق در آخر آن ریادت کرده بودند و چون دولت هرجردی به پایان رسید در زمان عثمان بن عفان رضی الله عنه این تاریخ بنام او باقی ماند و بعد از آن اتفاق کبیس دیفتمان و آن قاعده مهمل ماند و ازین سبب بعضی خمسست مستغرق را در آخر آبان می کردند اما بعضی از هفتاد و پنج را با آخر سال انداخته اند تا دوشدن تفاوت ایشان آسانتر

آسانتر بد و چون این تاریخ از کسور و کبابس خالی است و با تاریخ مختصر که در محاسنی مستعمل است مطابق این سبب منجمان اکثر این تاریخ را بکار میدارند ما نیز اوساط این رنج بدین تاریخ دهانیم و مبدأ این تاریخ روز سه شنبه بوده است بیست و دوم Scito Epocham Persicam esse à Fractionibus & Embolismis immunem; & in eâ Annos esse Solares communes, (scil. CCCLXV dierum,) & ejusmodi esse in eâ Menses, quorum singuli sunt XXX dierum, &c. Hæc autem Epochæ ab initio non fuit à Fractionibus & Embolismis immunis; sed quovis CXX Anno unum Mensem intercalabant, (i.e. unum Mensem bis accipiebant,) ut eorum CXX anni essent æquales CXX annis Græcorum: & V Dies Furtivos addebant fini Mensis intercalati. Talis autem Mensis intercalatus non fuit certò designatus, sed post CXX annos accipiebant Mensem Phervardin: & post alios CXX annos, ad intercalandum accipiebant mensem Ardibehist: & eodem modo donec vices intercalandi ad singulos XII menses pervenissent, quod fuit Spatio MCCCCXL annorum, quod ab ipsis itaque dictum est Periodus Intercalationis. Hujus Epochæ Initium fuit tempore Gjemsbîd: & deinde postea à tempore Imperii cujusvis Regis magni quem habuerunt, Epocham renovârunt talis Regis nomine. Donec tandem appetente Imperio Yezdegberd filii Shabriyâr filii Cosrois, (qui ultimus Regum Persicæ,) ita accidit ut intercalandi vices pervenissent ad mensem Abân, cui itaque adjeciti sunt V Furtivi. Cùmque tempore Otmân filii Affân expiraret Imperium Yezdegberdi, hæc Epochæ sub nomine ejus mansit: & postea nulla accidit Intercalatio, & dicta Regula omissa est. Hinc est quòd quidam V Furtivos fini Mensis Abân affixerint perpetuò: sed aliqui Astronomorum [posteriorum] V Furtivos ad finem Anni rejiciunt, ut Calendariorum scriptio illis facilior sit. Cùmque hæcce Epochæ ab Embolismis & Fractionibus sit immunis, & cum Epochâ Nabonassari quæ in Al-Magesto usurpatur æqualis, hæc de causâ, plerique Astronomi eâ utuntur: ideoque & nos meditullia harum Tabularum super hacce Epochâ fundavimus; cujus initium est FERIA tertia, XXII die Rabîæ prioris, anno ab Hegirâ XV^o. Heic autem planum est quod ex Scribæ Persici incuria پادروم XV, sit pro پادروم XI, (cum scriptio sit ferè similis,) quo anno hæc Epochæ ponitur ab aliis: nam aliàs, Epochæ Yezd. non erit Christi Anno XXXI, sed XXXVI. Præterea, cùm hanc Epocham ponat FERIA tertia, ea non potuit esse anno XV, quippe cujus initium erat Junii XV, FERIA VII. Pro mendâ itaque habeatur. Vi-

detur autem quòd eorum Computus fuerit duplex; scil. *generalis*, per Annum Ecclesiasticum, qui Annus Mundi, & *particularis* per Annos Imperii Regum, ut nos etiam in *Angliâ* facimus. Utcunque tamen hicce eorum Computus non erat valdè accuratus temporis servator, cum in Intercalationibus CXX Annorum (inquit *Cotboddin*) acciperent aliquam Anni particulam pro *Nyctbemer*i Quadrante integro, quod non satis rectè factum: nam ut *Shâb Cholgi*, sic enim *Ibn Skâtir Damascenus*; *Annus Solaris est Dierum CCCLXV cum Quadrante, minus unâ CXXXI parte Nyctbemer*i juxta Observationem recentiorem.

Quomodo & quando fiebat Intercalatio, vides ex *Shâb Cholgi*: & idem docet *Cotboddin* his verbis, Cum à *Yezdegberdo* filio *Shabrizâr* filii *Cosrâ* (qui *Iustus* cognominatus fuit,) *Epocâ* ١١٠٠ *instituta esset*, jam addititius ille *Mensis* pertigerat ad *Abân-mâb*, elapsis de *Embolismi* Periodo annis DCCCCCLX, ejusque *Mensis* finem sequebantur *Epagomenæ*. Postquàm verò *Persicum Imperium* illi ereptum esset tempore *Otbmân* filii *Affân* (quando in domum cujusdam molitoris fugiens, ibi interfectus fuit prope *Marv-Shâbgjân*;) quinque illi *Dies* adhaeserunt *Mensi Abân*, sine ullâ translatione aut *Embolismo*. Ac proinde *Persarum* alii hosce *Dies* apponunt *Mensis* illius fini, eâdem servatâ constitutione; alii verò fini *Mensis Isphendârmad*, quia hic est anni ultimus.

Cur autem *Persæ* hâc potius quàm aliarum Gentium Intercalatione utebantur, rationem reddit *D. Golius* in *Notis ad Alfraganum* p. 27, ex *Nedâmoddîn*, *Nassiredin Tusæi* discipulo, qui in suo *Tractatu de Annis* dicit, *Religione certâ Persæ Ignorantiæ tempore cavebant ne intercalarent aliquem Anni Diem, quemadmodum faciunt Tabularum Constructores Rumæi, seu Græci*. Hocque, inquit *Mesûdi*, fuit quoniam eorum *Dies* erant vel felices vel infelices; ideòque odio habebant ut, *Diei intercalatione, Dies felices transferrentur in Dies infelices*. Deinde alia additur ratio ex *Philosopho Shirazitâ*; Propterea quòd cuique tam *Mensis* quàm *Appendicum diei* esset peculiare quoddam nomen, scil. cujusdam *Angeli*, & *Persis* esset pro quovis die peculiaris *Musfatio* nomine *Angeli* illius *Diei*: ideòque, ex illorum sententiâ, baud recta esset talis eorum *Musfatio*, si diebus *Mensis* unum *Diem* adderent.

Eadem quoque (inquit *D. Golius*) Intercalationis omissæ causa *Ægyptiis* videtur fuisse: nam & hosce spectâsse cujus *Deorum* dies quisque esset, *Autor est Herodotus lib. II*. Vel utrisque communis causa, quòd eorum *Sacerdotes* regundi temporis mysterium sibi proprium esse vellent: quod ex *Strabone Lib. XVII*. constat, quàm difficile *Platoni & Eudoxo* fuerit ab *Hierophantis Ægyptiorum* discere, quæ
Diei

Diei & Noctis particula CCCLXV diebus deesset ad complendum Annum. Præsertim Persarum Sapientibus curæ fuit Annum, post certum temporis spatium, in integrum restituere vagumque sistere; præcipuè cum certas Anni tempestates pleraque eorum Sacra respicerent. Quare assumentes Particulam Anni æquabilis reliquam pro Quadrante integro, singulis CXX annis adjecerunt Mensē unum, (tot enim annis, totidem Diei *Quadrantes* componunt XXX Dies) ita ut ipforum Anni congruerent cum Annis *Rumæorum*, seu Græcorum. Methodum intercalandi docet *Nedâmodîn*; scil. Annus ille CXX^{us} erat XIII mensium, cumque Annum vocabant *Bybzec*: & Mensē intercalarem vocabant nomine ipsius Mensis cujus Fini ille addebatur. Mensis autem intercalaris Fini adtexebant V *Epagomenas*, ut ipsa hæc additio intercalari Menſi signum foret in vicem proximam. Erat enim Intercalatio suo ordine promovenda de mense in mensem, a *Pbervardîn* ad *Iſpændârmad*: atque hæc dicta fuit *دورة السنين* *Periodus embolimica* annorum MCCCCXL. Atque ita fiebat ut *Naurûz* & reliqua Festa, quæ annorum CXX spatio paulatim suas sedes quasi integrum mensē antevertabant, uno mense geminato, in eisdem retraherentur. Haftenus ille. In nomine *Persico* fallitur autem *Nedâmodîn* Arabs, statuendo totum illum Annum in quo incidebat Mensis intercalaris, vocatum fuisse *Bybzec*, ut ille enuntiat: nam tantum intercalatus Mensis illo nomine gaudebat; seu potius nomine *بیبیزک* *Bibîzek*, ut in *Persarum* Libris scribitur. De eo *Chalâl Sûpbi* Turcicè refert, *Bibîzek* est nomen alicujus mensis in *Epochâ Persicâ*, qui sic se habuit: solebant nempe post CXX annos, unum integrum mensē intercalare; adeò ut ille Annus haberet XIII menses. Dictum mensē *Bibîzek*, sic intercalatum, ut Festum à capite ad calcem celebrabant. Apud *Ibn Phacreddin Angjou* in Libro *Pb. Gj.* rectius scribitur *ببترک* *Bibterek*, (q. d. melior mensis,) & ibidem *Persicè* exponitur, *Bibterek* est Mensis *Embolimæus* semel in CXX annis, qui Annus habebat XIII menses. Et cujuscunque Regis tempore accideret, ejusdem Regis magnificentiam, seu magnanimitatem arguebat; isque Regum maximus habebatur. Hoc autem credebant de Mense *Bibterek*, quando accidebat tempore Regis non valdè ferocis: ex. gr. tempore Regis *Nushirravâni* fuit duplex Mensis *Ardibehist*. Pro *Ardibehist*, fortè melius dixisset *Shabrîvar*; quia *Nushirravân* haud ita diu regnavit ante *Yezdegberd*. D. Scaliger, ab *Ignatio* Patriarchâ edoctus (nam ipse ne unum verbum *Persicè* novit,) dicit quòd talis Annus vocari solebat *سالجدای* *Sâlbodâi*, i. e. *Annu Dei*: & talis Mensis intercalatus *ماه بزرگ* *Mâh buzûrgb*, i. e. *Mensis magnus*,

magnus. Sed fides sit penes Autorem: nam in Persarum Libris talia dicti Anni aut Mensis nomina nōdum reperi.

Quoad Epochæ *Gjelalææ Melicææ* Initium, referente *Olugh Beigh*, Secundum aliquos Orientalium, erat die Solis, V^o *Sba'bân*, Hegjræ CCCCLXVIII. Secundum alios, erat die Veneris, X^o *Ramazân*, Hegjræ CCCCLXXI. Secunda sententia est receptior, ideòque eam sequitur *Olugh Beigh*. Hicce dictus Annus erat à *Yezdegberd* CCCCXLVII aut CCCCXLVIII *Christi* MLXXVIII aut MLXXIX; ad quem Annum D. *Joh.* Gravius in suis Tabulis adscripsit sequens Lemma, *Anni Epochæ Gjelalææ Solares ab Æquinoctio verno, sive à Meridie proximè sequente ingressum ☉ in ♀ in Horizonte Chowaresmiorum.* Cur addit *Chowaresmiorum*, vix satis mihi constat. Nam cum ejus Tabulæ sequantur Annum Persicum *Gjelalæum*, qui incipit cum Solis ingressu in *Arietem*, X *Martii* in Persiâ, hoc tempus non potest concordare & coincidere cum Anno *Chorazmio* qui incipit cum Solis gradu XIX in *Ariete*, seu XXIX *Martii* (ut infra dicetur,) in *Chorazmiâ* DCCC milliaribus orientaliùs versus *Indiam*. Si itaque (post tam doctum Astronomum) mihi relinquatur iudicium, ea verba in *Horizonte Chowaresmiorum*, ut superflua ex ejus *Lemmate* delenda sunt, substituto pro iis in *Horizonte Persico*, seu *Persarum*, si modò opus sit. Hoc autem nomen quod scribitur خوارزم, & quod ab Arabibus legitur *Chowarezem*, seu *Chowarazm*, à Persis aliter sonari & legi solet *Chorzem*, ut Latine legatur *Chorzemiorum*. Nam quamvis Literæ *Châ* superscribi soleat *Damma* & *Phata*, id fit ut legatur utrâvis seorsim, non autem utrâque simul; & *Eliph* quiescit. Hujus Regionis Incolæ *Ptolæmo* sunt *Χαρασμαιοι*, *Straboni* *Χαρασμῆσται*, minùs rectè.

De vero *Gjelalææ Epochæ* Initio, videtur esse aliqua inter Autores discrepantia. Nam in aliquo *Syrorum Calendario* (ubi extat *دائرة دورور* *Cyclus Naurûz Sultanei* & *دائرة كيمسة* *Cyclus Embolismorum*, uterque XXVIII annorum,) ad XI diem Martii adscribitur *دورور* *Naurûz Sultaneus*: & mox ad XIII diem adscribitur *دورور* *Naurûz Sultaneus* secundum quosdam, quasi de vero ejus sitû subdubitando. *Kûs Kuriacus* ponit XI^o *Martii*. Quamvis verò, medio modo loquendo, Solis ingressus in *Arietem* plerumque dicatur esse X^o die *Martii*, rem tamen stricte scrutando, compertum est Solem aliquando posse uno die citiùs aut tardiùs *Arietem* ingredi, idque, vel ratione *Bissextilis*, vel aliter. Ideòque perpendendum est quo Anno facta fuerint *Orientalia Calendaria* quæ inspicimus, cum, ante CXXX annos, ingressus fuerit uno die tardior, qui

qui nunc, illis annis jam elapsis, est (per XI minorum anticipationem) uno die citius. Et eadem ratione, ingressus, ante CCCC annos, erat III diebus tardior, qui nunc III diebus citior quam tunc erat. Sed quomodo in eodem Anno potuerit esse vel XI^o vel XIII^o die, (ut in dicto Calendario,) mihi non constat, nisi ille autor locutus fuerit juxta tunc præsentem annum in suo Calendario, & citaverit aliam opinionem ex antiquiori Calendario, quod absurdum. Ideoque fides sit penes Autorem. Id autem quod diximus de *Anticipatione*, & de *tardiore, aut citiore ingressu*, intelligendum est de Anno Communi, qui *Julianus*: nam Annus *Astronomicus* est semper idem, per quem metiendus & emendandus est alter Communis, seu *Julianus*.

At secundum infra dictum *Embolismum Melicshabæum*, *Yezdân-Bachsh* cognom. *Parvus*, in *Zigj Mugjmel* ponit *Æræ Melicææ Initium die Sabbati, XVIII Pbervardin veteris, anno Persico CCCCXLVIII*: additque; *Hujus anni dies esse CCCLXV, cum Quadrante diei: & omnes Menses esse XXX dierum, cum V Appendicibus*. Sic etiam D. Golius in *Alpherганum* p. 33, de Anno *Gjelalæo* ex *Cotboddin* refert; *Instituerunt illi Æræ, cujus principium esset meridies post ingressum Solis in Arietem, atque illud nominârunt Neurûz Sultânî. Ingressus autem fuerat illo tempore Sol in principium Arietis die XVIII Pbervardin veteris, quem illi faciebant primum Pbervardin Gjelalæi: & illos XVIII dies habebant intercalares. Atque ita principium Epochæ Gjelalææ est Embolismus Melicshabæus: & quaternis quibusque annis intercalant diem. Debuerant dixisse XIX Pbervardin, ut infra. Shâh Cholgi Persa in Tabulis Universalibus, videtur paulò rectius statuisse parte II. cap. 5, (ubi agit de حوادث ملکی تاریخ محدث که آنرا تاریخ ملکی خوانند de Epochâ recentiore quam vocant *Melicæam*), his verbis, حکمای که در*

عهد سلطان جلال الدین ملکشاہ بن آلپ ارسلان سلجوقی بودند تاریخ وضع کرده اند منسوب بسطان جلال الدین که آسامی شهر آن مطابق آسامی شهر فارسین است اما ماههای فارسین را بقدیم مقید کنند و این ماهها را بجلالی و اول سال این تاریخ که اول فروردین ماه جلالی باشد روزی اعتبار کرده اند که در اول آن نور آفتاب بنقطه اعتدال ربیعی رسیده بود یعنی اول بهار حقیقی و آن روز آئینہ بوده است مطابق بهم رمضان سنہ ۴۷۱ هجریه موافق

موافق پادشاهان رومی سنه ۱۳۹۵ اسکندریه موافق دورانهم
 فروردین ماه قدیم سنه ۴۴۸ در جردیه و آن هجده روزه از فروردین
 ماه قدیم گذشته بود آنرا کبیسه کردند و بدین سبب مبدأ این تاریخ
 را کبیسه ملکشاهی می گویند و ماههای این تاریخ را بعض ماه
 شمسی حقیقی گیرند و آن مدت قطع آفتاب باشد بحرکتی خاص یک
 برج را مثلا فروردین مدت قطع آفتاب باشد برج حمل را &c. پس
 همچنانکه اول سال بهار حقیقی است و مدت هر سه ماه دوازده مدت
 یک فصل حقیقی باشد اما منجمان بجهت سهولتی نوشتن تقویم
 و کشیدن جدول آن اصطلاح چنان کرده اند که ماههارا سی
 روز گیرند بر عادت فارس تا عدد ایام در اوراق تقویم مختلف بشود
 و خمره مسترقه را در آخر اسفند ازین رفادت کنند و سالهای این تاریخ
 شمسی حقیقی است و مدت آن بحسب رصدی که بناء این تاریخ بر آن
 است سیصد و شصت و پنج روز است و چهاره دقیقه و سی و دو ثانیه از
 روزی باعقبنسار آذک شبانروز شصت دقیقه باشد پس از ربع بهیستی
 و هشتی ثانیه کم باشد بدین سبب هر چهار سال یا پنج سال یک
 روز کبیسه کنند و سال سیصد و شصت و شش روز شون و چون هفت
 یا هشت بار بچهار سال کبیسه افتد بکبار پنج سال
*Sapientes qui fuerunt tempore Sultān Gjēlāl-eddīn Melicbāb filii Alp
 Arslān Selgūki, posuerunt à Sultān Gjēlāl-eddīn denominatam Epo-
 cham, in quā Mensium nomina correspondebant cum nominibus Men-
 sium Persicorum: sed Menses Persicos Veterum appellatione restringe-
 bant, & istos menses Gjēlālāos [vocabant.] Hujus Anni principium
 est Epocha quæ incidit in principio mensis Phervardīn Gjēlālāi, scil.
 die quem multum aestimant, in cujus initio Sol ad punctum Aequinoctii
 verni pervenit, i. e. ad initium Veris veri, quod est die Veneris cor-
 respondente cum nono Ramazān anni Hegjræ CCCCLXXI, & con-
 venit cum XV Martii Græcorum anni Alexandrini MCCCXC,
 concordans cum XIX mensis Phervardīn veteris anni Yazdegberdāi
 CCCCLXVIII. Et illos XVIII dies ex Phervardīn veteri elapsos
 intercalant: & hinc est quod bujus Epochæ initium vocatur Embo-
 lismus Melicbābæus. Sunt qui bujus Epochæ menses accipiunt ut
 menses Solares veros, i. e. tempus quo Sol motu proprio [seu Epicycli]*
 aliquod

aliquod Signum fecat : ex. gr. Phervardin est tempus quo Sol fecat Signum Arietis : & sic deinceps. Ita ut initium Anni sit Ver verum, & quovis III menses sint Quadrans verus. Sed Astronomi, pro facilitate conscribendi Ephemerides & delineandi Tabulas, eum introduxerunt usum, ut singulos menses tricenos dies esse acciperent, secundum morem Persarum, ut dierum numerus in Ephemeridum foliis non esset inæqualis. Et V Furtivos ad finem mensis Ispendârmozz adjiciunt. Hujus itaque Epochæ Anni sunt Solares veri : & eorum spatium est pro ratione Observationum super quibus hæc Epochæ fundatur, scil. CCCLXV dierum cum XIV minutis & XXXII secundis diei, eâ suppositione ut Nyctbemerone constet LX Minutis : adeo ut Quadrante minus sit XXVIII secundis. Hinc quovis quarto aut quinto anno, unum diem intercalant, adeo ut talis annus sit CCCLXVI dierum. Et quando septies aut octies quarto anno fuit Intercalatio, semel quinto anno erit.

Scilicet quod superius dicitur, est, quod Epochæ hujus Menses sunt Nomine Veteres Persici in anno Vago, Usu verò Gjélalæi in anno Fixo. Eodem modo ac si aliquis Romanorum Anni veteris Menses distingueret à Mensibus Julianis, qui nomine tenus iidem sunt & tantum situ differunt, mutatis primis in ultimos : excepto quod forte Julius sit à Julio Imperatore & Augustus ab Imp. Augusto qui antea erant Quintilis & Sextilis. Apud Olugh Beighum Annus Melicæus est

CCCLXV dierum cum Minutis seu Scrupulis diei 14, 33, 7, 32. Is etiam quoad præcedentia, in eundem sensum, sed brevius, loquitur. Deinde supradictus Shâb Cholgji parte II, cap. 9, de hujus Epochæ initio sic differit, اما آنچه بر موضع آفتاب باشد نویم جون آفتاب باوایل برج منقلب رسد ابتداء فصول اربعه از آنجا گیرند اکثر پیش از نصف النهار رسد از آن روز باشد و اکثر بعد از نصف النهار رسد از روز دیگر اما اول فصل بهار و دیوروز سلطانی آن روز بدون شبه در نصف النهار آن روز آفتاب در حمل رفته باشد و دیوروز خوارزمشاهی آن روز شبه آفتاب بدرجۀ شرف رسیده باشد

Quod spectat ad Solis loca, dicemus : Quando Sol conversus ad Signorum initia pertingit, quatuor Quadrantum initia inde sumunt : & si ante Meridiem pertingit, tum sumitur ab illo die : at si post meridiem, tum à proximo die. Sed initium Quadrantis verri & Naurûz

D d

Sulta-

Sultanæi, est Meridies illius diei quo Sol in Arietem ingreditur. Et Naurúz Chorzemshabæus est illo die quo Sol venit ad gradum Exaltationis suæ. Solis autem Exaltatio est in XIX gradu Arietis, qui est XXIX Martii: nam Sol ingreditur Arietem X die Martii; & his X diebus mensis addendo XIX dies signi Arietis, exurgit numerus XXIX. Ideoque in Calendario nostro, Constantinopoli constructo, ad XIX diem Phervardin Gjelalæi adscribitur نوروز خوارزمشاه Naurúz Chorzemshabæus. Et in Syrorum Calendario, ad XXIX diem Martii adscribitur in margine شاه شمس و نوروز خوارزمي Exaltatio Solis, & Naurúz Chorzemisháb.

Supradictus Naurúz Chorzemshabæus, est Naurúz prout celebrari solebat in Regno Chorzem, seu Chorasmiæ, (Ptolemæo *Χωρσμία*), cui præfuit ex familiâ Selgjukæa خوارزمشاهن لقبه ادوشتكين محمد بن Mobammed filius Anúshteghîn cogn. Chorzemsháb, i. e. Chorasmiæ Rex; à quo ista Epocha denominata est. Et huic successit ejus Filius علي خوارزمشاه Ali Chorzemsháb cognomine Atsiz; estque Atsiz, Equo carens. Scilicet, dictus Anúshteghîn, seu Núshteghîn fuit Avus ejus. Hi successerunt etiam in Regnis Chorasân & Irák & Persiâ, quibus tunc olim præfuerat Melicsháb, qui Togrulbegi (vulgò Tangrolipix, Bryennio, Strangolipes,) Nepos, ex familiâ Seljúki quæ regebat in dictis Regionibus & in totâ Mawaralnâbra. Dicente Ahmed Ibn Yûsuf, Togrulbegi regnavit XVI annos: & præfuit Mawaralnabrá & Chorasân & Deilom: & obiit in urbe Rey anno CCCCLV, postquam vixerat LXX annos. Melicsháb, aliquando paulò aliter & quidem plenius, dictus est سلطان جلال الدولة ابو الفتح ملکشاه بن الملك سلتان Sultân Gjelâloddûlat Abu'lPhât' Melicsháb filius Regis Jusliffimi Alp Arslân: sic Abu Mobammed Mustapha, qui etiam in hujus Regis Vitâ narrat, quòd ملکشاه جمع و ستين سنة في نظام المالك جماعة من المنجمين وجعلوا النوروز عند ذل الشمس اول الحمل و كان نوروز قبل ذلك عند ذل الشمس نصف الحوت وفيها عمل ملکشاه الرصد — و بقي الرصد الي ان مات السلطان Anno LXVII [scil. Selgjukæorum,] Melicsháb & Nedbâmo'l Melik [qui ejus Vezîr] convocârunt Afironomorum conventum, qui constituerunt Naurúz apud ingressum Solis in Arietem: antea enim Naurúz erat apud ingressum Solis in medium Piscis.

Piscis. — *Eo anno Melicshâb instituit Observationes-cœlestes quæ durârunt donec obiit dictus Princeps anno Hegiræ CCCCLXXXV, i. e. Christi MXXXII. Hinc colligimus quòd dictus Rex apud Persas invenerat Annum fixum: quis autem constituerat eum non dicitur. Id certè non fecerunt veteres Persæ, utpote qui usque hodiè utantur Anno vago. Id itaque fecerit Selgjûk, dicti Regis Proavus, dum Persiam sibi subegerat. Ideoque Annus à medio Piscium vocari possit Annus Selgjukæus. Infit Abmed Ibn Jûsuph, Melicshâb regnavit XX annos: & obiit anno CCCCLXXXV, postquam vixerat XXXVIII annos & aliquot menses. Et portatâ cistâ ejus ad Ispahân, ibi sepultus est in مسجد منیرستان Collegio suo quod ibi extruxerat.*

Quo tempore pleræque Gentes suos Dies incipiant, notat Shâb Cholgji Parte II, cap. 1. *Mohammedani & omnes alii qui Menses à Phasibus Lunaribus inchoant, Diem civilem ab Occasu solis inchoant: quia donec Sol occubuerit, Luna videri non potest: adeò ut Nox Diei præmittatur. Græci autem & alii quorum Menses à Computatione pendunt, Diem civilem inchoant ab Ortus Solis: adeò ut Dies Nocti præmittatur. Astronomi nostri (inquit Autor) Diem civilem inchoant à Mediâ die quando Sol est in Meridiano supra Terram. Indi autem, & aliqui ex Persis, & Chatai, Diem civilem inchoant à Mediâ nocte, quando Sol est in Meridiano infra Terram. Et eorum ratio est, quia inde inchoatur Solis Ascensus quando oriturus est. Alii Diem civilem dividunt in XXIV horas, &c. Sunt qui dividunt in LX partes, quas vocant Minuta, &c. Et*

منجمان هند شبادروز را بر شصت قسمت کنند و هر قسمی كرى خوانند و هر كرى شصت پل باشد و هر پل شصت پل و هر پل

Astronomi Indorum Diem civilem per LX dividunt: & quamvis partem vocant Kerî: & quodvis Kerî est LX Pâl: & quodvis Pâl est LX Bipâl: & quodvis Bipâl est LX Keshktenkesh. Sic ille. Et in eundem sensum Olugh Beigh testatur, quòd in Regionibus quibus ipse præfuit, Diem Civilem seu Nychthemeron inchoari à mediâ die. Sed apud Arabes & Legis [Mohammedanæ] sequaces, يوم طبيعى

Dies naturalis (ut vocant) incipit à principio noctis, & definit ad principium noctis sequentis. Apud alios, ab initio Diei ad initium Diei sequentis. At à mediâ nocte inchoatur apud Astronomos Chataiæ, seu Chinæ, (ut suprâ,) ut & apud Tataros Oigburæos. A meridie, in Angliâ, diem inchoant Astronomi, à mediâ nocte numerant Calendariorum scriptores, seu Astrologi.

C A P. XVIII.

De Anno seu Epochâ r̃s Kata & r̃s Oighûr.

ISTE Annus, seu ista Epochâ, talis est quæ à Persarum Astronomis unâ cum Persicâ explicari solet, (quos idè imitamur,) & quæ in eorum rebus & libris unâ cum Persicâ usurpatur apud Persas & Indo-Persas in Historiâ *Timûri* & aliis aliquot Libris Persicis, qui sine istius Epochæ cognitione probè intelligi nequeunt. Cùm itaque hujus cognitio videretur utilis & necessaria, eam in hoc Capite explicaturi sumus.

Quoad *كٲا* *Katâ*, (quæ propriè & primariò est *Tataria* pars,) ea jam est ex nominibus *Chinæ*, uti constat ex *Martinii Atlante Sinico* propè initium. De hoc nomine, Autor r̃s *Logat Měsnavi* lepidè observat, quòd illud scribere *خطا* *C'hatâ*, ut vulgò fit, reverà fit *خطا* *C'hatâ*, i. e. error. Quoad *اوٲور* *Oighûr*, (quæ D. *Gravio* perperam dicta *Igûra*,) ea est etiam *Tataria* magna pars, quæ vulgò sonat *Joughbour*, unde in Globis *Joughoria*. Quale hoc sit nomen partim exponitur in parvo quodam Vocabulario Tatarico inter MSS *Пос. اوٲور* *Oighûr*, *تٲاره لى دىمكدر* *Oighûr*, hoc est dicere *Tatarus*, seu *Tataricus*, eorum, sive personas, sive res in genere, spectando. Hoc autem *Tatarorum* nomen non est antiquius quàm *Gjenkizchân*, qui CCCC abhinc annis, *Turcissaniæ* incolis, illum in bello suo opitulantibus, imposuit hoc nomen *Oighûr*, i. e. *Adjutores*, seu *Auxiliarios* vocando eos.

Hæc Epochâ apud *Katæos*, seu *Chinenses*, satis antiqua fuerit, quæ fortè apud eos semper ab immemoriali tempore usurpata. Sed ea non videtur æque antiqua apud *Orientalis Turcas*, *Tataros*ve, utpote qui *Oighuræorum* nomine non vocabantur ante dictum *Gjenkizchân*. Idèoque apud *Tataros*, ante illius tempora, vel hæc Epochâ, vel saltem hujusmodi ejus nomen, non extitit. Videtur autem ista Epochâ à *Chinensibus* mutuata, circa CCCC abhinc annis, quo tempore *Tatari Kataiensis Chinam* invadentes & occupantes, illud suum nomen secum invexerunt, *Chinam*, ut suam tunc regionem, eodem nomine vocantes *Katâ*, eam possidentes & cum suâ *Kataiâ* sociantes: & tunc *Anni Sinici* formam didicerunt, & de postero, in suum usum adoptârunt. Hoc itaque *Chinæ* nomen in *Chinam* introductum fuit unâ cum

cum victoribus *Tataris*, qui vicissim Anni commodam formam inde reportârunt. Nam quòd Annus *Tataricus* acceptus fuerit à *Sinis*, vel hinc constat, quòd in *Anni partibus* & in omnibus ejusdem *Cyclis*, (excepto XII Animalium *Cyclo*,) omnia nomina, à *Tataris* ibi usurpata, sint planè *Sinica*, non autem *Tatarica*; uti certè fuerant, si talis Annus, seu Epochâ, ab his in *Chinam* introducta fuisset, & non inde mutuata. Nam (ut videtur) *Tatari*, præter rudiores illum per XII Animalia Computum, nullam habuerint Epocham, seu Anni formam, quam darent *Sinis*: ideòque tam commodam, & à *Sinen-sium* Astronomis tam benè excogitatam Anni formam, mutuârunt, eandem suam etiam esse volentes. Neesse enim videtur quòd Gens cultior talia dederit incultiori, non autem, vice versâ, ab eâ acceperit talia. Aded ut iste Annus fuerit primò *Sinicus*, & postea *Tataricus*, cùm hi ab illis acceperint. Et quia iste Annus, seu ista Epochâ, nuperis centuriis ab utrâque Gente æquè usurpata fuit, ideò eam, sine ullâ antiquitatis distinctione, ab iis utrisque junctim denominare solent Persarum Libri de eâ agentes: cùm non sint duæ, sed planè una eademque Epochâ ab unâ Gente ad alteram translata. Sic *Shâb Cholgi* Cap. VII, ubi expressè agit de hâc Epochâ, dicit eam institutam fuisse à *تربكستان و تارکستان* *Sapientibus* *ترک* *Katâ* & *ترک* *Turkistân*. Et cùm utriusque Gentis Annus sit unus idemque, ideò *Olugh Beigh* de harum duarum Gentium Epochis, quasi de unâ, agit indistinctè, sub unâ eademque descriptione, in eodem Capite sub Titulo *خارج و داخل* *Epochâ* *ترک* *Katâ* & *ترک* *Oighur*. Cùm itaque hæc Epochâ à *Tataris* per vim & arma in *Persidem* introducta olim fuerit, & jam postea in Persarum Libris junctim cum antiquiore Epochâ *Persicâ* describi soleat, tanquam altera Epochâ, quodammodo in *Persiam* adoptata, & in quibusdam rebus & Libris *Persicis* aliquando usurpata, eam etiam (inquam) heic inter Persarum res tractare & paulò fusiùs describere non detrectavimus. At ejusdem introductionem quod attinet, hoc in casu, antiquas *Tatarorum Invasiones* non spectamus, utpote quæ fuerint antequam hæc Epochâ inter *Tataros* reciperetur: sed eas eorum spectamus *Invasiones* quæ fuerunt citra *Gjenkizchâni* tempora. Illi enim sæpe subjugârunt *Persiam*, & suam Epocham secum introduxerunt, vel saltem, eam ibi in quibusdam rebus usurpârunt: uti quando per multos annos rerum ibidem potiebantur *Tataricorum Regum Series*, ex Familiâ *آق قویونلی* *âk-koyûnli*, seu *Alb-ovinâ*, & ex Familiâ *قرا قویونلی* *Kara-koyûnli*, seu *Nigr-ovinâ*, de quibus videatur

tur *Grimstonus*. Ista duæ familiæ (dicente *Abmed Ibn Jûsupb*) ex *Turcomaniâ* ortæ, deinde habitârunt in *Turcistân*: & postea tempore ræ *Argûn-chân* recipientes se in *Aderbayagjân*, Persiam obtinuerunt. Videatur etiam *Pachymerius* Lib. II, cap. 24 & alibi, quomodo Persia à *Tocharis* (terribili Tatarorum gente ad Boream adjacente,) subjugata fuit Anno *Christi* MCCLXI, quando Persarum Sultan *Azatînes* (fortè عز الدين *Azzadin*), ad Græcorum Imperatorem fugit, subdolè exceptus: & Tatarorum tunc Princeps (qui *Portas Caspias* & Persiam occupabat,) erat χαλαός. Deinde consulatur dictus *Grimstonus* Pag. 822, de Tatarorum in Persiâ Regibus sub *Uzûncbazân*, circa idem tempus, si is rectè ponit. Et ibidem consulas Pag. 916, de Regibus Tataris Anno MCCCLXXXVIII à *Timûro* descendentibus. Cùmque res sic se habuerint, omnes (ut spero,) me operæ pretium facturum existimabunt, si Tatarorum Annum & Epocham unâ cum Persicâ heic peculiari commentatione exposuero.

Priùs autem quàm *Kataica* nomina tractare aggrediar, de vero ac genuino eorundem apud externos Autores sono, & de iis quæ in nostratum gratiam mutavimus, aliquid præmittere visum est; ne fortè propter discrepantiam à *Martinio* & aliis Missionariis, Lector nos in eis proferendis cæspitasse suspicetur, & ipse quoque in eisdem effereendis secundum *Atlantem Sinicum* & alios eorum Libros hallucinetur; dum non advertit eorum pronuntiationem *Portugalicam*, & terminationes *Europæas* vocibus *Sinicis* perperam additas. Pessimo enim consilio D. *Martinus* in dicto *Atlante* & in suâ Historiâ *Sinicâ* sequitur pronuntiationem *Lusitanicam*, atque nominibus *Sinicis* addit terminationes *us* & *um*, quæ utraque Lectorem fallunt: tales itaque terminationes inter pronunciandum apocopare præstat & voces *Sinicas* simplices sine illis enuntiare. Cùmque tam ibidem, quàm apud D. *Golium* in Notis ad *Alpberganum*, omnia nomina *Sinica* sequantur pronuntiationem *Lusitanicam*, omninò monendum duxi, quòd lit. X sonatur ut *Sb*: Cb sonat molle ut *Tcb*: M in fine sonat ut *Ngb*: G in initio molle est ut *Gj*; at in fine G est durum ut *Gb*: & nos sic scripsimus, ut nostrates possint rectè sonare. Ao sonat ut *Au*, & An ferè ut *On*: sed non semper mutavimus, quia sonus tam prope accedit. Litera H Lusitanica sonat fortiter ut *Hb* duplici aspiratione, seu ferè ut *C'b* durum in lit. خا *C'ha* aut כ *C'beth*. Missionarii suo modo eum sonum expriment *C'a*: ideòque in nostrâ Præf. ad *Pondera* & *Mensuras Chinesisum*, emendatum velim *C'in*, (quia non sonat molle, sed durum,) & pro eo ponendum *Tchîn*. Sed D. *Martinus*, in *Atlante*,

non

non sequitur regulam quam ipse tradit (quòd scil. *Cb*, seu *Cb'*, sonet ut Italicorum *Cb*: nam scribit *Cb'e* & *Cb'ang*, quæ verè sonanda sunt *Tche* & *Tchangh*. Litera *Û* punctata, sonat ut *U Gallicum* tenue cum sibilo, fermè ut *I*, quod sic cum alio punctulo pleonastico vicissim vergit ad *Û*. His intellectis, ea quæ passim in *Missionariorum* Libris, ad nostros sonos facilè reduci queant.

Quoad Annum *Turcicum*, seu *Tataricum*, primâ frontè, egregium mihi scrupulum movebant *Shâb-Cbolgji* verba quæ suprà adduximus Pag. 201. lin. 20. *Annus compositus est quem Solarem esse reputant, at menses Lunares sunt, sicut est Annus Turcarum & Indorum*. Cur autem eum annum reputent *Solarem*, nulla est ratio præter errorem scribæ Persici, qui scripsit شمسي *Solarem*, pro قمری *Lunarem*. Sic itaque emendatiùs legendum moneo, *Annus Compositus talis est quem Lunarem esse reputant: & menses sunt Lunares, sicut est Annus Turcarum & Indorum*. Cur etiam dicatur *compositus*, non constat: nisi vult, ut *Solaris Annus* habeatur *simplex*, propter solos Menses æquales *tricenûm* dierum, alter verò *compositus*, propter Menses pares & impares, æquales & inæquales, ex quibus componitur annus lunaris, habens menses *solares*, seu *plenos*, tricenûm dierum, & menses *lunares* deficientes XXIX dierum, & hac ratione, quasi ex mensibus duorum generum compositus. Eiusmodi etiam Erroris taxandus est Scriba Persicus apud *Ali Birgiendi*, qui postquam optimè differuerat de Anno solari *Sinico-Turcico*, omnia mox perdit, dicendo *ejus Anni Menses esse Lunares veros*, legendo قمری *Lunares*, pro شمسي *Solares*. Cum his numerandus est *Kâs Kyriacus* Syro-Arabs, qui in Tabulis ait, *In anno Gjelalæo & Turcico esse menses Persicos*. De Anno *Gjelalæo* verum est quòd habet menses, tam denominatione, quàm mensurâ, Persicos veteres, qui tamen propter alium situm & ordinem reputantur *Gjelalæi*. At hoc de Anno *Turcico* non est verum: nam quamvis in *Turcico* Anno Solari sint menses XXX dierum, ii tamen sunt denominationis *Sinice*. Ac si de *Turcico* anno lunari loquitur, neutrum est verum, nec denominatio, nec mensura; non Scribæ, sed Auctoris lapsu. Nam isti Orientales, quamvis plurimi sunt doctissimi & accuratissimi, non sunt omnes profundè docti, sed quidam mediocriter, & aliquando suos habent lapsus, cujus miserum exemplum est quidam *Sokimân Ibn Ali* Syro-Arabs, qui prætendit scribere *Calendarium* الرعيه tonitruale, in quo ferè nihil est verum, sed pleraque falsa, quamvis suos autores firmandæ autoritatis ergò sæpè allegaverit. Nos ergò non teneamur defendere & iustificare omnia quæ in quorundam Orientalium Libris aliquando occurrunt. Sed discre-

tionis.

tionis iudicium utendum, nec quidvis indiscriminatim pro veritate admittendum.

Ut itaque magis distinctè & accuratè agamus, præmittendum est, hæc Gentes (*Sinenses & Tataros*) duplicem habere Annum; sc. *Solarem & Lunarem*. Solaris eorum Annus est *Tropicus* & شمسى حقيقى *Solaris verus*, ut suprà diximus; qui ad usum *Cbronologicæ*, & *Motionum cælestium* calculationes adhiberi solet. *Annus lunaris*, qui in Calendariis *Tatarico-Sinicis* describitur, est ad usum *Ecclesiasticum*. Utriusque Anni Initium est in *Vere*, aliquo tempore inter *Solstitium hybernium & Æquinoctium vernum*.

Sed primò agendum est de *Anno Solari*, qui, dicente *Sbâb-Cholgio*, linguâ *Sinicâ* vocatur سي-جى *Si-gju*: qui quidem Annus (ut vult D. *Martinius Hist. Sin.* p. 287,) incipit *Primo Vere*, cum *Sol in medium Aquarii Signum ingreditur*. Tunc à *Sinensibus* celebrantur *Rusticalia*, seu *Rusticorum Festum vernum* dictum *Hin-tchun*, cum maximâ totius regni pompâ dictu prolixâ. Ut enim populus ad rem agrariam alacriter prosequendam animetur, huic Festivitati interfunt *Rex & Regni Primores*, lætitiâ agendo, cum cæremoniis plurimis & planè admirandis; quæ apud jam laudatum autorem videri possunt. *Rustici* autem ipsi jubentur gaudere & lætari, quòd tunc incipiat *Vernum* tempus, quo *Agriculturam* alacri animo & fausto sydere aggredi liceat.

Annum Sinicum describit D. *Golius* in *Appendice Atlantis Sinici*: idem quoque prolixè & accuratè facit *Olugh Beigh*, qui inter plurima alia, hæc habet: *Hujus Epochæ Anni sunt Solares veri: nique sunt ab ingressu Solis in aliquem locum Zodiaci, donec ad eundem locum redierit; quod, ex eorum sententiâ, fit diebus CCCLXV & MMCCCCXXXVI particulis diei. Annum in XXIV æquales partes dividunt: & unaquæque pars XV dies & MMCLXXXIV particulas continet, & V sextas particule. Principia illorum Quadrantum, quibus nostri utuntur, sunt media Quadrantum eorum: addè ut Ver eis ineboctur circa medium Aquarii, & Puncta Cardinalia IV Conversionum Anni sunt in medio Quadrantum eorum. Et sic etiam Ali *Birgendi Persæ* ponit *Anni Chataici initium* ubi *Sol est* در اواسط دلو *in medio Aquarii*: additque, *Eorum Annum esse Solarem verum CCCLXV dierum cum II Tchâgh & VII Ke & IV Fengh, cum unâ sextâ tñs Fengh*. Et *Annum dispescit in XXIV Menses, seu æquales partes, quarum unaquæque est XV dierum cum II Tchâgh & IV Ke & CI Fengh, cum mediâ parte unius Fengh*.*

Ex



Cyclus 10.		Cyclus 12.		Cyclus 60.			
甲	1. Kiä.	子	1. Çü.	子	1. Kiä-çü.	白	Pe
乙	2. Yì.	丑	2. C'hèu.	丑	2. Yì-chèu.	羊	yangh.
丙	3. Pìng.	寅	3. Yìn.	寅	3. Pìng-yì.	金	Kin
丁	4. Tìng.	卯	4. Mào.	卯	4. Tìng-m.	牛	nieu.
戊	5. Vù.	辰	5. Shìn.	辰	5. Vù-shìn.	双	Shāngh
巳	6. Kì.	巳	6. Sù.	巳	6. Kì-sù.	兄	hiūngh.
庚	7. Kēn.	午	7. Û.	午	7. Kēn-ù.	巨	Kin
辛	8. Sìn.	未	8. Vî.	未	8. Sìn-vî.	蟹	hiài.
						獅	Su



Ex dictis constat, *Kataiorum* Annum *Solarem*, constare CCCLXV diebus cum V horis & L minutis: adeò ut eorum Annus nostrum Annum (qui 365^a, 5^a, 49^a.) superet uno minuto, seu Horæ *Europææ* unâ parte sexagesimâ; quæ LX Annis facit Horam integram, & MCDXL annis unum Diem civilem, seu *Nychthemeron* complet. Anni ergò Solaris initium inveniendum est calculando Solis motionem à dato puncto *Zodiaci* donec ad idem punctum redierit, ut *Astronomi* (& ab eis edocti *Chronologi*) benè nòrunt; semper, sine ullâ Diei Intercalatione, quæ est tantum ad popularem usum: nam *Astronomi* eâ non indigent, & vulgus tali Anno non utuntur, sed solo Lunari: ideòque vulgus Annum solarem vix agnoscunt; unde est quòd *Missionarii* etiam eum ferè ignorent.

Ad Annorum solarium computationem utuntur aliquot *Cyclis*, quorum unus est *Cyclus denarius*, continens tot vocabula *Temporum* propria. Iste est *Cân*, seu *Truncus*, ex quo, tanquam ex arbore, procedunt, seu oriuntur X Nomina, quorum primum est *Kia*. D. *Golio*, *Decem Cardines*, seu *Radices* vocantur. Hæc X vocabula *Sinica* (uti & ea XII quæ in seq. *Cyclo* duodenario,) per se illis ipsis temporibus significandis inserviunt, peculiari instituto & usu, sicut voces technicæ. Ea autem appellativè res longè alias significant, quæ ad præsentem rem nihil faciunt.

Secundus est *Cyclus duodenarius*, seu *horarius*, *Nychthemeri* XII Horas *Sinicas* continens, quæ nobis sunt tot *Biboria*. Et hi *Duo Cycli* junctim vocantur *Kia çû*, à primâ utriusque voce desumpto nomine.

Sinica Vocabula temporum, &c.

فنج *Fengb*, seu *Fen*, sive *Fuèn*, i. e. *divisio*, *pars*, *particula*, sc. 10000 pars diei naturalis.

ك *Ke*, i. e. *Sculptura*, sc. pars octava *Bihorii*.

چاغ *Tchâgh* apud *Persarum Astronomos* perperam ponitur ut *Sinicum Bihorii* nomen, quod reverà est *Sbî*.

شي *Sbî*, i. e. *Tempus*: item, *Hora Sinica*, seu *Bihorium Europæum*, sc. *Nychthemeri* pars XII.

شن *Shûn*, i. e. *Additio*, sc. *Intercalatio*.

كن *Cân*, i. e. *Truncus arboris*.

1 De hac sequenti Tabula *Chinensi* p. 218. monet Auctor, Columnarum Ordinem (ex Numeris discernendum) quem Sculptor perperam inchoavit à Sinistra, potius inchoandum fuisse à Dextra, uti se habet Lectio *Sinica* in singulis illis Columnis, ubi duplex *Sinice* Characterum Series cernitur: sed in eorundem sonis non item.

- ون *Vên*, i.e. *Compositio*.
 وشانك *Shàngb vên*, i.e. *superior Compositio*.
 وشونك *Tchûngh vên*, i.e. *media Compositio*.
 وشا *Hià vên*, i.e. *inferior Compositio*.
 وان *Vàn*, i.e. *Myrias*, sc. 10,000.

Duo Cycli Kia & Cû, scilicet qui sunt,

*Cyclus
denarius.*

*Cyclus duode-
narius.*

1. <i>Kià.</i>	1. <i>Cû.</i>	XII.
2. <i>Yi.</i>	2. <i>Tchén.</i>	II.
3. <i>Pingb.</i>	3. <i>Yin.</i>	IV.
4. <i>Tingb.</i>	4. <i>Maò.</i>	VI.
5. <i>Và.</i>	5. <i>Sbîn.</i>	VIII.
6. <i>Ki.</i>	6. <i>Sü.</i>	X.
7. <i>Kên.</i>	7. <i>à.</i>	XII.
8. <i>Sin.</i>	8. <i>Yt.</i>	II.
9. <i>Gm.</i>	9. <i>Sbîn.</i>	IV.
10. <i>Yuei.</i>	10. <i>Yeu.</i>	VI.
	11. <i>Siò.</i>	VIII.
	12. <i>Hài.</i>	X.*

Apud Persicos Epocharum scriptores, in Anno Sinico adhibetur supra-
 dictum *چاع Tchâgh*, D. Gravius *چاغ*, quod melius per *Ain* rescriben-
 dum esset *چاع Tchâ*, prout sonat vox Sinica quam intendebant, signi-
 cans *Scripturam*, seu *Epistolam*. Miror autem unde Persæ sibi arri-
 puerint hanc vocem, cum *Chinenses*, ejus loco, utantur *Sbî*, i.e. *Tem-
 pus* in genere, specialiter *Hora Sinica*, seu *Bihorium nostrum*, ut su-
 præ diximus. Apud *Ali Birgendi* Persam, *Omne Tchâgh continet 8
 Ke*: & *omne Ke continet 10000 Fengb*. Et *omne Fengb est 8" & 38"*
& 24". Videtur autem desiderari aliquid ex lapsu Scribæ: & fortè
 pro *omne Ke*, rescribendum sit *totum nycthemeron*: sic enim magis
 accuratè *Sbâh Cholgi* dividit *omne Tchâgh in 8 Ke*: & *totum nycthe-
 meron in 10000 Fengb*: adeò ut quodvis *Tchâgh sit 833 Fengb cum
 duabus tertiis*: & quodvis *Ke sit 104 Fengb cum duabus sextis*. Sic
 ille.

* Hi numeri Romani Horas nostras notant, à mediâ nocte numerando.

Quod

Quod autem à Persis minùs rectè scribitur *Fengb*, est Kataicum *Fen*, seu *Fuèn*, significans *partem minutam*, seu *particulam* temporis aut alterius cuiusvis rei. Optandum fuerat ut Doctiss. Gravius in edendo suas *Epochas celebriores* non fuisset scientiâ *Sinica* prorsus destitutus: ille enim *Cbataica* legit *Penac* pro *Fengb*, *Sbanec* pro *Sbangb*, *خودك* *Chunec* pro *توبه* *Tebungb*, cum ejusmodi aliis; perperam omninò; cum omnes voces *Sinicae* sint *Monosyllabae*, nec in totâ linguâ detur *Dissyllabae*: & quamvis vox aliqua secundum modum *Lusitanicum* scribatur cum duabus, aut pluribus vocalibus, omnes in unius syllabæ sonum cogendæ sunt, ut *Siue* in *Swoe*, & *Siao* in *Sjaw*, *Cui* in *Cwi*, *Hid* in *C'ba*, *Fuèn* in *Fwèn*, *Sboangb* in *Sbwangb*, *Hoangb* in *Wbangb*, &c. Et cum in *Kataicarum* vocum sonis apud Scribas Persicos subinde errare pronum sit, pro supra notato *سي-جی* *Si-gju*, fortè legendum sit *سجی* *gui-gje*, i. e. *Annus Solis*, seu *solaris*.

De Cyclo duodenario D. Martinus in *Hist. Sin.* p. 22; *Tria præcipua Puncta in Horarum circulo pro illustrioribus habent*: scil. *Mediam noctem*, in quâ *Cælum*; *primam à mediâ nocte boram*, in quâ *Terram*; *secundam denique à noctis medio*, in quâ *Hominem natum memorant*. *Mediæ nocti Caprum assignant*, *primæ Amphoram*, *secundæ Piscem*: ita tamen ut una *Hora Sinica* duas nostrates complectatur. *Circulum enim Horarum fixum cogitatione depingunt in Cælis, quemadmodum nos Circulum semper apparentium maximum, quem in XII æquales partes secant, Horasque totidem*. — *Iisdem Horis respectiva Zodiaci Signa eo, quem supra notavimus, ordine assignant*. Hæc tria dicta Signa sunt *Capricornus*, *Aquarius*, *Pisces*. Cùmque *Chinensis noster Planetarum & Signorum Nomina* in eadem Chartâ scripta mihi reliquerit, ea omnia, curiositatis gratiâ, heic subjungam, ne aliâs fortè intercidant. Vide *Martin. Hist.* p. 9.

I. <i>Gje</i> , i. e. <i>Sol</i> .	<i>Tai</i> , i. e. valde	VI. <i>Mô</i> , i. e. <i>Lignum</i> :
II. <i>Tuè</i> , i. e. <i>Lana</i> .	<i>Pe</i> , i. e. <i>Alba</i> ,	vel aliâs
III. <i>Shui</i> , i. e. <i>Aqua</i> :	sc. <i>Venus</i> .	<i>Cui</i> , i. e. <i>Annus</i> ;
vel aliâs	V. <i>Hò</i> , i. e. <i>Ignis</i> :	sc. <i>Jupiter</i> .
<i>Tchin</i> , i. e. <i>Matutinus</i> :	vel aliâs	VII. <i>Tû</i> , i. e. <i>Terra</i> :
sc. <i>Mercurius</i> .	<i>Tibngb</i> i. e. <i>Flamma</i> :	vel aliâs
IV. <i>Kiu</i> , i. e. <i>Aurum</i> :	<i>Hòe</i> , i. e. <i>Mars</i> .	<i>Tiên</i> , i. e. <i>Terra</i> ;
vel aliâs		sc. <i>Saturnus</i> .

Scilicet, quivis Planeta vocatur tam proprio nomine, quàm nomine materiæ cui præesse censetur, uti præest *Mercurius Aquæ, Venus Auro* & reliquis metallis, *Jupiter Arboribus*, &c. Ille Character qui *Tù, Kircherò* sonat *Hé*.

I. <i>Pe, Alba-</i> <i>Yangb, Ovis,</i> sc. Aries.	V. <i>Sü, Leo,</i> <i>çü, explet.</i> sc. Leo.	IX. <i>Gjin, Homo-</i> <i>Ma, Equus,</i> sc. Sagittarius.
II. <i>Kin, Aureus-</i> <i>Nieu, Bos,</i> sc. Taurus.	VI. <i>Sbe, Domus-</i> <i>Niu, Virgo,</i> sc. Virgo.*	X. <i>Mu, Montana-</i> <i>Shièn, Ovis,</i> sc. Capricornus.
III. <i>Shāngb, Duo-</i> <i>Hüngb, Fratres,</i> scil. Gemini.	VII. <i>Tièn, Cæli-</i> <i>Tchbingh, Libra,</i> sc. Libra.	XI. <i>Paò, Pretiosum-</i> <i>Pingh, Vas.</i> sc. Aquarius.
IV. <i>Kiu, Magnus-</i> <i>Hiai, Cancer,</i> sc. Cancer.	VIII. <i>Tièn, Cæli-</i> <i>Kie, Scorpius,</i> sc. Scorpius.	XII. <i>Shāngb, Duo-</i> <i>Yü, Pisces,</i> sc. Pisces.

Ex supradictis duobus Cyclis compositis conflatur alius major *Cyclus Sexagenus*, seu *Sexagenarius*, dictus *Vên*, i. e. *Compositio*. Et quia LX partibus constat, subinde aliter vocari solet *Lo Sbe Hoa Kia Çü*, id est, *LX Flores Kia Çü*, scil. ex minoribus Cyclis *Kia* & *Çü* compositi flores, sumptâ denominatione à duabus vocibus initialibus præcedentium Cyclorum. Cùmque ex duorum Cyclorum Compositione evadens *Cyclus Sexagenus*, fiat eorundem Nominum diversâ positione, idèò *Hoa*, quod exponitur *Flores*, aliàs propriè significat *diverse posuit*. Apud D. *Couplet* vocatur *Lo Xe Hoa Kia*, & exponit *Sexaginta conversionum constructio*. Pro *Xe* sonandum *Sbe*. Is in Præfatione ad Chronologiam Sinicam, hujus Cycli insignem, in Re Chronologicâ, usum impensè laudat. Iste *Cyclus LX Annorum* propria Nomina exhibet, & in Annorum computatione, sicut *Rota*, circumrotatur in perpetuum. Et non tantùm *Solarium Annorum*, sed & *Lunarium Mensium* nomina circulariter exhibet, ut infra monstrabitur. Per hunc itaque non tantùm *Annos Solares* supputant, sed etiam *Dies* suos dinumerant, atque *Septimanæ* vicem quodammodo suppleant. Imò, dicente D. *Couplet*, non tantùm *Anni* & *Menses*, sed *Dies* & *Horæ*, suâ cum proportionem, per hunc *Cyclum* signantur per totum Imperium. Hunc Cy-

* viz. Innupta femina, quæ nondum ex domo parentum excesserit.

clum instituit Imperator *Hoangh-Ti*, qui MMDCLXX annis ante Christum vixit.

*Cycli Sexagenarii Paradigma Europæum Sinico respondens,
Autore D. Couplet.*

A I.	B II.	C III.	D IV.	E V.	F VI.	G VII.	H VIII.	I IX.	K X.	10.
A XI.	B XII.	C I.	D II.	E III.	F IV.	G V.	H VI.	I VII.	K VIII.	20.
A IX.	B X.	C XI.	D XII.	E I.	F II.	G III.	H IV.	I V.	K VI.	30.
A VII.	B VIII.	C IX.	D X.	E XI.	F XII.	G I.	H II.	I III.	K IV.	40.
A V.	B VI.	C VII.	D VIII.	E IX.	F X.	G XI.	H XII.	I I.	K II.	50.
A III.	B IV.	C V.	D VI.	E VII.	F VIII.	G IX.	H X.	I XI.	K XII.	60.

Istum Cyclum, tribus Nominibus, pro triplici ordine, distinguunt, qui sunt *Sbangh Vên*, i. e. *Superior Compositio*: & *Tcbungh Vên*, i. e. *Media Compositio*: & *Hià Vên*, i. e. *Inferior Compositio*. Atque ita CLXXX Annis confectis, ad primum Computi initium revertuntur. Si supra III Cyclos Sexagenos, *Summum*, *Medium* & *Imum* (eorumve Systema CLXXX Annorum) procedendum sit, tum *Vàn*, seu *Myriade* utuntur. In quovis Cyclo (inquit D. Golius) *Anni Solares Tropici* usurpantur ab ingressu Solis in XV Aquarii Gradum. Et hâc constituunt Veris sui principium: & in XV Tauri initium Æstatis: & sic per æqualia intervalla reliquas Anni partes. Et principia eorum mediis nostrorum Mensum respondent. Sic se habet communis praxis.

Sed D. Golii pace, dicendum est, quòd hoc modo vix accuratè procedatur, cum Sol non æquali semper tempore quævis Zodiaci Signa percurrat; scil. quando Sol est in *Perigæo*, paucioribus diebus absolvit singula Signa hyberna, quàm quando est in *Apogæo* absolvit Signa æstiva: nempe aliqua eorum XXIX aut XXX diebus, & alia eorum diebus XXXI aut XXXII: adeò ut quamvis totus CCCLXV dierum numerus inter XII Signa dispescatur, id tamen non fit æqualiter. Cum enim

enim Terra non sit sita exactè in Centro motionis Solis, id sanè necessariò efficit *Apogæum* & *Perigæum*, ita ut Sol, in hisce positus, nobis videatur *eccentricus*: cum revera *respectu sui motûs*, non sit ita, sed tantum *respectu nostrî*, qui propter nostrum obliquum situm aliter judicare non possumus. Solis itaque motio, *respectu sui*, est semper æqualis, quamvis nobis res aliter esse videatur. Et quamvis Sol ab *Horologiis* nostris aliquando differat, (vel potius hæc ab illo differant,) in fine anni utraque inter se æquantur. Ideòque mihi videtur, haud satis consultò factum fuisse in Globis dividendo Eclipticam, seu Zonam Signorum, in XII æquales partes, cum non tam æqualitati divisionis quàm rei veritati consulendum sit. Si igitur Signiferi in Globis divisio non esset æqualis, sed potius vera, secundum verum Solis motum determinata, tum non opus esset calculandi Tabulas æquationis, ut hodie fit; sed Temporum & Solis motus cum *Horologiis* & *Scioteriis* cœquari possent per Globos, absque ulteriori molestiâ. Ex dictis constat quòd Sol *Hyeme* sit nobis *propior*, & *Æstate* à nobis (quasi majorem Circulum aut Arcum describens,) *remotior* in *Apogæo*, Persicè dicto *ج* *Augi*, i. e. *Absis*, Latino-barbarè *Aux*. *Æstate* autem plus calefcit, quia sumus penè sub Sole, qui tunc magis perpendicularis est nobis, quàm hyeme, quando est *propior*. Sed ad pensum redeo.

Olugh Beigh accuratè docet modum temporis in hac Epochâ putandi: & in D. *Gravii* ibidem Tabulis, in tribus distinctis Columnis computati visuntur *Anni Cycli simplicis Sexageni*, & *Anni Cycli compositi è tribus Cyclis Sexagenis*, & *Anni Epochæ Chataicæ Solares à medio Aquarii*: scil. Anni *ṛs Vàn* (seu *Myriadis*) 8865^{ta} habentes. Nam à Creatione Mundi ad Annum *Hegyræ* DCCC XLVII (sive *Christi* MCDXLIV) juxta *Chataiorum* sententiam, effluxerunt Anni Solares completi 88,639,860. Hanc autem enormem eorum Chronologiam confutavit D. *Goli*us in *Calce Atlantis Sinici*, & D. *Couplet* in *Præfatione ad Philosophiam Sinicam*: illorum enim ignorantiam prodit talis computatio. D. *Gravii* minus benè legit ubique *Ven* & *Venni*, pro *Van* & *Vanni*, i. e. *Myrias* & *Myriades*; cum *Ven* aliam habeat significationem, ut suprà dictum.

Tabula

Tabula XII Mensium seu XXIV Semi-mensium Solarium Kataicorum.

I Ver.

Numeri Partium.	Nomina Partium.	Dies Anni.	Parti- cula.	Sexta partem.
I	<i>Liē-tchūn</i> , i. e. Elevatio veris.	00	00	0
II	<i>Tā Shai</i> , i. e. Pluviae aqua.	15	1184	5
III	<i>Kingb-tchē</i> , i. e. Motus reptilium.	30	4369	4
IV	<i>Tchūn fuēn</i> , i. e. Veris pars.	45	6554	3
V	<i>Cingb-mingb</i> , Limpida claritas.	60	8739	2
VI	<i>Cā-yā</i> , i. e. Frugum pluviae.	76	924	1

III Autumnus.

Numeri Partium.	Nomina Partium.	Dies Anni.	Parti- cula.	Sexta partem.
XIII	<i>Liē-ghā</i> , Elevatio Autumni.	182	6218	0
XIV	<i>Tchū-shū</i> , Quies caloris.	197	8402	5
XV	<i>Pē-tū</i> , i. e. Albus ros.	213	587	4
XVI	<i>ghūn fuēn</i> , Autumni pars.	228	2772	3
XVII	<i>Hān lū</i> , i. e. Frigidus ros.	243	4957	2
XVIII	<i>Shoāng-kiāng</i> , Pruinae descensus.	258	7142	1

II Aestas.

VII	<i>Liē-biā</i> , i. e. Elevatio Aestatis.	91	3109	0
VIII	<i>Siāo-muān</i> , Parva repletio.	106	5293	5
IX	<i>Māngb-tchūn</i> , Herbarum semina.	121	7478	4
X	<i>Hā-tchī</i> , i. e. Aestatis Aetio.	136	9663	3
XI	<i>Siāo-shū</i> , i. e. Parvus calor.	152	1848	2
XII	<i>Tā-shū</i> , i. e. Magnus calor.	167	4033	1

IV Hyems.

XIX	<i>Liē-sūngb</i> , Elevatio hyemis.	273	9327	0
XX	<i>Siāo-fuē</i> , Parva nix.	289	1511	5
XXI	<i>Tā-fuē</i> , Magna nix.	304	3696	4
XXII	<i>Tungb-tchī</i> , Hyemis Ratio.	319	5881	3
XXIII	<i>Siāo-bān</i> , Parvum frigus.	334	8066	2
XXIV	<i>Tā-bān</i> , Magnum frigus.	350	251	1

Primus Semi-mensis *Liē-tchūn* ubi Nullitates 00, 00, 0, complet Annum ad numerum CCCLXV cum Fractione. Exprimitur autem Nullitatibus, quia nullus tunc integer Semi-mensis elapsus sit. Reliquas Tabulas quæ ad hujus Epochæ Calculum pertinent, heic addidisse, nimis prolixum fuerat: ideoquæ eas ex *Olugh Beigbo*, Editionis D. Gravii in *Epochis celebrioribus*, petendas relinquo. Nominum autem *Kataicorum* (quæ apud eum malè leguntur) soni veri, ex nostra Cyclo-

rum

rum &c. lectione addisci, & apud illum corrigi poterunt. Hæc Anni Solaris divisio in usu est etiam apud *Indos*, testante *Curtio*, qui in Libro VIII de eis refert, *Menses in quinos denos describunt Dies: Anni plena spatia servantur*. Qui quidem locus ex supradictis lucem sceneratur. At præter istum Solarem annum civilem, quem etiam habent *Turcæ*, sanè tam *Turcæ*, quàm *Indi*, præterea habent Lunarem annum Ecclesiasticum, ut notavit *Sbâb Cbolgji* supra p. 201. l. 20. 21. Quam quidem lectionem nos emendavimus p. 215. l. 11. 12. Uterque ergo (ut solent autores,) imperfectè loquitur; *Curtius* quidem, non agnoscendo etiam *Indorum* Annum lunarem, & *Sbâb Cbolgji*, non agnoscendo quoque eorum Annum solare. Ex *Astronomiâ Chinenfium* (quorum pessimi imitatores sunt *Siamenses*) aliquantulum illustrari possit confusus & imperfectus ille *Siamensium* Computus apud D. *Lauberum*, in quo explicando, Doctissimus *Cassini* æquo successu laboravit ac si illius regionis homines ad albedinem lavare tentasset.

Kataiorum Cyclo duodenario p. 218. præmissio, respondet Orientalium Turcarum, seu Tatarorum, sequens Cyclus, ex tot Animalium nominibus conflatus.

<i>Nomina Turcico-Tatarica.</i>	<i>Nomina Kataica.</i>	<i>Nomina Persica.</i>
خسکرو <i>Késegbu, Mus.</i>	Shù, <i>Mus.</i>	موش <i>Mûsh, Mus.</i>
اوت <i>Oút, seu Oúd, Bos.</i>	Nièn, <i>Bos.</i>	گاو <i>Ghâv, Bos.</i>
پارس <i>Pârs, Tbos.</i>	Hû, <i>Tigris.</i>	پلنگ <i>Pelângb, Tigris.</i>
طوشقان <i>Tausbkân, seu</i>	Tû, <i>Lepus.</i>	خرگوش <i>C'bergbûsh, Lepus.</i>
<i>Dausbkân, lepus.</i>	Lûngb, <i>Draco.</i>	دهنگ <i>Nebângb, Crocodilus.</i>
لوی <i>Lûi, Crocodilus.</i>	Sbê, <i>Serpens.</i>	مار <i>Mâr, Serpens.</i>
دیلان <i>Yîlân, Serpens.</i>	Mâ, <i>Equus.</i>	اسب <i>Asp, Equus.</i>
یوند <i>Yând, Equus.</i>	Yângb, <i>Ovis.</i>	گوسفند <i>Ghûspband, Ovis.</i>
قوی <i>Kôi, Ovis.</i>	Hlu, <i>Simia.</i>	حمدره <i>Hamdâna, Simia.</i>
پیتبیل <i>Pîtebîn, Simia.</i>	Kê, <i>Gallina.</i>	مرغ <i>Mûrgb, Gallina.</i>
دقوق <i>Dakûk, Gallina.</i>	Kêu, <i>Canis.</i>	سگ <i>Sêgb, Canis.</i>
ایت <i>ît, Canis.</i>	Tcbû, <i>Porcus.</i>	خوک <i>C'bûk, Porcus.</i>
تونگوز <i>Tongûz, seu Don-</i>		
<i>gûz, Porcus.</i>		

Kataica

Kataica nomina, ornatûs causâ, adjecimus, ut fecit D. Golius in Append. *Atl. Sinici*. Ea enim non invenit in aliquo Cyclo, sed ex suis Glossariis *Sinici*s petiit, ut posset ea accommodare nominibus *Turcicis*. Pro me quoque, quasi curiositatis causâ, ea scripsit *Cbinensis nosser*; qui etiam primum nomen sonavit *Tebû*, vel aliàs *Shû*, eodem characterere. Eorum itaque Astronomi, non istorum, sed aliorum nominum cyclo duodenario utuntur, qui in antecedentibus præmittitur. Persica etiam à *Shâb Cholgjo* translata sunt ad rem demonstrandum: adeò ut, inter hæc omnia, sola *Turcica* sint quæ usitatum Cyclum Astronomicum conficiunt.

Quoad supra dicta nomina *Turcica*, quod primo loco *Késegbu*, est in genere *Mus*, in specie *Glis*. At in *Timûri* Historiâ *Zaphâr-nâma* Persicè conscriptâ, secundùm *Mogulensium* computum, Tamerlanes dicitur natus *سجفان* *جیل* Anno *Muris*, ubi incipit *Cyclus annorum Mogulensium*; qui coincidit cum Anno *Hegjræ* DCCXXXVI, *Cbristi* MCCCXXXV. Est autem *Sitchkân* in linguâ *Tataricâ* dialecto rusticanâ, pro quo *Turcæ Europæi* elegantius proferunt *سچان* *Sitchân*, *Mus*. Et sic pro *Tauschkân*, elegantius dicitur *طوشان* *Tauschân* *Lepus*. Secundo loco, *Oûd* pro *Bove*, aliàs vocatur *اوکور* *Okiuz*, *صفر* *Sigbir*, vulgò *Sugbûr*. Tertio loco, *Pârs* pro *Thoë*, aliàs vocatur *دور* *Rûz*. Loco septimo pro *Yûnd*, aliàs dicitur *یوند* *Yünt*: vel alio diverso nomine *آت* *ât*. Loco octavo *Kôî*, rectius & elegantius dicitur *کوبن* *Koyûn*, seu *Koyin*, *Ovis*. Si autem sonatur *Koyin*, est aliàs juxta peccatus *Sinus* vestium, à *قومف* *Kômak*, *ponere*, q. d. *Koyin* sit *repositorium*: nam supra cingulum ad latus corporis in tali Sinu (the Bosome) Reculas suas secum portant Orientales, ibique ut in marsupia reponunt, vel fortè in *جرعدان* *Regularum thecâ* ibi condendâ. In loco duodecimo pro rusticanâ voce *Tongûz*, alii elegantiores scribunt *طگور* *Toghûz*, seu *Doghûs*, & sonant *Domûz*.

Inter *Cbataica*, tertio loco *Hû* reverà est *Tigris*, *Turcicè* *قيلان* *Kaplân*. At ab his longè diversum est *Leopardi* nomen *Sinicè* *Pao*. Quarto loco quid voluit D. Golius per *Tû*, *Cbinensis* meus non intellexit. *Lepus*, seu *Cuniculus major*, *Sinicè* vocatur *تۇ* *Tû* *çû*, quorum posterior vox est expletiva. Pro undecimo *Kêu*, *canis*, etiam alio characterere vocatur *Cau*.

Dicente *Martinio*, per hunc *Turcicum* Cyclum rustici *Sinenses* & *Nomades Turcæ Tataricæ* computant *Horas* & *Dies* & *Annos* solares suos: imò & literati *Indo-Persæ*, ut suprâ ex *Zaphâr-nâma* ostendi-

mus. Et istâ *Dodecataëteride* numerando peractâ, eandem repetunt & numeratò reiterant in æternum. Isto, inquam, Cyclo utuntur Turcæ Orientales omnes, presertim (notante D. Golio,) *مولاچين و حکماء* Mogolo-Sinæ, & *Sapientes campestris-regionis*, & *Turcæ Tamgâgj*, i. e. regionis *Chinæ*, quales etiam sunt Mogolo-Sinæ, seu *Mogulenses*, qui mixtim cum *Chinensibus* vivunt. Per *Campestris-regionem*, seu *Campestria*, intelligitur *دشت قىچاق* Campus tū *Kipgjâk*, (quæ *Haitbono Cumania*,) scil. tota planities quæ ab extremo Oriente in Occasum supra mare *Caspium* & usque ad *Ponti* fines exporrigitur: hoc est, tota *Turcistania*, uti dicti sapientes, seu Astronomi, superiùs vocantur *Sapientes Turcistanicæ*, qui hujusmodi Annum constituerunt.

Haftenus de eorum Anno Solari: jam proximè de Anno Lunari dicendum restat.

Orientales Astronomi ferè toti sunt in describendo Kataiorum Annum solarem: obiter tantùm & obscure Anni Lunaris mentionem facientes. At D. *Martinius* in *Historia Sinica* p. 18, de Anno Sinico agens, cum quasi hybridum, inaudito vocabulo, *Annum Lunæ-solarem* vocat. Quid sibi voluerit hoc monstroso nomine, (si aliquid voluerit,) ille meliùs noverit: nos enim ignorantiam nostram aperte profiteamur. At quia Sinensium vulgus circa Annum Lunarem præcipuè versari solet, fortassis D. *Martinius* etiam *Lunarem Annum* subintellexerit. Ille autem sparsim aliquid in medium adducit de utroque Anno, quem unum simplicem esse putat, nesciendo *Chinenses* duo Annorum genera habere.*

Utcunque tamen sit, Ego (solari Anno, in superioribus descripto, & *Turcarum* ac *Kataiorum* Astronomis relicto,) Lunarem Annum *Sinico-Tataricum* describere aggredior, ex utriusque Gentis Calendariis lunaribus quæ penes me habeo, ex quibus constat, in vulgari & populari usu adhiberi solere *Annum Lunarem*. In Orientalium *Turcarum* MS Calendario lunari præmittuntur Solares menses *Gjelalæi* ab ingressu Solis in *Arietem*: id autem, non quasi per illos Menses computaretur Annus *Turcicus*, sed ut inter utrosque fiat collatio, & ut ad Solares Menses commodè, per *Prosthaphæresin*, referri queant menses *Turcici* Lunares, qui in eodem Calendario in suis locis è regione inseruntur, ut Anni *Turcici* norma & mensura, & ibidem sequentibus nominibus vocantur. Quinetiam, in quibusdam orientalibus Calendariis, item *Coptorum* & aliarum Gentium, Menses subinde addi solent, ut omnes inter se conferantur, & inter horum ac illorum Annos differentia appareat.

* Vid. Append. N°. VII.

Menſium Tataricorum Nomina, prout in eorum Calendario & apud Olugh-Beighum leguntur.

- ارام *Aram*. I^o.
 ايكندى *Ikindi*, i. e. II^o.
 اوجونج *Ugjungj*, i. e. III^o.
 دورديج seu تورديج *Dordungj*, seu *Tortungj*, i. e. IV^o.
 بيشنج *Beshingj*, i. e. V^o.
 آلتنج *Altungj*, i. e. VI^o.
 يدنج seu يتنج *Yedungj* seu *Yetungj*, i. e. VII^o.
 سكينج *Sekizingj*, i. e. VIII^o.
 طوقسنگ seu طوقورنج *Dokozungj* seu *Dokosungj*, i. e. IX^o.
 اونونج seu اورنج *Onungj* seu *Onuzungj*, i. e. X^o.
 بيرينكيزنج seu برانكيزنج *Birinkizungj*, i. e. XI^o.
 چاقشابا *Tcboksbabat*, XII^o, q. d. *roralis Sbbat*.

Horum mensium omnium Nomina, excepto primo & ultimo, sunt *Nomina ordinalia*, appellativam habentes significationem 2^a, 3^a, &c. Horum Nominum quædam, præsertim *Onuzungj* & *Birinkizingj*, planè rusticè efferuntur secundum Dialectum Orientalium Turcarum. At *Birinkizmongj*, apud Olugh Beighum, putabam esse Scribæ errorem, ideòque correxi. Horum singulis subjungi semper solet *ai*, ut آرام آي *Arâm Ai*. Turcarum, seu Tatarorum & Kataiorum Annus est idem, eodem tempore incipiens; ideòque, de utriusque Anno dicturus, indifferenter & promiscuè loquor, eo ordine quo Auctoritates se mihi obtulerunt: quod præmonendum duxi, ne confuse locutus viderer.

Pessimè errat *Scarlantus*, Anni Sinici seu Cataici Lunaris initium ponendo in Novilunio Martii; ut & *Neubosius*, idem ponendo in Novilunio quod Nonum Aprilis proximè præcedit, vel sequitur. De Anni Lunaris initio differit D. *Martinius* in Hist. Sin. p. 60. *Imp. Tangh* initium Anni Lunaris primam conjunctionem Solstitio Hyemali viciniorrem habueri voluit. Et p. 21, 22; dicit, quòd Chuen-Hio Imperator LXXVIII, (qui circa MMDXIII annis ante Christum floruit,) Calenda-

rium toto regno publicatum receptumque habuit. Scripsit etiam Ephemerides V Planetarum, quos, dum imperabat, omnes in Cælo conjunctos vidit eadem die. Et hunc diem, Primum illius Anni esse voluit, prout Autor Sinicarum rerum, in Constellatione She diēlā, indicat, quæ nunc circa Gradum XVIII Piscium incipiens, ad quartum usque Arietis extenditur.—Hic ergo Imperator, primum Anni Diem, & Mensem illum, deinceps haberi voluit, quo Luminarium conjunctio decimo quinto Gradui Aquarii proxima fieret, quod etiamnum observatur à Sinis. Si loquitur de Anno Lunari, (uti debet esse, si pendet à Luminarium conjunctio-
ne,) illud ejus initium non etiamnum observatur à Sinis; ergo fallitur. Nam pro Decimo quinto Aquarii, D. Couplet in Chronologia Sinicā dicit Quinto Aquarii. Locus sic se habet. Imperator Chuen-Hio principium Anni statuit à Novilunio, principio Veris proximo, quod respondet in Sinā Quinto Aquarii gradui; quæ ratio temporis subinde fuit immutata, & uno alterove Mense anticipata, ac tandem sub V^m familie Han V^o Imperatore Hia Vu revocata, usque hodie observatur. Ea, de quā loquitur, Anticipatio videtur respicere aliud Anni initium in Sagittario, de quo postea. Quod autem Anni principium statuatur XV^o, vel V^o Aquarii, fides sit penes Autores, qui debuerint hoc novisse melius quàm nos. Sed necesse est alterum horum esse falsum. Aut fortè neutrum horum sit verum, & pro Quinto Aquarii, voluerit Quintum Piscium, quā ratione, ejus regula esset vera. Nam cùm Aquario respondeat Januarius, quem D. Couplet alibi in Præfatione disertè affirmat esse Anni Mensem ultimum, non est cur heic ponat eundem esse primum. Nostræ sententiæ astipulatur D. Martinius: nam in eadem paginā ubi ponit Anni initium in XV Aquarii, ibidem paulò antè (sibi non satis constans) id ponit in Piscibus, seu Februario, his verbis, Nam XII Signa Zodiaci sic ordinata sunt, ut Pisces semper in primum Mensem, Aries in secundum, &c. incidat. Ille autem, qui unam tantum Anni speciem agnoscit in Chinā, eamque hybrido & inaudito nomine Lunæ-solarem vocat, in vero Anno statuendo planè confunditur, miscendo jam aliquid de Anno Solari, jam de Lunari: & hoc modo, paulò antè ponebat Anni initium in XV Aquarii, quod ad Annum Solarem spectabat; jam verò mox addit, Pisces semper incidere in primum mensem, quod ad Annum Lunarem spectat. Ille autem, inter duos hosce Annos non distinguens, rem falsò & confusè tradit. Si vellemus aliquid in illius excusationem moliri, quòd posuerit Anni (ut supponitur) Lunaris initium in medio Aquarii, diceremus, in Anno Lunari, Intercalationis omissionem, in Biennio, posse Anni initium retrahere

retrahere in aliquam partem *Januarii* : non autem ad *Quintum*. At tum deinde, per Intercalationem, tertio anno fieret restitutio in medium *Piscium*. Ille autem suo modo paulo post pergit, *Non negaverim apud Sinas non idem Anni fuisse semper initium, sed pro variorum Imperatorum voluntate varium. Tria autem universè illius initia agnovère : tria namque præcipua Puncta in Horarum Circulo pro illustrioribus habent ; scil. Mediam noctem, in quâ Cælum ; primam à mediâ nocte horam, in quâ Terram ; secundam denique à noctis medio, in quâ Hominem natum memorant. Mediæ nocti Caprum assignant, primæ Amphoram, secundæ Piscem.* Sed, bone Deus, qualis est hæc fabula, quantum est hoc delirium, Anni Initium elicere ex Cyclo Horario qui ad eam rem nullo modo spectat ! Scilicet, quia illa tria Signa præsumunt dictis tribus Horis, ergo non ab illis Signis, sed ab illis Horis, anni initium deducit, quasi à mediâ nocte, aut primâ, aut secundâ horâ, inchoandus esset Annus ! Eum certè in Labyrintho suo involutum, ibi inter annum Solarem & Lunarem incertò palantem relinquemus ; postquam ex eo tantum recitavimus, quod, de Anni Initiis agendo, refert, quòd ad Lunarem conjunctionem in Sagittario Anni initium rejectum voluit Imperator *Xi* (pronuntiato *Sbi*) qui familiæ *Cin* (pronuntiato *Tchin*) primus, circa CCXV annis ante Christum, quo tempore ipse *Murum Cbinensem* extruxit. Fortè hoc vult *Kas Kuriacus* Arabs, dicendo, Quòd Anni Turcici initium sit *الاجتماع* Conjunctio Luminarum, quæ acciderit in *القوس* Sagittario. Sed ex eo tempore quo nuperius reformatum & emendatum est *Kataiorum* Calendarium, Anni Lunaris initium promotum est ad Novilunium *Februarii*, quod etiam observârunt *Tatari* horum sequaces. Ideoque potius audiendus est *M. Paulus Venetus*, in *Tatarorum in Sinas expeditione* comes, qui Lib. II, cap. 14, 15, ait, *In die Calendarum Februarii, initium est Anni Tartarici.* Nam de *Tatarico* & *Sinico* anno promiscuè loquor, cum idem sit. Is veritati propior est, quamvis fallatur statuendo hoc pro generali Regulâ. Sed (quod res est) tunc fortè fuerit Novilunium eo Anno quo is ibi fuit : nam Novi Anni initium non est certo die semper fixum, sed mobile, quippe quod pendeat à Novilunio. Veriora docet *Alexander de Rhodes Missionarius* in *Hist. Tunchinensi*, Lib. I. Cap. 3. *Apud Tunchinenses & Cinenses, Novi Anni initium respondet Quinto Februarii, modò sit Novilunium.* Nam aliàs, erat alio die, quando alio die esset Novilunium, quod debuerat dixisse : aliàs enim ejus Regula est imperfecta & fallax. At cum *Alexander de Rhodes* fuerit ex *Missionariis* qui semper utuntur *Stylo novo*, suspicandum est, eum voluisse *Quintum Februarii*
eodem

eodem Stylo, qui coincidit cum XXVI *Januarii Stylo vetere*: nam *Missionarii Phrasi Europæâ* loquuntur per *Menses*. Si itaque hoc voluit, falsus est: si non voluit, non secutus est Stylum ab eo sequendum. At cum *Cbineses & Orientales*, suâ phrasi, de hisce rebus loquantur per *Zodiacalia Signa*, credendum est, *Cbineses & Tunchinenses Rhodio* dixisse *Quintum Piscium*, sine respectu ad aliquem Stylum, cum dicti orientales Stylosum differentiam æquè ac *Menses nostros* ignorent. Et quidem illos ei dixisse *Quinto Piscium* (qui est *Quintus Februarii Stylo vetere*) eò potius crediderim, cum D. *Dacres* nostras, mox citandus, in *Quinto Februarii* ponens, certissimè loquatur Stylo vetere, uti etiam necessariò fecerit P. *Venetus*, qui ante Stylosum differentiam vixit, quadringentis abhinc annis: Calendarii autem Reformatio facta est anno MDLXXXII. Adeò ut *Missionariorum*, hac in parte, pleræque *Regulæ* sint inter se discordantes & falsæ. Sed quòd eorum primus *Mensis* sit *Februarius*, & secundus sit *Martius*, ulteriùs fidem facit D. *Verbiest*, in *Regiâ Pekinensi Astronomiæ Præfectus*, seu *Professor* (nuperis annis defunctus,) cujus apud me extat Liber hoc Titulo, *Typus Eclipsis Lunæ anno Christi MDCLXXI, Imperatoris Kangh-Hy anno decimo, die XV Lunæ 2^æ, id est, die XXV Martii, ad Meridianum Pekinensè*. Scil. demonstrat differentes apparentias *Eclipses Lunæ* eodem tempore in diversis *Provinciis Chinæ*. Illius autem XXV, Stylo novo, erat tantum XV, Stylo vetere, seu XV *Arietis*. Et sanè supra laudatus *Martinius* nostram sententiam firmat, & rem facit planiorem, affirmando *Pisces in primum Mensem semper incidere*. Verior itaque eâ *Rhodia* & perfectior est *Regula*, quam (ex chartis supradicti Amici mei defuncti D. *Job. Dacres*, nuperis annis ad *Sinas Mercatoris*) tradidimus in *Traclatu de Ponderibus & Mensuris Chinesum*, quòd nempe, Eorum *Sin-nien*, seu *Novus Annus*, semper sit *Sin-yue*, seu *Novilunium* quod acciderit *Quinto Februarii*, eive proximè, sive antè sive pòst. Ex. gr. Annus MDCLXXIII inchoatus est *Septimo die Februarii*. Sic ille. Is quidem heic in *Angliâ* tunc erat dies tantum *Sextus*, quod fuit, à Meridianorum & Ortuum ac Occasuum differentiâ, fere X horarum: scil. *Novilunium apud nos* fuit die *Sexto*, horâ octavâ *vesperi*, apud eos verò, die *Septimo*, horâ sextâ *matutina*. Nam dies *Sextus*, apud *Astronomos nostros*, inchoatus à meridie ejusdem diei, non terminatus fuit ante Meridiem eorum diei *Septimi*; qui, apud *Cbineses*, inchoatus est à mediâ nocte: adeò ut nostri diei *Sexti* pars posterior necessariò coinciderit cum priore parte diei *Septimi* eorum, cum, ex Meridiani differentiâ, quivis eorum dies fermè dimidio diei

diei spatio (vel saltem circa X horis) antevertat dies nostros. Et ex hac, utriusque Diei atque Novilunii, in utroque loco, convenientiâ, satis constat, quòd in Novi Anni Regulâ, intelligendus sit *Februarii Quintus*, stylo *vetere*, non autem Stylo *novo*: quod erat probandum.* Aliquot horis etiam rem variaverit *Phaseos* differentia, prout cœlum nubilum vel serenum, adeò ut Novilunium fortè non apparuerit usitato tempore. Hoc casu *Arabes* (prout jubetur in *Súnna*,) currentem mensem protrahunt ad diei *trigesimi* finem, & cum eo termino novus mensis principium capit: tunc enim Lunam jugi terminum transivisse constat. Hac ratione, Mensis initium haud semper incidat eodem tempore. De hoc *Alpbergani* p. 2, *Non semper contingit initium Mensis (ratione & Calculi & primæ Phaseos) incidere in eundem diem: neque hoc fit, nisi tractu temporis ambo inter se æquentur.*

Primo Novi Anni die, *Tatari* Albas Vestes induunt, & Albos Equos mittunt ad Imperatorem, seu magnum *Kân*, cum magnâ Festivitate & aliis Solennibus quæ fusè narrat *P. Venetus*. Sed ex quo *Tatari* possiderunt *Cbinam*, Albus color (qui ante erat faustus,) *Cbinensibus* habitus est infaustus & luctuosus. Idem ferè notat *Shâb-Cbolgji*, *Quòd scil. primo Novi Anni die Festum celebrant, & Munera ad seinvicem mittunt* مغولان *Mogulenses Tatari: & quòd singulis Mensibus observant III dies* باچاق *Batchâk, seu Jejunii.* Sunt qui dicunt eos quodvis Novilunium ac Plenilunium festivitate celebrare. Et in eundem sensum inquit *Job. de Plano Carpini de Tartaris MS, In principio Lunationis, vel in Plenilunio, incipiunt quicquid novi agere volunt: unde illam Magnum Imperatorem appellant, eique genua flectunt & deprecantur. Solem dicunt esse Matrem Lunæ, eò quòd Lumen à Sole accipiat.*

Mensis Lunaris (dicente *Olugh Beigh*,) est XXIX dierum cum 5306 Particulis: & Anni Solaris excessus est X dierum cum 8764 particulis: hi sunt eorum Epacti. Annus Lunaris (ut vult *Ali Birg-jendi*) est CCCLIV cum VIII horis & XLVIII minutis. Secundùm *Gjágjermi*, est CCCLIV dierum, cum VI^{ta} & V^{ta}. *Olugh Beigho*, Revolutio *Epicycli* Lunæ fit diebus XXVII cum 5556 particulis: & excessus Anni Solaris supra XIII circulationes Lunæ (ubi est *Shùn*) est VII dierum cum 338 particulis.

In supra dicto Calendario *Turcico*, Neomenias *Turcicas* quidem non satis appositè collocavit Scriba, unde nec accuratum Epilogismum instituere liceat. Sed ibidem ultimi Mensis *Tchokshâbât* Neomenia ponitur paulò ante medium *Decembris*: & dein Intercalaris Mensis شون

Shùn

Shùn (seu ut ibi scribitur شیون *Shiùn áí*) paulò ante medium *Januarii*: nam pro Anno Intercalari scriptum est dictum Calendari-um. Et tandem primi Mensis *Arám* Neomenia est ad *Quartum Februarii*, quo fuerit Novilunium secundum supradictam Regulam nostram, Et hocce Anni Initium à dicto *Januarii* loco ad illud *Februarii* tempus protenditur, insertione Intercalaris Mensis *Shùn*. Cum enim, præcedente Biennio, propter omissam Intercalationem, Lunaris eorum Annus quantitate unius Mensis retrocesserat, ultra medium *Januarii* relapsus; tum, addito Intercalari *Shùn*, Caput Anni ad pri-istinum locum restitutum est: & hac Additione, seu Complemento, tertio anno Annus Lunaris ad Anni Solaris quantitatem extensus est: uti singulis annis id fieri posset per *Epaëtas*. Adeò ut, quamvis Men- ses sint verè Lunares, uti & Annus, is tamen Annus quodammodo fit Solaris, seu ei æquivalens; sicuti etiam (monente *Gjágjermi*) est *Judæorum & Arabum* Annus Intercalaris. Nec aliàs potest Anni Lu- naris initium esse fixum; cum absque Intercalatione sit planè vagum. Nomine *Shùn* (ut supra dictum) proprie & in genere significatur *Ad- ditio*, in specie *Intercalatio*: Nam non est ex nominibus XII Men- sium, quamvis menstruum spatium contineat, sed est *Addititius Men- sis* decimus tertius. A supradicto Nomine *Shiùn*, corruptum est apud *Europæos* Criticos שיכון *Shicun*, seu, ut sonant, *Sbaicun*; quod est pro שיון *Shiùn*. Et hoc, propter Defectum Characterum *Turcicorum*, quia scriptum viderunt *Hebræicis*, seu *Chaldaicis*: unde & hoc habitum fuit pro Nomine *Chaldaico*, *Dodecæteridem Chaldaicam* notante. Sed in *Lingua Chaldaica* tale Nomen non extat, nec *Chaldæi* unquam per *Dodecæteridem* numerârunt. Est itaque *Shiùn* revera *Dodecæteris Si- nico-Tatarica*; aliter quam superioris Seculi Viri Docti senserunt. Post hæc autem, dictum Nomen talem significationem non habet in ulla *Lingua*, sed longe aliter, ut suo loco diximus.

Calendarii *Cbinensis* ultima correctio ab Imperatore demandata est *Jesuitis Missionariis* Anno *Christo* MDCXXVIII, dicente *Martinio*: nos autem nondum vidimus. Sed ego *Kataïorum*, seu *Cbinensium* pos- fideo Calendarium, quod antea scriptum fuerat tempore *Tamingæ* fa- milia, sc. Anno XXV Imperatoris *Yungb-lie*, ultimò ante *Tatarorum* in *Cbinam* adventum regnantis, Cycli Sexageni Anno *Sin-bai*, qui erat XLVIII^m, *Christi* MDCXI. Huic Calendario Titulus est, *Ta mingb tcbungb bingb Yungb-lie ul she ú nien ta tungb liè*, id est, *Tamingæ- familiae mediæ gloriæ Yungb-lie vigesimo quinto Anno magni Imperii Calen- darium*, scil. *Qui Çu Sin-bai*, i. e. *Anni bujus Sin-bai*: hoc est planius dicere,

dicere, Calendarium XXV^{to} Anno Magni Imperii Imperatoris *Tungb-lie* ex *Tamingâ*-familiâ, adhuc in *mediâ*, seu *plenâ* Gloriâ. In isto, inquam, Calendario (omissâ mentione Fractiuncularum quæ in fine Anni,) scriptum legitur, *Fan san pe ü she sù ge*, Totus, (sc. annus) *ter centum quinquies decem quatuor dierum*, nempe quòd sint in Anno CCCLIV dies. Nuper vidi aliud Calendarium *Sinicum* ejusdem Imperatoris anno XXXI, *Cbristi* MDCXVII. Ibi autem in Titulo non scribitur in *mediâ* Gloriâ dictæ familiæ Imperatoriæ, quia ejus Gloriam offuscare inceperant *Tatari Cbinam* invadentes, qui tunc magnam ejus partem occupaverant, quam totam circa XX abhinc annis possederunt.

Superius nomen *Tamingb*, in *Arabum* Libris, corruptè legitur طمناج *Tamgâgj*, hocque etiam aliquando pro *Cbinâ* acceptum. Dicente D. *Couplet* in Chronologiâ Sinicâ, *Imperator Yao* (ante *Cbristum* MMCCCXXXVII) ordinavit XII lunares Menses, sex XXX dierum, & totidem XXIX dierum; & Intercalares menses qui intra XIX annos septies recurrunt. Vel, ut dicit D. *Martinius*, In *Cyclo Sexagenario vigesies & bis recurrunt*.

Mensium Lunarium Tabula
ex Calendario Sinico, pro anno Christi MDCXI.

I.	II.	III.	IV.
Tchingh Primus	Ul Secundus	San Tertius	Su Quartus
yuè mensis	yuè mensis	yuè mensis	yuè mensis
siad parvus	siad parvus	ta magnus	siad parvus
kièn vocatur	kièn vocatur	kièn vocatur	kièn vocatur
Kengh Kengb-yn, yn.	Sin Sin-mào, mào.	Gjìn Gjìn-gjìn, gjìn.	Quei Quei-sù, su.
xxix dierum.	xxix dierum	xxx dierum.	xxix dierum.
V.	VI.	VII.	VIII.
U Quintus	Lo Sextus	Ciè Septimus	Pa Octavus
yuè mensis	yuè mensis	yuè mensis	yuè mensis
siad parvus	ta magnus	siad parvus	ta magnus
kièn vocatur	kièn vocatur	kièn vocatur	kièn vocatur
Kiä Kiä-ù, ù.	Yè Yè-vi, vi.	Pingh Pingb-tchin, tcbin.	Tingh Tingb-yeu, yeu.
xxix dierum	xxx dierum.	xxix dierum.	xxx dierum.

G g

IX.

IX.	X.	XI.	XII.
Kièu <i>Nonus</i>	She <i>Decimus</i>	She <i>Decimus</i>	She <i>Decimus</i>
yuè <i>mensis</i>	yuè <i>mensis</i>	ye <i>primus</i>	ul <i>secundus</i>
ta <i>magnus</i>	fiào <i>parvus</i>	yuè <i>mensis</i>	yuè <i>mensis</i>
kièn <i>vocatur</i>	kièn <i>vocatur</i>	ta <i>magnus</i>	ta <i>magnus</i>
Vu Vu-	Ki Ki-	kièn <i>vocatur</i>	kièn <i>vocatur</i>
fio, fio.	hai, bai.	Kengh Kengb-	Sin Sin-
xxx <i>dierum.</i>	xxix <i>dierum.</i>	çù, çù.	tcheu, tcheu.
		xxx <i>dierum.</i>	xxx <i>dierum.</i>

Istorum Mensium Lunarum Nomina non habent significationem aliquam appellativam ad Anni Tempestates spectantem, ut in Solaribus; sed desumpta sunt ex *Cyclo Sexageno*, ubi comparent sub dicti Cycli numeris XXVII, XXVIII, XXIX, XXX, XXXI, XXXII, XXXIII, XXXIV, XXXV, XXXVI, XXXVII, XXXVIII. Mensium itaque lunarum nomina quovis anno sumuntur ex *Cyclo Sexageno*, eum percurrente & ad finem absolvendo, & deinde eodem modo eundem rursus inchoando & repetendo in æternum: adeo ut (cùm in LX sint quinquies XII,) singulis quinque annis eadem mensium nomina ex eo Cyclo exurgentia recurrant & in Calendarium redeant. *Ali Birgjendi* dicit, *Menses Chataicos esse Lunares veros, à Conjunctione ad Conjunctionem putatos.*

Cyclus Sexagenus sex Sexagenarius suprâ memoratus, ad utrumque Annum spectans.

I Kiä	XI Kiä	XXI Kiä	XXXI Kiä	XLI Kiä	LI Kiä
çu.	Siö.	Sbin.	ù.	Sbin.	Yin.
II Vi	XII Yi	XXII Yi	XXXII Yi	XLII Yi	LII Yi
Tcheu.	Hai.	Yeu.	Vi.	Sü.	Maö.
III Pingb	XIII Pingb	XXIII Pingb	XXXIII Pingb	XLIII Pingb	LIII Pingb
Yin.	çu.	Siö.	Sbin.	ù.	Sbin.
IV Tingb	XIV Tingb	XXIV Tingb	XXXIV Tingb	XLIV Tingb	LIV Tingb
Maö.	Tcheu.	Hai.	Yeu.	Vi.	Sü.
V Va	XV Va	XXV Va	XXXV Va	XLV Va	LV Va
Sbin.	Yin.	çu.	Siö.	Sbin.	ù.
VI Ki	XVI Ki	XXVI Ki	XXXVI Ki	XLVI Ki	LVI Ki
Sü.	Maö.	Tcheu.	Hai.	Yeu.	Vi.
VII Ken	XVII Ken	XXVII Ken	XXXVII Ken	XLVII Ken	LVII Ken
ù.	Sbin.	Yin.	çu.	Siö.	Sbin.
VIII Sin	XVIII Sin	XXVIII Sin	XXXVIII Sin	XLVIII Sin	LVIII Sin
Vi.	Su.	Maö.	Tcheu.	Hai.	Yeu.
IX Gjín	XIX Gjín	XXIX Gjín	XXXIX Gjín	XLIX Gjín	LIX Gjín
Sbin.	ù.	Sbin.	Yin.	Sü.	Siö.
X Quèi	XX Quèi	XXX Quèi	XL Quèi	L Quèi	LX Quèi
Yeu.	Vi.	Su.	Maö.	Tcheu.	Hai.

1 In meo Calendario Sinico Amicus noster Chinensis adscripsit istos sonos, qui in quibusdam differunt ab iis quos pro D. Galio scripsit D. Martinus, uti apparet in Cyclo Sexageno, procedendo à Num. 27, & sic deinceps, ubi ista Mensium Nomina comparent. Non

Non est prætereundum, quòd *Katais* est alius *Cyclus Duodenarius*, sc. *Electivus*, à quo pendet Electio dierum faustorum, aut Evitatio infaustorum, ad operas & res agendas, vel omittendas: nam valdè superstitiosi sunt in omnibus rebus suis. De hujus Cycli usu consulendus est *Olugh Beigh*: nam cùm ad rem Astronomicam non spectet, nolui ulteriori ejus explicationi immorari. Ejus interim partes sunt,

I Kien,	II Tchû,	III Muón,	IV Pingh,	V Tìng,	VI Tchê,
<i>elevare.</i>	<i>partiri.</i>	<i>replere.</i>	<i>æquare.</i>	<i>stabilire.</i>	<i>servire.</i>
VII P'o,	VIII Vî,	XI Tchíng,	X Shèu,	XI C'hai,	XII Pì,
<i>frangere.</i>	<i>periclitari.</i>	<i>perficere.</i>	<i>recipere</i>	<i>aperire.</i>	<i>claudere.</i>

Quoad judicium de eis referendum, I, III, IV, X sunt *Hê*, i. e. *Nigri*, sc. infausti. Et II, V, VI, VIII sunt *Hoàngh*, i. e. *Flavi*, sc. ferè fausti. Et IX, XI sunt *Pe*, i. e. *Candidi* sc. faustissimi. Et VII, XII sunt *Huen*, i. e. *Furvi*, sc. infaustissimi. Sic olim. Nunc autem Chineses *Candidum* colorem æstimant *luctuosum*: & *Flavum* colorem judicant *faustissimum*. Unde pro faustiore Omine, ut benè vertat Annus, Calendariorum primum folium solet esse ex Serico flavo. In ultimâ voce *Huen*, H est simplex, seu simplex aspiratio, non autem H forte, ut in aliis vocibus.

C A P. XIX.

Explicatio nominum Angelorum singulorum Mensium: ubi de dictorum Angelorum Præfecturis. Item de Sabbatis & præcipuis Magorum Festis & diebus solennibus. De diebus faustis & infaustis, & quid in singulis agendum, aut evitandum. In his omnibus multi eorum Religiosi Ritus & Cæremoniæ explicantur, & veteres Consuetudines illustrantur: ex quibus, qualis fuerit bujus populi genius & indoles elucescit. De Festis Appendicum, & Parentalium, &c.

NOVI anni Gjélalæi initium Persis vocatur نوروز *Naurúz*, i. e. *Neuspía*, seu *novus dies*. Hinc factum est apud moderniores Persas, de Novo annò veterum loquentes, ut ejusdem Initium seu *Diem primum* vocent *Naurúz*, improprie eâ in parte loquendo, ut mox dicetur. Et inde idem mos invaluit apud alias Gentes, Syros & Coptitas, qui sui Anni primum diem aliquando eodem nomine, sed

parum immutato, vocant نوروز *Naurúz*. Iste itaque in Anno Gjélalæo est Mensis primi *Pbervardîn* Dies primus, qui inde à tempore Gjéla-leddîn ad hunc usque diem habetur Festivitas maxima, cujus Institutionem Persarum aliqui referunt ad antiquiora tempora Regis Gjémshíd, dicti Gjém; de quo in Libro *Pbarbàngb Gibángbîri* narratur, Quòd Gjém cum in Mundum prodiens veniret in *Aderbayagjân*, tunc primum aureâ coronâ gemmis plumatâ indutus, sedens & ad orientem Solem conversus, Coronæ splendorem, veteri linguâ dictum *Shíd*, visendum exhibuit: unde hoc videntes homines, gâvisi dixerunt, iste est *Naurúz*, seu Novus dies. Et quòd, cum rursus die sexto in Solio sederet, populum blandè allocutus est, & faciem ad eos convertens, dixit, Deus vobis condonavit: aquâ mundâ vos lavate, & Deo gratias agite. Et quòd sic sit praxis ad hunc ipsum diem: & quòd solebant Magnates, hoc die, plebi omnes suas petitiones & necessitates concedere, & incarceratos dimittere liberos, & peccantibus remittere. Sic etiam *Cotboddîn* Institutum & Nomen diei *Naurúz* (ut & Perfici Anni formam) acceptum refert Regi Gjémshíd, quòd ille eodem felici die quo, (inquit *Nuveiri*) ex Persarum opinione, Lux & Motus inceperat, Imperium adeptus esset. Sed cum is esset in initio Rex pientissimus & optimus, multa de ejus Pietate & Revelationibus narrant, quæ aliquando videntur fabulosa, uti & hæc fortè fuerint.

Est, inquam, *Naurúz* Festum totius anni maximum, in quo summo gaudio & omnigenâ lætitiâ occupari & oppleri solent omnes: unde & hujus diei Vespera, quibusdam Persarum, peculiari nomine signatur *فرستاد* *Pbristâpb*. Hujus Festi آرایش *Ornamentalis-Apparatus* qui in urbibus & domibus parari solet, vocatur آنروز *Adîn*, seu *Azîn*; unde modernioribus Persis, qui *Dies Septimanæ* habent, *Dies Veneris* (Arabice جمعة *Gjúm'a*, i. e. *Conventionis*, seu *Congregationis* Dies,) vocatur آدینه *Adîna*, seu *Azîna*, q. d. *Ornamentalis* Dies, quando, Sacra peragendi ergò, conveniunt in Templis, quæ tunc sunt ornatiora, & homines ornatioribus vestibus induti.

Estque in anno Gjélalæo *Naurúz* duplex, scil. primus dies mensis *Pbervardîn*, incunte Vere, eodem die quo Sol intrat Signum بره *Berè*, seu *Agnum*, sc. *Arietem*; qui quidem Dies vocatur نوروز کوچک *Naurúz minor*, seu *parvus*, & نوروز عامه *Naurúz vulgaris*. Deinde ejusdem mensis dies sextus (nam est Festum *Hexaëmeron* seu VI dierum,) vocatur نوروز بزرگ *Naurúz magnus*, نوروز خاصه *peculiaris*, seu *proprius*. Hæc, inquam, intelligenda sunt de *Naurúz* hodierno Persarum

sarum recentiorum qui *Mobammedani* sunt: hunc enim *Naurúz* instituit supradictus *Gjeláledín Melicsháb*, quicquid in contrarium nugati fuerint de remotiore ejus antiquitate à Rege *Gjemsbád* petitâ. Hoc fuit *senúm dierum Festum*, quorum primo (dicente *Cazvîni*) *Persarum Reges* studebant gratificari populo, II^o *Doëtoribus* & *Astrologis*, III^o *Sacerdotibus* & *Consulariis*, IV^o *Proceribus* & *Propinquis*, V^o *Liberis*, & *Sextum* habebant sibi proprium. Hoc sexto die *Regibus* offerebantur *Munera*, &c. De hujus diei *Ritibus* *Ibn Mucfa* refert; Fuit mos eorum ut illo die huic rei præpositus *Vir* aliquis, vultu formosus, noctu ad *Regem* veniret, & ad portam staret donec illuxisset aurora: tumque ad *Regem* sine veniâ intrabat. Et familiariter cum eo congressus *Rex* dicebat, Unde tu, & unde venisti? quo tendis, & quid tibi nomen? in quem finem accessisti, & quid apportas? Cui respondebat, Ego sum *Al Mansûr*, seu *Augustus*, & nomen meum est *Al Mobârek*, seu *Benedictus*: accessi hic à Deo novum afferens *Annum*. Tum ille confidebat, & intrabat alius afferens *Paropsidem* argenteam, in quâ *Triticum*, *Hordeum*, *Pisa*, *Ciceres*, *Sesama*, & *Oryza*, (sc. cujusque generis *Spicæ* septem & *Grana* novem,) & frustum *Sacchari*, & duo *Dinâr*, seu *Aurei* recenter cusi. Tum *Paropside Regi* appositâ, offerebantur ei illa *Dona*: & primus ingrediebatur ejus *Wazâr*, seu *Imperator Exercitus*, deinde *Ærarii Præfectus*, tum *Præfectus Apparatus bellici*; denique *populus* secundum *classes* suas & *ordines*. Postea *Panis* magnus qui ex *Granis* ejusmodi confectus erat, in corbi positus offerebatur *Regi*; ex quo cum ipse comedisset, cæteris qui coram aderant comedendum dabat, inquiens, *Hic Novus Dies* est *Mensis* novi de *Anno* novi temporis novo; quo necesse est renovari quicquid tempore constat. Tandem *Regni* sui *Proceribus* veste regiâ ornatis benedicebat, in eos distribuens quicquid *Doni* allatum erat. Erâtque apud vulgus *Persarum* mos, nocte illâ excitare homines, & manè aquam spargere.

Sic fuit *Naurúz Gjelalæus*. At de *Naurúz veteri* (si ita appellare liceat,) in Libro *Pbarbàngb Surûri* dicitur, quòd *فروردگان* *Pbervardagjân* (seu *V Dies Appendices*) sint *دورور مغان* *Naurúz Magorum*. Dicti autem *Appendices*, tempore mortis *Yezdegberd*, erant in fine *Mensis Abân*: & ibi ad hunc usque diem hæserunt in privato *Calendario* vetustissimorum *Persarum* eorúmque *Sobolis* inter *Persas Mobammedanos* habitantis & hodie superstitis; quamvis cogantur publicè sequi *Calendarium Gjelalæum*. Quia verò isti *V dies* qui propter benè finitum *Annum* habebantur *Festivales*, erant contigui primo diei sequenti *Mensis Adur* (cujus primus *Dies*, qui apud *Magos* erat *Anni Prin-*

Principium, in initio Imperii *Yezdegberd*, & quoque post eum extinctum sic mansit,) ideò in suprà laudato Libro, istud tempus vocatur *Naurúz Magorum*: non quasi *Magi* sic vocaverint, aut hodiè vocent, sed *ille autor* sic vocavit; illi enim alio longè diverso nomine primum Anni sui Diem vocant *Cúsa-nishín*, de quo in sequentibus fusiùs dicitur. Et *Yezdegberd*, durante suo tempore, cum Diem adhuc alio nomine *Tchesbn-sâz*, seu *Festivalem* appellari voluit. Ille itaque autor non satis accuratè & distinctè locutus est, confundendo nomen Appendicum finis præcedentis Anni, cum nomine primi diei sequentis Anni; cùm hæc (quamvis prope conjuncta & contigua,) sint à seinvicem planè diversa, nec Caput *veterum Magorum* Anni vocabatur *Naurúz*, quippe quod nomen obtinuit tantùm in posteriori Anno *Gjelalæo*.

Priùs autem quàm Mensium & Dierum nomina, & ab eis pendent religiosi Ritus, figillatim explicare aggregiar, præmittam qualem observare conabantur *Sabbatismum*, ut cum suâ Mensium Persicorum Hypothesi coincideret *Mosaicæ* Legis præceptum de *Septimi* Diei Sabbatho in perpetuum observando. Ut itaque *Græci*, olim *Septimanis* destituti, Mensem *trifariam* in tres Dierum *Decanos* dividebant; sic cùm in veterum Persarum Mense (ut suprà dictum) non sint *Septimanae*, sicut sunt in Mense *Arabum*, Persæ videntur tale quoddam parâsse remedium, interponendo *Nomen Dei*, quod quadripartitam efficeret mensis divisionem, quæ septenariæ Partitioni esset proxima. Singulos mensis Persici Dies suo ordine recensitos videas suprà p. 190. Ibi primus dies est *Hormúz*, ut ab Jove sit principium. Deinde (ut Angelorum sint intermedii Dies, & Dei supremi septimus,) post VII dies rursus venit *Deybadur*, seu *Dey cum Adur*, scil. Dei nomen unâ cum *Adur*: & eodem modo, post alios VII dies venit *Deybamibr*, seu *Dey cum Mibr*: & tum post VIII dies, *Deybadín*, seu *Dey cum Dín*, qui est ultimi Octoni primus. Hoc non est fortuitum, sed studiosè & ex industriâ factum. Et sanè si Mensis tantùm XXVIII diebus constitisset, ut commodior esset divisio, tum proculdubiò quater Septeni Dies à nomine Dei incepissent: sed XXX dies non potuerunt aliter dividi, quàm per bis Septenos & bis Octonos dies. Adeò ut, vetustissimi & primarii huius Mensis & Dierum Institutores planè videantur respexissè *Sabbatismum*. Hinc est quòd *Olugh Beigh* postquam numeravit Festâ, addat — *اما دي*, Et quidem sic est *Dey VIII^m & XV & XXIII*, quippe quod sit nomen Dei, uti est *Hormúz*. Hæc nomina *Dey* videntur quasi essent in compositione cum nominibus quibus

bus adjuncta sunt: sed reverà non est ita; ideòque *Olugh Beigh* simpliciter enuntiat *Denominatum*, sine mentione adjuncti *Denominatoris*; cum solùm *Dey* sit dictorum trium dierum nomen, & additio *cum Adur*, *cum Mibr*, & *cum Dîn* sit tantùm ad indicandum situm locùmve in Mense Persico, scil. ad notandum *Dey*, quod cum talibus adjunctis nominibus venit, cãve immediatè præcedit. Hi inquam IV dies (quorum primus est *Hormûzd*) quasi tot Sabbata in Mense Persico constituebant, quasi Dies Dei, ei dedicati & ab eo denominati, cùm reliqui dies ab Angelis denominarentur. Cùm verò numerus tricenarius (ut supradictum) per Septenos æqualiter dividi non posset, coacti sunt ferre talem inæqualitatem; cùm promovendo Diem in Calendario, ut nos facimus, vel eundem retrahendo, Dei Dies cum illis Angelorum commutati fuissent, quod nefas; & processu temporis, totalis tandem facta fuisset mutatio, quod primò institutum ordinem prorsus turbâisset.

I. Mensis primus *Martius* in Anno *Gjelalæo*, qui in Anno veteri est *Julius*, vocatur *Pbervardîn*, aliquando contractiùs *فروردین* *Pbervîn*, quod (uti *Pbervardîn*) ex vi vocis significat, tum in genere, *Superius quidvis*, quàm specialiter, *Superliminare* Portæ, vel Ostii, aliàs dictum *فرود* *Pbirvad* & *فرودین* *Pbervadîn*. Et ex opposito (ne in Lectione oriatur confusio,) *Subterliminarè*, eisdem literis, sed diversis vocalibus, vocatur *فروردین* *Pburûdin*, i. e. *infimum* aliquid. Cùm itaque in *Pbervardîn* sit *superioritatis* significatio, Grammaticalis Sensus commodè feret ut inde primus anni Mensis sic vocatus fuerit, q. d. *Supremus* totius anni. Sed cùm ista originationo tantùm spectet certum aliquem Mensium ordinem & situm, qui fortè non semper eodem modo se habuerit, & cùm *Pbervardîn* à Persis censeatur Nomen Angeli à quo denominatus est Mensis, videatur quòd aliâ ratione sic dictus fuerit q. d. *پروردین* *Pervar-dîn*, i. e. *fovens Religionem*: nam *p* & *pb* sunt commutabiles. Huic verò originationi aliquantulum obstat, quòd tum magis Persicè dicendum esset *دین پرور* *Dîn-pervar*, *Religionis fctor*. Ideòque fortassis prior derivatio sit potior, præsertim quia cum eâ convenit aliud hujus Mensis nomen *Zeverdîn*, seu *Zevardîn*, etiam significans *superius*; ut in *Nim. Laud.* legitur *زوردرین* *Zevardîn* est Mensis ã *Naurûz*, scil. *supremus* mensis totius anni, in quo est *Naurûz*: nam *Zevardîn*, quoad vim vocis, est i. q. *زوارین* *Zovarîn*, i. e. *superior*, *supremus*, *summus*. Si forte in nomine *فروردین* syllaba

فروردین per scribarum incuriam orta fuerit ex syllabâ ر ze in voce زورددین Zevardîn, est valde antiquus error. Nolo aliquid determinare.

Iste *Angelus* creditur præesse *Animabus* quæ in *Paradiso*, & is habetur *Paradisi* خازن *Tbesaurarius*, à cuius ductu pendere existimantur omnes res & negotia totius hujus Mensis, & præsertim Diei XIX ejusdem, in quo, ex veterum Persarum sententiâ, *bonum faustumque est novas vestes scindendo formare & induere, & Ovium greges atque Boum armenta lustrare*. Hic Dies (quia coincidit cum nomine Mensis,) *Festus* habetur: &, ut distinguatur à nomine mensis, vocatur فروردین Pbervardîn-dies. D. Golius ad *Alpberganum* dicit hunc diem vocari فروردین گان Pbervardînagbân, i. e. *Pbervardinalia*, quæ sanè appellationis forma analoga est reliquorum Festorum nominibus: sed apud Persicos autores nondum inveni.

In Angelorum Officiis & Præfecturis assignandis, Persæ inter se aliquando dissident: nam contra Regulam in Libro *Mugjizât* traditam, (quod sc. Mensium Angeli sint superiores, & Dierum Angeli sint inferiores,) sunt ex *Indo-Persis* qui tradunt istum Angelum *Pbervardîn* esse tantum Coadjutorem تڤر چورداد: sc. credunt quod Angeli inferiores sint کارکنان Operarii, seu *Ministri* Angelorum superioris ordinis. In Libro *Mugjizât* dicitur, quod hujus Mensis XVII die inchoari solet روزمه Zémzema, seu Sacrorum verborum *Mussitatio* in Religione Magorum. [Fortè meliùs dixisset die XIX.] Est enim cuius diei mensis *Mussitatio* propria & peculiaris quæ fit ejusdem diei Angelo, cum sollicitando, ut illos tueatur à Diabolo ejusque Tentationibus. Nec unius diei *Mussitatio* confundenda est cum eâ alterius diei, quia quisque dies habet distinctum Angelum qui suæ diei rebus præficitur, ad quem dirigitur talis *Mussitatio*. Sic (inquit Libri *Mugjizât* autor,) *Persarum Reges pro singulis diebus Mensis habebant Cibum aliquem novum, & مشمری Mishmar novum, & indumentum novum, & Mussitandi formulam novam, & Telesma novum. Et Festa constituebant, quorum aliqua spectabant ad Religionem, & aliqua ad res mundanas seu politicas.*

II. Secundus (in Anno Gjelalæo *Aprilis*, in Anno veteri *Augustus*,) Mensis apud D. Golium ad *Alpberganum* perperam legitur *Aredbabisht*, pro eo quod in Perside sonari solet *Ardibebisht*, seu *Erdibebisht*; & ab *Indo-Persis* sonatur *Urdibebisht*: & in utrâque, *Bebisht* est *Paradisus*. In priore, *Ard*, seu *Erd*, est *fortis, magnanimus, strenuus*; quæ quidem

dem interpretatio respicit Angelum ipsum & ejus naturam, q. d. *Fortissimus in Paradiso* Angelus. In posteriore, *Urd* exponitur *Similis*, respiciens solum Mensem ejusque naturam, quasi hic Mensis dictus fuerit *Paradiso similis*, hoc est, propter Amœnitatem & florentem in eo Anni Tempestatem. Quocunque autem modo pronuntiaveris, hoc nomine intelligitur Angelus qui habet *Claves Paradisi*, & qui præest Igni (eum vivum conservando,) & Montibus, & omnibus rebus ac negotiis hujus Mensis, & ejusdem nominis Diei, qui est tertius; qui, quia coincidit cum nomine Mensis, habetur Festum dictum اردی بهشتی روز *Ardibehisht-rûz*, i. e. *Dies*, vel pluraliter اردی بهشتگان *Ardibehishtagbân*, seu *Ardibehishtalia*, maximæ celebritatis: quo etiam die bonum est bellum gerere; & quoque adire Pyrœum, ubi quisque à Deo obtinebit petitiones suas; uti etiam si quis adiverit Reges, ab iis exaudietur. Secundùm *Indo-Persas*, is Coadjutorem habet *Bebrâm*. *Cazvinius* Arabs vult *Ardibehisht* esse Ignis & Lucis Deum, qui Medicinæ etiam præest. Præter hunc autem *Azur* præcipuè creditur præsidere Igni, adeò ut duo habeant eandem Præfecturam. Sed talia numeranda sunt inter *παροπάματα* eorum, qui omnium Angelorum suorum Officia & Præfecturas non satis strictè & accuratè assignârunt, quin pro lubitu in varias sententias excurrant. Quod semel dixisse sufficiat, quamvis in posterum tale quid occurrat.

III. Tertius Mensis, in Anno veteri *September*, in Anno *Gjelalæo Majus*, est *Cburdâd*, q. d. *Lumen*, aut *Illuminationem dans*. Habetur autem pro nomine Angeli (cui secundum *Indo-Persas* plures sunt Socii & Coadjutores,) qui præest Aquis currentibus & omnibus aquis, sive sint dulces, sive falsæ, eas ab inquinamentis vindicans. Præest etiam Arboribus & Herbis, & omnibus rebus ac negotiis hujus Mensis, & Sexti ejusdem diei dicti خوردان روز *Cburdâd-rûz*, (seu pluraliter خوردادگان *Cburdâdagbân*, i. e. *Cburdadalia*,) qui, cum nomine Mensis coincidens, celebratur ut Festum; quo die (præter Festivitatem) bonum faustumque est Uxorem expetere, & quoque طلب حاجات از *necessitates nostras impetrare ab Angelis ac Cælitibus*. Heic autem *Sorlîsb*, quasi generali significatione, est synonymum cum præcedente. *Cazvini* ponit Festum آب‌ریزان *Abrîzagbân*, seu *Aquæ-sparsoria*, in ultimo hujus Mensis die: cum id potius pertineat ad Mensem *Tîr*, ubi videas. Autor Libri *Mu'gj*. ponit *Abrîzagbân* in die XX hujus mensis; addendo etiam, quòد امرایست روز *fit*

fit *Dies Principum*, si rectè interpretor : nam fortè sit mendum. In Libro *Pb. Gj.* unde pleraque horum habui, dicitur quòd hoc die XX Rex *Pbridûn* devicit *in Dabák*, eumque duxit Captivum, qui dixit, *Ne interfice me : cui itaque اجابت وحرى assensit Pbridûn.* Est quoque *Cburdád* nomen alicujus *Pyréi* celsissimi, quod fortè idem cum *Azur-churdád*.

IV. Quartus Mensis est *تير Tir*, i. e. *Sagitta*; (in Anno *Gjelalæo Junius*, in Anno veteri *October*) quo etiam nomine appellatur *Mercurius* Planeta propter velociorem motum; & celer ille Superûm nuntius habetur *سير فلک Seriba Orbis-cælestis*, qui etiam præfectus est *Doctis & Sbeichis*. Is apud *Indo-Persas* est tantùm Socius *τῷ Cburdád*. Est autem *Tir* nomen Angeli qui etiam præest jumentis & omnibus rebus hujus Mensis, & ejusdem diei XIII, qui *Festus* nomine *تیرگان Tiraghân*, i. e. *Tyralia*: & æquè celebratur ac *Naurúz & Mibraghân*. Hic autem dies magnâ cum Festivitate celebratur, non tantùm quia coincidit cum nomine mensis, sed & quia quando bellum fuit inter *Afrasyáb* (qui aliquando *τῇ Irân* præfuit,) & Persarum Regem *Manûgjabr*, qui in Castello *تیرستان Tiristân*, (i. e. *Sagittarum regio*), obsessus, *Manûgjabr* postulavit ut ei traderetur *Irân-Sababr*, i. e. *Neishâbur*; quod factum est: & tum hoc die facta fuit Pax, sub eâ conditione, ut unus aliquis è militibus *τῷ Manûgjabr* totâ vi Sagittam emitteret; & ubicunque caderet, ibi esset regni terminus. Dicunt itaque quòd *ارش Arish* emisit sagittam quæ cecidit in ripâ fluminis *آمو Amu*, seu *آب آمو Abi-Amu*, i. e. *Oxi*, ubi itaque constitutus est regni limes: quo facto, Persæ ab ulteriori molestiâ liberati sunt. Hoc die, faustum est precari & necessitates petere.

Hoc Festum *Tiraghân* aliàs vocari solet *آبریزگان Abrîzagbân*, i. e. *Aquisparforia*, quia populus, tam aquam communem, quàm rosaceam, dicto die, in seinvicem spargunt, ut refert *Pb. Gj.* autor, de eis in *Indiâ* scribens. Libri *Mu'gj.* autor collocat *Abrîzagbân* in XXX die mensis *Bebman*, prout usurpatur in *Ispahân*. Ipse autem aliàs collocat in XX die mensis *Cburdád*, fortè apud alios: sed non distinguit. *Cazvinius* meminit ritûs spargendi aquam in *Naurúz*, ut supra; & ponit *Abrîzagbân* in ultimo die mensis *Cburdád*: & ex eo D. *Gohus* in Notis ad *Alpherganium* malè legit *آبریزگان Abziraghân*. Hoc modo variatum vides secundum variorum locorum consuetudinem.

† Proh æquequias! quasi *Pbridûn* bellum gesserit cum Patre eum occisurus! Et tamen in eodem errore etiam fuit *Rustemi Epitomator*, supra pag. 183, l. 26. Vide infra p. 245, 246.

Hujus mensis *Tir* XII dies dictus *باد* *Tâder*, est quoque Festum. Vide in *Abân*.

V. Quintus mensis, in *Anho Gjelalæo Julius*, in Anno veteri *November*, est *مرداد* *Murdâd*, (vulgò *Mirdâd* & *Amirdâd*,) qui est Angelus qui præest Arboribus & Frugibus ac Seminibus, (ut suprà de *Churdâd* notavimus,) atque Hyemali Parti anni, & omnibus rebus tam hujus Mensis, quàm ejusdem Diei XVII, qui vocatur *جشن دیلوفر* *Festum* *نیلوفر* *Nîluphar*, i. e. *Nénupharis*, quòd eam herbam tunc in usum adhibere soleant. Si hoc die petitiones fiant apud Reges & Magnates, citò dabuntur res petitæ. Nomine *Murdâd*, seu *Mordâd*, q. d. *mortem dans*, significatur etiam *فرشته مرگ* *Angelus mortis*, aliàs dictus *هیشم* *Hishim*, *ابو یحیی* *Abu Yâbja*, & *Azraël*, de quo *Cazvinius* dicit *مردان هو عزرایل مسکن الحركات و مفرق الارواح من الاجساد* *Mordâd est Azraël*, qui *motiones sedat*, & *animas à corporibus separat*. Eum enim Animas corporibus solvere credunt *Persarum Magi*.

Judæi volunt quòd *עזראל* *Azraël*, i. e. *Auxilium Dei*, præsit Aquis ne transeant terminum suum & operiant terram. Volunt etiam quòd *דומה* *Dûma* sit Angelus præfectus mortuis & moribundis, quos nominatim compellat horâ extremâ: unde in *Gemara Talmudi Bera-choth* fol. 18. 2, legitur *דומה קדים ומכריז להו* *Dûma præcedit & publice vocat ipsum*, *Nunc veniat ô dēva*. A silentio nomen habet, q. d. *Præfectus silentii*, eorum scilicet qui mox erunt silentes. Apud quosdam veteres Judæos *סמאל* *Sammaël*, i. e. *Venenum Dei*, exponitur *מלאך* *Angelus mortis*. Is tamen aliis eorum est *Satanas*, seu *Princeps Diabolorum*, quem ajunt inequitasse *Serpentem antiquum* & seduxisse *Evam*: nam *Sammaël* exponitur *אשמודאי* *Asmodæus*, seu *Tentator*, de quo aliàs dicitur *סמאל שר גדול שבשמים* *Sammaël est Princeps maximus qui in cælis*. Huic, tanquam Diei Judicii Advocato, dant seu offerunt Munus [a bribe] in die Propitiationis, ne Judæos propter peccata accuset. Plura videas apud Buxtorfium.

VI. Sextus mensis (*Gjelalæus Augustus*, vetus *December*) est *شهریور* *Sbabrivar*, ex vi vocis idem valens ac *شهریاز* *Sbabriyâr*, i. e. *Augustus*, princeps, quod (quamvis merus Titulus,) aliquando migravit in nomen proprium, quod apud Græcos Scriptores *Cyaxares*. Hoc nomen *Sbabrivar* (si incipimus à *Pbervardîn*,) *Augusto Menfi*, tam ordine, quàm appellativâ significatione, respondet. Est autem *Sbabrivar* nomen Angeli qui præest Igni & omnibus metallis ac mineralibus, eis-que benè mundandis; & omnibus rebus ac negotiis, tam hoc mense, quàm IV ejusdem Die factis, aut faciendis. Iste Dies quartus voca-

tur شهر دوز *Sbabrivar-rûz*, seu *Sbabrivar-Dies*, ut distinguatur à *Sbabrivar-Mense*. Et in illo Die (quia synonymus est cum nomine mensis) celebrari solet *Festum* dictum شهر دوزگان *Sbabrivaraghân*, seu *Augustalia*. Hoc die natus dicitur داراب *Darâb*, seu *Darius*. Octavo quoque hujus mensis Die (propter messas fruges) celebrari solebat *Magorum Festum* dictum خزان *Cbezân*, i. e. *Autumnalis Festivitas*, & *Autumnus* ipse. Hæc ex *Pb. Gj.* At in *Nim. Laud.* exponitur *Autumnalis mensis*, & cujusque mensis XVIII Dies, ut suprâ notavimus p. 195, 196; ubi etiam adducitur ut alicujus mensis *Yezdegberdæi* nomen ordine respondens *Octobri*.

VII. Septimus (*Gjelalæus September*, vetus *Januarius*) est مهر *Mibr*, ex primitivâ vi vocis primariò *Amorem* denotans, deinde *Solem*, qui *Amore* complectitur totum Orbem eumque illustrat & calore fovet & fructiferum reddit, qui aliàs in tenebris & frigore & sterilitate ac omnium rerum inopiâ relinqueretur. A quibusdam *Mibr* habetur quædam *Intelligentia* quæ regit *Solem*, ut *Azur* est *Intelligentia* quæ regit *Ignem*: est scilicet nomen Angeli qui censetur præesse omnibus rebus in hoc mense, ejusque Die XVI actis, aut agendis; præsertim omnibus rebus quæ *Amorem* & *Amicitiam* spectant. Ab eo quoque pendet omnis totius Populi حساب و شمار *Computus* & *Numeratio*, & in ejus manu sunt ثواب و گناه *Præmia* & *Pœna*. Scilicet, Dei jussu, ejus est cum populo Die *Computi* numerare de præmiis, atque de pœnis, pro peccatis suis. Is enim in Die *Judicii* extremi præficiendus est *Ponti* dicto Tchînavad-pûl, per quem transituræ sunt omnium morientium Animæ, quas ibi in medio *Ponte* sistit, & cum eis numerat pro antea actâ vitâ; & in *Bilance*, quam in manu habet, omnium *Actiones* ponderat, omnia tam bona quàm mala *Opera* benè perpendens: & si *Bona* malis præponderant, vel unius ciliaris pili pondere, ad *Paradisum* mittit; aliàs ad *Gebennam*. Et ibi pro *Meritorum* aut *Peccatorum* qualitate, in VII distinctis *Cælis* & totidem distinctis *Gebennis* *Præmia* & *Pœnæ* eis decernuntur & parantur.

Hujus XVI Dies, ut distinguatur à *Mibr-mense*, vocatur مهر روز *Mibr-rûz*, i. e. *Mibr-dies*, estque *Magorum* & *veterum Persarum Festum* (excepto *Naurûz-châssa*) omnium maximum, aliàs vocatum in plurali مهرگان *Mibraghân*, seu, ut Arabes scribunt, مهرگان *Mibr-agjân*, i. e. *Mitbralia*, seu *Mitbriaca*. Hoc Festum celebratur per VI Dies, quorum primus est XVI dictus مهرگان عامه *Mibraghân âmma*, i. e. *Mitbriaca vulgaris*, seu *communis*: & hujus Festi finis est Dies XXI dictus مهرگان خاصه *Mibraghân châssa*, i. e. *Mitbriaca pecu-*

peculiaria, seu propria. In quodam Syrorum Calendario نورور مهرجان *Naurúz rñs Mibragján* scil. communis) adscribitur XIV Diei Septembris, minùs bené.

Hujus Festi Celebrationis aliquot rationes à Persis adferuntur; scil. quòd Deus, hoc Die, primò Terram straverit, & Corpora fecerit Spirituum receptacula. Sed hoc non coincidit cum Creationis ordine superiùs ab illis assignato. Sunt qui volunt hoc Die Angelos tulisse opem تهاگي *Cáva Fabro-ferrario* in cæde داباک *Dabák*, quem quidem Persæ, ex dedecore & probro, vocant داب آگ *Dab-ágh*, i.e. *Decem vitia*, quæ huic Tyranno annumerant. Is enim erat, طاغي *contumax*, & perditissimus Homo, sub quo Populus tormentum & molestiam passus est. Alii dicunt *Pbridán*, hoc Die, primò in Solio sedisse, ante illud tempus quo dictus *Cáva* istum *Dabákum* profligavit. Alii dicunt quòd, isto Die, *Pbridán* primò insurrexit in *Dabák*, eúmque pessundedit; adeò ut populus in terrâ *Babel*, qui sub eo erant, in supplicio & molestiâ, (eo in montem *Dumâvand* ablegato ibique incarcerato,) à tyrannide & oppressione liberati sunt. Ideòque (pergit *Pb. Gj.*) Persæ in suâ Religione عود دمودن و هسه لشکر ایزدي *in suas Stationes revertendo, totum Dei exercitum lustrarunt, seu completum reddiderunt*, atque Præfectos ad Amorem in Subditos hortati sunt, & ut (secundum *Mitbriacorum* significationem,) *Amorem* continuare vellent; & quòd ideò huic Diei tale nomen imposuerunt. Quocirca, in posterum, Persæ hoc Die solebant facere peculiarem aliquam زمزمه *Zémzema*, seu *Musitationem* solennem, recitantes quædam مناجات *Soliloquia*, laudem Dei & آذر *Ignis* continentia, و بوقتى طعام و شراب بار گرفتند يعنى سكوت مى نمودند تعظيم خدا را *tempore edendi & bibendi arripiebant Báz*, seu *Taciturnitatem, in Honorem Dei Optimi Maximi.* Sic ille. Sed fallitur in re Historicâ, ponendo *Pbridán* filium ante patrem *Dabák*. Pergit verò dictus autor, “Alii dicunt quòd Persis fuit Rex quidam iniquissimus, nomine *Mibr*, qui کار را بر خلافت تنگ گرفته *res à populo arde exegit*: & is deinde medio mense (sc. Die XVI) obiit: quocirca aliqui hunc Diem dictum volunt *Mibragján*. Sunt qui dicunt, quòd *Mibr* est وفات *obitus*, seu *mors*, & گبان *Gbán* est *Princeps*; quasi hic Dies sic dictus fuerit propter obitum Principis.” [Sed nemo novit in quâ linguâ hæ voces hanc significationem habent.] Tandem addit, “Alii volunt quòd *Ardesbír Babecân*, hoc Die, primò induit Coronam, in quâ *Mitbræ*, seu *Solis*, figura insculpta fuit: quocirca ei

“succe-

“succedentes Reges hoc Die Coronam, Solis figurâ insculptam, in caput
 “suum & in capita filiorum imponere solebant; & faustioris ominis
 “ergò, oleum *Bân*, seu *Glandis unguentariæ*, corporibus inungebant.
 “Et quodd hinc, quidam Regum Persarum filii, hoc Die nati, facti
 “fuere *موبدان* *Præsules*; & *هفتي خوان* *inmepárixav* (in quâ erant
 “*Saccharum*, *Oryza*, *Mala Persica*, *Granata*, *عناب* *Syzipha*, *Uvæ*
 “*albæ*, & *کنار* *Lotus*) secum tulerunt; quia Persæ crediderunt quod
 “quicumque, hoc Die, de dictis Fructibus comederet, & corpus suum
 “oleo *Bân* innungeret, & Rosaquam biberet, per totum illum annum
 “plurima infortunia ac mala ab eo averruncanda fore. Hoc die, faus-
 “tum est Infantes ablaçtare, eisque Nomen imponere. p. 25.” De
 Festo *Mibrgjân* D. Golius legit ex *Nuveiri*, *Mos Persarum eo Festo*
erat, ut eorum Reges in benedictionem inungerentur Oleo Bân. Item
Rex induebat subtilem & variegatam vestem, ornatus τῇ Tággj, seu
Cidari, supra quam erat Solis Imago constriçta ambiente orbe. Primus
verò qui ad illum ingrediebatur, erat الموبدان Al Mubedân [pro
موبدان موبدان Mubed Al Mubedân.] Magorum Archi-præsul, fe-
rens Paropsidem in quâ Citria, Frustum Sacchari, Lota, Cydonia,
Syzipha, Poma, Albarum Uvarum botrus, & septem Myrti baccæ,
super quibus mussitabat. Eodem modo deinde accedebat populus secun-
dum dignitatis gradus. Præceperunt autem Ardesbîr & Anushirvân,
ut Festis Mibrgjân & Naurûz, omnia vestium & stratorum genera,
ex Apothecis deprompta, populo juxta ordines suos distribuerentur.
Ferunt enim, Reges byberno tempore haud fuisse usos vestibus æstivis,
nec æstivo bybernis; neque iis morem fuisse vestes in Apothecis asser-
vare, nec vulgum in actionibus suis imitari. p. 26. D. Golius ex
Nuveiri Arabe tradit, *Mibr* significare antiquis Persis *Vindiçlam* &
Talionem; & quodd hoc Festum ita dictum volunt, quia *Ferudîn* [lege
Feridûn] Persarum Rex, victo *Dabâc* tyranno, *Avi* sui *Gjemshîd* cæ-
 dem vindicabat. Hoc vult *Ibn Tâbir* Poeta, inquiens, *Significatio ejus*
est, quodd illo Die Persæ vicerunt, & inde vocatus est Juris animæ asser-
tor, seu vindicialis; scil. Dies vindicatæ cædis. At Mes'ûdi dicit
Mabr esse nomen cujusdam regis Persarum injusti & exosi, à cujus
 morte, tam ille Mensis, quàm Dies ejus XVI dictus fuerit *Mabrgjân*,
 q. d. *Decessit eo die anima Mabr.* Hæc autem non sunt fide digna.
 Sed post hæc omnia, mihi videtur, quodd non sit causa tot rationes
 tentandi: nam res plana est, quodd sc. cum *Mibr* significet *Solem*,
 instituta fuerint *Mitbriaca* in honorem Solis; sc. secundum veteres, in
Januario, seu Solis accessu, & secundum recentiores, in *Septembri*, seu
 Solis

Solis recessu, quasi fuerit Festum *Valedictorium* Soli, circa *Tropicum Capricorni* in Autumno.

Insuper D. Golius in Notis ad *Alpberganum* fallitur, vel saltem ejus Arabes falluntur de Festo *Mibragján*, dicendo id ab Arabibus vocari ليلة الوقون *Nox Accensionis*, seu *accensi Ignis*, cujus hyperbolicam descriptionem affert ex *Ibn Hagjágj* Poetâ. Et Festi rationem reddit, quòd eo tempore Rex *Kejomâras* filios & filias in matrimonium collocaverit, & eorum nuptias tunc celebraverit: vel aliàs, quòd *Afrasiáb*, Turcarum Rex, qui tunc fuit in Perside Dominator & Oppressor, eo tempore ejectus fuerit. His autem missis, dicta *Accensionis Nox* in *Pb. Gj.* ponitur in mense *Behman*: sed reverà pertinet ad mensem *Dey*, ubi videas.

Ex antedictis lucem sceneratur *Eustathii* locus p. 1834 de Persarum Rege, scil. quænam fuerit ejus ημέρα μία *Dies unica*, in quâ soli Regi licebat inebriari; Εφίεται τῷ βασιλεὶ μεθύσκεσθαι ημέρα μία ἐν ἣ τῷ Μίθρᾳ ἔθουν, ὅτε καὶ τὸ Περσικὸν ἀρχεῖτο τῶν δὲ λοιπῶν, ἔδειξεν τῇ καὶ αὐτῇ. Nempe hoc fuit in dicto Festo *Mibraghân*, quod maxima *Mibræ* Festivitas, quam superiore aliquo Capite tetigimus.

VIII. Octavus mensis (*Gjelalæus* *October*, vetus *Februarius*) est *Abân*, qui secundum *Indo-Persas* est Angelus Coadjutor τῷ *Cburdád*. Sed secundum alios, censetur nomen Angeli qui præest Ferro, & omnibus rebus Mensis *Abân*, & ejusdem nominis Diei X, dicto *آبان روز* *Abân-rúz*, vel *آبانگان* *Abânaghân*, quem, ut *Naurúz* & *Mibraghân*, pro Festo celebrant, eò quòd *روز* *Zav* Rex τῆς *Irân*, desinens bellum facere cum *Afrasiáb*, eum è regno suo, hoc Die, ejecit: & quia, post V aut VII annos Famis, hoc Die plueret. † In eo bonum est necessitates nostras à Deo & Principibus ac Magnatibus petere, & Arma parare. Sunt qui volunt Deum, die *Abânaghân*, condidisse Terram & Flumina, &c.

Apud vetustissimos Persas, *Abân* fuit Mensis XII, seu totius Anni ultimus: ideóque Appendicum Festum, etiam usque hodiè, à Persarum Magis in fine hujus Mensis celebratur; quod est antiqui Mensium ordinis indicium certissimum, quòd *Circularis Embolismi* magna Periodus absolveretur initio regni *Yezdegberd*, tunc quando intercalandi vices ad hunc mensem pervenissent. Hoc autem Appendicum Festum durabat per X Dies; scil. à vicesimo sexto hujus Mensis Die ad finem V Appendicum: ideóque Libri *Mu'gj.* autor narrat, quòd

† v. suprà in *Tr.*

Mensis *Abân* XXVI & sequentibus Diebus Magi solebant Pulmenta & alios cibos parare, quos in summis Turrium tectis ponentes relinquebant, ut ارواح برزگان *Magnatum* seu *Heroum Spiritus*, sive *Genii*, illuc venientes, eorundem nidoribus oblectarentur & reficerentur. Hocce itaque Appendicum Festum *decendiale* (annum terminans) excepit alia Novi anni Festivitas in primo *Adur*: adeò ut hoc totum tempus, per XI Dies durans, festivale fuerit.

IX. Nonus Mensis *Gjelalæus* *November* (vetus *Martius*,) est ,آذر *Azer*, seu *Ader*, ut sæpe vulgus sonat: à peritioribus autem sonatur *Azur*, seu *Adur*. Ab *Indo-Persis* ponitur tantum Coadjutor r̃ *Erdi-bebisht*. Sed secundum alios doctiores, est nomen Angeli qui præficitur Soli & Igni & Focis, (ut *Ardibebisht*,) & omnibus rebus hujus mensis & diei ejus IX, qui est Magorum Festum magnum dictum آذر رُز *Azur-rûz* & آذرگان *Azuragbân*, quo die, festivos Ignes accendunt, & *Pyræa* benè fricando mundant, atque quantum possunt exornant: quia *Zerdušht* præcepit ut hoc die præ cæteris *Pyræa* visitent & تورانا کنند *Turânas faciant*. Dictus dies nonus aliquando vocatur آذرخش *Azurachsh*, seu rectius *Azurachsh*, contractè pro آذر رخش *Azur-rachsh*, i. e. *Ignis splendor*, intelligitur sc. *Fulgur*. Eo autem nomine vocatur iste dies, quia omnia circumquaque Ignibus festivalibus fulgent, & tota vicinia splendet, quasi coruscationibus fulgureis illuminaretur. Hoc die, faustum est unguis præscindere & crines radere. Per præscissionem unguium & abrasionem crinium apto die & fausto tempore, innuunt abjectionem sordium peccati, quæ per excrementitia ista significantur.

Et quidem ad Mensem *Adur*, in ordine antiquo, referenda sunt Instituta & Præcepta omnia à *Zerdušhto* profecta & ad Mensem *Adur* quovismodo spectantia: alias enim allocabuntur ad Anni tempus à primo eorundem instituto prorsus diversum. Quod idem dicendum de reliquis Festis & Ritibus antiquis in aliis mensibus. Et hoc voluisse videtur *Pbarbangh Gibângbîri* autor, (quem nos sequimur,) qui prætendit sequi antiquissimum ordinem, sed reverà sequitur recentiorem ordinem *Gjelalæum*. Ego quidem nolui mutare, ne loco rei antiquæ, rem ex proprio ingenio confictam tradidisse viderer. Id autem monendum duxi, ut Lector totam rem æstimare & expendere possit, & suo judicio uti valeat. Ideoque ad Mensem *Adur*, seu *Martium* in Epochâ antiquissimâ, referenda est Arabicè dicta رُكُوب كُوسَج *Rukûbi Kûsagj*, seu *Equitatio imberbis*, quæ erat Ludus publicus mensis *Adur* die

die primo, vel secundum *Mugj.* vicesimo primo, celebrari solitus. D. Golius in Notis ad *Alpberganium*, Arabum more, sonat *Keusagj*, non satis rectè; oùm sit vox *Persica*, cujus nec sonum nec sensum sciunt *Arabes*. *Keusagj* in *Camúso* exponitur *دافص الاسنان* *Edentulus*, quam significationem *Persæ* non agnoscunt. Est enim vox *Arabizata*, seu in formam Arabicam redacta, ex *Persico* *كوسه* *Cúsa*, quæ apud *Persarum* Lexicographos exponitur *آر سقلى* *parum barbatus*, scilicet vel *imberbis*, vel *rariori barbâ præditus*, uti sunt *Cbinenses* & *Tatari*. Quòd iste Ritus celebrari solebat initio Veris, testatur *Abulpheda* his verbis, *ركوب كوسج في اول فصل الربيع* *Equitatio tē Keusagj erat in initio Quadrantis verni*.

Ritum verò ipsum ex *Mesûdi* sic narrat D. Golius in Notis ad *Alpberganium*; Exhibat illo die *Kéusagj*, seu *Edentulus* [melius *Kúsagj*, seu *imberbis*] mulo insidens in regione *Irák*, seu *Babyloniâ*, atque in *Perside*. Eique per aliquot dies edenda offerebantur *Nuces* & *Allium* & *Caro pinguis*, quique hæc excederent cibi & potus calidiores frigori arcendo idonei. Et cum ipse frigus depellere videbatur, affundebatur in illum frigida; unde tamen se molesti aliquid sentire dissimulans, exclamabat idiomate *Persico* *Gbermâ*, *Gbermâ*, i. e. *Calor, Calor!* Hoc autem tempus *Persis* erat *Festum* quo exultabant ipsi, atque hilaritatem commonstrabant. Scilicet hæc festivitas videtur instituta propter finitam Hyemem, abeuntem, vel brevi abituram, hoc Symbolo hominis Frigus abigentis & Calorem jam sentientis expressam, unde à populo gavisum. Ad hoc autem eligebant aliquem homuncionem, tam actionibus, quàm aspectu ridiculum, qui populo risum moveret.

Dictus Ritus à *Persis* vocatur *كوسه بر فشون* *Cúsa ber-nishîn*, i. e. *Imberbis insidens*, seu *inequitans*, & in Libro *Pb. Gj.* paulò fusiùs narratur, sequente modo: In novilunio hujus mensis, seu primo ejus die, est *Magorum Festivitas* dicta *Cusa ber-nishîn*, quo die, talem *كوسه مضحكى* *Imberbem ridiculum* (seu *ridiculosum agentem*) equo imponentes, ei offerunt cibos calidos, & medicamenta calida ejus corpori inungunt: vel ille sponte hæc facit. Iste homo ridiculosus in manu habet *Flabellum* quo se ventilat, de calore conquerens, dum alii homines eum glacie & nive impetunt. Ille autem *Magnatum* fores adiens, ab ipsis aliquid petit: quod si non dent, tum statim atramento & cæno & offuscantibus, quæ secum habet, eorum vestes inquinat. Referentibus aliis, Ex ollâ argillaceâ, quam secum habet, (in quâ est *Rubrica Sinopica aquâ macerata*,) negantium vestes commaculat & inquinat. Ab aliis dicta *Imberbis Equi-*

tatio sic narratur: Illo die, hominem quendam Cûsa, seu rariori barba, præditum (qui & monoculus esse debet,) nudum faciunt equitare super Afinum. Isle alterâ manu Corvum, alterâ verò Flabellum tenet, quo se ventilat. Et omnes famuli Regis seu Gubernatoris civitatis (nam in urbibus fieri solet,) juxta equitantes, eum concomitant, & per plateas urbis circumducunt; dum ipse à quavis officina Nummulum petit accipitque. Quòd si per unum momentum ibi expectaret, omnia ex tali Officina tanquam prædam diriperent: ideoque quando Cûsa appropinquat, prius quàm accedat, talem Nummulum porrigunt. Hodie autem [inquit Autor, qui ante CC annos tunc vixerat,] ex his Nummis, quotquot accipiunt à summo mane usque ad preces primas, pertinent ad dictum Regem, seu Gubernatorem: & quotquot inde ad Preces secundas accipit, pertinent ad ipsum Cûsa; qui sc. catervam concomitantem, quæ cum eo erat, deserit, aufugitque usque ad tempus Precis secundæ. [Hoc sc. fit cum inter Mohammedanos sunt, qui talia precandi tempora observant.] Quòd si post illud tempus eum inveniunt, benè verberant چنانکه دلخواهی ایشان quamdiu volunt. Eodem modo, hoc tempore [sc. tempore Autoris,] quibusdam Civitatibus collocant seu constituunt Principem Nauruzium [sic enim pro دور رومی lego دوروری] & gaudium agunt. Hocque ideo faciunt, quia illud tempus (quòd est initium Azur, seu Martis) concurrit cum Solis ingressu in Arietem: illo enim die hilaritatem commonstrant & lætitiâ agunt propter finitam hyemem. Hactenus ille. Inquit Pb. Gj. Ajunt quòd hoc die Gjemsbid primus è mari eduxit margaritas: & in eo, Deus cuique, vel miseriam, vel felicitatem, decernit. Et quicumque hoc die, antequam verbum protulerit, Malum Persicum comedit, aut Citrium olfacit, toto illo anno faustus erit.

Hinc constat de antiquissimo Mensium ordine, & quòd hæc Festivitas collocata & celebrata fuit primo Die Azur antiquorum, seu Martii, non Azur recentiorum, qui November. Sunt ex orientalibus qui credunt dictam Equitationem esse innovationem, nec à Zerdusht institutam. Sed ex dicti autoris sententiâ falluntur. Et (quod suprâ monuimus,) idem dicendum est de aliis quibusdam Festivitatibus & Observationibus quæ in his Mensibus occurrunt; quòd scil. accipiendæ sunt quasi in Epochâ antiquissima, ubi Azur erat Martius, Mensium primus, & Abân ultimus. Quia verò Magi, hodie sub Mohammedanis viventes, publicè utuntur Mensium ordine Gjclalæo, (nisi fortè privatim inter se veteres Ritus observare libeat,) Libri Pb. Gj. autor eodem ordine incipit à Pberwardin, seu Martio recentiorum, & reliquos

Menses

Menses secundum Signorum ordinem prosequitur: ego etiam illum imitatus, hoc idem feci. Nam quamvis plerique horum dictorum Rituum intelligendi sint de alio antiquiore Mensium ordine, quia tamen aliqui Ritus recentiores ab illo cum his commixta sunt, nec novi hos ab illis distinguere, ideò, inquam, dicti Autoris, in digerendis Mensibus & Festis, methodum secutus sum, nec ab eâ recessi. Cuique interim liberum erit de Rituum antiquitate aut novitate judicare, eosque, vel antiquiori, vel recentiori Mensium ordini adscribere, integrum. Et supradictum Mensium *Ordinem Gjelaæum* quoque secutus est Libri *Mugjizât* autor Persa talia tractans: adeò ut non haberem qui me in antiquo ordine deduceret, aut inter recentiora ac antiquiora distingueret.

Priusquam verò hunc Mensem relinquam, notandum est, quòd hic mensis (ut prope initium hujus operis explicavimus,) sic dictus fuit ab *Ignis*: & propter honorem *Azur*, seu *Ignis*, multæ hinc sumptæ sunt rerum & locorum denominationes, quarum aliquas heic recensabo. Imprimis itaque ab hoc nomine *Azur* denominatum fuit آنرآباد *Azur-abâd*, i. e. *Ignis mansio*, celeberrimum Pyræum in urbe *Tabrîz*, (ut supra tetigimus;) quin & ipsa Urbs eodem nomine vocata fuit. Et deinde tota eadem regio (quæ *Ptolemæo* *Αδαγία*, & *Procopio* *τὰ Αδαγιάνα*,) Persis dicta est in plurali آنرآبادگان *Azur-abâdagbân*, i. e. *Ignis mansiones*, idque, quia *Zerdušt* ultimo Mensis die *Anirân* illuc concedens, ibique primò Pyræa extruens & Ignis custodiam ibidem instituens, id nominis dedit eidem regioni, antea fortè dictæ لر *Lûr*, quod nomen etiam unà cum altero huc usque durat. In Libro *Pb. Gj.* in voce خرد بسور legitur,

اراجا بهدیر ارادگان *Illinc conductu Nobiliorum*
 در آمد سوی آنرآبادگان *Ingressus est in Azurabâdagbân.*

Pro خرد بسور, apud alios legitur خود بسور *Chûd-busûz*, de quo supra. Supradictum nomen aliàs scribitur آنربادگان *Azurbâdagbân* & آنربایگان *Azurbayagbân*, & آنربایجان *Azurbâyagjân*, ut supra notavimus. A nomine *Azur* denominatum est veterum Persarum Instrumentum, hodie nobis dictum *Æolopyla*, Persicè آنر افروز *Azur-apbrûz*, seu آتش افروز *Atêsh-apbrûz*, i. e. *Ignem accendens*; & aliàs vocatur آنر افرا *Azur-apbrâ*, seu *Azur-pbrizâ*, i. e. *Ignem augens*. Ab *Azur* est quoque آنر شپ *Azur-shâp*, seu *Azurashp*, vel آنر شسپ

vel *آذرگشی* *Azurgbushàp*, seu *آذرگشسپ* *Azurgbushàsp*, quibus nominibus insignitur Angelus ferocissimus & truculentissimus, qui præficitur custodiæ Ignis, in cujus medio semper degit. Secundo, hisce nominibus vocatur insigne Pyrèum in urbe *Balch*, seu *Bactris*, à *Gushtaspe* extructum, qui ibi recondidit omnes suos Thesauros qui durârunt usque *Alexandrum Bicornem*, qui suo tempore illud Pyrèum devastavit, & omnes ibi repositos Thesauros abstulit. Tertiò, his nominibus significatur *Fulgur*: nempe *Azurgushàsp* & *Azur-gushàsp* exponitur i. q. *آذر جهنده* *Azur-gjehânda*, i. e. *Ignis Saliens & subsultans*, uti alibi notatum est, ubi de Rege *Gushtaspe* agimus. Porro, ab *Azur* denominatus est *آذرگمش* *Azur-kîsb*, i. e. *Ignæ-Religionis* homo, i. q. *Atesb-perêst*, vulgò *Ignicola*. Et ab eodem est *آذرگون* *Azurgbûn*, seu secundum *Pb. Gj.* *آذرىون* *Azuryûn*, i. e. *Ignicolor flos*, sc. *Anemone* foliis rubris & medio nigro: secundum alios est *Girasole*, sed minùs appositè. Atque *آذر همدون* *Azur-Homâyûn*, i. e. *Ignis faustus*, seu *benedictus*, fuit nomen famosæ Sagæ ex familiâ *tê Sâm* patris *tê Zâl*.

X. Decimus in Anno *Gjelalæo* Mensis correspondens *Decembri*, in Anno veteri *Aprili*, est *Dey*, seu *Dî*, ex nominibus *Dei*, sc. ex *Διός*. Censetur quoque nomen Angeli qui præest omnibus rebus & negotiis, tam hujus Mensis, quàm omnium Dierum, ab eodem nomine incipientibus, uti sunt *Dey cum Adur*, *Dey cum Mibr*, *Dey cum Dîn*. Hic Mensis, in veterum Epochâ respondens *Aprili*, aliquando vocabatur *آذر خرم* *Chôrrem*, i. e. *Hilaris*, quo etiam nomine gaudet VIII ejus Dies *Dey cum Adur*, item dictus *آذر خرم روز* *Chôrrem-rûz*, ut distinguatur à Mense. *Pb. Gj.* autor tradit, quòd *Hoc die* (unde apparet nominis ratio) *veterum Persarum Reges*, à *Tbrono* descendentes, & veste alba induti, super albis equis equitantes, & omne Velamen seponentes, tam Nobilitati quàm plebi onera imponebant, & de Subditorum rebus occupati erant: & *Agricolæ ac Rustici* unà cum Rege in eadem mensa confidebant, & absque alicujus mediatione petitiones suas Regi offerebant: & Rex hujusmodi confabulatione cum eis utebatur, *Ego sum unus è vobis*, & nostra subsistentia est per sationem & ædificationem quæ à vobis sunt: & nos sine vobis esse non possumus, uti nec vos absque nobis: & nos & vos sicut duo Fratres concordés sumus. Sic *Pb. Gj.* At in Libro *Mu'gj.* paulò aliter; Mensis *Dey* aliàs vocatur *آذر خرم ماه* *Chôrrem-mâb*, i. e. *Hilaris Mensis*, & ejus Dies primus *آذر خرم روز* *Chôrrem-rûz*, i. e. *Hilaris Dies*, in quo Rex è Solio descendens,

dens, albis vestibus indutus, super albo stragulo sedebat: & velum removens, circa negotia Subditorum occupari solebat. Et tunc, quicumque volebat, tam ex magnatibus quàm ex infimatibus, solebat cum Rege colloqui: & Agricolaë atque Coloni unà cum Rege ad eandem Mensam assidebant. Et tunc Rex solebat dicere, Ego sum etiam sicut unus è vobis, & continuatio ac perpetuitas Mundi est per ædificationem & sationem: adeò ut Nos & Vos debeamus esse sicut fratres semper concordēs. Sic ille. In Notis ad Alpherganium D. Golius ex Cazvinio fallitur in hoc loco p. 37, pro حرم Cbórrem legendo حزم Hizm.

In Libro Mu'gj. hujus Mensis XXIV Dies vocatur عيد سمر خور *Festum comedendi allium*: eo enim Die comedebant Allium, & carnem cum herbis coquebant; dicentes in hoc esse tutamen contra noxam Dæmonum: & in eo Die parabant medicamenta contra loca Dæmonibus infestata. Hujus Mensis Die XIII (qui est *Dey* cum *Mibr*), conficiebant ex عجين *pastâ*, aut گل *luto*, Imagines, easque in Compitis collocantes, eis omnia servitia præstabant sicut Regibus fieri solebat: & deinde easdem comburebant. Hoc die fuit Ablactatio Regis Pbridûn, in quo etiam Tauro insidebat. Ajunt quòd quicumque mane hujus diei comedit ش-بش *Anetbum* [lege سیب *Pomum*,] & olfacit Narcissum, toto illo anno benè se habebit, & quietus erit: & fumigando, seu incensando سوسن *Iridem*, [sc. radicem ejus,] per totum illum annum tutus erit à fame, seu caristiâ, & paupertate. Hactenus Mu'gj. Alia superstitiosa his similia leguntur in die *Deybamibr*, & in *Gbûsh*, ubi videas.

In hoc Loco describemus nocturnum Festum Solstitii brumalis, in quo brevissimus Dies & totius Anni longissima Nox (quæ Nox accensionis vocatur,) reputatur esse XI Mensis *Dey*, seu *Decembris*: quamvis per aliquot Dies ante & post XI, nulla sit sensibilis differentia, quin ut dictum Solstitium per plures dies durare censeatur. Hocque Festum, cum Anno *Gjelalæo* quadrans, non debet censerì inter Festa vetera à *Zerdušt* instituta: nam si ita, tum proculdubio concordâssent cum Anno veteri. Et quidem de hujus Festi loco seu situ, in cujusnam diei Nocte, aut quo Mense sit, inter orientales non convenit, sed planè discordatur: quod non est mirum, cum recentiores, quos vidi, Perfici autores veram hujus Instituti rationem ignorare videantur.

Ibn Hagjagi Arabs (ut suprâ notatum) perperam hoc Festum confundit cum *Mibraghân*. In Libro *Pb. Gj.* ponitur Nox X diei Mensis

Mensis Behman, qui *Januario* respondet in Anno *Gjelalæo*: *D. Golius* ad *Alpberganium* perperam ponit in XVI Nychthemero *Mensis Bahman*, cui etiam *Persæ* dictam noctem inferunt. In Libro *Mu'gj.* p. 46, collocatur in Mense *Abân*, seu *Octobri* *Gjelalæo*. Rectius autem habent quædam *Calendaria* mox citanda. Variis etiam nominibus gaudet, ut *Sadà*, & *Sadàk*, &c. de quibus suo ordine dicetur.

Dictum itaque Festum ejusque Nox *Persicè* vocatur شب و سدا & *Sadà*, seu *Sazà*, aut *Shabi sadà*, Nox *sadà*: unde *Arabizatum* fit ليلة سذق *nox Sadak*, quibus significatur Nox Incendii, seu Rogorum: unde & *Arabicè* vocatur ليلة الوقود Nox Incendii, seu incensi Ignis. Aliquando *Persicè* scribitur سادا *Sâda*, & *Turcicè* سایه شب سابه *Sâya*, unde vocatur شب سابه *Shâbi sâya*, seu شب سابه سي *sâya gbitcha-fi*, i. e. Nox *accensionis*. Subinde vocatur *Yeldâ*, seu شب يلدای *Shabi Yeldâ*, Nox Rogi, seu Rogorum, quæ apud *Chalil Sûpbi* *Turcicè* exponitur كور آهینك آخر *Yeldâ est ultimi Mensis autumnalis Nox postrema*, sc. ultima Nox *Novembris*. In *Calendario Gjelalæo*, *Constantinopoli* conscripto, شب يلدای Nox *Yeldâ* ponitur incipiens primo die *Mensis Dey*, seu *Decembris*, & desinens undecimâ Nocte ejusdem *Mensis*. In *Calendario Syrorum* Nox *Yeldâ* ponitur in XII *Decembris* tantum.

De ratione nominis *Sadà* multum, & quidem frustra, laborant *Persæ* aliique: & cur ut Festum celebretur, rationes reddunt prorsus ineptas. *Shab Cholgi* satagit derivare nomen *Sadà* à صد *Sad*, i. e. *Centum*, quia tunc de hyeme elapsi sunt C dies, si nempe hyemem inchoant ab initio *Mensis Abân*, & *Pengja* seu *Pentadem* Appendicum in istam censum non admittunt. Deinde aliam nominis rationem affert; quia scil. ab isto die *Adami* & *Eve* liberi mares & fœmellæ in centenarium numerum excreverunt. Alii volunt hoc Festum institutum fuisse à Protoparente *Kejomâras*, quia is tunc C liberos, mares & fœmellas, natos habuit; eisque præcepit, ut cum ad annos maturitatis pervenissent & patres ac matres familiarum essent, tot Ignes, suû numerum indicantes, eâ nocte accenderent: additque autor, Scriptum esse per *Sîn*, quia *Sâd* in linguam *Persicam* non venit. Quod verum est de veteri lingua *Persicâ*. *Ibn Hagjâgj* *Arabs* dicit quod *Kejomâras* illo tempore filios & filias matrimonio collocavit & nuptias tunc celebravit: vel aliàs

aliàs, quòd eo die *Apbrasiyâb* Scythæ, qui in Perside erat Dominator & Oppressor, tunc ejectus fuit. Ex *Pb. Gj.* sunt qui referunt Regem *Hûshangb*, filium *Siyâmek*, hoc Festum instituisse. Narrant enim illum dicto die secessisse in quendam montem, ubi subito ei apparuit Draco serpens: quocirca, sumpto lapide, eum in Dracōnem vibravit: aberrando autem, dictus lapis, in alium lapidem alius, Ignem excussit. Cùm verò dictus Ignis mox dispareret, *Hûshangb* propter Ignis apparitionem gavisus est; & reputans illum Ignem fuisse Divinum & Lumen cœleste, Deo Opt. Maximo gratias egit. Vel, ut alii narrant, Ignis dicto modo excitatus & accensus, ficas herbas & arbores circumcirca consumpsit, quarum incendio Draco quoque periit. Quapropter lati Incolæ sumpserunt omen de hoc Igne, & veluti triumphales Ignes ubique extruxerunt, quod etiam quotannis postea continuatum. Alia nominis ratio redditur, quia ab hoc die ad diem *Naurûx* sint L dies & L noctes, quæ junctim faciunt numerum *Centenarium*, secundum vim vocis: ideoque nominârunt *Sada*, seu *Centenarium*, quod *Arabizatum* scribitur *Sadâk*. Hoc autem fit nocturno tempore: unde non tam dies quàm nox ut Festum celebrari solet. Sic ille. In Libro *Mû'gj.* p. 46, Hoc dictum *ساده* Festum *Sadâ* videtur collocari in *تہ دہا* die Mensis *Abân*, seu *Octobris*, quod dicit fuisse ex institutione Regis *Ardesbîr* filii *Babek*, quia *ساده* *Sad* (i. e. *ساده*) *Ssad* centum Dies anni tunc restabant. Alii dicunt Hyemem hoc die ex Inferno in Mundum venisse. Hac quidem nocte, ubique festivales ignes accendunt, & Reges ac Principes accipientes Aves & alia animalia, & eorum pedibus alligantes herbas aridas, eas igne accendunt & ignitas reddunt, & sic flammantes dimittunt, ut volent & currant per campos & montes, & hoc modo omnia accendant. Alius quidam Persa refert, quòd Ignes festivales ac geniales hac die & nocte accendebant, & omnis generis cibos apparabant, & quòd (ut dictum) Reges ipsi solebant Feras ac Volucres capere, & earum pedibus ficas herbarum fasciculos alligantes, eosdem incendebant, & deinde in aërem & per campos dimittebant nocturno tempore, & hoc modo flammæ Ignis efficiebantur, ita ut totus aër totaque terra accensa videretur, & tota regio appareret inflammata; cùm dicta animalia per aërem volando, & per campestria ac montes discursitando, siccitas herbas (ut est in oriente,) & aridum fœnum ubique per totam regionem accenderent.

Missis

Missis autem ineptis hisce rationibus, vera ac primaria hujus Noctis celebrandæ causa fuit, quia ea erat totius Anni *Nox longissima*, hyeme eâ nocte quodammodo desinente, cum exinde *dies* inciperent esse *longiores*; & *noctes breviores*. Ideoque, brumâ jam abiturâ, læti Ignes festivales accendebant, tenebricosissimam & longissimam totius Anni noctem hoc modo illustrare & pellere satagentes: eâ enim nocte, vel prope eam, Sol perveniebat ad *Tropicum Capricorni*.

Eodem fundamento niti videtur Consuetudo in *Anglia*, speciatim in *Comitatu Salopiæ*, ut haud procul ab antedicto tempore, scil. nocte diei *Epiphaniæ*, (*twelf-night*;) Ignes festivales accendantur in summitatibus collium & aliis locis editioribus, in gaudium propter elapsam sævitiem hyemis & spem appropinquantis Veris.

XI. Undecimus Mensis *Gjelalæus Januarius*, veterum *Majus*, est *Babman*, seu *Behman*, sive *Bebmen*^a; apud *Gilolenses* sonat *Bkaman*. Sed secundum vim vocis (ut exponitur) deberet legi *Bibman*, sc. *bonis moribus*, seu *bonâ naturâ* præditus. Ab hac significatione factum est, ut hoc nomine aliquando notetur *Sacerdos*, quippe qui *Bonitate & optimis moribus* præditus censeatur. Iste reputatur Angelorum maximus, cui alii aliquot Angeli famulantur: & præest omnibus Creaturis præterquam homini, cujus curam Deus sibi soli reservavit. Iste est Angelus *Veriloquus Justificus*, qui sedat iram & compescit rixas. Et quamvis habeat generalem præfecturam in Animalia, peculiariter præest Ovibus & Bobus & reliquis Quadrupedibus, & omnibus rebus hujus Mensis & ejusdem Diei II, qui vocatur *بهم روز* *Bebman-rûz*, seu *بهمانتچه* *Behmântcha*, in quo celebratur Festum ubi Fruges & Carnes elixant, *Bebman* tam rubrum quàm album inspergentes in cocturam; & prætereà utrumque *Bebman* cum herbis & *Saccharo-Kandi* *اميد و*, *contusum* comedunt; & *Bebman* album contundentes cum lacte ebibunt, putantes hoc fortificare memoriam. Hic dies faustus est ad exquirendas & effodiendas radices & herbas medicinales è montibus & vallibus: & in eo bonum est extrahere olea, & conficere suffimenta eaque parare: Et quicquid fit, hoc die erit efficacius. Et eodem die faustum est novas vestes scindere easque induere, ungues præscindere, crines radere, & ædificia extruere.

In Libro *Pb. Gj.* in hujus X die ponitur *Nox Accensionis*: quæ tamen potius pertinet ad X diem Mensis *Dey*, seu *Decembris*; ideoque illuc rejecimus, ubi videas.

^a Vid. Append. No. VIII.

De Festo *Abrîzagbân* superius dictum est in Mense *Tîr*. At Libri *Mu'gj*. autor ait illud in *Ispabân* celebrari solere in Mensis *Bebman* XXX die *Anirân*. Et (illo dicente) hujus Festi causa fuit, quia Rex *Pbirûz* (qui Avus *rê Nushirravân*), in diebus suis fame coarctatus fuit: unde *Pbirûz* instituit Tributum, quod ex Reditibus Pyreorum defalcabat, idque Subditis suis distribuebat, ita ut nemo fame periret. Deinde Deum precatus, inter precandum, ambas manus elevans dixit, *Hæc fames est propter pravitatem morum: id itaque manifestato, & incolis Mundi pluviam mittito*. Et profectò, vix citius è Pyréo egressus est, quin ascendit nubes quæ pluviam effudit, adeò ut simile quid eo seculo visum non fuerat. Unde eadem die [quovis anno] homines in se invicem aquas jacere solebant propter summam lætiti-
tiam: quod quidem ab eo tempore pro consuetudine receptum est. Sic ille.

XII. Duodecimus Mensis, *Gjelakæus Februarius*, veterum *Junius*, est *سپندارمن Spendârmaz*, seu *اسفندارمن Ispbendârmaz*; quod vulgò sonat *Spendârmox* & *Ispbendârmox*. Hoc nomen dicitur significare *Terram*, & Angelum cui Terræ cura commissa est, & qui eam à pollutione conservat: & (secundum *Indo-Persas*), ei famulari dicuntur *Dîn* & *Arshâsangb*. *Cazvinus* dicit *Ispbendârmaz* esse *Terræ spiritum* qui *favet sæminis bonis castisque*, hocque ex instituto veterum: adeoque quintus ejus dies *Viris Fœminisque sacer*, contrahendis matrimoniis & fœderibus pangendis auspiciatus. Præterea *Ispbendârmaz* est Angelus qui (ut alii aliqui præcedentes Angeli) censetur præesse Arboribus & Sylvis, & omnibus rebus hujus Mensis, præsertim quinto ejus Die gestis, aut gerundis: qui quidem V Dies (quia coincidit cum nomine Mensis) est Festum: quo etiam Die bonum est Arbores plantare, & novas vestes induere, & medicamenta sumere. Hoc Die fugiens *تزاز Tezâd*, incidit in manus *رڤژن Pîzben*.

Hoc toto Die V, à Solis ortu ad occasum, ad expellendum Scorpiones & noxia animalcula, solebant scribere *رَقْعَة كَزْدَم Schedulas* (*Spels*) contra Scorpiones: unde & hic Dies Arabicè vocatur *سبب الرقاع Kispbato'l Rikâ*, i. e. *scissio Schedularum*, seu *segmenta Schedularum*. Ex istiusmodi Schedulis solebant tres agglutinare tribus parietibus cujusque Domûs, omisso illo pariete qui in anteriori Domûs parte. Alii *اصحاب دهرجات Miraculorum editores*, (qui etiam *Persæ*), referente *Sbab Chalgjo*, dicunt, quòd hoc Die *آپبریدن Apbridân* *فرمودی Telefmata instituit*, quibus animalium venena restrinxit.

K k

Et

Et unus ex Magnatibus dicit, se audivisse ex relatione *ابو علي* *Abu-Ali Mescliyæ* qui dixit, *Mibi quidem à magnis Doctõribus confirmatum est, quodd ista Scedularum scriptio, quæ hoc Die fiebat, erat Telesma quod ad hoc ipsum opus fecit Apbridûn, (sc. contra venenum scorpionum:) cujus rei indicium est, quia* *عربان* *Arabes ejusmodi Scedulis inscribunt* *سلام علي نوح في العالمين* *Pax sit super Noab inter Creaturas: nam sunt quibus Apbridûn vocatur Noab. Sic ille. Alii hoc referunt ad historiam quæ accidit Noæ in Arca, ubi à venenatis bestiis ablata est lædendi facultas durante tempore quo essent in Arcâ: easque postea conquestas fuisse se esse defensione destitutas, nisi Deus eis lædendi facultatem restituere vellet: quod itaque fecit Deus, & concessit, sub eâ conditione, ut neminem læderent qui precaretur Pacem Noæ inter Creaturas. Hactenus ille. Et quidem hujusmodi sunt Sabaitæ. Istas Chartaceas Schedulas, verbis incantatoriis inscriptas, aptis temporibus, recitant tam Mohammedani quàm alii, quod in Pb. Gj. dicitur* *ربور مخواندن* *Scripta recitant, ut ex vi verborum tollantur serpentes & alia noxia animalcula. Libri Mu'gj. autor ait istam* *فوشتن* *Schedularum contra Scorpiones Scriptionem non esse ex veteribus Persarum Ritibus, sed potius rem quandam à vulgo innovatam. Liber Pb. Gj. Scorpionum Avertuncationem ponit in Mense Murdâd, qui in Anno Gjelaleo est Julius, quo scorpiones maximè scatent, uti etiam in præcedente Mense Junio. Si autem fuit institutum recentiorum, tum dicendum est, eos per præcautionem & maturam Avertuncationem pro veniente æstate id fecisse in Februario.*

In Libro Pb. Gj. dicitur, quodd, quinque ultimis hujus Mensis Diebus, quotannis celebratur *Magorum Festum* dictum *مردگبران* *Mardgbirân, i. e. Viricipes, seu Viri Capturæ Dies: alii restringunt soli Diei V. Hoc (inquit) tempore, fœminæ à veris petunt quicquid volunt, idque accipiunt, & viris planè dominantur. Persæ enim affirmant quodd, antiquis temporibus, istum Diem vocabant Mardgbirân, quia in eo mulieres in maritos dominari solebant, eosque desideriis suis obsequentes reddebant. In Libro Mu'gj. dicitur, quodd hoc Die fœminæ capiunt juvenes, scilicet (ut ibi exponitur,) seligunt sibi viros. Sic ille. Et quidem hoc videtur simile quid Europæorum praxi, quando ineunte Vere (præsertim XIV Februarii, qui Valentini Dies audit,) naturæ ductu omnes sibi sortiuntur pares, ad instar Avium & reli-*

reliquorum Animalium, quæ tunc, incalescente anno, erga se invicem incalescunt, & copulari atque conjugari gestiunt.

In Libro *Mu'gj.* legitur, quòd hujus Mensis Dies *Pbervardin*, seu XIX, vocatur *Naurûz*, q.d. *Dies celebris*, scil. نوروز ادھار و میہ جاری. *Naurûz fluminum & aquarum currentium*, in quo, Aquam rosaceam in eas infundunt, & Aromata injiciunt. Hoc est ex Ritibus faciendi sacras Cæremonias aquis, de quâ re videas quæ suprà ex *Strabone* notavimus: nam ut sæpe faciunt Epulas Igni, sic aliquando Epulas faciunt Aquis, quas etiam sacras æstimant.

CAP. XX.

Explicatio reliquorum Angelorum, & Dierum Mensis, qui in præcedentibus omitebantur. De Gabriele & Michaele & de Regionum Angelis.

I. PRIMUS Mensis Dies vocatur اورموز *Ormûz*, seu اورمزد *Ormûzd*, & هرموز *Hormûz*, seu هرمزد *Hormûzd*, quod est ex nominibus Dei. Est quoque i. q. برجیس *Bergjís*, i. e. *Jupiter*, seu *Stella Jovis*. At in hoc loco (inquiunt Persæ) intelligitur Deus Omnipotens & Æternus ex seipso procedens, ex sui ipsius Luce & Gloriâ ortus, qui creavit Angelos XXXV, seu potius XXXI, demptis quatuor nominibus Dei. Horum maximus (qui idè ordine primus, & cui alii aliqui Angeli famulari dicuntur,) est *Bébmán*, seu *Bábman*, cui omnium animantium, præter hominem, cura & custodia concredita est. Nam hominum & totius generis humani curam (inquiunt) Deus sibi reservavit & in seipsum suscepit, per gratiam suam ad Bona faciendum inducens. A quibusdam tamen *Hormûzd* habetur quoque pro Angelo qui, Dei jussu, huic Diei & omnibus ejus rebus ac negotiis præest; quamvis plerumque Angelorum Catalogus incipiat à dicto *Bábman* qui Diei II præest. At in primo, *Hormûzd*, bonum faustumque est iter suscipere, novas vestes scindere & induere, & Sigillum chartis imprimere, & ejusmodi alia facere. Sed pecuniam alicui mutuo dare non oportet. Sunt qui credunt (inquit *Shab Cholgji* & autor Libri *Mu'gj.*) hoc Die, scilicet tempore verno, creatum fuisse Solem, & inchoatam

fuisse Creationem Mundi, & Orbes cœlestes primò in motionem venisse ab *initio Arietis*: & hoc Die creatum fuisse *Adamum*. Hoc Die fausta sibi sortiuntur, dicentes, Quicumque hoc Die, priusquam verbum dixerit, portiunculam Sacchari alicui porrexerit, & cum oleo illud ori indiderit, omnia illius anni incommoda eum non tangent. Sic illi. Sed, bonâ eorum veniâ, Solem & Hominem creatos fuisse eodem Die, non est consonum, nec cum Historiâ Mosaicâ, nec cum Creationis Hypothesi, apud Persas receptâ, quæ in superioribus præmissa est. Ideoque isti autores recentiores locuti sunt incautè, veterum Persarum Principiis non satis attendentes. Præterea, cum iste dies sit Sabbatum, tenentur eum religiosius observare.

VIII. Octavus Mensis *Dies* est *Dey-ba-Adur*, seu *Dey cum Adur*; ubi *Dey* pro Dei nomine habetur. Vulgò autem *Deybâdur* habetur pro Servo Dei, seu Angelo, qui præest Mense *Dey* & omnibus diebus hinc denominatis, & omnibus rebus quæ hisce diebus aguntur. Estque hoc die Magorum Festum, (est sc. *Sabbatum*) in quo (præter Festivitatem,) bonum est Eleemosynas erogare pro sanitate tuâ & Liberorum.

XI. Undecimus Dies est *خور* *Chûr*, ut vulgò sonatur: sed in *Pb. Gj.* præscribitur sonari *Chaur*, seu *Chûr*: quin & iste etiam Dies subinde vocatur *خورشید* *Churshîd*. Hisce nominibus notatur *Sol*. In hoc autem loco, est nomen Angeli qui præest Disco Solis, & omnibus rebus quæ fiunt & accidunt in die *Chûr*.

XII. Duodecimus Dies est *ماه* *Mâb*, i. e. *Luna*. Apud Persas in *India* & apud *Gilolenses* hic Dies vocatur *Mubu*. Hoc autem Loco, *Mâb* habetur pro nomine Angeli qui tam Lunæ quàm omnibus hujus diei rebus præficitur. Lunæ etiam comperi in Libro *Pb. Gj.* plura nomina Persica, qualia sunt *مهر* *Mibîr*, & *ماذک* *Mânk*, & *ماج* *Mâgj*, & *لوحى* *Lucân*, & *زیرفان* *Zîrphân*, & *کاک* *Câk*, & *کوکا* *Cûca* ex Libro *Zend*.

XIV. Decimus quartus Dies (quasi *Arabizata* formâ) est *جوش* *Gjûsh*, ut vulgò legitur: at in *Pb. Gj.* præscribitur legendum *Gjûsh*. Apud Persas in *India* & apud *Gilolenses*, magis Persicè sonat *گوش* *Gbûsh*, seu *Gbiush*, sive *Gbôsh*. Estque nomen Angeli qui Servus r̃ *Bâbman*, & qui Pecoribus præficitur, qui & omnibus hujus Diei rebus præesse creditur. Hoc die apud Persarum Magos est Festum dictum *سیر خور* *Sîr-chûr*, i. e. *Allium edens*: in eo enim Allium & carnes cum herbis elixis comedunt; quod credunt esse Securitatem contra

tra *مس جس* *Tactum Spirituum*, seu *Læſionem Dæmonum* : & hoc die parant sua medicamenta contra morbos à Spiritibus seu Dæmonibus provenientes. His similia dicuntur & præſcribuntur in X Mense *Dey*, ubi videas. Hoc die faustum est Pueros ad *دبیرستان* *Dibîristân* seu *Scholarum-scriptoriam* deducere, eosque quavis Artem docere, ut scilicet hoc die incipiant discere.

XV. Decimus quintus *Dies* est *Dey-ba-mibr*, hoc est, *Dey cum mibr*. Aliis *Deybamibr* est Famulus Dei, seu Angelus, qui huic diei ejusque rebus præest. Hoc die est Festum Magorum, seu *Sabbatum*, in quo (præter Festivitatem) faustum est Eleemosynas dare, & Principes ac Magnates adire, atque Figuras, seu Imagines ex pasta, farinaceas aut luteas conficere, & in compitis collocare, easque colere & honorare tanquam Reges & Principes, officia & cæremonias (*complements*) eis præstando, quasi essent in vivis : quas tamen postea igne cremant, ut supra in mense *Dey*. Et quicumque in aurorâ hujus Diei *سید* *Sîb* seu *Pomum* comederit, & Narcissum olfecerit, totum sequentem annum in lætitiâ & tranquillitate aget : & hâc nocte *سوسن* *Sûsan* seu *Iridem* fumigare, per totum annum obtinebit securitatem à fame seu caristiâ & paupertate. Hoc die fuit *فطام* *Pbitam*, seu *Ablactatio* Regis *Fridûni*, in quo etiam Bovi insidebat. Et hoc die *Zerdûſht* flens & mœrens exivit ex *Irân*. In Libro *Mu'gj*. supradictæ cæremonia restrictæ sunt ad Diem XXIV Mensis *Dey*.

XVII. Decimus septimus *Dies* est *هروش* *Surûſh*, seu *Sorûſh*, sive *اىروش* *Ufrûſh*. Iste est Angelus qui (quasi sit *کیان دار* *Keppândâr*), præest Bilancibus in *Ponte Judicii*, quas curat & benè custodit; dum alter Angelus *Mibr*, seu *Mibr-yezâd*, est Inspector ponderis ejusdemque Judex, rem pro hac vel illâ parte determinans. Præterea est particularis Angelus hujus diei, qui præest quoque servis & eorum negotiis, (& omnibus aliis rebus quæ hoc Mensis die occurrunt,) eosque semper regit. In eo, bonum est *Pyréa* adire, ibique preces fundere : nullum autem aliud negotium facere, si sit alicujus momenti.

Dicto nomine *Surûſh* subinde intelligitur quiviscunque Angelus in genere, ut etiam nomine *امشاسپند* *Amshâspand*, seu *امهوسپند* *Amhûspand*; qui linguâ *Indicâ* dicitur *دبوت* *Dabûta*. Aliquando hoc nomine *Surûſh* particulariter notatur *جبرائیل* *Gabriel*, i. e. *Fortitudo Dei*, qui *Arabibus* habetur *رقیب اللیل* *Rakîb AlLail*, i. e. *Custos noctis*, utpote qui sit Angelorum fortissimus. Is aliàs *Arabibus* audit *الناموس* *Al Namûs* *Al Acber*, i. e. *Secretarius maximus*, qui
sc.

sc. de præcipuis Dei arcanis participat, eaque in Commentariis describit. Et eadem de causâ in *Targum Jonathanis* ad Gen. V. 24, ipse vocatur ספרא רבא *Saphra rabba*, i. e. *Scriba magnus*: & aliàs audit מיטטרון *Mitatron*. Alibi à Judæis disputatur an *Mitatron* sit *Enoch*, vel aliàs שר העולם *Sar ba Olàm*, i. e. *Princeps Mundi*? Est autem *Gabriel* ex eis qui perpetuò circumstant Solium divinum, qui præcipuè creduntur esse *Quatuor*, scil. *Gabriel*, *Uriel*, *Raphael*, & *Michael*. Hujusmodi sunt qui generali nomine dicti sunt כרובים *Cberubim*, i. e. *Propinqui Angeli*, qui sc. Deo propiùs quàm alii accedunt: nam כרב *Charab* est i. q. קרב *Karab*, *appropinquare*, & כרוב, seu קרוב, est *Propinquus existens*. Hinc in Libro *Turgj*. legitur, כרוביהון פרשתגאן. *Cberubini sunt Angeli propinqui*: & sic *Ecbteri*, כרובים *Cberubini sunt Angeli*, sc. ii qui propinqui sunt Deo. Ratione officii, de *Gabriele* in Libro *Turgj*. dicitur جبرائيل *Gabriel est Angelus Revelationum*, ut & Dan. IX. 21: de quo etiam *Ecbteri* dicit, جبرائيل ملايكة من مقربين وبر الو ملك *Gabriel est Angelus propinquus*, sc. *magnus quidam Angelus cui sunt sexcentæ alæ*; nempe ut, hoc modo, perniciosior factus, Dei mandata velociter exequi possit, & *Revelationes* impertire. *Gabriel* is est qui solet ad magis honorificas missiones delegari, ut in Libro *Danielis*. Et in *Novo Testamento*, Ego sum *Gabriel* qui semper adfuit in præsentia Dei; quod dixit ad Beatam *Elizabetham* missus, ad *Præcursoris Johannis* conceptionem annuntiandum, qui etiam, post VI Menses, *Immaculatam Beatæ Virginis Conceptionem* annuntiavit.

XVIII. Decimus octavus Dies est رش *Resb*, quod est Angeli nomen, qui *Indo-Persis* & *Gilolensibus* رشن *Reshn*, seu رشنی *Reshni*, vulgò *Rúshny*: nam vulgus in quamplurimis solet vocalem *Phatam* ut *u* aut *o* sonare. Iste Angelus creditur *Administrator Justitiæ*: & præest negotiis hujus diei, in quo, cum amicis conversari & iter suscipere vetitum, ne exinde infausta quædam eveniant. Secundum quosdam, huic Angelo commissum est supervidere totum Mundum, & omnes humanas actiones perpendere; & eorum, quæ creavit Deus, generalem curam in se suscipere, & à Diaboli furore conservare.

XX. Vicesimus Dies est بهرام *Bebrâm*, seu *Babrâm*, qui Angelus Viatorum & Itinerantium Custos, cui committuntur omnes res hujus diei. Is etiam præest rebus militaribus. Apud *Indo-Persas* habetur Coadjutor

Coadjutor τ̃ *Erdibebisht*. Et cū hoc nomine apud *Persas* denotari soleat *Mars* planeta, cujus Orbis est tertius, Climatum (quibus præsunt Planetæ) tertio respondens ordine, is habetur مری کشور سوم *Climatis tertii Patronus*, seu *Protektor*. Is à colore etiam dicitur بخون *Bachūn*, sanguineus: unde *Bebrām*, propter rubentem aspectum, Igni præselle creditur, & *Persarum Ignis sacer* vocatur *Ignis Martis*, ut suo loco dicetur. A *Bebrām* fit nomen بهرام *Bebrāma*, & *Arabizatā* formulā بهرامج *Bebrāmagj*, i. e. *Rubinus*, seu *Carbunculus*, quo etiam nomine vocatur *Salix-rubra* arbor, q. d. *Martialis gemma* & arbor: & eādē de causā etiam بهرامان *Bebramān* eandē gemmā notat. Et hinc apud *Arabes* adoptatur Verbum بهرم *Bébrama*, rubuit. Et بهرام *Bébram*, seu بهرام *Bebrām*, sive *Bebramān*, est *Cnicus*, præsertim *Flos Cnici* atque *Flos Isatidis Indicæ*.

XXI. Vicesimus primus Dies est رام *Rām*, i. e. ex vi vocis *lætus*, *bilaris*, *cicur*, *mitis*, *quietus*, quasi ab آرامیدن *quiescere*, ut volunt, quamvis *Eliph cum Medda* non soleat pati *Aphæresin*. Apud *Indo-Persas* vocatur آرام *Arām*, & habetur Angelus hilaritatem & mœstiam dans hominibus: scilicet reputatur *Famulus* τ̃ *Bābman*, & censetur præselle Operibus Servorum, & omnibus rebus ac negotiis hujus diei; in quo, Iter non est suscipiendum, nec aliquid fœnori dandum. Quin & رام *Rām*, inter alia, est i. q. روان *Revān*. Et رام بر زین *Rām ber zīn* est quoddam *Pyréum*. *Indi*, in suā Creationis historiam, quam perobscure tradunt, ponunt tertiæ ætatis Mundi Instauratorem fuisse *Ram*; & sibi invicem benè precantes & salutantes clamant *Ram, Ram*. Ab *Hebraicā* significatione petatum videtur illud *Hesychii*, quod ραμ̃ sit ὁ ὑψιστος θεός sc. Ram est *Excelsus*.

XXII. Vicesimus secundus Dies est باد *Bād*, idem qui *Indo-Persis* & *Gilolensibus* vocatur گواد *Gbuād*, seu *Gowād*, qui *Famulus* τ̃ *Cburddād*. Cūque *Bād* significet *Ventum*, hoc censetur nomen Angeli qui præsist Ventis, atque Connubio & Matrimonio, & conductui omnium rerum quæ fiunt hoc die. In eo, bonum est Equos & alia Jumenta equitationi assuefacere, & novas vestes scindere ac induere.

XXIII. Vicesimus tertius Dies est *Dey ba-dīn*, seu *Dey cum Dīn*. Præterquam quod *Dey* sit nomen *Dei*, iste reputatur Angelus qui *Famulus Dei*, & qui præficitur huic Diei, in quo مغان وازمانی *Magi & Zamadii*, seu *Azmadaei*, Festum celebrant: nam est eorum *Sabbatum*. Hoc die, faustum est preces fundere ad expellendum malitiam *Diaboli*, & ad Liberos à Deo expetendum.

XXIV. Vicesimus

XXIV. Vicesimus quartus Dies est *Dîn*. Secundum *Indo-Persas*, iste est Famulus τ̃ *Ispbendârmôd*. Et cùm hoc nomine significetur *Religio*, iste censetur Angelus qui docet homines Legem Dei, ut eam observent, eisque bonas notiones inspirat: atque huic Angelo deman- data est custodia Calamorum scriptoriorum. Hoc die, faustum est Pueros ad Scholam scriptoriam mittere, atque matrimonium contra- here.

XXV. Vicesimus quintus Dies est ارد *Arđ*, aliàs آرد *ârd*, seu آراد *Arâd*: estque nomen Angeli qui præest Religioni, & omnibus rebus hujus diei, in quo commodum est novas vestes scindendo formare eas- que induere: sed in eo non convenit iter facere, nec de loco in locum migrare. Iste dies ejusque Angelus apud *Indo-Persas* & *Gilolenses* vo- catur ارشسنگ *Arshâsangh*, qui reputatur Famulus τ̃ *Ispbendârmôd*. Dictus Angelus hominibus dat divitias & intellectum atque memo- riam; & is est Dominus scientiæ, & ipsius est omnium Creatura- rum necessitatibus prospicere, ex infinito Dei Thesauro ejus Curæ commisso.

XXVI. Vicesimus sextus Dies est *Ashtâd*, *Indo-Persis* & *Gilolensi- bus* *Astâd*, quem reputant Coadjutorem τ̃ *Murdâd*: & præficitur Aquis, & rebus ac negotiis hujus diei, in quo, bonum faustumque est Petitiones facere, & Eleemosynas dare, & vestes novas scindere, eas- que primò induere.

XXVII. Vicesimus septimus Dies est *Afomân*, i. e. *Cælum*, sic dic- tum nomen q. d. آس مانند *âs mânand*, i. e. *molæ similis*, in quotidia- nâ gyratione & circumvolutione suâ. Est sc. *Cælus*, seu *Uranus*, & habetur nomen Angeli qui *Indo-Persis* est Coadjutor τ̃ *Sbabrêar*, & qui præest mercaturæ, atque etiam mortuis, & conductui rerum hoc die tractandarum. Hoc die, bonum est بنصر نور شدن — nullum autem aliud opus facere aut tractare. Heic extat mendum in exem- plari Perfico.

XXVIII. Vicesimus octavus Dies est رامیان *Zamiyâd*, D. Gravio & Scaligero malè رامیان *Râmiyâd*. Aliàs autem apud Orientales sub- inde scribitur جمیان *Gjamiyâd*, & رمیان *Zamiyâd*, vel cum *Teshdîd* super *Ye*, *Zamiyâd*. Iste, secundum *Indo-Persas*, est Coadjutor τ̃ *Mordâd*; est scilicet Angelus qui præficitur terræ, & cui commissâ est cura rerum hujus diei, atque custodia حوران بهشت *Harâmî bebisht*, i. e. *Virginum Paradisi*. Harum quoque mentio fit in Libro *Sad-der*; unde constat, reverà veteres *Persas* memorare tales metapho- ricas,

ricas, (non reales,) uti etiam faciunt *Arabes Mobammedani*, ut ex *Alcorano* patet. Videri quoque potest *Erdavirâph-nâma*. Hoc Die, faustum est semina ferere, arbores plantare, & ædificia facere. Hoc nomen in Libro *Nim.* & aliis Libris, subinde falsò scriptum reperi راميناد, *Râminâd*, & راميان, *Râmiyân*, &c. quod monendum duxi, ne aliquis feducatur.

XXIX. Viceſimus nonus Dies est مارِسْفَنْدَن *Mâriſſpband*, seu مارِسْفَنْدَان *Mâriſſpbandân*, seu ماراسپندن *Mâriſſpand*, five ماراسپندان *Mâriſpandân*, vel مِهْراسْفَنْدَن *Mabriſſpband*, seu *Mahirâſſpband* : tot enim modis legitimè ſcribitur. Sunt ex *Indo-Perſis*, quibus *Mâriſſpband* habetur Famulus τῚ *Iſpbandârmod*, seu *ipſa Bonitas* cum hominibus communicata, ſc. Angelus qui Bonitatem illis impertit. Iſte Angelus præfectus eſt Aquæ & omnibus rebus hoc Die gerendis. Iſto Die, faustum eſt matrimonium contrahere & cum amicis confidere.

XXX. Triceſimus Dies eſt اديران *Anîrân*, pro quo, in quibuſdam Lexicis peſſimè & vitioſiſſimè ſcribitur ايزان *Izân*, tranſpoſitis punctis, ſcribarum lapſu, ut in aliis ſæpè fit. Iſte, apud *Indo-Perſas*, reputatur Famulus τῚ *Shabrîvar*. Eſtque nomen Angeli qui præeſt conjugio, & omnibus rebus hoc die gerendis. Secundum quosdam, præeſt pecuniæ & divitiis. Hoc Die, *Zerduſht* intravit in *Irân*, seu *Perſiam*, & venit primò in *Aderbayagjân*. Iſto Die, præſtat novas veſtes ſcindere & induere, & ungues præſcindere, & pecuniam fœnori dare.

Dictos dies menſis ſequuntur V Dies Appendices ſuprà recenſiti, qui hodie, & à tempore *Gjelâleddîn*, ab *Aſtronomis* rejiciuntur in calcem menſis *Iſpbandârmaz*, ſcil. in finem Anni *Gjelakei Perſarum Mobammedanorum*, quorum non eſt V Appendices ut Fèſtivale tempus celebrare. Hi autem à ſolis *Magis*, seu *veteribus Perſis*, celebrantur, quaſi in veterè Anno occurrentes in fine menſis *Abân* ; idque, dictis V diebus junctim adſciſcendo V alios ultimos dies dicti Menſis *Abân*, qui omnes ſimul (ut in *Ph. Gi.* dicitur,) faciunt دَرُوژ *Debrûz*, seu *Decendium* ; quòd in primo die Menſis *Azur*, apud veteres, excipiebat *Equitatio imberbis* ſuperiùs deſcripta, idque, loco τῚ *Naurûz* recentiorum : nam *Naurûz*, propriè ſic dictum, tunc nondum erat notum. Appendicum itaque Fèſtum *decendiale* accipiendum eſt tanquam in fine menſis *Abân*, ſcil. à XXVI ejus die incluſivè : nam cum Appendicum *Pentade* (majoris ſolennitatis cauſâ) conjungebant aliam ex Menſe deſumptam *Pentadem* : ab Appendicibus tamen ſolis (tanquam à præcipuis) denominatur Fèſtum, idque, propter gaudium

feliciter finiti anni, & completi quondam Operis Creationis CCCLXV diebus, seu uno integro anno absoluti. Nam in Libro *Sad-der* sextum Creationis *Tempus* dicitur fuisse in *پنجی روزیسان* *Pentade sacrâ*, seu *Pentade Verbi Divini*, quippe quæ in Dei Verbo præscripta, hoc est, in Operibus *Zoroastris*.

Horum particularia nomina superiùs suo loco adducuntur. At quoad generalia nomina in Anno Solari, *Latine* vocamus *Appendices*, quia in fine Anni veniunt tanquam *Appendix*. Apud *Plutarchum* istæ dies dicuntur *Ἐπαγόμεναι* *superinductæ*. Quo generali nomine apud *veteres Persas* vocati fuerunt *Appendices*, jam vides: & apud *recentiores* hodie vocantur *دزدیدان* *Duzdîda*, *Furtivi*, seu *پنجی روزی* *Pengja duzdîda*, i. e. *Pentas furtiva*, quia extra mensium ordinem, quasi furtim, & privatim, anno appenduntur. Hinc de *Persico Anno* scribentes *Arabes*, istos dies *مسترقا* *Mustéraca* etiam *Furtivos* vocant. [Aliter autem, *Arabico* nomine *نسی* *Nesi* intelliguntur *Lunaris Anni* intercalares dies, qui, quasi per biennium *obliti* & *neglecti*, ad triennem *Intercalationem* reservantur.] Ut verò de *Solaris Anni* *Appendicibus* pergamus; hi apud *Chalîl Sûpbi* *Sionensem* (quasi à primo horum die *اهنود* *Abnavad*) vocantur *اهوادى* *Abvând*, in singulari collectivè: apud *Nim. Laud.* quasi in plurali *اهوادار* *Abvandâz*, malè, pro *اهوادان* *Abvandân*. Apud *Alpberganum* sat commodo nomine appellantur *ادرجاہات* *Andergjâbât*, quod magis *Persicè* dicendum esset *ادرجاہان* *Andergbâbân*, i. e. *intermedia tempora*, scil. inter veterem annum & novum.

Quinetiam, præter supradictum nomen *Pengji Mazdiyâsenân*, hi dies à veteribus dicti fuere *فروردگان* *Pbervardagbân*, & *Arabizatâ* formâ *فروردجان* *Pbervardagjân*, & subinde *فرورجان* *Pbervargjân*, atque *فروردیان* *Pbervardiyân*, & *پوردیان* *Pûrdiyân*, seu *پوردگان* *Pûrdagbân*, sive *پوردگان* *Pbûrdagbân*, vel *Arabizatè* *فروردجان* *Pburdagjân*, seu *فروردجان* *Pbervardigjân*, quod nomen *D. Golius* à primi mensis *Pbervardîn* nomine deductum putat, quia inter *Isphendârmaz* & *Pbervardîn* intermedii veniunt isti *Appendices* in Anno *Gjelaæo*: at in Anno veteri non item. Ideoque nisi ad solum recentiore annu pertinerit hoc nomen, illius conjectura non potest esse vera, cum isti *Dies Pbervardigjân* venerint intermedii inter *Abân* & *Adur*, à mense *Pbervardîn* procul disjuncti & remoti. Istos enim *Appendices*, seu *Adscititios Dies*, propter supradictas rationes celebrabant veteres in fine

fine mensis *Abân*, hoc tempus magni facientes, vestes meliores induendo, & lætitiâ agendo & geniis indulgendo, largiore potu & delicatioribus cibis & fructibus epulas instruendo & festum agendo. In omnibus autem Festis diligenter observabant matutina tempora precum, priusquam gaudio habenas solverent, Tempia adeundo & precando: & ditiores mittebant ad pauperiores *Munuscula* dicta *داشن* *Dâshen*. Ludos quoque publicos exercebant, inter quos erat *کساره* *Gbâza*, seu *Oscillum*, variis etiam aliis nominibus appellatum: hocque non tantum à pueris factum, sed à viris & foeminis, propter ventilationem quam affert in calidioribus illis regionibus. In hujusmodi Festivitatibus solebant etiam habere Poëtas & Fidicines & Comœdiarum Actores dictos *سارده* *Sâzânda*, quorum Remuneratio pro labore suo dicta est *پارنج* *Pârangj*, i. e. *Pedum labor*, sc. aliquot Nummi eis dari soliti. Antiquissimis temporibus (quando habebant Reges ejusdem Religionis,) hisce Ludicris aliquando adesse solebant Reges & Principes induti *بساک* *Basâk*, seu *Serto* ex floribus, quod in omnibus diebus Festis & Nuptialibus Principes & Magnates induebant: ex quorum habitu etiam tunc erat *پرگر* *Perghèr*, seu *پرگار* *Perghâr*, i. e. *Torques*, seu *Collare*, quod in colla sua, & aliquando in equorum suorum colla injiciebant. Erâtque peculiaris quædam Saltatio seu Tripudiatio à *Magis* usitata, dicta *دستبند* *Destbend*, i. e. *manuum junctio*, seu *commissio*, ubi junctis manibus choréam ducebant. Hæcque Saltatio alio nomine etiam dicta fuit *پنج* *Pengja*, i. e. *Pentas*, seu *Pentadium*, vel quia in dictâ dierum *Pentade* præcipuè exerceri solebat, vel quia *Pengja* etiam *manus*, seu *prioris pedis*, significationem habet, ubi *تاى پنج* *pengja* conjunctio erat.

Festivale tempus & Festum ipsum seu Convivium in genere vocatur *چشنى* *Tcheshn*, quod potius *Medicum*: nam antiquiore nomine *Persico* vocatur *درون* *Derûn*, atque *میزد* *Meized*, quod respondet *מישטה* *Mishte Abasueri* in Libro *Esther*, utroque notante *Compotationem*, seu *Convivium vini*: & tale Festum celebrare, erat *درون میشتن* *Derûn yéshen*. Talis etiam erat *Babyloniorum* *Σακία*, sc. *ساقیه* *Sakía*, *Compotatio*, seu *Propinatio*.

At, præter superiùs dicta Festa statâ & fixa, erat quoque Festum vagum, semel quovis anno, quando aliquis voluit, pro libitu faciendum. A *Persis* in *India* fere quovis mense fieri solet: sed semel in anno non erat à quopiam negligendum. Hoc Convivium, seu hæ

Epulæ, plurale habet nomen *آفرینگان* *Apherinagban*, i. e. *Benedictalia*, seu *Benedicendi Epulæ*, quas vocabimus *Parentalia*, quia hæ Epulæ erant convivium in piam commemorationem Parentum & Amicorum defunctorum, quorum memoriæ benedicebant viventes, piam eorum vitam & felicem exitum recolendo. Si *Romanorum*, apud *Varronem*, vocem adhibere volumus, tales Epulæ vocari possunt *Manalia*, seu potius *Manialia*, in quibus Parentum & Consanguineorum *Manibus* litari solebat. Nam *Romanorum Manes* erant defunctorum *Animæ*, quæ post mortem & corporis dissolutionem *manere* credebantur: unde *Diis Manibus* quædam solennia erant Sacra. Dictæ autem Persarum Epulæ parentales præcipuè fieri solebant in diebus *Appendicibus*, quando defunctorum *Manes* è suis locis prodire credebantur, referente *Cazvinio*; *جرعون ان ارواح موتاهم تخرج في هذه* *existimabant mortuorum suorum Manes* [seu *Spiritus*] *illis diebus prodire ex præmii & supplicii sui locis*. Atque Præceptum in Libro *Sad-der* extans, *Memor esto animæ patris & matris*, &c. vel huc spectare videtur, vel saltem spectabat ad aliam Solennitatem dictam *شب غریبی* *Noctem peregrinam*, vel fortè *Noctem peregrini*, in qua Panis & Dulciariorum Eleemosynam, primâ mortuorum nocte, distribuebant propter Spiritus eorum reunionem cum hominibus. Et talis in oriente consuetudo comperta est ad hunc usque diem durare, tam inter *Armenos* & reliquos *Christianos* quàm inter *Mohammedanos*: ideoque *Sbeich Saadi* in Libro *Gulistan* memorat *صدقة گور پدرت* *Eleemosynam sepulchri patris tui*, dum aliquem Filium de hac re alloquitur: nam super ipso sepulchro distribui solent tales *Eleemosynæ*, quæ videntur peculiari nomine Persico vocari *جرىک* *Gjerbek*, quod in *Pb. Gj.* exponitur, *Id quod in Eleemosynâ datur pro Spiritibus mortuorum*, dum super mortuorum tumulis Epulas struunt.

Dicta eorum in hoc Capite opinio de Angelorum super res inferiores Præfecturâ, apud alias etiam Gentes orientales obtinens, fundata fuit in *Veteri Testamento*, eorum Legislatori *Zerduſt* benè noto. Et idem agnoverunt Viri Sancti in *Novo Testamento*, ubi Angeli vocantur *Ministrantes spiritus pro iis qui sunt hæredes salutis*. *Indo-Persæ* credebant eos sibi opitulari contra furorem Diaboli, idque ab eis impetrabant, cum aliis aliquando necessitatibus, quas Deus, per eorum manum, humano generi porrigendas & administrandas ordinavit.

Sed

Sed in modo subinde errârunt; cùm à Deo roganda essent talia, ut, si ei placet, Angelos suos mittat: illi enim sine Domini missione, nihil agunt motu proprio. At (quamvis superstitiosa aliquando incautè admiscerent Persæ,) aliunde fatis constat, eos credere Deum in omnibus necessitatibus primò adeundum, & Angelos non nisi ex Delegatione aliquid facere solere, ut oportet Ministros qui sui Domini res promovere debent. Ideoque *Zoroastris* Præceptor *Hostones* docebat, *Angelos veri Dei venerationi assistere, ut, nutu ipso & vultu Domini territi, contremiscant.* G. p. 275. Unde constat, Persas eos non coluisse, nec credidisse quòd divinum aliquem cultum sibi exigent.

Sunt autem Angeli ad nutum Domini sui, tam ad conservandum & juvandum, quàm ad puniendum & malum inferendum, ut in *Conflagratione Sodomæ*, & in *Pestilentia* tempore *Davidis*, &c. Talia autem omnia secundum missionem suam: nam ἄγγελος est *missus*, ab ἀγγέλλω, ut & *Hebraice* מלאך *Mal'ach* à לֵאךְ *laac*, quamvis *Radix* hodie non sit in usu in lingua *Hebraicâ*; sed in aliis vicinis linguis extat, ut in *Æthiopicâ*, ubi ለእኩ *laaca* est *misit*, *legavit*, & ለእኩ *lâ'ky* est *minister*, *samulus*. Et in *Lingua Arabicâ* tam لى *laaca* quàm الى *alaca* est *misit*. Et ut in *Testamento Novo*, sic etiam in *Veteri* vocantur משרתים *meskarethim*, *ministri*, *ministrantes*, ratione officii sui. Ut itaque eorum qualitates ex nominibus deductas persequamur; propter indefinentem curam, & perpetuam in ministerio divino vigiliam, nunquam dormiendo, in *Libro Danielis* vocantur עירם *Irîm*, *Vigiles*; scil. *Vigil*, seu sanctus aliquis Spiritus, ad *Danielem* missus est, à cœlo descendens. Hoc eodem sensu usurpatur dicta Vox in *Chaldaeorum Liturgia* in Hymno, חבא סולא *Angeli & Homines te laudant Domine*, &c. Et quia præditi sunt plenitudine potentiae ad exequendum voluntatem Dei, & omnia jussa divina præstandum, ideò à Davide *Psal. LXXVIII. 27*, emphaticè vocantur *Fortes*, quia omnium Creaturarum fortissimi: sic ibi legitur, לחם אבירים *Panem fortium comederunt*, i. e. Angelorum hyperbolicè, quasi Angeli ederent, cùm reverà non edant. Apud *Gjeubarium* معقبان *Moakkibât*, i. e. *Succedentes*, vocantur Angeli Diei & Noctis, quia successivis vicibus in perpetuum se invicem excipiunt, dicendo سبحان لله *Sebbâna lillâhi*, i. e. *Laudes Deo*.

Persæ, tam *veteres* quàm *Mohammedani*, credunt quemque habere suum Angelum custodem, sed potius duos, bonum & malum; idque à pueritiâ, nam ex dicto *Christi*, Infantes etiam suos Angelos habent.

bent. De Angelis particularium hominum docet id de *Jacobo*, *Angelus meus*; de *Petro*, *Est illius Angelus*; cum plurimis ejusmodi aliis. Præficiuntur etiam multò magis Regionibus *Archangeli*, (quamvis jam cessante Revelatione, de eâ re nunc fileatur,) ut in Libro *Danielis* X. 13, 20, 21 legitur de Angelo regni *Persiae & Græciæ*, & de *Michaele*, *Principe Israelitarum*, seu *Judæorum Custode*, qui unus ex *præcipuis Principibus*, sc. primi Ordinis: *Principum* enim honorifico Titulo decorantur. De *Michaele* apud *Ežeri* legitur, *מִכָּאֵל מִן הַמִּקְרָבִים* *Michael est ex Angelis propinquis*, sc. ex *Cberubinis*. Is *Persicè* vocatur *بشتر* *Beshter*, & creditur Alimentum populo suppeditare: sic *Turgj. Arabs*, *میکائیل فرشته روزگار* *Michael est Angelus Alimentorum*, seu *demensorum diurnorum*, sc. qui alimentum & annonam omnibus suppeditat ex infinito Dei Thesauro. In *Targum* ad *Exod.* XXIV. 1, vocatur *סֵרַפְיָן חֲכָמָתָא* *Præfectus Sapientiæ*, scil. *Sapientum*, qui & multa sapit: sed nil præscit nisi quid velit Deus, prout decet *Servum*. De eo legitur in *Targum* ad *Psal.* CXXXVII. 7, *מִכָּאֵל רֵבֵה דִּירוּשָׁלַם* *Michael est princeps r̄s Jerushalem*: & ad *Cant.* VIII. 9, *מִכָּאֵל רֵבֵהוֹן דִּישְׂרָאֵל* *Michael Magister seu Præceptor Israelis*, vel aliàs *Princeps* seu *Dux Israelis*. Cùm itaque constet *Michaelem* semper fuisse *Judæorum & Israelitarum Angelum*, eorumque *Ducem & Principem*, qui illorum curam gerebat, haud multùm dubitabitur quin is ipse fuerit qui luctabatur cum *Jacobo*, & qui innotatus in Veteri Testamento toties apparuerit. Regnorum itaque Mundi Invisibiles Principes fuerunt, & adhuc sunt, *Archangeli* dicti *Cberubini*, seu *propinqui*, cum quibus junctim numerari solebant *Seraphini*, ut in *Psalmo* legitur; qui videntur sic dicti, quasi *Ardentes*, seu *Flammantes* tot igniculi seu flammulæ, ut alibi in *Psalmo*, *Facit Angelos suos spiritus, & ministros suos Ignem flammantem*. Hi a plerisque habentur distinctus Angelorum ordo: sed cùm Epithetorum combinatio solet esse exegetica, probabile videtur *Cberubim* & *Seraphim*, unum tantùm eundemque Angelorum ordinem denotare. Cùmque perpetua sit Regula, quòd *Heb.* שׁ *Shîn* in ling. *Chald.* mutetur in ת *Tbau*, probabile est quòd *Heb.* שְׂרָפִים *Seraphim* à *Labano* & *Chaldæis* dicti fuerint תְּרָפִים *Teraphim*, quorum quidem Angelorum Imagines fingere gestiebant veteres *Chaldæi*. Hocque de *Seraphim* colligi posse videtur ex eo quod habet *Turgjemân Arabs*, *اسرافين فرشته صور* *Isra-phîn sunt Angeli Figurarum*, seu *Imaginum*, sc. *Seraphini* sunt quorum Imagines formari solent.

Judæi

Judæi non fuerunt minimi in assignandis Angelorum Officiis. Apud eos נקיד *Nekid* erat Angelus qui Cibis præerat, & Panis custodiæ præfectus. Et שברירי *Sbabriri* (quasi à *Sbab*, seu nocte,) erat Angelus scotomatis: ארגניטון *Argeniton* præficiebatur Balneis: יורקמו *Yorkemo* erat præfectus Grandini. Alii sunt יובק *Yubak*, & סנדלפון *Sandálpbon*, & טנדריאל *Tandariel*, & גזרדיא *Gazardaia*. Ex majoribus erat אוריאל *Uriel* Archangelus, qui (2 Ezdr. IV. 1, 36, collocutus est cum Ezrá. Talis etiam erat סוריא *Suriel*, (seu potius שוריא eodem sono,) aliàs dictus שר הפנים *Sar bappanim*, i.e. *Princeps facierum*, seu *Præsentia*, quia semper coram Dei facie & præsentia, in ejus conspectu præstolans & missionem expectans. Volunt enim quòd sic dictus fuerit, quòd coram Deo continuò versetur, & sit המלך *dignus versari in conspectu Regum*, ut sit à Deo Legatus ad Reges & Principes, ut legitur in *Berachoth* fol. 51. 1. Item עוזיאל *Uzziel* & ejus Socius שמחזאי *Sbámchazai*, sunt Angeli qui deciderunt ex Cœlis, & commixti cum hominibus, genuerunt Gigantes. Proh nugæ! Et לילה *Láyela*, q. d. *Nocturnus*, erat Angelus præpositus Conceptui & Partui. In *Talmude* legitur, *Is accipiens guttam, eam fistit coram Deo & dicit, O Domine Mundi, gutta ista quidnam erit? fortis an debilis, sapiens an stultus, pauper aut dives? Sed non dicit, Justus an improbus?* Rabbini volunt לילית *Lílith*, q. d. *Nocturna*, esse *Strigem*, seu *Dæmonissam*, sive *Lamiam* nocturnam, quæ Infantes rapit & occidit. Unde Judæi (præsertim per Germaniam) circa Lectum Puerperæ & in IV parietibus Cubiculi in quo Puerpera cubat, cretâ solent scribere אדם חוץ לילית *Adesto Adam & Eva, sed foràs esto Lílith*. Adscribunt etiam tria nomina Angelorum qui Medicinæ & hominum Curationi præficiuntur, qui סנוי *Senoi*, סנסנוי *Sensenoï*, & סמנגלופ *Sammángaloph*. Eandem opinionem de *Strigibus* habuere Latini. Loca adduxit *Clariss. Buxtorfius*, quem videas.

Hæc sufficiunt monstrare Persas non fuisse solos qui Angelorum Ministerium crediderunt, & peculiaria eis Officia assignarunt. In *Talmude Hierosolymitano*, in *Rosb ba Shana* prope initium, scriptum est, *Nomina Mensum & Angelorum ascendisse cum Judæis ex Babyloniâ*, ut גבריאל *Gabriel*, מיכאל *Michael*, אייר *Iyâr*, ניסן *Nisan*, &c. Quibus verbis insinuatur Judæos à Chaldæis & Persis talia didicisse.

Sed, ut suprâ dictum, quòd *Michael* fuerit Princeps Judæorum, petitum est ex *Dan. XII. 1*, *Michael magnus Princeps qui stat pro filiis populi tui*. Et alibi, *Michael Princeps vester*: à cujus partibus etiam stetit *Gabriel*, qui ad *Cbristi* nativitatem prænuntiandum missus, dicit,
Ego

Ego sum Gabriel qui adsto in præsentiâ Dei, ut eò meliùs Annuntiationi suæ fidem facere posset. Is erat *Dan. X. 12, 13*, innominatus Angelus qui (uti colligitur ex *Dan. VIII. 16*, & *IX. 21*,) veniebat consolaturus *Danieli*, eique prædicturus quid eveniret in *ultimis diebus*; quod citiùs fecerat, nisi quòd *Princeps* regni *Persiae* ei resistebat *XXI* diebus, seu annis. Sed in subsidium ejus veniebat *Michael*, unus ex Archangelis, qui, ex *Judæorum* sententiâ, sunt *IV*; & ex *Apoc.* videntur esse *VII*; scil. *VII Angeli cum VII Pbialis divinae vindictæ, & VII Spiritus Dei sicut tot Lampades coram Throno.* Et dictus ille numerus expressè docetur *Tob. XII. 15*. At cùm egressus esset *Michael*, en *Princeps Græciæ* veniebat, contendens ut *Græcis* subjugarentur *Judæi*. *Grbriel* autem (*Michaelis* consors & Socius,) mansit cum Principibus (qui vocantur Reges) *Persiae*; scil. contendens & altercans cum illis Angelis, causâ *Judæorum*: nam omnium Regionum Principes, seu Angeli, sociati sunt contra *Judæos* & eorum Principem, uti constat ex ultimo versu dicti Capituli, *Nemo firmiter tenet mecum in hisce rebus, nisi Michael Princeps vester.*

Quis fuerit Angelus Imperii Persarum, expressè non docetur. Sed, si conjecturæ locus, videatur fuisse רפאֵל *Rapbaël*, qui missus (secundùm nominis significationem) ad sanandum *Tobiam* & Uxorem, *Tob. III. 17*. Iste Angelus videtur *Persiae* & *Mediæ* præfuisse, non tantùm quia missus est ad deducendum in *Mediam Tobiam* juniorem ad *Raguel* in *Ecbatani*, sed & quia agnoscit se aliàs in *Medicâ* regione versatum fuisse, quòd aliquando commoratus fuerit apud *Gabaëlem* in *Rbagis* in *Media*, & rursus apud eundem diversatus est *Tob. IX. 5*. Et profitetur se longè antehac occupatum fuisse in *Mediâ* apud *Tobiam* seniore, in memoriam afferendo Preces ejus apud Sanctissimum, dum clanculùm sepeliebat suos populares mortuos, quos in irâ suâ interfecerat *Sennacherib*, cui *Tobias* erat *Oeconomus*. Adeò ut, haud multùm dubitetur, quin is fuerit Angelus qui istius regionis res curabat. In hac itaque expeditione *Rapbaël* defunctus est tantùm eo quod erat illius Provinciae & ad illum ex officio propriè pertinebat, ut *Tob. V. 4, 6*: & *V. 12*, iste vocavit se *Azariam*, ut specie tenùs satisfaceret *Tobiæ*. Sed quis fuerit, planè tandem agnoscit *Tob. XII. 15*, *Ego sum Rapbaël, unus ex septem Angelis sanctissimis qui Deo offerunt Preces Sanctorum, & qui intrant & exeunt in conspectu Gloriæ Sanctissimi.*

Ex supradictis *Gabrielis* verbis constat, omnium regionum Angelos fuisse Bonos, quia *Gabriel* supponebat eos debere esse ab ejus partibus, quamvis non essent: nam id omninò supponi nec petuit
nec

nec debuit de Angelis malis ut se sociarent cum *Gabriele*, nec ut is id pateretur. Absonum itaque imaginari *Persas*, aut ullos alios, qui semper agnoverunt Deum, positos fuisse sub dominio mali Angeli, quamvis Princeps eorum pugnabat cum *Gabriele*. Omnis ergo durabilis Præfectura est *bonorum* Angelorum, non autem *malorum*: nam Deus nunquam præficit Diabolum alicui Regioni. Deus quidem, pro tempore, permittit Diabolo punire, ut in casu *Jobi*. Et alibi minatur, *Mittam Angelos malos inter eos*; ab effectu sic vocando Angelos *bonos*, rei malæ nuntios & ejusdem executores, ut in destructione *Sodomæ* & *Peste Davidica*, &c. ad puniendum pro brevi tempore. Tales erant IV Angeli alligati in flumine *Euphrate* *Apoc. IX. 14.* Nam bonorum Angelorum sæpè fuit mala missio, ut *Apoc. XV. 6, Septem Angeli è templo Dei egressi sunt cum VII Plagis*. Tales sunt Angeli Perditores, ab officio sic dicti. Et quamvis hæc essent tantum in Visione, Visiones semper repræsentabant res possibiles & quæ veræ esse possent.

Quid autem sentiemus de bonorum Angelorum inter se dissentione? Videntur quidem contra se invicem pugnare (i. e. disputare) sub diversis Missionibus; ubi quisque suam tuetur Missionem, donec veniat Dei, tanquam supremi Judicis, Decisio & definitiva sententia. *Grotius* dicit, *Quod, veniente Christo, sublata est ista Angelorum inter se contentio*. Sed ubi ejus opinio fundetur, non constat. Nec opus est ut tollatur talis eorum contentio, cum non sit hostilis, sed tantum amicabile disputatio, seu altercatio, cujus necessitas & usus hodie est, æquè ac olim fuit. Et quamvis hoc imperfectionem arguat, nemo miretur: nam cum Angeli sint Creaturæ, non possunt esse æquè perfecti ac eorum Creator: sed planè videntur suas habere imperfectiones, uti colligitur ex primo eorum peccato & lapsu; & ex *Job IV. 18, Non confidit ministris suis, & Angelis suis imputat stultitiam*. Cumque naturâ suâ non sint tantum peccabiles, sed & verè peccaminosi, & hodie, æquè ac olim, inobedientiæ & contumaciæ capaces, non est cur diffidamus post primum lapsum rursus cecidisse alios, & hodiè etiam dari labentes & lapsuros. Hæcque omnia tam ad præcavendum mixtum aliquem in cælo statum, quam ad præstitutam hujus Mundi constitutionem, ex bono & malo mixtam, obtinendum; quam sapientissimi Creatoris prævisio duxit necessariam. Hæc sunt problematicè dicta. Nam ut non innotuerat nobis Lapsus primus, nisi per divinam revelationem, sic nec absque eâ possumus esse certi de Lapsu aliquo secundo.

1 Quæ sequuntur ad finem usque capitis, prima Editione legebantur Append. No. IX.

Lingua *Persica* (ut vides) Angelorum nominibus abundat; ut & *Hebraica*, si Judæis fides: & sic lingua *Arabica*. Quoad Angelorum nomina, ea quæ reverà talia sunt, (apud illas Gentes quæ S. Biblia amplectuntur,) ex ipsis Bibliis petita sunt, ut *Michael*, *Gabriel*, &c. Alia à *Rabbinis conficta*, & ad horum normam composita, in *Europæorum* Libris circumferuntur. Et ut dantur nomina Bonorum Angelorum, sic & Malorum, seu Diabolorum; uti constat ex nomine *Beelzebub*, qui Diabolorum Princeps; & ex *Christi* quæsito, *Quid est nomen tuum?* cui ab illius *Legionis* Duce statim responsum est nomine numerum indicante. Ea, quæ in S. Bibliis, nomina, fortè non fuerunt à Deo imposita, (cum is vix vocet Angelos ullis nominibus,) sed ea, pro natâ aliquâ occasione, sponte assumpta sunt ab ipsis Angelis, qui talia nomina suæ naturæ suove Officio adaptâsse præsumantur; ut, *Ego sum Gabriel*, &c. Sed cum cœlites (prout nobis videtur) nec inter se, nec cum Deo, utantur sermone aut loquelâ, constat talia Nomina assumpta fuisse nostrî causâ, condescendendo ad captum nostrum, cum nobis, distinctionis gratiâ, Nomina sint necessaria: illi autem inter se aliam conversandi & intelligendi rationem à nostrâ prorsus diversam & nobis inexplicabilem habent. In Angelis itaque, tam Nominum, quàm externarum Formarum, assumptio est tantum in accommodationem ad captum humanum; cum in cœlo, nec Nomina nec externas Formas habeant, nec inter Deum & illos unquam est sermocinatio, assâ voce, aut disertis verbis, in ullâ Linguâ, sed tantum communicatio per intuitum, seu mentalem quandam intuitionem & intelligentiam nobis incognitam. Ideoque futulis est quæstio, *Quænam lingua erit in cœlo, an Hebraica vel alia?* cum ibi non futura sit ulla lingua, nec *Hebraica*, nec alia. Sed quamvis Beatorum Animabus in cœlo non necessarius sit Sermo, refictis tamen corporibus, in novâ terrâ, à Divo *Paulo* memoratâ, necessarius erit. Quænam itaque in terrâ renovatâ & reparato Mundo futura sit lingua (in omnium rerum restitutione,) potest esse quæstio. Si autem in cœlo nullæ sint voces, nec soni, sed altum silentium & perpetua tranquillitas, illæ *Laudes* & *Cantationes* & *Celebrationes* quæ in Sacris Scriptis memorantur, non factæ, nec faciendæ sunt, audibiliter & vocaliter, sed intelligibiliter & intentionaliter & mentaliter per Exertionem Divinam & Intelligentiam plusquàm humanam, quâ Creaturæ suum Creatorem intuebuntur, & agnoscent, & intelligent, & vicissim ab eo agnoscentur & intelligentur. Ut enim Voluntas Divina est & erit

erit peculiari modo hominibus revelata & illuminatis mentibus inspirata, sic etiam à nostrâ parte Dei Laudes erunt tantùm cordialiter, ex abundantia gaudii in illo, essendo Beatificæ Visionis fruitione felices. Nam Deus, qui *Mens pura*, aliorum omnium *mentes à longinquo novit*, absque loquelæ sono: cùm habere opus Sermonis, argueret (quod absit!) imperfectionem in Deo, qui est ὁ *Καθολογνῶνς*, tam Hominum quam Angelorum cogitationes noscens, prout dicitur, *novit quid est in Corde Hominum*, cum ejusmodi dictis aliis. Ille quidem aliquando per se, aut Angelos, dignatus est vocem assumere & fingere, seu imitari, & audibiliter loqui, gratiâ hominum, qui alia & altiora quàm quæ audiverint, non capiunt; & quæ non viderint, mente non concipiunt nec comprehendunt, nec adæquatam de eis notionem habere possunt. Sed tandem, quando mentis oculi erunt aperti, & anima divinâ inspiratione & cœlesti instinctu informata, tum omnia erunt nobis patentia & oculis nostris conspicua, & Spiritus, jam invisibiles, tunc suapte naturâ erunt nobis visibiles, substantialem & rationalem eorum Formam videndo. Christus quidem & Beati homines, qui jam in cœlo corporaliter existunt, habentes sermonis organa, proculdubio possunt naturaliter loqui; sed eis non est opus loquelæ, quia *cognoscunt prout cognoscuntur*, & alio modo vident & percipiunt ut Angeli Dei. Deus quidem (quantum nobis mortalibus ex S. Scriptura colligere liceat) nunquam locutus est ad homines; sed quando is dicebatur *loqui*, tum Angelus à Deo & ejus Nomine *loquebatur*; (ut inquit Propheta quidam) *Angelus locutus est ad me per Verbum Domini*. Et hoc semper subintelligendum est, quamvis non tam expressè dicatur. Ad quid enim habet tot ministros, si ipse omnia propriâ personâ peragere dignaretur?

Et ut de Angelorum nominibus, ita etiam sentiendum est de Nominibus Stellarum, (ut *Ash*, & *Aish*, & *Cbesil*, & *Arcturus*, & *Orion*, & *Pleiades*, &c.) scil. quòd non à Deo, sed ab aliis pro arbitrio imposita fuerunt. Nam quamvis Deus dicatur *novisse stellas*, & *eas omnes nominibus suis vocasse*, his verbis non intelligitur omnes Stellas habere nomina particularia, sed, quasi haberent, tantùm declaratur maxima Dei potentia, quòd sc. in genere omnia novit, etiam hominibus impossibilia; & pro exemplo, quòd particulariter novit Stellas, non tantùm majores, sed & minores, quamvis sint multæ myriades nobis incognitæ & indistinctæ quæ *Viam lacteam* faciunt & implent. Non tamen per aliqua nomina à se imposita eas novit, cùm Deus non utatur prolato sermone, aut colloquio ullo, (nisi ex misericordiâ erga

homines,) nec eo opus habet, quod in illo (ut dictum) imperfecti-
nem argueret: nam illius *velle*, est loqui & præcipere; & illius *velle*
scire, est reverà scire. Deus quidem novit stellarum nomina à nobis
imposita, (quamvis eis non utatur,) quia est omniscius: nos autem
earum paucis, eisque majoribus, imposuimus nomina, cum reliquæ
earum turbæ sint innominatæ. Si quis Stellis daret secundum earum
naturam nomina, in genere eas vocaret *Terrellas*, & in specie *has vel*
illas Terrellas; cum sint Corpora opaca quale est Terra, & earum
lux seu splendor sit accidentalis, à Sole mutuatus; sintque sicut toti-
dem Mundi, non quidem habitati, sed habitabiles, si Deo aliquando
videbitur.

Quoad Angelorum nomina apud *Persas & Cbinenses* & quascunque
nationes *S. Biblia* non amplectentes, ea non sunt profecta ab ipsorum
Angelorum ore, ut *Ego sum ò deus*, sed sunt prorsus pro arbitrio ho-
minum qui ea excogitarunt & suæ hypothese aptarunt. Persica no-
mina suprâ exhibentur. *Sinica* in suo *Calendario* extant, ubi inter
alia sunt *Çan-tchegh*, & *Çen-sbu*, & *Po-sû*, & *Liè-sû*, qui IV Anni
quadrantibus præfunt. Hoc modo de eis quæ ardua & supra nos sunt,
loqui tentavimus: si quis nobiscum non sentit, liberum est ei judi-
cium. Difficile est de Deo satis dignè loqui: si quid de eo indignum
protulimus, ipse pro infinitâ suâ misericordiâ imbecillitati nostræ con-
donet, & conatibus nostris faveat, ut semper id quod est *Θεοπραγμᾶς*
de Deo loquamur *ἀνθρώπων πρὸς τὸν Θεόν*.

C A P. XXI.

*De veterum Persarum Legislatores. De Ecclesiæ primitivæ & orthodoxæ Reli-
gionis statu: atque de Hereticis & eorum Hæresibus ac Sectis, ubi de Manete,
Mazdek, &c.*

QUibus aliis nominibus vocatus fuit *Abraham* Persarum Patronus
& Legislator primus, superius dictum est. Quamvis verò suam
Religionem soli *Abrahamo* acceptam referre prætendant, constat eos
postea habuisse plures diversis temporibus Legislatores, sed qui fortè
Interpolatores potius dici meruere. Missis itaque temporibus, quibus
Persæ

Persæ & Medi fuerunt Exarchia *Affyriorum*, per plus quàm mille annos, de quibus temporibus nihil scimus, properamus ad initium Monarchiæ *Medicæ*, quando, excusso *Affyriorum* jugo, veteris Religionis status renovari cœpit, *Instauratore* primo Medorum Rege *كئومارس* *Keyomâras*, cujus Dogmatum reliquiæ ex *Sbabristanio* infrà in medium adducentur. Is itaque erat vetustissimus Medorum Rex, Regni & Religionis *Instaurator* semper memorabilis, cujus nomen in modernioribus Libris eodem sono scribitur *كئومارت*: nam lit. ت apud Persos sonat ut s. Hoc nomen (quasi esset *كئومارت* *Cbaïomer*,) apud *Ebondemârum* Persam prorsus ineptè, tanquam ex linguâ *Affyriacâ*, exponitur *رندة گویا* *Vivens qui loquitur*. Ab eo, veterum plurimi amabant vocari *Keyomarsii*, seu *Keyomarsitæ*, sive *Keyomartbitæ*.

Apud *Persas* in *Indiâ* degentes aliud celebratur nomen Legislatoris, quem dicunt fuisse *Primum*: qui itaque fortè fuerit idem cum præcedente, quamvis alio nomine vocetur *پوردهوشنگ* *Poredekeshangh*, sub quo agnoscunt se habuisse Religionem in multis diversam ab eâ quam *reformatam* eis postea tradidit *Zerdûst*.

Igitur post prædictum priorem, Legislator proximus fuit *زردشت* *Zerdûst*, qui ab iis itaque habetur & appellatur *امام آخر در ملت* *Antistes posterior in Religione Abrahami*. Iste floruit & (ut fidei mereretur,) prophetiam jactitavit tempore *Darii Hystaspis*, cui suas opiniones & in Religione Reformationes credendas & admittendas propinavit, & illas ei tandem obtrusit. Is itaque receptam tunc Religionem in multis à *Sabaismo* repurgavit, & novos Ritus & Cæremonias condidit, & hoc modo *Hystaspi* tradidit *reformatam*; quam ad hodiernum diem immutabilem retinent, eum ut Prophetam, & ejus Opera ut *Sacra sua Biblia* (fidei & morum Regulas continentia,) æstimantes, & ut inæstimabile *κειμήλιον* conservantes. Is ab *Olugh Beigko* & *Abu Mobammed Mustapha* decoratur Titulo *دکت* *Docti*, seu *Philosophi* atque *Mathematici*, qui multos Libros scripto consignavit in veteri Linguâ *Persicâ* & in vetusto *Charactere*, quos Persis ut perennia suâ Monumenta reliquit: eos enim Libros tam sacros æstimant & laudibus efferunt, ut pro Verbo Dei habeant: & quamdiu in Orbe aliquis de veteri illâ Gente supererit, illi Libri non intercident. Is itaque primitivam Magorum Ecclesiam pacatam reliquit, quæ diu inconcussa mansit.

At

At postea irreperunt aliquot Innovationes, partim per *Alexandrum Magnum*, & partim per alios: & tandem Regi *Ardesbîr Bâbecân*, circa ducentis post Christum annis, suborta sunt quædam in Religione Dubia. Unde, ne Religio intercideret, & ut Rex in orthodoxiâ contineretur, ei satisfactorius surrexit alius Persarum Legislator *ultimus*, cui nomen ارداویراف *Ardâvirâph*, seu ut illi sonant, *Erdâvirâph*, qui aliquando, disjuncto nomine, vel *Erdâ*, vel *Virâph*, subinde dici solet. Iste Rex fuit Religionis *Zerdušti* Affecla, illiusque Fidei Defensor publicus. Sed cum quædam dubia & scrupula de futuro statu privatim ei suborirentur, ad eorum solutionem convocavit totum regni sui Clerum (vel potius *Præsules*) ad Concilium generale, & convocandi causam coram omnibus declaravit, prout sequente modo in dicti Legislatoris Libro traditur;

چو پیش تخت شد ادبوه دادا	<i>Cum coram Solio esset multitudo Doctorum,</i>
بدیشان گفت شاهنشاه پادا	<i>Eis dixit Rex Regum prudentissimus,</i>
که آن دینی که یردان گفت زردشت	<i>Eam Religionem quam Deus distavit Zeratushto,</i>
بدان دین گشت شاهنشاه هم پشت	<i>(Cujus etiam Religionis Rex fuit sustentator,)</i>
دمایند آن بمن تا شک زگیهان	<i>Demonstrent eam mihi, ut Dubium à Mundo</i>
کنم دور ویدم دین یردان	<i>Procul arceam, & Dei Religionem amplectar.</i>
همی خواهم که زآن برهان دمایند	<i>Cupio ut mihi demonstrationem afferant,</i>
حقیقت بر همه گیهان دمایند	<i>Et veritatem toti Orbi demonstrent.</i>
چو شاهنشاه بگفت این موبدان را	<i>Cum Regum Rex hæc Præsulibus dixisset,</i>
فرستادند ایشان قاصدان را	<i>Ipsi emiserunt Cursores</i>
بهر جای که موبد بود و دستور	<i>Ad omnem locum ubi fuit Præsul aut Antistes,</i>
اگر نزدیک و اگر بودند از دور	<i>Sive prope essent sive procul remoti:</i>
خبر دادند از آن گفتار و کردار	<i>Notitiam dederunt Dictarum & Factorum.</i>
بدان حالت همی جستند شان بار	<i>Eo momento quaesiverunt sibi viam.</i>

Quando

چو بشنیدند آن مردان سبک راه	<i>Quando hoc audiverant viri leviter euntes,</i>
بیاوردند دستوران را سوی شاه	<i>Adduxerunt Præsules ad præsentiam Regis :</i>
همان دانا که بودند اندر عالم	<i>Tot inquam Doctos qui erant in Mundo,</i>
رتخم موبدان وهیوید هم	<i>De semine simul Præsulum atque Sacerdotum.</i>
بدرگاهي شه ار دستور وموبد	<i>Ad Aulam Regis Præsulum atque Antistitum</i>
بیامد چل هزاران فاضل از رن	<i>Venerunt quadraginta millia, qui apprimè erant Sapientes.</i>

Ista *Præsulum* seu *Antistitum* Synodus *Paradisi & Gebennæ* statum ad Regis satisfactionem fusè repræsentandum curârunt; ut in Libro *Erdâvirâph-nâma* (unde hæc descripsi,) prolixius docetur. Persarum Sacerdotes in *Indiâ* hanc dictam historiam paulò aliter sequente modo narrant: quòd scil. dictus Rex *Ardesbîr*, de aliquot rebus magni momenti in Religione consulturus, omnes sui regni *Præsules* ad generale Concilium convocavit, numero 80,000, è quibus rursus selegit 40,000, ex his rursus 4000, ex quibus 400, ex his 40, è quibus 7, ut omnium sapientissimos, sibi selegit. Et inter hos Septem, invenit alicujus *Destûr*, seu *Præsulis*, filium nomine *Erdâvirâph*, qui ab utero fuit moribus probus & à mali imputatione prorsus immunis. Hunc Rex pro Religionis suæ Reformatore assumpsit; cùm quædam in sui temporis Religione ei non arriderent, nec tamen novam Religionem, nisi à cælo deductam, amplecti voluit. Illum itaque ad cælum ascendisse (seu potius in ecstasin cecidisse) hoc modo tradunt: sc. Corpore benè loto & novis vestibus induto, is super mensâ mundo linteo opertâ dormitum ivit, postquam reliqui sex *Præsules* vini soporiferi tria vitra ei propinâssent. Deinde alio mundissimo linteo opertus dormiens, ecstasin passus est, quo tempore Anima è corpore exivisse credita. His factis, Rex corporis ejus custodes assignavit VI illos *Præsules*, cum quibus & ipse in propriâ personâ adfuit. Istis interim per VII integra *Nychthemera* cum jejuniis juxta eum orantibus, post dictum Septendium, Animâ ejus in corpus redeunte evigilavit, & (enthusiasmo imprægnatus) dixit se fuisse apud Deum; & narrando quanta mirabilia in altero Mundo vidisset, accersivit Scribam qui omnia scripto consignavit. Sic illi. Et profectò miri, & penè incredibiles, sunt istiusmodi apud eos potionum effectus, de quibus fortè aliâ occasione plura.

Vide-

Videtur itaque, *Zerduſhti* Religionem multis mutationibus & innovationibus penè labefactatam fuiſſe, &, ut reſtitueretur, Sacerdotes hanc excogitaſſe artem, quâ Rex deluſus putaret veteris Religionis Confirmationem à cœlo ratam. Nam in Libro *Sbabnâmanêſr*, quem poſſideo, in dicti Regis Vitâ narratur; Quòd *Ardeſhîr Babecân*, *Alexandri Magni* Ordinationes incassans, *Gushtaſpis* Seſtæ tolerationem conceſſit: & *Zerduſhti* Religionem renovaturus, à Magorum Præſulibus & Sacerdotibus poſtulavit Miracula, quæ præſtiterunt. Ea itaque videns Rex, *Zerduſhti* Religioni fidem adhibuit, & alios omnes ad eandem amplectendum coëgit. Deinde in eodem Libro, in Vitâ *Shâbur*, memoratur; Quòd quando in regno inauguratus eſſet *Ardeſhîr*, ipſe Rex à Magorum Præſulibus miracula poſtulavit; quæ cum præſtiterant, tunc *Erdavirâph*, per totam Septimanam pro Religione argumenta proferens, omnia quæ de *Gebennâ* & de *Paradiſo* vera ſunt, in medium adduxit, & miracula etiam patravit: unde aliqui, ejus Miraculis fidem adhibentes, ipſius Religionem amplexi ſunt; dum alii fidem ei non adhiberent, dubitationem & ſcrupulum tunc adhuc retinentes; quorum numerus erat 80,000 hominum. Cum autem Rex *Shâbur* ad Solium regni Perſidis evectus eſſet, Præſules & Sacerdotes, Religionis ſtatum intelligentes, eum de hac re certiore fecerunt. Et tum Rex ab omnibus Præſulibus & Sapientibus poſtulavit ut omnem dubitationem tollerent, ita ut homines, indubii facti, rectam Religionem in pedes erigerent. Tum ſurgens quidam Præſul, dictus *Adurabâd Mabràſpband*, in ſe ſuſcepit, ut ſi Rex juberet, ille omnem dubitationem & ſcrupulum removeret. Rex quaſivit quomodo id facturus eſſet? Ea (inquit) quæ *Erdavirâph* de *Gebennâ* & *Paradiſo* in medium adduxit, ego ulterius explicabo, & à capite ad pedes nudus ſedebo, dum XVIII libras liquefacti *Æris* in corpus meum fuderint: & quando illud *Æs*, inſtar Ignis ardentis, in corpus meum ex catino effundunt, ſi corpus meum, vel in uno aliquo loco, indiguerit Emplaſtro, tunc omnia quæ *Erdavirâph* dixit, reputabuntur falſa. Sed ſi ne unus in me pilus aduratur, tum omnia reputabuntur eſſe vera. Omnes itaque iſto Experimento contenti ſunt. Tum *Adurabâd Mabràſpband*, qui ex *Erdavirâph* familia fuit, nudato corpore ſedebat, dum XVIII libras liquati *Æris*, ad inſtar Ignis ardentis, in corpus ejus fuderunt: quo facto, ne pilus quidem in membris ejus læſus eſt, nec ullus in corpore ejus locus Emplaſtro opus habuit. His factis, omnis dubitatio ſublata ac amota eſt, & univerſi hanc Religionem amplexi ſunt. Hoc modo, iſte dictus Religionis Confirmator, in eâdem etiam quaſi Legiſlator haberi debet.

Præter

Præter supradictos in Religione *Legislatores*, memoratur celeberrimus quidam Magus, dictus *Zavâgbâr*, seu *Zbavâgbâr*, de quo nihil peculiare memoriæ proditum est, nisi quòd in hac Religione fuit *Antistes maximus*: sed quo tempore floruerit, & an aliquod monumentum suū scripto consignatum reliquerit, non dicitur. De eo *Rustemi Epitomator* Turcicè refert, رواغار کشمشلر اراسند مشهور بر کشمشلر *Zavâgbâr inter Sacerdotes celeberrimus quidam Sacerdos fuit.* Apud alios رواغار نام مغیست ار مجوسیان *Zavâgbâr ex Magusæis nomen cujusdam Magi est.* In Libro *Halîmi Persico* legitur *Turcica* explicatio, رواغار اود طیان ک-افرار اجند بر اولو امامک آند *Zbavâgbâr, inter Ignicolas infideles, est alicujus magni Antislitis nomen.* Sic, ut vides, iste *Mobammedanus* Scriptor non satis decenter memorat religiosissimi Magi nomen, quod suprà monuimus expectandum. At Lector heic monendus est, quòd ut pleraque *MS Lexica Persica* Scribarum erroribus scatent, sic in hoc loco insignis est Scribæ ignorantia & incuria, ubi in Libro *Nim. Sion.* in hacce explicatione, pro امام *Imâm, Antistes*, legitur ایام *Ayâm, dies* in plurali, sine sensu commodo: & hinc *Rustemus* in suâ Explicatione legit, براواو گودمد *est magnus quidam Dies, sc. Festus*: pro eo quod debuerat legisse براولو امامد *est magnus quidam Antistes.* Et tamen erroneam illam Interpretationem secutus est *D. Golius* per lit. G. citatus in *Castelli Lexico Persico* erroribus scatente.

Hoc modo, antiqua Religio, per *Erdavirâphi* & Sacerdotum prudentiam & astutiam, restituta fuit, & super veteri fundamento stabilita. Sed, ut in plerisque regnis, Ecclesia haud solet esse diu tranquilla ejusque Pax durabilis, quin ab Innovatoribus & Hæreticis & Diaboli instrumentis sæpiùs turbetur; sic fuit in istâ *Magorum* Ecclesiâ, cujus status haud diu solebat manere pacatus, quin ab improbis hominibus & Sectariis, tanquàm è Tartaro pullulantibus, turbaretur. Nam hæc Ecclesia non fuit diu quieta, antequam dictum Regem *Sbâbur* ad Hæresin seduceret ac pelliceret *Manes* Persa, in eorum Libris dictus مانی نقاش *Mâni piçtor*: nam talis fuit professione suâ; à quo nomine denominatus est مانوی *Mânarvi, Manichæus*, seu in plurali مانویونا *Manaviyûna, Manichæi.* Ille apud *Ibn Shabnam* Historicum Arabem vocatur مانى الرديف *Manes Saducæus*: apud *Sabristanium*, مانى بن فالتى الحكيم *Manes Ibn Phaten Doctus, seu Philosophus.*

phus. At pro *Phâten* legendum *Phatec*: nam Pater fuit *πατήρ*, & Mater *μήτηρ*. Iste Hæreticus voluit esse Legum novarum in Religione Lator, ex Libris hæreticis, unde hausit virus suum lethale, præfertim ex *Scythiani* Evangelio & aliis, de quibus postea. Istius Religio (inquit *Shabristâni*) media fuit inter eam *Dualistarum* & eam *Mage- rum*; ego addam, & inter eam *Christianorum*.

Epiphanius docet, quòd istius Hæresis Sator primus fuit *Scythianus*, Vir literatus, qui scripsit IV Libros, quorum unum nuncupavit *Evangelium*. Hujus Opiniones & Libri postea derivati sunt ad *Terebinthum*; qui in *Persiam* concedens, ut melius celaretur, transtulit nomen suum in *Buddam* (rectius *بطم Butm*, seu *Budm*,) *Terebinthum* significans. Iste autem ab alicujus domûs Tecto præceps ruens (dum miraculum jactaturus esset, ut fecerat etiam *Scythianus*,) misere periit. Unde tam dictæ Opiniones quàm Libri, hæreditario jure, cesserunt huic *Mâni*, quem *Epiphanius* dicit seipsum hoc nomine donasse à *מָנָא Mân*, quod *Babylonicâ* Linguâ est *Vas*, quasi insinuaret se esse selectum Vas ad bonum opus destinatum: quòd autem verum ejus nomen fuit *Cubricus*, vel ut D. *Augustinus* habet, *Urbicus*. Verum quidem est, quòd in Linguâ *Affyriacâ* & *Chaldaicâ* *מָנָא Mân* seu *מָנָא Manâ* (*Syris* sonat *Mono*,) fit *Vas*. Sed cum, dicente *Epiphanio*, is fuit genere *Persa*, cur ejus nomen petatur ex Linguâ *Chaldaicâ*, potius quàm ex *Persicâ*, non scio. Cum itaque in omnibus *Arabum* & *Persarum* libris constanter vocetur *مَاني Mâni*, hoc verum ejus nomen *Persicum* fuisse tutò credamus. Hinc *Græcis* & aliis vulgò audit *Μάνης*.

Utcunque tamen fuerit, impius iste *Mâni*, cum esset professione *Pictor*, impiorum Dogmatum suorum Librum (ut speciosior apparet oculis, & eo nomine multò gravior esset,) eleganter, quâ potuit, depinxit, & varii generis picturis ornavit & decoravit, & Persicè illum vocavit *ارتنگ Ertèngb*, seu *ارژنگ Erzbèngb*, sive *ارچنگ Ertchèngb*, vel abbreviatè *چنگ Tchèngb* & *تنگ Tengb*. Quia verò *Manetis* picturarum Liber dicebatur *Tengb*, inde, apud Persas, hoc nomen translatum est ad quemvis alium picturarum Librum, sive *Zeuxis*, sive aliorum. Hinc in Libro *Pharb. Gj.* legitur *تنگلوش Tenghi-Leux*, & *تنگلوشا Tenghi-Leuxe*, perperam, pro eo quod rectius legi debet *تنگرزش Tenghi-Zeux* & *تنگرزشا Tenghi-Zeuxe*, i.e. *picturarum Liber Zeuxis*. Sic enim ibidem exponitur *تنگرزش دگبار دامه نقاش روم Tengbi*

Tengbi Zeuxis est picturarum Liber pictoris Græciæ, scil. Europæi; prout ارتنگ نگار خانه Ertengb est picturarum Liber pictoris Chinæ, scil. Asiatici. Apud Rustemi Epitomatorem legitur, نگار خانه چین یعنی اول بتخانه که چین مملکتند مانی استان Tchighil est picturarum domus Chinenfis, scil. illud Delubrum quod in regno Chinæ Manes Magister pinxit. Quod autem dicunt de Chinâ, intelligendum est de Turkistân, ubi Manes commoratus est. Et ibidem est alia Ecclesia dicta غلبه Ghalbila, quam Manes picturis ornavit. Et ibi est urbs Tchighil. Ille enim nunquam fuit in Chinâ. Ut autem nefandum ejus انگلیون Engbelion, seu Evangelium, ex nomine distinguatur ab Evangelio Christi, Persæ docent, quod ubicunque Christus, Christianus, Crux, Zona, Syrus, aut similia, cum eo nomine commemorantur, ibi intelligendum est Christi Evangelium: At ubi cum illo nomine commemorantur Pingere, Pictura, Rosa, Tulipa, aut colorum varietas, ibi intelligendum est Manetis Evangelium pictum, seu Ertengb, sc. Picturarum Liber in quo Dogmata sua & Revelationes scripsit, unde suum venenum hoc modo fucatum hominibus propinavit.

Hujus Hæretici historiam prolixè narrat Epiphanius, quem videas: nolo repetere. *Shabristâni in Libro de Religionibus Orientis de eo refert; Mâni apparuit tempore Shâbur filii Ardeshr, & occidit cum Bebrâm filius Hormuz filii Shâbur. Ille Amplexus est Religionem inter Magismum & Christianismum, asserens Prophetiam Christi, sed non asserens Prophetiam Moysi. Mohammed Ibn Harûn, dictus Ibn Isâ Al-Warrâk, dicit, Originitus fuit Magusæus, agnoscens Sectas populares. Manes enim opinatus est Mundum esse compositum & factum ex duobus Principiis æternis, quorum unum Lux, & alterum Tenebræ, quæ credidit esse à priori æterna, & non defutura, nec abolenda: & negavit aliquid existere quod non esset à principio æterno. Opinatus est nunquam abolendas facultates sensitivas audiendi & videndi, cum multis aliis. Deinde pergit narrare, Quod Manichæi inter se dissentiebant de mixtione Lucis & Tenebrarum, & de causâ Liberationis, quæ narratu prolixa & futilia.*

Megjdi, Historicus Persæ, narrat varias fuisse Manichæorum Sectas. ut حروفی Literales, نقطوی Punctuales, تناسخی Metempsychosios, &c. Et quod Rex primò Manichæismum amplexus est: at postea reliquit, &

ad Magistrum rediit. Orientales ajunt, quòd ex pictoriæ Artis, quâ excellebat, superbiâ elatus, se Prophetam venditavit. Ferunt eum potuisse ad XX ulnarum longitudinem ducere lineam, in quâ applicando normam nulla curvitas deprehendi potuit. Persarum Historicus Chondemir narrat; Quòd Manes, Saducæus, fuit egregius Pictor & Sculptor: qui postquam audierat quòd Jesus se Paracletum declarasset, Diabolus lapideæ cordis ejus tabulæ insculpsit suggestionem, ipsum esse dictum Paracletum. Quòd tempore Shâbur filii Ardesbâr Babecân prophetiam jactabat: cùmque Shâbur eum interficere quæreret, aufugit in Turkistân, ubi multos seduxit. Postea ibi inveniens speluncam, ubi optimæ aquæ fons erat, ibi clanculùm reposuit annonam ad unius anni spatium duraturam, & Affeclis suis prætendebat se ad cælum ascensurum, & post unius anni spatium se rursus ad eos descensurum. Quocirca seipsum ab eis subducens, in dictam speluncam abiit, ibique ad præstitutum tempus permansit. Et deinde rursus comparens, produxit Tabulas egregiè pictas, quas Ertengh-Mâni vocant, affirmans se eas à cælo accepisse: unde plurimi ei fidem adbibuere. Deinde in Persidem festinans, Regem Bebrâm ad suam Religionem invitavit; & quidem Rex fuit ex primis qui ejus dictis fidem adbibuit: & cùm Affeclæ ejus multi evaderent, Magorum Doctõribus præcepit ut cum eo disputarent. At tandem omnes qui servitio ejus addicti erant, Regis Bebrâm jussu, occisi sunt, & fervoris ejus ignis hoc modo extinctus. Sic ille. Nam Rex Bebrâm interfecit Dualistas, & Manetem in portâ urbis crucifixit. Causam verò cur morte plexus est, narrat Epiphanius: quòd scil. dum Regis filio ægrotanti medicinam administrare prætenderet, dictus filius sub ejus manibus obiit. Quocirca Rex, meritò iratus, miserum istum arundine excoriari jussit. Et dicitur, quòd cutis ejus, paleis impleta ac infercta, diu in Perfide servata est. Ibn Shabna dicit Manetem scripsisse Philosophiam quam vertit in Linguam Persicam: eumque extitisse Autorem Instrumenti Musici dicti Arabibus عود Oud, i. e. Testudo, Chelys.

Hoc modo, visis & perpenſis Orientalium de Manete sententiis, deinde videbimus quid alii de eo corraſerunt. Profligatiſſimus iste Nebulo, qui perditissimus Veneficus & omnis nequitie sentina, apparuit circa initium Imp. Probi, circa annum Christi CCXC. De eo Eusebius Eccl. Hist. lib. 7, p. 155; Christi formam & personam induere conatus est: & interdum Paracletum se vocans, Spiritum Sanctum de se prædicavit: & interdum ad instar Christi, XII Discipulos delegit.

Pessima

Pessima sua dogmata, tanquam venena, de Persarum regione in nostras partes transtulit.

Pessimi istius Hæretici Historiam narrat Cyrillus Archiep. Hierosol. in Cateches. 6. In Ægypto erat Scytbianus quidam, genere Saracenus, nihil commune cum Judaismo, nihil cum Christianismo habens. Vixit Alexandria, vitam Aristotelicam imitans, & composuit IV Libros: 1, Evangelium, non Christi facta, sed nudum nomen, continens: 2, κεφαλαίων Capitum: 3, Mysteriorum: 4, Thesaurorum. Scytbianus decreverat doctrinam suam propagare in Judæa: sed obiit. Hujus Discipulus erat cui nomen Terebintbus, qui in Palæstinam concessit; at in Judæa cognitus atque damnatus, statuit ire in Persidem: & ne agnosceretur, vocavit se Buddam. Illic verò Adversarios habuit Mitbræ Sacerdotes, à quibus disputando victus est. Ideoque ad viduam quandam confugiens, & in superiorem partem domus ascendens, aërios advocavit Dæmones, quos, ad hunc usque diem, Manichæi ὅτι τῆς μωσῆος ἰσχυρότερος super detestandâ caricâ invocant: & ibi Dæmonio correptus & de cubiculo dejectus, animam efflavit. Dicta vidua, cum non haberet filium, pecuniâ emit puerum, nomine Cubricum, quem in Persarum disciplinis erudiendum curavit. Is, servitutis nomen exuens, appellari voluit Manes, i.e. Linguâ Persicâ مانی: nam quia Dialecticus alicujus nominis esse videbatur, se Manem, q. d. Μανιτὴν appellavit. Paracletum se esse jactitavit, & quæ hominem exuperant pollicebatur: & suscepit per preces curare Regis Persiæ filium ægotantem, qui tamen obiit. Unde in carcerem missus est, & à Rege suspendi jussus. At è carcere fugiens, in Mesopotamiam venit, ubi Archelaus Episcopus disputando eum confutavit. Tandem ibi rursus fugam capessit: & Regis Persiæ Satellites, omnimodâ inquisitione eum quærentes & persequentes, illum capiunt. Rex Mani jubet Persicâ more detrabi pellem, quæ ad instar utris præ foribus suspensa est. Præcipui hujus discipuli tres fuerunt, Θωμάς, & Βυδδᾶς, & Ερμᾶς.

Μανιτὴς, seu Scholasticus, talis est qui apud Maimonidem in More Nevochim vocatur מדבבֵר Medabbèr, seu מוֹתַקֵּלִים Motakéllim. At supradicta vocis Mâni significatio hodie non comparet in Linguâ Persicâ: videat ergò Cyrillus unde habuerit illam interpretationem. De Manetis & Manichæorum dogmatibus, videas multa apud D. Augustinum, qui per IX annos fuit Manichæus. Præcipuè autem videatur D. Tollii Itinerarium Italicum, ubi Notæ Doctissimæ ad Fragmentum Græcum, quod est Solennis formula de Manichæorum resipiscentium Receptione in Christianam Ecclesiam.

His

His proximè subjiçiemus ea quæ corrasit *Beyerlink* p. 20. *Manes* Suidæ, è Brachmanûm gente, aliis *Perfa*, sub *Probo* Imp. Anno *Cbristi* CCLXXVI, dæmoniacus naturâ & infânus fuit. Ex virgine natum fè, & in montibus educatum, ajebat. Præceptorem habuit *Buddam*, five *Terebintum*. Discipulos XII vocavit: ex his tres, *Thomam*, *Hermam*, & *Addam*, Hierosolymam, multo instructos auro, pro Libris *Biblicis* comparandis misit. Ipse interim, ut Dogma suum propagaret, filium Regis *Persæ* curare se posse professus est: verùm *Magicâ Arte* malè succedente, eum interfecit. In carcerem abripitur, & multo auro redimitur. Pòst, cùm in castello *Arabione*, inter *Mesopotamiam* & *Persiam* degeret, à *Persarum* Rege comprehensus, arundine vivus fuit excoriatus. *Vetus Testamentum* rejecit, & Deum illius convitiis laceffivit. Duos enim æternos & ingenitos statuit, Deum *Lucem*, & Materiam *Tenebras*. Christum in *Pbantasmate* tantùm apparuisse. Semetipsum *Spiritum* S. professus est. Mundum à Deo malo factum esse dixit, & prodigiosa multa finxit. Fatum induxit. Hominem non à Deo, sed à Principe *Materiæ*, quem *Saclam* nuncupavit, factum fuisse. Coæternas Deo hominum animas, diversa corpora subire, quam *μετεσώματων* vocat *Suidas*. Elementa esse animata, & reliqua Corpora omnia. Baptisum sustulit. Eucharistiam cum semine humano sumere jussit. Sèctatores ipsius Dæmones colebant, Elementa adorabant: Deos Ethnicos invocabant, animatis abstinebant, nuptias tollebant: ut si quis duceret uxorem, *μετεψυχάσας* in corpus migraret muliebre. Fœminæ conceptum, *Carcerem Dei* appellabat. Magistratus civiles à Deo malo constitutos dicebat: Bella quoque damnabat, & Agriculturam, utpote multorum homicidiorum ream: nam si quis plantâssèt arborem, aut vitem, ipso mortuo, animam illius ramis alligari, neque transcendere illos possè. *Magos* & *Astrologos* sèctabatur: & se suosque peccare non possè ajebat. Animas suorum in *Lunæ Globum* recipi, & hinc *Plenilunia* existere, quando impletur *Animis*: decrescere autem, quando à *Lunâ*, minore veluti à *Scaphâ*, in *Solem* deportantur. *Paradisum* vocabat *Mundum*: ardores ejus esse *Concupiscentias*. Animas solas absque corporibus resurrecturas ajebat. Arundinibus incubabat. Judicium extremum tollebat. Diem quo *Manes* occisus est *βῆμα* vocant & religiose colunt: [sc. aliquod *βῆμα* *Sellam* elevatiorem, ad quam per gradus ascendebatur, eo die pretiosis pannis tectum collocabant.] In *Graciâ* Discipuli non *Manetem* (δὲ τῆς μανίας,) sed *Manio χέεν* (δὲ τῆς χέεν μανίας) vocabant. Hactenus *Beyerlink*.

Plura

Plura autem (ut suprâ monuimus) sciri possunt ex *Fragmento Græco* de *Manichæis*, & ex *Notis* quas adjecit Doctiss. *Tollius*; ubi inter alia, hæc leguntur: viz. Vixit *Centuriâ Tertiâ* sub *Aureliano* Imp. cujus anno *quarto*, seu *Christi* CCLXXIV, per *Mesopotamiam* locaque contermina *Hæresews* suæ venenum sparsit. — *Mannichæos* se vocari volebant, sicut à מנחמ *Mannacha*, *Requies*. — Græcis, *Budda*. *Empedoclis* Opinionem amplexus dicitur, duo rerum pugnantia inter se principia statuentis, φίλιαν & Νῆξιν *Amicitiam* & *Contentionem*. Verùm rectius à Persarum Magis accepisse videtur, qui Ἀγαθὸν Δαίμονα & Κακὸν Δαίμονα statuebant. — D. *Augustinus* ait eum secutum antiquos *Hæreticos Marcum* & *Cerdonem*, atque *Gnosticos*, quorum Autor *Carpocrates*. — Hæc duo ejus doctrinæ fuere capita: Duo rerum esse Principia contraria, & æterna, & ingenita, quorum alterum Bonum esset, alterum Malum. Bonum, *Deum* seu *Lucem*, Malum, *Materiam* seu *Tenebras* appellabat. A Bono Deo, invisibilem, infinitum, ac divinum Mundum creatum: à Malo, visibilem ac malum, profundâ ac immensâ magnitudine: hosce verò duos Mundos conjunctos bonæ malæque naturæ participare. Divinam partem ex omni Mundi parte quotidie purgari, & in sua regna revocari, eandem per terram exhalantem, & ad cælum tendentem, incurrere in stirpes & plantas, &c. quæ in Electis, comedendo, purgata liberataque, in cælum redeant. Mundi tenebrarum, seu terræ pestiferæ, quinque esse *Elementa*, seu *Antra Elementorum*, aliud *Tenebris*, aliud *Aquis*, aliud *Ventis*, aliud *Igni*, aliud *Fumo* plenum. Hæc Elementa Principes sibi proprios genuisse; quorum Dux ac Princeps summus in *Fumo* moraretur. In *Fumo* nata animalia bipedia, indèque homines originem ducere: in *Tenebris* serpentia: in *Igni* quadrupedia: in *Aquis* natatilia: in *Vento* volatilia. His V Elementis malis debellandis alia V Elementa de de regno & substantiâ Dei missa esse, & in illâ pugnam fuisse permixta, *Fumo* aëra, *Tenebris* lucem, *Igni* malo ignem bonum, *Aquæ* malæ Aquam bonam, *Vento* malo Ventum bonum. Animam hominis duplicem esse: harum alteram bonam, à Luce creatam, partem esse Dei: adventitiâ alteram, malam, de gente Tenebrarum, quam non condiderit Deus, sed quæ tamen Deo sit coæterna. Hanc propriam corporis esse: nam & Corpus productum à Tenebris. Rationalem Animam, seu divinam, brutis quoque animalibus inesse, ut & plantis: ab adversario verò Dei correptam, in spurcum corporis carcerem fuisse conjectam. Ab animâ bonâ, omnia homini bona provenire: contrâ, ab animâ malâ, quicquid illi accidat mali. Animas transire in

in alia corpora; item in pecora, & plantas. Auditorum verò suorum Animas in Electos revolvi, aut feliciore compendio, in Escas Electorum; ut jam inde purgatæ in nulla corpora revertantur. Animas in arboribus & plantis divina non posse percipere præcepta, nec sapientiores fieri: veruntamen vivere, & audire voces nostras, & verba intelligere, & corpora motusque corporum intueri; cogitationes denique ipsas perspicere: sentire etiam & dolere cùm lædantur, nec sine cruciatu evelli carpive posse. Solem & Lunam *Navigia* esse, quibus tam hominum quàm brutorum animæ, jam repurgatæ & lucidæ, in cælum subvehantur. Lunam minus esse Navigium, ex *Aquâ bonâ* factum; quod acceptas primùm animas, post decimum quintum diem, Soli, seu majori Navigio, ex *Ignē bono* facto, tradat. Ab hoc, Beatorum Animas in cælum transvehi: cujus vitæ cœlestis nulla fiat Anima particeps, quæ non *Manetis* disciplinâ fuerit imbuta. In his *Navibus* sanctas inesse virtutes, quæ se in masculas transfigurent, ut fœminas diversæ gentis illiciant, & per has illecebras, commotâ earum concupiscentiâ, lumen de illis fugiat, quod membris suis permixtum tenent, quo purgetur susceptum ab Angelis Lucis, purgatûmque illud navibus imponatur ad regna propria reportandum. *Adamum & Evam* commotâ adversâ parte animæ malæ, à tenebrarum Principibus generatæ, ad concubitus declinasse: ita eos lapsos esse, & peccasse; sed postea sanctiùs vixisse. Legem *Mosaicam* à Principe Tenebrarum datam: inde quoque Prophetas sua accepisse; omnèque adeò *Vetus Testamentum* esse rejiciendum. *Christum* de massâ lucidissimâ molis divinæ profectum ad salutem humanam, non natum de *Mariâ Virgine*, quia carni concerni nequibat, nisi simul inquinaretur, ut ait D. *Augustinus lib. V. Confessionum*. Apparuisse illum κατὰ φαντασίαν ἔδοξεν, specie tantum, non reverà: caruisse enim humanâ naturâ, solâ præditum divinâ: atque ita quoque non reapse passum, sed pati visum, exteriore homines specie fefellisse. Fuisse eundem Serpentem in Paradiso: ab eoque illuminatos *Adamum & Evam*, ut cognitionis oculos aperirent, & bonum à malo dignoscerent. Venisse *Christum*, ad Animas liberandas, non autem ad servanda corpora. Promissionem Christi de *Paracleto*, seu Spiritu Sancto, in *Manete* fuisse completam: sese enim esse Spiritum Sanctum ajebat, seque eapropter *Apostolum Christi* vocabat. Fatum omnia regere; Fato fieri omnia. *Manichæismus* divisus in aliquot Sectas, sc. *Catbaristas*, *Macarios*, & *Manichæos* speciatim ita dictos. *Catbaristi*, seu *Purgatores*, à purgando nomen accepere. Exceptum namque farinâ semen virile in concubitu, ut id pugarent,

purgarent, divinamque partem liberarent, hi boni viri comedebant. Hisce tamen alii, pudore moti, à se repellebant. *Macarii* apud eos *illuminati* quoque dicebantur. — *Manichæi* porrò è duabus professionibus Ecclesiam suam constituerunt, hoc est, *Electorum*, & *Auditorum*. *Electos* *τελείως* seu *perfectos* vocabant, quod omni vitio carerent. — Ex his Electis XII erant quos appellabant *Magistros*. *Manes* enim, ad imitationem Christi, XII Apostolos habuit. Hisce tertius decimus præerat Magistrorum Princeps, uti *Manes* suorum erat Discipulorum. Ab his Magistris, è reliquo Electorum numero, LXXII ordinabantur Episcopi: & hi suos rursus ordinabant *Presbyteros* ac *Diaconos*, qui idonei viderentur ad errorem hunc suum, aliis in locis, in quæ mittebantur, tuendum atque propagandum. Secundi gradûs *Auditores* erant, è quibus fuit *Augustinus* per IX annos, qui ait, *Auditores* apud eos appellantur qui carnibus vescuntur, & agros colunt, & si voluerint, uxores habent: quorum nihil faciunt qui vocantur *Electi*. Sed ipsi *Auditores* ante *Electos* genua figunt, ut eis manus suppliciter imponantur; non à solis *Episcopis*, vel *Presbyteris*, vel *Diaconis* eorum, sed à quibuscumque *Electis*. Præterea *Auditores*, *Electis* sub pœnâ tardioris *Metempsychosis*, optima quæque de cibariis exhibere tenebantur; cum interim *Electi* nihil operis agerent, sed meditationibus vacarent: quibusdam scil. omnia jam religionis arcana communicata erant, à quibus *Auditores* arcebantur. Porrò tria *Signacula* apud *Manichæos* erant *Electorum*; *Oris*, *Manuum*, & *Sinus*, ut his tribus casti essent & innocentes. *Os* continebat omnes sensus in capite: *Manus* omnem operationem: *Sinus* omnem libidinem seminalem. Tribus enim Deum offendimus; Cogitationibus, Verbis, Factis. Quàm verò parum observantes fuerint horum *Signaculorum*, plurimis ostendit exemplis D. *Augustinus* in Libro de *Moribus Manichæorum*. Hactenus D. *Tollius*.

Ex dicto Fragmento *Græco* p. 41 innotescit, quòd *Manichæi* propriâ urinâ se lavabant & sordes suas abluebant, metuentes aquam puram polluere. Et certè urina vocatur *Lotium*, à lotionem, à multis nostratibus usurpata, propter abstersivam facultatem ex inhærente Sale. Ex *Manetis* Libris p. 143, memorantur *Liber Epistolarum*, *Evangelium vivum*, *Thesaurus Vitæ*, *Liber Mysteriorum*, quo Legem & Prophetas subvertere conatur. *Liber Apocryphorum*, ac *Apomnemorunatum*, sc. *Manetis* Dictorum & Factorum memorabilium commentarius. Liber inscriptus *Adæ*, & *Adimantis*, & *Mosis*. Item *Agapii Heptalogus*, & *Aristocriti Theosophia*, ubi conatur monstrare *Judæorum*

& *Græcorum* & *Christianorum* Religionem unam eandemque fuisse; utque vera dixisse videatur, *Manetem*, ut malum hominem, incessit ac traducit. p. 145, *Manetis* Pater Πατήρ, & Mater Κάροσα. Τὸν Σαρύαν unum fuisse ex *Manetis* Discipulis: sic & *Thomam*, qui conscripsit Evangelium, &c. Dictus autem Σαρύας longè diversus est ab antiquo Σαρύαν, de quo alibi diximus. Pro Deo, *Principem* hujus *Mundi* colunt, sc. malum *Mundi* Principem: nam Patrem cœlestem solius futuri seculi potestatem habere nugantur. p. 131, Afferunt *Adamum* nobis dissimilem formatum: verùm à *Sacla*, scortationis Principe, & *Nebroda*, quam materiam esse ajunt, *Adamum* & *Evam* factos fuisse: & illum ferino vultu creatum, hanc autem sine Animâ, &c. D. *Tollius* p. 142 memorat, *Manetis* Libros *Palmyreno* & *Syriaco* sermone scriptos fuisse; quorum unus in XXII partes divisus. Η τῶν Γιγάντων Πραγματεία, seu *Giganteus Liber*, ab *Heracliano* confutatus. *Tbesaurus minor*: *Liber Precum*: *Evangelium* sec. *Philippum*: *Acta Andreæ Apostoli*: *Epistola XV ad Laodicensis*: τὰ Παιδικὰ τῷ Κυρίῳ. Qui autem plura cupit, adeat ipsum Fragmentum *Græcum* in Bibliothecâ publicâ *Oxonienfi*.

Hoc modo (*Manete* occiso, & *Manichæismo* abolito,) *Zerdušti* Religio restituta est, & *Magia orthodoxa* pristinas vires recuperavit. Sed hæc non diu duravit: nam post breve tempus prodiit alius *Hæreticus* dictus مزني Mézdek, seu Mázdek, five مزني Mazhdak. Iste in eorum Libris vocatur مزني الزندق Mázdek Saduceus.

Sbabristâni Arabs refert; *Mazdekæos* esse, maximâ ex parte, ut *Manavita*, seu *Manichæi*, in الكوردين والاصليين Originibus duabus & duobus Principiis: nisi quòd *Mazdek* assereret *Lucem* agere secundum intentionem & delectum, *Tenebras* verò fortuitò & per accidens; & quòd *Lux* scienter & sensibiliter ageret, *Tenebræ* verò ignoranter & cæcè. Et post alia quædam, addit; quòd *Mazdek* debortatus est homines à dissensione & odiis & cœdibus. Cùmque pleraque horum contingerent propter *Mulieres* & *Opes*, ille ideò *Mulieres* & *Opes* communes esse voluit, & omnes de eis participare debere sicut participant de *Aquâ* & *Igne*, &c. Plura apud *Sbabristâni* leguntur, quæ recitatione vix digna.

Referentibus *Persis*, iste *Nebulo* oriundus est ex urbe *Neishâbur*, & prodiens tempore Regis *Kobâd*, (qui *Græcis* *Kavâdης*, seu *KaGâdης* sonat,) prophetiam jactitavit: & ut dicto Regi viro mulieroso placeret, æqualitatem *Opum* & communitatem *Mulierum* & *Uxorum* licitam esse pronuntiavit; adeò ut si pauper, aut peregrinus, rogaret,
non

non erat respondendum, *Non habeo quod dem tibi.* Cúmque talem Sectam *اباحت* *Licentiæ* propagaret, (scil. omnium *Opes* & *Uxores* esse *communes*,) hæc Religio placuit juvenibus & puellis, & omnibus stolidioribus, qui itaque eam libenter secuti sunt, & multi inopes & peregrini ejus sequaces fuere: & tandem Rex *Kobád* manum ejus corroboravit, ejusque Religionem ipse amplexus est, & eandem ab omnibus amplectendam esse publicè promulgavit: & res eò tandem devênit, ut Divitum *Uxores* & *Opes* in raptum & rapinam cederent. Hinc autem factum est, ut *Persidis* Magnates consentientes *Kobádem* deposuerunt, & incarcerârunt, filium ejus *Gjámasp* in ejus locum substituantes. Quocirca *Mazdek* fugâ sibi consuluit. At Rex *Kobád* interim, consilio & astu uxoris suæ, è carcere evadens, abiit ad Regem *Hayátile*, opem ab eo petens: & revertens restitutus est. Sed *Mazdekisimum* non secutus est amplius.

Cùm autem defunctus esset *Kobád*, ejus Successor *Nushirravân* in Solio constitutus, initio administrationis suæ, *Mazdek* ejusque *Assedas* interficiendos curavit: & ab iis qui à gladio & cæde superstites manserant, abstulit opes quas injustè ab aliis rapuerant, & propriis dominis, seu pristinis possessoribus, eas restituit. Narrant, quòd cùm *Mazdek* audiret *Nushirravân* jubentem eum trucidari, dixit, *Deus præfecit te ut servares, non ut perderes, &c.* Cui Rex respondit, *O fili meretricis, nonne meministi, te petiisse à Kobád ut pernoctares cum Matre meâ, &c.* Deinde proclamavit occidendos omnes *Manichæos* & *Mazdekaos*, & *Magisimum* stabilivit in *Perside*. De isto dicto *Mazdek* prolixè agit *Megjdi Persa* in *Vitâ Kobád*, & in *Vita Nushirravân*, si alicui libet ulteriùs inquirere: nos enim rem tantùm breviter perstrinximus.

Alio tempore, prodit *Hæreticus* dictus *خواب* *Cbuâpb*, de quo in sequente Capite agetur.

C A P. XXII.

Perfarum Opiniones primitivæ (æque hætenus continuatæ,) de Religionis suæ Principiis seu Articulis primis, ex Damascio & Plutarcho & Sbabristanio, atque ab Indo-Perfis.

Superiùs Perfarum religiosa Dogmata tetigimus, quæ jam ulteriùs explicare præstat.

Zoroastres, eorum Propheta & Legislator, ejúsque Assceclæ Persarum *Magi*, ex *Genesew* Historiâ & ex quotidianâ cum captivis *Judeis* in Persiâ conversatione, didicerunt sua Principia *Lucis* & *Tenebrarum*, quibus intelligitur *Deus* atque *Diabolus*, ut supra monuimus. At aliqui eorum paulò aliter statuunt, si vera sunt quæ *Damascius* ex *Eudemo* refert, quòd sc. apud Magos & omnes eorum Sectas *Marticolæ*, omne *Intelligibile*, seu *sub sensum cadens*, reputatur, vel *Locus* vel *Tempus*, ex quibus prædicta colligunt. Locus sic se habet in Libro περι Αρχων MS, Μάγοι ἢ καὶ πάν τὸ Αρειον γένε, ὡς καὶ τὰτο γράφει Εὐδήμος, οἱ μὲν τόπον, οἱ δὲ χρόνον καλεῖσιν, τὸ νοητὸν ἅπαν καὶ ἠνωμένον ἐξ ἑ καὶ διακριθῆναι καὶ θεὸν ἀγαθὸν καὶ δαίμονα κακὸν, ἢ φῶς καὶ σκότῳ πρὸ τούτων, ὡς ἐνὶς λέγειν. ἔτοι ἢ καὶ αὐτοὶ μετὰ τ' ἀδιάκριτον φύσιν διακρινόμενῃ, ποιεῖσι τ' διττὴν συστορίαν τ' κρείττονων τὴν μὲν ἡγεῖσθαι τὸν Ὀρομάσδην, τὴν ἢ τὸν Αρειμάνιον.

Plutarchus in Libro de *Iside* & *Osiride* est paulò prolixior in Mago-
rum opinionibus describendis: viz. *Sunt qui putant duos esse Deos, quasi contrariis deditos artibus, ut bona alter, alter mala opera conficiat: eum qui est melior, Deum: qui deterior, Dæmonem dicunt: ὡπερ Ζωροάστεις ὁ Μάγῳ, sicut Zoroastres Magus, qui illum vocat Ὀρομάζην, istum vero Αρειμάνιον. Addiditque hoc Enuntiatum, De rebus sub sensum cadentibus, illum maxime similem esse Luci; hunc Tenebris & Ignoranti: eorum medium esse Μίθρην; quæ est causa cur Mithram Persee Μεσίτῳ, Mediatorem seu Intermedium, nuncupant. Docuitque ad illum pertinere Εὐκαῖα καὶ Χαρμεῖα, ad hunc verò Αποτρέπαια καὶ Σχυθρωπὶ: herbam enim quandam, vocatam Ὀρωμι, concidendo & in mortario tundendo, invocant Ἀδην Ditem, & Σκότῳ Tenebras: tum admixto Lupi jugulati sanguine, efferunt & abjiciunt in locum ἀνήλιον, quò Solis radii non pertingunt: nam & de Plantis, quasdam judicant boni Dei esse, & quasdam mali; & Animalium quædam, ut Canes, Aves, & Echinos terrestres,*

tres, Bono; Aquatica Malo adjudicant, itaque & beatum illum prædicant qui plurima interfecerit. Enimverò illi quoque multa de iis fabulosa narrant, cujus generis est quod referam. Oromazen natum ajunt è Luce purissimâ, Arimanium è Caligine; eosque bellum inter se gerere. Oromazen fecisse sex Deos; primum Benevolentiae, secundum Veritatis, tertium Æquitatis, reliquos Sapientiae, Divitiarum, & Voluptatis quæ honesta consequitur: Arimanium totidem numero bis adversa effecisse. Deinde Oromazen sese triplicasse, & à Sole tanto se intervallo removisse, quanto Sol à terra abest; ac Cælum Stellis decorasse, unamque ante alias tanquam Custodem & Spiculatorem constituisse, Sirium. Alios porro deos XXIV condidisse & in Ovo posuisse: ac totidem numero factos ab Arimanio Ovum illud perforasse, hinc mala bonis esse permixta. Appetere porro fatale tempus, quo necesse sit peste, & fame ab his adducta, Arimanium omnino perdi atque aboleri: Terraque æquabili & plana factâ, unam Vitam unamque Civitatem Beatorum hominum universorum, unaque lingua utentium, fore. Theopompus ait, de sententia Magorum, vicibus ter mille annorum alterum Deorum superare, alterum succumbere; & per alia tria annorum millia bellum eos inter se gerere, pugnare, & alterum alterius opera demoliri: tandem Adm Plutonium deficere, & tunc homines fore beatos, neque umbram edentes: deum porro qui ista machinetur, quiescere ad aliquod tempus; non quod longum sit Deo, sed rectum & mediocre tanquam hominis dormientis.

De alterius Mundi statu, eandem cum nobis Christianis notionem habuere, quamvis eum, ad captum humanum, aliquando describerent tanquam *Paradisiacam Civitatem*, ut supra *Plutarchus*; de quâ re etiam consulatur *Liber Sad-der*. Et cum talia statuerint *Magi Deicolæ*, quis non credat tam hos, quàm eis contemporarios Judæos, à primis Patriarchis talem suam Paradisi notionem habuisse, quamvis nihil dicatur in *Veteri Testamento*. Hæc autem præmissa de Magis, sunt *Græcorum* imperfectæ quædam stricturæ, ex quibus haud multa de eorum rebus colligenda sunt. Proximè itaque subjiciemus ea quæ accepimus ab *Indo-Persis*, à quibus sequens Relatio petita est: in quâ malorum Angelorum Lapsus, & Creationis & Durationis Mundi & ultimi Judicii historia continetur. Nostræ autem Interpolationes Uncis inclusæ. *Persæ, credentes Angelos esse Dei Servos & Ministros ad ejus Mandata exequenda, affirmant, quòd postquam Deus fecisset Bonos Angelos, primum eorum assignavit Opus ut crearent Cælos, idque XLV diebus. Et quòd deinde apparuit Tenebrositas quædam horribilis [nam Tenebræ tunc erant iuper faciem Abyssi,] 9600 Parasangis circumquaque*

circumquaque à Deo distans. [Nam Diabolus reputatur Tenebrarum Autor: at hæ Tenebræ totaliter & semper limitatæ sunt, ut interponeretur Lux regens diem.] Hinc Deus citò perspexit esse Inimicum quendam, & mox Diabolum esse deprehendit, eumque valde fortem & numerosum. Quapropter quatuor Angelis fortioribus Erdibehisht, Azur, Sorûsh, & Behrâm, rem commisit ut pugnarent cum Diabolo ejusque copiis, eumque debellarent & captivum adducerent. [Significatur Angelorum contra Deum prima in cælo Rebellio & defectio, propter quam è cælo dejecti & lapsi sunt in terras.] Nam postquam Diabolus conscripserat exercitum, jam tempus erat ut Deus sibi prospiceret: qui itaque IV dictos Angelos misit ad pugnandum cum Ahreman, & ut eum coram Deo sisterent in cælo, unde perrupto carcere aufugerat. [Diaboli actualis lapsus insinuat.] Hinc aliud Bellum acre, in quo Diabolus ad incitas & extremitatem reductus, veniam petiit, & se Victoris arbitrio submisit. Nihilominus tamen Deus noluit eum perdere & annihilare; secum perpendens, quod si Diabolum prorsus perderet, eumque cum his omnibus & totâ Diabolorum Familiâ aboleret & radicitus extirparet, Dei misericordia & gloria non esset tam illustris, nec tam evidenter compareret. Nam si non quodammodo permetteret Diabolo existere & crudelitatem exercere, nulla esset inter bonum & malum distinctio, nec inter vitia ac virtutes differentia. Propterea Deus noluit Diabolum perdere, sed eum in Mundo reliquit, sub hac conditione, ut quicquid Mali eveniret, id attribueretur Diabolo; & quicquid Boni accideret, attribueretur Deo. Et quòd tempus Durationis Mundi & Diaboli à Deo ordinatum est, ut Mundus à primâ suâ Creatione duraturus esset 12000 annos; quorum 3000 tunc, eo tempore quo Diabolus à Deo devictus est, expiraverant & elapsi sunt: & restantes 9000 annos Deus trifariam dividens, erexit tres Digtos, permittendo Diabolo ut utrum horum vellet eligeret, ut scilicet, eo tempore durante, crudelitatem suam in humanum genus exereret & tentationibus suis exerceret. Quapropter Diabolus, rem benè perpendens, elegit sibi Digtum medium, adeoque tempus medium dictorum annorum. Unde colligitur, quòd per fatalem hujus Decreti necessitatem omnes res humanæ subjiciantur incertitudini, nec dari posse rerum statum diu duraturum. Primis enim temporibus, Justitia, Moderatio, Temperantia, & erga Deum ac Homines Pietas, floruerunt, dum in pace & tranquillitate esset Mundus. Sed tandem cum ex nimia pace & otio homines per superbiam deviarent & contra Deum rebellarent, Diabolo permissum est homines infestare & Mundum Diabolicis suis artibus turbare. Nam quando, in contrarium priorum Virtutum, superiores es-
sent

sunt Injustitia, Violentia, Inimicitia, Intemperantia, Superbia, Libido, Avaritia, & omnis generis Impietates in Deum & Homines perpetratae, ad summam exorbitantiam excrevissent; & harum rerum consequentiae seu effectus (utpote sunt Bella, Distractioes, & Dei Flagella, Fames, & Pestilentia,) humanum genus affligerent, Deus noluit pati ut haec aeternum grassarent, sed contra Diaboli furorem & malitiam, tempus respirationis, & felicitatis, & tranquillitatis, benignè interposuit. Et cum jam tandem ex 12000 annis pro Mundi duratione primò decretis atque constitutis, superessent 953, tunc deinde expectanda esset supremi Judicii Dies & Mundi Dissolutio, quando resurrecturi essent omnes mortui & in judicio sistendi. Et quòd deinde statim justi resurgentes, Beatifica Dei visione fruituri essent, in Caelestibus Mansionibus, eorum in terris operibus bonis meritisque proportionè aptatis, permansuri. Et quòd improbi, postquam in Animabus suis Tormenta & Supplicia, peccatis suis paria, eisque per Angelos Mibr & Surâsh decreta & parata passi fuerint, tandem in Judicii Die sunt etiam resurrecturi, & per infinitam Dei misericordiam eorum peccata condonanda, iique admittendi in quasdam exteriores Mansiones, ubi ad justam distantiam Beatificam Visionem percepturi erunt: sed tamen à Justis per unam nigram in fronte maculam distinguendi. Et quòd tandem in extremi Judicii die, Diabolus cum omnibus malis suis Angelis erunt judicati & condemnati, & eorum regnum in aeternum deletum & perditum. Talis est istorum Hypothesis, partim ex Biblicâ Historiâ collecta, & partim à primorum temporum Traditione accepta.

Quoad supradictam inter Deum & Diabolum pugnam, non debemus culpae istos talia narrantes, cum nos ipsi etiam talia credere supponamur, (malorum Angelorum lapsum indigitantia,) eaque ex Apoc. XII. 7, 8; Et fuit Bellum in caelo, Michael cum Angelis suis pugnavit contra Draconem. Et Draco cum Angelis suis etiam pugnarunt: sed non praevaluerunt, nec locus eorum amplius in caelo inventus est. Et Versu 12, ejus Tentationes significantur, Vae incolis terrae & maris, nam ad vos descendit Diabolus furibundus, quia novit tempus suum esse breve. Supradicta Zoroastris & Magorum longè ante Apocalypsin conscripta sunt; & in Apocalypsi ad nos continuata est traditio à primis accepta Patriarchis: unde colligimus eam fuisse semper receptam inter Orthodoxos Orientis opinionem, & eorum loquendi modum de hisce rebus.

At.

At in Magorum opiniones describendo, cæteris fusior est *Shabristâni* in Libro *de Religionibus Orientis* Arabicè conscripto, ubi docet eorum Reges semper habuisse quem consulerent مرجع *Mârgji*, seu *Redeundi-locum*, scil. *Adeundum*, seu appellandum quendam, quem tanquam Oraculum consulerent, ad quem deferretur Appellatio pro sententiâ suâ definitivâ in casibus difficilioribus: is erat *Archimagus*, seu eorum *Archipræsul*, à cujus decisione non recedendum, sed in eâ acquiescendum sine ulteriori Appellatione. Iste apud *Persas* talis erat qualis *Turcarum* مفتي *Musti*. Dicitur autem *Shabristâni* sequenti modo narrat; sc. Omnes *Persarum* Reges fuisse de Religione *Abrahami*, & omnes *Subditos* semper fuisse de Religione Regum suorum. Et Regibus fuisse مرجع *Mârgji*, seu Appellandum quendam, qui erat موبدان *Præsul Præsulorum*, Doctissimus Doctorum, Sapientissimus Sapientum, à cujus Mandato non recedebant, nec nisi ad ejus Sententiam redibant: & quòd ei exhibebant Reverentiam talem quam Principes *Chaliphis* regnantibus exhibere solent. Additque; quòd *Magusæis* peculiaris sit الثنوية *Dualitas*, adeò ut statuant مبدئين *Ductores*, seu *Gubernatores* duos æternos, qui dividuntur in Bonum & Malum, & Probitatem ac Improbitalatem, Emolumentum ac Nocumentum. Horum unus nominatur *Lux*, & alter *Tenebræ*, sc. *Yezdan*, seu *Deus*, & *Abreman*, seu *Diabolus*. Eorúmque Religionem esse secundum hanc divisionem seu distinctionem: & quòd omnes *Magorum* Quæstiones vertantur super duobus Cardinibus, quorum unus est Explicatio causæ *Missionis* *Lucis* & *Tenebrarum*, & alter est Explicatio *Liberationis* *Lucis* à *Tenebris*. Et quidem, quòd *Missionem* statuant مبداء *Initium*, seu statum à quo, & *Liberationem* معان *Reditum*, seu statum ad quem. Hæcque mysticè explicant; & meliore luce destituti, in tenebris disputant.

Supradictus *Shabristâni* pergit narrare; quòd *Magi* statuant الاصلين *Principia* duo, sicuti dixerat: sed quòد المجاس الاعلى *Magi* originales non existiment expedire ut ambo sint ازلين *cöeterna* ab initio; sed quòd *Lux* sit ازل *æterna* ab initio, & *Tenebræ* محدثة *productæ*. Et quòd tum, differant de modo seu causâ productionis ejus; cum à Luce producit tantum *Lux*, quæ non producit ullum *Malum*; & quomodo ergò productum Principium *Mali*, aut alius cujusvis rei, cum nihil adjunctum (seu par fuerit) *Luci*, quoad primam ejus productionem & æternitatem! Deinde narrat; quòd statuant Initium primum esse à Personis,

*Personis, quæ sunt كيومرث Keiomáras; dein زروان Kervân † magnus: Et tandem alius propheta cui nomen زردشت Zerdusht. Et quoddam كيومرثيه Keyomartbitæ volunt Keyomáratb fuisse Adam, prout occurrit in Indorum & Persarum Chronologiis, quibus tamen contradicunt alii Chronologi. Et quoddam dicti Keyomartbitæ, qui auctores seu assertores المقدم الاول Antistis primi Keyomáratb, statuant Yezdân & Ahreman, asserentes Yezdân fuisse ازلې قدم sine initio æternum, & Ahreman fuisse مخلوق محدث productum & creatum. Yezdân cogitasse secum, Nisi fuerint mihi Controversiæ, quomodo erit? Hancque cogitationem pravam, naturæ Lucis minùs analogam, produxisse tenebras, dictas Ahreman, qui naturâ dispositus ad malum, & diffidium, & improbitatem, & noxam, & omnia nocumenta: & prodiens contra Lucem, eam opposuit tam naturâ (seu factò) quàm dictò. Et deinde emergente Bello inter exercitum Lucis & exercitum Tenebrarum, mediatores erant Angeli: & tum facta est inter eos pax, sub eâ conditione, ut Mundus inferior integrè esset τὴν Ahreman pro 7000 annis: & tum Mundum dimittens, eundem redderet Luci. Eos autem qui, ante initam Pacem, in Mundo fuerant, perdidit & prorsus delevit. Et tum de novo incepit cum homine dicto Keiomaras, & animale dicto Tauro, quos ambos mactavit, & ab hominis cadavere pullulavit Ribás, * seu Ribes: & ex bujus Ribás radice prodiit Vir dictus ميشه Misha, & Mulier dicta ميشانه Mishâna; qui fuerunt ابو البشر Protoparentes. A cadavere Tauri pullulârunt Pecora & cætera Animalia. Porro opinati sunt Lucem elegisse homines ut Adjutores, dum adhuc essent Spiritus absque Corporibus; idque, vel ut elevaret eos à locis τὴν Ahreman, vel ut eos Corporibus vestiret ad præliandum cum Ahreman. Elegerunt itaque Vestitum Corporum & Belligerationem cum Ahreman, eâ conditione, ut auxilium haberent à Luce & tandem victoriam in copias τὴν Ahreman. Et post illum devictum & copias suas ac deperditas, futura esset Resurrectio. Ejusmodi fuisse causam Missionis, hanc verò causam Liberationis. Paulò aliter rem explicare satagunt aliqui ex Græcis, qui exponunt has eorum Quæstiones de Luce & Tenebris, esse de solo Animæ in corpus Descensu (qui Mixtio Lucis & Tenebrarum,) dicto κάθοδος: & Liberationem Lucis à Tenebris, esse Animæ Reditum, qui ἀνοδος. Animarum separata Creatio, quam innuit Shabristâni, convenit cum opi-*

† Vid. Notam pag. 78, quæ prima Editione legebatur Append. No. III.

* Vid. Append. No. IX.

nione *Platonicorum* & *Pythagoreorum*, quam *Zaratus*, seu *Zoroastres*, *Pythagoræ* Præceptor, eum docuit, & (ut fertur) *Dyada* esse numerorum *Matrem*, *Monada* verò *Patrem*: Animam esse alatam, quæ, confractis Alis, in Corpus præceps lapsa est: at denuò, pennata & reffectis Alis, superna repetit & ad superos revolat. Videri potest *Plotinus* Lib. 8 *Enneadis quartæ*. De Animæ Descensu in Corpus, & quomodo frangat Alas, plura collegit *Cæl. Rhodiginus*, p. 643, 644. Et *Macrobius* Lib. 1. cap. 12 docet, Quomodo (ex sententiâ Veterum *Ethnicorum*) Anima ex superiore Mundi parte ad inferiora hæc delabatur, sc. per duos *Tropicos Cancris* & *Capricorni*, qui *Solis Portæ* à veteribus vocantur. Per has *Portas Animæ* de cælo in terras meare, & de terrâ in cælos remeare creduntur: ideo *Hominum* una, altera *Deorum* vocatur. *Hominum Cancer*; quia per hunc in inferiora descensus est: *Capricornus Deorum*; quia per illum Animæ in propriæ immortalitatis sedem & in *Deorum numerum* revertuntur. Ibidem videas plura. Altera *Magorum Secta* originalis, sunt *Zervanitæ*, qui asserunt *Lucem* produxisse *Personas* ex *Luce*, quæ omnes erant *Spirituales*, *Luminosæ*, *Dominantes*: sed quod hanc maximam *Personam*, cui *Nomen Zervân*, dubitavit de re aliquâ; & ex istâ dubitatione emerfit *Satanas*. [Per hoc fortè volunt lapsum *Angelorum*.] Sunt ex eis qui asserunt, non esse dubium quin *Zervân* ille *Magnus stetit* & *missitavit* 7999 annos, ut posset habere *Filium*, & non habuit. Tum novum quid animo molitus, cogitavit secum quod fortè hic *Mundus* nil valet. Ideoque emerfit *Ahreman* ex tali sollicitudine [seu sollicitâ cogitatione] unicâ: & emerfit *Hórmutz* ex tali scientiâ: & quod dum hi duo essent simul in uno ventre, & *Hórmutz* esset exitui propior, subtiliter agens *Ahreman*, seu *Satanas*, matris ventrem diffidit, & tum prior exiens occupavit *Mundum*. Et postquam prolixè prosecutus est opiniones eorum ineptas, describit quales sint *المسحيتة* *Meschitæ* & *الخورمدينية* *Chorremdinîtæ*, i. e. festivæ Religionis homines, qui sunt ex *Sectis Zervaniorum*, seu *Zervanitarum*.

Hæc sunt metaphorica & allegorica. Et ab his non multum abundunt quæ apud *Photium* habet *Theodorus Mopsuestiensis* Presbyter, qui scripsit de *Perfarum Magiâ*, ubi Exponit nefandum *Dogma* quod *Zafrades* introduxit, sive *Zaruam*, quem Principem omnium facit, & *Fortunam* appellat. Deinde tradit, Hunc *Libationem* fecisse ut *Hormisdam* gigneret, quem & genuit; uti & *Satanam*. Item, de eorum *Aspuziâ*. Ubi etiam eorum perobsænum *Dogma* verbatim exponit & refellit. Hæc ille. *Zafrades* autem perperam legitur pro *Zarades*; quem insuper videtur

videtur malè confundere cum *Zarûam*, qui mille annis ante alterum vixit, de quo superius egimus. Quoad *Sanguinis Missionem*, fortè sit tale fabulosum quod in Libro de *Iside & Osiride* (ut suprà) affert *Plutarchus*; Quòd sc. Magi herbam *Omomi* in mortario tundentes, *Ditem* invocabant & *Tenebras*: & deinde, admixto *Lupi* jugulati sanguine, efferebant & abiciebant in locum obscurum, ad quem *Solis* radii non pertingerent. Sed (quod res est) *Plutarchus* non videtur satis distinxisse inter *Magos veneficos*, & *Magos Persarum Sacerdotes*, quorum erat solam *Θείων Θυσσιῶν* intelligere & curare, dicente *Cicerone*. Quin & ut, in quavis Gente, inter Bonos mixti sunt Mali, sic & hisce Magis melioribus admixti fuerunt aliqui Malefici, ut sit inter Christianos; qui tamen non sunt omnes damnandi ut Malefici, pro paucorum culpâ. Inter primitivos Angelos fuerunt aliqui Diaboli. Injustè itaque tam *Plutarchus*, quàm *Theodorus Mopsuestiensis*, Persis impingunt Diabolicam Magiam, cum *Diog. Laertius* ex *Aristotele* affirmet veteres Persas illicitæ Magiæ ignaros fuisse. Verum quidem est *Medicinam* & *Philosophiam naturalem* & *Herbarum vires* studebant: sic *Xenophon* Lib. VIII. *Herbarum* & eorum quæ à terrâ nascerentur vires, à pueritiâ Persæ discebant, ut noscerent quæ salutaria corpori, quæ contrà noxia, essent, ut illa, sicubi usus posceret, conquirere; hæc vitare & fugere. Fortè nimium aliquando Herbis tribuerint, si verum sit quod tradit *Plinius* XXI. 11. *Νυκτὴρπικτὴν* (q. d. nocturnas agens excubias,) erui post æquinoctium vernum radicitus, siccarique ad Lunam XXX diebus, ita lucere noctibus. *Magos Parthorumque Reges* uti hac herbâ ad vota suscipienda. Eandem vocari *Χνιόμωρον*, quoniam *Anseres* à primo conspectu ejus expavescent: ab aliis *Νυκτὴρπικτὴν*, quoniam è longinquo noctibus fulget. Videtur fuisse eandem quæ *Flavio Josepho* *Βαμπερ*, scil. *Βαμπερ*, ardens, succensens, quæ *Mesopotamiensibus* Arabicè audit *حشيشة البراق* *Herba fulgurationis*, seu *splendoris*, noctu lucens: quæ virens, (sine siccatione, utpote glabra & viscosa,) non comminùs, sed eminùs obliquè intuenti splendet: cujus itaque locus longo baculo notandus. Hæc Magorum, non erat pejus quam *Rachelis* opinio de *Mandragoris*, quasi essent *Αναμύληρος*.

Alia Magorum Secta originalis, eaque præcipua, sunt *Zerdushtii*, seu *Zerdushtitæ*. Hi (inquit *Shahristânî*) fuerunt *Assectæ* τῷ *Zerdusht* *Sapientis*, filii *Pûrsbâsp*, qui apparuit tempore *Ἰσθασπ* *Hystaspis*. Ex regione *Aderbayagjân* fuit Pater ejus, & ex urbe *Κ*, *Key* orta est Mater, cujus nomen fuit *دوغدو* *Dôgbdû*. Isti opinantur Persis fuisse *Propbetas* & *Reges*, cujus primus fuit *Keiomâras* qui rexit

Terram totam, ejusque locus fuit in urbe Istáchr. Deinde post alia plurima, affert miram Creationis hypothesin, quòd scil. istius Sectæ homines putent Deum, à tempore quod in Codicibus præstantissimis & Libris summis expressum, creasse ex regno suo populum spirituales. Et postquam effluxissent MMM anni, transmississe Voluntatem suam, in formâ Lucis fulgentis compositæ in figuram humanam, quam comitabantur LXX ex Angelis honoratioribus. Creasse quoque Solem, & Lunam, & Stellas, & Filios hominum: hæcque fuisse immobilia per MMM annos. Deum indidisse spiritum τῷ Zerdüşht in quandam Arborem quæ crevit in altissimo altissimorum: eam enim plantavit in Aderbayagjân, in jugo alicujus Montis cui nomen اسمودن Asmuîdacher: & tum miscuit corpus (sc. Semen) & Zerdüşht cum lacte Vaccino, quod cum bibisset Pater ejus, id factum est Semen-genitale, & deinde Frustum carnis in utero matris ejus. Illud verò invadens Diabolus mutavit illud. Deinde mater ejus audivit à cælo proclamationem, in quâ indicata est liberatio ejus, & liberata est. Cùmque nasceretur, risit tali risu quem perceperunt omnes qui aderant. Tum dolosè egerunt contra Zerdüşht, ita ut collocaverint eum inter tramitem Bovis, & tramitem Equi, & tramitem Lupi: & horum singuli surrexerunt in præsidium ejus contra reliquum genus suum. Et cum postea adolesceret, donec perveniret ad annum trigesimum, tum misit eum Deus ut Prophetam & Nuntium ad homines: isque invitans Hystaspem, adduxit eum ad Religionem suam, quæ fuit عبادة الله والكفر بالشيطان colere Deum, & renunciare Diabolo, præcipitque Beneficia-agnoscere, & vetat ingratitudinem, docetque aversionem à spurcitiis, seu vitiis. Deinde addit; Zerdüşht affirmavit Lucem & Tenebras esse اصلان duo Principia sibi invicem contraria: & sic esse Yezdân & Ahreman, qui fuerunt مبدء initium eorum quæ inveniuntur in Mundo: ex eorum Mistione [seu combinatione] extitisse Compositiones; & ex variis Compositionibus productas fuisse Formas. Et quòd Deus, qui creavit Lucem & Tenebras, utriusque Autor unicus sit, sine Socio, sine Pari aut Simili, nec ei referenda sit وجود existentia Tenebrarum, sicut dicunt Zervanitæ: sed Bonum & Malum, Integritas ac Corruptio, & Puritas ac Spurcities exiverunt ex Mistione [seu commissione] Lucis & Tenebrarum: & nisi hæc duo commista fuissent, non extitisset Mundus. Et hæc duo contra se invicem insurgebant, & de victoriâ contendebant, donec Lux vinceret Tenebras, & Bonum Malum. Tum postea

postea saluum evasit Bonum ad Mundum suum, & Malum divertebat ad Mundum suum: & sic fuit causa Liberationis. Cumque Deus excelsus hæc duo temperaverat & miscuerat pro arbitrio suo, eaque in Compositione viderat, tum instituit Lucem, ut originale quiddam, & indixit existentiam ejus ut existeret. Sed Tenebræ secutæ sunt sicut umbra personam. Nam cum videret eas quodammodo existere, sed non realiter existere, tum planè produxit Lucem, & acquisite sunt Tenebræ per consequentiam: nam ex necessitate extitit contrarium, quippe cujus existentia fuit necessaria, sc. ut contingens in creatione, non autem ex primâ Intentione, secundum exemplum quod adduximus de Personâ & Umbrâ.

Porro iste (inquit) Zerdûst est Autor Libri quem composuit: alii dicunt ad eum dimissum fuisse à cælo: is est Zendavestâ, bifariam dividens Mundum in Mînu & Ghîti, seu Spiritualem & corporalem, sive Spiritum & Personam, quasi Creationem dividens in duos Mundos. Dixitque quicquid sit in hoc Mundo, bipartitum esse in Bâchshish & Kûnish, per quæ voluit Potentiam & Actum; & quidvis determinatum esse juxta horum secundum.

Deinde (inquit) locutus est Zerdûst de aditibus ad studium, seu laborem, [sive de Tendentiis ad Conatum-humanum,] quæ sunt motiones bonum, quas divisit trifariam, in Mânish, & Ghûyish, & Kûnish; per quæ vult Credenda seu Fidem, & Dicenda seu Sermonem, & Facienda seu Praxin: & hisce tribus completum esse studium seu conatum nostrum. Et quando homo in hisce deficit, Religionem & Obedientiam Dei transgreditur: sed quando in hisce currit, seu procedit, usque ad [ultimam] rei exigentiam & præscriptam legem, tum hæc est Victoria magna.

Porro (addit) Zerdushtæ jactant de plurimis Miraculis quæ ipse patreaverit; sicuti quando Hystaspis Equi Pedes in ventrem retracti fuerant, quod Zerdusht dum esset in carcere eos solverit: & proinde soluti fuerunt Pedes Equi. Et ex iis est, quod ipse pertransiens Cæcum quendam in urbe Dînavar, dixerit, Accipite talem herbam, (quam descripsit eis,) & exprimate ejusdem succum in oculos ejus, & tunc videbit: quodque hoc fecerunt, & visum recuperavit cæcus. Hoc (inquit Shahrîstânî) totum erat ab ejus scientiâ in proprietatibus Herbarum, nec ulla ejus Miracula aliquid valent.

Sunt autem (addit Shahrîstânî) ex Magis Zerdushtæis genus quoddam, vulgò dictum Saîsanitæ & Bih-aphriditæ, quorum Caput fuit homo quidam Neishaburensis, cui nomen خواف Chuâph, seu Quâph, qui prodiit in diebus potentissimi Dynastæ Abu-Mûslim. Is fuit Mussitator [ad modum Magorum,] & adoravit Ignes. Deinde relinquens hæc, invi-

tavit

tavit Magos ut defererent Mussitationem, & ut abdicarent cultum Ignium: & posuit illis Librum, eisque præcepit dimittere crines, & vetuit illis Matres & Filias & Sorores, & illicitum pronuntiavit Vinum: & jussit illos ut obverterent se Soli in ortu ejus, adorando in uno genu. Isti recipiebant se in Monasteria, & inter se invicem distribuebant opes, & non comedebant Morticinium, nec macabant Animalia donec senescerent. Isti erant inimici populo Dei, Mussitatoribus, inquam, Magis; adeò ut Sacerdos aliquis Magorum cum traderit Principi Abu-Múslim, qui illum interfecit juxta Ostium Ecclesiæ Cathedralis in urbe Neishábur. Ejus autem Affectæ affirmabant illum in cælum ascendisse super Burdone; & quòd super eodem Burdone rursus certissimè descensurus sit, & ab Inimicis suis vindictam sumpturus. Isti etiam asseruerunt Zerdúшти Propbetiam, & magni fecerunt illos Reges quos æstimaverat Zerdúشت. Autor Libri Pb. Gj. refert, quòd tunc fuit insignis quidam Magus cui nomen سنبد Sumbád, qui, propter aliquam in Religione Controversiam quam defendebat, arctissimam coluit Amicitiam cum illius temporis Principe Abu-Muslim, qui etiam, vice versa, erga eum amicissimus fuit. Quoad superiorem Chuváphi prohibitionem, non macrare Animalia donec senescant, id convenit cum hodierno Magorum Præcepto & Praxi in Libro Sad-der; atque in Libro Pb. Gj. in voce گودره traditur, وچه گوساله و برة quòd Vitulum-annuum, aut Agnum, aut quorumvis Animalium Pullos macrare, in Zerdúشتi religione vetitum sit.

Supradictus Hæreticus Chuváph, sic dictus est à patriâ suâ, seu ejusdem nominis regione in Ditione Neishaburenfi, ubi est ejusdem nominis Provincia, in quâ sunt III Civitates & CC Villæ. Jussit dimittere, seu amovere crines: nam Magi nutriebant comam, ut constat ex Pseudo-Smerdi, cujus defectus aurium, quas præsciderat Cambyfes, palam percipi non potuit, donec Pellex ejus, inter congregiendum, eas manu palparet.

Animum aliquando induxeram Zerdúشتi, seu Zoroastris, Vitam dedisse in proximo Capite. Sed quia cum ejus Vitâ, Darii Hystaspis Historia adeò intertexta est, ut (nisi frequentes inferantur Digressiones,) hæc absque illâ commodè intelligi nequeat, & in eâ quoque multa ad Perficam Religionem spectantia contineantur; mutavi consilium. Hisque altiùs perpensis, necessarium mihi visum est priùs Vitæ Hystaspis breviarium præmittere; ut cum postea Zerdushti Vitam (quæ
prolixior

prolixior est) exorsus fuero, eandem absque Digressionem ad finem persequi liceat, nec Historiæ nostræ ordo rursus interrumpatur, aut turbetur.

CAP. XXIII.

Vitæ Gushtaspis seu Darii Hystaspis breviarium. †

QUIA in sequentibus frequentior *Gushtaspis* mentio, & is quoque ille sit cujus tempore apparuit *Zerdušht*, qui sub istius Regis Protectione Religionem, de quâ heic agitur, propagavit, Lectori fortè non sit ingratum pauca de eo delibare, prius quàm *Zerdušhti* Historiam plenius prosequamur: non quidem integram ejus Vitam & Imperium in medium adducendo, sed tantum præcipua quædam ad hujus Operis scopum facientia. Alia quædam de eo occurrunt in *Vita Zoroastris*.

In Catalogo Regum Persiæ, suo ordine, memoratur گشتاسب *Key-Gushtâsp*, scil. τῶν *Keyân*, seu *Illustrium*, ultimus qui hoc Titulo gaudebat. Nam omnibus Dynastiæ *Medicæ* Regibus præmittebatur Titulus *Key*, usque ad istum Regem inclusivè. Is, tacitâ prosapiâ paternâ, vocatur *Hystaspes*, *Darii pater*, vel, vice versâ, *Darius Hystaspis filius*. Sed sive vocetur *Darius*, sive *Hystaspes*, apud omnes convenit, quòd fuit *Xerxis* pater. Est itaque, vel *Darius*, vel *Hystaspes*, vel *Darius* cognomine *Hystaspes*: isque pater *Xerxis*, qui apud *Herodotum* p. 443 dicit, *Neque enim fuerim Darii (qui fuit Hystaspis, qui fuit Arsamis, [aliter Arfacis,] qui fuit Ariaramnis, qui fuit Teispei, qui Cyri, qui Cambysis, qui fuit Achæmenis) filius, nisi Athenienses ultus fuero*. Sic apud *Stobæum* p. 88 legitur, Δαρείῳ ὁ ἐξ ἑῶν πατὴρ, seipsum laudans, dicebat, in bellis & rebus periculosis se fieri prudentiorem. Iste Rex in omnibus *Persarum* & *Arabum* Libris vocatur گشتاسب *Gushtâsp*, filius τῷ *Lobrâsp*: & de ejus Genealogiâ nihil præterea extat. Hinc Græcis factum est *Ἰσθασπης*, unde rursus Arabibus *Wyshasp* & *Yshasp*. Nec mirum est si *Hystaspi*

† Is aliquando apud *Herodotum* simpliciter dicitur *Darius*, in S. Bibliis *Artaxerxes*.

præ-

præmittatur nomen *Darius*, cùm hoc, sive ut Nomen, sive ut Titulus, omnibus Persarum Regibus olim datum fuit. *

*Lobrasp*em regnum filio suo *Gushtaspi* resignasse tradit *Bundâri* ex *Dakîki* poetâ *Arabe*, qui fuit primus qui Reges Persiæ carmine laudavit, & ipse *Gushtaspi* Res historicè tradidit in M Versibus. † Ex eo multa sumpsit *Pbirdausi*, autor Libri *Shabnâme*, quem *Bundâri* vertit in prosam Arabicam, ubi legitur, قال الدقيقى لما سلم لهراسب سرير السلطنة الى ولده كشتاسب سار الى دودهار وكان متعبين عيانهم يقصدونها للمجاورة وينقطعون فيها للعبادة واثبت عند الفرس بمنزلة مكة الطاهرة المحروسة عند العرب فدخلها لهراسب وجلال بنفسه و اغلق عليه باب متعبه ولبس المتسوج ولازم الخشوع والخصوع وخلع سواره و سدل شعرة علي عاتقهم واقام علي ذلك ثلاثين سنة Dixit *Dakîki*, Quando *Lobrasp* resignavit Solium Imperii filio suo *Gushtaspi*, concessit ad *Naubabâr* in *Balch*, & in cultu instituit religiosos eorum qui illuc contendebant ut adhaererent templo, & qui ibidem secludebant se ad colendum: id enim loci apud Persas fuit sicut *Mecca* (sanctissima & caelitus custodita) apud Arabes. Huc itaque ingressus *Lohrasp*, mundavit seipsum, & clausit sibi ostium eorum quos in cultu instituebat: & induit vestem textilem, & assiduus fuit in humiliatone & devotione, & exuit armillas suas, & demisit comam suam secundum morem eorum. Et hoc modo perstitit triginta annis, quibus colebat Solem imitando *Gjemshîdum*, donec appeteret fatum ejus. Nempe ibidem tandem occisus fuit, ut postea videbitur sub finem Vitæ *Zoroastris*.

Celeberrimus Rex *Gushtaspes*, ut perhibetur prudentissimus, sic etiam fortissimus: nam inter benedictiones nuptiales, quas in Libro *Zend* Sacerdos recenter nuptis apprecatur, sequente modo legitur,

ساعتی که در دود سوزد و در آتش سوخت و در آتش سوخت و در آتش سوخت
Sicut Rex *Gushtasp* fortis estote.

Si eisdem literis & diversis vocalibus sonaretur *Gbeshtasp*, satis aptè significaret *Factus Equo*, cùm ex Equi hinnitu factus fuerit

* A *Ptolæmo* vocatur *Bidaspes* *Vidaspes*, & à plerisque *Hydaspes*; utrumque malè.

† Præter dictum *Bundâri*, est in Bibliothecâ *Mertonensi* MS *Shabnâme* Arabicè per *Nassîred-dîn Tusæum*, usque ad finem Regum Persicorum, complectens quoque Familiam *Othmanicam*. Et talis *Shabnâme* versio Arabica per *Abulphat Ali Isfahanensem* extat in Bibliothecâ *Leydensi*.

Rex. Hocque, magis obvium quam verum, credidisse videtur *Herodotus*, verioris Rationis ignarus: is enim sui Libri pag. 225 de isto Rege refert: Simulachrum lapideum statuit Hominis Equo infidentis, inscriptis his Verbis,

DARIUS, HYSTASPIS FILIVS,
TVM EQVI* VIRTUTE,
TVM OEBARIS EQVISONIS,
PERSARUM REGNUM ADEPTVS EST.

Sed, tacitâ illâ historiâ, Persæ constanter ejus nomen sonant *Gbushtasp*, quod duplicem significationem habere dicitur: five enim scribatur *Gbushtasp* گشتاسب, five *Gbushtasp* گشتاسب, in Libro *Pb. Gj.* exponitur *Somnium*, seu *Somniatio* احتلام; atque in eodem Libro idem aliàs exponitur *saltabundus & se erigens*: hinc (ut suprâ) celeberrimi *Pyrei* nomen, ab isto Rege extructi in *Balch*, est *Azur-Gbushtasp* آذر گشتاسب, i.e. *Ignis saliens*, seu *fulgur*; diversum ab alio *Pyreo*, à *Lobraspe* ibidem condito, quod, propter vernantem ornatum, vocabatur *Nau-babâr* نو بهار, i. e. *novum ver.*

Istius (ut videtur) Regis atque aliorum visuntur statuæ, Solem & Ignem in pariete delineatos intuentes, propè Palatium *Persepolitanum*. In istis statuæ Coronæ (scu Pilei) sunt longè diversæ ab eâ recentiorum dictâ تاج *Tâgj*: nec tantum Reges, sed & Sacerdotes ejusmodi Pileis induti cernuntur, in Processione solenni, quæ ibidem sculpta cernitur. Talis corona ab *Arabibus* dicitur *Kânkâl*: sic *Camûsi* autor *Pbiruzabadius*, قنقل اسم تاج لكسري *Kânkâl est nomen Coronæ Cosroum*, seu veterum Regum Persiæ, quæ Epitheto تاج كيامي *Corona Keyanæa* vocatur. Hoc autem nomen per *Ludibrium* inditum videtur ab *Arabibus*, quibus *Kânkâl* primariò est *Mensura* quædam *Aridorum*, qualem *Anglicè* vocamus an *half Peck*, lepidè subinnuendo eos Reges Capita sua tali *Mensuræ* indidisse, eâque tecta fuisse. Hæc talis Corona Persis dicta est گرزن *Ghérzen*, quæ, ut *Pileus*, pro quotidiano usu ex leviori materiâ fieri solebat, cùm Persarum Crania sint tenuio-

* Τὸ ὄνομα λίγαν ὅπου *Nomine inscripto.*

ra iis aliarum Gentium. At, ut Corona, (nam forma erat eadem,) pro solenni usu, Auro & Gemmis plumata, adeò gravis fuit, ut cogerentur eam de catenâ aureâ supra Regum capita in Solio suspendere. Talem Coronam pensilem habuit *Cosrau Pervîz* pendentem LX *Man*, seu *Minas* eorum, quarum singulæ sunt duæ *Litræ*, seu *Rotala* una. Unde absq; Metaphora, aliquis Persiæ Rex, recenter coronatus, conquestus est, *Quàm gravis est hæc Corona!* Quo dicto, eum quasi tanti honoris indignum deposuerunt subditi. Eæ autem Coronæ fuerunt tantæ capacitatis, ut, uti interiùs, magnam Granorum mensuram, sic & exteriùs, aliquot Carminum inscriptionem capere possent. Unde *Sbeich Saadi* dicit *كخسرو Key-Cosrois* Coronæ inscriptum fuisse,

چه سالهای فراوان و عمرهای دراز *Quid multi anni, quid vita longa?*

که خلق هر سر ما بر زمین بخواند رفتی *Mortales enim super terram capita nostra calcabunt.*

چنان که دست بدستی آمدستی ملک بما *Perinde ut Regnum à manu ad manum ad nos pervenit,*

بدستهای دیگر همچنین بخواند رفتی *Sic [à manu nostrâ] in alterum manus transire debet.*

Regis *Gushtasp* Basilica, seu Residentia ordinaria, erat *Persepolis*; quæ quondam nobilissima urbs & totius Persidis caput, in quâ *Marmoreum Palatium* ex integrâ Rupe excisum, & excavatæ ibidem Cameræ, cum multis Animalium figuris & Columnis plurimis: unde olim Persicè dictum هزار ستون *Hazâr-sutân*, i. e. *Mille columnæ*, seu (si vocem fingere liceat,) *χιλιοσύλιον Millecolumnium*; posito numero certo pro incerto, & prodigioso pro vero, quia sunt ibi Columnæ plurimæ. Hoc Palatium, quia ex Rupe excisum, Arabicè nuncupatum est اصطخر *Istâchr*, q. d. à Rupe desumptum, seu Rupe constans faxeum Palatium, nomine deducto ab VIII Conjugatione Radicis سخر *Sâchr*, i. e. *Rupes*. Hoc nomen semper authenticè scribitur اصطخر, non autem eodem sono استخر, ut in *Pb. Gj.* perperam fit: ubi etiam minùs arridet dicti nominis allata ratio, quasi *Istâchr* significet آبگیر *âbgîr*, i. e. *Cisterna, un Tank*, seu *Lacus* ex cæso lapide, quia ibi extat talis lacus: hæc enim ratio non à priori, sed à posteriori sumpta videtur.

1 Vid. Append. No. X.




TAB. VI
pag. 307.

Scutula dextra indiget Solem, dum sinistra Circulum Zodiacalem tenet.



Ex Mausoleo Persepolitano Rex coram Igne et Sole quasi adoraturus
stans, cuius Anima ceu Scutula in nube ad coelum ascensura cernitur.



BIBLIOTHECA NAZIONALE "VITTORIO EMANUELE"
NAPOLI

Honoratissimo et Illustrissimo Viro IOHANNI DOMINO SOMMERS Baroni
de Evesham, omnium bonarum Literarum Possessori et Patrono hanc Tabulam
summae Gratitude ergo lubens meritoq humiliter DDD. Autor T. H.
1744 del. Joubert

Prope hoc Palatium est *Mons Regius*, quippe in quo Regum Sepulchra erant, & adhuc sunt; de quo *Diodorus Siculus* refert; *In orientali Arcis plaga est Mons IV inde Plethris (i. e. CCCC pedibus) distans, quem Regium vocant: in hoc enim Regum Sepulchra inerant. Nam excisa illic petra erat, complura in medio Domicilia complectens: in quibus *Στοι Septa*, seu Conditoria defunctorum, quæ nullum quidem aditum manu factum præbebant, sed instrumentis quibusdam manufactis sublatis mortuorum Loculos excipiebant.* Sic ille. Sed nuperioribus seculis dicta *Septa* (vel saltem aliqua eorum) perrupta sunt, ut aditus omnibus pateat, rimando annon etiam Thesauri unâ cum Corporibus conderentur: ubi tamen nec Thesauros nec Corpora reppererunt. Dicta Conditoria sunt in ipsâ Rupe, sub Statuarum pedibus, Columnis ab humo elevata, & Regum Statuæ eis superimpositæ in *Basso Relevo*, ex latere marmoreæ Rupis eminentes: ita ut Statuarum sinistra latera Rupis lateri adhæreant, quasi sint stantes super Sepulchrorum suorum Columnis, & præ se habentes è regione positos *Salem & Ignem* supernè in Pariete sculptos. Et juxta, in eodem Pariete, supra Statuarum capita, sculpta cernuntur talium Regum *Corpuscula volatilia*, quasi per aërem in Cælum ascensura, (uti à nobis *Christianis* supra Sepulchra pingi solent Capita alata,) animarum ad Cælum volatum significantia. Et hinc planè constat quid de Paradiso reverà senserint *Veteres Persæ*; quamvis ad hominum captum, Paradisi Gaudia cœlestia per Amœnitates terrestres & sensuales repræsentaverint, uti & *Mohammedani*. Hinc, atque aliunde, constat, quod *Magi* reponant Defunctorum Animas in Cælo, in manibus Angelorum usque ad Resurrectionem. *Græci*, & *Curdi*, & *Indi*, & *Seres*, eas reponunt in *Bestiis*, credentes Animam varias subire *Transmigrationes*, & *Pœnæ Gradus*, ad Depurationem, eamque tandem ad Cælum, seu eorum *Elysium*, appellere. Hi enim pro Improbis, locum *Pœnæ Temporalis*, & pro Melioratis, *Elysium* parabant *Æternum*. Videatur quoque *Cyri* ante mortem pia Oratio, in quâ (inter alia) Animæ immortalem statum declarat, in *Cyropædia*. In eodem quoque *Mausoléo* tales Genii plures quaquaversus volitantes cernuntur, ad superiores mansiones volaturi; qui repræsentantur per *Corpuscula inferiùs nubibus involuta*, eaque tam directo quàm reverso situ posita. D. *Thevenotus* in *Itinerario*, horum *Iconismorum* scopum haud satis percipiens, *Deitates alas* vocat; perperam omnino. Nec quidem reliqua satis intelligibiliter describit; præsertim aliquid supra januam; ita ut quid sibi velit, intelligi nequeat. Neque meliùs quidem id quod suprâ dictas figuras, seu *Iconismos*, extat, intellexit

tellexit D. Mandelslo, nec ex eo Herbertus, qui pro *Animâ in nube sursum volante (inter Solem & Ignem,)* exhibet *Serpentem ligno impositum & involutum*, ut solet esse *æneus Serpens Israelitarum*. In hoc autem pessimè erratum est, insinuando quasi *Serpentem adorassent*: illi enim *Serpentes* maximè odio habent, & eos necâsse beatissimum pietatis opus ducunt. Ille autem quid esset nube involutum non distinxit.

Perfæ (præsertim ii in Indiâ) ajunt, quòd tandem (intercessione *Zerdušti*) à Deo concessum fuit *Gushtaspi* ut in cælum ascenderet: & filio natu maximo *Pishûtum*, seu *Bashûten*, concessum, ut in hoc Mundo superesset Immortalitate donatus, idque in *دماوند کوه Dum-mâvand monte*, (rectiùs dicto *دبابوند Dunbâvand*), unâ cum XXX Satellitibus pariter immortalibus, qui jubentur omnes alias creaturas arcere à beatissimo illo æternizandi loco, ne fortè ibi etiam evadant immortales. Alii *Bergjendi* dicit, quòd ad summum ejus cacumen ascendendi nequit, quia ibi extant vapores *Salis Ammoniaci*. Istum autem montem, celsissimum (sub nomine *Damoan*) cum multâ difficultate conscendit *Herbertus* nostras, (p. 112,) qui dicit superiorem ejus partem constare nativo sulphure, unde noctu quasi scintillare videtur: & quòd ab hoc monte, in communem usum, *Sulphur* ad omnes vicinas regiones deferri solet. Sic ille. Sed illius veniâ, noctu scintillatio, seu coruscatio, est potius à *Sale Ammoniaci*. Utcunque autem hæc de *Gushtaspe* sint fabulosa, falsò tamen huic fundamento superstructa est alia fabula de ejus perennatione, at in alio diverso loco: sic enim *Ibn Shabna* Arabs; *کشتاسف هو الذي وزعمون انه باق Gushtassp ille est quem superstitem esse credunt in Halacânder*. At pro hoc vitioso loci nomine *Halacânder*, legendum est *گنگدیز Gangdiz*, ut rectè habet *Abulpheda*; de quo loco superiùs abundè diximus. Dictus Rex (ut mox videbitur) in animo habens *Indos* subjugare, Navigationem cum in finem instituit (ut puto) per Fluvium, ab eo itaque denominatum *Hydaspem*, qui (sec. *Ptolemæum*) ex *Imao* monte scaturiens, influit in *Zaradrum*, qui mox in *Indum*, *Plinio* dictum *Sandum*, pro *Sind*, seu *Sindus*; unde tota illa Regio, huic flumini adjacens, vocatur *Sind-Hind*, seu *Sindo-India*: nam *Indus* est nomen ab aliis impositum, Incolis autem ignotum. *Ptolemæus* ponit *Indi* fontes ad *Longit. 125*, *Hydaspis* fontes ad *128*, *Gangis* ad *140*. At in *Globo Cæsiano*, *Ganges* est circa *120*, & in *Libro Persico Masâlik*

lik mamalik est circa 107 : his ergò nulla fides. At dicente *Herodoto* p. 270, (de quo loco me submonuit *Amicus*,) *Ille Rex misit Scylacem* & alios ad pervestigandum ubinam *Indus* in mare influeret. Et post horum navigationem, *Darius Hystaspes* Indos subegit, & eo mari potitus est. *Scylax* itaque & socii è *Caspattyro* urbe & è terrâ *Paetiyâ* solventes, secundo flumine *Auroram* versus atque orientem *Solem* navigârunt in mare : & dehinc per ipsum mare *Occasum* versus ; XXX demum mense tenuerunt eum locum unde *Rex Ægyptiorum* eos *Phœnices* (ut antea dixi) miserat ad *Libyam* circumnavigandum. Ille ergò ab Oriente, idem fecit quod *Pharao Neco* per *Phœnices* fecerat, ab Occidente incipiendo. *Caspatyrus* (cujus alibi meminit *Herodotus*,) *Stephano* est *Indiæ* urbs *Gandarica* in litore *Scythico*. Estque *Gandara* Regio borealis, in quâ sunt fontes *Indi* & *Hydaspis*, &c. multis gradibus citra fontes *Gangis*. Cùm autem *Herodotus* non expressè dicat per quem fluvium instituta fuerit dicta navigatio, inde exurgit difficultas. Si *Bertii* Chartis *Ptolemæicis* sit fides, huic navigationi *Ganges*, cursu tendens ad *Notapelioten*, meliùs quadrat quam *Indus*, aut *Hydaspes*. Atqui *Ganges*, qui effunditur in *Sinum Bengalensem*, parum juvabat ad explorandum ostia *Indi*, nisi per totum continentem *Indiæ* circuiendo redierit occidentaliter ad ostia *Indi* : quod vix credibile ; cùm is tum esset hujus regionis ignarus : id autem fecisse requirebat ut esset harum partium valde gnarus. Præterea si ille occupaverat regionem *Gangeticam*, tunc erat in *Meditullio Indiæ*, nec opus erat ulterioris invasionis : cùm nec *Alexander* ultra *Gangem* unquam processerit. Cùm itaque per *Indum* navigando, & *Indos* subjugando, eo mari potitus est, intelligitur illud mare quod est ad ostia *Indi*. Is enim *Indos* subjugavit, post illam navigationem, non ante eam. Ulteriùs ergò disquirendum, annon potius navigaverit per *Indum* ipsum, aut per *Hydaspem*, qui (ut dictum) in *Zaradrum*, qui in *Indum* influit ? Huic quidem sententiæ aliquantulum obstat, quòd in dictis Chartis (si integra eis fides,) ambo isti Fluvii tendant planè australiter : adeò ut difficile sit statuere quo modo per horum alterum ad orientem *Solem* navigaverit. Meritò autem dubitandum an Chartæ rectè horum fluviorum cursum dederint, cùm eorum flexuræ & divertigia sæpiuscule *Ptolemæo* æque ac nobis ignota fuerint. Nam certissime omnis Fluvius aliquas flexuras habet : *Ptolemæus* autem *Hydaspem* nullas tribuit, nisi quòd ejus Commistionem cum *Zaradro* & *Indo* ponat ad locum ipsis Fontibus occidentaliorem ; quod contra nos facit. Sed per quantum orientalem circuitum priùs (quod pro nobis faceret) illuc forte redierit, non dicitur. Adeò ut,

quamvis

quamvis is non notavit, fortassis *Hydaspes* in Meridie tandem desinens, antea habuerit tales flexuras quæ per multa Milliaria orientaliter tendenderint, ut (si per *Hydaspem* navigaverit) ex dicto *Herodoti* loco necessario colligendum & concludendum. Ex hac itaque suppositione, illum innominatum Fluvium, per quem navigavit, fuisse *Hydaspem* probabile faciunt sequentia: viz. primò; quia *Hydaspes* non est nomen origine *Indicum*, sed plane *Persicum*: unde à Persis videtur inditum propter aliquam causam notabilem, utpote quia *Hydaspes* Rex per illum navigaverit ad invadendum Indos. 2. Quia apparet quòd iste Fluvius erat navigabilis, cùm *Arrianus* p. 125 dicat *Hydaspem* nullibi angustiores esse XX stadiis. 3. Quia erat commodus ad invadendum Indos, quod comparet ex *Strabone*, qui asserit *Alexandrum*, Indos invasurum, naves suas construxisse ad *Hydaspem*. Dictus itaque Persarum Rex, cupidus explorandi ostia Indi, videtur suam navigationem instituisse per istum Fluvium, idè ab eo denominatum *Hydaspem*, influentem in *Zaradrum*, qui in *Indum*, cujus ostia exploranda erant. Et dicta urbs *Caspatorus* videtur sita ad ripam *Hydaspis* in boreali parte Indiæ, ut ex *Stephano*, & alio *Herodoti* loco colligitur. Hæc est mea sententia, quam (ut mihi probabilem) modestè propono, nemini autem eam impono, meliori informationi libenter auscultaturus: nam semper volo ut cuique liberum sit iudicium. Iste itaque potentissimus totius orbis Monarcha, *Pbridūno* & *Alexandro* haud impar, suum Imperium dilatavit in ipsam *Indiam* in Orientem, & (ut vult *Herodotus*,) in Occidentem, sumendo vindictam à *Scythis*, qui antea *Persiam* XXVII annos occupaverant. Et quando iste Rex tandem *Indiam* possederat, scientiæ adipiscendæ ergò, *Brabmanos* consuluit, ut *Am. Marcellinus* docet; *Hystaspes* prudentissimus, *Darii* pater, qui cùm superioris Indiæ secreta fidentius penetraret, ad nemorosam quandam venit solitudinem, cujus tranquillis scientiis præcelsa *Brachmanorum* Ingenia potiuntur: eorumque monitu, *Rationes* mundani Motus & Syderum, puròsque Sacrorum Ritus (quantum colligere potuit,) eruditus, ex his quæ didicit aliqua *Magorum* sensibus infudit. Hæc planè significant eum *Matheseos* rudimenta didicisse ab *Indis*.

Bundâri alicubi ait *Zerduſhtum* se *Gushtaspi* applicasse anno ejus II, si verum sit. Hoc autem non consistit cum eo quòd *Zerduſht* fuerit servus Prophetæ *Israelitici*, quod omnes de eo affirmant. Alibi, *Bundâri* dicit rectiùs, post annum Regis tricesimum accessisse *Zerduſht*. Dictus Rex *Gushtasp* regnare cœpit anno Mundi MMMCDLXXXIV, ante *Christum* DXIX annis. Et regnavit XXXVI annos.

Quia

Quia verò Persæ erant Sagittarii optimi, ergò apud *Mausolæum Persæpolitæ*, in Regum manibus tenetur *Arcus*, (cui innituntur,) ut Persarum Insigne. Et apud *Strabonem* in *Darii* (fortè *Hystaspis*) Sepulturâ ponitur Epitaphium; *Amicis sui ἰππεὺς & τοξότης ἀείρεται* Eques & Sagittarius optimus, venatores fugavi, & omnia facere potui. Et dicente *Plutarcho* in *Moralibus* p. 211, Persarum Numisma *Daricum Sagittario signatum* fuit. Talis Nummus, vel apud *Spanhemium*, vel apud *Goltzium* videri potest, ubi Rex altero genu flexo jaculatur.* Et, si rectè memini, *Suetonius*, in *Caligulâ*, ponit in *Partborum* Vexillo *Draconem*, & in eorum Vexillo regio *Arcum*.

Fortassis propter prædicta fabulosa, quæ superiùs referuntur, factum fuerit, ut isti *Hystaspi*, à corruptis *Christianis*, longè post *Christum*, affingeretur aliquis Liber *Revelationum de Christo*, cujus meminit *Justinus Martyr*, qui etiam, hujus Libri delusionibus deceptus, eundem probat, & bonus ille vir dolet ejusdem lectionem tunc fuisse prohibitam. Vide ejus *Apologiam* p. 66 & 82. Iste *Hystaspes* apud *Lactantium* lib. 7, cap. 15, vocatur *Hydaspes*, de quo ibi narratur; *Hydaspes, Medorum rex antiquissimus (à quo Amnis denominatus) — vaticinantis pueri ad memoriam posteris tradidit, Sublatum iri ex Orbe Imperium, sc. Romanum, &c.* Et cap. 18, eundem cum Vatibus dæmonurgis numerat. Erratur autem in nomine, cùm nullus *Medorum* Rex unquam rectè dictus fuerit *Hydaspes*, sed tantùm *Hystaspes*. Iste autem, ut vides, à quibusdam corruptè dictus est *Hydaspes*, unde facta est unius fluminis in *Indiâ*, & alterius in *Mediâ*, Denominatio.

* Ut quid sit *Δρακὼν*, seu Numisma Persicum *Sagittario* signatum, melius compareat, dedimus ex Doctissimo *Spanhemio* talem *Τοξότης Sagittarium* Genu flexo jaculantem; qui quidem mos etiam *Græcis* non infuetus, ut ex *Goltzio* constat. Eo enim modo semper utebantur *Partibi* & *Persæ*, ut, inter jaculandum, Genu dextrum humo applicarent. Arcus quidem tensus est, ut vides: remissus verò in contrariam partem revertitur, hac Formâ C, uti constat, tam ex Arcu Persico quem penes me habeo, quàm ex plurimis aliis quos aliquando vidi.

CAP. XXIV.

Zerduſhti ſeu Zoroaſtris Vita.

PERſarum Propheta *Zerduſht*, ſeu (ut ſemel cum vocali *Damma* ſcriptum vidi,) *Zorduſht*, idem eſt qui *Græcis* ſonat *Ζωροάστρης*, ſeu aliis *Ζωρόαστρης* in caſu recto. Is in hominum ore vulgò perperam ſonat *Zoroaſter*, cùm apud *Græcos* non detur talis hujus nominis forma. Ideoque miror cur *Doctiſſimus Scaligerus*, ſupponendo illam formam, etymologiam dederit per *זרדאסתר*, verba nihil *Hebraicè* ſignificantia, ſed tantùm *Hebræis* literis ſcripta; & nomen *Ζωροάστρης* interpretando *Vivum Syduſ* & *Ασπιδύτης*. In hæc animadvertere viſum eſt, ne aliquis tanti viri (aliàs doctiſſimi) autoritate ſeducatur.

Autores avidè arripuerunt *Zoroaſtris* nomen: de ejus tamen ſeculo & patriâ errando, unum eundemque hominem in plures multiplicando, ut videre eſt in *Patritii Zoroaſtre*, & ut mox heic etiam videbitur. At quicquid dixerint, ille fuit tantùm unus, iſque tempore *Darii Hyſtaſpis*, nec ejus nominis plures unquam extitère: nam antiquiſſimus ille *Bactrianorum* Rex qui eo nomine appellatur, à *Diodoro Siculo* rectiùs *Οζυάρτης* nuncupatus eſt, ut ſuprà monuimus.

Nominis *Zoroaſtris* ſcriptio vitioſa eſt apud *Græcos*, qui ſolent præque nomina Orientalia vitare: idque partim, quia talium nominum Scriptores ſæpè eorundem ſonos, non è Libris, ſed è vulgi ore accipiebant; partimque, quia *Græcorum* literæ non ſunt ad omnes ſonos orientales benè accommodatæ, præſertim deest *ſb* ubique, & *b* in medio vocum deſideratur. Deinde ruruſ, *Græci* (præſertim *Medici*) aliquando è malè ſcriptis libris *Arabicis*, aut *Perſicis*, hauſerunt nomina, quæ ruruſ nobis dederunt corruptiora: ut pro *تامله بدره* *Támala-pátrea*, videntur legiſſe *ملہ بدرہ* *Malábædrea*, aut *τὰ μαλάβαιρα*, *Malabathrum*. Sic pro *بادنجان* *Bádingján*, legerunt *مالنجان* *Melongena*: pro *بادخش* *Badàchſh*, legerunt *بلخش* *Balàchſh*, *Balaſſius*: pro *پودنگ* *Pudèngb*, ſeu *پودنج* *Pudèngj*, legerunt *پلیج* *Pulégj*, *Pulegium*, non à necandis *Pulicibus*, ſed ab *orientalis* nominis corruptelâ ortum. In his litera *Dâl* oblongior, propter figuræ ſimilitudinem, à *Scribis* mutata fuit in *Lâm*; eodem modo quo factum fuit in nomine *تدمر* *Tadmur*, mutato in *بلامر* *Palmyr*. Ex ejuſmodi in *Arabum* libris

libris vitiosâ scripturâ orta sunt corrupta nomina *Antimonium*, *Mandragora*, &c. explicatu prolixa, quæ non sunt ullius Linguae voces, quas tamen in criticorum malam crucem paravit veterum Incuria. Alia errandi ansa fuit *Orientalium* Nominum scriptio cum solis Consonantibus sine Vocalibus: adeò ut vocibus per se ἀφώνως, pro libitu dederint sonos, uti & nostrates aliquando faciunt.

Ut itaque in aliis multis, sic & in hoc nomine Ζωρεάσης pariter errârunt, ubi ο pro δ, quâ ratione, meliùs scripsissent Ζωρεδάσης. Sed apud *Orientales*, literæ *Vau* & *Dâl* MS sunt sibi invicem similes, ut pro زردشتى *Zordusht*, seu *Zardasht*, facilè legerint زروشتى *Zoroast*. Scribæ alius error est apud *Theodorum Mopsuestiensem*, scribendo Ζάρσας, redundante σ: & apud alios ΖάρσατΘ, redundante Θ: id enim meliùs scripsissent ΖάρσατΘ, seu potius Ζάρσατος, vel Ζάρσατυς, nisi quod Πάριον βαῦ vix satis eis videretur Terminatio Græca.

Hujus nominis scribendi Formulæ apud *Orientales* sunt variae, quasi alicujus in Religione *Protei* nomen πολύμορφΘ. Usitatior ac verior forma est زردشتى *Zerdusht*, quod tamen aliquando apud Poetas sonatur *Zerridusht*: & deinde sequentibus modis quandoque scribitur, sc. زرادشتى *Zarâdusht*, & (sonando t pro d) زراتشتى *Zarâtusht*, & aliter زردہشتى *Zerd-bûsht*, vel Rythmi & Cadentiæ causâ apud Poetas *Zerd-bâsht* & *Zerd-bisht*. In Libro. Pb. Gj. monetur aliquando scribi زاردشتى *Zârdusht*, & زارتشتى *Zârtusht*, & زراتشتى *Zeratûsht*, & زرتشتى *Zertûsht*, & زارہشتى *Zâr-bûsht*, & زرادہشتى *Zarâd-bûsht*, & زاردہشتى *Zârd-busht*. Quin &, præter has omnes scribendi Formulas, in nuperis Apographis, in Linguâ *Péblavi* scriptis, reperiuntur sequentes Formæ, quas etiam, unâ cum supradictis, Lectori in hoc loco exhibendas censui: sunt autem

زراتشتریشى *Zaratûshtrish*, &

زراتشترى *Zaratûshtra*, &

زراتشترى *Zaratûshtru*.

Quin & hoc nomen (ut supra monui,) in Lib. *Nim*. scribitur etiam زردشت *Zerdusht*, sub Ordine Vocalis *Dammæ*, cujus Interpretatio

R r

Scribarum

Pravus, Malo-aspectu, deformis Persona aut Res; q. d. *Aurum pravum* seu *deforme*; quæ quidem significatio non multum quadrat. Propius accedit id quod legitur in Libro *Pb. Gj.* زردی دبی *Zerdib-dibi*, & زردی دبی هشتی *Zerdib-bāstī*, quæ exponuntur زردی خالص *Aurum purum* seu *sincerum*, scil. *Obryzum*; Sed hæc etiam non satisfaciunt.

De ejus Ortu & Patriâ apud *Europæos* dubitatur, & in diversum itur. Apud *Suidam* memoratur Ζωροάστρης, *Chaldaeus Sapiens*, qui scripsit *Mathematica & Physica*. Is videtur idem qui apud eundem *Suidam* audit Ζωροάστρης, *Perſo-Medus*, cæteros *Astronomos sapientiâ superans*. *Cedreno* notatur *Zoroastres*, nobilis apud *Persas Astronomus*. Alius meminit *Zoroastres* *Proconnesii circa Tempora Xerxis*. Dicente *Clemente Alexandrino* p. 223. *Zoroastrem Magum fuisse Persam Pythagoras ostendit*. Et p. 426, *Plato in X Lib. de Republicâ meminit Heri Armenii, genere Pamphili, qui de se scribit; Hæc scripsit Zoroastres Armenti filius, genere Pamphilus; In bello occisus cum essem, apud Inferos à Diis hoc didici. Hunc Zoroastrem, cum XII die post mortem in Rogo esset positus, Plato dicit revixisse*. Is aliàs audit, *Zoroastres Armenius, Zostriani Nepos & familiaris Pamphilus Cyri, seu Zoroastres Pamphilus, Cyri familiaris*. Annotator *Arnobianus* habet, *Zoroastres Armenius, Zostriani filius*. Quia verò *Zoroastres* assererat *Oromasden & Arimanium*, erant qui horum utriusvis filium cum nominârunt, subinde etiam scribentes *Armenium*. Sic dictus *Clemens*; Ζωροάστρης ὁ Ἀρμενίος; & *Agathias*; Ζωροάστρης ὁ Ὀρομάσδειος. Hi autem omnes sunt unus *Zoroastres*.

Sed haud mirum est si *Europæi* hoc modo dissentiant de homine peregrino, cum illius populares *Orientalis* etiam de ejus profapiâ dubitent; at de ejus tempore concordant omnes, unum tantum constituentes *Zoroastrem*, eumque in eodem seculo ponentes. Sunt ex *Indo-Persis* qui suum *Zerdusht*, seu *Zoroastrem*, ex *Chinâ* ortum dicunt, Patre *Espintaman* & matre *Dodo*. Hæc autem nomina non sunt *Simica*, & eorum soni eâ linguâ exprimi commodè nequeunt. Alii ex eis ab alterâ Mundi extremitate arcessentes, eum in Occidente, vel in *Europâ* cretum volunt: fortè intelligunt *Palæstinam*. Apud *Abulphedam* Vol. 3. p. 58, *Zerdusht* dicitur ortus ex ارمی *Urmi*, seu ارومیه *Urmia*, quæ occidentalissima Civitatum *Aderbayagjân*, in montibus *Gordicæis*. *Megjdi* & alii *Historici* eum ex *Palæstinâ* venisse affirmant, ut suprâ dictum. In Libro *Pbarb. Gj.* ortus dicitur ex Profapiâ Regis *Pbridîn* in *Persia*. In Libro *Mugj.* fol. 224. 2, ponitur

سند یومان *Zerdušt filius Sad-yumân*. Sed fortè *Sad-yumân* perperam sic scriptum fuerit pro *Spintamân*, qui reverà fuit *Zerdušti* pater. Et quidem certè ex sequenti ejus genealogiâ & parentum nominibus planum est, eum fuisse genere Persam. Et hoc non obstat quin in junioribus annis fuerit *Prophetae Israelitici* servus, suæ fortunæ faber, cùm ejus parentes fuerint pauperes. Nam quòd die *Anirân* ex Occidente primò venerit in *Aderbayagjân*, habendum est pro Testimonio valdè authentico. A talis *Prophetae* Miraculis fuerit stimulatus ad similia patrandum, & proinde multas astutias studuerit, prompto Ingenio & forti Imaginatione & naturali Audaciâ & Confidentiâ adjutus: nam si non fuisset audax & intrepidus, totius Nationis Religionem suo modo reformare non tentasset. At quoad veram ejus Prosapiam, ea in Libro *Sad-der*, optimâ autoritate, fusiùs narratur, دراشت آنکو بون ار پورشسب که اورا دسب بون ار *Zarâtusht* بيمترسب دیگر هچرسب آدکه ار چخشودش راسغنتمان بون *qui ortus est à Pûrshâsp, cujus genus à Pîterâsp, dein ab Hîtcberâsp, qui à Tchechsbûnesb, qui ab Espintamân fuit*. Sed alibi sæpiùs in eodem Libro, brevitatis causâ, scribitur دراشت اسغنتمان *Zerâtusht rē Espintamân*, q. d. *Filius Espintamân*, qui tamen non tam Pater quàm Tritavus fuit. Sic tamen est loquendi mos apud eos. Et aliquando ipse *Zerdušt* vocatur *Espintamân* simpliciter, & eo solo nomine intelligitur. Et hoc modo, propter insigne patratum facinus, paternæ Genealogiæ istius hominis, aliàs obscuri, memoria usque ad finem Mundi continuabitur. Et ut de Patre conveniunt, sic inter omnes convenit Matris ejus nomen fuisse دغدو *Dôgbdu*, quod (liquecente *gb* ut in vocibus Anglicis *high, mighty, &c.*) apud eos plerumque sonat *Dôdu*; nam sonus *Gain* in medio vocum ferè evanescere solet. Hocque nomen innuit quasi fœcunditate ea similis esset ejusdem nominis *Gallinae Indicæ*, cujus Icon apud *Herbertum* in *Itinerario* extat sub nomine *Dodo*, cujus etiam Exuviae fœctæ in Auditorio *Anatomico Oxoniensi* servantur. Est autem *Dodo* magna Avis, parvis & exilibus Alis, quæ ad currendum juvant, sed ad volatum non serviunt; unde nec *Volucris* dici queat. Corpus est rotundum & pingue, ponderis L librarum. Cibus pravus, stomacho nauseam movens. Hujus avis vultus præ se fert Melancholiam. Sinciput nudum, Occiput lanugine tectum est, ut & totum corpus. Rostrum à naribus ad mucronem leviter virescit, admistâ Tincturâ subluteâ. Reliqua ex Icone dignoscantur.

*Arboris Cherzéhue
ramusculus cum
eiusdem
Floribus
pag. 339*


Dodo avis.

Ben. Album.

*Ben. Rubrum.
pag. 538.*



Reverendo Viro THOMÆ SMITH S.T.D.^{ri} hanc Tabulam tanquam veteri Amico DDD. Autor T.H. del. d. et. sculp.



cantur. Plurima parit ova, unde & commodum Fœcunditatis Emblema. In Insulâ *Madagascar* & *Bygarroys* præcipuè nascitur.

Supradictus *Zerdusht* apud Orientales (ut dictum) decoratur Titulo حکیم *Hakîm*, seu *Viri docti & Philosophi*: & in vetustis Libris vocatur راد *Râd*, i.e. *Sapiens*. Is, omnium consensu, fuit in *Astronomiâ* & in *Astrologiâ judiciariâ* versatissimus & peritissimus. Unde Doctissimus Rex, peritissimus Astronomus atque Astrologus *Olugh Beigh*, in *Astrologiâ* suâ *Persicâ* hætenus ineditâ, (agens de *دودارات* *Nomudârât*, seu *Indicatoribus* *Horoscopi*, sive *Signi Ascendentis* in *Nativitatibus*,) *Ptolemæi* *Indicatori* præfert eum, *Hermeti*: & *Hermetis Indicatori* præfert *Indicatorem Zerdushti*, وبصواب درین کتاب بر عزم *Opinione autem Judiciariorum, vero propior est Indicator Zerdushti Philosophi*. Aded ut is de *Judiciariâ Astrologiâ* necessariò *Librum* scripserit, in quo etiam se aliis peritiorem ostendit.

Quando *Zerdusht* secum instituerat Religionem suam Persarum Regi recommendare, sedem sibi selegit prope Persarum Regiam, quæ tunc fuit *Istacbr*, seu *Persopolis*. Sic *Beidavius* Historiographus Persicus in *Vitâ Regis* هشتاسف *Hystaspis* ait; *Hujus tempore Zerdusht Religionem Magusæam propagavit, & homines à Religione Sabiâ avocavit; in monte* ناپاست *Napâst*, qui est in *Istacbr*, locum habens. Ut itaque Historiam *Vitæ Zerdushti* ex Orientalibus Scriptoribus prosequamur, primo in loco audiatur Historicus Arabs *Abu Mobammed Mustapha* qui in *Vitâ Gushtaspis* refert, وبعد مضي ثلثين سنة من ملكه ظهر ررادشتي الحكيم وهو صاحب الكتاب المجوس وتوقف آشتاسف عن الدخول في دينه اولا ثم صدقه ودخل في دينه وكان هو من قلامه عزير سمعه وقراء عليه ثم خالفه فدعى عليه عزير حتي قجنم — فنجاه بني اسرائيل من بينهم فسار الي طرف المشرق — ثم الف هذا الكتاب في اثني عشر مجلد كل مجلد في جلد ثور فجملة عجلة واحدة اباح في كتابه تزويج الام والاخت واحل شرب الخمر واشحن ذلك الكتاب بكلمات داود النبي بما سمعه من عزير وحلي *Postquam elapsi fuerant XXX anni regni ejus, [sc. Gushtaspis,] apparuit Zerd-*

Zerâdusht sapiens, qui fuit Autor Libri Magorum. Primò quidem destitit Gushtasp ab ingressu in Religionem ejus: sed postea fidem ei adhibens, in Religionem ejus ingressus est. Fuit quidem ex Discipulis Ozeir, [seu Ezræ] quem audire solebat, eique vicissim legere assuetus est. Sed cum ei contradiceret, aliquid in eum imprecatus est Ozeir, donec leprosus evaderet. — Postea rejecerunt eum filii Israel e medio suò, & tunc in plagam Orientis migravit. — Deinde composuit istum Librum duodecim Tomis: & quivis Tomus [conscriptus] in corio taurino, erat quantum portaret Vitulus. In isto Libro licitum fecit conjugium cum Matre aut Sorore, & Vini potationem permisit: Librum verò istum inferebat verbis Davidis Prophetæ, quæ audiverat ab Ozeir. Eumque Librum adornavit Scripturis aureis, & Gushtasp reposuit eum in urbe Istacbr. Quòd autem Zerdushti Opera impleverint XII grandes Tomos quantos portare potuerint tot Vituli, non est valdè mirum; cum Veterum Persarum Characteres ferè majusculi fuerint, eosque ipse crassiore calamo, ornatùs & Aûdûrîas causâ, scripserit. Bundâri narrat eum fuisse servum alicujus Discipuli Jeremiæ. Abulpharagius vult eum fuisse servum Eliæ: sed tempus non patitur, cum iste propheta CD annis ante illum vixerit. Et apud eundem, lepræ imputatio τῷ Zerdusht videtur malè fundata in Gebâzi historiâ, qui Elishæ servus, ab eo lepræ devotus est & dimissus fuit leprosus, eò quòd, invito Magistro, currens post Naaman petiit ab eo munus. Rectius fortè supradictus Abû Mohammed Mustapha, referens Zerdushtum fuisse servum ٢٢٢ Ozeir, seu Ezra, quod verisimillimum videtur.

Plenius & distinctius rem narrat Bundâri Mohammedanus, ذكر ابو جعفر الطبري في كتابه عن بعضهم ان زردشت كان من اهل فلسطين وكان خادما لبعض قدامة ارميا النبي و م خاصا به اذ اذرا عنده فخذاه وكذب عليه فدعي الله عز وجل عليه قبرص فالحق ببلاد آذربيجان وشرح بها دين المجوسية ثم توجه الي كشتاسب وهو ببلخ فلما قدم عليه وشرح له دينه و اعجبه فقصر الناس علي الدخول فيه و ذكر ايضا عن بعضهم ان ظهور زردشت عند كشتاسب كان بعد ثلاثين سنة من ملكه و اتاه بكتابه الذي ادعاه انه اوحى اليه فقبله فكتب في جلد اثني عشر الف بقرة حفرا في الجلود و نقشا بالذهب و صيره كشتاسب في موضع من اصطخر يقال له زردشتي و وكل به الهراذنة و منع

و منع من قلعہ العامة و حکي ابو جعفر ايضا في موضع آخر ان
 کشتاسب و اباه لهراسب کانا علي دين الصابيين حتي اتاهما
 و در دشت *Abu-Gjapbar AbTābari in Libro suo* ab aliquibus eo-
 rum meminit, quod Zerdusht fuit ex incolis Palaestinae, fuitque Famu-
 lus alicui Discipulorum Jeremiae Prophetæ, cui pax, peculiaris ei & æs-
 timatus apud eum. Sed cum deceperat eum & mentitus fuerat ei, Deum
 precatus est contra eum, & leprosus evasit, & concessit in Regionem Ader-
 bayagjān, ubi incepit propagare Religionem Magusæam. Deinde conver-
 tit se ad Gushtāsp qui erat in Balch: & quando accesserat ad eum, ei-
 que Religionem suam exposuerat, is admiratus est eam, & coëgit homines
 ingredi in eam. Meminit quoque ab aliquibus eorum, quod Zerdusht ma-
 nifestavit se Gushtāspi post trigesimum Regni sui annum, eique attulit
 Librum suum quem jactabat Revelatione delatum ei. Illum itaque acci-
 piens, eundem scripsit in coriis 12000 Vaccarum, excavando [literas] in
 coriis, easque deaurando. Eundem itaque [Librum] Gushtāsp collocavit
 in Istachbræ loco dicto Zerbisht, eique præfecit Sacerdotes, prohibens eun-
 dem docere vulgum. Refert quoque Abu Gjapbar in alio loco, Gushtāspem
 & patrem ejus Lohrāspem fuisse de Religione Sabiorum, donec ad eos
 attulerat Zerdusht id quod ad eos attulit. In eundem ferè sensum
 Megjdi, Persa Mohammedanus, in Libro Zīnato 'l Magjālis refert,
 و در دشت مروي بون ار فلسطين که مدتها خدمت مي کرد
 ادبيات بني اسرائيل کرد علوم غریبه دان گرفته بون و آن دینی ابرو بسبب
 ار اسباب رفعت او را دعای بد کرد و در دشت مبروص شده ار وطن
 هجرت نمود باذن ربابان رفت و دعوی نبوت کرد بعلم شعونه امري
 چند در غایت غرابت مردم نمود آندرا معجزه او نام کردن ار آنجمله
 گویند که بر ستارن خفت تا دگرطل روی را گرم کرده بر سینة او
 ریختند و آن روی داده داده بر سینة او منعقد شده هیچ ضرری بوی
 نرسادید دیگر آنکه آتش در دست داشت و دست او دمی سوخت و بدست
 Zerdusht Vir fuit ex Palaes-
 tinā, qui aliquando fuit Famulus alicujus Prophetæ Israelitici, quique Sci-
 entias rariores memoriā amplexus est. Ille verò Prophetæ propter aliquam
 causam in eum succensens, ei maledixit: unde Zerdusht leprosus evadens, &
 à Patria

è Patriâ fugiens, concessit in Aderbayagjân, ibique Propbetiam jaëtitavit: & in Arte præstigiatoriâ versatus, res quasdam miras populo ostendit, quas Miracula sua vocitavit: ex quibus fuit, quòd supinus jacuit dum bipondium Aëris liquefacti super sinum ejus fuderunt: Aërs verò super sinum ejus granatim concretum, nullum ei damnum intulit. Aliud fuit, quòd Ignem manu tenuerit, & manus ejus non fuit combusta: & in cujuscunque manum dederit, alterius quoque manus non fuit combusta. Sic ille. Addo me quoque vidisse tale quid factum ab homine Circulatore, qui Ignem illæsus tractabat, & ignitas prunas edebat (me astante) absque oris adustione: & cum ego (illius rogatu) explorandi causâ, digitum meum statim in ejus os immitterem, ibique circumducerem, totum inveni frigidum & illæsum. Mihi autem dixit se Os suum præparâsse Oleo Vermium, & nulla aliâ re; quod tamen fortè nihil profuerit ad hoc, cum sine tali oleo potuerit idem præstare, ut & aliquis ex nostratibus facere potuit sine præparatione ullâ. Mos autem hoc aliter faciendi docetur in Libro quodam Arabico Seldeniano Bibliothecæ Bodleianæ Oxoniensis.

Quomodo autem talis homuncio ingressum ad Regem obtinuerit, Autor Libri *Mugj*. unâ cum aliis rebus narrat fol. 224. 2, در دشتی — دعوت نبوت کردن نمی توانستی بگشتاسب ملک رسیدن کا مکرور در ادوانی دشتی بون سطح سقف ادوان بشکافتی و شخصی ار آنجا بیرون آمد و بعضی گریختند و مجلس مشرش شد ملک ار جای خون بجنبید در دشتی بون ارو سوال کردن که تو چه کسی گفتی من رسول خدایم ملک گفتی اگرچه فرون آمدن تو ار سقف بون لیکن برین اقتصار نکنم پیش علما و حکما هستند من ایشانرا جمع کنم تا با تو مناظره کنند اگر گویند اتباع تو باید کردن اتباع تو کنم آنکه بفروم تا همان او و علما جمع کردند و علما آن زمان &c.

Zerdušt --- prophetiam jaëtitavit. Sed non potuit ad Regem Gushtasp accedere, donec aliquo die dum Rex Gushtasp in quodam Aëstivario sederet, iste planum tecti findere non dubitavit. Cùmque aliquis inde prodiret, aliqui fugerunt, & Confessus turbatus fuit: Rex verò è loco suo se non movebat. Mox compertum est quòd Zerdušt fuit, à quo quaesivit, Qualisnam es tu? Respondit, Ego sum Propheta Dei. Regessit Rex. Quamvis à tecto descenderis, hoc tamen non sufficit ut

RIE

me tibi addicam: sed apud nos adsunt viri Docti & Sapientes, quos colligam ut tecum disputare possint. Et, si illi dixerint te sequendum esse, tum te sequar. Tunc præcepit congressum inter illum & Sapientes habendum. Postea illi homines ad Regem redeuntes referunt, Hujus hominis sententia recta est & opinio vera, nec est in verbis ejus error. Sed unum restat, ut sc. ab eo postulemus Miraculum quod modum ordinarium excedat. Rex dixit, Quale erit Miraculum? Responderunt, Eum firmiter ligabimus, & quibusdam Medicamentis quæ benè novimus, corpus ejus inungemus; & tunc بپوندیوم Bipondium Aeris liquefacti super eum fundemus. Et, si eâ ratione perit, tum ejus negotium factum erit: at si salvus evaserit, tunc oportebit nos eum sequi. Et Zerdusht contentus fuit. Deinde obtulit Librum dictum اِسْتَا Estâ, quem jactitavit à Cælo ad se descendisse: dixitque, O Deus, si hunc Librum ad me misisti, tum noxam Aeris à me propulsato; si autem non, tum aliter. Et mox jussit ut super se effunderetur, quod sanè per sinum ejus abiit sine læsione. Hoc facto, Gushtâsp eum benè excepit, & præcepit ut per totum suum regnum extruerentur Pyréa. Cùmque Gushtâspi persuaserat suam Religionem sequi, tum (referente Bundâri) Plantavit juxta portam Pyrei in Kashmer Cupressum, in cujus trunco scripsit, Quod Gushtâsp acceptaverat Dei Religionem, quod testaretur ista Cupressus. Et cùm grandesceret, supra eam ædificârunt Palatium longitudinis XL Cubitorum, & ejusdem latitudinis. Hujus Tectum fecerunt aureum, & Solum ejus ex argento, & قراچه Fundus ejus erat ex Ambrâ, & parietes ornati Unionibus & Hyacinthis & Floribus: inque eo formârunt effigies Gemshîd & Apbridân. Deinde dictum Palatium cinxerunt muro ferreo, & Gushtâsp sumpsit hoc Palatium pro Habitatione suâ, unde ascenderet ad cælum: & ad omnes extremitates regionis ablegavit nuntios & scripsit ad Præfectos, jubendo eos بالصبر الى خدمة هذه الشجرة addicere se visitationi istius Cupressi, & auscultare præceptis Zerdushti, & amplecti religionem ipsius, & relinquere cultum Idolorum. Et ei auscultârunt homines ingrediendo in Religionem illius طوعا و کرها vel libenter, vel illibenter. Fortè suprâ intelligat Cubitos longiores, seu regiones.

Cùm autem iste astutus ex Lege Mosaicâ, ei sat benè notâ, didicerat Deum promississe Israelitis quod eis suscitaturus esset Virum ad instar Moysi, cui auscultaturi essent, ille nimîâ Arrogantiâ & Vanitate inflatus, se illum virum esse opinatus est, idque aliis insinuare voluit, quasi ex stellis hoc didicisset. De his Chondemîri Epitomator Mobamedanus in Vitâ Gushtâsp refert; کشتاسب پادشاه بلند همت

عالیقدر بود لکن او را سهوی افتاد که ملت زردشتی قبول دمود
و قصه زردشتی چنان بود که توبتی از علم نجوم استدلال کرد که مانند
موسی شخصی پیدا شود که او را سبب روشنائی آتش آشنائی بعالم
بالا روی نماید اذن معنی موجب دیوت او کردن بخیال آنکه
اینچنین شخص غیر او نمی تواند که باشد بخلوت و ریاضت مشغول
شد و بواسطه خاصیت مجاهدت روشنائی بوی ظاهر گشتی و ابلیس آن
فرد را در لباس نار بوی دمود و از همان آتش با او در تکلم
آمد برینجهت زردشتی خود را پیغمبر پنداشت کلمات شیطانی را جمع
کرد و او را درد نام نهاد و خلاف بدن مجوسی دعوت کردن گرفت
و گشتاسب اوصاف و سخنان کتاب زردرا شنیده بخدمت آن ضال
مضل شتافتی و ملتش قبول فرموده در اطراف عالم آتش کده ها ساخت
و آتش پرستان در باب ولادت و دیوت زردشتی مخرقات بسیار گویند
چنانچه در تاریخ مبسوطه مسطور است گشتاسب در ایام دولتی
Gushtasp fuit Rex celsi
خودش اصطخر فارس را دار الملک کرد اید

animi & multæ existimationis, excepto quod errâsse eum contigerit, Zerdushti Religionem amplectendo. Zerdushti autem Historia talis est: nempe ille aliquando, ex stellarum scientiâ, elicuit, oriturum aliquem ad instar Moysi, qui propter aliquam illuminationem & cum Igne familiaritatem, exaltatus esset in Mundo. Hocque factum est ei causa Prophetiæ, scil. propter suam imaginationem impossibile esse quod aliquis præter ipsum talis futurus esset. Quocirca in secessum abiens, meditatione occupatus est: & per peculiaritatem conaminis-religiosi, Lumen quoddam ei apparuit; nempe Diabolus ei Lumen illud blandiori vestitu ostendit, & è medio Ignis cum eo confabulatus est. Hinc Zerdusht seipsum Prophetam esse existimans, multa Diabolica verba congescit in Libro cui Titulum Zend imposuit, & populum ad Magorum Religionem invitare cœpit. Et Gushtasp, auditis Zerdushti Laudibus, & verbis Libri Zend, in servitium hujus Erratoris properans, ejus Religionem amplexus est, & in variis Mundi partibus Ædes Ignis extrui curavit. Ignicola quidem de Zerdushti Nativitate & Prophetiâ multa futilia narrant, prout in prolixiore Chronico

Chronico [cujus hoc est Epitome] *exaratum est. Summatim, Gushtasp in diebus Imperii sui, Istacbr Persidis pro Sede Regiâ habuit, &c.*

Nolo heic repetere superiùs dicta de *Zerduſht*, seu *Zoroastre*, sed potiùs Lectorem remittam ad ea quæ suprà, in Historiâ *Mithræ*, ex *Porphyrio* adduximus de *Zoroastris Antro Mithriaco*, & quomodo ibi per longum tempus delituit, quasi apud Deum in cœlo fuisset; cùm is potiùs apud *Tartara* in Terræ specu, seu *Barathro*, latuerat, ut postea fecit *Manes*. Vide etiam quæ supra notavimus ex *Dionis Chrysostomi* Oratione XXXVI, quomodo propter amorem sapientiæ (ut prætendebatur,) secessit in Montem & ibi vixit. Et postea, relicto Monte, igne cœlesti involutus fuit: & tum deinde Persarum Regem & Magnates adiisse illum, ad videndum hominem qui ex Igne illæsus evaserat. Et quodd is posthac non cum omnibus, sed cum solis pietioribus conversari voluit. Quosnam Libros scripsit, & in illis quæ prædixit de *Messiah*, & Præceptorum quæ suis dedit præcipua, in hujus Operis sequelâ, & in subsequente Libro *Sad-der* suis locis comparebunt. At (quod mirum est) intra IV aut V annorum spatium acta sunt omnia illa magna quæ effecit *Zerduſht*. Is enim non applicavit se Regi *Gushtasp* nisi postquam elapsus esset regni ejus annus trigessimus: cùmque ille regnaverit tantùm XXXVI annos, & *Zerduſht* interfectus obierit ante Regem suum, necessariò sequitur, ut intra V annos Religionis rem benè firmatam & stabilitam posuerit, & totum negotium suum absolverit. Sed proculdubio plerosque Libros suos in antecessum scripsit & ad destinatum scopum præparavit: cùm in tam paucis annis (præter alia negotia,) tot Libros conscribere non potuerit. *Megjdi*, Historicus Persæ, post alia multa, prodigiosi istius hominis exitum narrat; scil. quodd *Argjâsp* Rex *Turanensis*, seu *Turca*, multa *Pyrea*, quæ extrui curaverat *Zerduſht*, demolitus est, & tandem LXX Sacerdotes interficiendo in urbe *Balch*, آتش زردشتي را بخون مجوسان انطا دان Ignem *Zerduſhtium* Magorum sanguine extinxit.

— Et quodd tunc *Sbirazensis* aliquis ipsum quoque *Zerduſht* interfecit. Hoc tamen modo, *Magorum* Religionem non extinxit; utpote quæ apud Persas nimis altè radices egerat, & *Gushtaspen* habuit Defensorem, qui vi & armis dictum Orientalium *Turcarum* Regem tandem propulsavit & procul abegit, (quamvis *Gushtaspen* semel in pugna fuderit,) & erasa atque demolita *Pyrea* restauravit & reædificari curavit.

Omniū autem fufiffimè & optimè *Zerduſhti* Hiftoriam narrat Autor Libri ſuo genere rariffimi cui Tit. *Shâbnâma-neſr* ſeu *Proſâ*, (per aliquem *Magorum* ex *Phirdauſi* contractus,) in Vitâ Regis *Gufſtaſp* Perficè referens; در یادشای آن درگشت پیغمبر آمد و پیغمبری بیش گشتاسب آورد و او را گفت که من پیغمبرم و این تعالی مرا بنزد تو فرستاده است و این کتاب رزد او ستا از بهشت آورد ام و این صدره و کستی بمن داده است که این صدره را بپوش و کستی بر میان بند تا از دورخ روان تو رسد و برهائی یابد و این اثر در جهان روان کن گشتاسب چون از پیغمبر این حدیث بشنید گفت که من چه دانم که تو پیغمبری و از درگاه ایزد تعالی آمده و راستی تو بجز از برهان معلوم نشود و بغیر از معجزات ندان پذیرفتن شاید اگر تو پیغمبر راستی و نبستی هستی ما را چیزی حجت بنما که من هم بپذیرم بدانم که تو پیغمبر درانی

*In ejus Imperio venit Zerduſt Propheta, coram Guſtasp Prophetiam præ-tendens, eique dicens. Ego ſum Propheta quem Deus Excelfus ad te miſit: & iſtum Librum Zend-aveſtâ à Paradifo attuli: & hanc Sûdram & Cingulum mibi dedit, inquiens, Iſtam Sûdram * indue, & iſtud Cingulum in medium tuum cinge, ut Anima tua à Gebennâ liberetur & Sal-uationem inueniat; Religionem quoque Dei in Mundo propagato. Quando Guſtasp hanc narrationem à Propheta audiret, dixit, Quomodo cognofcam quòd tu Propheta ſis & ab Aulâ Dei Excelfi veneris? nam veritas tua aliter quàm ex demonstratione non cognofcetur, nec abſque Miraculis aliquam Religionem amplecti decet. Ideòque, ſi tu es Propheta verus & rectus, nobis aliquid probationis oſtende, ut etiam certus ſciam quòd tu Propheta Dei ſis. Quando Zerduſt hæc à Rege audivit, ſequentia miraculoſa oſtendit: ſc. coram Regis Palatio plantavit Cupreſſum, quæ pau-cis diebus crevit ad tantam craſſitiem ut X funes vix eam cingerent, at-que ad X funium altitudinem excrevit: & in bujus Arboris ſummitate erexit Æſtivarium. Quando Rex hæc vidit Miracula, contentus fuit, certò conſtituens ſe ejus Religionem amplexurum. Narrant, aliquos Guſt-aspis ſapientes oppugnâſſe Zerduſtum, eique obſtiſſe; non tamen illum*

* *Sûdra* eſt Tunica Sacerdotalis brevior, Anglicè a *Ceſtoch*, ad mediam ſuram pertingens. *viciſſe*

viciſſe, nec in quavis re ſuperiores evaſiſſe. Sed bi tandem unum quaſi-
verunt remedium: ſc. Zerduſhti domus ubi manere ſolebat, erat è regio-
ne Aſtivarii Regis: & quando Regis Palatium adire ſolebat, tunc Cla-
vem apud Regis Janitorem relinquebat. Regis itaque Sapientes, iſtum
Janitorem adeuntes, pecuniam ei dederunt, cum eo paciſcentes ut ne ver-
bum revelaret. Deinde Clavem ab eo mutuantes & in Zerduſhti aedes
intranſes, omnis generis impuritates in ejus Veſtiarium, & in Librum
Zend, & in Sacculum ejus iniecerunt; qualia erant canum & felium Of-
ſa, & mortuorum Crines ac Ungues, quos inter omnes ejus res immiſcue-
runt. Et poſtea exeuntes, clauſerunt oſtium; & Clavem janitori reddi-
derunt. Zerduſht autem valde purus erat corde, (cujus tamen puritatem
alii non reſciverunt,) & Laudibus Divinis occupatus. Illi ergo ad Regis
Guſtaſſi Aulam venientes dixerunt, Iſte homo Maleſicus [ſeu Veneficus]
eſt, tota nocte Maleſcium [ſeu Veneficium] exercens, & cor tuum male-
ficiorum Incantamentiſ decepturus eſt; niſi Rex Satellites in ejus domum
mittens, iſtam ſupelleſtilem & res omnes requirat & inſpiciat, ut bujus
rei veritas aut falſitas appareat. Rex itaque Satellites ad Zerduſhti do-
mum miſit, qui omnia ejuſmodi utenſilia coram Rege adducerent; Li-
brumque Zend, & Veſtiarium, & Sacculum excutiendo, canum & felium
Ofſa & Crines ac Ungues mortuorum comparuerunt. Rex hac videns &
animadvertens, ſtupore correptus eſt; & digitum dentibus rodens, Zer-
duſhtum convitiatus eſt, dicendo, O ſæde & ſpurciſſime bomuncio, quid
hoc eſt quod feciſti? Zerduſht reſpondit, O Rex, Ego de hiſce rebus ni-
bil novi: ſed accerſat Rex Janitorem ſuum, & quaerat quid acciderit.
Janitor itaque accerſitus reſpondit; quod quamdiu in illa domo cum Zer-
duſht manſerat, tam arde clauſa fuit ut ne ventus intrare potuit. Tum
Rex ſuccenſens, dictum Librum Zend ejecit, & Zerduſht in carcerem
miſit. Hoc modo, innocentiffimus ille Zerduſht in carcere manſit, nihil
comedens, ſed uno pede ſtans Deo Qualitatum-experti Laudes dixit.
Caſu, die quodam, Equi alicujus nigri (qui ex peculiaribus Regis Equis
fuit,) omnes IV pedes in ventrem retracti ſunt, ita ut in terram delap-
ſus fuerit. Tum مبر مار Mib-mard, ſeu Equiſo, in Equorum Stabu-

1 Zerduſht orabat uno pede ſtans, ut etiam fecit ſupradictus Chuſp.

2 Mib-mard eſt Magnus Homo, qualis Ratione officii erat Regis Equiſo. Is aliis dici ſolet
مبتر آهبر Mibter Achbr, i. e. Major Stabuli. Iſte, ſive Magiſter Equorum, ſive Ma-
giſter Mulorum, videtur idem cum אהדרפן Aſhdarpân in Libro Eſtera q. erat استرجان
Mulorum Caſſis, ſc. Praefectus omnibus Mulorum Turmis: & ab Aſhdarpân, ſeu Aſhdân,
corruptum habent Graeci nomen Σίνδαρον, quales erant in Provinciis Praefecti.

lum intrans, [omnia ut solebat] intuitus est & observavit; & oculos in dictum Equum nigrum conjiciens, vidit ejus IV pedes abesse, & in ventrem ejus intrasse, eumque collapsum observavit. Equiso itaque metuens, statim ad Regem cucurrit, & quid in Equorum Stabulo acciderat renuntiavit. Rex itaque, ad Equorum Stabulum veniens, vidit & mirabundus mansit: & omnes suos Sapientes vocavit ut Equo remedium afferrent: omnes verò remedio expertes & destituti fuerunt. Cumque nullum esset remedium, Rex & reliqui omnes erant tristes & melancholici: donec, die quarto, Janitor ad Zerdusht in carcerem veniret, à quo Zerdusht quaesivit quid acciderat quod bodiè illius oblitus fuerat & tam tardè ad eum veniret? Janitor itaque Zerdushto omnia retulit: qui cum ea audiverat, Janitori dixit, ut Regem adiens eum certiore faceret, quòd quando me ex isto carcere eduxerit, bonum aliquod pro isto Equo facturus sim, Janitor itaque, Regem adiens, retulit Zerdusht talia dixisse. Ideoque Rex citissime Zerdushtum è carcere vocans, eum ad Equum nigrum deduxit. Zerdusht hoc videns, attonitus mansit, & Regi dixit hoc opus non esse facile, sed valdè difficile. Unum tamen necessarium à teipso impetrato, ut sc. certò scias banc Religionem esse Dei: & cum toto corde & animo in me suscipiam, ut istius Equi pedes fiant recti. Sed si in corde tuo aliquid dubii hæserit, omninò hoc opus non succedet, sed Equus tuus ista modo manebit. Tum Rex Gushtasp, toto corde & animo certior factus, eam Religionem amplexus est. Mox itaque Zerdusht, Deum Excelsum precatus, manum suam dextram in Equi manum ^a [seu anteriorem pedem] affricavit: quo facto, Equi manus è ventre exiit. Deinde Zerdusht Regi dixit; Necessarium est ut ambo filii tui ad me veniant, & unanimiter amplectentur, & ubicunque Religionis hostes invenerint, eos bello aggrediantur, & hoc modo Religioni licentiam faciant eamve propagent. Tum Rex rās Bāsbūten & Isphendiyār accersivit, qui venientes ejus Religionem amplexi sunt. Postea, aliā vice, manum suam sinistram sinistræ Equi manui applicando, Equi manus sinistra è ventre exiit. Deinde Zerdusht dixit; Nunc oportet ut Ketāyun ^b Isphendiyār mater amplectetur Religionem meam, ut Equi pes exeat. Tum famulum cum Zerdusht ad Palatium suum misit: & Zerdusht [visā Reginā dixit,] O Matrona Matronarum, Deus te omnibus mulieribus & omnibus rebus celsiorem fecit: cumque Deus Excelsus dederit Tibi Maritum, qualis est

^a Orientalibus anterior jumentum Pes vocatur *Manus*; & Pes posterior vocatur *Pes*.

^b Diēla كِتَايُون Ketāyun, Gushtaspis Regina, fuit Filia قَهْصَر روم *Cæsaris*, aut Imperatoris Græciæ; nam cum Græciis fuit res ejus, ut in *Bundārī* historiā dicitur.

Gbushtasp, & quoque Filium, qualis est Isphendiyâr, cui nullus in toto Orbe similis est; & Regum-Rex atque Isphendiyâr in Dei Religionem crediderint, & cum toto corde ac animo eam amplexi fuerint, oportet ut Tu etiam, eos sequendo, eandem amplectaris. Cui Ketâyun respondit; Quicquid Maritus meus & Filius amplexi fuerint, ego etiam amplectar, & Capite ac Oculis de eâdem Religione certa sum, quippe de quâ non sit dubium: namque non dubito.

Tum Zerdusht revertens, ad nigrum Equum venit, & precatus est, manum suam dextram Equi pedi dextro applicando, ut ope Dei Excelsi infirmitas abiret, & pes dexter è ventre exiret.

Postea Zerdusht cum Rege collocutus dixit, Necessarium [seu postulatum] tertium jam rectè præstitum est: & Necessarium quartum est, ut Rex interroget Janitorem suum, ut res oculariter demonstretur: & si ille verum dicturus est, tum Equus tuus plene revalescet; si verò non, tum opus imperfectum manebit. Tunc Rex Janitorem accersens, ei metum & terrorem incussit ut veritatem diceret, sc. quid talia (ut antedictum) in Zerdushti domo patraverat. Janitor verò à turbatâ Regis mente [seu Rege mente turbato] timens, præcautionem postulavit, & Rex ei vitam donavit. Et tunc omnia, prout transacta fuerant, Regi fassus est, dicendo; Quatuor illi Sapientes, qui apud Te tam æstimabiles sunt, ut eorum verbum transgredi non possumus, aliquid mihi dederunt; & Clavem à me accipientes, prædictas res perpetrârunt. Quando Rex hæc à Janitore audierat, Pœnitentiâ ductus, coram Zerdusht Apologiam texere cœpit, quod sc. sine causâ eum vexaverat, & quod oporteret illum ei ignoscere. Dein quatuor illos Sapientes in patibulum egit. Tum Zerdusht in Precatione manus elevavit, & manum suam pedi sinistro applicando, gratiarum actionem recitavit; unde, per Potentiam Divinam, pes sinister è ventre exiit, & Equus rectus in pedes surrexit. Unde Rex, valde lætatus, majorem Zerdushto Honorem & Reverentiam exhibuit, eum super Solum aureum collocavit, & Librum Zendavestâ super Caput & Oculos ponens, [i. e. animum æstimans,] ejusdem Præcepta observavit.

Narrant; post aliquot dies Regem Gushasp Zerdushto dixisse, Ego aliquid à te desidero, & magno ejus desiderio teneor: si illud desiderium præstiteris, tum certissimè sciam te esse prophetam à Deo Excelsò ad me missum. Tunc Zerdusht petiit ut desiderium suum ei explicaret, ut ipse illud à Domino Mundi impetraret. Rex regessit; Hujusmodi desiderium habeo: nempe imprimis teneor desiderio, ut dum adhuc in vivis sum, meum in Paradiso locum & habitaculum videam; ut certior

factus

factus qualis meus in Paradiso locus futurus sit, animus meus sit placatus, seu quietus. Secundum desiderium est, ut omnia hæc in Mundo transacta, & de futuro transigenda, usque ad diem Resurrectionis, certò sciam, & quoque de rebus præsentibus certior sim. Desiderium tertium est, ut cum quocunque, Religionis causâ, bellum gesserim, corpus meum maneat prout jam est, & invulnerabilis fiam. Desiderium quartum est, ut anima امرى immortalis sit, & usque ad Resurrectionem non moriar, sed semper vivam. Propheta Dei hæc audiens, respondit, Ego certè à Domino Mundi hæc impetrabo; & quòd Deus Excelsus ea concessurus sit, nullus dubito. Sed quatuor istas res uni personæ non dabit; quia si uni alicui ista quatuor concederet, talis dicturus esset se esse Deum, cum reverà hæc IV res soli Deo competant. Ideòque petas ut istas IV res concedat IV diversis hominibus, quia uni alicui daturus non est. Tum Rex Gushtasp dixit se desiderare ut locum suum in Paradiso videret, & omnia sibi manifesta sint. Et reliqua tria Desideria petas pro tribus aliis distinctis personis. Zerdusht itaque contentus surrexit & abiit: & ad domum suam veniens, per totam noctem Deo ingemuit & laudes dedit, ut si possibile esset, ista sua مناجات Soliloquia, seu Supplicationes, acceptare vellet. Postmodum cum lucefceret dies, & Sol super montem oriretur, Zerdusht quatuor dictas res in animo habens, چهار شته مهرن eas precibus consecravit. Et deinde dictis IV rebus nomina imposuit, ut distinctè sciri possent: sc. prima res vocata est Vinum; secunda, Rosa; tertia, Poculum; quarta, Malogranati-acinus. Tum super eas چهار برسم Consecratione per Virgas factâ, ex illo Vino dedit Gushtaspi: cùmque Rex de eo bibisset, super Solio suo cubans dormivit per tres dies & tres noctes; dum interea temporis anima ejus in Paradisum ivit, & seipsum vidit in Paradiso, qui quovis loco amarior fuit. Deinde post tres dies evigilavit, & coram Zerdushto stans عنر Excusationem suam ab eo petiit. Postea Gjamaspi dictam Rosam dedit ut eam odoraretur, & ex ejus odoratu omnia præsentia ei innotescerent, & omnia à principio usque ad Resurrectionem perfectè nosceret, sc. quod fuit & quod futurum esset. Tum deinceps [in dicto Poculo] رو Besbûten Lac bibendum dedit, ut ex illius Lactis potatione امرى immortalis fieret, & usque ad Resurrectionem

a Sic factum fuit Erdavirâph, & sic in Paradiso Impositoris Alâ-eddin, de quo in alio Opere, si Deus voluerit.

in vivis maneret, nec omnino corpus ejus mortis جان گدای memor esset edmve sentiret. Quoad rem quartam, τω Isphendiyâr Malogranati Acinum edendum dedit, ut ex ejusdem Esu, æneo corpore præditus evaderet.^a Hac ratione, Zerdushti Religio licita habita, seu propagata est: & quotidie magis magisque رواچر شن propagata est, & omnes ejus Religionem amplexi sunt: excepto quod Argjasp, Rex Regionis Turân, eam non amplecteretur.

De hac re negotium valdè prolixum est in dicto Libro: ego autem compendio dicam, ut Lectori opus non sit aliquid ei addere. Narratur itaque; Quod Dei Religionis causâ inter Persas & orientales Turcas gestum est Bellum, in quo XXXVIII Filii Regis Gushtasp interfecti fuerunt: nam exceptis duobus filiis Isphendiyâr & Beshûten (qui in vivis manserunt,) omnes interfecti sunt. Deinde dicitur, Gushtaspem, propter Delatorum & mendacissimorum hominum Infinationes, filium suum Isphendiyâr in vincula conjecisse: ipsum verò Gushtaspem, Religionis causâ, concessisse in Zâbulistân, in domum τū Rûstem, ut illos ibi in Dei Religione institueret. Paulo post, aliqui viri, negotiis versati, notitiam dederunt در بلخ بامي هيچ کس سياه نيمستی in Balch-Bâmi nullos restare milites, totum verò exercitum concomitatum fuisse Gushtaspem in Sîstân; urbem verò Balch-Bâmi vacuum manere, & quod tantum cum Lobrasp [Gushtaspis patre] aliquot personæ erant qui, Divini cultûs causâ, in Pyreo manebant, unâ cum LXXX Sacerdotibus: & præter eos, neminem ibi esse. Hoc audito, Argjasp exercitum 15000 hominum citò conscripsit, & antè misit كهرام Kâhram filium suum, dum ipse mox secuturus erat. Narrant; quod cum Argjaspis exercitus veniret in Irân [seu Persiam,] Lobrasp, de hoc certior factus, locum divini cultûs relinquens, in locum belli concessit, & plurimos occidit. Sed tandem Lobrasp cum dictis LXXX Sacerdotibus occisus est; adeò ut Ignis eorum sanguine extinctus esset: & unâ cum illis LXXX Sacerdotibus, Zerdusht propheta quoque in dicto Bello occubuit. In Libro Pharhangh Gibangbîri authentica de eo extant Testimonia, quod scilicet, Die XXX Anirân intraivit in Irân, seu Persiam, & quod Die XV Deybamibr mærens exiit ex Irân: nempe latus intravit in Persiam ab occidente, & mærens ac lugens inde exiit ad orientem, ab urbe Balch, propter Argjaspis irruptionem, fugiens: at à Turcarum militibus (sc. ab Shirazenji quodam) comprehensus & occisus est.

^a Is itaque in Historiis cognomentum habet روجن گن Eneo Corpore præditus. Et hodie apud Germanos & alios in Europâ, creditur Induratio Corporum, ut sint invulnerabilia.

زراتشتی آدرا بدادستی و دید	<i>Zerātushtē illud novit & vidit.</i>
بعلم خدا جمله را هک داشتی	<i>Per scientiam à Deo totum memoriâ habuit,</i>
بیان کرد و زآن یادگاری گذاشتی	<i>Declaravit, & inde reminiscētia transiit.</i>
ز امر و دهی و زوعد و وعید	<i>Ex jussu & vetito, ex promissione & promisso,</i>
و معنی صورت بیان آوردن	<i>Ex intentione formam produxit.</i>
ز علمی که او را خداوند داد	<i>Ex scientiâ quam Dominus ei dedit,</i>
از آن علم صد در بدین بر کشان	<i>Ex eâ, inquam, scientiâ centum portas in Religione aperuit.</i>
زهر کردی و زنا کردی دهر	<i>Omnis rei faciendæ & quoque non faciendæ</i>
بیادش درین صد درستی ای عزیز	<i>Explicato est in hoc Centiportali, à charissime.</i>
زراتشتی شهری بنا کرده استی	<i>Zerātushtē urbem quādam extruxit,</i>
درو صد در را از غیب واکرده استی	<i>In quâ centum portas ex abdito patefecit.</i>
دهر در که جایی در آن شهر راه	<i>In omni portâ per quam inveneris in illam urbem aditum,</i>
بیابی بهشت و رهی از گناه	<i>Invenies Paradisum, & liberaberis à peccato.</i>
زراتشتی بنگر چه دین پرورستی	<i>Zerātushtam intueri, quia Religionis fœtor est,</i>
که در شهر دینش راه از صد درستی	<i>Quia in Religionis ejus urbem via est per centum portas.</i>
بزرگان دوستا و یارند و زدند	<i>Magnates en Veshâ & Pâzend & Zend</i>
مردن صد درش را بیرون کردند اند	<i>Hasce centum portas ejus extruxerunt.</i>
که تا اهل دینش بخوانند شان	<i>Ut ita Religiosi eam Liberum legant latè,</i>
بیابند زمین صد در او کشان	<i>Inveniântque per istas centum portas oportunitatem.</i>
بنگر این سخنها کردند اند	<i>Hæc verba declarant præfâ,</i>
بنظم روانش دیارند اند	<i>De carmine animum suum non intendentes.</i>
مرا امر شد تا بنظم آریم	<i>Mibi autem jussum est in carmen reducere,</i>
کردن نظم دلها بجان پرورم	<i>Ut ex isto carmine corda animâsq̃ pascere.</i>

Quomodo Zoroastres Resurrectionis doctrinam adstruxerit, docet *Plutarchus* in Libro de *Iside & Osiride*, & idem de Discipulis ejus narrat *Diogenes Laërtius* in Proœmio. Et orthodoxam ejus de Deo opinionem

nem videas ex *Eusebio*, quem citavimus in Capite de *Perfarum Fide Orthodoxâ*.

Mira multa de eo credunt *Magi*, ejus Affeclæ, quale est illud in Libro *Pbarb. Gj.* apud *كاشمر Káshmer*, seu *كشمر Keshmer*, quod est nomen urbis ex regione *كشمر Tershízz*, quæ in *Cborasân*, seu *Bactriána*. *Magi* credunt quòd *Zerdušht* duas Cupressos sub fausto Sydere plantavit; unam sc. in dictâ urbe, & alteram in urbe *فروم Pbarúmad* (aliàs dictâ *فروید Pbarúyad*, seu *فردید Pberdíd*) quæ ex regione *طوس Tús*. Credunt eum has arbores plantâsse ex duobus ramis [seu virgultis] quos secum ex Paradiso attulit. — Dicitur quòd *Chalípha Mutawákkil* Abbasides scripsit ad *Tábir Ibn Abdalláh*, qui tunc præfectus *Cborasanice* fuit, ut dictam arborem succideret, & Truncum Currubus seu Plaustris, Ramos verò Camelis imponeret, & hoc modo mitteret ad *Bagdád*. *Magi*, hoc audito, obtulerunt 50,000 *Dinár* ut illa Arbor non succideretur: sed *Tábir* non acceptavit. — Ajunt sub hujus Arboris umbrâ plures quàm 10,000 Boum Ovium & Caprarum cubâsse; & alia innumera Animalia inter ejus ramos nidificâsse, terram casu ejus tremuisse, & Aves ex eâ avolantes totum aërem operuisse, cásque, quasi per modum precandi, gemitum suum edidisse, & Oves ac Boves mugitu ingemuisse. Trunci ad *Bagdád* Translatio constitit 500,000 *Dirém*, & Ramis ejus onusti fuere 1600 Cameli. Sic ille. At *Sbabristáni* suprà p. 300 dicit Cupressum, cui inditus fuit Spiritus *تو Zerdušht*, plantatam fuisse in summitate montis *Asmuídacber*, in Regione *Aderbayagján*, si modò hæ Cupressus diversæ fuerint. Quamvis autem apud nos Cupressus sint parvæ, in calidis Regionibus ad maximam molem excrescunt; unde habent asseres ad cistas cupressinas conficiendum.

Si quis sollicitus sit plura de Vitâ *Zoroastris* scire, peculiarem de eo Librum Persico carmine scriptum penes me habeo, cui Titulus *زراشتی نامه Zerátusht-nâma*, Autore *Zerátusht-Bebrâm*, doctissimo *Magorum* Sacerdote, qui celeberrimi illius viri Historiam extraxit ex Libro, Prosâ exarato, Characterè & Linguâ *Péblavi*, quæ quia à paucis intellecta, iste in bonum publicum Linguâ moderniore & quoque carmine ejusdem contenta expressit. Dictus autem Liber prosaicus ab ipso *Zerdušht* scriptus fuerat pro *Superintendentibus* & *Sacerdotibus*, agens de rebus iniquissimis Mundi temporibus gestis, & de Regibus prioribus; continens quoque Explicationem Libri *Vestâvazend*, illo tempore quo *Zertusht* *ادوشه روان* *dulcanimis* illum attulit.

Pag. 5 narrat, quòd quando Mundus immersus esset in improbitate, & omnes erant sine Duce aut Antistite in Religione, tum misit Deus *Zertusht*, qui ortus est Avo *Piterâsp*, cujus filius fuit *Pûrshâsp*, à quo prognatus est *Zertusht*. Fœminæ, seu Matris ex quâ prognatus est *Zertusht*, nomen fuit *Dogbdu*; quæ, Viso somnio, Interpretem adiit. Somnio autem vidit Nubem, quæ tanta erat ut, sicut Aquila volans, ejus ædes circumambiens, Solis ardorem cohibuit & lumen obscuravit, eum in modum, ut dies, aliàs lucidissima, sicut nox redderetur obscura. In illo somnio oculi ejus quasi perstrikti videbantur; & dicta Nubes visa est pluere omnis generis terribilia ac ferocia Animalia, quales sunt Leones, Tigrides, Hyænæ, Lupi; Tigrides, inquam, in Campum, & Crocodili in Aquam videbantur ex illâ Nube dimitti. Dracones quoque, & Pardi, ac Pantheræ, & alia Animantium genera, exertis dentibus & acutis unguibus armata, ex truculentâ illâ Nube sicut pluvia ceciderunt. Et harum Ferarum una, cæteris audacior, quâ inter eos non fuit pejor, vento & aëre vecta, in *Dogbdu* superveniens, unguibus suis ventrem ejus lacerando, *Zerdushtum* extraxit.

Hoc modo procedit iste Liber, miraculosis de *Zerdushto* Historiis scatens, quas omnes referre prolixum esset, & Libellum nostrum in nimiam molem tumefaceret. Si autem aliquis, curiositate ductus, plura de hisce scire cupiat, reliqua hujus Libri contenta aliquando forte eruantur & publici juris fiant. Interim tamen non pigebit singulorum Capitulorum Titulos exhibere, prout in sequentibus visuntur.

Elenchus Capitum Libri *Zerâtusht-nâma*.

1. Proœmium Historiæ *Zerâtusht-nâma*. Pag. 1.
2. Discursus de Causâ conscribendi Librum. p. 2.
3. Discursus de Explicatione Libri, & de Statu bujus Mundi. p. 5.
4. Discursus de Somnio tñs *Dogbdu*, quæ itaque adivit Interpretem. p. 6.
5. Discursus quomodo Dæmones projecerunt *Zertusht* in Ignem, qui ei factus est Rosarium. p. 20.
6. Discursus quomodo Dæmones projecerunt *Zertusht* sub pedibus Boum. p. 22.

7. Dif-

7. Discursus quomodo Dæmones projecerunt Zertusht sub pedibus Equorum, & quòd Equi eum servaverunt. p. 25.
8. Discursus quomodo Dæmones maledicti projecerunt Zertusht in locum Luporum, quorum ora, Dei Incomparabilis Mandato, confrieta sunt: & quòd duæ Oviculæ lactârunt Zertushtum. p. 28.
9. Zertushti Disputatio cum Præstigiatoribus, & quomodo res se habuerit. p. 36.
10. Discursus de Zertushti Operibus Tempore Juventutis. p. 39.
11. Discursus de Zertushti Somnio, & quale id fuerit. p. 43.
12. Quomodo venit Zertusht ad Aquam Dâyati. p. 46.
13. Quomodo Angelus Behman obviam venit Zertushto. p. 47.
14. Quomodo Zertusht Deum Sanctissimum adoravit. p. 50.
15. Quomodo Zertusht percepit Signa Prophetiæ suæ, ejusque in Paradiso Miracula. p. 53.
16. Quomodo per illa Miracula transiit in Paradisum. p. 55.
17. Quomodo Zertusht aliâ vice Deum coluit. p. 56.
18. De ejusdem Transactione. p. 57.
19. Deus Zertushto explicat quomodo Religionem illustraturus esset. p. 57.
20. Behman Angelus obviam factus Zertushto, cum eo colloquitur de Ove. p. 59.
21. Urdibehisht Angelus, obviam factus Zertushto, cum eo colloquitur de Ignibus. p. 60.
22. Shabrîvar Angelus, obviam veniens Zertushto, cum eo colloquitur de Armis. p. 62.
23. Isphendârmaz Angelus, obviam veniens Zertushto, eum alloquitur de purificando Terram. p. 63.
24. Cbordâd Angelus, in occursum veniens Zertushto, eum alloquitur de Aquis. p. 64.
25. Mordâd Angelus, Zertushto occurrens, cum eo colloquitur de اروا. p. 65.
26. Zertusht, in mundum veniens, disputat cum Præstigiatoribus maledictis. p. 67.
27. Zertusht, veniens ad Balcb, adit Regem Gushtasp. p. 69.
28. Sapientes aliâ vice disputant cum Zertusht. p. 73.
29. Sapientes Regis rursus disputant cum Zertusht. p. 76.
30. Discursus quomodo Zertusht Prophetiam jactitavit coram Rege Gushtasp. p. 77.
31. Quomodo Zertusht posuit Librum Zendavestâ coram Gushtasp, & Rex eundem vidit. Ibid.

32. Histo-

32. *Historia Equi nigri, & Zertushti Miracula de eo.* p. 87.
33. *Zertushti Miraculum primum, in educendo Equi Pedem anteriorem dextrum.* p. 103.
34. *Zertusht à Deo petit Necessitatem tertiam, quæ permessa est, sc. eam obtinet.* p. 107.
35. *Zertusht petit à Deo Necessitatem quartam, quæ permessa est.* p. 111.
36. *Angeli descendunt ad Curiam Regis Gushtasp.* p. 115.
37. *Convivium celebrans, illudque precibus ex Vestâvaxend consecrans, Zertusht petit Necessitates Regis.* p. 118.
38. *Discursus quomodo Zertusht Consilium dat Gushtaspi de Religione.* p. 120.
39. *De Unitate Dei Optimi Maximi.* p. 125.
40. *Zertusht, aliâ vice, Deum colens, ejusque Responsum.* p. 135.

CAP. XXV.

Operum Zerdushti generale nomen explicatum.

MAGORUM Persicorum Antistes & Legislator *Zerdusht*, pro Libro sua Dogmata continente mirum excogitavit nomen, non origine Persicum, sed exoticum & hybridum, quod in eis fortè majorem excitaverit admirationem quàm aliud quodvis nomen eis familiare & benè notum: cùm Res exotica & ignota à Cælo venisse crederetur, potiùs quàm Res familiaris & apud eos domi nata. Præterea, quando hoc nomen tandem explicatum eis innotuerit, id subtilitatis ejus ingeniosum dederit specimen, qualia apud Orientales erant semper gratissima. Nam apud eos subtile aliquid, aut scitè dictum, factumve dedisse, magnum in se pondus & meritum continebat, & suprà modum gratum habebatur. Suo itaque Libro (qui aliàs audit *Liber Abrahami*,) alium affinxit generalem Titulum *زند Zend*, seu aliàs *Zendavestâ*: vulgus sonat *Zund* & *Zundavastaw*. Ita ut quamvis illud ejus Opus variis Tomis, sub distinctis etiam nominibus, constet,

stet, tamen quidvis, ex dictorum Tomorum quovis, satis propriè & legitimè citari possit, sub dicto generali nomine, utpote quod, hac ratione, in Operum ejus Complexu seu Syntagmate contineri intelligatur. Sed melius & magis distinctum est specificare in quâ dicti Operis Parte, vel Tomo, tale quid contineatur. Et propter dictam rationem, (sc. quia omnes dicti Operis Partes subinde sub eodem nomine comprehenduntur,) inde est, quòd si in oriente quænaveris Librum *Zendaveštâ*, sub illo generali nomine, aliquando afferent tibi unam partem, & aliquando aliam, quia generaliter & indistinctè quæris. Ideòque, sub singularum partium particularibus nominibus potius inquirendum est. At hoc fortè factum difficile, quia partium nomina sunt nobis ignota, exceptis eis quæ heic dantur.

Est autem *Zend* *رزد* nomen *Arabicum*: & *Zendaveštâ* conflatum est ex superaddito nomine *Hebræo-Chaldaico* *אשחא* *Eshtha*, seu *Esha*, i.e. *Ignis*, unde *Esa*. Hoc itaque nomen rectè scribitur *رزد و اشنا* *Zend-va-Eštâ*, seu *Zend-u-Eštâ*: at ex temporis diuturnitate, vocis *Eštâ* Originatione in oblivionem abeunte, grammaticalem ejus significationem hodiè ignorant: nam illi in exoticas linguas nunquam inquirunt, & in Linguâ *Persicâ* *Ešlâ* planè nihil significat. Ideòque in hujus exoticæ Voculæ significatione hodiè frustrâ laborant, conando eam elicere ex *Linguâ Persicâ*, ubi reverà non est. Illi itaque pro *Ešlâ*, coactè legunt *Išlâ*, seu *ستا* *Stâ*, vel *Sitâ*, volentes hoc esse pro *ستایش* *Sitâish*, i.e. *Laus*: sed coactum est, & res non feret.

Supradicto nomine *رزد* *Zend*, apud *Arabes*, significatur *Igniarium*, seu *Focile*; quod fortè petatum videatur ex *Linguâ Persicâ* à Verbo *رزدن* *Zadèn*, *percutere*, in Futuro *رزد* *Zenâd*. Sed hoc irregulare est, cum *Persæ* in compositione tantum (non extra eam) à dicto Verbo adhibeant *رزد* *Zenè*, (non *رزد* *Zend*, nec *Zenad*) *percutiens*, q. d. *Ignem percutiens Instrumentum*. Cum itaque nomine *Zend* significetur *Igniarium*, & *Zendaveštâ* sit *Igniarium* & *Ignis*, iste dicti Libri Titulus habendus est ingeniosus & figuratus, sumptâ Metaphorâ à *Pyxide igniariâ* quam, eliciendi ignis ergò, in domibus servamus; ad insinuandum, quòd sicut illo instrumento excitari & accendi solet *Ignis communis in Culinâ*; sic isto Libro excitandus esset religiosus *Zelus* & *Ardor* in *Pectoribus hominum*, scil. ibi accendendo talem *Religionis Igniculum*, qui tandem in maximam & efficacissimam *Pietatis* & *divini Amoris Flammam* excreceret.

Verum, inquam, & legitimum dicti Operis nomen est *Zend-va-Eštâ*: sed cum eorum *Poster* hujus nominis *Veriloquium* partim ignoraverint,

noraverint, id, pro libitu, variis modis scripserunt & deformârunt; quæ omnes mutationes, seu diversæ scribendi formulæ, sunt tot deviationes à vero, quamvis eæ omnes in eorum Libris quotidiano usu hodiè confirmentur & comprobentur. Eæ autem hujus nominis formulæ tales sunt, viz. pro originali Formâ *Zend-va-Estâ*, seu *Zend-u-Estâ*, subinde scribunt & sonant *Zendavêst*, & *Zendestâ*, & *Afadeslâ*, & *Zendâfadeslâ*, & *Zendavestâ*, & *Zendabestâ*, & *Zend-avestâ*, & *Zend-abeistâ*; vel inversè *Avestâ-va-zend*, seu *Avestâ-zend*, & *Abestâ-va-zend*, & *Vestâ-zend*, & *Vestâ-va-zend*. Vel aliquando utuntur solo nomine *Zend*, vel *Estâ*, & pro *Estâ* à quibusdam legitur *Ustâ*, aut *Vestâ*, vel *Avestâ*, vel *Abestâ*: unde Syro-Arabes fecerunt nomen *Abestâk*, seu *Avestâk*, & Syriacè *Abestôgo*, seu *Avestôgo*, pro libitu pronuntiantium. Sic Bar-Babîlî Syrus, qui tradit *Zerdushtum* hunc Librum suum vertisse in VII Linguas: *ܙܕܝܫܬܐ*, *ܙܕܝܫܬܐ*, *ܙܕܝܫܬܐ*

.Luoꝛj. .Luoꝛe .Luoꝛo .Luoꝛo .Luoꝛo o Luoꝛo o Luoꝛo o Luoꝛo
 .Luoꝛ .Luoꝛ .Luoꝛo .Luoꝛo *Abslōgo est nomen Libri Zerdusht,*
quem ordinavit & composuit in septem Linguis, Syriacā, Persicā, Ar-
menicā, Segistansenſi, Marvazenſi, Græcā, atque Hebraicā. Est qui-
 dem *Segistān* Perſiæ Pars, uti & *Marv*: unde istæ ſint tantūm Lin-
 guæ Perſicæ Dialectus. Hoc autem *Bablulidis* debet eſſe mera fabula,
 cū *Zerdusht* noluerit Librum ſuum in variis linguis publicare, ſed è
 contra, ex induſtriâ, ſtudiit ejusdem Contenta celare, & ſuos juſſit
 ea nulli Extero revelare, nec linguam & literas ejus aliquem docere,
 ut alibi diximus. *Hystaspes* quoque à Perſarum vulgo celavit.

Supradictum Igniarium, seu Focile, semper constat duabus Partibus, quæ sunt duo ligna cubitalia: quale quidem Instrumentum hodiernis Persis dicitur *آتش رده چوبین* *Igniarium ligneum*; vel si vocem fingere liceat, *Igni-percussorium ligneum*, cujus superior Pars, ignem excutens, est *Ignitabulum*; & inferior Pars, ignem in fomite excipiens & suscitans, est *Suscitabulum*. Nam Arabes *Campestres* & *Nomades* (ut & alii quidam,) non *Silice* & *Ferro*, sed *antiquo* & *patrio More*

U n

Ignem

Ignem excutiunt duabus Arundinibus, seu duobus durissimis Bacillis ligneis cubitalis longitudinis, quorum mutuo affricu & attritu elicitur Ignis, qui in Fomitē inferioris ligni cavitāte contentum cadit. Horum lignorum superius (quod etiam tenuius & exilius,) vocatur *رَدَن* *Zend*, inferius (quod crassius & medio canali excavatum pro fomite excipiendo,) vocatur *رَدَنَة* *Zēda*, & utraque simul in duali *رَدَنَان* *Zendān*. Vel aliquando, distinctionis causā, horum unum vocatur *رَدَن اَعْلٰی* *Zend superius*, & alterum *رَدَن اَسْفَل* *Zend inferius*. Et cū Igniarii dicta ligna essent ejusdem formæ cum ossibus Brachii, & cubitalis longitudinis, ut ignem excussurus fortiori nisu commodius incumberet, inde, inquam, (propter horum analogiam) *Avicenna* & *Arabum Medici* bina illa Brachii seu Cubiti ossa longiora (quæ Latinis *Radius* & *Ulna*,) eodem nomine vocarunt *Zend* & *Zendān*, scil. ea Ossā vocando *Focilia*. Et hinc rursus factum est cū Igniarium (*tinder-box*) tam Latinis quàm Italis vocetur *Focile*, ut *Italorum Medici*, *Arabicos Libros* inspiciendo & *Arabes* imitando, dicta Cubiti Ossā vocarint etiam *Focilia*, viz. unum *Focile Minus*, & alterum *Focile Majus*, factā nominis *Arabici* Translatione.

Indi Orientales (ut dicitur) aliquando ligni alicujus durissimi extremitatem applicant Arundini, quasi eam terebrare vellent, dictum lignum circumagitando donec exeat Ignis, qui cottonēā lanā exceptus accenditur. Aliās apud eos (ut quidam *سربانگ* *Sarbāngb*, seu *Boat-swain* in aliquā nave Anglicanā, id propriā manu mihi monstravit,) hoc fieri solet fissā Arundine majore in duas partes inæquales: & frusti inferioris cavitati inditur *Fomes*: frustum verò superius (quod tenue,) formatur acutā acie sicut cultri; quæ quidem acies super inferioris frusti canali transversim ferrando affricatur, donec, motionem recipiendo, exiliat ignis, in inferiorem canalem cadens. Arundines sunt tantæ duritiei ut aliquando in stagnis, ubi crescunt, vento inter se invicem collisi accendantur. Est etiam in *Syriā* Arundinis factæ Species dicta *كلج* *Calch*, cujus culmus refert culmum *تر* *Durra-dbyad*, seu *Milii Albi*. Hæc Arundo, quando sicca, si utrāque manu fortiter usque ad fissiōem torqueatur, statim ignescens concipit flammam.

Fomitis Materia subinde est *سوفان* *Soufān*, ut in *Syriā* vocatur *Pamus* arborum, qui Lixivio coctus, sole siccatus, & tundendo emollitus esse solet, ut fiat *فوم* *Fomes* Ignium. In *Yaman* & alterā *Arabia*, aliquando

quando ex adusto linteo Fomes inditur disco ligneo, in cujus lateribus sunt duo foramina, per quæ transversim mittitur Bacillus, qui tamdiu circumagitur donec exeat Ignis in fomitem cadens. Talis Discus cum transverso Bacillo dicitur fieri ex radice alicujus arboris durissimæ. Ita quoque nimia agitatione & velociore motu quotidie accendi solent Rotarum Axes, & Volvoli, quibus recenter fabricatæ Naves ad aquam deducuntur. Lignorum quoque ex nimia motione Ignitionem probant Tornatores nostri, dum durioris ligni querni, seu roborei extremitate, aliud lignum mollius circumagitatum usque ad inflammationem accendunt, circulos nigros in eodem adurendo.

Uti autem ex duris & ficcis, sic etiam aliquando ex mollibus & humidis lignis elici solet Ignis. *Armeni Isphahanenses* mihi retulerunt, Ignem ibi elici solere ex alicujus mollis ligni duobus Frustris, quæ mutuâ affricatione ignescunt, & deinde afflando accenditur Ignis. Hujus ligni nomen pronuntiabant *Bâdi-sâmbour*, quod rectius est *بان سمور Bâdi samûr*, eodem nomine quo aliàs *Ventus Urens* nominatur. *D. Thevenotus*, in *Itinerario*, hujus Ramusculum pingit, & describit totam arborem quæ Craffitie & Brevitate monstrosa: & dicit eam itidem ab *Armenis* vocari *خرزهره Cberzêbre*, quod est verum nomen apud Medicos. Ex hoc ligno parantur Carbones facile accendibiles, qui adhiberi solent ad conficiendum *Nitratum Pulverem*, ut apud nos Carbones salignei. Apud *Arabes*, Ignis elicitur ex Lignis dictis *مرخ Marc'b* & *عفار Afâr*, de quibus apud *D. Golium* legitur in *Lexico*; *Aphâr* est arboris species, cujus lignum facile ignescens, in Fomitem Igniaris cedit. Et apud eundem; *Marc'b* est nomen arboris quæ confrictu facile ignem reddit; aut *Focile inferius*, ut superius dicitur *Aphâr*. Et sic *Turgj*, ex *Sabâb* seu *Gjeubario*; وفي الصحاح العفار الرند وهو الاعلى والمرخ In Libro *Sabâb*, *Aphâr* est *Zend*, seu superius, & *Marc'b* est *Zenda*, seu inferius. In contrariam sententiam abit *Ecleri*, qui *Turcicè* refert; مرخ بر اصل باشل آعاجدر كه عفار آعاجنه سورسلر صوي جدر اول صودن اون حادث الور بقدر مرخ ارلك وشنه *Marc'b* est species virentis Ligni, quod si affricaverint Ligno *Aphâr*, exit Succus, ex quo Succo exiens Ignis accenditur. Horum *Mas* est *Marc'b*, & ejus *Fœmella* est *Aphâr*. Et rursus idem *Ecleri* legit, عفار عرب دماردنه چوق الور بر اصل باشل آعاجدر كه بداغن كسوب
U u 2 مرخ

مرخ آماجنه سورسلر صوب جقر وارل صودن ارن حادث الور دقارلر
Aphâr copiosa est in Arabum Regione
Ligni viridis species, cujus ramus, si resecetur & Ligno Marc'h affrice-
tur, exit Succus, ex quo Succo concipitur Ignis quem accendunt. Aphâr
 مرخ [وغفار] *est Fœmella, & Marc'h est Mas.* Heic habe ex Máulavi, دو
Marc'h درختست در دمار عرب چون بهم ساینند آتش بیرون آید
Aphâr sunt duæ arbores, sc. duo Ligna in Regione Arabum, quorum
mutuo attritu elicitur ignis. Turcis جقبق *Tcbâkmak est tam excutere*
ignem quàm Excussorium instrumentum, sc. Igniarium, seu Focile.

De his audiatnr supradictus *Turgjumân*, qui *Perficè* dicit, عفار
Aphâr & Marc'h و مرخ دو درختست که اراڤ آتش بیرون می آید
sunt duæ arbores ex quibus exit Ignis. Quæstio ergò est, an Marc'h &
Aphâr sint diversæ Arbores, vel potiùs diversâ Instrumenta ex eâdem
 Arbore? cùm eadem sit utriusque Arboris definitio, seu descriptio ;
 utraque enim *Perficè* apud *Turgj.* est بید سرخ, & apud *Esteri* Turcicè
 est بید دشتی *Salix rubra.* Quoad locum, apud *Turgj.* est
 باغجاد بید سکود *Salix campestris:* & è contra apud *Esteri,* est سکود
 آماج *In Hortis crescens Salix arbor.* Ista *Salix*, propter rubedinem,
Martis Stellæ dedicatur, tanquam *Planta Martia*, quæ à *Bebrâm*,
 seu *Marte*, aliàs *Perficè* vocatur بهرامه *Bebrâma*, Formâ Arabicâ
 بید سرخ *Bebrâmagi est Salix rubra, seu Martia.* Et quia
 copiosè provenit circa urbem *Balch* in *Cborasân*, subinde legitur
 بهرامه *Bebrâmagi est Balchenfis Salix.* Et *Chadr Ibn Ali* dicit,
 بهرامه *Bebrâmagi est Salix Bal-*
chenfis, quæ etiam vocatur AlDibk; estque omnium odoratarum Planta-
rum odoratissima & fragrantissima. Temperata est, si embrocata: dis-
solvit flatu ab omni loco, & ejus odor solvit flatu crassiores à capite: item
solvit ventrem. In Libro *Pb. Gj.* à Florum Odore vocatur مشک بید
Salix Moscbata. Et in Libro *Zeinato'l Attâr* appellatur گربو *Gburba-*
gbu, & گربه بید *Gburba-bîd*, seu *Salix Felina*, fortè propter *Iuiles:*
 & ibidem vocatur بوش بلسه *Gbêla-pûsh*, *Gregem tegens, seu Cranium*
tegens,

tegens, fortè propter umbram, & ibidem exponitur, *Salix* verno tempore valdè suaveolens, cujus عرق seu destillatam Aquam ad cordis exbibilationem & refrigerium bibunt. Et ut rarissimæ Plantæ omnia Nomina persequar; hæc *Salix* vocari solet Turcicè صورغون *Sûrghûn*, seu fere eodem sono سورغون *Sûrghûn*, sive سرخون *Sûrchûn*; quæ omnia videntur esse quasi dicatur سرخ گون *Sûrch-ghûn*, rubricolor Arbor seu *Salix*. In Libro *Nim.* legitur, مشک بهمن سورغون چچکلی صد عرقن چقد رلر, *Salix moschata*, est *Sûrghûnæ* flores, ex quibus تین Irâk seu stillatitiam aquam eliciunt: sc. *Salicis Moschatae* nomen restringit ejusdem floribus. Est itaque talis *Salix* quæ externè igneo colore rubet: & si virens ejusdem Ramusculus duriter fricetur, vel tortus flexusque sit, tum exit succus ignescens & flammam concipiens dum exit: aded ut hæc planta, tam extra quàm intra, sit planè ignea. *Chinenses* ajunt quod *Sui*, qui ex Imperatoribus primis, Lignum Ligno atterendo Ignem primus elicit: & eam Ignis extundendi Artem etiamnum *Sinæ* in usu habent, & pro variâ anni Tempestate, varia deligunt ligna circa id temporis ad præbendum Ignem aptiora.

CAP. XXVI.

De Zerdushti particularibus Libris, & de Linguâ & Literis quibus scripti sunt.

LIBRI *Zend* seu *Zendavestâ* Originale Exemplar in 12000 coriis taurinis, (ut supra descriptum p. 318, 319,) exaratum est *Persarum* Linguâ & Literis vetustissimis, hoc tempore, non omnibus ibi satis notis. Cum his consonant ea quæ habet *D. Sanfon* in Hodierno Statu *Perfiæ*, p. 184, *Illorum Fides* continetur in quibusdam Pellibus, quæ ab eorum Magis, seu Sacerdotibus, certis quibusdam Diebus leguntur. Hæc dictæ Pelles inferciuntur Fabulis & Traditionibus supersticiosi: quas tamen Sacerdotes studiosè celant, Religionis suæ partem ducentes eas monstrare

monstrare Nemini. Ita ut impossibile sit aliquid de eorum Fide scire, nisi quatenus eam revelare velint eorum Sacerdotes.—Et quantacunque fuerit mea Curiositas, parum tantum de eis addiscere potui. In vetustissimis Exemplaribus non sunt admixtæ Voces exoticæ, sed omnia purâ putâ *Lingua veteri* exarata sunt. Recentiora autem Apographa, explicationis causâ, aliquando admixta habent moderniora quædam vocabula *Persica*, & subinde pauca *Arabica* à modernioribus Persis usitata. At quidem *Zerâtusht-Bebrâm*, Sacerdos olim doctissimus & in antiquâ Linguâ versatissimus, in subsidium eorum qui *veterem Linguam* non intelligebant, aliquos antiquos Libros (vel saltem extractum ex eis, quod magis usui esset,) in moderniorem Versum *Medo-Persicum* vertebat, ex quorum Numero est Liber *Sad-der* & *Zerâtusht-nâma* supra memorati.

Liber *Zend* (ut supradictum,) conflatus est ex variis partibus, quæ universum Opus constituunt, quæ omnes eâdem *Lingua veteri* scriptæ sunt; quarum aliquæ continent primum Textum originalem, aliæ verò continent secundas *Zerduſhti* Cogitationes, quæ sunt quasi *Επισηµεις*, ad ulteriorem doctrinæ ejus explicationem spectantes; eodem modo quo se habent *Mishna* & *Gemara*, Textum *Talmudicum* constituentes. Hujusmodi imprimis est Liber *Pâzend*, & deinde alii infra recensiti. Cùm enim quotidie cùm adversariis contenderet, & videret & audiret ea quæ contra ejus Dogmata & Doctrinas ab hominibus objicerentur, necessarium erat ut novis Malis nova Remedia quæreretur, & Argumenta pararet, & ad Objectiones antea non visas responderet; id quod contingit omnibus qui novam Doctrinam, contra vulgò receptam opinionem, propagare satagunt.

Literæ, quibus Liber *Zend* (vulgò *Zund*) & omnes ejus Partes exarantur, ex sunt *vetustissimorum Persarum*, quæ, (propter dictum Librum in eis exaratum) apud Incolas vulgò audiunt *Literæ Zundicæ*, seu *Character Zundicus*, vel si *Anglicè* loquimur, *the Zund Character*; à quo aliquantulum differt *Character Pazendicus*; ita ut is hodiè à Persis in Indiâ degentibus non ita promptè legi possit. Nos autem utriusque generis Typos fufos & Rei Typographicæ adaptatos & paratos habemus. *Lingua*, in quâ vetusti Libri scripti sunt, vocatur *Lingua Péblavi*, seu, ut vulgus effert, *Pebéllavi*: de quâ, & de omnibus Linguæ *Persicæ* Dialectis, infra in peculiari Capite fufius dicetur.

Eorum Pseudopropheta *Zerduſht*, præter Titulum *Zend* à se exco-
gitatum, ut suo Libro auctoritatem conciliare posset, eum (ut supra-
dictum) haberi voluit *Liber Abrahami*, utpote qui ejus Religionem
&

& Doctrinam continere censeretur. De eo *Shabristāni* (postquam distinxit inter Librum verum, seu indubitatum, quale est Judæorum Biblia, & Librum dubium, seu dubiæ fidei,) addit, *الصحف التي كانت لإبراهيم ء م شبهة كتاب فيه منافع علمية ومسالك علمية*

Quoad Librum qui tribuitur Abrahamo, (qui est Liber dubius,) in eo sunt varii Ritus Scientiales & Consuetudines Practicales. Nempe docet multas Regulas, & Præcepta tradit quæ tam ad Scientiam, seu Theoriam, quàm ad Praxin in humanæ vitæ actionibus spectant: unde Libri *Zend* Subjectum innotescit. Et deinde pergit; *Et quidem Scientiales, seu Theorica, statuunt modum Creationis & Productionis rerum, & Aequalitatem Creaturarum quoad modum Ordinationis & Durationis, &c.* Cum his ferè concordant quæ habet *Diogenes Laertius*; *Persarum Magos differere de Origine & Natura Deorum, quos Ignem, Terram, & Aquam, &c. arbitrantur.*

Supradictæ Libri *Zend* Partes seu Tomi vocantur *دسک Nefek*, seu *Nesk*, ut in *Nim.* legitur: sed potiùs sonandum est *Nusk*, i. e. *Pars*. Hæ Partes dicuntur esse numero XXI, prout in Libro *Pharb. Gj.* legitur, *دسک قسمي باشد از دهست و يك قسم ردد كه رددشتي ردد را* *دسک قسمي باشد از دهست و يك قسم ساخته و هر قسمي را دسک نام دهان و بار هر دسكي را باسدي موسوم ساخته و آسامي آن دسكها هر کدام در* *Nusk est una quævis pars rō XXI partium rō Zend: cum enim Zerdusht divisit rō Zend in XXI partes, cuiuslibet parti imposuit nomen Nusk. Quin & quamvis Nusk peculiari nomine donavit. Et singularum Nuskarum nomina in Magorum congregatione recitari solent & etiamnum recitantur.* Libri *Zend* Partes (si rectè memini) alicubi dicuntur esse XXII. Harum aliquot Partium nomina partim in dicto Libro *Pharb. Gj.* & partim alibi invenimus, quæ sequuntur: de reliquis ulteriùs disquirendum.

- I. Liber *دسک ردد Zendvestā*, sc. ejus Pars quæ est *Officium Precum*, seu *Liturgia Ecclesiæ* Magorum in *veteri Lingua*. At in eo *Officium Nuptiarum* videtur ceterioribus temporibus additum, quia frequens ibi *Zeratushtæ* mentio fit.
- II. Liber *دسک پازند Pāzend*, q. d. *Pes* seu *Fulcrum* rō *Zend*, sc. ulteriore commentatione ejus Doctrinam explicans & sustentans.

III. Liber

- III. Liber اياردا *Iyârda*, seu *Ayârda*, qui est Commentarius in *Zend*: uti etiam est sequens,
- IV. Liber ايكبارن *Ikbâren*.
- V. Liber خرد *Cbârda*, i. e. *Pars Minutior*: dicitur Commentarius in alias aliquas Partes.
- VI. Liber وندیدان *Vendidâd*, qui prægrandis est.
- VII. Liber ودد وددید *Vend-Vendîd*, seu *Venduvendîd*.
- VIII. Liber ردن وددید *Zend-Vendîd*, seu *Zenduvendîd*.
- IX. Liber وددید وددید *Vindîd-va-zend*, seu *Vendiduzend*.
- X. Liber تنگ *Tengh*. Eodem nomine gaudet cum aliquo Manetis Libro, de quo suprà.
- XI. Liber مشت *Müşht*, seu *Pugnus*.
- XII. Liber خشت *Cbisht*, seu *Later*: sic vocatur rã *Zend* Pars XII.
- XIII. Liber اشکاد *Aşhtâd*.
- XIV. Liber سیاه *Siyâb*, i. e. *Niger*: aliàs dictus زمزم *Zémzem*, i. e. *Musfitatio*, quippe qui Magorum Musfitationem cum ejus Temporibus & Formulis docet.
- XV. Liber ردن هادخت *Zend-bâducht*.
- XVI. Liber رزادشت نامه *Zerâtusht-nâma*, sc. ejus Vita à seipso scripta prosâ, ut suprà p. 332, ubi ejusdem Contenta partim explicantur, & partim alibi. Postea in moderniorem linguam carmine versus est iste Liber.
- XVII. Liber یرزیشنی *Yezîsbni*, i. e. *Divinus**.

* Iste Liber No. XVII, reperitur tam in Museo meo quàm in *Emanuelis Collegio Cantabrigiensi*, ubi super eo sic scriptum est: *Iste est Liber Ejesney in lingua Jencysta, continens Religionem veterum Persarum; ex dono Nannaby Moodie*. In istis autem Nominibus Persicis erratur, vel ex Informatoris pravâ Pronuntiatione, vel ex sono malè percepto & perperam captato ab Informato *Sacellano Anglo*. Nam in mei Exemplaris Calce, istius Libri nomen literis Persicis scriptum est *Yezîsbny*. Hinc constat supradictum Informatorem voluisse *Ejesny*: & alterum Linguae nomen, quod scribit *Jencysta*, ex illius intentione, rescribendum esse *Zencysta*: scil. lingua Libri *Zendwysta*, quod est nomen Operum *Zoroastriis*. In Exemplari *Cantabrigiensi*, in Calce (ubi dicti Libri nomen expectandum erat,) aliquot folia desiderantur, quæ meum Exemplar supplet. Dicta Superscriptio videtur in Oriente accepta ab aliquo *Sacerdote Persico*: unde colligo quòd *Yezîsbny* pro vero hujus Libri nomine habeatur. Ego etiam possideo alium Librum, scil. quoddam Exemplar Libri *Sad-der*, scriptum in urbe *Sarât*, Mandato *کنورجی نابانا Moodie* Mercatoris Angli 1633: ubi in sono nominis *Nâbana* erratum videtur pro *Nânnaby*: nam Orientales serè semper corrumpunt *Europæorum* Nominum sonos.

XVIII. Liber درشت *Zerduſt*, de Religione agens.

XIX. Liber استدانگر *Uſtâdgber*, i. e. *Magiſter*, ſeu *Coryphæus* in aliquâ Arte. De judiciariâ *Aſtologiâ* agit.

XX. Liber پزشک نامه *Biziſbk-nâma*, i. e. *Medicorum Liber*, ſc. ejus Munus docens & Herbarum Vires exponens.

Hi omnes (& ſi qui ſunt alii,) & quicquid ex eis citatur, habentur *Mazdiyafenân*, quod Verbum Dei eſt, ut in *Sad-der* cap. 12. Et omnes ſcripti ſunt Proſâ, nam *Zerduſt* nunquam ſcripſit aliquid Carmine: ideoque quicquid ejus Carmine extare prætenditur, ab aliis ſcriptum eſt, qualia ſunt *Græcorum Collectanea* quæ ei tribuuntur. At quia *Preces Proſâ* canunt, fallitur *Curtius*, dicens *Magos Patrium Carmen ceciniffe*, quaſi Verſus ceciniffent. Supra autem p. 331, irrefragabili testimonio conſtat omnia veteri lingua ſcripta fuiſſe Proſâ. Verum quidem eſt, quod quia illa lingua tandem Vernacula eſſe deſiit & paucis nota fuit, inde *Recentiores* aliqui *Magorum Sacerdotes*, in bonum publicum & uſum vulgi, pauca quædam in recentiorem linguam verterunt, ea conſcribentes Carmine. Hoc autem tantum CC abhinc annis, circa tempus quo ab eis ſcriptus fuit Liber *Sad-der*: ſed tale quid *Veteribus* ignotum.

Apud *Suidam*, *Zoroaſtres* videtur intelligi ſub alio corruptiori nomine, ubi legitur Ζωροάστρης *Chaldæus Sapiens, qui ſcripſit Mathematica & Phyſica*, ut ſupra diximus. Apud eundem *Suidam* memoratur Ζωροάστρης Πεπομένης σοφῆς [ὃς Ἀστρονόμος.] — τίμηται ἡ αὐτοῦ περὶ φύσεως βιβλία δ'. περὶ λίθων τιμίαν ἔν. Ἀστροσκοπικὰ δόξασματα βιβλία ε'. De *Agriculturâ* cum etiam ſcripſiſſe dicit *Plinius*: & 100,000 Verſuum ejus collegiſſe & volumina ejus explicâſſe dicitur *Hermippus*, cujus etiam Librum de Magis *Laertius* & *Arnobius* adducunt, ut *Patritius* notat. Sed abſint Carmina omnia!

Hujus hominis celebritas anſam dedit Hæreticis fingendi pro lubitu. Adeo ut ejus ſuppoſititii Libri (tertio poſt Chriſtum ſeculo, circa MCD abhinc annis) tantâ fuerint veneratione, ut *Clemens Alexandrinus* p. 233 ſcribat; *Quidam qui Prodiçi hæreſin ſequebantur, ſolerent gloriari ſe arcanos ejus Libros poſſidere*. Atque *Porphyrus* in *Plotini Vitâ* narrat, multos Hæreticos Chriſtianos circumtuliffi *Revelationes quaſdam Zoroaſtris, & Zoſtriani, & Meſi, &c.* quibus deceperunt multos, & ipſi decepti. *Plotinus* ergo contra hos & *Gnoſticos* ſcripſit. Et *Porphyrus* dicit ſe multis oſtendiſſe Librum, *Zoroaſtri* ab illis inſcriptum, adulterinum novumque eſſe, & ab eis conſectum qui ſtatuebant Hæreſin, ut *Inſtitutiones*,

quæ Zoroastris veteris esse crederentur. Ex Proclo, Damascio, Synesio, & aliis citra Christum Autoribus, sparsa quædam Zoroastris Λόγια collegit Patritius, & ante eum alii. Sed qualia fuerint quæ de Zoroastre apud Græcos circumferebantur, notat *Iohannes Chrysostomus* Tomo I, p. 737 de Vitâ Sanctæ Babylæ agens, & Orthodoxorum de eis opinionem his sequentibus verbis prodens; Διὰ τὴν τὸν Ζωροάστῃ ἐκείνῳ καὶ τὸν Ζαμόλξιν, &c. Quamnam ob causam, Zoroastrem illum itémque Zamolxin, ne quidem de nomine multi, imò vero nulli nisi admodum pauci norunt? Nonne quoniam *Figmenta* erant quæ de illis circumferuntur omnia? quanquam tum illi, tum ii etiam qui illorum facta memoriæ prodiderunt, summi Artifices fuisse feruntur; illi quidem *Imposturæ* comminiscendæ atque exercendæ, hi autem *Mendacii Orationis Illecebris* adumbrandi.

Ut autem ad pensum redeam; cùm supradictus Liber Zend sit omnium Agendorum & Credendorum Regula, uti *Mohammedanis* est *Coranus*, & *Christianis* S. Biblia, idèd licitum aut illicitum ex ejusdem Præceptis determinandum censent: unde id quod licitum est, appellatur زرد آور Zendâver, id quod feret Zend; sc. quod Zend permittit & probat: cujus contrarium est Nâ-zendâver, id quod non permittit Liber Zend; *Mohammedanis* حرام Harâm, i. e. Vetitum, seu Prohibitum.

Doctrinæ Zendicæ sequaces Magi, seu Sacerdotes, vocantur Zendchuân, & Zend-bâph, &c. Sic in Libro Ph. Gj. زرد باف و زرد و اف و زرد لاف. Zend-Bâph, & Zend-Vâph, & Zend-Lâph, & Zend Chuân sunt *Zerdušti Affecclæ*, quos etiam Magos vocant. Scilicet, hi sunt *Zerdušti Religionis* sequaces in genere, qui affectant legere & modulari Librum Zend. Et sanè Zend-Bâph, seu Zend-Vâph, verbo tenus, est *Zendi-Textor*, qui contextit & continuat sermonem eumque connectit: & Zend-Lâph verbatim est *Zendi-Laudator*, seu *Zendi-factator*, quia gaudent & quasi exultant eum legendo & recitando. At Zend-Chuân est *Zendi-Lector*, seu *Zendi-Cantor*, nam utrumque significat: præsertim verò est ordinarius *Lector* Synagogæ, qui Preces quotidie celebrat canitque: nam *Cyrus* Instituit Sacerdotes ἱερεῖς αἱ. Talis *Parochus* Judæis dicitur צדק Chazzân; *Mohammedanis* إمام Imâm. Itaque Libri Zend Lectio publica, seu in Sacris Recitatio, fit per quandam modulationem, seu cantillationem, inter legendum aut recitandum, uti *Judæi* semper faciunt tam in Precibus quàm Biblia Hebraica legendo. Hinc *Strabo* de tali Persarum Recitatione loquens, utitur voce

voce *επείδον* Accinunt. Et quòd Sacra sua canebant, innuit Curtius, dicens, quòd in Darii Processione, *Magi Patrium Carmen canebant*: sc. preces canebant, ut sit in Psalmis Davidicis *plano Cantu*, seu *Modulatione Cantuariensi*, in *Cathedralibus Angliæ*. Hinc est quòd in *Jus-tinum Annotator Varius* p. 26 alicunde legit, *Quòd Magi Virgis Ignem inter canendum suscitabant*.

Prædicta Epitheta omnia, propter dictam modulationem, interdum metaphoricè tribuuntur *Luscinia*, quæ subinde appellari solet *Zend-Bâph*, & *Zend-Lâph*, & *Zend-Chuân*, q. d. *Zendi Recitatrix*: quæ quidem Avis, propter garrulitatem, sæpè etiam *Persicè* vocatur هزار Hazâr-dastân, i. e. *Mille Historiolarum Avis*; quo nomine infinuatur eam plures in canendo Varietates & Elegantias habere, uti etiam *Luscinia* nostras *Europæa* habet: unde & apud *Sbeich Saadi* vocatur بلبل گویاندا *Bulbul Gbâyanda*, *Luscinia Loquax*. Ab his haud absolum est *Græcum* nomen *Philomela*, q. d. *Melodiam Amans*. Cæterum in Oriente, (ut id obiter doceam, quia *Europæa* fortè inauditum,) *Luscinia* Rosas odorari solent, à Rosâ ad Rosam volando & odorando, donec planè inebrientur & cadant, ita ut à quovis capiantur. Unde dictus *Sbeich Saadi* Persa inconstantem Amatorem eleganter comparat *Luscinia*, quæ quotidie novas Rosas quærit. Hoc idem mihi etiam affirmavit *Abdelmesîb Mauslensis* amicus noster, *Kâs Isæ* filius.

Quinetiam ut in *Islamismo*, apud Persas Mohammedanos, *Alcorani* in certas majores Partes divisi *Recitator*, seu *Lector publicus*, vocari solet چر خوان *Gjûz-Chuân*, i. e. *Partium Lector*, sic in *Magismo*, apud Persas veteres Libri *Zend* in suas Partes, seu Tomos divisi *Recitator*, eadem ratione, vocitatur سخن خوان *Nîsk-chuân*, i. e. *Partium Lector Cantorve*; qui quidem Titulus (ut & *Zend-chuân*) non tantum Magum in genere, sed & speciatim est Lectoris, seu Sacerdotis parochialis Epitheton. Is in *Pyréo* Librum *Zend* legit recitâve, devoto Vultu & elevato Digito Indice, qui itaque vocari solet ادکشی خدا خوان *Digitus Chodd-chuân*, seu *Deum invocans*, vel simpliciter *Chodd-chuân*.

CAP. XXVII.

De Naturâ Ignis, & de generali Ratione Custodiæ ejusdem, &c. Quo Signo Persæ ad Sacra convocantur, & quomodo se gerunt in Ecclesiis. De Virgarum Ufu in Sacris, & de eorum Musitatione quotidianâ, atque Silentio.

QUAMVIS Veteres Persæ sint tam boni & pii homines, ut supra descripsimus, & per totam Vitam Igni famulentur, facietè obervat Sbeich Saadi, (de Ignis Naturâ elegantem faciens Comparationem,)

الكر صد سال گبر آتش فرورد *Quamvis Ignicola 100 annos Ignem accenderit,*

الكر درو يكدم افتد بسوزد *Si uno momento in eum ceciderit, comburitur.*

Vult docere, nullâ Pietate truculentam Ignis Vim domari posse, nec asperum illum Elementum ullâ Prece mitigari, quin ipsos etiam Cultores suos tandem comburat. Apud Plutarchum in *Symposiacis* adducitur Lucius, Flori filius, asserens, Ignem sacrum non idèd fuisse cultum, quòd eum alio Igne putarent meliorem digniorèmq; — sed Ignis sacri Custodiam fuisse Tesseram Observantiæ erga omnes Ignès, prout Ægyptiî colebant unum aliquod Animal pro totâ specie, & sic isti colunt unum Ignem pro omnibus. Hæc quidem sit commoda ratio apud eos qui Ignem servandi originalem causam ignorant. Judæi sacrum Ignem servabant pro necessario usu Sacrificii jugis, sed eundem non honorabant, multò minùs colebant. Græci autem & Persæ hoc videntes, scil. Ignem servari in Templo Dei, & verum ejusdem usum nescientes, existimârunt eum necessariò esse honorandum; non tamen ut Deum colendum. Alibi Plutarchus ait; Apud Persas supplicandi genus erat acerrimum & Repulsæ securum, si supplex cum Igne in fluvium descendens, minaretur Ignem se in eum abjecturum nisi impetraret quod petebat: fiebat enim Compos Voti, sed puniebatur propter comminationem, utpote injustam & Naturæ contrariam, &c. Sed quanta est hæc fabula, quasi fecissent petitiones ad Ignem, tanquam ad Deum, & quasi Ignis esset Animal rationale & minitanti se submitteret! Fides itaque sit penes Autorem.

Ad Pyræa sua in urbe Nûssari in Indiâ convocantur per pulsationem parvæ Campanæ: at in Ispahân Persidis, vel notis temporibus sponte conveniunt, absque dato Signo, vel aliàs (ut Armeni Gjulphenes & alii

alii per Orientem *Cbristiani*,) Signum datur per pulsationem magni alicujus Afferis: idque propter metum *Mobammedanorum*, qui non permittunt *Campanarum* usum in Ecclesiis, utpote quæ sint *Cbristianorum* Institutum. Quando autem Templum adeunt, non id faciunt ut meri Ignicolæ; nam in minoribus Ecclesiis rarè est Ignis, sed tantùm Lampas: ubi verò est Ignis, eum non colunt ut Deum, ut suprâ diximus. Contrarium de eis notat Diogenes Laertius, sc. *Zyôd olim Dei Immortalis Cultui vacabant; Illi soli Vota & Preces concipiebant, Sacra faciebant, &c. quasi ii soli cum eo communicationem haberent.* Nihilominus tamen ut *Judæi* noluerunt Ignem suum sacrum polluere, nec in eum ne quidem Follibus inflare; ita & *Persæ* nullo modo in Ignem sacrum inflant. Ideoque inter Sacra peragendum, non tantùm justum Intervallum servant, sed & ad prohibendum impurum halitum, ora tegunt quadrato Panno linteo dicto *بنام Panâm*. Et Sacra facturi circumstant populi, corde tantùm orantes & mustitantes. Et Sacerdos indutus *Albâ*, & *Pileo Aurito* & *Ore Velato* paulò propiùs accedit, alterâ manu *Librum*, alterâ albas aliquas spithamalis longitudinis *Virgas* tenens: & hoc modo cantillat Preces, recitando Officiũ ex Libro *Zend*: & in oratione vehementior, aliquando uno pede stat, ad imitationem Prophetæ sui. Post peractam verò in primo ingressu Prostrationem, quilibet pro se mustitat, & simul, si quas habet Oblationes, quisque melioris notæ homo eas offert, injiciendo in Ignem vel pretiosa Olea, vel Aromata, vel Margaritas, vel saltem Fruges, aut Carnes, &c. De illo Oris Operculo, Arabicè *Pbidâm*, seu *Pbadâm* dicto, verba faciens *Camûsi* Autor, refert, *فدام شي تشده الهم والنجوس علي افواها عند السقي*. Hæc D. Golius exponit, *Panniculus, quo Persæ & Magusci os tegunt cum bibunt: quod impossibile. Nam cùm سقي non significet bibere, hæc magis verbatim sonant, Pbidâm est res quam Persæ & Magi alligant super ora sua inter propinandum, seu potum præbendum.* Sed, & hæc lectione non genuinâ, substituiamus legendum *عند الصلي inter precandum*, ut spectet eorum Sacra, in quibus Ora semper Panno velari solent. Nam quòd, vel inter bibendum, vel inter potum præbendum, ora sua tegant, alibi nunquam reperi. Ideoque, vel dictus Autor *Arabs* in rebus Perficis errat, ut solet, vel à Scribis depravatus est. Si hoc confers cum aliis citationibus, quas passim adducit, *Perficis*, præsertim cum nugatoriâ ejus derivatione vocis *مجنوس Magjûs*, eum Linguâ & rebus Perficis

Perficis parùm versatum pronuntiaveris, quamvis fuit urbe *Phirzabâd* oriundus; sed quam fortè puer reliquerit; nam is prorsus se dedit *Linguae Arabicae*, cujus *Oceanum* produxit copiosum, omnium *Lexicorum* planè *Optimum*.

De *Virgarum* usu in *Libro Pb. Gj.* traditur, quòd *Virgæ*, quas manibus tenent, vocantur *برسم Bersam*, quæ sunt *Longitudinis* unius *Vagjâb*, seu *Spithamæ*, [decorticatæ] tenues & innodes, quas ab arbore *Gbez*, aut *Hawm*, vel, earum defectu, à *Malogranato* refecare debent peculiari cultello qui vocatur *برسمچى Bersam-tchîn*, id est, *Virgilegus* *Cultellus*, *Manubrio* *ferreo*: & mos est eundem priùs *چون کردن* lavare, & deinde adhibere *Zémzema*, seu *Mussitationem*, quæ est in *Laudem Dei* & *Ignis*, quæ etiam adhiberi solet quo tempore lavant se & edunt & *Sacra* celebrant. Nam *جميع عبادات نخست بر ريان راندند* omnia *Religionis* solennia priùs recitant. *Hiscæ Ceremoniis* peractis, deinde dictas *Virgulas* refecant & abscindunt tali consecrato *Virgilego* *Cultello*. Habetur quoque *برسمدان Bersamdân*, i.e. *Rhabdotherca*, seu *Vasculum* dictas *Virgas* continens, quod etiam lavant: estque rotundum sicut *Calamotheca*, paulo longius ipsis *Virgis*, quas in eo condunt: & fieri solet ex *Auro*, aut *Argento*, aut *Ære*, aut simili aliquâ materiâ. Et quotiescunque unam aut alteram *Nusk*, seu *Partem* *تو* *Zend* recitant, aut *عبادت کنند* cultum aliquem religiosum peragunt, aut *Corpus* lavant, aut *Cibum* comedunt, ex *Thecâ* aliquot *Virgas* in tales usus reservatas depro-munt: Ex. *Gr.* ad recitationem *دسک ودریدان* *Tomi* *تو* *Vendidâd*, manibus tenent *XXXV* *Virgulas*, quæ, finita *Lectione* seu *Recitatione*, inutiles sunt, nec ulterioris usus, nisi pro *Fomite* *Ignis*. Ad recitationem *دسک مشت* *Tomi* *تو* *Mûstht*, manu tenent *XXIV* *Virgulas*. Tempore *Cibum* comedendi manu tenent *V* *Virgulas*. Estque semper ex conditionibus manu tenendi *Virgulas*, ut priùs corpus lavent, & vestes mundas induant. Hactenus ille. De hisce ceremoniis *Phirdausi* *Sapiens* refert, quòd *Rex*

برسمندنده آذر رنداشت Culturus in *Pyro Azari-Zerdbusht*,

همي رفتی با باز برسم بمشت Ixit cum Fasciculo *Virgarum* in manu.

چون از دور جاگی برستش بدید Cúmque à longinquo videret Cultûs Locum,

شد از آب دیده رخس نا بدید Genæ ejus præ Lacrymis videri non potuér.

فرون آمد از اسبی برسم بدستی Descendens itaque ab Equo, cum *Virgis* in manu,

برمزم همیگفتی و لب را به بستى Mussitationem recitavit, Labia comprimendo.

Supra

Supra dicta Arbor *Hawm* (inquit *Pb. Gj.*) quia à Magis adhiberi solet, vocatur *hawm* *الجوسى* *Hawm Magorum*: estque arbor in Perside frequens, similis arbori *Gbez*, seu *Myricæ*, & cum ejusmodi nodis: Folia autem similia sunt foliis *Jasmini*, sc. *Jasmini* faciem habet. Hujus etiam Virgas tempore *Muffitationis* manibus tenent Magi. In Lib. *Zein*. hæc Arbor aliàs vocatur *hawm* *الهداة* *Hawm AlHidâyat*, seu *Manuductionis* ad Templum & cætera Sacra: ibi dicitur quòd ejus Flos similis sit Flori *مشكطرامشيع* *Musbedtrâmsbigb*, seu *Diçlânni*. Quin & alio valdè communi nomine hæc Arbor vocari solet *مراديه* *Marânia*, à Persidis urbe *مراده* *Marâne* (prope urbem *Yezd*) ubi copiosè crescit, quasi *Maraniensis* Arbor. *David Antiocbenus* vult *Marâ-niam* esse Herbam uno Caule duro, & Flore flavescente: sed illius veniâ, est Arbor.

Dicta *Muffitatio*, quæ Arabicè *Zémzema*, Persicè audit *دندش* *Dén-dish*. Et in *Pb. Gj.* definitur *Zémzema*, quòd sit *ترانمي* *Terânnumi*, seu *Murmuratio quædam*, quam *باعتكلى كند* lentè proferunt: & quòd peculiariter eo nomine vocentur Verba quæ proferunt in laudem Dei & Ignis, Tempore Sacra peragendi, & Corpus lavandi, & Cibum edendi. Angelos quidem Custodes tunc istâ Murmuratione alloquuntur: nam habent *يوم* *زمرمة كل يوم* *Muffitationem*, pro singulis diebus mensis peculiarem, ad singulorum dierum Angelum directam. Mohammedani hæc vocant eorum *افسودها* *Incantamenta*. Autor Libri *Arûb* in voce *אמנרשתא היא הנודעה בלשון ישמעאל ומזמה שהמנרשין בשעת סעודתן שותקין ואין מרציאין דבר בפיהם אלא מרציאין קול* *Maga nota est linguâ Arabicâ ex Mussitatione: quia Magi tempore edendi tacent, ne Verbum ore proferentes; sed proferunt vocem non articulatam Distinctione, nam Distinctio est in eorum corde tantum.* Scilicet, quamvis inarticulatè loquantur, ut alii non intelligant, ipsi tamen in Corde suo sciunt quid volunt. Locus est subobscurus. In eundem sensum in voce *מנרש* legitur *Magi* Definitio in Lexico *Talmudico Mûrshid*, literis *Hebraicis Arabicè* conscripto; *قال ر"הא' ז"ל* *אן מיוסוי* *الذي يرمزم* *بنغمات من غير كلام*; *باحرف منقطعة سوي همهمة وتنغم بحسب ما يقطع تلك الحركات* *Rabbi Hai b. m. dixit, Magus is est qui mussitat susurrationibus, sermone absque vocibus distinctis, per modum mur-murationis.*

murationis. Et susurratio est secundum id quod distinguunt istæ motiones juxta eum sensum quem in animo habet; scil. juxta Intentionem quam animo habet, sed discretis verbis eam non exprimit. Hæcce Musfitatio est Precatio Mentalis, quæ est ferè Meditatio, nisi quòd eam comite- tur sonus quidam inarticulatus. Est sc. idem quod nostrates faciunt primo in Templum ingressu, privatim orantes. Isti autem Judæi non satis distinguunt inter Musfitationem silentio proximam, & purum putum Silentium, quæ confundunt. Præmittitur quidem Musfitatio: & post eam sequitur Taciturnitas, seu Silentium dictum باج Bâgj, seu باز Bâz, five باز Bâzb, quod in Pb. Gj. sic definitur, باج خاموشي بون, که مغان وقت بدن نشستن و خوردن بعد از روزمه میکنند

Bâgj est Silentium quod post Musfitationem Magi adhibent tempore corpus lavandi & cibum comedendi. Nempe Musfitatio, initio temporis edendi, est Gratiarum actio & precatio: & deinde sequitur Silentium inviola- bile. Ammianus Marcellinus Lib. 21, Cap. 13, de Persis loquens, ad- dit; Apud quos quoque Silentii colitur Numen. Hoc ferè videtur jocose dictum, cum tale quid non sit: vult autem eos Taciturnitatis Virtute donari præ cæteris Gentibus. Ad hunc locum Annotator ex Theophy- laëto Simocattâ notat, quòd propter Silentii Legem in Conviviis obser- vandam, Chosroes Persarum Rex Brizacium, Barami Tyranni Specula- torem, captum & in Convivium introductum, signo manûs jubebat occidi: & ὁ δὲ ὡραζόμενος δίμυς τῷ Πέρσῃ ἀλάλειν convivantibus enim Persis nefas est loqui. Et dicente Hieronymo in Epistola ad Eustochium de Virginitate servandâ, Cænobitæ etiam in Ægypto hunc morem tenent: nam nemo comedens loquitur. Propter dictum Silentium, Rabbi Gama- liel laudat Persas, dicens eos esse modestos in Cibo. Locus in Talmude Beracoth fol. 8, 2, בשלשה דברים אוהב אני את הפרסים הן צנועין, הן הכסא והנועין בדבר אחר Propter tres cau- sas amo Persas, quia sunt verecundi in Cibo, & sunt verecundi in Domo Sedis [seu Latrinæ,] & sunt verecundi in Re aliâ; quæ Res exponi- tur תשמיש Administratio, sc. Rei Veneræ, Uxori debitum solvendo.

CAP. XXVIII.

*De Magorum Sacerdotio & Hierarchiâ, florente olim eorum Ecclesiâ,
& quoque hodie.*

Vetustissimi Persæ Medique (quod dictu mirabile, & quibusdam impossibile visum,) *semper* ab omni ævo, penè ab ipso Diluvio ad hoc usque tempus, *externam* aliquam Ecclesiæ Faciem habuerunt, & hodie habent. Hanc quidem *Ecclesiam* aliquando vexârunt Hæretici, præsertim *Manichæi* & *Mezdekæi*, & aliquando injustas persecutiones subivit; & *Magophonæ* Tempore, propriâ culpâ, insignem cladem passa est. Ea autem, maximâ ex parte, olim usque ad mortem *Yezdegberd* ultimi, in summâ Gloriæ suæ Abside constituta viguit & floruit, tanquam *Mulier amicta Sole*, cujus etiam Pedes Lunâ suffulti. Sed tandem dicti Regis tempore, in utroque suo Luminari fatalem & *totalem* perpeffa est *Eclipsin*: ingruentibus enim *Saracenis* Draconibus, persecutionem acerbam passa, coacta fuit fugere, partim in *Caramaniæ* Desertum, & partim in *Indiam*, ibi per hos mille Annos obnubilata & obscurè agens. At sicut ista Gens nunquam fuit penitus deleta, sic nec Ecclesia prorsus abolita, sed apud hujus Gentis superstites, usque à tempore dicti *Yezdegberd* (quamvis imminuta & Potestate seculari destituta,) *semper* hætenus ad hoc nostrum tempus extitit; eaque benè regulata, perpetuâ Successione habens Sacerdotium continuatum sine Interruptione ullâ. Hinc est quòd antiquissimam suam *Zoroastri* Religionem, constanti praxi, & continuato usu quotidiano in suâ *Liturgiâ* publicâ, ad hunc usque diem, sine mutatione intemeratam retineant, ejusque *Libros vetustissimos*, sicut sacra Monumenta (ad instar *Judæorum*) reverenter custodiant & incorruptos conservent, suæ Religionis & Rituum tenacissimi, ad rigorem usque. Persarum enim Gens nunquam fuit tam levis & mutabilis, aut prophana, quæ *Protoparentum* Religionem, in quâ Antecessores educati, vilipenderit, aut sponte abjecerit.

Talis est Ecclesia *Magorum*, quorum *Clerus* olim fuit, & hodie est, regularis & pius, in tres Ordines distinctus, quorum Tituli *Persicè* in distincto aliquo Capite seorsim dabuntur, allegatis etiam Autoritatibus; quod heic facere, Discursus nostri tenorem interrumperet. Hi (præsertim *Præsules*) Regibus olim fuerunt à *Sacris domesticis*, seu

Y y

Sacellani,

Sacellani, & Regionum Filiorum *Tutores*. Iidem quoque fuerunt & hodie sunt *Judices Ecclesiastici*, qui Lites terminant, Casus Conscientiæ solvunt, & delinquentibus Pœnitentiam præscribunt. Sacerdotes plures aut pauciores (pro quantitate Redituum) ad singula *Pyræa*, seu *Templa Cathedralia* pertinebant. Ad unam magnam in *Balc* Ecclesiam *Naubabâr* pertinebant LXXX Sacerdotes, unde de reliquis conjecturam quodammodo facere licebit. Et quidem *Sacerdotes* in toto fuerint penè innumerabiles, cum *Præfulum* numerus fuerit tam magnus, uti colligere liceat ex *Erdavirâpb-nâma* superius allegato; ubi memoriæ proditum, quod *Ardesbîr-Babecân*, Mediæ & Persiæ & Bactriæ Rex, habens aliquot dubia in Religione solvenda, convocabat omnes sui Imperii *Præfules*, seu *Superintendentes*, qui erant numero 40,000, vel, ut alii volunt, 80,000: nisi fortè dederint numerum certum pro incerto, aut alias, *Præfulum* nomine, intelligantur *Sacerdotes*, qui ad tantum numerum fortè excreverint. Utcunque tamen fuerit, florente olim *Magorum* Ecclesiâ, proculdubio habuerunt tantum Ecclesiasticum apparatus & Famulitium, quod tam ad necessitatem quàm ad Pompam sacram sufficeret. Hi omnes legitime erant vocati & ordinati: nam apud eos, nemo sponte assumit Sacerdotium, uti infra dicitur; & nemo, nisi Sacerdotis filius, in Sacerdotio succedit, ut in constitutione *Leviticâ*. Et quidem eorum Sacerdotium ferè coincidebat cum eo *Judeorum*; in quo erat unus *Summus Sacerdos*, & deinde plurimi *Sacerdotes* atque *Levitæ*. Hoc autem excedebat Hierarchia Persica, (quamvis *Christum* præcesserat, magis cum *Christianâ* coincidens,) in quâ, præter *Sacristanos*, erant *Sacerdotes*, & *Præfules*, & *Archipræfules*, qui hodiernis Christianorum *Presbyteris*, & *Episcopis*, & *Archiepiscopis* correspondent. Aded ut, Ecclesiæ *Christianæ* Amicis pariter & Inimicis fortè novum & inopinatum videbitur, in *Persâ* reperisse *Constitutionem Ecclesiasticam* prope MMM abhinc Annis fundatam, quæ tam pulchrè coinciderit cum subsequente *Hierarchiâ Christianâ*. Hocque non sine Numine factum, sc. Persas olim ordinasse idem quod postea *Christus* & *Apostoli* ejus, in Plenitudine Temporis, tandem novâ Sanctione instituerunt & confirmârunt. Ecclesiæ itaque eorum Regimen in primâ ejusdem Constitutione fuit benè fundatum. Et quidem vetus constitutio hodie manet: sed tempore Regis *Yézdegberd*, abolito Persarum Imperio, & grassante *Islamismo*, plerique Reditus ab Ecclesiis ablati sunt: aded ut jam non tam lautè se habeat dicta Ecclesia, sed oppressorum more, humiliter agitur ab iis, qui paucis *Decimis* & voluntariis Contributionibus contenti

tenti esse debent, modò conscientia libertate fruuntur. Hoc modo, Ecclesiæ eorum Regimen & Disciplinam sat bonam fuisse comperimus:

Quoad eorum Ecclesiæ Doctrinam, ea etiam benè fundata est in *solius Dei Omnipotentis Cultu divino*, quem ad hodiernam diem retinent, à verà & intentionali *Idololatriâ* prorsus immunes. Credunt etiam *Resurrectionem* Mortuorum, & ultimum Judicium, in quo Boni à Malis distinguuntur, &c. ut posthac in peculiari Capite dicetur. Sed cum veri Dei cultu pessimam admiscuerunt *Superstitionem* Idololatriæ proximam: quam tamen illi non *ita* æstimant, putantes eam esse innocentem atque innocuam; cum S. Scripturæ Lumine destituti, nullam habuerint Religionis Normam, præter imperfectam & obliquam illam, à *Zerdushto* traditam, post Ignem ejus fatuum palantes, eoque seducti. In hac tamen Ecclesiâ semper usurpati fuere solennes *Ritus Nubendi*, (nam Fornicationem & Adulterium odio habent,) & solenniter, cum Officio *Precum*, *Sepeliendi*, seu ponendi in aperto Conditorio, atque *Baptizandi*, de quo postea. Nam nihil sine Precibus, ne quidem ligna Igni imponunt; sed omnia faciunt in Nomine Dei. In primo Infantum *Baptismate* imponitur Nomen: & postea anno VII^m ut quidam ajunt, vel potius anno XV^o (quando censetur intrare in Religionem,) tum adhibitis precibus à Sacerdote datur *Confirmatio* solennis. Et eo anno XV^o (ut Religionis Tessera) eis traditur *Sudra*, seu *Tunica*, & *Cingulum*, quibus nunquam, ne per unum momentum (nisi in lectu sint) destitui debent.

Eorum Synagogæ minores, seu indotatæ Ecclesiæ parochiales, alunt in singulis unum Sacerdotem, eumque ex *Decimis* ac spontaneis Contributionibus: nec Ignis perpetui expensas in eis faciunt, nisi per Lampades, exceptis magnis quibusdam diebus. At *Pyræa*, seu Templum Cathedralia, ubi Sedes Episcoporum, amplis Terris & Reditibus dotata erant, ad parandum Sacrificia, & Ligna coëmendum, & ad alendum Sacerdotium amplissimum; præter multa pretiosa Vasa, & alia Regum & Magnatum Donaria, in Templorum *Gazaphylaciis* reservata & ad Pompam recondita: alias non fuisset Operæpretium *Antiocho* depeculari Templum *Persepolitianum*, ut legitur 2 *Macc.* IX. 2; *Quod Templum Persepolitianum spoliare & urbem tenere tentans Antiochus, ab incolis Persis ex urbe expulsus & fugatus fuit. Inde ergo ad Ecbatana concessit, versus Hierosolimam tendens.* Sed postquam veterum Persarum Gens, propter *Mohammedanorum* oppressionem, penuriâ & paupertate laboraret, præter *Decimas*, excogitarunt alium Sacerdota-

lem Reditum augendi modum, quem quondam Amicus noster *Safráz Avedik*, Armenus Ispahanensis, melioris Notæ Mercator mihi retulit; sc. *Quòd XXIV Aprilis quotannis est quoddam بهرام گوران Fes-tum Gbavorum, in cujus crastino, è domibus suis foràs ejiciunt omnem Ignem; cui postea redintegrando, de novo accendunt Lucernam apud domum Sacerdotis sui, eo nomine ei solventes C Denariolos, qui faciunt V Abbaseos, seu VI Solidos Anglicanos cum tribus Denariis Anglicis, vel pro Ditioribus, domum mittunt Ignis Sacri Portiunculam, pro quâ benè & carè solvitur Sacerdotibus. Dicto itaque die, non licebat ullum Lumen aut Ignem accendere nisi in Templis: de quâ re extat locus Talmudicus in Gittin 17. 1. אתא ההוא החורא ושקלה לשרנא מקדכוהי, 1. Veniens ille Chavra, auferebat Lucernam à coram ipso. Ibi in Glossâ, Chavra exponitur פרסא Persa. Hunc locum sequente modo exponit Glossator Talmudicus, שקלה לשרנא שיש לפרסאים יום איד שאין מדליקין, 1. Absulit lucernam; quia sc. est Persis Dies Festus in quo non accendunt aliquod Lumen nisi in Domo Cultûs-alieni eorum. Alius exponit, שגזרו שלא להדליק נר שום, 1. Ordinârunt enim ut nemo accenderet Lucernam (nisi Abominationibus suis) die Festi sui. *Israelitæ* itaque clam accendebant, sc. clam, ob metum ne Persas offenderent. Citata enim loca spectant antiqua illa tempora quibus *Israelitæ* erant in Captivitate inter *Medos*, qui vocantur Persæ: & idem Ritus usque ad hodiernum diem continuatus est in Lucrum & Beneficium Sacerdotum, qui etiam consecratas Virgas populo vendunt.*

Et ut apud *Judeos*, aliquis Sacerdotum numerus die nocteque ministrabat, sic apud *Persas*, quaterni Sacerdotes simul (cùm multò plures ad singula *Pyræa* pertinerent,) singulis Nychthemeris, Sacri Ignis, qui super *Aram* in medio Templi, curam gerebant, & hodie gerunt, Ligna decorticata & munda suppeditando, ne extingueretur.

Persæ veteres nulla habebant *Jejunia*, quippe quæ fuerint planè vetita, ut & hodiè. Sed Festivitates, seu Dies Festi erant plurimi, & ii etiamnum hodiè continuati, qui (omnibus Festum concelebrantibus,) in Lætitiâ desinunt: matutino autem tempore, Ecclesia religiosissimè aditur, ubi *Zend-chuân*, qui *Minister*, seu *Pastor*, Preces recitat & Sacra celebrat. Talis sc. Synagogæ *Leetor* Ordinarius dicitur quoque *Nusk chuân*; de quo supra. Et quisque secum affert sua Victualia, quæ ad commune bonum inter omnes eduntur: & de eis participant pauperiores qui nihil attulerant; nam Charitate & Eleemo-

synis

synis excellunt erga suos, nullos habentes *Mendicos*. Sed præter dies statos & solennes, devoti Homines quotidie adeunt Pyréa, Deum precandi ergò, coram Igne Sacro: & ibi de Conscientiæ Scrupulis consulunt propè Pyréum habitantem aliquem Sacerdotem. At Laici, qui à Pyréo procul absunt, orant Deum, stantes coram Igne culinari in domo suâ. Præterea in propriis ædibus plerique habent perpetuò ardentes Lampades ab Igne sacro accensas.

Cùmque Deus sit omnium Rerum Principium, singulorum Mensuram Principium (nempe primum ejus Diem) ipsius cultui dedicant, & ab eo denominant, præter alios etiam Dies eidem usui dicatos, de quibus alibi diximus. Nam præter diem primum, insuper quater, in quovis mense, tot Diebus nominatim notis (quatuor *Sabbatorum* loco) omnes tenentur congregari in Ecclesiam, ubi post peractam Prostrationem (ut fiebat in Templo *Hierosolymitano*,) stantes orant; & aliquando genuflexi, ut *Salomon* faciebat super *Conchâ æneâ*. Hisce dictis Diebus fiunt Sacrificia majora, & celebrant Preces solenniores, legendo Libri *Zendaveštâ* aliquam *Nusk*, seu *Partem*, quæ continet *Zerdushti* Præcepta, quibus in Religione Zelus & Firmitas, & in Moribus Probitas & Puritas, populo recommendantur & inculcantur. Habent enim suo modo Liturgiam publicam, quam certo quodam Tono, seu *Plano Cantu*, modulantur & cantillant, sc. certam atque præscriptam Precum & aliorum Rituum formam, quam in Ecclesiis suis retinent. Et quidem eam cantare didicerunt à *vetustissimis Judæis*, quorum modulatio in Ecclesia tunc à manu in manum tradita: postea verò per *Punctorum Accentus* fixa & confirmata est in Ecclesiâ *Judæorum*, qui etiam extra Ecclesiam, ne quidem Caput Biblicum sine istâ Modulatione unquam legunt: ita ut, non tam *legere*, quàm *canere* semper videantur. Et quia *Persæ* sua Sacra, dicto modo, modulantur, *Græci* & *Latini*, quorum Vates, extra Versum, id non faciebant, eos falso repræsentârunt, quasi in Sacris suis Versus quosdam canentes; cùm è contrario, *Zoroastres* omnia sua conscripserint *Prosa*. Cùm itaque *Magi* dicantur aliquid *patrio Carmine cecinisse*, id intelligendum est de patriâ Modulatione profanâ: nam reverà, *Carmen* non est necessariò Sermo ligatus, cùm sit nil nisi abbreviatum *Canimen*, quod usu tantum (non autem origine) Versui restrictum.

Puritatis sunt valde studiosi: ideòque non bibunt in eodem poculo cum peregrino; imò nec cum suis, ne fortè participant de Peccatis ejus cum quo bibunt, uti jubetur in *Zerdushti* Præceptis, quæ in calce occurrunt; ubi docetur quid in hoc casu faciendum est.

Pueri

Pueri & Puellæ, post XV annorum Ætatem, (ut suprà) Cingulum, Religionis *Tesseram*, induere incipiunt, & divina Præcepta eis instillantur: & Adultiores, qui bonis Moribus & Literis imbuti, *Zerdushti* Libros legere & intelligere docentur à Sacerdotibus, hanc operam suscipientibus.

C A P. XXIX.

De Igne, ejusque Nominibus. De Pyræis, seu Templis Ignis, & quomodo se ibi gerunt Magi. De Improperiis, seu Nominibus vituperii quibus Mohammedani istum populum appellant & per Invidiam, notant: & de Nominibus quibus iste Populus inter se suos compellare solent.

APUD Persas, Ignis multis nominibus gaudens, aliquando olim vocatus fuit *وآد* *Vá*: at sæpiùs *آدور* *Adur*, seu *آزور* *Azur*. Aliud ejusdem receptissimum Vocabulum (magis *Medicum* quàm *Perficum*) fuit *آدش* *Adish*, quod, processu temporis, mutatum est in *آتش* *Atesh*, quod apud Poëtas, aliquando *Aphæresin* passum, legitur *تش* *Tesh*. Alia Ignis nomina reperio *هیر* *Hyr*, & *وهرزم* *Varezem*, & *بلک* *Bilegb*, quorum hoc ultimum magis peculiariter *Flammam* notare videtur. Ignem verò Sacrum denotare volentes, eum vocant *آتش بهرام* *Atesh Bebrâm*, seu constructè, *Ateshi Bebrâm*, i. e. *Ignis Martis*, qui apud Græcos nuncupatur *Πῦρ Αρτος*, utpote de Rubedine illius Planetæ participans, cum eo concolor, ad eundem relatus, & ab eo primùm derivatus. In Libro *Sad-der* cap. 39 in calce, legitur *آتش آذران* *Atesh Adurân*, eodem sensu; quasi ab *Adur*, ex nominibus *Martis*, etiam fuerit *آذران* *Adurân*. Sed pro *Ateshi Bebrâm*, apud quosdam malè sonantes, aliquando minùs benè legitur *آتش وهررام* *Ateshi Varbarâm*, eodem significatu. Et cum *Bebrâm*, seu *Babrâm* (à Græcis enuntiatum *Οὐρανόμας*) aliàs sit nomen cujusdam Regis, id apud Arabes ferè semper legitur prædicto sono *Warbarâm*, uti & apud Syros *واربارام* *Warbarâm*; unde apud Socratem & alios Græcos fit nomen *Βαβαράμας* *Vararânes*.


Diētus

TAB.VIII.

pag. 359.

*Templum Ignis exi-
unt per Acroterius (vul-
gò las Cupolas) fumo.*

*Ignis in mediano Sa-
cello seu Septo spati-
o immunis servatur à
Solaribus radiis, quos
in eum per fenestellas
splenduisse nefas.*



*Admodum Reverendo in Christo Patri IOHANNI Div. perm. Episcopo
Cicestriensi hanc Tabulam Gratitudeis ergo lubens meritòq.*

D.D.D. Autor T.H.

Marp. delin. et sculp.

Dictus Ignis Sacer servatur in *Pyreò*, seu Templo ad hoc extructo, quod est Magorum Ecclesia. Nam antecedentibus temporibus, antequam Religiosus servaretur Ignis, nulla erant *Templa veterum Persarum*, quippe qui omnia sua Sacra sub dio peragebant: ideòque in suâ Religione & linguâ non habebant Templi nomen. Medi quidem Idololatrarum Templis applicabant *هیکل* *Heical* (quod *عبداله* *Eidolaleon*), quodvis magnum *Palatium* notans, à *Judeorum* *היכל* *Hecal* mutuatum nomen. Et postea, *Mohammedanorum* temporibus, Medi Ecclesiis accommodabant nomen *Angjuman*, quod quemvis *Conventum* notat, ut mox dicetur. Nulla itaque apud *veteres Persas* erant *Templa*, donec perveniretur ad *Pyreà*, seu Ignis Domicilia. Ejusmodi *Pyreum* pluribus gaudet nominibus, qualia sunt *آتشیخانه* *Atesh-chânâ*, i. e. *Domus Ignis*, & *آتشدان* *Atesh-caddâ*, i. e. *Casa Ignis*, seu *Domicilium Ignis*. Aliàs aliquando vocatur *پرستشگاه* *Prestish-ghâh*, i. e. *Adorationis Locus*; & aliquando *یرشگاه* *Yezish-ghâh*, *Intercessionis Locus*. Quin & totum *Pyreum* aliquando intelligitur nomine *آتشیگاه* *Atesh-ghâh*, i. e. *Ignis Locus*; quamvis plerumque magis propriè hoc Nominè intelligatur *Ara*, seu *Focus* in ejusdem medio positus, aliàs aliquando simpliciter dictus *بنگاه* *Bûn-ghâh*, i. e. *Fundaminis Locus*; at magis explicitè, *بنگاه آتش* *Bungbâh Atesh*, *Fundamen Ignis*. Templum aliquando vocari potest & solet *انجمن* *angjuman*, seu *انجمن گاه* *angjuman-ghâh*, i. e. *Congregationis Locus*; eâdem ratione, quâ nobis dicitur *Synagoga* & *Ecclesia*, à convocando & congregando; & sic *Turcicè* dici solet *درنگ* *Dirnègb-yeri*, i. e. *Conventionis Locus*. Sed hæc sunt nimis generalia nomina, cujusvis Religionis Ecclesiis competentia: ideòque in *Evangeliorum* *Versione Persicâ* à *Jesuitis* factâ, *Synagoga* vocatur *angjuman-ghâh*: nam *angjuman* est quivis Coetus, seu Conventus, sive Congregatio hominum, tam piorum & pacificorum quàm militum & bellatorum; unde in *Persarum* *Libris* *انجمن کردن سپاه* est *colligere*, seu *congregare Milites*, eòque conscribere. Hinc (nam ex quo *Persæ* olim occupârunt *Syriam*, multa corrupta *Persica* relicta sunt in linguâ *Syriacâ*) est *Syrorum* *Hânzuman* eodem significatu: sic *Bar Bablâl* *صومع حنوع* *Hânzuman* est *Congregatio*, *Coetus*. *Angjuman* est itaque *Synagoga* quævis, tam *Persarum*, quam *Mohammedanorum*, aut *Judeorum*, aut *Christianorum*: sc. *Ecclesia Parochialis*. At *Veterum Persarum* *Πορνα* peculiariter vo-

catu

catur *Atist-cbána*: estque Cathedralis, cui Reditus ad alendum perpetuum Ignem, cum Sacrificiis & copioso Sacerdotum Famulatio, simul cum Episcopatu.

Quoad externam Pyreorum Figuram, *Thevenotus* in Itinerario dicit, *Antiqua Ignis Tempa supernè aperta*: sc. relictis in *Cupola* foraminibus, ut exeat Fumus, non autem ita ut pluvia extinguat Ignem inferius in medio Foco ardentem. Et *Bundári* tradens quòd *Zerdusht* extruxit Domicilia Ignis, refert; جعلها قبابا رفيعا *fecit ea cum Cupolis excelsis*. In urbe *Surát*, (quamvis ibi sint aliqui Veteres Persæ,) nullum est *Pyréum*: ibi itaque, in propriis laribus, coram Igne culinari, suas recitant preces; quas tamen omnes non satis intelligunt, cum scriptæ sint veteri linguâ *obsoletâ*. At decem inde milliaribus, in urbe *Nússari* est publicum *Pyréum*, ubi omnia regulariter fiunt. Qualia sint in aliis locis *Pyréa*, alibi diximus. Præcipuum autem Metropoliticum *Pyréum* (maximè reverenter habitum propter Ignem ibi facerrimum,) est locus propè *Kirmân* Persidis, de quo suo loco dicitur. *Ibi* (inquit *Thevenotus* oculatus Testis,) *fæminæ Guebræ sunt formosæ*. Eorum studiosi in *Indiâ* (ut *Pb. Gj.*) operam dant studiis in loco dicto *شاماز Shâmáz*, ubi docentur Magorum Liberi. Antiquissimis temporibus, Metropolitanæ Ecclesiæ erant *Naubabâr*, atque *Azur-Gushtasp* in *Balch*, ubi Reges Thesaurus suos condiderunt. Magorum *Pyréa*, seu Tempa, quantum dotata fuerint, partim docet *Ammianus Marcellinus*; *Lautissimæ eis assignatæ sunt Possessiones in Mediâ*, & alibi.

In dictis Pyreis alunt perpetuum Ignem lignis mundis & decorticatis. Sed nec hunc, nec quemvis Ignem, confodiunt acuto quovis Telo aut Rutabulo: fortassis huc spectet id quod *Pythagoras* (qui cum Magis conversatus est) monet; *Ignem gladio non fodiendum*; quod tamen in ejus Vita *Porphyrius* explicat de homine iracundo non provocando. Sed non licet apud Persas Ignem cultro aut gladio explorare, ne vim ei inferre videantur: uti nec apud *Scythas Mogolo-Tataros*, qui etiam nolunt tale Instrumentum admovere prope Ignem, nec aliquid cultro eximere è Caldario prope Ignem stante, ne hoc modo Caput Ignis præcindere velle videantur. In quovis *Pyréo* Pavimentum est mundum, ad nitorem usque fricatum, propter Prostrationem, & alios Ritus ab omnibus ingredientibus faciendos.

In suis Pyreis Liturgiam suam recitat cantatque, & Libri *Zenda-vestâ* aliquot Sectiones legit is, cujus vices redeunt, idè dictus *Nuskuân*, i. e. *Partium Lector, Cantorve*. Hoc est quod *Græci* (de rebus

bus Perficis ferè semper ineptè loquentes) vocant *Hymnos canere*, & quando aliquid de Deo loquendum, suo more, in plurali numero dicunt *œûs*. Quoad Hymnos itaque matutinos (ut suprâ) & Magorum Ministerium quotidianum & Sacrificium iuge, ea omnia instituit *Cyrus*, pietate ductus: sic *Xenophon* p. 204, Τῶν τῶν χρόνῳ καθημερινῶν οἱ Μάγοι ὑμνεῖν π ἀπὸ ἀπὸ τῇ ἡμέρᾳ τὸς θεῶς, καὶ θύειν ἀν καὶ ἑκάστην ἡμέραν οἷς οἱ Μάγοι ἐμύον. *Tunc primò constituti sunt Magi, qui semper cum primâ Luce Deos Hymnis celebrarent, & quotidie sacrificarent. Diis illis quibus Magi sacrificandum dicerent.* Et quod ab eo institutum (ait *Xenophon*) ab aliis postea continuatum, ut Deo servirent & simul *Cyro* placerent, cùmque in re tam laudabili imitarentur. Qualia sint *Pyréa*, & quomodo se ibidem gerant, refert *Pausanias*, quo modo Ignem accendunt per modum Miraculi narrans; se in *Lydiâ* vidisse Tempia quæ vocantur *Persica* in urbibus *Hierocæsareâ* & *Hypæpis*. In utriusque Urbis Templo est οὐρανα π Sacellum quoddam, in quo super *Arâ* est cinis diversi coloris ab alio cinere. In dictum Sacellum ingrediens homo *Magus*, qui cùm *Ligna arida* super *Aram* posuerat, primò *Tiaram* capiti imposuit; secundo autem, invocato aliquo deorum, ex *Libro ἐνὰ δει* accinebat *Barbâra* quædam *Græcis* non intellecta. Mox, absque aliquo adducto Igne, *ligna* accendebantur & visibilis flamma ex eis elucebat. In quibus notamus, quod *Magorum* Sacerdos *Sacra* peracturus, mitratus id faciebat, & *Ligna* Igni impositurus, invocato prius nomine Dei, recitabat aliquas precationunculas antiquâ linguâ *Persicâ*, à *Græcis* non intellectâ. At cessare debuerat *Pausaniæ* Admiratio de accensione Ignis, si animadvertisset Ignem in illâ *Arâ* semper fuisse inextinctum & in cineribus latentem: & cùm Sacerdos ligna prudenter disposuerat, relictâ inferiùs Cavitate, seu canali pro Vento, ut subintrare posset flatus, tum necessariò omnia in subitaneam flammam erupisse. In omnibus *Sacris*, *Magi* tam *Regibus* quam *populo* præibant, & totam *εὐσεβίαν* ostendebant. Nam, dicente *Ammiano Marcellino*, *Erat Piaculum Aras adire, vel Hostiam contrectare, antequam Magus, conceptis Precationibus, Litamenta diffunderet præcursoria.* Quomodo autem se in *Pyréis* gerunt, partim à nobis dictum est, & partim ex *Phirdausi* suprâ citato, & passim dicitur in sequentibus; inter quæ sit sequens hoc ex *Erdavêrâph*, qui aditurus *Pyréum Aduri-Churdâd*, lavavit & ornavit se, albis etiam ministerii vestibus indutus (cum esset Sacerdos,) & odoribus confersus, coram Igne adoravit Deum, humi prostratus, facie in terram affricatâ:

shâk, est Secta Ghebrorum, & Mos eorum: (scil. Institutum religiosum & Praxis, seu Secta eorum:) item, alicujus Idoli nomen est. Et Rustem AlMaûlavi & Halimi Persicus ajunt, مغوشا و مغوشاکی بر مذهب در *Nogushâ, seu Nogushâk, est quædam Secta ex Sectis Infidelium. Et Rustemi Epitomator dicit; مغوشاکی کافر لر عادی* *Nogushâk est Infidelium Consuetudo, seu Mos; sc. Religiosi Ritus eorum. Et ibidem mox; مغوشا پوت آدی در* *Nogushâ est Idoli etiam Nomen. Omnium fusissimè exponit Liber Pharhangh Gjihanghîri, ubi notatur, quod Nogûshâ [seu Nogushæus] in plerisque eorum Lexicis exponatur Ghebr, seu Infidelis, speciatim Ignicola: sed quod in aliis eorum Lexicis exponitur صابی Sabi, seu Sabius, qui ab unâ Religione ad aliam migrat, sc. à verâ ad falsam. Sabii itaque, Idola manufacta seu Sculptilia non colentes, (quales erant Persæ,) veteri Magorum linguâ dicebantur Nagushæi: alii autem Sabii, Sculptilia colentes, (quales erant reliqui homines,) eâdem linguâ dicebantur بخار Bochr, quod exponitur بی پرستان Bû-prestân: atque etiam exponitur مجمع علم Loqus Collectionis Scientiæ; unde nominatur Urbs Avicennæ بخارا Bochrâ, propter Doctorum Virorum ibi Confluxum. Sic Nim. Laud. & Sion. In Pb. Sur. memoratur Magorum Ignicolarum Secta dicta انوشا Anûshâ, quod puto esse nomen detortum à Nogûshâ. Aliâ nescio quid sit.*

Aliud, apud Mobammedanos, Veterum Persarum Epitheton est آتش Atesh-perest, Ignicola; quasi Cultum divinum tribuerent Igni, quod non faciunt; ut suprâ diximus abundè. Propter eandem Rationem, à dictis Mobammedanis ii etiam vocantur آذرکمش Azur-kîsh, i. e. Ignæ Religionis homines.

Alterum, à Mobammedanis (& ante eos ab aliis) huic populo impingitur Epithetum Ghebr, seu, ut Galli sonant, Guebr, i. e. in genere Infideles, in specie Ignicolæ. Horum Guebrorum plurimi sunt prope urbem اسپهان Isphân Persidis, ubi ii soli integrum Suburbium occupant, ibi habitantes seorsim à Persis Mobammedanis, à quibus illud Suburbium vocatur گبر آباد Guebr-Abâd, i. e. Guebrorum Habitatio. Nam hujus Religionis homines omnes in genere à Persis

Mohammedanis vocitantur *گبر* *Gbebr*, *Guebr*, *Ghabr*, & *گور* *Ghaur*, vel, ut *Shâbidi* effert, *گور* *Ghûr*, Turcis *Gbiaur*, Herberto nostrati *Gower*. Sed proh dolor! per Literas Junii MDCXCVII ab *Ispabân* exaratas narratur, quòd ibi novus Persarum Rex *Hosein* istum populum suam veterem Religionem deferere, & *Islamismum* amplecti, coëgit; & mutato illius Suburbii antiquo Nomine *Gavrabâd*, illud jam, de suo Nomine, vocavit *حسین آباد* *Hosein-Abâd*. Qui circa urbem *Yezd*, seu *Yazd*, habitant prope Montem *Elborz*, (super quo erat eorum Pyréum magnum,) apud *Texeiram*, secundum *Portugalicum* Pronuntiationem, vocantur *Gavr Yazdi*, i.e. *Ghaur Yazdenses*. Et quia istorum hominum Lingua à reliquis Persis non intelligitur, Mercatores ibi apud *Ispabân* negotiantes eam vocare solent *دیان گوری* *Linguam Guebricam*, volentes Linguam non intellectam: unde in *Galliâ Gasconiâ*, *Guebrich* vocitatur etiam quævis lingua parum intellecta in genere: & hinc quoque nobis *Anglis*, Sermo incongruus, seu inarticulatus & minùs intelligibilis, dicitur *Guitbrish*, seu *Gibberish*. Quid propriè hoc dicto nomine volunt *Persæ Mohammedani*, docet

Rustem AlMaulavi, *گبر اوده طبرین کافر و مطلقا کافر و جوفال* *Gbebr est Ignicola infidelis, vel absolute Infidelis quivis*. Et, ut omnia ejus significata persequatur, addit; *Item est Lorica quam die belli induunt homines*.

De istis hominibus Relationem adducere non pigebit ex autopte Gallo *A. Daulier*, in Libro *Les Beutez de la Perse*. De *Ispahan* & *Gjulpha* agens p. 51, refert; “*Si vous voulez passer à un quart de lieuë de Julpha, en tirant vers la montagne, vous verrez un beau village composé d’une longue rue, il se nomme Guebrabâd, c’est la demeure des Guebres, ou Gawvres, que l’on dit estre les anciens Perses qui adoroient le Feu. Le Roy leur a donné ce lieu pour habiter; les ayant détruits en beaucoup d’autres Endroits. Ils sont vêtus d’une étoffe de Lain fine de couleur tannée. Les Habits des hommes sont de mesme forme que ceux des autres Persiens. Mais celui des Femmes est tout différent; elles portent, le visage decouvert, & sur la teste une écharpe fagotée à la negligence, avec un autre voile qui leur couvre les épaules, ne ressemblant pas mal à nos Boëmiennes. Leur Caleçon est comme un haut de chausse de Suisse, qui leur descend sur les talons. La plupart de leurs étoffes se fabriquent à Kermân, grande ville du costé du Midy de la Perse, où il y a plusieurs de cette Secte. Ils sont si réservés à parler de leur Religion,*

"ligion, qu'on a de la peine d'en sçavoir rien d'assuré. Ils n'enterrent pas leurs morts, mais les laissent à l'air dans un enclos. J'ay entré dans quelques-unes de leurs maisons où je n'ay rien vu de particulier, si non que les Femmes, bien loin de fuir de nous, comme font les autres, estoient bien-aïses de nous voir & de nous parler." Origines contra Celsum meminit Περσῶν ἢ Καβαίρων: ubi Καβαίροι sunt dicti Gabri, voce Persicâ aliquantulum detortâ: & Nicephorus Bryennius, inter alios Milites in Exercitu Strangolipis, memorat τὸς Καβαίρους, qui Persarum Ghabri. At à כביר Cabîr, in Phœnicum Theologiâ, longe aliud sunt Καβαίροι, scil. Cancrî, seu Cancrelli ab Antiquis culti. Sic Hesychius, Καβαίροι, Καρκίνοι: πέντε δὲ πμῶνται οὗτοι ἐν Λήμνω ὡς θείοι. λέγονται δὲ ἡφαίστιοι Παιῖδες, Videntur esse minoris speciei Cancrelli, qui crudi, Fumum, cocti, Ignem referunt; primò fusci, & deinde rubentis coloris, Vulcani filios, prunas & scintillas æmulantes. In Thessalonicensium Nummo apud D. Seguinum p. 14, inscriptum apparet nomen ΚΑΒΕΙΡΟΣ, qui ibi ponitur ut Homo stans cum Clave in dextrâ & Malleo in sinistrâ. Hocque videtur esse aliquid ad Vulcanum spectans, ut rectè sentit D. Seguinus. Hoc itaque nomen (ut apud Græcos scribitur & sonatur) tam ad Persas quam ad Vulcanios spectat, cùm utrique circa Ignem versentur. Græci itaque videntur à Persis hoc nomen ad suum Vulcanum transfuisse: quod tamen ei vix propriè aptatum est, cùm Persæ à Vulcaniis Operibus fabrilibus abhorreant, propter reverentiam Ignis.

Apud Talmudicos כביר Chabêr, seu Chavêr, sive Hbabêr, (quod aliàs aliquando Judæorum Doctum seu Sapientem notat, ut & Arabicum خبر Hbibr, seu Hbebr,) in Glossâ Talmudicâ exponitur פרסאי Parsâi; hâc significatione (ut videtur) sumptâ à voce Persicâ Ghabr, seu Gbaur. Eo nomine intelligi Persarum Sacerdotes scribit Baal Arûch, ad illa verba ולא תחת חביר Et non sub Chavêr; addens, שהיו פרסאים קורין לכומרין חבירין Quia Persæ vocant Sacerdotes suos Chaverin. Illius autem Veniâ, non restringitur ad Sacerdotem, sed ejusdem Religionis quemvis, sive Sacerdotem, sive Laicum notat; modo sit hujus Religionis; namque non notat Persam Gente, sed Persam Religione: nec statum civilem spectat. Et ad locum in Psalmo, Dixit Stultus in corde suo, R. Jochanan in Talmude dicit, Isli sunt Chaverim [seu Persæ] Impii, qui non agnoscunt Gloriam Israelis, i.e. Deum. Et ibidem חבירים אתו לבבר Chaverim [seu Persæ] venerunt in Babyloniam. Heic (ut vides) Judæi vituperant Persas. Ut itaque hæc meliùs intelligantur, sciendum est, quòd Persæ, pro diversitate temporum, fuerunt Amici, vel Inimici Israelitarum, ut hi pro illis, vel contra illos loquerentur.

Talmu-

Talmudicorum Temporibus posterioribus, Judæis inimici erant Persæ: unde in *Artich* legitur, *היו אותן חברים רעים מאד ומצורין לישראל*, *Fuerunt Chaverim* [seu Persæ] *homines valde mali, arstantes Israellem*, id est, *opprimentes Israelitas*. At longè aliter prioribus Temporibus *Abasueri* & *Esteræ*: tunc enim *Judæi* amabant *Persas*, & ab ipsis invicem amabantur, usque ad Tempora *Cyri* & *Darii Hystapis*, cujus Tempore, *Judæi* absolventes structuram Templi, gratâ memoriâ recalebant Beneficia à Persis accepta in urbe *Shushan*, & à *Cyro* aliisque Regibus, in permittendo & procurando Extructionem Templi & Urbis: unde *Orientali* Portæ Templi *Hierosolymitani* *Persidem* respicienti, reduces *Judæi* affixerunt *Figuram Urbis* & *Palatii Shushan* *Ære* conflatam, uti memoriæ proditum est in Tractatu *Talmudico Middoth*. De hoc loquitur *Paulus Diaconus* p. 857, *Janua interioris* *Ædis*, quæ respiciebat Orientem, cum esset *Ære solido* induta, ac perinde immensi ponderis, quæ vix à XX viris summo conatu impellentibus clauderetur, &c.

Quin & præter suprà recitata, alio etiam Improperii, seu Vituperii Nomine, à Persis *Mobammedanis* Persæ veteres vocari solent *Philtv*; quod exponitur absolute *Ignicola*, quasi proprium illius populi nomen. Sic *Rustem AlMaulavi*, *فلمو ارد طين مجوسي*, *Philtv* est *Ignicola Magnus*. Est scil. Contemptus Nomen, ut patet ex primariâ ejusdem significatione, quam exhibet *Rustemi* *Epitomator*, rem ulterius explicans; *Philtv* est *stupidus*, seu *bardus*, inquit iste *Mobammedanus*: & in plurali, *Philtvân* sunt *Ignicolæ*, qui *stupidi*; prout eorum Inimici dicunt. Paulò mutatâ formâ, effertur *فلمو* *Philtva*, seu *فلو* *Philáva*, in Libro *Pb. Gj*. *وحيران* *insanus* & *stupescit* aliquis. Dictum nomen aliquando scribitur *فلمو* *Kalv*, in plurali *فلموان* *Kalivân*, & (ut dictum) exprimit *Ignicolæ*. Subinde etiam scribitur *كالو* *Calv*, seu *كالو* *Calva*, eodem significatu primitivo. Et quidem primariò significans *Stultum* & *Insanum*, à *Mobammedanis* (ut vides) peculiariter applicatur *Veteribus Persis*, quos emphaticè sic vocant. Nomina itaque (ut recensemus) quibus istum populum vituperant, sunt Quatuor: sc. 1, *Nogûshâ*, i. e. *Species Infidelium*, sc. *Sabius*: 2, *Ghebr*, i. e. *Infidelis* in genere: 3, *Atesh-perest*, i. e. *Ignicola*: 4, *Philtv*, seu *Calv*, i. e. *Stupidus*, *Insanus*. Hæc Epitheta solam Religionem spectant,

spectant, non autem Regionem, aut Statum civilem: & tanquam propria hujus populi Nomina, eis affiguntur à *Mohammedanis*, illos contemnentibus, & quâvis occasione vituperantibus; qui etiam non dubitant eis tribuere Dei *Ignorantiam*, & *Pyrolatriam*, & *Saducæismum*, in suis Lexicis, inter alias Expositiones, asserentes quod *Mogb*, seu *Magus*, sit *Atešperèš*, *Ignicola*, & *Zindik*, *Saducæus*, *Negator Resurrectionis*. Sed non debemus credere ejusmodi falsis criminationibus & calumniis, quæ sine justâ causâ eblaterantur ab apertis Inimicis, eorum Res & Religionem libenter ignorantibus. Proximè itaque videndum est quibus Appellationibus inter se invicem utantur, quæ in eorum Libris occurrunt.

Et quidem quisque potest à suis honestè vocari *Mogb*, seu *Magus*, & *Magjûš*, seu *Maguſæus*. Et omnis Vir Ecclesiasticus debet ab aliis recenseri secundum Titulum Ordinis sui, i. e. vocari *Sacerdos*, vel *Præsul*, vel *Archipræsul*. Et quidem Precum Lector quotidianus Sacerdos honestè vocari solet *Zend-Chuân*, seu *Nusk-Chuân*, de quibus suprà dictum est; atque *دیش خوان* *Yezîsh-Chuân*, *Intercessor*, quo Titulo sæpè decorantur in eorum Libris. Hujus Religionis Laïci inter se invicem appellari solent sequentibus modis: sc. *مردن دین* *Mardi Dîn*, i. e. *Homo Religionis*: *مرد پاک اعتقاد* *Mard Pâk Ibtacâd*, i. e. *Vir Sanctæ & puræ Fidei*: *طلبگار دین رانشی* *Talabgbâr Dîn Zarâtusht*, i. e. *Quæstor Religionis Zoroastris*: *اهل دین* *Ahl Dîn*, i. e. *Religione præditus*, seu collectivè, *Populus Religionis*: aliàs *دینور* *Dînavar*, seu *دیندار* *Dîndâr*, *Fidelis*, *Religiosus*. Sæpiùs verò Laïcus vocatur *به دین* *Bibdîn*, i. e. *Bonæ Religionis Homo*, sc. *Religiosus*, aut *Fidelis*. Subinde *دین پرست* *Dîn-perèš*, *Religionis Cultor*, qui benè profequitur Religionem suam: aliquando *دین پرور* *Dîn-pêrver*, *Religionem fovens*: aliàs *خدا پرست* *Chodâ-perèš*, *Dei Cultor*, vel (quod idem est,) *حق پرست* *Hâk-perèš*, & *یزد پرست* *Yezêd-perèš*, i. e. *Deicola*: aliàs *حق شناس* *Hâk-Sbinâs*, *Deum noscens*, seu *agnoscens*. Hæc omnia, cum aliis, in eorum Libris invenimus.

CAP. XXX.

Ordinum Sacerdotii Nomina & Distinctiones : & Sacerdotum Habitus.

APUD veteres Persas, Sapientes Laïci (sc. Magnates & prudentes Consiliarii Regum) vocabantur *فرزان* *Pberzân*, seu *فرزانه* *Pberzâna*, in Plurali *فرزانگان* *Pberzânagbân*. Et doctus inter Laïcos, præsertim Linguâ *Medicâ*, est *کنده* *Kendâ*, *Philosophus*, *Sapiens*, *Sciens*, i. q. *Arabibus* *حکیم* *Hakîm*, sc. eodem significato. At Sapientes Spirituales (sc. Magnates in Ecclesiasticis) generali Titulo dicebantur *فرهنگ* *Pharbând*, seu *فرمند* *Pharmând*, sive *فرهرومند* *Pharbhûmand*, i. q. *خردمند* *Chradmând*, & *دانشمند* *Dânishmând*, *Sapientes*, *Scientes Viri*. Eodem sensu est *رد* *Râd*, seu *راد* *Râd*. Et quivis Vir Spiritualis, seu inferioris Ordinis Sacerdos, generali Epitheto audiebat, & adhuc audit, *مرد خدا* *Mardi Chodâ*, *Vir Dei*, seu *مرد خداوند* *Mardi Chodâvand*, *Vir Domini*, vel *دارو* *Dâru*, i. e. *Vir-bonus*, vel *بهمن* *Babman*, i. e. *Bonis Moribus præditus*, scil. *Sacerdos*. Ex his aliquis solet esse *دبیر* *Dibîr*, seu *Scriba*, nempe *Præfectus* *دبیرستان* *Dibîrîstân*, seu *Scholæ-Scriptoriæ*. Aliàs, generalis Sacerdotum Titulus, Ratione Officii, est *نusk-cbuân*, i. e. *Partium Lector*, & *Zend-cbuân*, i. e. *Zendi-Lector*, sc. *Lectores in Synagogâ*, de quibus supra dictum est. Infimus in Pyréo Officiarius in Libro *Erdavirâph-nâma* vocatur *Arabico nomine* *فراش* *Ferrâsh*, i. e. *Strator*, qui sternit *Tapetes* & *Tegetes* & *Flores*, &c. Tales fortè erant *Diaconorum* loco, ad juvandum Sacerdotes : hodiè videtur esse in quovis Pyréo tantùm unus, qui ferè talis, qualis apud nos est *Sacristan*, unde abbreviatum est *Saxtan*, seu *Sexton*. Istius est Pyrëum mundare & ornare, illudque à sordibus purgare, & Pavimentum ad nitorem fricare. Hujus custodiæ mandantur Pyrëi Utenfilia, seu Instrumenta, ut *Forcipes*, *Palæ Ignis*, seu *Batilli* ad excinerandum Aram : item *Scopæ* breviores ad Pyrei Solum, atque *Scopæ* longiores ad ejusdem Cælum verrendum & ab Araneorum Telis & Fuligine purgandum. Nulla autem sunt *Tela* acuta, ut *Rutabula*, uti nec *Folles*, neque *Ventilabra*, utpote quæ aliquam vim inferunt Igni. [*Strabo* ait, Non inspirantes, sed ventilantes atque infundendo

dendo Oleum & Arvinam accendunt ignem.] Præterea, omnis Aër conclusus & stagnans, liberâ motione privatus, habetur impurus & foetens, ut quotidie videmus. Et eadem de causâ, *Rutabulorum*, aut *Folium* nulla mentio in *Templo Judaico*, cum neutrobi liceret Ignem eo modo turbare, aut Inflatione ventilare, & multò minùs impurum Oris Halitum infundere & insufflare. Sed ad talium Instrumentorum compensationem, adhibebatur peculiaris Lignorum dispositio & constructio, relicto Canali pro vento, quo, quasi sponte, inflabatur Ignis. Alia Instrumenta sunt *Patinae* & *Paterae* atque *Crateres* pro Libationibus; atque *Tburibula* seu *Acerrae* pro Thymiamate, seu Incenso. Dictus etiam Officiarius (seu aliquis ex Sacerdotibus) reponit & rursus depromit *Libros Sacros*, & ministeriandi *Habitus*, qui *Alba* & *Pileus bucculatus*, hodie *Pannus quadratus*, &c. Sed quoad *Virgas myricinas* (de quibus supra,) quas, inter precandum, manibus tenent Sacerdotes, singulis orandi vicibus debent habere novas, quas non sine multis Ceremoniis ex Sylvâ legunt.

Sed ut distinctos apud Persas Ecclesiasticorum Ordines attingamus; primus & antiquissimus Sacerdotii Perfici Ordo (tam tempore primitivæ *Orthodoxiæ*, quàm deinde tempore *Sabaismi*,) erat *مؤغب* *Mûgh*, seu *مؤغب* *Mûgh*, i. e. *Magus*, scil. Ordo *Magorum*. Deinde his ordinariis illorum Temporum *Magis*, præfiebatur Ordo superior, eorum scil. qui vocantur *مؤبد* *Mûbad*, quod abbreviatum pro *مؤغب مؤبد* *Mûghbad*, i. e. *Magorum Præfectus*, seu *Præsul*. Horum erat in singulis Provinciis unus, qui Præsulis viceungebatur, alios ad Sacerdotium legitime vocando & ordinando: nam nemo sponte assumebat Sacerdotium. In Libro *Sarrâb AlLogat*, Autore *Gimâl AlKôrasbi*, legitur *مؤبد حاكم مغان* *Mûbad est Judex Magorum*, sc. Judex Ecclesiasticus, seu Præsul. Talis in *Ph. Gj.* exponitur, *مؤبد حكيم و دانشمند مغان* *Mûbad est Sapiens & Doctus Magorum*. Et quia hic Ordo fuit Tempore *Sabaismi*, in *Nim. Sion.* exponitur, *مؤبد حاكم آفتاب پرستان* *Mûbad est Judex Solicularum*: sc. *Doctus*, à quo *Allegationes faciunt*; scil. verba ejus, Autoritatis ergò, allegare solent. Et in eundem sensum in *Nim. Laud.* *مؤبد حكيم و داننا و آفتاب پرستان* *Mûbad est* پرستی یعنی کنش طابعی و اول کشی که آدن حکایت ایدرار یعنی *Mûbad est* اول عالم که قوم عالم را آدن روايت ایدرار و بمعنی و در

Sapiens, Doctus, scil. Solicola, seu Solis Cultor: nempe is à quo Relationes faciunt: is est talis Doctus à quo Relationes faciunt Doctores omnes. Item, eadem significatione cum Vazir. De hoc refert Rustem Al Mâulavi, (ut omnes Autoritates recenscam,) موبد عالم حکیم و آنکس Mûbad est Doctus, Sapiens talis à quo Relationes faciunt: Judex Solicolarum: is cujus verba referunt, Allegationes ab eis faciendo. Et quidem idem Rustem, atque Halimi Persicus, mox in eundem sensum plenius legunt, موبد میهدای دقلندہ کنشہ طین کافرلرک داشمنددی جمیع مشکاردنی اگا صورلر و سوراردنی آندن روانی ادوب قایید ادرلر واما فرس شاعرلرنوگ شعورلدہ استعمال اولندان اگلنور که هر ملتک Mûbad (ex Relatione Meidâni) est Solicolarum Doctus, à quo omnia Dubia sua quærunt: & quicquid secundum ejus verbum allegatum est, ratum habent. Sed in Persicorum [Mohammedanorum] Poetarum Carminibus, ex usu innotescit, quod pro cujusvis Religionis Docto [seu Doctore] usurpatur. In eundem sensum etiam habet Etteri, qui malè sonandum docet Maubid pro Mûbad: الموبد مجوسملر داشمندلرک اولوسی که هر مشکلی اگا صورلر فارسی ده عربی ده مستعملدر اما فرس شاعرلرنک Al Mûbad شعورلدن اگلنور هر ملتک اولو داشمندلرده اطلاق اولده est Magusorum Doctorem aliquis Magnus, quem de omnibus Dubiis consulunt. Tam Persicè quàm Arabicè usurpatur: sed ex Persicorum Poetarum Carminibus innotescit, quod cujusvis Religionis magnis Doctoribus tribui solet. Nam antiquissimi istius Ordinis, ante Zoroastrem instituti, antiquus Titulus mansit, & unâ cum ejusdem Ordinis, post Zoroastrem, recentiore Titulo, posterioribus temporibus promiscuè usurpatus est. Isti à Sacris erant Regibus, utpote dignitate Præsulum præditi: & Regibus benedicebant, ut meminit Phirdausi; آوردن خواندن موبدان بر قبان Præsules benedixisse Cobâdo Regi. Nam quivis Rex peculiare semper habuit tales Præsules sibi astantes, quos consulere posset: uti idem Phirdausi affert Historiam alicujus بابک Babek, qui fuit Sacellanus Regis Nushirravân. Is quoque meminit آمدن دوشیروان پیش آتشکده با هیرد و موبد و دیامش کردن
Adventus

Adventus Nushirvāni ad Pyreum, unā cum Sacerdotibus & Præfulibus, ibique eos Laudationes divinas fecisse. Nam ut Sacerdotes curabant Educationem Regum, sic Reges, jam educati, vicissim expetebant Directionem Sacerdotum, & eorundem Benedictiones multum æstimabant.

Huic dicto *Præfulum* seu *Superintendentium* Ordini præfiebatur alius superior, seu supremus Ordo, scil. *موبد موبدان Mûbad Mubadân*, i. e. *Præsul Præfulum*, seu *Archipræsul*. Talis alio Titulo aliquando vocari solet *ردان*, *Sapientissimus Sapientum*, sc. Sapientum Ecclesiasticorum summus, seu supremus. Is videtur talis qui *Sozomeno* II. 9, dictus est *ο μέγας Ἀρχιμάρτυρ*. Iste Sacerdotes & Præsules omnes ordinabat, & erat sicut Turcarum *Musti*, & Judæorum *Coben gadôl*, seu *Ἀρχιεπίσκοπος*, apud *Sabristanium Margji*, i. e. *adeundus aliquis*; in toto Regno unus, cui obediebant non tantum Sacerdotes, sed & Præsules omnes. Hujus Ordinis Ecclesiastici meminit *Tâbari* in Vitâ Regis *Manûgjabr*, *موبد موبدان* — *واو مهتر موبدان بون و مهتر*, *Mûbad Mubadân*, is fuit Summus Præfulum, & Summus omnium Doctorem sui temporis. Iste quâvis occasione concomitabatur Regem, tanquam supremus ejus Consiliarius. Hoc modo, id quod ex *Erdavirâpb-nâma* suprâ traditum, hîc habes confirmatum.

Talis fuit *Magorum Hierarchia*, seu Sacerdotium, ante Tempora *Zoroastri*, qui in veterum Persarum Ecclesiâ continuavit eisdem Ordines sub aliis Nominibus. Nam, ut ante eum, in *Sabaismo* instituti sunt dicti Sacerdotum Ordines pro Cultu Dei, & Ceremoniis *Mitbræ*, sic, post eum, sub aliis Nominibus mox dicendis instituti (vel potius continuati sunt) tales Ordines pro Cultu Dei, & Ceremoniis *Mitbræ*, & pro Custodiâ Ignis.

Ecclesiasticorum itaque Ordinum Sacerdotum in *Pyroduliâ* infimus, est *هیرباد Hyrbad*, i. e. *Ignis Præfectus*, sc. Ignis Sacerdos, qui in *Pb. Gj.* exponitur *خادم آتشکده* *Famulus Pyrei*, seu *Minister Pyrei*. Tales sunt Sacerdotes ordinarii. De isto Sacerdotum Ordine, *Halîmi Persicus* refert; *هیرباد اول* *مجموعه سبلرک آتش خانه* *لرده* *گنج*; *گودرز قوللق ایدر قمو مجوسهیلر آتوک* *امردہ مطیع اولورلر آتوک* *Hyrbad* *اراسندہ قطع خصوصتی و قاضی لق اول ایدر* — *جمع هرابده* *est is qui in Magusæorum Pyreïs noctu & interdiu ministerium facit, &*

cujus Mandato omnes Magusci [sc. Laici] obediunt. Is inter eos Controversias decedit, & Judicium exercet. — In plurali Hirâbida, formâ Arabicâ. Autor vult dicere, quòd, Mobammedanorum Phrasi, omnes Persarum Sacerdotes habentur *كاشي برستان Kâzi âtesh-pereštân*, i. e. *Judices Ignicolarum*, sc. *Judices Ecclesiastici*, eodem modo, quo apud dictos Mobammedanos dicitur *قاضي ترسايمان Uscuph*, seu *Episcopus*, est *Judex Christianorum*, ut legitur in *Mokâddemaadâb & Turgjumân*. Hujus Sacerdotii Nomen initium sumpsit ab *Hystaspe*, qui (novo Religionis zelo permotus) primus hunc Titulum adscivit, & (testante *Emîr-ebond*) dicto cognomine *Hyrbad* vocari voluit.

Alius Sacerdotum Ordo superior, post Zoroastri Tempora, dictus fuit *دستور Destûr*, i. e. *Præsul*, seu *Superintendens*; quorum unus tantum erat in singulis Provinciis, sicut Episcopus, qui omnibus ibi Sacerdotibus præerat, aliosque Sacerdotes ordinarios ordinabat & gubernabat. Et *Destûr*, verbo tenus, est *Canon* seu *Regula*, sc. *Canonicus*, seu *Regularis*, sc. qui regulariter vivit, & alios sic facere procurat.

Et tandem in veterum Persarum Libris, post Zoroastriana Tempora, adhuc invenio alium supremum Ordinem, qui *دستور دستور Destûri-Destûr*, *Præsul Præsulum*, seu *Archipræsul*, qui Christianis *Episcopus Episcoporum*, seu *Archiepiscopus*. Huic parebant singularum provinciarum *Præfules*, seu *Superintendentes*. Et Judæorum exemplo, Sacerdotes semper fuere ex eâdem Tribu, uti constat ex Genealogiâ sacerdotali, tam in capite, quàm in calce, Libri *Sad-der*, atque ex communi eorum Praxi, & ex antiquissimâ totius Gentis quadripartitâ Distinctione per Regem *Gjemshîd* factâ: nam ne quidem in Civilibus miscet distinctas Tribus, quas secundum Artes ac Professiones sigillatim dispefcunt.

Hoc modo (ut vides) enarravimus nomina trinorum Sacerdotii Ordinum qui in antiquo *Sabaismo*, ante Zoroastrem, & Nomina totidem Ordinum in succedente tempore, post Zoroastrem, in Reformatione: dicti itaque trini Ordines Sacerdotii sunt planè iidem, quamvis aliis trinis Nominibus diversis distinguantur. Exempli gratia; Primus Ordo antea vocabatur *Mogh*, & postea *Hyrbad*. Secundus Ordo vocatur tam *Mûbad* quàm *Destûr*, quod testatur *Erdavirâph-nâma*, *دستوران دینی Destûri Religionis*, iidem sunt *Mubadi*. Tertius Ordo appellatur tam *Mûbadi Mubaddân* quàm *Destûri Destûr*.

Deſtúr. ^a Dicti tres Ordines habentur tria Magorum Genera, quorum in ſequentibus meminit *Porphyrus*; quorum Summi erant obligati majori Abſtinentiæ & Sanctitati quàm Secundi, & hi plus quàm Infimi: nec vinum bibunt. Hujus ſedes Archipræſulatus eſt in Metropolitanâ Perſarum Eccleſiâ Cathedrali propè *Kirmân*, V diebus diſtante ab *Iſpabân*. Archipræſulum erat Regibus aſſiſtere Conſilio ſuo, & ritè ordinare Ceremonias Religionis, & ad Præſulatum vocare eos qui erant Doctiores & omnium Rituum gnari: nam (ut diximus,) non licebat cuivis Sacerdotium aut Præſulatum ſponte arripere, donec à Superioribus examinatus & probatus fuerat, an eſſet habilis & idoneus, & in *Zerduſhti* Libris ſatis verſatus. De non aſſumendo Sacerdotio, Teſtimonium dat *Cicero*, in Libro de *Divinatione* referens; *Nemo potuit eſſe Rex, antequam calluerat Diſciplinam Magorum: nec magis ut quiſque eſſet Magus quàm ut eſſet Rex*. Iſtorum itaque erat non tantùm Reges in rectâ Religione inſtituere, ſed & eos inaugurare, ut in *Chriſtianismo* fieri ſolet: id apud *Plutarchum* de *Artaxerxe Mnemone* monetur; *Quòd poſt Darii exceſſum, iſcit ad Paſargadas, ut Sacris Regiis inauguraretur à Sacerdotibus Perſicis. Delubrum eſſe Dææ Bellicæ, quam Minervam conjicias eſſe. Eò ingreſſum, qui inauguratur, Stolam ſuam oportet deponere, & induere eam quam Cyrus priſcus, priuſquam Regno potiretur, geſſit: & Ficorum maſſam eſſe, tunc Terebinthum vorare, & Calicem haurire Lactis acidi*. Terebinthinæ nuceſ (quas aliquando habuimus,) in Oriente ſunt edules. At, fauſti Ominis ergò, imparilis & victorioſi Regis Stolam induebant ſuccedentes Reges, ut eos ſimilibus etiam virtutibus unà cum veſte induendos eſſe ſperaretur. Id quod *Minervæ Armatæ* Templum vocatur, reverà erat *Veneris* Templum; de quo vide ea quæ ſupra ad *Herodotum* notavimus: ^b eum enim cultum in Perſarum Templis inſtituit *Mnemon*: & ut *Pallas*, alibi paſſim, ſic & *Venus*, aliquando apud *Spartanos* in *Lacedæmone*, *Armata* colebatur.

Superiore modo recenſitis Sacerdotum Nominibus & Ordinibus, procedendum eſt ad *Prophetam*, qualis habebatur *Zerduſht*. Prophetæ uſitatiore nomine appellari ſolet پیغمبر *Peigâmbèr*, i. e. Nuntii *Lator*. Aliquando Prophetæ vocari ſolet وخبشور *Vachſhûr*, & وچر *Vatchér*, & چرگر *Tchurbér*. Si quem habent inter Laïcos Magnatem, talis

^a Vid. Append. No. XII.

^b Vid. ſup. pag. 95, & Append. No. XIII.

vocatur *مرزبان* Merzobân, vel *مهر جوسیان* Princeps, seu *Magnas Magorum*. De Laicis vide plura in initio hujus Capituli.

Proximè de Sacerdotum Habitu disquirendum. Et imprimis moneo, quòd in Frontispicio Libri *D. Henr. Lord*, pro *Sacerdote Persico*, perperam exhibetur planè *Nauta Belgicus*, isque accuratè depictus Barbâ densâ & prolixâ. Et quidem paucis Librorum Sculpturis fidentum, cum in omnibus ferè Libris cujuscunque generis *Icones* sint supposititiæ, *Bibliopolarum Astu* confictæ. Nos autem melius secundum tam *Persarum* quàm *Græcorum* & aliorum verbales descriptiones, Sacerdotum Formam & Habitum exhibere conabimur, sequentibus Autoritatibus freti. Ab oculatis Testibus dicuntur gestare grandem Barbam promissam, Mystaces parvos, Genas raras, Nasum aduncum, Pileum Conicum, ex Pilis Camelinis coactum. Dicente *Plutarcho* & *Xenophonte*, *Cyri Regis* Nasus erat *γρονὸς aduncus*: idèoque *Persæ tales amabant* & *pro formosissimis habebant*. Crines non tondent nisi pro Mortuis; uti faciebant pro mortuo *Alexandro*, ut notat *Curtius* lib. IV. 24. Regulariter, Comam ad plenam longitudinem promittebant: unde *Herodotus* lib. III, *Persas* vocat *κομητὰς Comatos*: & apud *Athenæum*, *βαδουχαμένους* densè seu promissè *Comati* vocantur. Et apud *Suetonium* in *Vespasiano*, *Stella Crinita* dicitur alludere ad *Parthorum Regem* prolixè capillatum. Et quidem quòd olim criniti & comati erant, satis constat ex *Pseudo-Smerdi*, cujus Aures propter Comam videri non potuere, idèoque à *Pellice* palpando explorandæ, dum is cum eâ congrediretur: vel, ut *Justinus* ait, *Fœmina* quædam, dum dormiret, caput ejus lustrabat. Id ulteriùs constat ex supradictò *Hæretico Chnâph*, qui pro novo more jussit tondere, seu abradere crines. Quòd *Medorum* & *Partborum* Pilei fuerunt Conici, constat ex *Nummis Romanis*, ubi *Parthus* se *Augusto* submittebat cernitur. *Magus preces celebraturus* induerat *Mitram*, &c. ut suprà ex *Pausaniâ* notavimus. Qualis hæc erat *Mitra* docet *Strabo*, qui tradit, quòd *Magi* fuerunt *Τιάρας περικείμενοι πλωτῆς, καθήκτως ἐκαστῶν μὲν τῶ καλύπτει τὰ Χείλη καὶ τὰς Παραγνατίδας*.^a Nempe videtur, quòd inter

^a Id quod diximus de *Mystacibus parvis* & *raris Genis* spectat ad Juniores potius quam ad Seniores: idèoque in *Leone pilosis Genas* dare visum est.

^b Monet Auctor supplendam esse ex *Strabone* Vocem *Πνεγυρῆς*; qui quidem *Locus* à quibusdam intelligitur de *Forma Turris Quadratæ*; quo sanè Sensu plerumque sumitur *Πνεγυρῆς*, idèoque, ab eis illustratur per *Figuram Coronæ Parthicæ*, quæ apud *Goltzium* & alios cernitur. At cum ille *Strabonis* *Locus* non sit de *Regum Coronæ*, sed de *communis Magorum* & aliorum *Tiara*, seu *Pileo*, qui erat *Pyramidalis Formæ* (uti constat, tam ex *Nummis*, quam ex *Pisuris* in Libro *Shâbnâma* Collegii *Mertonensis*) inde constat, quòd *Πνεγυρῆς*, in hoc *Loco*, de *Pyramidalis Tiaræ Figura* intelligatur.



1. Vetustissimo ritu Sacernas ministrans Ore bucculis velato.
2. Sacerdos ministrans cui Os panno linteo velatum est et Tiana reflexa.
3. Sec. Strabonem caput bucculis labia contegentibus.



Sacerdos cum Cingulo quadrinodi et Virgis ministrans relicto Ore detecto ne deformaretur figura.



Admodum Reverendo in Christo Patri RICHARDO Div. perm. Episcopo Petroburgensi hanc Tabulam Gratitude ergo lubens meritoq. D.D.D. Autor T.H.

delin. AB corp. scul. Vni. Ox

ministrandum Deo corant Igne, dictæ dependentes Pilei Partes, seu Bucculæ, labia tegentes, erant ad prohibendum impuriorem halitum, quod aliàs hodiè fit *Quadrato Panno*; cum olim Magi non nisi *Mitrati* accederent Ignem, nec ad Orandum, nec ad eundem alendum Lignis. *Principum Tiaræ erant ὀγκάλισται τῶν Μάγων.* Quales hi erant Pilei vide suprâ in Figuris *Mithræ*. Pileus aliàs vocatur گلاب *Gbulâb*, i. e. *Mitra*, aliàs دستار *Destâr*, seu *Teshâr*. Quærendum an hinc sit τιάρα, vel potiùs ab עטרה *Atâra* nomine *Phœnicio*, uti κίθαρις, seu κίθαρις, est à *Phœnicio* כתר *Kéter*, cum suffixo *Kitri*. Tiaram capiti detrahebant salutando quemvis honoratiorem, ut pluribus testantur Autores; unde nomen *Destâr*, *Manu Tenens*, seu *Tenendum*. Tiaræ autem bellicæ impenetrabiles, quia tenuiora & molliora erant Persarum Crania.

Zoroastris ipsius, adeoque Sacerdotum omnium, Vestis erat سدره *Sûdra* subrufa, (de quâ infrâ,) eaque *laxis Manicis*, ut hodiè. Nam ex Persarum more, pertransiente Rege aut Magnate, quisque debebat manus in propriis Manicis condere & in eas inferere, & ita seipsum erectum sistere: propter cujus Ceremoniæ Omisionem in *Darii* Transitu, is aliquem occidi iussit, ut *Brissonus* notat. Pedibus gerunt *Sandalos* vel *Calceos*; nam nudis pedibus terram contingere nefas. Antiquiore tempore, Capitis Tegmen (ut diximus) aliter se habuit: nam in solenni Processione *Persopolitanâ* (quam delineatam amicè mihi monstravit D. *Chardin*,) tam Regis quàm Nobilium & Sacerdotum Pilei omnes cernuntur *Turbinati*, non autem *Turriti*, ut *Strabonis* Tempore, nec apparent Bucculæ, seu Ansa, quæ tamen sunt supponendæ. Nempe ibi omnium Pilei eadem sunt Figurâ quâ est Pileus Regis. *Ogilbius* narrat; *Persepoli visuntur plures Figuræ vivis majores, tam stantes quàm sedentes, promissâ Comâ, latis Barbis, Tunicis talaribus laxè manicatis, Cingulis cinctæ, & pileis rotundis miris.* In dictâ Processione, seu Magno Sacrificio publico (ubi *binatim* ducuntur Bestiæ &c. mactandæ, & Homines *binatim* portantes Patinas cum Libationibus,) superior Vestis erat Toga laxè manicata, quali utuntur Senatores *Veneti*, ut in præmissâ Regis Figurâ cernitur. Id autem fuit ante *Zerdušti* Tempora. Nam Habitus quem ille sibi vendicat, & quem à Deo se accepisse dicit cum Cingulo, erat سدره *Sûdra*, [a *Cassock*,] quæ dicente D. *Oleario*, dum istorum Habitus describit, *ad mediam Suram pertingebat, superius apud Collum aperta, quæ ibi itaque colligata Taniâ, quam Ribbon Anglicè vocamus.* Ista dicta *Sûdra* in Libro *Nim.* exponitur, سدره لپاچه ننگله یعنی قفطان كه جمله

جمله استنه گمرلر Arab. *Sudra*, Persicè *Lipâgja*, Turcicè *Tégbala*, est tunica quam super omnia induunt. Aliàs Turcicè, درلک *Dârlîk*, &c. Tunica cingitur Cingulo, secundum Sacerdotalem Habitum in *Angliâ*, excepto colore. Dictum eorum Cingulum (ut refert D. *Olearius*) bodie est Funiculus ex Lana aut Pilis camelinis tortus, corpus bis cingens, & à tergo duplicando clausus seu connexus. Iste autem Nodus non venit in numerum Nodorum qui mox recensentur. Istud Cingulum (quod ex Libro *Sad-der* inferiùs describetur,) est *Quadrinode*, qui quidem Nodi sunt Monimina, seu Monumenta tot Rerum quarum oblivisci nunquam debent. Si aliquis (inquit D. *Olearius*) adeò infaus-
 tus sit ut Cingulum amittat, non debet edere, aut bibere, nec colloqui, nec è loco suo se movere, donec aliud acceperit à Sacerdote talia vendente; quia dum discinctus est, supponitur non benedictus, & Potestati Diaboli subiectus, uti & olim in *Angliâ* dictum, ungirt unblest. Et omnes, tam Viri quàm Fœminæ, hodiè utuntur eadem (inquit) Cincturâ ab Anno ætatis XII, cum præsumantur Religionis Principia intelligere. Aliàs potiùs Anno XV. Pro dicto Cingulo manè induendo, extat in Precum Officio peculiaris Precatio; ut & alia pro Manuum Lotione. Illa appellatur دستي دهرنگ *Ceremonia Cingulum accingendi*; hæc verò دست شوي دهرنگ *Ceremonia Manus lavandi*: sunt sc. duæ longiores Precationes Averrunçæ. Magorum istud Cingulum æstimatur sanctissimum, præcipuè quòd (ut dicunt Magi) sit in signum Obedientiæ strictioris erga Deum. Id Persicè aliquando vocatur گمر *Camér*: aliàs vocatur شستى *Shest*, quo (inquit Pb. Gj. autor) Ghebri medium corpus cingunt; additque, quòd گشتى *Cûsti* origine fit گشتى *Cûsti* dictum. At magis peculiariter dicitur گشتى *Cûsti*, unde Arabizatum est گشتيج *Cûstij*, in Plurali گشتيجات *Cûstijât*. De eo inquit *Russem Al Mâulavi* Mohammedanus in Libro *Wasilato'l Makâsid*, Turcicè, كسكى كنه طابى كافرانك قوشدوغى قوشق *Cûsti est Selicolarum infidelium Cingulum quo cinguntur, Arabizatum fit Cûstij, quod etiam vocatur Zonnâr*: sc. Zona, seu ζώνη, quod est etiam peculiare Christianis. Ideoque Mohammedani suis omnibus præcipiunt, بى پرستى اولمه وکس ره ارگى *Idololatra ne esto, nec Zonnâe aliquis, seu Zonario Cinctus*. Monachorum Christianorum in Oriente Cingulum notabile est XII Nodis, notantibus duodenarium Numerum Apostolorum

rum quorum illi sunt sequaces. Sic *Nim. Laud.* Turcicè refert, ردار
 كافر قوشغي واول بر قوشقندر كه اون ايكى درنه دگومي اولورمش
 كشيشلر قوشادرلرمش هر كلسه اول بر قوشغي قوشنسه شريعتى آنگ
 كفرنه حكم ايلر و مجوسيلر و صرادلر مذهبنه دخي ديرلر
Zonnâr est Infidelium Cingulum, tale sc. quod in XII locis Nodos habet,
quo Sacerdotes [sc. Monachi] cingi solent. Lex autem [Mohamme-
dana] de Infidelitate adjudicat [damnatve] quemvis tali Cingulo
cinctum. Sic etiam vocatur Magusæorum & Christianorum Secta, sc.
Zonati.

C A P. XXXI.

De Persarum Magis in genere, & quales ejusmodi Sapientes fuerunt: præser-
tim de Christi Magis, à quonam Rege in Palæstinam legati fuerint, & cur
Deus tanto favore dignatus est Persas præ aliis Gentibus, &c. Prophetiæ
de Messia per Zoroastrem, & Gjamaspem, &c.

SUpradiçtum nomen *Môgh*, toti Orbi notissimum, aliquando apud
 Autores notat omnes *veteris Religionis Persas*, præcipuè autem &
 propriè eorum Sapientes & Sacerdotes. Sic Liber *Sabâb Agjemi*, مغ
 اوده *Môg est Ignicolarum Sacerdos*. Eodem modo *Ru-*
stemi Epitomator, طايي *Môg est Sacerdos Ignicola*: &
 ibidem, مغ پچه آنلرك اوغلانلري *Môg-pâtcha, i. e. Magorum Par-*
vuli, sc. eorum Pueri. Apud Poetas & Scriptores metaphoricos (ut in
 Vocabulario Definitionum exponitur) sequente modo legitur, مغ پچه
 طالب كصيل دود را كويند مربوط استى در ما بمن خواه عالم لاهوت
 خواه *Môg-pâtcha est Discipulus quem adeptum vocant, re-*
strictus (seu detentus) in Interstitio Mundi Divinitatis & Mundi Huma-
nitatis. Nempe Tâlib (Arabice Expetitor) est Studiosus, qui Scien-
tiam & Eruditionem expetit, qui adeptus est; & qui tandem ab hoc
 B b b Mundo

Mundo sublimatus & detentus, & fere separatus, quasi in alterum Mundum concedere incipit, dum Religiosæ vitæ se firmiter addicit. Tales enim sunt Magorum filii in Divinitate & Eruditione educati, quos ergo absolute & simpliciter vocant *Magorum Filios*; supponendo eos esse Studiosos. Talis autem *Mæg* aliquando, aliâ formâ, vocatur *Mogûsbek*: sic *Nim. Laud.* & *Nim. Sion.* مغوشك مجوسيلر عيشيشي. *Mogûsbek* est *Magusorum Sacerdos*.

A Nomine مغ *Mæg*, *Chaldaei* fecerunt מג *Mæg*, unde *Græci* (suam terminationem addendo) sonant μάγος; & hinc *Arabes* formârunt sibi مجوس *Magjus*: & sic *Syri* & *Judæi* & aliæ Gentes. Apud aliquos recentiorum *Græcorum* legitur μάγος: & ab *Arabum* *Magjûs* seu *Magûsi*, aliis recentioribus *Græcis* fit *Μαγιστρός*. Cum itaque *Arabum* مجوس *Magjûs* fiat à *Græco* μάγος, (hocque à *Mag*, addendo Terminationem *Græcam*,) hinc planè constat quantum erraverit *Phiruzabadius*, *Camûsi* autor, doctissimus *Arabs*, (non autem satis *Perficè* doctus,) qui planè nugatur deducendo *Arabicam* hujus vocis Formam à duabus vocibus *Perficis* مغوش *Migj Gûsb*, quas exponit اصغر Parvis *Auribus* præditus, quasi *Perfarum* *Magi* habuissent Aures reliquis mortalibus minores: quod planè falsum esse comper- tum est, cum Amicus, meo rogatu, eorum Aures aliquoties explo- rando, tale quid reperire non potuit. Et nihilominus, *Ecleri Kara-Hisdri* qui profitetur se suum Lexicon ex aliis Lexicographis selegisse, hunc *Camûsi* errorem sequitur, exponendo *Turcicè* مجوس *Magjûs* قولانلري *Magjûs est parvis auribus vir*: cujus falsitatem satis mon- stravimus. Verum quidem est, quòd مغوش *Gûsb* *Perficè* notat *Aurem*. Sed quid hoc ad rem? Nam مج *Migj* non significat *Parvum*, nec talis vox ullo significato in *Lingua* *Perficâ* extat. Quid autem sibi velit, dicam: quando *Arabes* solent tractare voces *Perficas*, literam *He* finalem mutant in ج *Gjim*, vel ك *Koph*, quod & heic fecit *Camûsi* Autor: nam à م *Mib* fecit مج *Migj*. At tamen id non significat *Parvum*, sed è contrario *Magnum*; unde *Magjus* potius denotaret *Magnis Auribus* præditum. Quàm itaque ridenda & falsa sit *Phiru- zabadii* Originatio, planè constat.

Certum est *Mæg*, seu *Mæg*, fuisse generale *Perficorum* Sacerdo- tum nomen ante tempora *Jeremiæ*, tunc antiquum. Nam cum *Nebu-*

Nebuchadnessar Rex *Chaldaeorum* (ut Curia ejus splendidior esset, & is semper in promptu haberet quos consuleret,) omnis generis Sapientes ex omnibus Gentibus ad se vocando, inter alios, etiam ex Perside *Magos* advocavit, qui Scientiâ Syderum & omni Naturali Magiâ præcellerent. Et *Am. Marcellinus* dicit, quòd *Magia* Platoni sit *Machagistia*, i. e. *Purissimus Deorum Cultus*, ut suprâ diximus. Olim, in *Chaldaeorum* Curia, horum Rector supremus (*Jer.* XXIX. 3, 13,) dicebatur רב-מגן *Rab-Mag*, i. e. *Magorum Præfectus*, seu *Princeps*: idem in Libro *Danielis* etiam dictus רב-חורטמין *Rab-Chartummâja*, i. e. *Præfectus Sapientum*. Hi enim etiam in Persiâ gaudent Titulo خردمند *Cirâd-mand*: hinc *Chaldaei* decurtando & apocopando (quasi scriberetur خردم) fecerunt חרטום *Chartum*. *Chaldaeorum* Regi *Græcia* supeditavit σοφοί, quales in Libro *Danielis* vocantur חשמי *Asbâph*, seu *Assâph*, seu potius legendum *Assôph*: & hodie apud *Indos*, à *Pythagorâ* edoctos, in usu est *Jessôph*: atque jamdiu in *Persiâ* extitit Conventus Religiosorum dictorum الصوفي *Assôphi*, seu *Essôphi*; pro *Asôphi*, οἱ σοφοί. Quid sit *Magia* & *Magus*, docent *Plinius* & *Cicero* & alii: nam per Persarum *Magos* nemo intelligit *Maleficos*, sed *Philosophos*, qui *Magiam Naturalem* callebant, & *Religiosos*, qui *Veteres Ritus* probè nôrant.

*Ille penes Persas Magus est, qui Sydera novit,
Qui sciat Herbarum Vires, Cultumque Deorum.*

A *Simone*, *Magos* malefico, denominata est *Magia diabolica*: sed à Persarum Magis denominata, *Magia naturalis* est Rerum Divinarum & Naturalium Scientia, seu Sapientia & Philosophia. Sic *Hesychius*, postquam exposuit *Magum*, vulgari acceptione, esse *Deceptorem* & *Veneficum*, mox subjungit, μάγος εἶναι τὸν θωπεύον, ἢ θωλόγον, ἢ ἱερία: οἱ Πέρσαι ἕως λέγουσι. Et *Suidas*; μάγοι, παρὰ Πέρσαις, οἱ φιλόσοφοι καὶ φιλόθεοι ὡς ἔρχε Ζωροάστρης. καὶ μετὰ τότεν, κατὰ ἀλδοχρῶν, ὀνομάζονται καὶ Ασράμηνχοι. Quorum Princeps fuit *Zoroastres*: & dein successivè *Ostanae* & *Astrampsyebi*. *Apulejus* *Apol*: I; Persarum *Lingua*, *Magus* est, qui nostrâ *Sacerdos*: quod tandem est *Crimen Sacerdotem* esse: & ritè nôsse, atque scire, atque callere leges *Cerimoniarum*, *Fas Sacrorum*, *Jus Religionum*? Siquidem *Magia* est quod *Plato* interpretatur θωὴν θωεαπῆαν, cum commemorat quibusnam disciplinis *Puerum Regium* adolescentem *Persæ* imbuunt. Cum præcedentibus concurrit *Philo* p. 876; *Apud Persas*, *Magi Naturæ Scrutatores*, præ veritatis cognoscendæ

studio, qui per ocium divinas Virtutes contemplantur clariùs, & alios ejusdem initiant Mysteriis. Et idem p. 792; Veram quidem illam Magiam, hoc est, perspectivam Scientiam, per quam Naturæ Opera cernuntur clariùs, ut honestam expetendamque, non Plebeji solum sectantur, sed etiam Reges Regum maximi, præsertim Persici, tam curiosi harum Artium, ut regnare non liceat nisi cum Magis versato familiariter. Quàm sublimis fuerit eorum Philosophia, æstimare liceat ex Porphyrio, qui in *Vita Plotini* dicit, Quòd Plotinus tantum in aliâ Philosophiâ profecerat, ut Philosophiæ insuper, in quâ Persæ se exercebant, facere periculum affectaverit: atque etiam Sapientiam, præcipue apud Indos probatam, assequi constituerit.

Aliquando Mulieribus & Eunuchis Regum Liberos educatos fuisse scribit Plato lib. II de Legibus. Hoc autem rariùs factum: nam Regum filii solebant habere quatuor Tutorum genera. Sic Stobæus p. 496; Inter quatuor Regiorum filiorum Tutores, primus eos docebat Μαγείαν Ζωροάστρης τῆ Ὀρομάζης ἐπὶ τῷ τῶτο Θιῶν Σεραπεία. & secundus monebat ut in omni vitâ sit verax, &c. Et Plato in *Alcibiade I*, inter alia multa, tradit; Anno XIV tradebatur puer Pædagogis Regiis, qui selecti erant, qui Sapientiâ, Justitiâ, Temperantiâ, & Fortitudine præcellebant. Horum primus Magiam docebat Zoroastris, quæ in Deorum cultu versabatur, & is Regia Instituta tradebat. Secundus Veritatem semper amplecti docebat. Tertius Voluptatem & Libidinem domare docebat. Quartus Impavidum & Intrepidum reddebat, ne metu frangeretur aut debilitaretur. Ex hoc Platonis loco, Magiæ dignitatem adferere conatur Apulejus *Apolog. I*, post Platonis verba addens; Auditisne Magiam (qui eam temere accusatis) Artem esse Diis Immortalibus acceptam, colendi eos & venerandi pergnaram, piâ scil. & divini scientem, jam inde à Zoroastre & Oromazo, auctoribus suis, nobilem, cælitum Antislitem, quippe inter prima Regalia docetur; nec ulli temere inter Persas concessum est Magum esse, baud magis quàm regnare. Distinctiùs autem loquitur Porphyrius de *Abstinentiâ* lib. IV, fol. 92; Apud Persas, ii qui in Divinis Sapientes sunt, ac Numen colunt, Magi appellantur: id enim eorum Linguâ nomen significat. Hoc apud Persas adeò magnum ac venerabile genus hominum habetur, ut Darius quoque, Hystaspis filius, Monumento suo, præter alia, etiam illud inscribendum curavit, quòd Magicorum Doctus fuerit, [sc. vocari voluit Hyrtad.] Ii in genera tria erant divisi, sicut inquit Symbolus [Eubulus] qui *Historiam de Mitbra* multis Libris conscripsit: quorum primi, (qui etiam Doctissimi erant,) animatum neque comederent neque occiderent, sed

sed in priscâ illâ Animalium Abstinentiâ perseverarent: secundi verò, comederent quidem, non tamen ex mansuetis Animalibus aliquod occiderent. Tertiis promiscuè, æquè ac alii, omnibus manus inferrent. Decretum enim apud primos habetur de Animarum in diversa Corpora Transmigratione: id quod etiam in Mitbræ Mysteriis videtur significari. Ut enim communionem &c. — Quorum causam asserens Pallas, in iis quæ de Mitbræ tradit, communem hominum Opinionem esse inquit, ut ad Zodiaci Orbis naturam hæc referenda judicentur. De Magis & Magiâ laudabili, videri possunt quæ congeffit Raleigh Hist. Lib. I, cap. 11, §. 2. Et Stephanus legit; Magi — ii Sapientes, Rerum Divinarum & Naturalium periti, qui Herbarum & Gemmarum & aliorum vires callebant, Miracula edebant, & divinabant: & ob Futurorum Prædictionem & vitam religiosam, Diis familiares credebantur, magno in honore habebantur, ac de rebus gravioribus consulebantur. Prædictionum ex Vi naturalis Scientiæ exemplum suppeditat Cicero de Divinatione; Ex triplici appetitione Solis, XXX annos Cyrum regnare prædixerunt. Et rursus; In Persis augurantur & divinant Magi, qui congregantur in Fano, commentandi Causâ atque inter se colloquendi. Ex hujusmodi Persarum Magis, Celebriores aliqui fuerunt illi qui nostrum Salvatorem Christum in Infantiâ visitatum venerunt ex Perside in Betlebem. Hi non fuerunt Reges, sed Magi, qui non potuerunt esse Reges, teste Smerde: igitur rectissimè Sheikh Saadi Persa dicit, دو پادشاه در یک پادشاهی دو کینند Duo Reges in uno Regno non continentur. Ideò, isti Religiosi Visitatores fuerunt, vel Sacerdotes, vel Destrî seu Præfules. Est inter Doctos Controversia an ex Persiâ, vel ex Arabiâ venerint. In Arabiâ quidem fuit integra Magorum Tribus بني تمیم Beni Temim. Et certum est, in Sinu Arabico, è regione Sabææ, seu Arabiæ Felicis, dari μάγων Νῆσος Magorum Insulam, apud Ptolemaum in Africa Tabulâ quartâ ad Long. 68, Lat. 16. Deinde in ipso Arabiæ Litore ad Sinum Persicum (in Asia Tabulâ quintâ ad Long. 80, Lat. 25,) est μάγων κόλπος Magerum Sinus. Ideò circa hunc locum fortè vixerint dicti Arabes Beni Temim. Concedo Magos venisse ex Arabiâ; non autem originaliter & primariò, sed tantùm in transitu; cum aliàs impossibile fuerit ut ex Perside ad Judæam transirent, nisi per Arabiæ partem transierant. Ergò cum dicantur venisse ex Oriente, idque, longo itinere, (dum Arabia sit ad Austrum plusquàm Orientem Judææ, eique confinis & quasi in viciniâ,) ego potiùs sentio cum Doctissimo Petavio, qui statuit Magos inde venisse ubi id genus hominum maxime floruit.

fuerunt autem numero tredecim, sicut tradunt pleræque Historiæ de eis scriptæ. Et ii qui venerunt, erant Principes famigeratissimi & viri notissimi terræ Persidis: & fuerunt apud eos populi multi & exercitus plusquam mille virorum: adeo ut turbata fuit Ierushalem. Sed quidem prohibuerunt hoc dicere Herodi. [At dico, potius turbata fuit Ierushalem propter malum nuntium de Novo Rege.] Postea pergit particularia eorum Nomina dicere, de quibus fides sit penes Autorem,

Arûpbon, & Hurmon, & Tachschesh. Sunt qui eos sic vocârunt, Gûdpborbûm, & Artachsbâshst, Labûdo, & Alphero. Linguâ Persicâ vocati fuere Amad, & Zûd-Amad, & Drûst-Amad. In alio Exemplari, Abduiyâd, & Hadûndad filius Artâban, & Sbethâph filius Gûdpbor, & Arshik filius Tabdûs, & Zerwand filius Wararand, & Aribu filius Chosraw, & Artachsbâshst filius Ghasblûth, & Esbtanbâzon filius Casbrûn, & Mabdûk filius Hûbom, & Achsbâresh filius Sachbon, & Sôrdolach filius Beldon, & Mardûk filius Bel. Persica illa nomina quæ adducit, sunt

amad, i. e. Vênit: Zûd-amad, i. e. Citò vênit: Drûst-amad, i. e. Sincerus vênit. Quæ omnia, rei novitatis causâ, recitare non gravatus fui. Alia hujusmodi fictitia Nomina etiam videri possunt apud Monachos: tædiosum & inutile esset repetere.

Magi, qui *Christum* visitârunt, videntur venisse ex *Parthiâ*, ubi eadem Religio quæ in *Persiâ*, iidemque Magi: nam Dynastia, seu Regimen, tunc erat apud *Parthos*, ibique Imperii Sedes. Apud hos (inquit *Pharab. Gj. Autor*) eo Tempore regnavit *چون* *Gbûderz*, per

LVII annos. *Christus* quidem natus est paulò post Initium *Dynastiæ Parthorum*, XLI Anno *Augusti*, quo Tempore apud *Parthos* (inquit *Strabo*) Rerum potitus est *Pbraates*, *Orodis* Filius: is aliàs dictus est *Pbraortes*, quod est vitiatum Nomen pro *فریدون Pbridin*. Rex, qui *Straboni* *Pbraates*, aliis videtur dictus *شابر Sbábur*, Filius *اشك Afhk*. Sed secundum probatiores Historicos, dictus *Pbraates*, *Augusti* favorem inire cupiens, *Tropæa* de *Romanis* erecta, & ab eis ablata, remittebat, & Metu inductus, IV Filios Obsides *Romæ* educandos in antecessum mittebat, inter quos *Vonones* qui Patri successit. Dictus *Pbraates* videtur regnâsse XL annis, partim ante, & partim post *Christum* Natum. Dictus *Parthorum* Rex *Pbraates* braccatus, & fluente Pallio, seu Stola, cernitur in *Augusti* Nummis, se humilians, & dextro genu flexo porrigens Militaria Signa *Romanorum* eâque reddens *Augusto*, (ea sc. quæ *Orodes* à *Crasso* abstulerat:) omnes quoque Captivos restituit: quod factum est XVIII annis ante *Christum* natum, Anno XX *Herodis*. Ad hoc observat *Ovid. Fastorum* V,

*Parthe refers Aquilas, viēlos quoque porrigis Arcus,
Pignora jam nostri nulla Pudoris habes.*


Sibi enim metuebat, conscius quòd nulla pacta servaverat, cùm esset sceleratissimus homo, nullius fidei aut justitiæ; qui, inter alia scelera, Patrem, & Fratres, & adultum Filium, interfecerat. Is etiam ad *Augustum* misit IV suos Filios *Romæ* educandos, idque circa annum XXX *Augusti*, circa X aut XII annis ante natum *Christum*, ut dicitur. Sunt qui volunt id suâsû Uxoris factum, ut alius filius *Pbraataces* in Regno succederet. Istis eorûmque Famulitio *Augustus* assignavit VII Domos, quas memorat *P. Viētor*, in Libello de *Regionibus Urbis Romæ*: ibi enim in Regione duodecimâ (quæ *Piscina publica*) erant *Septem Domus Parthorum*. Cùmque vidissent Coriorum Parthicorum Elegantiam, Romani in posterum habuerunt *Parthicarios*, qui Parthico more concinnarent Coria; ex quibus itaque Imperatores *Romani* (& postea *Constantinopolitani*) parari voluerunt Calceos suos, *Turcicè* jam dictos *تچانج Tchangh*, seu (ut *Græci Moderni* scribunt,) *τζαγγας*. Idem *Pbraates* ab *Augusto*, per Epistolam, jussus est ei resignare *Armeniam*, quod primò neglexit, ægrè etiam ferens quòd ab *Augusto* non scriberetur Rex *Regum*. Sed cùm videret Turbas esse domi, mox resipiscens id fecit, & gratiam cum *Augusto* inivit.

Ab

TAB. X.



Phraates genuflexus resignans Armeniam Augusto. Phraates genuflexus reddens signa militaria Augusto, cum Tiarâ direclâ..



Corona Parthica.



Miles Parthicus cum Tiarâ reflexâ et jaculo et arcu.

Reverendissimo in Christo Patri, THOMÆ div. prov. Archiep. Cant. totius Angliæ Primate et Metropolitano, Serenissimæ Maj. Regiæ à secretioribus Consiliis, hæc Parthici Regis (qui Major ad Christum legavit) Icones ex vet. nummis desumptas, Gratiitudinis ergo lubens meritoq. D.D.D. Auct. T. H.



Ab isto itaque Rege missi sunt (vel saltem, eo haud infcio, venerunt) Magi. Nam quòd Persis revelata fuerit Christi Nativitas, certum ex Evangelio : & præterea plerique Autores, iique Doctiores, idem statuunt.

Cur Deus Persas præ aliis Gentibus dignatus est favore tantæ Revelationis, ipse melius novit. Quatenus autem videtur, imprimis erat pro Dei Gloriâ ut extrema terræ maturè viderent *Salvationem Domini*, natum Christum agnoscerent, Munera offerrent, & Officia sua ei præstarent : ideòque à *longinquo* venerunt, *ex Oriente*. Deinde Deus peculiarem pro isto populo Amorem habuit, quia isti in toto Orbe soli (*præter Judæos*) fuère, qui à Primordiis gentis Dei veri cognitionem & cultum retinuerunt. Miscuerunt quidem multas nugas ; sed interim Dei Cultum non neglexère, Pietatem prosequentes. Et quòd hoc modo devoti & religiosi manserunt, suo tempore, testatur *Strabo* p. 500 ; *Μάγιστοι μὲν ἂν σμυνῶντινες εἰσι βίη ἡλωταί*, Magi sunt religiosæ alicujus Vitæ Zelotæ. Et vitæ eorum Pietatem perspicuens *Pythagoras*, (postquam totum Orbem peragrâset, & omnes Religiones vidisset,) eam Magorum amplexus est : sic *Porphyrius*, de *Pythagorâ* agens, tradit ; *Deorum Sacra & Cultum cæterâque vitæ Instituta, eum ex Magorum Institutione accepisse ajunt*. Et postea narratur quomodo concesserit ad Magum *Zabratum* (qui creditur *Zoroastres*,) & quid boni ab ipso didicerit : *Babylone, cum aliis Chaldæis vixit ; atque concessit ad Zabratum, cujus ope, à prioris vitæ sordibus expurgatus fuit, & à quibus rebus homini serio abstinendum, didicit ; tum de Rerum Naturâ & Principiis Universi docentem audivit*. Hinc *Pythagoras* ea, quæ à Magis didicerat, alios docebat : Talia præcipere solebat : imprimis autem Veritati studendum : solum enim illud Homines Deo similes efficere posse : nam & Deum ipsum (uti cognoverat ex Magis, qui illum *Oromazen* appellant,) Corpore quidem, Lumini, Animâ autem, Veritati similem esse. Quomodo Persæ semper orthodoxam in Deo Fidem tenuerunt, sicut pios & bonos decet, vide in sequenti Capite de *Persarum Fide*. *D. Hieronymus* adversus *Jovinianum* II, ex *Eubulo* refert ; *Apud Persas esse tria genera Magorum, quorum primum (qui doctissimi & eloquentissimi,) exceptâ farinâ & olere, nihil amplius in cibo sumunt*. Hic intelliguntur *Archipræsules* : nam alibi docuimus Magorum *Sacerdotium* distinctum fuisse in *Sacerdotes*, *Præsules*, seu *Superintendentes*, & *Archipræsules*. Et quòd ad hoc usque tempus pii manserunt, satis constat : nam ii, qui hodiernæ eorum conversationi assueti sunt, referunt eos esse probos & bonos homines, vitæ honestate præ aliis popu-

lis notabiles, nemini facientes Fraudem aut Injuriam, sed potius Injuriam patientes, ut pristinæ Pietatis & Simplicитatis Exemplar: nam Indoles illis ab eâ omnium gentium diversa. Et ut Deus benignus fuit erga *Kenitas*, & alias Gentes merè idololatricas, qui benè tractârunt *Israelitas* in transitu *Deserti*, ita, multò magis dilexit *Deicolæ Persas*, propter *Abasueri* erga illos Amorem, in Captivitate eorum in urbe *Shushan*. Et postea Deus (qui ab omni ævo præviderat quid ex suâ Ordinatione futurum esset,) ex peculiari erga *Persas* continuato favore, decrevit *Cyrum* Orientis Monarcham fore, & longè antequam nasceretur, præsinivit cum *Unctum* suum, & *Pastorem* suum, qui executioni demandaret totam voluntatem suam, sc. in Reædificatione *Domus Domini*, & in Restitutione Vasorum aureorum, quæ *Nebucadnessar* auferens transtulerat in *Babelem*, &c. prout fusiùs legitur in Libro *Ezræ*. Cùm itaque Deus insigne opus præstandum haberet, (scil. ad ædificandum *Templum* & ad *Vindictam* sumendum contra idololaticos *Chaldæos*), idque *Persarum* manibus præstari vellet, is hoc revelavit *Isaie* Prophetæ, à quo *Cyri* Regis pientissimi Provincia expugnandi *Babylonem* prænotabatur & in antecessum designabatur CC annis antequam *Cyrus* nasceretur, aut dicta Prophetia impleretur. Sic *Isa.* XLIV. 28; *Qui de Cyro dicit, Isse est Pastor meus, & perimplebit omnem Voluntatem meam*. Talis enim fuit Dei voluntas, ut *Urbs* & *Templum* reædificarentur, atque ut *Chaldæi* castigarentur. Ideoque pergit, prædicendo *Cyri* victorias contra eos, quos postea subjugavit, & eorum *Idola* confregit; ut *Cap. XLV. 1*; “*Sic dicit Dominus Unctio suo Cyro, cujus dextram tenui ad subjugandum nationes coram eo, & solvam lumbos Regum ad aperiendum coram eo Valvas, & Portæ non claudébuntur. 2. Ibo ante te & loca curva complanabo: diffingam portas æneas, & discindam vestes ferreos. 3. Et dabo tibi Thesuros tenebrarum & divitias absconditas è secretis locis, ut scias quod ego Dominus qui vocavi Nomen tuum, sum Deus Israelis. 4. Nam propter Jacobum servum meum & Israelem electum meum, vocavi te Nomen tuo: cognominavi te, quamvis me nondum noveris. 5. Ego enim Dominus, & non est alter, nec est Deus præter me: cinxi te, quamvis me nondum noveris. 13. Suscitavi illum in justitiâ, & dirigam omnes vias ejus: ipse ædificabit Urbem meam, & liberos dimittet captivos meos; non autem pro pretio aut remuneratione, inquit Dominus exercituum.*” Hæc omnia spectant ad *Persas*, & in eorum favorem dicta sunt. Et inter *Onera Babylonis*, Deus minitatur se excitaturum *Mædos*, *Isa. XIII. 17*; “*En contra eos excitabo Mædos qui non curabunt*
“*Argentum*

"*Argentum nec delectabuntur Auro. 19, Et Babyloniam regnorum Gloria, & Chaldaeorum Excellentiae Decor, erit sicut quando Deus destruxit Sodomam & Gomorrhiam.*" Et de Babyloniae Ruinâ per Medos & Persas, vaticinando pergit; Cap. XXI. 2, *Ascende & Elam, Obsidium pone & Media. 9, Cecidit Babylon, omnia Deorum Sculptilia ad terram usque confregit.* Scilicet Cyrus fregit & perdidit omnia Babyloniorum Idola, eorum loco, veri Dei cultum substituendo, ut suprâ diximus: Deus enim promisit per eorum manum profigare Chaldaeorum Idololatriam, quod tandem praestitit, quando postea Cyrus Babylonem expugnâvit pro Dario Medo. Beli etiam Templum Babylonicum postea vastavit Xerxes Persa. Et hodie tota Urbs evanuit, ita ut ne quidem Rudera ejus appareant supra terram. Atque idem Xerxes alia Graecorum Tempia Idololatriâ evertit. Tanta & tot magnalia fecit Deus per manum Medorum & Persarum, qui semper veri Dei Cultores & fideles, Idololatriam exosi. Sed propter eorum luxuriam, eos tandem tradidit Alexandro: & postea regnum veteribus Persis ademit, ut hodie sit. Et ut Deus fecit Judæis (quamvis essent mali homines, semper à Deo desectentes ad Idololatriam,) propter Messiam ex eis oriturum, nempe eos tantum castigavit sapè, ut pater filios quos amat, & noluit absolute eos deserere, ne quidem in Captivitate suâ; (nam curam eorum gerebat in omnibus locis ubi dispersi erant;) sic quamvis Persae multas nugas cum Dei Cultu miscuerint, Deus connivebat propter grande Opus quod à Cyro Persarum Rege praestandum decreverat. Et postea, hoc facto, eoque mortuo, noluit tamen (ex veteri amore) hujus gentis totaliter oblivisci, quin statim post Cyri Tempus, per Zoroastrem revelavit eis Nativitatem Messiae, ut Persis annuntiaret Salutem. Et proculdubio, Deus excitavit Danielem & alios qui Cyrum facerent certiorum quod ab Isaia Prophetâ Ipse nominatim praedictus fuerat ut Domini Pastor & Operarius Dei celi; quæ cum religiosâ ejus dispositione concurrerunt. Insuper, cum à Judæis nominarentur omnes eorum Ritus coram Rege, & inter alia, quod Hierosolymis Deus coleretur, Persarum more, Perpetuo Igne, ille mox toto animo accinxit se ad curandum ut id, quod praedictum fuerat, impleretur. Hinc est quod inter reliqua Diplomatis ejus Contenta, hoc tanquam Primarium & Principium ibi praemissum est, jubendo (1 Esdra VI. 24,) ut extrueretur Domus Domini Hierosolymis, ubi Sacra peraguntur Igne Perpetuo, ut suprâ notavimus. Cumque Deus Domum Gloriæ suæ Persarum jussu & autoritate extruendam & instaurandam curaverat,

verat, non est mirum quòd, ex peculiari erga eos favore, postea *Christum* illis etiam in carne nascendum revelaverit.

Eorum itaque اورغ علمبون *Orangh Alimbûdi*, seu *Viri Sapientes*, videntes بئقن *Bintangnja*, *Stellam* ejus, ejusdem apparitione moniti, venerunt ad *Ghangh-diz Houcht*, seu *Paradisum Judæorum*, sic enim *Hierosolymam* vocabant. Hoc autem eos docuit *Zerdusht* (qui Græcis *Zoroastres*,) cui hoc revelatum fuerat cùm aliæ Prophetiæ ferè cessassent. Deus enim in *S. Scripturâ* haud semel secreta revelavit *Pseudo-prophetis*: & speciatim hoc ipsum de *Messiah* revelatum fuerat *Balamo*, qui invitus pronuntiavit *Stellam orituram à Jacob*, &c. Talem itaque de *Messiah* Prophetiam (referente *Sbabristâni*) *Zerdusht* in Operibus suis scriptam reliquit, obscurè, ut solent esse Prophetiæ, ومما اخبر به رانشت في كتاب ردوستا قال سيظهر في اخر الزمان رجل يسمى اشندربكا معناه رجل العالم يزين العالم بدين والعدل ثم يظهر في زمانه بختياره فيوقع الافة في امرة وملكه عشرين سنة ثم يظهر بعد ذلك اسندربكا علي اهل العالم فحيمي العدل ويميت الجور ويزين السنن المغيرة الي اوضاعها الاول وينقان له الملوك ويقمسر له الامور وينصر الدين الحق ويحصل في زمانه الراحة والدعة و يكون

Ex eis quæ prædixit *Zerdusht* in *Libro Zendavestâ*, est, quòd dixit ultimis Temporibus appariturum Hominem dictum *Oshânderbeghâ*, i. e. *Homo Mundi*, qui *Mundum* Religione & *Iustitiâ* ornaturus esset. Deinde ejus Tempore appariturum etiam *Petyâra*, seu *Diabolum*, qui *Rebus* ejus & *Regno* ejus molestiam afferret per viginti annos. Tum posthac appariturum *Osiderbeghâ*, qui incolis *Mundi* revivificaret *Iustitiam*, & sedaret *Injuriam*, & immutatas *Consuetudines* in loca sua pristina restitueret. Et quòd illi obsecuturi essent *Reges*, eique faciliterentur *Negotia*: & quòd opem laturus esset *Religioni* veræ: & quòd in ejus Tempore obtineretur *Quies* & *Tranquillitas*, essetque *Sedatio Dissidiorum* & *Recessio Molestiarum*. Sic *Sbabristâni* Scriptor *Mohammedanus* ex *Libro Zendavestâ*. Hæc Historia est ferè eadem quæ apud *D. Tavernier* in *Itinerario* paulò aliter narratur *Lib. 4. Cap. 8*, prout acceperat à *Sacerdote* quodam

quodam Persâ in Kirmân,* qui obscure in suâ, & Persarum (de Mes-
siab & futurâ Mundi Redemptione) Hypothesi, sequentia ex Zoroastri-
 anis Operibus referebat: “Quòd scil. dum eorum Propheta super A-
 “quam ambularet, ab ipso excidisse tres seminis genitalis Guttas, quæ
 “semper postea ibidem servabantur. Quòd eorum Deus mittebat Vir-
 “ginem ab ipso peramatam, super eundem fluvium, quæ per receptio-
 “nem primæ Guttæ imprægnaretur Puero, quem in antecessum voca-
 “bant Oushîder: qui tunc, postea in Mundum cum Autoritate ve-
 “niens, efficiebat ut Patris sui Lex reciperetur; & eandem non tan-
 “tùm suæ Prædicationis Eloquentiâ, sed & Miraculis confirmabat.
 “Filius secundus, cui nomen Oushîderma, ex secundâ Guttâ in utero
 “conceptus, Fratrem suum juvabat, efficiendo ut Sol cursu suo sistere-
 “tur, totum Mundum de Doctrinæ ejus veritate convicturus. Tan-
 “dem ex tertiâ Guttâ Filium tertium, ex eâdem Matre, eodem modo
 “concipiendum, cui nomen futurum erat Sennoïet-hotius, qui cum
 “majore, quàm duo Fratres, Autoritate venturus esset, omnes ad Pro-
 “phetæ sui Religionem planè adducturus. Et quòd deinde postea mox
 “futura esset universalis Resurrectio, quo Tempore, omnes cum Ani-
 “mabus corporibus reunitis, vel in Paradisum, vel in Gehennam abi-
 “turi essent. Et quòd tunc omnes Montes humiliarentur, & omnes

a Vid. Append. No. XIV. ubi in priori Editione hujus Libri, Monitum quod sequitur, ab Auctore ipso, præmittebatur. Quia vero, inquit, in eorum Libris *Abrahamus* aliquando vocatur *Ibrabim Zerdusht*, ideò iste ignarus confundit Historiam *Zerdushti* cum Historia *Abrahami*, de Puero *Zerdushto* narrando ea ipsa quæ, in *Arabum* Historiis, dicuntur contigisse inter Puerum *Abrahamum* & *Nimrodum*, qui Culice aut Cimice necatus, ut suo Loco suprâ fusius diximus; qui etiam Regni *Gravidas* omnes interficiendas curavit. Deinde proximè succedentem Regem, qui eandem Persecutionem contra dictum Puerum *Zerdushtum* promovebat, ponitur *Cha-Glochtes*: isto autem monstroso Nomine intelligendus est *Sbab-Gush-tasfer*, mille Annis à *Nimrodo* distans. Magnus quidem in Re Historicâ Lapsus Saltivæ! Iste enim Homo numerat per Saltum.

Dicto Puero, seu Infanti, impositum Nomen *Zerdusht*, seu *Zeratusht* (cujus Appellativam Significationem hodie ignorari suprâ docuimus) iste dicit fuisse *Zer-Asteucht*, quod ineptè exponit *Argento-lotum*. Certè malè constat Nomen, & pejus interpretatum! Postea dicit quod licitum sit habere V Uxores, quod est falsum. Dies Festos esse xxx, in Honorem Sanctorum, quod itidem falsum.

Alio loco, id quod dicit de *Stipitibus ligneis*, intelligendum est de *ferreis*. Tandem dicit istorum Regum ultimum fuisse *Cha-Jecherd*, malè, pro *Sba-Jezdegerd*. Præterea fallitur de *Jejunio*; cum omne *Jejunium purum* sit eis planè vetitum in Libro *Sad-der*.

Hæc sunt præcipua quæ taxanda videntur. Et hoc modo præparatus Lector hunc Appendicem legere aggrediatur. Insuper monendum est, quòd aliquas Correctiones poscebant aliæ Relationes *Europæorum*, qui propter *Linguæ Persicæ* Ignorantiam, quædam aliquando falsa dederunt, & veris admiscuerunt. Ideoque si in nostris *Europæorum* Citationibus, eos in quibusdam Rebus sibi aliquando contradicentes inveneris, non debes mirari. Hujus aliquot Exempla invenies in Capite de *Sepulturis*, etiam ex *Agathia*, & alibi.

“Mi-

“Mineræ liquefactæ; & Gehennæ Abyſſo oppletâ, Diabolorum Man-
“ſio deſtrueretur.” Hæc in Appendice noſtro fuſius recitabimus. *
Hi dicti tres Filii Fratréſve videntur indigitare triplicem Meſſiæ ſta-
tum, ſcil. ejus Nativitatem, & Adultam Ætatem in quâ Mundo præ-
dicavit, & tandem ejus Adventum in extremo Judicio.

Dicta, inquam, Zerduſti Prophetia planè indigitat Meſſiam, cujus
Expectationem prædictam noverat ex Veteri Teſtamento, quod ei benè
notum fuit: & inde factum eſt, ut Chriſti Adventus in carne Perſis
revelatus fuerit; nec omnes Judæi, Veteris Teſtamenti Conſervatores
& ſoli Poſſeſſores, aliam Expectationis anſam habuère. Ideoque ne-
mo in poſterum (ut ſpero) mirabitur, quòd Chriſtus Perſis revelatus
fuerit.

Quin & planiora eum de Chriſto docuiſſe narrat Abulphârâgî in
Dynſtiarum Libro p. 54. زرادشتی معلم الحیوسمة والبقای Zerâduſt
Præceptor Magiſæorum --- Perſas docuit de Maniſtatione Domini
Chriſti, jubens illos ei Dona aſſerre: indicavitque futurum ut ultimis
Temporibus Virgo conciperet Fætum abſque Contactu Viri; cùmque
naſceretur, apparituram Stellam, quæ interdiu luceret, & in ejus
medio conſpiceretur figura Puellæ Virginis. Vos autem, ô Filii mei,
ante omnes Gentes ortum ejus percepturi eſtis. Cùm ergò videritis
Stellam, abeuntes quòd vos illa dirigat, Natum iſtum adorete, offeren-
tes ei Munera veſtra. Eſt quidem ille Verbum quod cælum condidit.
At apud eundem Autorem p. 70 legitur, Autogius (vel potiùs Lyci-
nius) ad Cæſarem ſcripſit; Perſæ Orientales, Regnum tuum ingreſſi,
Puero, qui in regione Judææ natus eſt, Dona obtulerunt. Quis autem
ille ſit, aut cujus Filius, ad nos nondum pervenit. Hæc pulchrè conve-
niunt cum Jacobi Prophetiâ Gen. XLIX. 10, Quòd. ipſe futurus eſſet
Expectatio Gentium, vel ut aliàs exponitur, Ad eum eſſet aggregatio
Gentium.

Deum per Balaamum revelâſſe Chaldæis (à quibus habuerunt Ma-
gi) Meſſiæ nativitatem, Theodorus Tarſenſis refert; τὸν Φαρίν Αἰῶνα,
μη ἓνα τὸν πολλὸν καὶ ἕνα τὸν ἑνὰ ἀλλὰ διωραμὴν τινὰ φατοῖαν, &c. Vi-
ſam Stellam non fuiſſe unam è multis in cælo, ſed Vim quandam divi-
norem in Aſtrum conformatam, quæ omnibus Domini Nativitatem
nuntiaret. Porro, Magos à Chaldæis ita accepiſſe, Stellam quandam
olim fore, quæ natum in carne communem Salvatorem nuntiaret: hoc
illis Vaticinium, tanquam ejusdem Artis ſtudioſum, narrâſſe Balaamum

• Vid. No. XIV.

illum

illum, qui, vel inuitus, Imprecationis loco, benè precando Israeli, Benedictioni suæ, nascituri Regis Ortum, & bujus Præconis Stellam admiscuisset. Dum autem sese videndum obtulit Dominus, præ cæteris Nationibus Persis ostensus est; ut quibuscunque eum expectantibus, sive Magis, sive Incantatoribus, per ipsum Gratia & Redemptio donaretur. Sic ille. Meliùs autem omisisset Incantatoribus, cùm Persæ non fuerint tales.

Zoroastri fermè contemporaneus fuit insignissimus quidam *Astrologus*, cui Nomen جاماسب *Gjâmasp*, qui à quibusdam *Turcis* & *Persis* creditur *Danielis* Prophetæ filius: sic *Chalil Sûpbi* habet, جاماسب دادمال بیغامبرک اوغلدر بر مشطور حکیم در Prophetæ filius, celeberrimus quidam *Philosophus*; de quo *Arabice* extat *Mythologiæ* Libellus de *Daniele* & *Gjâmasp*: quamvis aliàs, apud *Judeos* nusquam comperimus *Danielem* fuisse nuptum. Is fuerit potiùs *Danielis* Discipulus, aut Puer, cui ex more dicebat *Mi Fili*. Nam *Daniel*, qui senex, vivens tempore *Syri*, potuerit habere Discipulum juniorem, qui diutiùs viveret usque ad tempora *Hystaspis*, cujus *Gjâmasp* fuit *Consiliarius*, quia Sapiens & *Philosophus* insignis. In *Libro Mugi*. p. 227, narratur, inter *Persas* fuisse X viros incomparabiles, quibus in toto Orbe nulli suo genere pares fuere: & inter hos fuisse *Gjâmasp*; ششم جاماسب وزیر گشتاسب بن لهراسب بود و او را کتابهستی احکام جاماسب گویند حکم کرده است بر قراعات و در آنجا خبر داده است بخروج عیسی و منشاء محمد و راجل شدن زمین موس و خروج ترک و خرابی عالم و خروج شخصی که ایشانرا درک Horum sextus fuit — و مثل او منجی در هیچ صنف نبوده است *Gjâmasp Astrologus*, qui erat *Hystaspis* *Consiliarius*. Ille est *Autor Libri* quem vocant *Judicia Gjâmaspis*, in quo *judicium* fecit de *Planetarum Conjunctionibus*. Et *ibidem* *Notitiam* dedit, quòd aliquando prodiret *Jesus*, & de *Ortu* *Mohammedis*, & quòd abolenda esset *Magorum Religio*: & quòd prodirent *Turcæ*, & destrueretur *Mundus*: & quòd proditurus esset aliquis quem *Turcæ* sibi --- Et sanè ei similis in omni genere *Astrologus* nunquam extitit. Malè exaratum & mutilum exemplar citationem exhibet imperfectam. *Persæ*, *Christo* ceteriores, fabulantur *Christum* in cælos ascensurum, intrasse in ædes cujusdam *Religiosi* cui nomen سکو *Socû*, & inde ascendisse.

In

In Vitâ *Confucii*, qui plus quàm D Annis ante *Christum* vixit, narratur, quòd ipse solebat dicere, *Ipse Homo est in Occidente*. Plura videas in ejus Vitâ in 8^o, p. 23. Sed in ejus Vitâ, per D. *Couplet* Philosophiâ Sinicâ præmissâ, *Sinicè* legitur, *Si sam, Yeu Xim gin*, seu (ut nostræ pronuntiationi conformare possim,) *Si fang, Yeu Shing gin*, i. e. *Vir Sanctus in Occidente existit*. Quibus verbis, an *propheticè* respexerit *Christum*, vel potiùs *historicè* Judæorum Summum Sacerdotem, dubitatur. Ego sanè posteriore sensu accipiendum duco. Ut cunque tamen sit, certum est LXV Annis post *Christum* natum, Imperatorem *Mingh-Ti*, dictis *Confucii* verbis partim, partimque per Apparitionem Viri Sancti in Somnio visi, misisse Legatos in *Occidentem* ad exquirendum dictum *Virum Sanctum & Legem Sanctam*. Sed illi pervenientes ad aliquam Insulam prope *Mare Rubrum*, non auri sunt ulteriùs procedere: re itaque infectâ redierunt. Ne autem in cassum videretur Legatio, loco *Viri Sancti*, Imperatori retulerunt un *Pagode*, scil. Idolum *Fæ*, seu *Fe* Impostoris, *Fæ kiae*, (non *Fobi*, ut aliquis legit, qui fuit *Imperii Sinici* Fundator primus :) & hoc modo, *Idololatriam* atque *Metempsychosin* in *Chinam* primò invexerunt. Sed nihilominus, postea Dei Providentiâ factum est, ut Lex Sancta propagata fuit in *China*, uti constat ex proluxâ Inscriptione *Sinicâ* apud *Kircherum* in *China Illustratâ*; ut & ex ternis procerrimis *sacræ Trinitatis* Effigiibus (non æqualis proceritatis) quas usque hodiè in *Idololatricis* suis Templis servant, quod didici à *Chinensi* Amico *Shin Fo-cungb*.

CAP. XXXII.

Ex Orientali Mythologiâ unius Zôonæ Origo, reliquarum Exploſio. In linguâ Chaldaicâ & Phœnicâ, Virginis Cœleſtis Signum ſynecdochicè & teſtè notari ſolere ſuâ Symbolo Zôonq, ſeu Spicâ, quo nomine intelligitur totus Aſteriſmus. Unde Docti & Sacerdotes, Mythologiæ Cuſores, de cœleſti & miraculoſâ Virgine Vaticinatrice Mîra, pro Ingenii Specimine, ſuxerunt & credulo vulgo obtrulerunt, (ut in cæteris ſolebant facere :) adeò ut tandem mos eſſet cuiſlibet Inſanienti Virgini ſe Vaticinatricem præſendere. Quâ occaſione, etiam de Phœnicæ agitur, atque Zodiactalium Signorum Origo Græcorum Fictiõibus antecedere ſtatuitur. De illis & aliis Aſtris videri poſſunt Notæ noſtræ ad Conſtellationes apud Ulugh Beighum Perſico-Latinum.

UTI autem hoc loco perſequar præcipuos qui de Chriſto aliquid prædixerint, vel prædixiſſe prætenduntur, apud facilioris fidei viros, aliquid revelâſſe cenſeantur *Zoroaſtris* Pſeudoracula Carmine *Græco* conſcripta : quæ tamen (proh dolor !) vel à *Pſello*, vel ab aliquo *Græcorum Monacho* conſicta ſunt, & à *Patritio* & aliis edita. Talia autem Fictitia magis convellunt quàm *Chriſtianam* Religionem confirmant, uti faciunt debilia Argumenta omnia, quæ aliquam cauſam ſemper labefactare potiùs quàm juvare judicantur. Ejusmodi ſpuria de *Chriſto* extant in *Apocryphis 2 Ezdræ*, Cap. II & VII. Et ejusdem farinæ cenſûſque ſunt *Sibyllina Oracula* (ut vocantur,) quæ prætenduntur de *Chriſto* continuiffè Vaticinia quædam per tot Virgines effuſa, quæ (vah mirum !) clariores, quàm olim *Prophætæ*, Revelationes habuiſſe prædicantur. Hæ erant numero X, quas (cùm celebre evaderet nomen,) variæ Regionες ſibi vindicare ſatagerunt. Harum primam *Perſicam* fuiſſe meminit *Nicanor*, in rebus geſtis *Alexandri Magni*. Et *Lactantius* dicit *Sibyllas* fuiſſe multas. Mirum eſt in quantum *Sibyllinorum* Rumor veteres deluſit, tam *Ethnicos*, quàm *Chriſtianos*, & æquè ac *Phœnicis* Fabula penè ab omnibus creditus. Quòd prætendebant *Sibyllam Erythræam* quædam de *Chriſto* ſcripſiſſe, reſert *D. Auguſtinus* de *Civ. Dei* Lib. XVIII, Cap. 23. Sed talia non credenda docet in Libro contra *Fauſtum Manichæum* XIII, Cap. 15. Ea quæ hodiè ſub eo nomine extant, nullum *Oraculum* continent, ſed tantum *Hiſtoriam Biblicam*, ab aliquo *Chriſtiano* ex Bibliis & Patribus

D d d

collec-

collectam, & Carmine *Græco* conscriptam. Illa autem futilia, quæ reverà à *Sibyllis* scripta putantur, nullibi extant. Anilia quædam *Mysteria* IX *Tomis* scripta, olim oblata fuere *Tarquinius Superbo* à *furente* quâdam *Vetula Cumis orta*, quæ idèò *Sibylla Cumana* audit. Nihil autem de *Christo* continuissè creduntur, sed potiùs Res ad *Romanum Imperium* spectantes. Et sic *Sibylla Erythræa*, & aliæ. Idèoque à *Romanis* primò designati sunt *Quinque Viri*, deinde *Quindecim*, qui ergò *Quindecimviri* nominati sunt, talium *Fatidicorum Librorum* Custodes; quorum etiam erat de eis *Judicare*, & in eis benè versari, ut, pro natâ occasione, consulentibus respondere possent. Et, ut notat *Tacitus* Lib. IV, talis erat *Caninius Gallus*, qui à Magistratu increpatus fuit, quia nimis temerè aliquid, quod illis videbatur spurium, inter *Sibyllina Oracula* admiserat; cùm (inquit *Tacitus*) *multa vana sub Nomine celebri vulgabantur*. Unde constat plures tunc solere se *Vaticinatrices* prætere, & satagere ut sua *Vaticinia*, sub *Sibyllinorum* nomine, *Quindecimviris* obtruderent.

Videntur ea Scripta fuisse talia ac superiori Seculo erat *Nostradamus*. Debebant autem esse *Fœminæ*, eæque *Virgines*, ut hujus *Fabulæ* *Origini* meliùs corresponderent: & si aliqua *fatidica Fœmina artificiosè & audacter* aliquid de rebus publicis pronuntiabat, tum ejusdem *Effata* inter *Oracula* admittebantur. Nam (ut ex *Orientali Mythologiâ* elicetur,) secundùm illorum *Temporum* genium, à *Mythetiorum* *Cusoribus*, *Chaldeis* & *Phœnicibus*, prætendebatur miraculosa quædam *Virgo*, nomine *Sibylla*, seu ut *Tacitus*, *Sibylla*: unde factum est, ut quævis *Enthusiastica* fœmina, & ecstático *Furore* acta *Vaticinatrix*, eodem etiam nomine vocaretur. Sic *Lactantius*; *Omnes* [fœminæ] *Vates*, *Sibyllæ* sunt à *Veteribus* nuncupatæ. Et *Servius* ait; *Sibylla est appellativum Nomen omnium Vaticinantium*: & alibi; *Sibylla est omnis Puella cujus pectus numen recipit*. Idèoque *Sibyllæ* & *Bacchides* unâ nominantur à *Plutarcho*; nec sanè melioris fortis erant quàm *Mænades*, & *Thyades*, & *Bassarides*, quæ ex *Bacchis* fuere.

Quid *Sibyllæ* scripserint, certò non constat; cùm id quod scripserunt, nullibi extet: earum enim *Libros Stilico*, dum contra *Honorium* & *Arcadium* *Defectionem* moliretur, combussit. *Libri* ad *Tarquiniū* allati, servati sunt usque ad *Bellum Maricum*: & tunc unâ cum *Cistâ lapideâ*, in quâ sub *Jovis Capitolini* *Templo* reconditi sunt, conflagrârunt dicti *Templi* *Incendio*. A talium rerum *Fictoribus* adornata sunt quædam *Fragmenta*, ab *Autoribus* citata, quæ *veterum Prophetarum* de *Christo* *Effatâ* multò planiora sunt; & hoc nomine *Fictionem*

Fictionem redolent; ut solent piæ Fraudes omnes. Adeò ut vetera *Sibyllina* in Orbe jam hodiè, Nomine & Rumore, potiùs quàm Re, circumferantur. Et fortè sapientiores Ethnici talibus fidem reverà non adhibuerunt: sed politicum erat: & cùm plebs talia crederet, satius erat ut Magistratus ejusmodi *religiosis Fraudibus* in Obedientiâ contineret populum; *Dii sic voluere: Oraculo monitum est: Sibyllæ prædixerunt: quia populus vult decipi, & decipiatur.* Nam omni ævo in usu fuerunt tam piæ, quàm politicæ Fraudes, inter quas numeranda sunt *Sibyllina*, quæ nullo sensu erant *Oracula*, nisi quòd fuerint dubia, obscura, & Amphiboliæ plena, ut ita in utramque partem & latiorrem sensum construerentur, & omni Eventui indifferenter subservire possent. Ne autem hæc gratis dixisse videar, audiamus *Ciceronis* de hac Re Sententiam in Lib. II de Divinatione; *Sibyllæ Versus observamus, quos illa furens fuisse dicitur. Quorum Interpres nuper falsa quædam, hominum summa, dicturus in Senatu putabatur, eum, quem reverà Regem habemus, appellandum quoque esse Regem, si salvi esse vellemus. Hoc fæst in Libris, in quem Hominem, & in quòd Tempus est? Callidè qui illa composuit perfecit, ut quodcunque accidisset, prædictum videretur, Nominum atque Temporum Definitione sublatâ. Adhibuit etiam latebram obscuritatis, ut iidem Versus aliàs in aliam occasionem posse accommodari viderentur.* Ex ejus verbis constat, cum hæc in Libris non vidisset, sed ea tantùm Traditione accepisse. Nempe *Ciceroni* & Sapientioribus subolebat talium Fraus: ideòque à genere fœminino in masculinum qui transit; cùm crederet hoc esse astuti alicujus nebulonis opus, summâ cum Industriâ & Meditatione confectum. Et ut adduximus *Ciceronem Sybillina* ludificantem, sic etiam adducemus *Plutarchum*, qui in Dialogo de *Oraculorum Defectu* idem facit: ibi enim *Boetbus* inclamat, *Sibyllæ & Bacchides*, ut in Buccam venit, disseminârunt Nomina & Verba omnis Generis Eventuum, quorum quædam cùm fortassis evenirent, falsum quod nunc dicitur, postmodum verum esse contingat.


Si *Cicero* & *Plutarchus* non crediderunt, an *Christiani* credent? Cùm talia apud ipsos Ethnicos sordescerent, haud mirum est, quòd eæ, quæ postmodum (arceptâ hac *Sibyllini* nominis Occasione) editæ sunt, quorundam *Christianorum* piæ Fraudes, à *Celsis* & *Ethnicis* statim detectæ & explosæ fuerint, *Christianæ Religionis* plus Detrimenti quàm Emolumenti afferentes, eamque Ethnicorum Contemptui & Derisui exponentes. Miror Christianos talia deprompsisse Tela, quorum acies tam facili negotio retusa. Absit ut quis prætendat Dei causam de-

fendere fictionibus ac mendaciis, & tam ineptis Argumentis, quæ eam potius enervare quàm corroborare censeant prudentiores. Nam aliquam causam debili ac infirmo argumento defendere, plus ei nocet & officit, quàm adversarium afficit: à quo itaque abstinuisse longè satius fuisset. Sic *Cbristianitati* Patrocinium quærere à *Sibyllinis*, est causam perdere. Spero *Cbristianam Religionem* non tam infirmis rationibus niti: ne fortè, fallaci fundamine subducto, collabascere & ruere potius quàm confirmari sentiat *Cbristianitas*.

Unde autem tam mysteriosum Nomen natum, & ad nos derivatum fuerit, in sequentibus dicitur. A *Sacerdotibus Ægyptiis* fingeatur, *Phœnicem* visum fuisse apud *Heliopolin*. Addam, immò & apud quamvis urbem: sed meliore prætextu fictum, quòd apud *Heliopolin* visus fuerat *Helios*, (qui *Phœnix*,) alludendo ad nomen, in quo latebat *Jocus*, qui ab *astetis* Sacerdotibus, ut *Mysterium*, obtrudebatur ignaræ plebi. Cùm autem, in *Notis* nostris ad *Ætæra Mundi*, *Phœnicis* Fabulam explicavimus, *Ossirin* noctu amissum, cristinâ luce reperiendum docuimus, & *Sirenium Mythologiam* expiscati sumus, (tanquam in *Chimæris* sectandis & prosequendis versati;) sic & hujus loci scopus videtur deposcere, ut, ejusdem censûs, *Sibyllæ* origini etiam clariorem aliquam Lucem (quasi à fulgentiore *Sydere* derivatam) affundamus.


Ut itaque *Sibyllarum* etiam *Mysterium* recludatur, & *Fabula* (super quam tota hæc fundatur historia) retexatur, præmittendum est, quòd cùm tota vetustissimorum Hominum Felicitas & vivendi Ratio in *Agriculturâ* & pastorali Vitâ consisteret, ab illorum temporum Vatribus & Sacerdotibus conscriptus est suprà memoratus كتاب الفلاحة *Liber Agriculturae*, qui Religionem & Agriculturam miscebat, ut prosperitate hujus, homines ad illam excitari possent; & ut exercitio illius, in hac etiam feliciores & beatiores evaderent. Cùmque à *Vetustissimis Chaldeis & Arabibus* (ut testantur *Maimonides* & *Abulpharagius* & alii,) *Stellæ* crederentur insignem vim habere in procurandis Pluviis & Imbribus, unde Terra donaretur lætiori fruge, & talem fortiretur fertilitatem, quæ eorum *Agriculturæ* & *Pastorali vitæ* apprime quadraret, *multæ Confellationes* à *Pecoribus* & *Rebus ruralibus* denominatæ sunt, ut olim in *Notis* ad *Olugh-Beighum* docuimus. Hinc etiam *XII Signorum Zodiacalium* Nomina, ab antiquissimis *Chaldeis* & *Phœnicibus* excogitata, *Rei rusticæ* adaptata sunt: quædam verò à *Græcis*, pro suo Ingenio, mutata & aliter interpretata. Propter dictam Rationem, horum *XII Signorum primum* (quod Tempore *Hipparchi*

maioris utriusque.




*Gemelli
vitulini.*

ut utrum horum



*Gemelli
agnini.*

Gemellorum tria paria



*Gemelli
hordini.*



Reverendo Viro GIULIELMO STANLEY S.T.D.^r Archidiacono Lond.
et Cathedralis Paulini Præb. Residentiario hanc Tabulam Gratitudinis
ergo lubens meritoq. D.D. Autor T.H.

MR. Gulp

Hipparchi in *Zodiaci & Eclipticæ* Interfectione situm,) dictum est *Καὶς*, gregis *Zodiacalis* Dux in Circulo signifero, qui *Eclipticā* Figurā, Cælum ad instar *Zonæ* cingit: is est Orientalibus *حمال Hamal*, i. e. *Agnus adultus*, sc. *Aries*, Dux pecudum & gregum. Et proximè veniebat *Taurus*, Dux pecorum & armentorum; quia verno tempore (cui hæc duo Signa præfunt,) moventur Sales, qui omnis vegetationis & generationis principia sunt, quibus Animalia ad salacitatem excitantur, & hujusmodi Bestiæ incalescunt; & cum suas partes egerint, concipiunt: & deinde pariunt (secundum tertium Signum) *Gemellos* pecudum & pecorum, vel saltem, ut *Geminis* pariant benè à Possessoribus ominatum est, & ab harum Stellarum *Influxu* speratum. Ideoque in veterum *Astronomorum* (ut & recentiorum) Sphærā, pingendi essent *Gemelli* (non *Hominum*, sed *Brutorum*), qui in bestiis gemellos procurarent, ut impositi *Nomins* scopo respondere, & rei signatæ Signum indigitare possent, cum hæc omnia ad *Agriculturam* spectent.

- Nam nihil ad *Rbombum* sunt *Castor & Pollux*, *Phœnicibus* non noti, sed ex *Græcorum* Mythologiā postliminiò petiti; cum certè fuerit aliquid hisce Denominationibus prævium & tempore antecedens. His supervenit Sol vernans: aded ut *Aries & Taurus*, qui, virtute Solis &
- Salis ad salacitatem excitati, suas imprægnant fœmellas, quæ deinde pariunt *Gemellos*. Nam si verum sit illud *Aristotelis*, Sol & Homo generant hominem, tum æquè verum est, Quod Sol & hæc Animalia suam generant speciem; cum sine Solis cooperatione nulla fiat generatio nec fructuum maturatio. Hisce proximum Signum est *Cancer*, ubi Sol in *Tropico versatus*, ad instar hujus Animalis retrogradus est. Cum (inquit *Macrobius* Libro I, capite 17,) Sol in Signo *Cancris* æstivum Solstitium facit, in quo est longissimi diei terminus, & inde retrogressum agit ad diminutionem dierum; *Pythius* eo tempore appellatur, *ὁ πύθιος*, ὁ ἐστὶ τὸν τελευταῖον δρόμον τρέχων. Idem ei nomen etiam convenit, cum *Capricornum* rursus ingrediens, ultimum brevissimi diei cursum intelligitur peregrisse. — Ided autem bis duobus Signis, quæ *Portæ Solis* vocantur, *Cancro & Capricorno* hæc omnia contigerunt, quod *Cancer* animal retrò atque obliquè cedit, eadèmq; ratione, Sol in eo Signo (ut solet) incipit agere retrogressum. *Capræ* verò consuetudo hæc in passu videtur, ut semper altum pascendo petat: sic & Sol in *Capricorno* incipit ab imis in alta remeare. Hactenus *Macrobius*. Postcā Sol p̄veniens in *Leonem*, ubi sc. Sol evadit *Leo*, & sicut illud Animal est fortissimum, in summo suo vigore & fortitudine constitutus in mense *Julio*. Deinde Sol visitur in *Virgine*, & postcā in *Librā*, ubi est in *Æquilibrio* Ascensūs

cenſus & Deſcenſus, inter utrumque *Tropicum* ſeu *Soſſitium* medius, quo in loco, eſt etiam Caloris & Frigoris *Æquilibrium*. V. p. 258, Lib. I, Cap. 21, fine.

Secundùm *Phœnices* & *Chaldaeos*, Autumnali Tempori (quando Fruges ad Meſſem maturæ,) præeſt *Signum Virginis*, ſeu *Puellæ* Spicas in agro legentis. Hinc, inſigni Aſtronomo Perſæ *Abu Ma'ſhar* (corruptè *Albumaſar*, & *Απομασάρης* dicto) in *Sphærâ Perſ-Indicâ*, in primo *Signi Virginis Decano* oritur *Puella* cui *Perſicum Nomen* *دوشمیرا* *Duſhîza*, ſeu *Virgo*. In noſtro *Albumaſaris Exemplari Arabico*, peſſimè ſcripto, legitur *دوشمیرا* *Tancalos Douſhya*, ſenſu planè nullo: & Veteris Verſionis Autor videtur in ſuo Exemplari legiſſe, adhuc pejus, *سکدینس دی دارفاما* *Secdeidos De Darſama*, quod etiam nihil eſt. At cum *Virginis Signum Græcis* ſonet *Σταχυς*, hinc *Arabes* hauſerunt iſtū *Græcum Nomen*, à Librariis poſtea, dicto modo, corruptum; quod reſcribendum eſt *دوشمیرا ای دوشمیرا* *Stachys*, ea eſt *Perſicè Duſhîza, Virgo*. Nam *Arabum* Scribis familiare eſt *exotica Nomina* corrumpere. Nempe, præcipua hujus *Signi Stella*, eſt dictæ *Virginis Spica*, quæ *Spicarum Faſciculum* repræſentare cenſetur. Cùm enim quivis *Aſteriſmus*, pro libitu fingentis, quamlibet *Figuram* æquè referre ſupponeretur, pro hiſce *Stellis* configuratis, olim ſingi & pingi ſolebat *Virgo Spicam in manu tenens*, ſeu *Spicarum Faſciculum*; uti & hodiè, apud nos etiam, pauperiores *Puellæ* virgines, tempore meſſis triticeæ, Spicas legunt, easque, in parvum *Faſciculum* ſeu *Manipulum* (*Anglicè a Songall*) colligatas, domum reportant. *Virginis* itaque *Signum Cæleſte* eſt tantum *Emblema Puellæ Terreſtris* (*Anglicè a Leaſer*) quæ Meſſis tempore Spicas legit; idque, neceſſitatis ſublevandæ cauſâ: quod quidem opus olim magis notabile, cùm *Judæis* juſſum ut pinguius aliquod *Spicilegium* pauperibus relinquerent.

Apud *Arabes* & *Perſas*, hoc *Signum* *Synecdochicè* vocatum eſt *سنبلة* *Sûmbula*, ſeu *سنبلة* *Sûmbula*, i. e. *Spica*; quæ tamen propriè, & abſque figurâ, eſt tantum *primaria* hujus *Signi Stella*, *Spicarum Faſciculum* repræſentans. Et hæc *Virginalis Signi Pars* (nomine tamen totius, *Virgo* ſubinde vocata,) toti huic *Signo* exprimendo ſufficiebat, cùm plura, vel pingere, vel verbis prolixius deſcribere, non eſſet neceſſarium. *Chaldaeis* & *Phœnicibus* *שבולה* ſeu *שבולה*, *Σιβולה*, eſt *Cæleſtis Virginis Signum*: unde (cuique hoc perpendenti) *Fabula Sibyllarum* tam obvia eſt, ut quique fortè dolebit quodd, ſine me mone-
nte, haud citius rem perceperit. Vocem quod attinet, eadem eſt quæ



*Persica seu Chaldaica
Virgo spicilega, à Sym-
bolo vulgò nominata
Σιβυλλα, i.e. Spica.*



Consultissimo Viro HENRICO NEWTON LL.Dⁱ uni Magistrorum in Cancellaria, et Admiralitatis Angliæ Advocato generali, atq; Diocesis London Cancellario dignissimo, hanc Tabulam Gratiitudinis ergò lubens meritòq; DDD. Auctor T. H.

quæ in S. Bibliis שְׁבוּלֵת *Sibboleth*, quæ quidem Forma quibusdam forte videatur aliquantulum diversa. Sed quisque in *Hebraisino* versatus novit fœmininas Terminationes *a* & *eth* perinde esse, ut est נוֹגֶשֶׁת & נֹגֶשֶׁת *Nogeshâ*, vel *Nogesheth*, מִלְחָמָה *Milchama*, vel מִלְחֶמֶת *Milchemeth*; & sic שְׁבוּלָה *Sibbola*, vel שְׁבוּלֵת *Sibboleth*, cum ejusmodi aliis. Adeo ut, cum in his nullus sit Delectus, in quamcunque harum Formarum primò incideris, eâ utaris. *Sibyllæ* autem suas Nugas subinde scribebant non tantum in *Libris*, sed & in *Arborum Foliis*, facile à Vento dispersis; unde natum Proverbium, ut solutæ Chartæ, dispersioni obnoxia, *Sibyllæ Foliis* assimilarentur. A *Phœnicibus* itaque & *Chaldeis* in *Zodiacalium Animalium* seriem inserta est *Virginis* spicilegæ *Spica* erecta, eis dicta שְׁבוּלָה seu שְׁבוּלָה זֵשׁוּמָא; melius rescribendum זֵשׁוּמָא: sub quo tamen nomine (ut dictum) totum *Virginis* Signum intelligi solebat: aded ut, sive *Spica*, sive *Virgo*, hæc *Constellatio* dicta fuerit, perinde esset. Hac ratione factum est, ut Vocabulum, quo *Spica* propriè significata est, tandem *Synecdochicè* pro *Virgine* acciperetur; cum reverà id Nominis *Grammaticè* & verbo *tenus* denotaret simplicem *Spicam*, *Virginis* Spicilegæ *Signum*, quod itaque *Spicæ* Nominis inclarescere cœpit, & *Sibyllam* sonabat. In posterum ergò, non *Sibyllâ Cumanâ*, nec *Erythræâ*, &c. nostræ aures perstrepat: sed *Sibylla Cœlestis*, eaque unica ac sola, audiatur & consueatur.

Hinc, inquam, *Sibyllinæ Fabulæ* origo. Cùm enim hæc esset *Virgo* Cœlestis, *Sibyllæ* seu *Spicæ* nomine signata, & illis temporibus scitum esset (quia ænigmaticum & obscurum, dum plana & omnibus patentia fordescerent,) & in eorum *Mythologiâ* speciosum & ingeniosum, visum est huic *Spicæ*, seu *Virgini*, aliquod תּוֹמָה זֵשׁוּמָא tribuere, quasi esset abscondita revelans, & occlusa retegens referansque, adeoque *Vatem* seu *Prophetissam* eandem appellare. Nam cùm ab Astris suam præteritorum & futurorum *Scientiam* illæ Gentes semper peterent, non erat illepidum, nec Veterum Ingenio incongruum, huic *Vaticinatrici Virgini* (tanquam *Scientiæ Cœlestis* fonti) זֵשׁוּמָא seu *Spicæ* nomine subindicatæ, rerum Indicationes & Revelationes attribuire, & astutè, ad delusionem vulgi (ut sollebant) multa futilia de eâ prædicare.

Est itaque hæc fictio valdè antiqua, imo antiquissima, *Chaldaeorum* & *Phœnicum* Temporibus cœva: cùm ex horum *Theologiâ* desumpta fuit hæc fabula. Apud eos enim, maximum Ingenii specimen semper habebatur aptè fingere *Mysteria*, & res planas ingeniosè reddere

dere abstrusas, easque ut Gryphos & Ænigmata proponere, dum cor-
datiores in talium admirationem raperentur, & ut horum *Oedypi* eo-
rum Interpretationi satagerent & Explicationi allaborarent: ignarum
autem vulgus, Sacerdotum & Sapientum Traditionibus implicitâ fide
addicti, summâ credulitate, talia ut indubitata & oracula admiserunt.
Cum itaque ob cœlestem fabulam, de *Vaticinatrice Virgine* percrebe-
sceret fama, & quod deberet esse, ut Sanctior (non autem nupta aut
deflorata) quæ talium Revelationum particeps fieret, in more erat, ut
quævis *deliræ* & mente captæ Virgines, de futuris & abstrusis rebus
capitis sui *Chimæras* evulgando, novas Revelationes edere pretende-
rent. Et tum deinceps, talis vaticinandi prætextus doctiores Gentes,
Græcos & Latinos, & omnes curiosarum rerum indagatores pervasit,
qui Imitationis Prurigne ducti, Virginalia sua Oracula publicare non
dubitârunt, dum interim talium Origo diu oblivioni tradita fuerat, &
ab immemorialibus seculis ignorata: res autem ipsa firmâ ac indubiâ
fide recepta, & tutò ab omnibus credita.

Quòd autem *Infani* æstimarentur *sancti*, non est mirum, cum *omnes*
Vates, Tempore Vaticinii, ferè erant quasi *Ecstatici*: & sanè apud
Turcas, qui de dictis oraculis nihil unquam audiverunt, etiam hodiè,
quavis *Maniacus* æstimatur *Sanctus*, quia spiritu (ut credunt) afflatus
& actus: unde faustum ducitur talis hominis Manicam tangere, vel
eum tangere qui eandem tetigerat. Et talis ab eis & *Arabibus* vocatur
مجنون Spiritu Obsessus, à Persis *درواز* Daemoniacus, *Furens*, seu
درواز خدا Furens Deo, Numine tactus & afflatus, *Ερως*.

His positis, non sanè mirum deinde esse debet si (ad talis Virginalis
Vatis exemplum) aliquæ aliæ furentes, hoc prætextu, in tantam
seductæ fuerint Infaniam, ut fortiori Phantasiâ ac Imaginatione cor-
reptæ, vel reverâ crediderint, vel saltem prætenderint, se prophetiæ do-
no insignes esse; adeoque, dictæ cœlestis *Virginis*, sub *Σεβόλλης*, seu
Spicæ nomine, Personam induentes Ethnici, (quasi Signiferâ Zonâ se
ad vaticinandum accinxerint,) à primis mythologistis olim accepta
Sibyllina, seu *Virginalia* Oracula, de novo recuentes, ea in variis
Mundi regnis (præsertim *Græciâ & Italiâ*) ediderint tales *Nagiven-
dulse*. Neque aliquis mirabitur si, citra *Christum* (hinc arreptâ occa-
sione) dictas Vaticinatrices imitando, aliquis *Christianus Monachus*, piâ
fraude ductus, talia etiam *ficta* Oracula Hexametro Carmine *Græco*
effuderit. Nam post excogitatos ab Astrologis, rem rusticam sæpè re-
spicientibus,

spicientibus, Asterismos, Mythologiæ processus erat triplex: nempe I. *Primò*, à Mythologiftis *Cbaldaicis* & *Pbæniciis*, pro ingenuitatis specimine, cufa sunt Virginalia quædam Vaticinia. II. *Secundò*, ad eorum exemplum, apud *Romanos* & *Græcos* tales fuere Virgines Vaticinatrices, & Vaticinia ad res fraudesque politicas spectantia. III. *Tertiò*, eodem exemplo, apud *Christianos* prætendebantur ficta quædam Virginalia oracula, ad piam fraudem excogitata, Res divinas & *Theologiam Christianam* spectantia, præsertim quasi de *Christo* aliquid prædixerint *clariùs* quàm fecerunt *Dei Prophetæ* veteres in *Bibliis*: unde fraus facta est manifesta.

Ne itaque in mysteriosis *Sibyllarum* Tenebris diutiùs hæreatur, in Mythologiam veterem urinando, Fabularum Involucro diu tectas Margaritas expiscati sumus, & ex fictionum umbris clariorem veritatis lucem (ut spero) eduximus. Ne quidem *Σιὸς βωλῆ* (absit prophannum) usi sumus, quia neque valdè divinitùs consultæ, neque humanam literaturam multùm redolet. Cœlitùs autem petito consilio, dicta Oracula subtiliter excogitata, in antiquam fabulam resolvuntur. Et ne Sibylla diutiùs à *Cumis* ad *Erythram*, & deinde aliorum vagari, & à regno in regnum pedes ire cogeretur, hæcce terrestris (ut vulgò creditur) Virgo, à nobis ex hoc Mundo terreno relegata, & ad superos translata, & in *Pbænicium* aut *Cbaldaicum* suum Cælum, unde primò venerat, evecta, inter socia Sydera relata est, & elevatâ autoritate, in pristinam cœlestem Sedem restituta.

Ut videas aliorum de hac re opinionem, *Dion. Petitus* in suo Libello statuit tantùm unam *Sibyllam Erythræam*, reliquas negando. *D. Galleus* scripsit duos crassos Tomos in 4^{to}, in quorum Primo, omnia *Sibyllina* corrasit & congressit, & in Secundo, omnia ut falsa & fictitia refutavit.

CAP. XXXIII.

Veterum Persarum Fidei Summa: quæ tamen plenius petatur ex subsequente Libro Sad-der. Quid credunt de Deo & ejus Attributis; quòd sit Omnipotens & Æternus, sine Quantitate & sine Qualitate, &c. De Ponte judiciali, & Beatorum ac Miserorum Statu.

PERSÆ, ab origine Gentis, semper crediderunt in unicum verum Omnipotentem & Immortalem Deum: & ii qui *Chrislo* citiores (præter alia Nomina) *Chriftianos* nominant ساهخوان *Sib-cuân*, Trivocantes, seu Trinitarios. Omnes Libros suos inchoant hujusmodi formulâ, in Nomine Dei Condonatoris, Misericordis, Justi, quæ consonant cum eis quæ leguntur *Exod. XXXIV. 6.* יהוה יהוה אל רחום וחנון *Dominus, Dominus est Deus Misericors & Gratosus, &c.* Deo se applicant in omnibus necessitatibus cum راري کردن *Prece & Supplicatione*, & به دالیدن *Ingemiscendo*, سبحان پاکا *Sobbâna Pakâ*, i.e. *Prob Sancte Deus!* cum aliis multis formulis. Credunt omnia Dei Attributa quæ nos credimus; quòd sc. (ut eorum verbis utar,) is sit omnium rerum کړندگار *Factor*, seu آفرندگار *Creator*, & خداودنگار *Dominator*, & پروردنگار *Altor*, seu Sustentator, Mundi, scil. ejusdem Conservator: quòd sit جاود *Æternus*, sine initio aut fine, دیرومند *Omnipotens*, cum pluribus aliis quæ recitare longum. Quòd sit داور *Judex* omnium hominum, & Dicei Judici, in quo futura erit omnium رستخیز *Resurrectio* generalis, in quâ quisque accepturus est secundum کوفه ها *Merita* sua; quia sc. inde sequetur جاود *Vita æterna*, quæ Beatorum اشوان *Beatorum* erit felix, & دورخیمان *Infernalium* misera: quia Deus paravit بهشتی *Bebisht*, Paradisum, seu مینو *Minu*, Paradisum-crystallinum, eodem modo quo in *Apoc. XV, 2.* Victores Sancti constituti super Mari crystallino. Et ibi erit پاداش *Premium* pro Bonis: sed pro miseris erit درخ *Infernus* (al. dictus زردد *Zerend*, seu زردنگ *Zerengh*,

Zerengh, sc. مغاک *Barathrum*,) ubi ملکا *Mulcta* seu *Pæna*, five رة *Retributio mala vel Supplicium*. Tataris *Paradisus* est اوجيق *Ogymak*, & *Gebenna* طامو *Dâmu*, quam intelligunt sub nomine *Barathri* profundissimi. Agnoscunt se quotidie peccare: sed profitentur se esse پشیمان *pœnitentes* propter omne peccatum suum sibi notum, five fit گودشني *Cogitatione*, five گودشني *Sermone*, five کنشني *Faëlo*, sitve رواسي *Corporale*, seu respiciens corpus, sitve رواسي *Spirituale*, seu respiciens animam, sitve گمتي *Mundanum*, seu respiciens hunc Mundum, sitve مينواني *Paradisiacum*, seu respiciens alterum Mundum.

Credunt Planetarum & Angelorum omnibus Rebus & Regionibus ac Urbibus Præfecturam: quod sint Dei ministri pro hominum Bono, & quoque Malo seu Punitione, si ei videbitur; quod nempe mittantur ad exequenda illius Mandata, ad juvandum in Religione pios, & ad arcendum ab eis Tentatorem. Quod sc. quisque particularis homo habeat suum Angelum bonum, & quoque malum, qui in contrarium trahat: Diabolum esse infensissimum humani generis hostem, suas Tentationes seu اودشها *Malas cogitationes* suggerentem & insinuantem, quantum Deus patitur. Et hoc concordat cum D. *Pauli* sententiâ, quod scil. sunt Ministri seu *Spiritus ministrantes pro eis qui Hæredes salutis*; ad defendendum & protegendum, eosque à malis retrahendum, & ad mala ab eis arcendum ac amoliendum. Nec hoc tantum pro Hæredibus, sed & pro iis qui exhæredati, quamvis eos à peccato cohibere non possint. Quod quisque Angelum suum habere credebatur, haud obscure colligitur ex loco de Petro ostium pulsante; idque à pueritiâ; cum Christus de pueris & infantibus dixerit, *Angeli eorum semper vident faciem patris mei cælestis*. Tales (ut mihi videntur) sunt qui sub defunctorum specie apparent, de rebus faciendis præcepturi, si aliquis eos alloquitur. Nam illæ Species, seu illa Spectra, non sunt hominum Corpora, quippe quæ sunt in Sepulchris; nec separata Animæ, quippe quæ in humanis versari desinunt; nec Cacodæmones, quippe qui bona nuntiare & præcipere non solent. *Visio beata* (quando scil. Angelus apparet, vel apparere creditur,) vocatur ادا *Andâ*, quæ ab iis definitur *Juvenis Figura, quam Angeli piis viris ostendunt*. Et quidem quod solebant ut Juvenes formosi apparere, constat ex iis qui apparebant Abrahamo, & postea iverunt ad Sodomam, ubi, propter egregiam formam, eos masturare, vel pædi-

care voluerunt Sodomitæ. *Speſtri*, seu Spiritûs immundi, *Viſio inſauſta* appellatur *سانبات* *Sanbât*, seu *سانبوت* *Sanbût*, & exponitur *دمون بی* *dmôn bî* *Specſtrum*, seu *Species ſine eſſe*, seu *Apparentia ſine Exiſtentia*, a *ſheu* without being.

Perſæ credunt hominibus inſidere *خور* *Cbura* ſc. *Lumen* quoddam, ſeu *Illuminationem* à Deo miſſam eiſque inſuſam, per quam alii in alios dominantur, eis præſunt, eôſque regunt, & habiles redduntur, & Artes ac Artificia diſcunt. Hujusmodi illuminatione quæ Regibus & Magnatibus & Doctis atque Juſtis inſunditur, (quâ ad gubernandum habiliores fiunt,) vocatur *کیاخور* *Keiâcbura*, ſeu *کیان خور* *Keiâncbura*, i. e. *Principum* ſeu *Illuſtrium Illuminatio*. Diſtum iſtud *Lumen* aliàs aliquando vocatur *اسپهد* *Iſpâbbad*, i. e. *Dux*, *Regens*, *Gubernator*, & *اسپهد دور* *Lumen Regens*, & *اسپهد خور* *Gubernans Illuminatio*. Hæc omnia nihil aliud volunt quàm id quod vulgo vocatur *Lumen Naturæ*, ſeu *Lumen Rationis*. Et quidem in *Pb. Gj. Iſpâbbad* etiam magis philoſophicè exponitur *نفس ناطقه* *Anima rationalis*, quæ ſcil. Corporis Gubernatrix, illud regens & in omnibus dirigens. Ut autem meliùs innotefcat quid de Deo ſentiunt, & quo ſtylo eum alloquuntur, id accipe ex, ſummæ apud eos autoritatis, Libro *Sad-der*; in cujus Proœmio Sacerdos, qui eum Librum conſcripſit, hæc ſequentia habet carmine effuſa,

بنام خداوند ذات وصفات	<i>In nomine Domini Eſſentiæ Divinæ & Attributorum,</i>
خداوند فیض و خدائی حیات	<i>Domini abundantie & Dei vitæ :</i>
خدائی که عقل و روان آفرید	<i>Dei qui intellectum & animum creavit,</i>
خدائی که او جسم و جان آفرید	<i>Dei qui corpus & animam condidit :</i>
خداوند هستی و خداوند رستی	<i>Domini exiſtentia & Domini vitæ,</i>
خدائی که در کل عالم یکمیست	<i>Dei qui in toto orbe unus eſt :</i>
خدائی که از عنصر او مختلف	<i>Dei qui ex elementis ſuis variis</i>
سما کرد گردان زمین معتطف	<i>Cælum fecit circumrotans & Terram fixam.</i>
سما را بنقش کواکب دنگاشت	<i>Cælum ſtellarum Variegatione depinxit,</i>
ده ادوان افلاک را بر فراشت	<i>Orbes novem Xyſtis ſeu Contignationibus exuſit.</i>

Ter ram

زمین از موالیدن معمر کرد	<i>Terram solole humanâ habitatum reddidit,</i>
درو روشنی از مه و هور خرد	<i>Inque eâ lumen ex Lunâ & Sole effecit.</i>
جهادرا ز جوهر بپست و عرض	<i>Mundum ex Substantiâ & Accidentibus composuit ;</i>
از آن کار آدم بد اورا غرض	<i>In eo opere Homo fuit præcipua cura ejus ;</i>
که تا آدمی رآن هویدا شون	<i>Ut sc. Homo exinde manifestaretur,</i>
خلایق ارضین دور پیدا شون	<i>Creatura ex isto seculo comparerent,</i>
پرستش کنندش دروئی دیار	<i>Eumque propter necessitatem colerent,</i>
بگویند با خالق خویش راز	<i>Et Creatori suum arcanum dicerent :</i>
خدا را کنند از ره بندگی	<i>Ut Deo per modum servitûs facerent</i>
ز امر او اطاعتی پرستندگی	<i>Mandato ejus obsequium cultûs.</i>
اگر بندۀ راه پاکان کزین	<i>Si servus es, viam sanctorum elige,</i>
سخنهای دین را ریاکان به دین	<i>Verba Religionis à sanctis percipe.</i>
ریاکی و از راستی سر میبچ	<i>A sanctitate & rectitudine caput ne flectas,</i>
که در دین پاکان جزین نیست هیچ	<i>Nam in sanctorum religione, præter hoc, non est quicquam.</i>
مناجات	<i>Soliloquia ; sc. Petitiones ut is hoc Opus</i>
آلهی دلم را صفائی به بخش	<i>feliciter præstare possit.</i>
من بی دوا را توانی ببخش	<i>O Deus, cordi meo claritatem largire,</i>
به پیغولۀ ظلمتی افتاده ام	<i>Mibi inopi opulentiam largire.</i>
رشیطان بصد شبهتی افتاده ام	<i>In obscuritatis angulum illapsus sum,</i>
رشیطان دلم را رهائی بده	<i>Propter Satanam in centum dubia incidi :</i>
براه خونم رهنمائی بده	<i>A Satanâ cordi meo liberationem dato,</i>
درج را درگهای من دور کن	<i>In viâ meâ directionem dato.</i>
دل و دهنده ام را پر از نور کن	<i>Dæmonium à venis meis procul agito,</i>
مکن دیورا بر تنم کامگار	<i>Cor & vultum meum lumine impleto.</i>
مرا دستگیری کن ای کردگار	<i>Ne facias Diabolum super corpus meum voti competentem,</i>
	<i>Mibi manu ductionem facias, ô Creator.</i>

دل را مبر جاذب حرص و آز	<i>Cor meum ne ferto ad cupiditatem & avaritiam,</i>
بلطف و کرم کارهام بساز	<i>Favore & beneficentiâ opera mea facito.</i>
تو جان مرا محرم راز کن	<i>Tu animam meam arcani participem facito,</i>
در فیض بر روی من باز کن	<i>Abundantiâ portam coram facie meâ aperito.</i>
آهی تو دانی که بهچاره ام	<i>O Deus, Tu nôsti quàm inops sum,</i>
بدام درج ستمگاره ام	<i>In reti Dæmonii iniquissimi sum.</i>
ردام دن و دیو بیروم آر	<i>E reti seræ-rapacis & Diaboli me eripito,</i>
که پرورن گناری و آمرزگار	<i>Quia Altor es & Condonator.</i>
آهی تو آگاهی از کار من	<i>O Deus, Tu conscius es operis mei,</i>
همی دانی احوال و اسرار من	<i>Nôsti res & secreta mea.</i>
که در راه دینت کمر بسته ام	<i>Nam in viâ religionis tuæ cingulo me accinxi,</i>
امید از همه خلف بگسست ام	<i>Spem ab omni creaturâ abrui.</i>
بتو دارم امید ای داننگر	<i>In Te spem habeo, & Iustissime,</i>
که ابدین نظم صد در رسام بسز	<i>Quid hanc rû Sad-der compositionem ad finem perducturus sim.</i>
درین نظم عقل مرا تازه کن	<i>In istâ compositione intellectum meum vegetum facito,</i>
ورو عالم را پر آواره کن	<i>Et Mandam rumore ejus impleto.</i>
چنان کن هر کس که ابدین بشنود	<i>Ita effcito, ut quicumque hunc [librum] audierit,</i>
بدین مایل آرد بدین بگروند	<i>Ad Religionem inclinetur, in Religionem credat.</i>
ارو تازه گردن دل و جان شان	<i>Ex eo vegetum fit cor & anima eorum,</i>
رجعت بیابند بکسر نشان	<i>Paradisi signum simul inveniant.</i>
روان همه شان باشند اربعین	<i>Hinc omnium anime erunt lætæ,</i>
بکوشند آنگاه در راه دین	<i>Et exinde in viâ Religionis annitentur.</i>
آهی زبان مرا در بیان	<i>O Deus linguam meam in explicatione ejus</i>
روان ساز مانند آب روان	<i>Fluentem facito ad instar aquæ fluentis.</i>

Cœlestia

Cœlestia gaudia credunt esse omnis generis perquam maxima, quæ in genere memorâsse sufficit: at in Suppliciis magis particularis esse præstat. *Persæ Mobammedani* aliquando vocant *دمندان* *Inflatorium*, ubi Pœna per Ignem. De *veteribus* etiam loquens *Shabristâni*, ex eorum sententiâ, meminit Pœnæ per Ignem in altero Mundo: sed is est ex *Arabibus*, qui non semper fideliter & infallibiliter tradunt Persarum res. Nam *veteres Persæ* in Libris suis id non agnoscunt. In Libro *Sad-der* memoratur intolerabilis Animæ Fœtor, cum ejusmodi aliis, quæ non tam spiritualia quam sensualia Supplicia, & tamen eis affici volunt Animam, incogitanter loquendo. Et tales sunt quæ in Libro *Erdavirâph-nâma* enumerantur Pœnæ Damnatis irrogandæ. Ibi enim, in Capite de *Statu Gebennæ*, dicit *Sorûsh* & *Adur-Jezâd* ei monstrâsse supplicia Peccatorum, eumque deduxisse ad Ripam *nigri fœtentis Fluvii* (cujus aqua ut Pix, & frigida ut Nix,) in quem projectæ sunt miserorum Animæ plorantes & deplorabiles. Deinde visæ sunt aliæ Animæ in *Baratbro tenebricoso*, ex quo erumpebat fumus, & in quo erant Scorpiones & Serpentes & Sanguisugæ pedes mordentes, & Diaboli peccatorum Animas jactantes, easque pungentes, & lacerantes, & vulnerantes, & mordentes, & rodentes ut canes rodunt ossa. In alio angulo erat Anima Capite humano & Corpore serpentis, & multi circumstantes Diaboli eam capite & pedibus plectentes; sc. unus eam Bipenni [vel aliàs Securi recurvâ] exasciabat, alter in eam adegit Pugionem, & alius eam massâ ferreâ tundeat perpetuò, & Scorpiones eam perpetuò mordentes, & Trigides, & Lupi, & Leones, aliæque malæ Bestiæ, illam lacerare non desinebant. Hæcque, quia fuerat *Pathicus* & *Pædicator*, ideòque eum decerpebant membratim: nam cum ejusmodi fuerat Opus ejus in Mundo, Anima ejus in formam Serpentis mutata est. In alio loco visæ est Fœmina manibus portans pelvim plenam sanguinis, qui fuit pabulum ejus, eò quòd, Puerpera, non fuerat fatis cauta quin accederet Aquam, & Ignem, & Lignum *ورور* *Uruër*. Alibi visus est Homo uno pede suspensus, in quem pugiones adigebant, & graviter plorabat; hæcque, quia trucidaverat virum aliquem Fidelem. In alio loco visus est Homo cui administrabant sanguinem & saniem, & in os ejus infundebant, & pugiones adigendo, eum septem membris puniebant; isque centum doloribus obrutus est, quasi mons in pectus ejus cecidisset: hæcque, quia cum alienâ Uxore concubisset. Alibi visus est aliquis propter dolores exclamans, conquerendo quòd ex fame & siti torqueretur, carnem

carnem suam rodens laceransque; hæcque, quia *باز می گرفت بر خوار* *Silentium non servarat in mensâ*, & aliorum cibos gratis comederat, unde *Churdâd* & *Murdâd* in eum offensi sunt, Alio loco visa est Fœmina Mammis suspensa, & semianimis sicut ebria, quam circumdederant Scorpiones & Serpentes, & Sanguisugæ eam incessanter mordentes in Mammis, & dentibus dilacerantes; hæcque, quia fuisset Meretrix, quæ, abiens, Maritum quæsierat alium. Deinde aliquot passus progrediendo, visus est Cœtus Animarum, quæ omnis generis dolores patiebantur, à Feris & Leonibus dilaniatæ, à Sanguisugis & Serpentibus & Scorpionibus punctæ; hæcque, quia *کشتی* *Cûstti* seu *Cingulum* non induerant, & Religionem neglexerant. Postea visi sunt serpentes & scorpiones, & fœmina in angulo pedibus suspensa, cujus lingua per cervicem extracta, & ipsa plorabunda; hæcque, quia non obedierat Marito, & Responsa ei semper regerebat, & quicquid ab eo audiret, id vehementius reddebat. Cùm multis hujusmodi aliis, quæ narratu prolixa. Hæc talia sunt ac ea *Veterum Græcorum & Chinenſum*.

Persæ quidem, non omnes in omnibus rebus idem sentiebant, nec hodiè sentiunt; sed habebant inter se opinionum diversitatem & varias sectas, ut supra diximus. Aliqui credebant Beatorum Sedem fore in corpore Solis, ut *Manichæi* & alii Hæretici. Orthodoxi, post animæ ascensum ad Deum (ut apud Sepulchreta cernitur,) & requiem apud eum usque ad Resurrectionem, credunt habitationem corporalem, reunitis animabus, rursus tandem fore in hoc Mundo renovato & reficito: Terram enim de novo *refingendam*, & talem ejusdem statum fore in ultimo judicio, ipsi *Indo-Persæ* produnt, ut ex superioribus constat. Idem quoque ex eorum sententiâ aliunde habuit D. *Huetius* in *Quæstionibus Alnetanis* p. 290, (ut monuit me Amicus, nam Librum non vidi,) his verbis; *Guebri* (qui *Zoroastrem dogmatum suorum autorem jactant*,) *ajunt Terram olim liquefactum iri, & in aliam formam, longè amœnissimam, reparatum*. Hæc consonant cum eorum opinione quam tradit *Plutarchus* in Libro de *Iside & Osiride*, nempe *Terram tandem planam & æquabilem fieri, unamque Vitam unamque Cœritatem Beatorum fore*, &c. Quâ autem ratione, quove modo, hoc grande Opus faciendum sit, non dicunt. Sed quod hæc sit verâ eorum traditio, constat ex Libro *Sad-der*, ubi, inter *Zoroastris Præcepta & Canones*, traditur talem fore Paradisum terrestrem amœnitate, ad instar *Horti gloriosissimi*, ad quem etiam per Pontem transeundum

ad statum renovatum: quod haud multum abludit ab eo qui in *Apocalypsi* describitur, & D. *Paulus* expectabat, & Orbis melior pars credidit, unde etiam in ipso *Corano* promittitur. Hæc ergo Opinio de Terrâ in Amœnitatem reformandâ, antiqua fuit *Zoroastri*, à quo ad posteriora tempora descendit & continuata est. Cum autem tale quid in *Veteri Testamento Zoroastri* noto, non fuit revelata, id ille videatur à *Postdiluvianis Patriarchis*, ut receptam opinionem, accepisse. Ex dictâ opinione resilire videtur quâ ratione Beatis comparetur talis Paradisus terrestris, quando Animæ cum Corporibus reuniantur, nempe dum, sublatâ maledictione, quâ terra damnata fuit ad producendum Spinâs & Tribulas, tunc terra ad primum Beatitudinis statum restituatur, uti fuit ante *Adami Lapsum*. Tunc *renovabitur facies terræ*, & erit omnium rerum *restitutio* (ut meminit S. *Scriptura*), in pristinum & primum statum, quo Terra non amplius maledicetur, sed Innocentia & æterna Justitia è Terrâ reflorescent, secundum D. *Pauli* Expectationem, seu Revelationem de *novo Cælo*, & *novâ Terrâ in quâ habitaret Justitia*. Hæc itaque Paradisi representatio, seu Revelatio, non est novella, sed (ut videtur) ab ipso *Diluvio*, veteri Orbi credita, & eorum animis firmiter implantata, & nobis tandem *firmiter Propheciæ verbo* confirmata, & huc usque propagata.

Et ut *Jacobo* olim exhibita fuit Scala à terrâ ad cælum pertingens, sic isti, ut Animarum transitum quodammodo sensibilibiter exponant, describunt Pontem per hujus Mundi Abyssum extendendum, sc. per immensum illud spatium inter nos & Paradisum interpositum.

Dictus itaque *Pons Judicialis* (ut *avdgarman-dûs* loquantur,) à *Camiûsi* Autore describitur *جسر ممدون على ظهر جهم* *Pons extensus super dorsum Gebennæ*. Et quicumque per hunc Pontem, à nemine Angelorum præpeditus, pertransit, ad Paradisum pertingit: aliâs à Ponte delapsus, in *Tartara* cadit & in ea præcipitatur. In isto Ponte constituti sunt duo Angeli Examinatores, *مهر* *Mibr* & *سروش* *Sorûsh*: quorum ille *قرارو* *Terâzu*, *Trutinam*, seu *میزان* *Mizân* i. e. *Bilancem* secum in manu habet, ut possit examinare Hominum Bona Opera seu Merita; ut, si nimis levia sint, à Ponte dejecti immergantur in *Gehennam*; si verò graviora & ponderosa, tum per prædictum Pontem transeant in Paradisum amœnissimum, ubi est gloriosa Urbs (putemus talem esse ac cœlestem *Hierosolyman*), ubi

F f f

sunt

sunt *Paradisæ Virgines*, non defloratæ nec deflorandæ, sed intuentæ, Loci Amœnitatem suâ præsentia augentes; & Horti & Flumina, &c. ut in Libro *Sad-der*. Ille, inquam, in Ponte bona ac mala hominum Opera trutinat, utrum horum præponderet, & quid de defunctorum Animabus illac pertranseuntibus statuendum sit perpendit; atque ex Trutinâ discernens, Deo renuntiat. Et hoc modo Judicium præparatum defertur ad Deum, qui secundum istam Trutinationem de dictis Animabus decernit, (per Angelos Examinatores,) ut scil. $\Psi\chi\sigma\lambda\omicron\varsigma$ $\eta\chi\omega$ eos, vel in æternam Felicitatem evehat, vel in æternam Miseriam præcipitet. Et secundum ultimam definitivam sententiam, Executio Dei Decreto demandatur per hosce duos Angelos, qui (ut *Misericordia* & *Judicium*) junctim procedunt: ut quos *Mibr*, seu *Misericordia*, non excusaverat, nec infontes pronuntiaverat, illos *Sortish*, qui Angelus ferocior, tanquam Carnifex, ad judicii executionem deducens, in Tartara detrudat. Quid verò secundum eorum Doctrinam in Bilancibus præponderet, postea ex Libro *Sad-der* docebitur. Metaphoricæ & figuratæ sunt hæ omnes loquendi Formulæ, uti etiam est in Fronte notatio, ut in *Apocalypsi*, ubi disertè memoratur *Liber Vitæ*: & in tali Libro Judiciali conscriptio insinuat a *Mose*, qui se delendum exoptat, *Israelitarum* causâ. Dicta Animarum Lanci impostitarum Ponderatio convenit cum veterum Græcorum $\Psi\chi\sigma\tau\omicron\mu\epsilon\tau\epsilon\tau\epsilon$. Et Angelo *Sortish* par erat Græcorum Νεκροπομπῆς , seu $\Psi\chi\sigma\tau\omicron\mu\epsilon\tau\epsilon\tau\epsilon$, sive $\Psi\chi\sigma\tau\omicron\mu\epsilon\tau\epsilon\tau\epsilon$, *Animarum Deductor* ad Inferos; vel etiam *Eductor*, seu *Evocator*, ut (ex sententiâ Græcorum) responsa daret interrogantibus.

Semita, seu Trames, per Pontem ad Paradisum ducens, in vetustioribus Libris dicitur پل چینواد *Pål Tchínavad*, seu tantum چینود *Tchínavad*, sive چینه ور *Tchína-var*: & subinde sonatur *Tchínúr*. Hæc autem Vox, pro Scribarum imperitiâ, olim deformata, eodem vitioso modo etiam scripta retinetur in quibusdam Libris, qui aliàs authentici: sic in *Pharb. Sur.* scripta legitur خنبور *Cbumpúr*, & in *Pharb. Gj.* خنبور *Chinívar*, seu *Cbunívar*; & in *Nim.* دینور *Dínavar*, seu *Dínúr*, q. d. *Religiosus*, vel *Judicialis*. Non autem eo nomine intelligitur *Dies Judicii*, ut in *D. Castelli* Lexico malè vertitur; sed est *Pons*, per quem transeundem est in Die Judicii extremi. Quoad vim vocis *Tchínavar*, in Libris *Nim.* & *Waf.* exponitur *Persicè* واست , & (quod idem est) *Turcicè* طغري *Rectum*, *Directum*, scil. non curvum:

vum : adeò ut *Pûl Tchînavar* sit *Pons rectus*, rectâ Semitâ in alterum Mundum ducens.

Dictus Pons *Arabibus* (& subinde *Persis* eâdem voce aliquando utentibus) vocatur *صراط* *Sîrât*, seu *سراط* *Sîrât*, sive *زار*, *Zîrât*, quod in plerisque *Lexicis* (ut *Camûs*, *Gjeub*. &c.) exponitur simpliciter *Via*, *Semita* : apud *Golum* ex *Ma'rûpbide* exponitur *Via patens*. At in *Turgi*. *Arabico* est *راه باریک* *Via angusta* : quo quidem sensu melius convenit cum eo ejusdem vocis usu qui *Orientalibus Theologis* peculiaris est, dum hoc nomine appellant illam *Viam*, illumve *Pontem*, per quem ex hoc Mundo in alterum transeundum sit ; qui certè (ut & in *Evangelio*) angustus esse debet : heic verò, propter diversam rationem, ut scilicet *Angeli Custodes*, qui ibi tunc vigilant, possint examinare omnes transeuntes, & reprobos ac damnatos repellere atque arcere. Talis autem istius vocis usus elucidat *Alcorani* Caput primum, ubi à *Pseudopropheta* vocatur *Via directa*, sc. sine aliquo diverticulo : ibi enim legitur, *اهدنا صراطا مستقيما صراط الذین اذعنبت*

اهدنا صراطا مستقيما صراط الذین اذعنبت *Duc nos in Viâ directâ, in Viâ eorum quibus beneficus es, sine irascendo in eos, & non errantium* : sc. in Viâ ducente ad Paradisum, quæ recta est : heic enim *Via recta* non sic dicitur in oppositione *Vice falsæ*, sed in oppositione *Vicæ curvæ*. Sensus itaque est, O Deus, ducito nos in Viâ Salutis æternæ, seu in Viâ salvandorum, quibus misericors es ; non autem in Viâ errantium, in quos iratus es ; in viâ, inquam, per quam *Probi* & *Beati* rectâ ituri sunt, directo Itinere, sine Diverticulo & sine aliquâ Repulsâ. Quin & *Sîrât*, simpliciter sumptum, sine adjecto Epitheto, apud eos usurpatur pro *Viâ quæ ducit in alterum Mundum*, & peculiariter pro illo *Ponte* qui in dictâ Viâ invenitur, per quem omnes *Beati* transitori sunt, *Reprobi* verò, ab eo repellendi & dejiciendi. Ideoque in Nomenclatore *Turcico-Persico-Mogulensi* (cum eis quæ ad Paradisum spectant) *صراط* *Sîrât* exponitur *پول* *Pûl*, seu *Pons* ; qui alibi in *Persarum* Libris vocatur junctim *پول صراط* *Pûli Sîrât*, seu *Pons* & *Sîrât*, *Turcicè* *صراط کبری* *Sîrât Kiûprîsi*, eodem sensu.

Quoad medium statum ; credunt defunctorum piorum Animas esse apud Deum, aliorum alicubi, usque ad Resurrectionem, in quâ Corporibus vestitæ, per Pontem (ubi sunt Angeli custodes) tentabunt transitum in Terram Felicitatis, & judicium subibunt in ipso Ponte. De *Mobammedanorum* *برخ* *Bérzach*, & *اعراف* *Abrâph*, in Notis ad

Religionem Turcarum distinctè egimus. Sed neutri horum agnoscunt *Purgatorium*. Nullus enim est Purgatorius Ignis, quod imaginatu stultissimum: nam Anima non est capax supplicii per Ignem, cum sit Spiritus; nec Corpus est capax cruciatuum, cum sit mortuum & sensus expers, jacens in sepulchro. Ergò nulla potest esse pœna per Ignem, nisi hisce reunitis, quod non faciendum ante Resurrectionem. Tunc enim Homo, Corpore & Animâ constans, capax est Supplicii per Ignem, uti dicit S. Scriptura.

In Libro *Pb. Gj.* legitur, quòd *Magi* faustum reputant habitare in Monte *سولان Savalân* in *Aderbayagjân* III *Parasangis* ab *Ardebîl*; ibi enim homines pios & devotos habitare existimant. Veterum Persarum Fœminis est mirum quoddam *Medicamentum* dictum *دانسک Dânuks*, est sc. omnis generis Frumenta commixta, & unâ cum superinjectis Globulis stercoreis Ovini simul cocta. Credunt Infantibus suis Dentes facilius nasci, si, nascendi tempore, ejusmodi Cocturam ad amicorum domos dono miserint.

Plutarchus dicit Persarum Magos interficere *Mures*. At non tantum *Mures*, sed *Serpentes*, & *Ranas* & *Corvos*, & multa alia noxiorum animalculorum Genera certo quodam Tempore interimere solent; quod quidem Tempus apud *Agathiam* vocatur *Κακῶν Απαίσιος*, de quâ videri potest Libri *Sad-der* Cap. XLVII. Credunt enim Gehennam esse subterraneum quendam Carcerem, plenum Fumo & Tenebris, ubi humanâ formâ Carnifices Crudelitatem exercentes, & omnium formarum Diaboli; & inter alios, *Serpentes*, qui sibilo, & *Ranæ* ac *Corvi*, *Persis* valdè exosi, qui crocitate suâ perpetuâ divexabunt miseros.

Persæ (dicente D. Ovington) multum æstimant *Gallos Gallinaceos*, utpote qui, suo Cantu, homines à somnolentiâ excitare solent. Ajunt, quòd post mortem *Yezdegberd*, quando à Persis fuga capebatur per mare in *Indiam*, Nocte tenebrosâ periissent nisi *Gallus* cecinisset, & Cantu ac Vociferatione suâ indicâisset eos haud procul fuisse à Littore *Indico*. Præterea est pugnax Animal, Marti sacrum, & *Persica Avis*; de quâ re videatur *Casaubonus* ad *Athenæum*, qui *Gallos* primò ex *Persia* ortos prodit.

CAP. XXXIV.

De Nuptiis: de Baptismo seu Lotione: atque de Sepulturis.

IN Officio Precum, seu *Liturgiâ Magorum*, extat solennis Forma Nuptialis valdè proluxa; ubi, convenientibus amicis in Ecclesiâ, & quæsito consensu Parentum, & pacto de Dote in tali summâ rubentis Auri, cum aliis conditionibus, Sacerdos hæc omnia rata esse pronuntiat, eosque solenniter in Matrimonio conjungit, simul eis apprecando plurimas particulares Benedictiones Fœcunditatis, & Longævitatatis, &c. Olim *incestuosas Nuptias* faciebant, quando, eorum Prophetæ *Zoroastri* permissu, cum *Matribus & Sororibus* Conjugium erat *licitum*. Illud autem sustulit *Alexander*, jubens Matres honorare, non autem nubere. Secundum *Petrum de la Valle*, nullas alebant Concubinas, (quamvis paulò aliter dicat *Tavernier* in Appendice nostro:) nam Scortationem omninò illicitam habebant, & (etiam in homine plebejo) inexpiabile crimen. Et, eodem autore, Sacerdotes & alii habent unam tantum uxorem eodem tempore: nisi fortè prior Uxor sit sterilis; tum enim possunt superinducere aliam, multiplicandæ solis ergò, si modò prior illa consenserit: nam, sine prioris consensu, non fit. Sed multiplicare Liberos (si legitimè id fiat) est opus multæ Pietatis & magni Meriti in ultimo Judicio; quia, hoc modo, Fidelium numerus augetur. Idem quoque statuunt *Persæ Mobammedani* in Religione suâ. Præsulibus autem & Archipræsulibus *secundæ Nuptiæ* non sunt *licitæ*.

In Libro *Pb. Gj.* dicitur, quòd Domiductionis Nocte, & quo tempore Sponsam Sponso tradunt, viridia Folia super eorum capita spargunt, & *Ignem festivalem* پرواز *Pervâze* dictum accendunt, & Sponsi Sponsæque vestium Extremitatibus sibi invicem consutis & colligatis, eos circumagunt, & circa dictum Ignem ducunt, cum Festivitate & Epulis. Sed in omnibus Festis intra sobrietatis limites se continent, cum *Veteres Persæ* sint populi graves & austeri: & si aliquid luxuriæ habent, id didicerunt à *Medis*. Præsertim, Ebrietas est peccatum maximum, non sine severâ poenitentiâ, à Sacerdote impositâ, expiandum: vel aliàs, eorum Communio relinquenda: nam sequitur Excommunicatio. Ideoque olim, ne quidem Regi, nisi semel in anno, licebat inebriari, ut suprâ notavimus ex *Eustathio*.

Pro

Pro Infantibus non utuntur *Circumcisione*, sed tantum *Baptismo*, seu *Lotione*, ad Animæ Purificationem internam. Infantem ad Sacerdotem in Ecclesiam adductum sistunt coram Sole & Igne; quâ factâ Cerimoniâ, eundem sanctiorem existimant. D. Lord dicit, quod Aquam ad hoc afferunt in Cortice arboris *Holm*: ea autem Arbor reverà est *المجوس هوم Haum Magorum*, cujus mentionem aliâ occasione suprâ fecimus. Alias, aliquando fit immergendo in magnum Vas Aquæ, ut dicit *Tavernier*. Post talem Lotionem, seu Baptismum, Sacerdos imponit Nomen à Parentibus inditum. Et postea, anno ætatis XV^{to}, quando incipit induere Tunicam *Sudra* & Cingulum, ut Religionem ingrediatur, & ille in Articulis Fidei versatur, à Sacerdote ei datur *Confirmatio*, ut, ab eo tempore, inter Numerum Fidelium admittatur, & Fidelis esse reputetur.

Quoad *Sepulturas*, Persæ, nolentes Terram polluere, defunctorum Corpora non humant, &c. Elementa enim omnia tenentur servare pura, prout in Libro *Zerâtusht nâma* præcipitur, Cap. LXVII;

بکوشند تا گوهران هر چهار Conatum adhibeant ut Elementa quatuor

چهاره پاکیزه و بی عوار In puritate conservent absque vitiatione:


زرخشند آتش رآب روان Sive sit Ignis splendens, sive Aqua currens,

ربان لطیف و رخاک گران Sive Ventus subtilis, sive Terra gravis.

که رین چار گوهر تن جانور Quia ex his 4 Elementis corpora animalium

سرشتی است دادار فیروزگار Composuit Justissimus Potentissimus Deus.

Quatuor Elementa, ille *Quatuor Substantias*, seu *Materias* vocat. Funus ad Conditorium deducitur, & à *Vespillonibus* deportatur super *سودان Feretro* ferreo: lignum enim nolunt polluere, quia alit Ignem. Lapideum Sepulchretum (si ita appellare liceat,) vocatur *سودان Sotûdân*, seu aliàs *دخمه Dâchma*, vel etiam *دادگاه Dâdgâh*, i. e. *Justitiæ Locus*, ubi sc. mortuus à spectantibus amicis justè adjudicatur ad Felicitatem, aut Miseriam, ex Præfagio, seu Prognosi, quæ mox memorabitur, quod putatur fieri die quarto: nam per III dies credunt Animam volitare circa corpus; ideóque, metuentes ne aliquid defunctis desit, dum adhuc peregrini sunt, inter hunc Mundum & alterum, superstites Amici primâ Mortui nocte (ut suprâ meminimus,)




Magorum conditoria duo, (Album et Nigrum) 12 pedes alta, 80 circuitu.



*Focile arundine -
um atq Focile Brachii
inter se collata, et comperta
sibi invicem analoga.*

pag. 338.



*Reverendo Viro EDUARDO WAPLE, S.T.B. Archidiaconus Taunton, et Præb.
Resid. Winton. atque Eccl. S.^a Sepulchri Rectori dignissima hanc Tabulam
Gratitudinis ergo lubens meritoq DDD. Auctor T.H.*

MBurg. sculp.

mus,) Cibi & Potûs triduanum commeatum prope Conditorium apponunt, quod laudabile in hoc Mundo, & meritorium in altero. Et, si mortuus non gustat, inde reficiuntur *Canes*, & pauperiores *Mohammedani*, Eleemosynas sepulchrales gustantes & ligurientes. Quarto autem die, Animas corpora prorsus relinquere, & ad sua Præmii vel Poenæ loca discessuras credunt. *Armeni* & *Persæ Mohammedani* suos mortuos humantes, hoc idem faciunt super ipso Sepulchro: *Persæ* autem *Veteres* id faciunt juxta commune suum Sepulchretum, cum particularia Sepulchra non habeant. Vide suprâ p. 268.

Mortuos sistunt erectos, stipite ferreo juxta murum, observantes ad utrum oculum primò accedat Vultur. Nam de mortuorum statu duorum generum habent Præfagia facienda, sc. per *Vultures* & per *Canes*, sagacissima animalia, stultè imaginantes ista, narium sagacitate, Animæ puritatem, seu impuritatem, sive foetorem, odorari posse. *Tavernier* dicit eos moribundorum Ori applicare Os Canis, qui (si possit fieri) ultimum morientis halitum excipiat. Hinc est, quòd in *Zoroastris* Præceptis Canes pascere jubeatur. Non autem credunt *Transmigrationem Animarum*, ut *Indi* faciunt. Si Vultur primò invadit rectum Oculum, aut Canis adducitur ut ultimum Halitum excipiat, tum ad album Conditorium ferunt: alias, ad nigrum deferunt. Si omnia mala signa concurrunt, miserrimum judicant. Sed quid mirer *Persas*, cum quotidie videam *Christianos* (quasi *Ethnicismo* nondum deposito,) in mediâ Luce *Evangelicâ* viventes, Auguria captantes à *Cornicibus* & *Leporibus*, &c. quasi Bruta illa Animalia meliùs quàm Homines præscire possunt. De his rebus audiamus D. *Ovingtonum*, qui in *Itinerario Suratenfi* Veterum Persarum in *Indiâ* Sepulturas sic tradit: “ Ad unum milliare ab urbe distat Sepulchretum, quod est Struc-
“ tura lapidea rotunda, XII pedes alta, & C pedes in circumferentiâ
“ habens. In Medio Muri est Ostium Lapideum VI pedibus à terrâ di-
“ stans, quod ad excipiendum Cadaver aperiri solet. Hujus structuræ
“ Area inferior, in quâ jacent Cadavera, elevatur quatuor pedes à terrâ,
“ ab omni parte declivis versus centrum, ubi est Foramen, seu Cloaca, ad
“ excipiendum Saniem Cadaverum. Hoc sepulchretum est miserrimum
“ Spectaculum, &c. Versus istud Sepulchretum, *Vespillones*, dicti les Ha-
“ lâlchors, super Feretro [ferreo] deferentes Cadaver, illud super ter-
“ ram deponunt: & mox ad vicinas domos, seu villas, excurrunt ad quæ-
“ rendum aliquem Canem, quem per Frustula Panis, aut Placentæ, quan-
“ tum possunt, alliciunt ut accedat ad Cadaver: & quanto propiùs acces-
“ serit, eo melior est Prognosis de Felicitate defuncti. Et si potest adduci
“ ut

“ut accipiat Frustulum dictæ Placentæ ex Ore defuncti, est certissimum
 “felicittatis ipsius signum. At si Canis, fortè metuens sibi, recusat acce-
 “dere, & dictum frustulum ex defuncti ore accipere, tum certò conclu-
 “dunt istius mortui conditionem esse desperatam & deplorabilem. Et certè,
 “secundùm hasce Prognoses, pessima erat conditio illius miselli defuncti,
 “quem (inquit) ego in hoc statu vidi: nam fugiens aversabundus Canis
 “noluit allici ut ad commodam aliquam distantiam prope accederet ad
 “Cadaver. Quando Canis (si vult ad hoc allici) hujus Ceremoniæ suas
 “partes egit, duo Sacerdotes ad unius Stadii distantiam à Feretro stantes,
 “junctis manibus, sonorâ voce, per semi-horam memoriter recitant tæ-
 “diosam aliquam precandi formulam: & tantâ celeritate hoc faciunt,
 “ut vix balitum reciprocare liceat, quasi invincibilis esset necessitas eam
 “verborum Formulam tantillo tempore recitare. Dum, isto modo, Sa-
 “cerdotes garriebant, eorum facies obvelatæ erant, Chartâ albâ per
 “transversum Vultum utrique Auri affixâ, quæ II aut III uncias infra
 “Mentum dependebat. Quando isti suas Petitiones absolviissent, Halal-
 “chori, elevantes Cadaver, illud in Repositorio seu Sepulchreto deposue-
 “runt; dum omnes Funus concomitantes binatim junctis manibus seque-
 “bantur. His factis, omnes contulerunt se ad proximum Rivulum, ad
 “quamvis, quam fortè contraxerant, Impuritatem seu Pollutionem abluen-
 “dum.” [Sed ante hæc omnia] “aliqui Consanguinei Cadaver erectum
 “relinquebant, ad observandum an dextrum, vel sinistrum, defuncti Oculum
 “primò peterent Vultures, ut ex eâ etiam Prognosi, de defuncti Felicitate,
 “aut Infelicitate, judicaretur. Ad istud etiam Sepulchretum, semel quo-
 “tannis, deferunt Crinium & Unguium Præsegmina, quæ ideò diligenter
 “in hunc finem secum conservant. Dicti Halalchori sunt inferioris ge-
 “neris Indi, qui ad viliora quævis Opera adiguntur, (ad mundandas
 “Plateas & evacuandas Cloacas, &c.) eâque libenter suscipiunt, dum
 “Mauri & Baneani talia recusant ne polluantur.” [Isti etiam edunt
 Cadaverosas Bestiarum Carnes, & nullum cibi genus, Conscientiæ er-
 gò, recusant: unde nomen *حلال خور* Halâl-chûr, Licitum Edens;
 nempe his quidvis est licitum licetque omnia edere.] “Isti propter
 “operas & diætam habentur impuri, ideòque neminem alium libenter tan-
 “gunt, nec aliquis ab eis vult tangi: & quia tactus inquinat polluitque,
 “separatim vivunt ab omnibus aliis: quia quicumque ab his tactus est,
 “tenetur habere molestiam purificandi seipsum. Per modum Improperii
 “vocare Halâlchor, est magnum convitium: & tamen isti patienter fe-
 “runt, quasvis sordidas & laboriosas operas libenter suscipiunt & con-
 “tenti alacriter peragunt.” Dicente Herberto, Cadaver Involucro lin-
 teo

teo vestitum, versus Conditorium defertur, comitantibus Amicis, qui *tacitè* dolendo se verberant, donec ventum fuerit prope dictum Conditorium; ubi *les Necesselars*, Sacerdotes, obviam facti, Pileis & Amiculis luteis velati (relictis ibidem Comitibus, qui Funus deduxerant) accipientes Cadaver, illud deferunt ad vicinum Ignem, ubi quasdam Preces obmurmurant: quo facto, Cadaver in Conditorium elevat, & ablato Involucro, illud nudum, à Volucris devorandum, relinquunt. *Sic ille.* His addimus, quòd dictas Preces celeriter recitant, cùm non detur in illo Loco diu morari, propter intolerabilem Fœtorem, tam Conditorii, quam instantis Cadaveris, quippe quod per Triduum (dum Anima circumvolitare putatur) Rebus necessariis suppeditatum, & Stipiti appensum servârunt; idque partim, ad observandum Volucrum Accessum, ad quemnam Oculum primò advolent, partimque, quia ante quartum Mane fatalis Determinatio fieri non creditur. Et quidem tale Auspicium non habetur incertum, nec Augurium fallax.

D. Mandelslo, ex Relatione Persarum in *Indiâ*, refert, “quòd Moribundus, lecto exemptus, ponitur super aliquibus glebis virentibus; quæ etiam post V aut VI septimanas deferuntur ad Sepulchretum, ubi relinquuntur ut res immunda. Et quicumque tetigerit mortuum, aut ossa cadaverosa, debet se mundare & mutare vestes, & immundus manere per IX dies, in quibus nemo ad eum accedere debet, ne sit Immunditiei particeps. At quorum ossa cadunt in Aquam, certò damnati. Singulis mensibus celebrant Convivium pro defunctis Amicis cognatione proximis. In *Indiâ* quidem gerunt comam prolixam, suorum Antecessorum More: at alii (ut *Mohammedanis* gratificari possint,) abradunt crines, præter unum in vertice Cirrum. Et ut melius placeant *Baneanis*, abstinent à Maceratione Animalium: & eâdem de causâ, omnes, tam Sacerdotes quàm alii, conformant se habitui ejusdem regionis, ubi albis vestibus induti. Si plorant pro defunctis suis, illud est irregulare. Non habent Templum in *Surât*. Si orant sedentes, est irregulare:” [nam alii oculati testes ajunt quòd orant stantes.] “Tam viri, quàm fæminæ, ex lanâ aut pilis camelinis gerunt Cingulum corpus bis circumdans, & ponè duobus nodis fixum. Adulterium & Fornicatio sunt Peccata magna. Non bibunt Aquam Vitæ, sed Vinum bibunt, si possunt habere: nam in *Indiâ* non nascitur. Sed Ebrietatem odio habent, & pro eo delicto severa Pœnitentia imponitur. Domus suæ Incendium, non Aquâ, G g g “sed

“*sed Terræ Iniectione extinguunt. Istorum Statura est mediocris:*
 “*Et vultu nitidiores sunt quàm cæteri Indi. Et citra omne dubium,*
 “*Guebrorum Fæminæ sunt candidiores Et pulcbriores omnibus aliis in*
 “*eâdem Regione.*”

Quòd *Persæ* olim aliquando habuerint *magnificæ Sepulchra*, tradit *Procopius de Bello Persico Lib. I, & Agathias Lib. II, & alii*. Tale erat *Cyri Sepulchrum* in *Pasargadis*; nam *Xenophon* narrat, quòd *Cyrus*, paulò ante obitum, jubebat corpus suum humari; & is inhumari curavit *Liberos suos*, at sine *magnifico Tumulo*. Et *Darii Sepulchri* meminit *Strabo*, cum utriusque *Inscriptionibus*. Nam cùm *Darius* ab *Alexandri Bessò* fuisset interfectus, *Principissæ* petebant veniam eum *inhumandi*. Et *Herodotus* p. 478, notat *Xerxem* funerâsse *Artachæum* sumptuoso funere, adhibitis etiam *Epulis maximis*, cum *Tumulo magnifico* quem extruxit exercitus. Hoc de *Sepulturis* testatur *Persicorum Regum Mausolæum* prope *Persæpolitani Palatium*, ubi in *Bassò-Relevo* cernuntur *Regum Statuæ*, ex integrâ *Rupe excisæ*, stantes super *Tumulum*, in *Rupem excavatum & Columnis elevatum*: hæc omnia in *Pariete* seu *Latere ejusdem Rupis*. Iste autem *condendi in Tumulo Mos*, peculiaris *Favor* fuit erga *Reges & Magnates*, eisque tanquam *peculiare Privilegium* concessum. Nam *Magi* vulgò suos defunctos *Volucris & Feris* exponebant & hodiè exponunt: ideòque, haud immeritò, *Persas barbaras Consuetudines* habuisse dicit *Diodorus Siculus* libro XVII. Et *Herodotus* libro III, ait eos ægrotantes & semimortuos suos *Milites* in *Sylvis* exposuisse, juxta eos relictâ parvâ quantitate panis cum baculo: & si fortè, revalescens quis domum rediret, omnes eum tanquam *Spectrum* metuebant, nec audebant cum ipso conversari donec à *Sacerdote* expiatus fuerat; quia putabant cum *Dæmonibus & Geniis* conversatum fuisse. Et cùm, extra bellum, non solerent mortuos suos sepelire, *Seoses* accusabatur quòd *vanos deos coluerat, quos non colunt Persæ*; Et quòd contra morem, *defunctam uxorem suam humaverat*, ut notat *Procopius de Bello Persico* p. 32. Et quidem *Magi*, tam olim, quàm hodiè, gravissimum peccatum ducunt aliquem *inhumare*, quia *Terra* est ex *Elementis* quæ habentur *Sacra*. Cùm autem *Ignis* sit *sacratior*, mirum est cur *Darius Hytaspes Pænis* permiserit mortuos suos *cremare*, potius quàm *humare* & *Terrâ obruere*: eisque prohibuit *humanas Hostias immolare & Canina vesci*, ut notat *Justinus*. Fallitur autem *Annotator*
 varius

varius ad *Justinum* p. 290, cum Persæ nec *bument*, nec *cement*, ex generali Regulâ; quam tamen aliquando transgrediebantur, ut in prædictis casibus, & in casu *Cambyſis* qui combussit *Amasis* Cadaver. Et quamvis Magi, ex Lege, suos defunctos exponebant, tamen quia aliis Gentibus hoc grave fuit, in hostes, ut pœnam, infligebant Cadavera sua exponere. Ideoque, quando inter *Justinianum* & *Cosroem* de Pace agitaretur, pactum est, ut *Christianis* liceret mortuos suos sepelire, ut tradit *Menander* in *Excerptis* de *Legationibus*.

In *Erdavirâph Nâma*, Capite de *Mortuorum Statu*, memoratur quoddam Stygius, Gehennæ fluvius nigerrimus & frigidissimus, fiat ex lacrymis lugentium pro mortuis: nam gemitus pro illis auget pœnam, & Transitum per Judicii Pontem reddit difficiliorem. Ideoque ne mortuorum miseria augeatur, ne quidem Parentibus permittitur plorare, nec ullus gemitus audiendus, nec futilia verba proferenda: hoc jubet *Virâph*, & ut potius utantur *سکوت* *Silentio* & *Musitatione mentali* propter mortuorum meritum, & ut recitent Librum *Avestâ*, ut sic quiete fruantur: sed plorare, est Mos Diabolicus, & ejus jussu fit. Sic ille.

Quando autem, supradicto modo adjudicatos ad respectiva Conditoria deferunt, ferè ad C passuum distantiam, antequam ad Conditoria veniant, Sacerdos obviam eis procedit (X tamen pedum distantiam servans) luteo flammeove Amiculo Pileoque indutus, omnesque Funeris Comites ibi relinquens, adit adjunctum Focus, Sacellumve Ignis, ubi aliquibus ex Libro *Zend* Precibus obmurmuratis, ut supra, dicti *Vespillones* defunctum in Conditorio, ei adjudicato, per Ostium, seu Foramen, in loricationis latere factum deponunt, ibique nudum Cadaver à Volucris devorandum relinquunt. Postea verò, propter horribilem foetorem & miserrimum spectaculum, omnes abhorrent illum locum adire; ægrè etiam ferentes ut aliquis *Christianus*, aut alius, illa Conditoria videat. Et certè nemo, nisi summâ curiositate ductus, illum locum lustrare tentabit.

Videri possunt quæ supra ex *Strabone* notavimus. Heic autem sequentia adscribam ex *Agathia* lib. II. “Tunc utique demortuum *Merois* Corpus ipsius familiares elatum, extraque oppidum deportatum, (solum ita ac nudum) patrio ritu, canibus pariter atque avibus obsœ-

“nis, quæque cadaveribus pascuntur, devorandum exposuerunt: hunc,
 “sepul-

“sepulturæ loco, morem observant Persæ, atque, hac ratione, absumptis
 “carnibus, nuda ossa sparsim per campos projecta putrescunt [sc. tem-
 “pore belli.] In Capsâ enim aliquâ vel Loculo condere, vel etiam Terrâ
 “obtumulare, neutiquam fas est. Cuicunque verò Cadaveri non statim
 “advolârint Aves, vel accurrentes Canes non illicò dilaniârint, [falsum
 “est,] illius hominis Impuros fuisse Mores credunt, animûmque injustum,
 “& Baratro dignum, maloque Dæmoni dicatum. Tum porrò, & qui-
 “dem magis, Necessarii atque Amici jacentem lugent lamentisque prose-
 “quuntur, [sc. tacitè, non autem assâ voce,] ut penitus emortuum, nec
 “melioris fati participem. Qui verò quàm citissimè devoratus fuerit, se-
 “licissimum prædicant, ejusque animam summâ admiratione prosequuntur,
 “ut longè præstantissimam & Deo similem, & in beatas sedes evolaturam.
 “Promiscua verò atque obscurior turba, sicubi in Exercitu gravissimo
 “aliquo morbo premantur, spirantes adhuc & mente constantes educuntur :
 “& postquam expositus in hunc modum aliquis fuerit, Panis Frustum ei
 “& Aqua Baculusque juxta apponuntur, ut quamdiu cibum degustare
 “possit, & virium aliquid ei supersit, Baculo illo Animantia irruentia
 “arceat, Epulonesque propulset. Si verò nondum quidem interierit, vin-
 “cat tamen vis morbi, adeò ut jam ampliùs manus movere nequeat, tum
 “utique miserum semimortuum & jam animam agere incipientem devo-
 “rant, & spem diutiùs etiam fortasse vivendi præripiunt. Multi enim
 “cùm convalescent, domum redierunt, veluti in Scenâ & Tragædiâ, ex
 “tenebrosis Orci Portis reversi, macilenti quidem & decolores, obviòsque
 “terriculantes. Si quis autem ita redeat, aversantur eum omnes & de-
 “fugiunt, ut maxime piacularem, & inter subterraneos eum adhuc cen-
 “sent; neque antea pristinum vitæ Institutum colere ei permittitur,
 “donec à Magis expiatum fuerit Piaculum expectatæ mortis, & quo-
 “dammodo vitâ redonetur. --- Illud verò, & quidem vebementer, mi-
 “ror, quòd vetustissimi illius regionis habitatores, Assyrii videlicet,
 “Chaldæi, & Medi, non eadem cum Persis sentiant : nam circa
 “Nini urbem, & circa Babylonicam, ac præterea Medicam Regio-
 “nem, Tumuli & Capsæ eorum qui olim mortui fuerunt exstant, non
 “alium quàm nostrum morem servantes; & sive Corpora sint, sive
 “Cinis, quod iis conditur, (utpote illis Græcanico ritu crematis,)
 “neutiquam certè similia hæc eis quæ nunc fiunt, fuerunt, Nequa-
 “quam itaque illi hoc pacto senserunt, neque ita, ut qui nunc vivunt,
 “& Sepulturæ & Thori Jura pro suâ Libidine violârunt, non solum
 “cum Sororibus & Neptibus rem habentes, sed Patres cum Filiabus;
 “&

“ & quod omnium est sceleratissimum (ô Leges, ô Natura,) Filii cum
 “ suis Matribus. Hujus enim flagitii Novum ab eis Exemplum statu-
 “ tum fuisse, manifestissimè hinc curvis liquere potest; fertur namque,
 “ magnam illam Semiramin Assyriam è Incontinentiâ venisse, ut cum
 “ Filio suo Ninyâ congregi voluerit, atque adedò juvenem sollicitâsse;
 “ illum verò recusâsse, molestèque tulisse. Tandem verò quum Matrem,
 “ libidinis impatientem, urgentemque cerneret, eam interfecisse, & hoc
 “ potius quàm alterum illud scelus perpetrare maluisse. Atqui si Lege
 “ hæc permessa fuissent, nequaquam, uti arbitror, Ninyas è crudeli-
 “ tatis venisset. Sed quid attinet hæc perquàm vetusta commemorare?
 “ Paulò enim post Macedonica Tempora & Persarum Eversionem,
 “ ajunt Artaxerxem, Darii filium, Matrem suam Parysatidem (quum
 “ eidem, quo Semiramis, Malo obnoxia, rem secum habere cuperet,)
 “ non quidem necâsse, sed declinâsse iracundè & rejecisse; quòd neque
 “ pium esset neque patrium, neque in communi Vitâ consuetum.” Hæc
 ille. Bardefanes Syrus apud Eusebium de Medis (adeoque de Per-
 sis) dicit, Quòd nutriebant Canes, ad quos moribundos amicos nondum
 exanimatos abjiciebant, ut devorari possent. Sed ille eodem errore
 cum Agathia errat. Id autem quod istos autores fefellit, est Per-
 sarum Mos ad moribundum adducendi Canem ad excipiendum ul-
 timum halitum. Non itaque Moribundos Canibus, sed Canes mor-
 ibundis objiciunt, seu apponunt, Canis Os morientis Ori appli-
 cando. Dictus autem Bardefanes, vel pronus fuit errare, vel men-
 dacia fingere in Persas, seu Partbos: nam is, apud Eusebium, dicit
 quòd Partbis Uxorem, Filiam, Fratrem, aut innuptam Sororem
 occidere liceret. Sed hoc non habet plus veritatis quàm alterum
 præcedens: ideoque fides sit penes Autorem de rebus aliàs inau-
 ditis.

CAP. XXXV.

De Persiæ & Persarum Nominibus ; & de Modernâ atque Veteri Linguâ Persicâ ejusque Dialectis : sc. de Persiâ, Parthiâ, Mediâ, & de harum Regionum Linguis & Dialectis.

INTER Persarum Nomina, apud *Herodotum* legitur *Cephenes*. *Strabo* autem refert *Æthiopum*, sic dictorum, quosdam venientes in *Persiam*, ibi dedisse hoc nomen. Sed quòd (ut dicit) à seipsis & Accolis dicti fuerint *Ἀρταῖοι Artæi*, melius arridet ; cùm *آرد Ard*, seu *Art*, sit *Strenuus*, *Magnanimus*, quasi *Artæi* sint *Fortitudine pollentes*. Apud *Rivolam* in *Lexico Armenico*, *Persia* moderno Namine vocatur *Shabistân*, i. e. *Ditio τῆ Shâb* seu *Regis*, sc. quæ paret *Dominio* ejus cujus *Titulus* est *Shâb*. In *Libro Nim*. Persarum Regio nominatur *تاجیک Tâgjik*, i. e. ubi *Rex* gerit *Coronam* dictam *Tâgj* : sed apud dictum *Rivolam*, *Tâgjik*, minùs rectè, exponitur *Turca*, quod monendum duxi.

Antiquissimum Persiæ nomen *Biblicum*, est *עילם Elam*, qui Persarum Pater : unde discimus Persas fuisse *filios Elam filii Shem*. Hinc apud *Rivolam*, *Persæ Armenicè* vocantur *Semazik*, *Semitæ*. Sed Regio *Elam* (quæ *Elymais*) ubi primò sedem fixit, propriè est citerior *Mediæ* Pars, seu potius Pars quæ est *Mediâ* citerior & occidentalis. Nam *Medi*, qui filii *Madai* filii *Japhet*, fuerunt paulò orientiores : & quamvis à diverso Parente orti, eâdem tamen usi sunt *Linguâ*, ad quod fortè alter alterum coëgerit, vel saltem *Commercium* inter se habuerint. Et his ambobus adhuc orientiores erant *Persæ*, propriè sic dicti, qui *Provinciam* *پارس Pars* ad *Orientem Mediæ* inhabitabant. Atque sub Persarum Ditionem cesserunt adhuc Orientaliores, quæ sunt in *Ariâ Bactrianæ*, hodiè dictâ *Cborasân*. Nam *Aria* fuit duplex : sc. una fuit illa *Ptolemæi*, sic dicta à *Cborasaniæ* præcipuâ Urbe *هرا, Hara*, seu *هرات Harat*, sive *Herat* ; quæ, inquam, est *Aria Ptolemæi*, in *orientali* Parte Imperii Persarum. Et huic è diametro opposita, in *occidentali* dicti Imperii Parte, est *Aria Herodoti*, comprehendens *Elymaidem* & *Mediam* : sic ille ; *Μῆδοι — ἐκαλίοντο δὲ πάλαι πρὸς πάντων Ἀριοι*. Hujus præcipuæ
Urbes

Urbes in *Lingua Biblicâ* fuerunt *חַרָּה* *Hara*, & *גּוֹזָן* *Gozan*, cum reliquis Urbibus Medorum, ad quas translati fuerunt Captivi Israelitæ.

Horum, & *Elymæorum*, & *Cbuzæorum*, *Lingua*, ea est quæ hodie ab omnibus nominatur *Persica*, sed non est; quippe quæ sit reverà *Medica*, totâ suâ Naturâ & Structurâ differens à *Persicâ*, quæ respectu illius est barbara: ideóque eam ex Aulâ suâ exclusit Rex *Bebrâm-Gbûr*, (ut mox dicetur,) ejus loco substituens *Medicam*, ideo dictam *Deri*, seu *Aulicam*. Eæ itaque voces quæ, apud *Herodotum* & alios, de lingua *Persicâ* & *Partbicâ* esse dicuntur, reverà sunt ex *Medicâ*, vel saltem maxima earum pars. Illa ipsa lingua *Medica* est quæ hodie in *Elymaide*, & *Mediâ*, & *Partbiâ*, & *Cbora-sân* (exceptis quibusdam locis,) jam obtinet, & olim cum *Medico Imperio* ibi plantata fuit: *Medorum* enim primò fuit Imperium, postquam (unâ cum Persis) *Assyriorum* jugum excusserant, & eorum *Exarchia* esse desierant. Hæcque *Medorum* lingua (antequam excluderetur,) *veterem* linguam *Persicam* reddidit mixtam, & penè obsoletam effecit, non autem ubique extinxit: nam harum Gentium Religio, quæ olim semper eadem, scripta est in *veteri lingua*, quæ ubique (unâ cum *Medicâ*) obtinuit usque ad tempus dicti Regis *Bebrâm-Gbûr*, & in quibusdam locis hodiè obtinet.

Occidentalior *Mediæ Pars*, urbi *Ninivi* & *Mausil* proxima, est *كردستان* *Curdistân*, seu *Curdorum* Regio, vulgò *Gordyæi Montes*, qui tam celsi, ut Ignēs & Candelas noctu lucentes videre possunt *Mausilenses* X miliaribus distantes. Deinde occurrit Regio *لورستان* *Luristân*, ubi est *لور* *Lur* magna & *Lur* parva. Paulò australiùs, est Regio *Elymais*, ubi sunt urbes *توستار* *Toftar* & *Σούσα*, *Persis* *سوس* *Sûs*, i. e. *Glycirrbiza*; quam *Judæi*, *Abasvero* gratabundi, per Euphemismum, in Libro *Esther* nominârunt *سوسن* *Sûsan*, i. e. *Lilium*.

Ab *Elymæis* orti creduntur *Persæ*: sic *Bar-Bablûl*, *بر بابلي* *Magi* fuerunt ex *Persia*, ex filiis *Elam* filii *Sbem*. Et idem vult Fl. *Josephus* p. 24, *ελυμαῖος μὲν ὃς ἐλυμαίως, Περσῶν ὄντας ἀρχηγίτας, κατέληπεν*. Cùm itaque *Elami* *Sedes* propria fuerit *Elymais*, ab eo denominata, ejus Posterii seu Nepotes (ut videtur,) concesserunt magis orientaliter in *Mediam* & *Persiam*. Sed cùm *Elami* filii in *S. Historiâ* non recenseantur, plenâ luce in hac parte destituimur.

At

At quoad *Elami* ipsius Sedem, ea apud *Bar Bablûl* statuitur in Regione *Abwaz*, quæ est *Elymais*: *حمير بلن الاهواز* *Elam est regio Abwâz*, quæ in Persarum Libris est *خور* *Cbûz*, *Stephano* *Κασρία*, *Herodoto* *Κασραϊσι*, seu *Κίριασι*. Ideoque, vel *Elam*, vel aliquis alius habuit filium aut nepotem à quo ista Regio sic denominata fuit. *Gen.* XXII. 21, memoratur *נחור* *Cbûz*, *Nachoris* (Abrahami fratris) filius, qui videtur postea fixisse Sedem in *Elymaide*, ibi relinquens sui nominis urbem *Cbûz*, quæ nunc extat, unde tota Regio hodiè in Libris nominatur *خوزستان* *Cbuzistan*, seu *Cossæorum* Regio; non autem *خوزستان* *Cburestân*, ut quidam malè legunt. Iste *Cbûz* fuit ex *Arpacshadi* Prosapia, seu seris Nepotibus, in succedente Generatione VIII^{ta}. Is autem aliàs, tam à suis, quàm à vicinis Gentibus, dictus est *هوژ* *Hûz*, (sc. *هوژ*), unde supradicta Urbs, ad hodiernum diem, in plurali formâ appellatur *اهواز* *Abwâz* seu *Abvâz*. Nam *Affyriis* isti populi vocantur *ܠܝܘܐ* *Huzôye*, *Huzæi*, & Regio ipsa (quæ *Cbuzistân*,) est *ܠܝܘܐ ܡܕܢܝܬܐ* *Beth-Huzôye*, *Locus Huzæorum*. Hujus itaque regionis Incolæ, qui primò ab *Elam* dicti sunt *Elymæi*, postea ab alio Progenitore, ex *Sbemi* Familiâ prognato, dicebantur, & hodiè dicuntur *Cbuzæi*, seu, ut *Affyrii* scribunt, *Huzæi*.

Ista est Urbs quæ in *S. Bibliis* vocatur *גוזן* *Gozan*, minùs rectè, pro Persico *خوزان* *Cbozan*, seu *Cbuzân*, quæ (ut dictum) hodiè in Libris scribitur *اهواز* *Abwâz*, plurali formâ, ab *هوژ* *Hûz*. At *Mediæ* antiqua urbs *הרע* *Hara*, quæ cum eâ memoratur, hodie non extat, quippe quæ immemorialiter deleta.

Post *Gordyæam* & australiorem *Sufianam*, occurrit *Media*, in *Arabum* Libris dicta *الماء* *AlMâb*, & *Lingua Medica* *المافي* *AlMâbi*, seu *Mabæa*. In Persarum Libris *Media* aliquando vocatur *شیروان* *Sbîrvân*; an *Lac* vel *Leones servans*? Aliàs in *Geographicis* Libris vocatur *جبال* *Gjibal*, i. e. *Montes*, seu *Montana Regio*, seu, magis distinctè, *جبال الاهواز* *Montana tñs Abwâz*. In eâ magnæ quædam Urbes sunt, sc. *اردبیل* *Ardebîl*, & *قزوين* *Cazbin*, unde denominativum est *قزبي* *Cazbi*, seu *Caspîus*; de quo Nomine *Caspîi Maris* fusiùs disseruimus in *Notis ad Itinera Mundi*. In eâdem Regione præcipua Urbs est *آذربايجان* *Adurabâdagbân*, seu contractiùs *آذربايجان* *Aderbâzagjân*

Aderbâyagjân, (quæ quidem Provincia *Ptolemæo* perperam *Adiabène*,) quo eodem nomine gaudet amœnissima urbs quæ hodiernis seculis audit *قبریز Tabriz*, seu *Tavrîz*, sive *Taurîz*; tot enim modis sonatur.* Hæc (ut putatur) olim fuit *Ecbatana* (de quo Nomine in superioribus diximus,) mirabilis structuræ Urbs & Palatium, utraque condita per Regem *Debâcum*, ad Exemplar *Paradisi Irêm*, quem in *Arabia* olim extruxerat Patruï ejus magni Pater *Irêm*, Pater *Aadi*, qui Pater *Sbeddâd*, Avunculi *Debâk*.

Persia, à Sinu Persico orientaliter, apud Autores aliàs vocari solet *Achæmenia*, & Persæ *Achæmenes*, seu *Achæmenidæ*. Apud *Ammianum Marcellinum* Lib. XIX. cap. 2, in veteri Editione legitur, quòd in bello Amici *Saporem* compellabant *Achæmenem* & *Artaxerxem*. Vera autem lectio in ultimâ Editione jam restituta est, quòd sc. vocabant *Saansaan* & *Piroxen*: nempe *شاهنشاه Shahanshâb* est Rex Regum, & *پروز Pirûz* est Victor. Apud *Herodotum*, *Achæmenides* erat frater *Artaxerxis*, & *Achæmenes* erat *Darii* filius, *Xerxis* germanus utroque parente, *Ægypti* Præses, & ibidem Classis Præfectus. Et alius *Achæmenes* erat alicujus *Cambysis* Pater. Isti autem viri sic dicti, videntur quasi appellativè & emphaticè eo nomine vocati fuerint: cùm, dicente *Herodoto*, Rex *Cambyses*, hortando Persas, eos compellabat *Αχαυμνίδαι*, q. d. ô gemini Persæ! Nam apud *Stephanum* *Αχαυμνία*, seu *Αχαυμνιον*, est *Περσικὴ μοῖρα Persidis Pars*: & *Strabo* collocat *Αχαυμνίδας* inter *Susas* & *Caramanica* fines: & secundum *Herodotum*, *Achæmenidum* Tribus erat apud *Pasargadas*, & ab his Reges *Persidæ* sunt oriundi; sc. usque ad *Darium*. Hoc itaque nomen videtur fuisse *Persiae* & *Persarum* distinctio à *Parthiâ* & *Parthis*. Quo autem modo vox *Achæmenes* scripta fuerit a Persis, ulteriùs disquirendum.

Apud *Rustemi* Epitomatores, pluraliter *عجمان Agjemân*, seu singulariter collectivè *عجم Agjem*, est *Persæ*: & in omnibus Orientalium Libris, tam *Persia* quàm *Persæ* vocantur *عجم Agjem*, seu *Azjam*: formâ adjectivâ *عجمي Azjemi*, formâ plurali *عجميان Azjemiyân*; & sic *Tâbari* ferè semper legit. *Emirchond*, in Vitâ Regis *Nûdar*, legit *عجميان Azjemiyân*, i. e. *Persæ*. Et sic in *Arabico* Libro de Gemmis invenitur forma *عجمي A'zjemi*, *Persa*. Ut autem meliùs concilietur cum Formâ *Gracâ*, puto (quamvis nondum sic scriptum reperi,) ana-

* Vid. Append. No. XV.

logum esse ut, etiam singulari formâ, cum Terminatione *ân* scribatur *عجمان* *Azjemân*, eâdem ratione quâ Arabicum *مسلم* *Muslim*, *Fidelis*, à Persis semper scribatur *مسلمان* *Muslimân* in singulari numero. Videtur itaque quòd, apud antiquos, Persia dicta fuerit *Achæmenia*, ut distingueretur à *Partiâ* dictâ *عراق* *Erâk*, in nostris Globis *Arac*, seu *Arach*. Sic Ogilbuis, in *Persia*, ex suis autoribus refert, *Quòd Parsi*, seu *Persa*, sit is qui ex Provinciâ *Pârs*, & *Agjemi*, qui ex quâvis aliâ Provinciâ. Sed apud orientales moderniores, nomen *Azjem*, seu *Azjam*, tribui solet toti Persarum Imperio, *Partbiam* etiam complectens. Apud *Afros* *عجم* *Azjam* significat *Græcos*, aut quosvis *Exteros*. Et in *Turcico* Fœminarum Palatio dicto *سرای* *Serâi*, ibi *ادمج* *Admij* *itcb* *Oglân* est *Servus Interior*, & *عجم اوغلان* *Azjàm Oglân* est *Servus Exterior*.

Quoad *Partbiam*, * ea (dicente Herodiano) erat parvus Regionis Angulus: ii tamen erumpentes evaserunt Domini totius. Unde autem *Græci* habuerint Nomen *Partb*, seu *Partbiam*, conjicere non possum, cum talis sonus, nec *Persico*, nec *Partbico* Ore sonari possit. Id proculdubio corruptum est pro *Pârs*. Cum autem *Chaldæa* vocetur *عراق* *Erâc*; & dicente *Angjou*, propter similitudinem Soli (seu Aeris & Aquæ,) Medium *Persiae*, circa *Ispabân* & circumjacentia Loca, eodem etiam nomine vocetur *عراق* *Erâc*; ergò, distinctionis causâ, *Chaldæa* plerumque vocatur *عراق عرب* *Erâc-Arab*, seu *Erâc Arabum*, & Medium *Persiae* *عراق عجم* *Erâc-Agjam*, seu *Erâc Persarum*. Pro tali *Chaldæa* Appellatione reddunt Rationem, petitam ex Linguâ *Arabica*, quæ non est vera: nam *Erac* pro *Chaldæa* ortum est ex *Biblico* *אֶרֶץ* *Erec*, & *Erâc* pro *Persia* ortum est ex *ايرج* *Iregi*, seu *ايرگ* *Iregb*, potentissimi Monarchæ *Pbridâni* Filio, qui *Persiae* etiam imposuit nomen, in Libris usitatissimum, *ايران* *Irân*, complectens totum Persarum Imperium ad Austrum montis *Tauri*, eodem modo quo ab altero fratre *تور* *Tûr*, tota *Tataria* ad Septentrionem *Tauri* vocata fuit *توران* *Turân*.

* Ea, inquam, dicta fuit *Yrâc*, unde Nomen *Hyrcania* q. d. *Yracania*, quæ etiam hodie vocatur *Mazenderân* atque *Tabaristân* q. d. *Securium Regio* (propter cæduas Sylvas in quibus multus usus *Securium*) unde fuit Autor, à nobis sæpe citatus, Nomine *Tûlari*: sic enim potius dicitur quam *Tabaristân*, quamvis utrumque sit licitum. De his videas Notas nostras ad *Itinera Mundi*.

Sed pro vario autorum usu, Persia, seu *Irán*, subinde vocatur ایران شهر *Irán-Shabr*, quod aliquando restringitur ad Persici Imperii Partem, ut apud *Emircbond* in vitâ Regis *Pbridûn*, ایران شهر که *Irán-shabr*, quo notatur *Erák* & *Pbârs* & *Cborasân* & *Kubistân*. Aliàs, aliquando Nominem *Irán-shabr* intelligitur urbs نیشابور *Neishâbur*, tanquam præcipua Urbs & olim Metropolis, (in fine Persidis,) quæ aliàs dicta fuit شانباخ *Sbâdach*, seu شانباخ *Sbâdyâch*, & (si rectè scriptum) شانباخ *Sbâdbaâb*. Et aliquando etiam *Neishâbur* vocata fuit بهله *Pebla*: nam tot nominum mutationes subiit. Est autem *Pebla Cborasanica*, seu *Bactriana*, Pars citerior, ejusque Linguae Dialectus. Nam ulterior *Bactriana* Pars vocatur بلخ *Balch*, seu بامیان *Balch-Bamiyân*, unde ejus Lingua est بلخ بامی *Balch-Bamiyensis*. Sub Persarum ditione semper venire solet dicta خراسان *Cborasân*, quæ *Ptolemæo* Χερσάν, malè pro Χερσάν.

Quoad nomen پارس *Pârs*, seu فارس *Pbârs*, Persia, id in *Olugh-Beighi* & *Nassiredдини* Tabulis non comprehendit totum Imperium Persicum, nec dimidium ejus, sed tantum unam Regionis Partem, in quâ est *Persepolis*, & *Sbirâz*, & *Ispahân*, &c. At *Ibn Pbacreddîn* *Angjou* dicit, quod totum *Irán*, seu Persiæ Regnum, olim vocatum fuit *Pârs*, ab Oxo ad *Eupbratem*, & à باب الابواب *Bâbo' l'Abwâb* ad Mare عمان *Ommân*: & quod, processu temporis, multa alia loca Persiæ tandem accesserunt, ex quibus fuit خراسان *Cborasân*, in antiquâ lingua Persicâ significans Orientem; idèd sic dicta, quia sita est ad Orientem اصطخر *Istâchr*, seu *Persepolis*. Unde autem orta sunt nomina Biblica פָּרַס *Pâras* & פָּרְסִין *Parsîn*, est dictu difficile: ideoque restat tantum conjecturæ locus. Frustrâ sunt qui deducunt ab Arabico فارس *Pbâris*, Eques; nam non sunt magis Equites quàm reliqui Orientales omnes. Videbimus itaque quid dicunt Orientales. Autor Libri *Mu'gjizât* cum insigni Elogio Persicè tradit, پارس قدیم *Pburs kadîm*, seu Persas veteres, fuisse ex filiis فارس بن طهمورت *Pbars filii Tabmûras*, quos *Anusbirravân* adduxit è medio Climatis III & IV^o & V^o. Hujus Regionis Incolas esse pulchriores & intelligentiores Incolis reliquarum Regionum; Corpora saniora, Artes & Scientias excellentiores,

Facies formosiores, Vestitum nitidiorem, Cibum delictiorem, & denique totum eorum Conductum & rerum administrationem esse consultiorem. Sic ille. *Ibn Shabna* in Libro de *Primis & Postremis Arabicè* tradit, Esse apud *Arabes* qui volunt *Persas* sic dictos fuisse à *فارس بن ارشم بن* *Pbârs Filio Arsham Filii Sem*, [pro *Arpacshad Filio Sbem*;] & secundum alios, filii *Japhet*. Eos autem seipsos deducere velle à *Kejomâras*, *وهم يقولون نحن ولد كيمورت وكيومورت هو الذي عندهم* dicentes, *Nos sumus filii Kejomâras*: & is fuit ille à quo Initium habuit tota Progenies eorum sicut ab *Adamo*. Alii volunt eos esse ex posteris *Japheti*; *فارس بن عامور بن يافث* *Pbârs filio Amûr filii Japhet*: alii volunt eos esse ex filiis *هدرام بن* *Hadorâm filii Arpacshad filii Sem filii Noë*. Aliqui Historici narrant *Pârs* fuisse filium *Elam filii Sbem filii Noë*. Alii volunt quod *Pars* fuit filius *Pbalæ*. Quære an iste sit *Palas*, qui *Pildash*? Ideoque inter tot dubia satius est confugere ad eam, quam supra adduximus, Originationem, quod sc. Nomine *Pârs* significetur *Tbôs*, Bestia inter Canem & Lupum in eâ regione abundans, unde sumpta fuerit denominatio.

Quoad *Linguam Persicam*, doctissimus Lexicographus & accuratissimus Grammaticus *Ibn Phacreddin Angjou* Indo-Persa (qui ferè CC abhinc annis vixit,) in suâ Præfatione Operis *Pbarbângb Gibângbîri* Persicè scribens, accuratè tractat *Linguam Persicam*, eamque in VII *Dialectos* distribuit, quarum IV sunt *معروكي Neglectæ*, seu *Relictæ*, & inusitatæ, adeò ut nulli Libri, nec Tractatus, nec Epistolæ, in eis hodiè scribantur, nec in eis condantur Carmina; nisi fortè aliquando unum aut alterum vocabulum ex hisce *Dialectis* adhibeant Autores. Hæ autem inusitatæ *Dialecti* sunt *هروي Hervi*, seu *Dialectus* *هرات Herât*; & *سگزي Segbzi*, seu *Segistanæ Regionis Dialectus*; & *سغدي Sogdi*, seu *Sogdiana Dialectus*; & *دراولي Drâvuli*: est autem *Drâvul* Urbs non valdè procul distans ab *Herât* in *Chorasân*.

Tres

Tres reliquæ *Dialectus* tales sunt in quibus Libri & Tractatus seu Epistolæ & Carmina scribuntur. Harum *Prima* peculiariter ربان *Lingua Persica*, quæ in *Pârs* & *Istachr* usitata fuit. *Secunda* est دري *Deri*, quæ elegantior habetur. Ajunt (inquit ille) quamlibet vocem in quâ nullus est defectus, esse in Linguâ *Deri*, ut est اشکم *Ishkem*, quæ defectivè scribitur شکم *Shikem*; & پرو *Birâv*, quæ defectivè رو *Râv*; & بگو *Bughû*, quæ defectivè گو *Ghû*; quarum priores voces sunt in *Deri*, posteriores non item. Est (inquit) *Deri* *Dialectus* بلخ بامی *Balch-Bamenfis*, seu Urbis *Balch*; & Urbis مرو شهبان *Marv-Sbâghjân*, & Urbis بخارا *Bochâræ*. Dicit se in quodam Libro scriptum reperisse, quod *Deri* sit *Dialectus* Regionis بدخشان *Badaeshbân*: esse qui putent homines tempore تان *tân* *Keyân* hac *Dialecto* usos fuisse: & *Arabum* Eloquentissimum (intelligit *Mohammedem*,) dixisse; Si Deus aliquid mitè & leniter loquitur تان *tân* *Angelis* sibi propinquis (seu *Cherubinis*,) id jubet in Linguâ *Deri*: si asperum seu durum, tum in Linguâ *Arabicâ*, celere properante. Et mox addit, Quod *Lingua* Incolarum *Paradisi*, futura sit vel *Arabica*, vel *Persica* *Deri*.

Tertia *Dialectus* est پهلوي *Péblavi*, quæ Incolis vulgò sonat *Pébl-lavi*. Ea autem sic dicitur vel à پهلوی *Péblav*, qui (ut volunt) fuit Pater تان *tân* *Pârs*: vel aliàs à پهل *Pebla*, quo nomine designantur Urbs دینور & جی *Gjî* (antiquitùs dicta اسپهان *Ispahân* & ری *Rey*, & *Dinavar*: aliàs autem *Péblav* etiam significat Urbem, quasi *Péblavi* sic dicta fuerit, q. d. *Lingua* Civilis, Urbana, non Rusticana. Alii (inquit) aliter. Hactenus ille.

Ego addo, *Péblavi* sic fortè dicatur, q. d. *Lateralis*, quia est *Lingua* *Novæ Urbis* ad *Latus Veteris Neishâbur* extructæ. Plerumque autem پهل *Pebla*, seu پهلوی *Péblava*, est speciatim urbs *Neishâbur* (ut supradictum,) aliàs vocata ایران شهر *Irân-Sbahr*: & hæc est *Lingua* illa *Antiqua Persica* (quibusdam dicta زبان گبری *Lingua Gbebrica*,) in quâ scripti sunt omnes *Zerdushti* seu *Zoroastri* Libri. A supradicto nomine Segbzi, ea Regio aliàs dicitur سگزیستان *Segbzistân*, seu سگستان

سجستان *Seghislân*, five سيجستان *Segjislân*, vel سيستان *Sîstân*: & aliter, eadem Regio vocatur نیمروز *Nimrûz*, i. e. *Meridies*, seu *Media Dies*, propter situm.

Quin & Lingua *Péblavi* aliis etiam nominibus vocatur, vel saltem aliæ ejus differentiæ censentur. Nam præter VII dictas Dialectos, apud prædictum Autorem (in medio sui Libri) Ordine Alphabetico, memorantur Dialectus بهاری *Babâri* & رامندی *Râmandi*, sc. *Râmandæa*, seu *Râmandensis* Dialectus, & *Babarensis*. Alia Linguae *Péblavi* divisio est اورامی *Urâman*, seu *Uramanensis*, vel اورامه *Urâma*, sc. *Uramæa*, *Uramensis*, quæ in *Pb. Gj.* definitur, دوع از گویندگی *Species Dialecti*, peculiaris *Persis* & veteribus eorum *Pœtis* in Lingua *Péblavi*: est sc. قسم گویندگی *Sermonis species*, quæ primò excogitata est ab aliquo homine Pagi *Urâmæ*, ejusdem nominis. Sic ille. De hac Lingua *Péblavi* loquitur *Cbalîl Sûpbi* in Libro *Nimetullâb*, پهلوی *Péblavi* est لغت مغان و فرس قدیم که عربی مخلوط دگلدر اصلا *Magorum* & *Veterum Persarum* Lingua cum *Arabicis* baud mixta omnino. Nam hodierna Lingua, tam *Medica*, quàm *Persica*, multa admixta habet *Arabica*. Hujus Linguae Literæ, seu Characteres antiqui, in hoc opere passim visuntur.

Supradicti nominis *Derî* superiùs allatæ sunt ex Libro *Ph. Gj.* Rationes plures, unde certum est veram ejusdem Rationem ab illo Autore (quamvis docto) ignorari. Apud plerosque *Grammaticos*, per *Derî* intelligitur ordinaria Lingua *Perfo-Medica*, eaque elegantior; & quidem rectè. Veram itaq, dicti Nominis rationem *Turcicè* affert *Cbalîl Sûpbi*, دري فارسي ديمکدر آنکچون دري درلر که بهرام گور بساق ايلدي که قپوسنده فارسي سويليه لر و برات و مکاتب هب فارسي *Derî*, hoc est dicere, اول رماددن برو فارسي ه دري درلر *Perfica*. Ideò autem vocata est *Derî*, quia *Behrâm-Gbûr* decretum faciebat, ut in *Aulâ* suâ omnes loquerentur *Persicè*, omniâque *Decreta* & *Epistolæ Persicè* scriberentur. A quo tempore factum est, ut Lingua *Persica* vocaretur *Derî*. Loquitur nempe de Lingua quæ hodiè vocatur *Persica*, in quâ در *Der* est *Ostium*, *Porta*, & درگاه *Dergbâb* est اشک *Ashîk Limen*, seu *Vestibulum Portæ*, atque *Palatium*, *Aula Regis*: hinc

hinc *دری Deri*, quod primâ fronte videtur Denominativum à *Der*, reverà est Denominativum à *Dergbâh*, ut abbreviari solent talia; còque significatur *Aulica*, seu *Curialis*. Cùmque, illo tempore, multi uterentur *veteri* Linguâ *Péblavi*, quæ à Rege *Bebrâm-Gbûr* non fuit amata, ipse jussit ut omnes in ejus Aulâ Regiâ uterentur Linguâ *Perſo-Medicâ*, quæ etiam *hodiè* in *Perſide* obtinet, quæ ideò dicta est *ربان دری* *Lingua Curialis*, seu *Aulica*. Et ipse aliquamdiu regnans, hoc modo effecit ut hæc *Lingua* ab omnibus æstimaretur: & proinde ejusdem usus ad hunc usque diem apud eos continuatus est, alterâ *vetustiori* Linguâ *neglectâ* & despectui habitâ. Rex iste obiit anno XXX *Theodosii junioris*.

Ex Linguæ *Deri* Elegantiis habetur, quòd Litera *ذ Dâl* legatur *ذ Zâl punctata*, sonans ut *Z* immediatè post quamlibet aliam Literam motam. Hinc etiam idem mos obtinet in *veteris* Linguæ vocabulis, dum à *modernioribus* *Persis*, *Alphabeto Arabico* utentibus, suo recentiori modo scribuntur, ut scil. pro *آذر Adur* scribitur *آز Azur*: & sic in ejusmodi aliis. Nam in *veteri* Linguâ non fuit talis distinctio; sed à Temporibus Regis *Yezdegerd* hoc innovatum est, ex quo *Alphabetum Arabicum* loco *Alphabeti veteris* usurpârunt. Quin & ante illa Tempora, ab omni ævo *Persæ* (pro natâ occasione) sic pronuntiârunt *Arabum* *ذ* (ut & *ذ* & *ذ*), omnes ut *ز Z*, à quo etiam figura *ذ* haud multum abludit. Nam cùm *veteres Persæ* in suâ Linguâ difficiliore illos *Arabum* Sonos non haberent, ideò, quando viderunt aliquid *Arabum* modo scriptum, id tamen proprio sibi modo pronuntiârunt, ut & *Turcæ* & *veteres Chaldaei*; cùm Nulli horum Linguæ *Arabicæ* difficilioribus sonis se suâque Pronuntiationem conformare potuerint: nam illa *Lingua* non est *suavis*, sed quasi potius *increpatoria* & *objurgatoria*, ut *suprà*. Et quidem usque hodiè, *Arabum* Pronuntiatio ut nimis gutturalis & difficilis æstimatur: unde aliquando lepidi Socii (præsertim *Turcæ*) Festivitatis causâ, quando animus est ridere & hilares esse, solent adsciscere aliquem homuncionem *Arabicè* loquentem, (quem coram se loqui, vel cogunt, vel conducunt,) eum in finem, ut eundem irridere possint, & in cachinnum effusi, hoc modo, sibi complacere valeant.

Quamvis autem *Lingua Deri* olim fuerit *Aulica*, hodiè, & à Temporibus quibus *Tataricorum* Regum Series in *Perſide* regnavit, *Lingua Aulica* ibidem est *Turcica*, quæ *Tatarica*; sed cum vocibus *Arabicis* & *Perſo-Medicis* aliquantulum mixta. Si quis cum fructu Linguæ
Perſicæ

Perficæ & Medicæ Lexicon concinnare vellet, conquirenda imprimis essent omnia illa *Pharbàngb* (seu ut vulgò sonant *Pharàngb*,) sive *Lexica*, quorum meminit Libri *Pb. Gj.* Autor; ut & ipsum *Pb. Gj.* completum, cum *Appendice suo*, qui (proh dolor!) in nostro Exemplari desideratur. In hoc enim *Appendice*, *Vocabula composita*, & reliqua *Vocabula simplicia* (sc. omnia *Zendica*) ex vetustissimis Libris excerpta extant. Nos habemus tantùm Tomum primum, cùmque valdè mendosum ab ignaro Scribâ.

Ex *Indiâ* etiam comparanda sunt hæc sequentia *Pharbàngb*, seu *Lexica*, quæ jam à C Annis extiterunt; & si quæ alia dentur recentiora, de quâ Re inquirendum.

فرهنگ ابو الحفص سغدي	<i>Pharbàngb rû Abu'lHafî Sogdî.</i>
فرهنگ ابراهيمي	<i>Pharbàngb Ibrâhîmî.</i>
فرهنگ اسکندري	<i>Pharbàngb Iscândrî.</i>
فرهنگ ابو المنصور علي بن احمد	<i>Pharbàngb rû Abu Manfûr Ali Ibn Ahmed</i>
منصور اسد الطوسي	<i>Manfûr Asad Al Tûsî.</i>
فرهنگ اسحاق عبد الله دمشابوري	<i>Pharbàngb FUsâd Abdollâb Nîsbâburensîs.</i>
فرهنگ تحفة الاحباب تصنيف جافظ اوبهي	<i>Pharbàngb Tûbfato'l Abbâb, ex Compositione Hâfiz Ubabî.</i>
فرهنگ ادات الفضلا تصنيف قاضي خان پدر محمد دهلوي المعروف بدهارواکي	<i>Pharbàngb Idâto'l Pbuzalâ, ex Compositione Kâzi-chân patris Mabammed Dêblavî, notî nomine Dabârvâkî.</i>
فرهنگ جامي اللغات منظوم ديارى حجارى	<i>Pharbàngb Gjâmi AlLogâs Carmine Niyâzî Higjâzî.</i>
فرهنگ حسين وفايى	<i>Pharbàngb rû Hosein Wapâyî.</i>
فرهنگ حسيني	<i>Pharbàngb Hoseinî.</i>
فرهنگ حکيم قطران	<i>Pharbàngb rû Hakîm Katrân.</i>
فرهنگ دستور	<i>Pharbàngb Destûr.</i>

1. ابن منصور اسدي *Ibn Manfûr Asfadi*: Exempl. Frazer.

2. دهاروال, *Dabârvâl*: Idem.

فرهنگ دستور الافاضل	<i>Pharbāngb Deštūr-e' Afāzil.</i>
فرهنگ دستور الفضل	<i>Pharbāngb Deštūr-e' Fāzalā.</i>
فرهنگ رساله النصير	<i>Pharbāngb Risālat-e' Nasir.</i>
فرهنگ لسان الشعرا	<i>Pharbāngb Lisān-e' Sba'arā, seu linguae Persarum.</i>
فرهنگ لغات دیوان خاقانی	<i>Pharbāngb vocum Poëmatis Chakāni.</i>
فرهنگ لغات شاهنامه	<i>Pharbāngb vocum in Shahnāma.</i>
فرهنگ محمد بن قیس	<i>Pharbāngb rû Mohammed Ibn Kais.</i>
فرهنگ محمد * هندو شاه منشی که	<i>Pharbāngb rû Mohammed Hindušāh Māni-</i>
بنام غیاث الدین رشید تصنیف	<i>shi, quod compositum sub nomine Giyāthed-</i>
کرد	<i>din Reshid.</i>
فرهنگ مختصر	<i>Pharbāngb Māchtasār, seu Compendiosum.</i>
فرهنگ مولانا الهداد * سرهندي	<i>Pharbāngb rû Mulanā' l Hadād Serbindi.</i>
فرهنگ منصور شیرازی	<i>Pharbāngb rû Mansūr Shirāzi seu Shirazensis.</i>
فرهنگ مولانا مبارک شاه غزنوی	<i>Pharbāngb rû Mulanā Mobāraksāh Gāznaviensis, dicti Phachr Kowds.</i>
مشهور * بغیر قواس	
فرهنگ مرید الفضل تصنیف * محمد	<i>Pharbāngb Mawāyede' l Fāzalā, ex Compositione Mohammed Lād.</i>
لان	
فرهنگ میرزا ابراهیم بن میرزاشاه	<i>Pharbāngb rû Mirzā Ibrāhīm Ibn Mirzāsāh</i>
حسین اصفهانی	<i>Hossein Isfahanensis.</i>
فرهنگ معیار جمالی	<i>Pharbāngb Mi'yār Gjemāli.</i>
فرهنگ * مواید الفوائد	<i>Pharbāngb Mawāyide' l Fawā'id.</i>
فرهنگ سروری کاشی	<i>Pharbāngb Surūri Kāshi.</i>

3. *بن هندو شاه*, *Ibn Hindušāh*: Exempl. Frazer.4. *هندی*, *Hindī*: Idem.5. *عجز قواس*, *Ajcz Kowds*: Id.6. *مرید*, *Mawāyid*: Id.

فرهنگ شرفنامه احمد منیري مشهور	<i>Pharbāngb pro Sherph-nāma, per Ahmed Mōniri dictum Ibrāhīm Pharūki.</i>
بابراهيم فاروقي	
فرهنگ شيخ ران عاشق	<i>Pharbāngb rā Sbeich-Zāde Asbik.</i>
فرهنگ شيخ عبد الرحيم بهاري	<i>Pharbāngb rā Sbeich Abdorrahīm Babāri.</i>
فرهنگ شيخ محموند بهاري	<i>Pharbāngb rā Sbeich Mahmūd Babāri.</i>
فرهنگ ضمير	<i>Pharbāngb Zamīr.</i>
فرهنگ عاصمي	<i>Pharbāngb Asmi.</i>
فرهنگ عالمي	<i>Pharbāngb Alemi.</i>
فرهنگ عجائب	<i>Pharbāngb tān Aǧāib, seu Mirandorum.</i>
فرهنگ ديك پي	<i>Pharbāngb Nik-pei.</i>
فرهنگ فوايد برهاني	<i>Pharbāngb Phawāid Burhāni.</i>
فرهنگ قاضي طهير	<i>Pharbāngb Kāzi Tabīr.</i>
فرهنگ قنية الطالبين	<i>Pharbāngb Kanīyato'l Tālibīn, seu Acquisitio studioforum.</i>
فرهنگ قنية الفقيمان	<i>Pharbāngb Kanīyato'l Phityān, seu Acquisitio Puerorum.</i>
فرهنگ زبان گویا و جهان پویا	<i>Pharbāngb Zofān-ghūyā & Gibān-pūyā, (seu Lingua loquax & Mundum percurrents,) dictum Hapbt — i. e. Septem — ex Compositione Bedreddān.</i>
مشهور بهفت — تصنیف	
بدر الدين	
فرهنگ سعد بن نصر بن طاهر بني	<i>Pharbāngb Saad Ibn Naṣr Ibn Tābir benitemīm AlGāznavi, quod scriptum fuit nomine, Nizāmo'l Melik, continens 1205 vo-</i>
تميم الغزنوي که بنام خواجه نظام	
الملک دوشته و آن يکهزار و نويست	

7. — علي ديك پي, *Ali Nik-pei: Exempl. Frazer.* 8. ظهير, *Zabīr: Idem.*

9. هفت بخشى, *Hapbt Bākbaṣbi, i. e. Septem Portiones, seu Dona. Id.*

10. بدر الدين ابراهيم, *Bedreddān Ibrāhīm: Id.*

11. سعيد بن نصير بن طاهر بن تميم, *Sa'id Ibn Naṣir Ibn Tābir Ibn Temīm: Id.*

وینچ لغت است و مسمی " شیشی
دایمہ نظامی

ces, nominatum *Sheichi-nâma Nizâmi*.

Horum Lexicorum Majora & Locupletiora coëmenda & comparanda sunt.

Et præter hæc XLIV, in *Indiâ* extant IX alia Lexica quorum Nomina (scil. nec Librorum nec Autorum,) sunt nobis nota, inquit *Angjon*.

His addatur *instruētissimum & desideratissimum* Opus, seu Lexicon, quod (anno *Hegjræ* MXIV, *Cbristi* MDCV,) reperimus dedicatum *Magno Mogûl Gjibângbîr*, sub Titulo *فرہنگ بدیع اللغات Pbarbângb Badiollogât*, i. e. *Lexicon Mirabilium Vorum*, aliàs dictum *تواریح جہانگیرشاہی Tawârîch Gjibângbîr-Shâbi*, i. e. *Chronicon Regis Gjibângbîr*. Iste Liber XXVIII Tractatibus, & DCLX Capitibus secundum ordinem Alphabeti absolvitur. Continet Simplicium Medicamentorum Nomina 8224, eaque in III linguis, *Persicâ*, *Arabicâ*, & *Indicâ*, cum singularum Medicinarum Dosibus, Virtutibus, &c. Hujus Libri Autor est *ولہی سرہندی Vahy Serbindi*. Estque Epitome omnium Autorum quos amplissimæ Regionēs *Arabia*, *Irân*, *Turân*, *Græcia*, *Cborasân*, *Industân*, &c. in hoc doctrinæ genere claros unquam produxerint. Dolendum autem quod non nisi dicti Operis *Præfationem Persicam* possideamus, unde hæc didicimus. Hoc est *Lexicon Medicum Persico-Arabico-Indicum*, per *Vahy Serbindi*.

Cum his omnibus, ex *Indiâ* accerseat optimum Lexicon *فرہنگ Pbarbângb Gjibângbîri*, (à nobis citatum *Pb. Gj.*) cujus priorem Tomum in Folio eleganter, sed mendosè, scriptum habemus. Posterior Tomus, qui *خاتمہ Cbâtima*, seu *Appendix* (in quo sunt Vocabula Libri *Zend*, & voces Compositæ,) deest desideratissimè. Si ergò possibile, quovis pretio comparetur ejus secunda Pars, seu *Appendix* dicti Lexici: cum in nullo alio contineantur *Voces Zendicæ*, quas istud Lexicon solum comprehendit. Hæc, inquam, omnia conquirenda sunt ex *Indiâ Orientali*: cum nec Persia, nec ulla alia Regio, tales Thesauros possideat.

Cum autem *Lexica Persica*, quæ in *Persia* & *Turcia* extant, facta fuerint ante CC annos, eaque pro eorum Poëtis explicandis; ideo pro *moderniore* Linguâ, quæ in Persiâ hodiè usurpatur, consulendum esset, comparando ab urbe *Ispahân* in Perside, *modernum* aliquod *Lexicon* seu *Vocabularium* pro recentioribus Vocabulis, quæ plurima

12. *سخن دایمہ نظامی*, *Sakhs Nâma Nizâmi*, i. e. *Sermo (libri) Nâma Nizâmi*:
Exempl. *Frazer*.

I i i 2

sunt,

sunt, eaque in dictis Lexicis non extantia; ut nuperis annis in colloquio cum *Ispahanensibus Pers-Armenis* comperi. Hoc interim dolendum est, (& contra illud quantum potest præcavendum,) quod in illa Lexica *Persico-Turcica* MSS^a, ante CC annos exarata, irreperunt in *Persicis* multa Menda & voces *Persicæ monstrosæ*, quæ in Lingua *Persicâ* reverà nunquam extiterunt; sed sunt Scribarum Sphalmata, quæ tamen ab uno ad alium semper progagata & continuata, quasi essent authentica. Et (quod pejus & multò frequentius est,) in *Turcicis* (seu in dictorum Lexicorum Interpretatione *Turcicâ*) ex Scribarum Ignorantiâ ubique scateant tot & talia menda, unde necessariò fluat falsa vocum *Persicarum* Expositio, & Nostrum in mag-nos errores Seductio; nisi magna adhibeatur cautela, variorum Lexicorum Interpretationes inter se conferendo, & de iis benè dijudican-do, an iis fretum erit necne: Nam unius singularis Codicis Autoritati rarò fidendum est. Horum Mendorum Exemplum petatur in plerisque Exemplaribus in voce *رواغار* *Zavaghâr*, de quâ suprà diximus; & in voce *فریدون* *Pbridûn*, in cujus Expositione, pro *ضحاكى تارينك* malè legitur *ضحاكى مارينك*: cum multis ejusmodi aliis.

Præcipua, quæ *Oxonii* habemus, Lexica *Persico-Turcica* (seu *Tur-cicè* explicata,) sunt Liber *نیمت‌الله* *Nimetullâb*, cujus Autor est *Chalîl Sûpbi*. Hujus habemus varia Exemplaria, quæ aliquando inter se differunt pro Scribarum libitu: unum inter Codices *Laudianos*, à nobis citatum *Nim. Laud.* Aliud à me transcriptum fuit ex *Coll. Sionensi*, à nobis citatum *Nim. Sion.* Hujus Autographum in *Londinensi Incendio* periit, Apographum apud me domi manet. Aliud Lexicon *Persico-Turcicum* est *حلمى* *Halîmi Persicum*, inter Codices, qui è Musæo nostro in Bibliothecam publicam translati sunt. Hoc autem distinguendum ab *Halîmi Arabico*. Tertium est Liber *وصيلة المقاصد* *Wasîlato'l Makâsid*, Autore *رسنم المولوى* *Rûstem Al Mâulavi*: semel citavimus *Lib. Was.* Iste servatur in *Arch. Seld.* Hæc omnia Lexica sca-tent mendis, sed præcipuè ultimum, cujus *Turcica* Interpretatio mendosissimè scripta. Hujus Epitome (quam cito *Rustemi Epitomator*,) extat inter MSS *Seldenianos* superiores. Horum singulis inserta est *Grammatica* pro Lingua *Persicâ*; non autem satis completa, sed rudis & imperfecta, quæ ideò verè *Linguae Persicæ Rudimenta* vocari mereatur. Dictis Lexicis addatur *صحاح عجمى* *Sabâb Persicum*, (ut distinguatur à *Sabâb Arabico*,) inter nostros extans.

Quoad

Quoad Libros editos, Grammatica *Ludovici de Dieu* (ut & ea D. *Gravii*) est valdè imperfecta: & idem dicendum de Lexico D. *Castelli*, in quod aliorum Lexicographorum Sphalmata inferferunt ejus *Coadjutores*; nam *ipse Persissimum* non prætendebat. Ad melius & emendatius Lexicon jam edendum, nunc non invenitur aliquis qui Editionis sumptus facturum est.

Quoad antiquissimæ Linguae *Persicae* à *Medicâ* differentiam, ea potest illustrari multis exemplis; quorum loco, hoc paucarum vocum unum accipe, ubi in *Pb. Gj.* de antiquo Rege *Gjemshîd* narratur, quòd Regni sui Subditos dispescuit distribuitque in IV Classes seu Ordines, in *veteri Lingua* suis nominibus distinctos; quibus (ut comparata meliùs elucescant,) ex adverso apposui Nomina *Medica* quibus tales hodiè appellantur, sequenti modo; simul cum quibusdam aliis:

Lingua Mœcia, que Persas audit.

Lingua Péloui, quæ erit Persarum.

پارسا	<i>Pársá</i>	—	<i>Devotus, Religiosus,</i>	—	<i>Câtâlzi</i>	وسم پارسا
سپاهی	<i>Spâbi</i>	—	<i>Militaris</i>	—	<i>Neisâri</i>	پسرووسد
دھقان	<i>seu دھکان</i>	<i>Dibcân</i>	—	<i>Agricola</i>	—	<i>Nasûdi</i>
دانا	<i>Dând</i>	—	<i>Doctus</i>	—	<i>Abanûcbasbi</i>	سپس پارسا
خدا	<i>Cbodâ</i>	—	<i>Deus</i>	—	<i>Yezdân</i>	سپس یزدان
خدا	<i>Cbodâ</i>	—	<i>Deus</i>	—	<i>Hormûzd</i>	خدا
فرشتہ	<i>Pbrîshîta</i>	—	<i>Angelus</i>	—	<i>Amshâspand</i>	سپس یزدان
دیو	<i>Dîv</i>	—	<i>Diabolus</i>	—	<i>Abarîman</i>	سپس دیو
تشنگی	<i>Têshnagbi</i>	—	<i>Sitis</i>	—	<i>Tushnâmâr</i>	سپس تشنگی
گرسنگی	<i>Gurîshnagbi</i>	—	<i>Fames</i>	—	<i>Gushnâmâr</i>	سپس گرسنگی
شستگی	<i>Shûstâgbi</i>	—	<i>Lotio</i>	—	<i>Pâdyâvand</i>	سپس شستگی
خاموش	<i>Châmûsh</i>	—	<i>Silentium</i>	—	<i>Bâgj</i>	<i>seu Bâzb</i>

Primi

Primi Ordinis کاتوزیان *Catuzæos* constituit in Montibus & Speculuncis, vel habitare, vel multum versari, ibique Cultui divino & Meditationi atque Doctrinæ cœlestis Acquisitioni vacare. Nam hoc erat longe ante *Zerdûst*, sc. tempore *Sabaismi*, quo Deum colebant (& simul Planetis adolebant) in Montibus, vel, ut Strabo ait, ἐθνον ἐν ὑψηλῶ πτω. Secundi Ordinis دیساریان *Neisaraeos* voluit seipfos dedicare τῇ سپاهگیری *Spâbigheri*, seu *Militiæ*. Tertiï Ordinis دسودیان *Nasudæos* voluit Agriculturæ operam dare. Quarti Ordinis آه‌نوخشیان *Abanûchashæis* præcepit omnis generis Literaturæ operam dare, sc. bonas Literas colere & studium in iis collocare. Istam etiam Quadruplicem populi Divisionem agnoscit *Tâbari* in vitâ Regis *Gjemshîd*, distinctè docens quasnam Artes singulis Classibus injunctæ fuerunt: nam singulæ بلوک *Bolûk*, seu *Classes*, plures Artes exercuerunt.

Ex præposito exemplo apparet, quàm immane Lingua *Persica* & *Medica* inter se differunt. *Aristophanes* in Comœdiis aliquando prætendit aliquid de veteri Linguâ *Persicâ*; & tam alibi, quàm in *Acharnensibus* Act. I. Scen. III, introducit *Artabanum* Persam sic loquentem,

Ἰαργαμὲν ἐξαρχὰν ἀποστολαστέα,

quod est, ut ille exponit, *Rex missurus est xpoσίον Pecuniam*. Hi autem sunt soni vacui sine significatione, tantum ad risum movendum in auditoribus suis, raptim, & ex Tempore, prolati à Comœdo jocofo.

Præterea Lingua *Medica* ex aliis mixta est, sc. ex *Hebræâ*, *Græcâ*, & *Teutonicâ* seu *Gothicâ*. Ex *Hebræâ*, quando *Judæi* deportarentur in urbes *Medorum*. Ex *Græcâ*, (ut & ex *Gothicâ*,) in bellis quæ cum illis, eaque benè nota. Et præter Bellum *Persicum* cum *Gothis*, quod describit *Procopius*, alia Bella antiquiora eis intulerunt *Scythæ* occidentales, sc. *Gothi*, seu *Getæ*, & *Massagetae* circa کور وارس *Cûr & Aras*, seu *Cyrum* & *Araxin* habitantes, qui *Mediam* possidebant ejusque Domini fuerunt XXVIII annos; de quâ re videatur *Herodotus*. Non est itaque mirum, si Voces & Phrasæ suas in Linguam *Medicam* intruserunt, & *Medi* eas (quamvis illibenter & coactè) acceperint. Et haud mirum est, si ex *Parthorum* Bello cum *Romanis*, aliquæ voces *Latine* etiam in Linguâ *Partho-Medicâ* reperiantur, cum etiam *Phrates* quatuor filios *Romæ* educandos misit. Aliquot exempla sint hæc,

میشته

ۛمیشته *Myshte*, *Μύση*: قلندر *Kalander*, *καλὸς ἄνθρωπος*, *Caloierus*: ډرډر
Barber, *Tonsor*: ابرو *A Brow*, *Supercilium*: شنوشه *Schnushe*,
Sternutatorium: وال *Uihale*, *Balæna*: خدا *Choda*, *Θοδα*, *Deus*:
 ډډو *Dîv*, *Dibel*: پدر *Pâder*, *Ἰαδερ*, *Πατήρ*: مادر *Mâder*, *Ἰθoder*,
Μήτηρ: ډرادر *Bioder*, *Ἰράδερ*: دختر *Dochter*, *Θυγάτηρ*. Pro his
 tamen plerumque habent alias voces *purè Medicas*, quas non excluderunt
 intrusores *Teutonico-Gothicæ*: ut ab *Ab* *باب* *Bâb*, *Pater*:
 ab *Em* *مام* *Mam*, *Mater*: ډادر *Dâder*, *Frater*:
Sertrâsh, *Tonsor*: &c. Hæc impræsentiarum de *Linguâ Medicâ*
 dicta sunt: cùm integram deposceret *Dissertationem*, illam *Lin-*
guam strictè rimari & excutere, atque heterogeneas voces separare,
 quod hoc tempore fieri nequit.

Ligaturæ &
Abbrevia-
turæ Libri
Zend.

Aliquæ Lite-
ræ & Pazend,
& Zendicis
diversæ.

mu . mu

sh

su

bi


ba

ti

ti


ti

ti



EX MUSEO M.DVANE

Hyland Jap



EX MUSEO M. DVANE

Hyland, New York



M A G O R U M

L I B E R

S A D - D E R,

ZOROASTRIS PRÆCEPTA

ET CANONES CONTINENS:

In usum Ecclesiæ Magorum & Fidelium eorum omnium.

Præfatio Editoris.

Liber SAD-DER * est Canonum & Præceptorum ex *Zerduſhti* seu *Zoroaſtris* Operibus Collectio, circa *ducentis* abhinc Annis facta in usum Ecclesiæ *Magorum*, quam, in *vulgari Linguâ Persicâ*, carmine composuit quidam eorum *Deſtâr*, seu *Præsul*, (qui *Melicſhâbi Filius*, in *antiquâ Linguâ* & veteribus Libris versatissimus & Doctissimus. Partem Proemii dicti Libri, aliâ occasione, superius dedimus *Persicè* & *Latine*; quo quidem modo, alia quædam ibidem Præfatoria in hoc loco mox dabuntur. Quoad hujus Operis Traductionem, consultum visum est aliquando ejus Summam dare, (omitendo prolixiores *Tautologias*, seu ejusdem materiæ in aliis verbis repetitiones,) potiùs quàm integram & justam ejusdem concinnare Translationem, quæ, hoc modo, in nimiam molem excresceret, & hunc nostrum Librum ultra destinatos limites tumefaceret; quod res nostra non patitur.

Ex Proemii Partibus quas dedimus, videri potest qualis sit Stylus, qui quidem est humilis, prout talem Materiam decet. Sed istiusmodi humilis Poesis vulgari eorum Eruditioni sat sublimis videatur; eis præsertim, quorum non est in verbis *Elegantiam*, sed in sensu *Pietatem* quærere, & præcipuè attendere ad dicti Libri Præcepta, ex sui Prophetæ Operibus petita, & (qualiscunque fuerit Stylus,) summam eorundem Auctoritatem spectare; cùm iste sit *Codex Canonum Ecclesiæ eorum*, & solâ *Fidei & Morum Regula*, quam in modernâ Linguâ *Persicâ*, sibi vulgò notâ, possident. Veteres enim Libri, ex quibus iste Codex extractus & concinnatus est, exarati sunt *Prosâ*, in *antiquâ ob-*

* I. e. *Centum Portarum*, seu Capitarum, cujus tantum Proemium & Epilogum *Persico-Latine* dedi, Curiositatis causâ: cum totum Librum eo modo dedisse in nimiam Molem excrescisset, & in nimios Sumptus exorbitasset.

soletâ Linguâ, à nemine vulgi, & à paucis Sacerdotum, benè intellectâ: adeò ut plebs, dum precibus intersunt, omnia à Sacerdote lecta non intelligant: sed libenter audiunt Sacerdotes legentes & eos officia sua docentes. Cùm itaque (ut dictum) Textus sit humilis, nos non affectavimus in Stylum sublimiorem reddere; sed potius eundem imitando (ut Interpretem oportet,) familiari & humili Phrasi usi sumus, (sicut etiam subjecta Materia religiosa deprecere videbatur,) & pleraque *κατὰ μέτρα* dedimus; ut, hac ratione, Lector putet se cum *ipsis* Magis in colloquio versari, & illos religiosè præcipientes audire.

Atqui monendum est, quòd aliquando iste Autor incautè utitur Phrasi *usque ad diem Resurrectionis*, pro *usque in æternum*: eâ enim locutione apud eum non semper strictè intelligitur illud tempus quo homines sunt resurrecturi, sed potius tempus omnium longissimum & ultimum, quando Tempus non erit ampliùs. Hoc Opus dividitur in *C Capita*, seu *C Portas*, quod itaque *سدر* *Sad-der* seu *Centiportale* vocatur. Et Autor alludens ad *Portæ* nomen, suum Opus comparat cum Urbe *Centum Portarum*, & aliquando sibi placet cum ejusmodi Metaphoricis ludendo, ut Lector ibidem videbit.

در سبب دینم Pars Proemii Melicshābi Filii, Magorum Præfulis,
 de Causâ conscribendi Librum istum. کتاب

آهی زبان مرا در بیان	O Deus, linguam meam in explicatione
روان ساز مانند آب روان	Fluentem facito, uti est aqua fluens :
که تا در راه دینم بگویم سخن	Ut in Religione dicam verbum,
کنم تازه این رازهای کهن	Antiqua hæc Arcana renovabo.
نه من از خون این راز کردم عیان	Ego à meipso hæc Arcana non observavi,
چنین بون تقدیر رسم جهان	Ut hujus Mundi mos est.
که تا که بکرمان فتادم گزار	Sed quando inopinatè in Carmaniam incidi,
مرا بون یزدی (شهریار)	Deus me perduxit ad Shabryâr,
همان شهریار که دستور بون	Eum quidem Shabryâr, qui fuit Desfâr,
دل و صدف او پر از نور بون	Cujus cor & vultus lumine plenus :
بسی علم دینم راز بر داشتی	Qui multa in Religionis scientiâ talit Secreta,
بعلم او عملها بر افراشتی	Et per scientiam suam Opera sua extulit.
بملک و خلاق بد او شهردار	Possessionibus & Moribus fuit verè Shabryâr,
بنام و نسب بون هم شهردار	[i. e. Illustris,] Nominis quoque & Prosapîæ fuit Shabryâr.
بد او دین دستور دینم اردشیر	Fuit ille in Religione sincerus Desfâr vñ Ar-
که بهرام شاهش پدر بون شیر	desfâr,
آه او دینم به را پناهی بدی	Cujus Pater fuit Bebrâm-Shâb leoninus,
بعلم و عمل پادشاهی بدی	Qui bonæ Religionis fuit Asylum,
بد او را پسر چهار در راه دینم	Scientiâ & Praxi verè Rex fuit.
همه راه دان و همه راه بینم	Is quatuor habuit filios in viâ Religionis :
یکی بون دستور دینم شهریار	Omnes erant viæ gnari & viæ perspicaces.
	Horum unus in Religione fuit Desfâr [dictus]
	Shabryâr,

Alter

فردون دكي آن رن كامگار	<i>Alter fuit Pbridûn Sapiens desiderii compas;</i>
كزو علم ددين بون آراسته	<i>A quo Religionis scientia fuit ornata,</i>
زلطف وربانش درج كاسته	<i>Ex Eloquentiâ & Linguâ ejus Diabolus labefactatus.</i>
دگر ^۱ اهل دندار اسفنددار	<i>Alius homo erat religiosus Isphendiyâr,</i>
كه اورا ديوي قرين در ديار	<i>Cui par non erat in totâ illâ regione.</i>
چو دستور دين تازه اندر سخا	<i>Qui, sicut Religionis Destâr, fuit Liberalitate excellens,</i>
سرش با مروت دلش با صفا	<i>Caput ejus civilitate, & cor ejus sinceritate pallens;</i>
دگر بون دستور بهرام شاه	<i>Alter Destâr fuit Bebrâm-Sbâb,</i>
كزو خانه ديو گشتي تباہ	<i>A quo Diaboli domus fuit destructa.</i>
دلش روشن از نور خورشيد بون	<i>Cor ejus fuit ipso Sole lucidius,</i>
بخلف وكرم همچون جمشيد بون	<i>Indole & Generositate ad instar Gjemsbid.</i>
دگر بون دستور پيژن چو ماه	<i>Alius Destâr fuit Pizben, sicut Luna [illustis,]</i>
كه اورا پدر بون بهرام شاه	<i>Cujus pater fuit Bebrâm-Sbâb,</i>
بدانش چو جاماسب پا كهره كمش	<i>Ille erat Scientiâ ad instar Gjâmasp, Religione sincerus,</i>
درخشان چو خورشيد بر اهل خوش	<i>Sicut Sol super familiam suam splendens.</i>
دگر بون دستور نوشهروان	<i>Alius Destâr fuit Nushirvan,</i>
كه دانش خداوند انوشه روان	<i>Cui Deus dedit Anûshâ-revân, seu placidum animam.</i>
شمر بون در دين بعلم وكمال	<i>Sedulus fuit in Religione, in Scientiâ & in Excellentiâ,</i>
بر آرند بوي بجاہ او جلال	<i>Et dignitati suæ afferebat honorem.</i>
دگر بون بهرام شاه جوان	<i>Alius fuit Bebrâm-Sbâb juvenis,</i>
چو دستور با موبدان وردان	<i>Qui, sicut Destâr, fuit cum Præsulibus & Sapientibus,</i>
سخن طبع خرم دل وبادگير	<i>Verborum Exemplar, bilaris Corde, & rerum memor,</i>
جوانمرد با دانش دلپذير	<i>Liberalis, cum scientiâ cor demulcente.</i>
دگر مهربان آنكه يد مهربان	<i>Alius fuit Mibrân, qui verè fuit Mibrân, seu misericors,</i>

^۱ Pro اهلوانيد اهل دندار *Homo religiosus, aliud Exemplar legit i. e. Homo revivens, vel Autor respiciendi.*

خرن منق دانا دل و کاروان	<i>Sapiens, corde sciens, negotii gnarus.</i>
دگر پیژن دیوان آن مرد نغز	<i>Alius fuit Pizben-yazad, ille homo sacerdos,</i>
که او را خبر بود از مغز مغز	<i>Qui fuit gnarus medullae medullarum:</i>
دل او رزور یقین بهره مند	<i>Cujus cor fuit certè luminis particeps,</i>
پیاکی مکانش بهشت بلند	<i>Cujus locus propter sanctitatem erat Paradisus altissimus.</i>
دگر آدر آن مرد با علم و کسب	<i>Alius fuit Adar, vir ille sciens & sedulus,</i>
بکرمی و پاکی چو آدر گشسب	<i>Generositate & Puritate sicut Adar-gushsib.</i>
همه پاکی دستور موبد تران	<i>Omnes erant sancti Desfâr, Praefulibus orti,</i>
همه پارسا مرد پاکی اعتقاد	<i>Omnes viri religiosi, sincere fidei:</i>
همه ران و دانش دل و دین پرستی	<i>Omnes erant sapientes, corde scientes, & religionem colentes.</i>
همه خوب کردار و پاکیزه دستی	<i>Omnes erant Affionibus boni, Manibus pari:</i>
همه نامبردار و دانش پژوه	<i>Omnes erant celebres, scientiam inquirentes,</i>
همه با کمال و همه با شکوه	<i>Omnes excellentiâ & gravitate praediti:</i>
همه با سخا و همه با وفا	<i>Omnes liberales & omnes promissis fiantes,</i>
همه با عطا و همه با صفا	<i>Omnes benefici & omnes civiles:</i>
همه در پی دانش از مردمی	<i>Omnes prosequentes scientiam apud homines,</i>
همه لایق خاندان محرمی	<i>Omnes digni Familiâ Principis:</i>
همه دل دشمن و همه سر قرار	<i>Omnes corde sedato & omnes capite elato,</i>
همه راه دان و همه کار ساز	<i>Omnes viarum gnari, & in negotio faciendo gnari,</i>
همه کار فرما همه ره نما	<i>Omnes negotia urgentes, omnes viam dirigentes,</i>
همه راست دان و همه دلکشا	<i>Omnes rellorum gnari, omnes corda aperientes:</i>
همه در راه دین خود استوار	<i>Omnes in viâ religionis suae firmi,</i>
بدین به اندر جهان کامگذار	<i>Religionis in Mundo optimae competes.</i>
بدین جمع دستور پاکیزه چون	<i>In hoc caetu fuit Desfâr sincere bonitatis,</i>
یکی مرد در خدمت آن جمله بود	<i>Vir, inquam, qui bisce omnibus minister fuit,</i>

و من داشت آدمی پیشینگان	<i>Qui in religione tenuit mores antecessorum :</i>
خدمت بد این جمله را در جهان	<i>Is, inquam, fuit omnium in hoc Mundo Minister.</i>
بدی بود آن مرد دیک اعتقاد	<i>Iste homo fuit rectæ fidei, [sc. Autor,]</i>
و بندارگی خوشتن بود شان	<i>In Pietate sua gaudens,</i>
بایران شه آن مرد مشهور بود	<i>Apud Persiæ Regem iste homo notissimus fuit,</i>
ملکشاه را در جهان پور بود	<i>Et cū Melicšâb in hoc mundo filius fuit.</i>
ولایت ارو بود فیض و من	<i>Totæ regioni ab eo fuit abundantia & suppetia,</i>
که شد سفته این گوهر بیعدون	<i>Quia infinitæ ejusmodi Margaritæ ab eo perforatæ sunt, [i. e. res subtiles factæ.]</i>
بتاریخ فوت ملک یزدجرد	<i>Fuit Episcôpûs Mortis Regis Yezdegerd,</i>
که در نامن خوشتن باکی کرد	<i>(Qui symmetis sui Unionem reddidit puram :)</i>
همی بود هصد بر او شصت و چار	<i>Fuit, inquam, 800 cum 64,</i>
اسفندارمن ماه ای کامکار	<i>Mense Ispendârmaz, 8 octi Compos !</i>
ششم روز آن روز خوردان بود	<i>Dit sexto, qui fuit Cburdâd,</i>
در این نظم جان و خره شان بود	<i>De quo de isto Poemate [scu Syntagmate] animus & intellectus gavissus est.</i>

1 Est نامن باکی *Meribus Integer*, ad verbum, *Vir puri Symmetis seu Lacinia vestis*, qui nil mali post se trahit. Præmissio Proœmio, reliqua damus Latine tantum, sequenti modo.

PORTA I.

PRæcipitur nunc, ô Vir Liberalis, Sapiens, & Beate, ut sis Zerdushti Religionis Affecta: & omni dubitatione ac fluctuatione è corde sublata, oportet sequi Religionem tū Espintamân; quia ad Zeratûsbutum venit pro certo, Hanc esse omnium Religionum Optimam. Nam omnia quæ dixi sunt certè vera, & hæc est Religio quam Deus misit. Et quando homines in hanc Religionem credunt, omnibus dubiis sepositis, quæcunque Merita in VII terræ Climatibus homines habuerint, (cum omnibus particulis quas fecerint,) omnes sigillatim talium Renumerationem invenient; nam sic est Mandatum Justissimi-Dei, ut omnes secundum Opera sua, bona

bona aut mala, judicentur. Et quando quarto mane ventum erit ad Pontem Tchînaver, ibi Mibr-Izàd & Reshn-Izàd computabunt quid fecerit, omnesque ejus Di<iones in Bilancibus justiti&e & æquitatis ponderabunt: quòd si ejus Merita Peccatis præponderaverint, ad Paradisum iturus erit, ubi Anima ejus cum Bonis ac Beatis in Luce habitabit. At si de istâ Religione dubitaverit, nulla Meritorum ejus Ratio habebitur, nec quicquam ei proderunt. H&ec enim Religio nullam admittit dubitationem, sed requirit fiduciam & certitudinem, qu&e colentis Animam à Tormento Gebenn&e liberabunt, nec à Diabolo timendi locus relinquetur: nam quando aliquis certior factus est hanc esse Religionem optimam, exeunte Dubitatione, intrat Certitudo.

P O R T A I I.

O*Mnibus Bonis præcipitur cavere à Peccatis, etiam parvis: in hac enim Religione, si Peccatis Merita, vel minimum, præponderaverint, Paradisum obtinebit, ubi æternum manebit. Si autem Peccata fuerint numerosiora, certissime in Infernum præcipitabitur, ubi æternum detinebitur. Ideòque si vel minimum Peccatum voluerit se insinuare, contra illud pro virili contende; ut, si Merita tua fuerint plura, in Paradiso locum obtineas æternum.*

P O R T A I I I.

O*Portet nosse teipsum & in a<iones tuas insinuare: nam quicumque bono opere occupatur, Diabolus ab ipso amovebitur. Inutilia facere, est nil nisi otiosi; unde proveniet tantum Imminutio & Deterioritas. Ex hac enim Religione constat, quòd qui bonum Opus aggreditur, quamvis interim Molestiam comperiat, tamen ex eo tandem uberiores Mercedem reportabit, multum Luminis sentiet, & Meritorum Præmio ditior evadet. Si autem [mala] Opera sua non reliquerit, Difficultatem & Molestiam percipiet multam; cum P&ena futura sit Portio ejus, & vanum Opus M&ulta illius. Sin absque Operibus suis [sc. peccaminosis] ambulaverit, meliora Opera coram Oculis suis ponendo, quamvis ejus Opes depr&edaverint ipsumque in vi&e occiderint, nihilominus Paradisus*
L 11
indubi-

450 VETERUM PERSARUM EORUMQUE

indubitanter erit Locus ejus. In Paradiso remunerabitur quadrupliciter, & multum in se Meritum reperiet apud Dominum suum: ipse enim, à Peccato purificatus, habebit Merita ei attestantia. At è contra, si ad Res vanas instituerit Iter, illum trucidantes, auferent omnes Opes & Pecuniam: in illo Mundo illius Opus destruetur, ex Operibus suis Vultus ejus denigrabitur: & Bona ac Pecunia, ab eo ablata, erunt quasi ea abstulissent Egeni, & quasi injuriosè aliquem occiderat: sic illius miseri res reputabitur. Pro Quantitate Substantiæ suæ punietur, Molestiæ & Miseriæ Pœnam feret: in Gebennâ erit Locus ejus usque ad Resurrectionem [seu in æternum,] nec inde evadendi facultas erit.

PORTA IV.

O Portet Religiosum non desperare de Misericordiâ Dei: nam Spei Comes est Remissio, & à Remissionis Autore Ignis [zeli] eum comitabitur. Non est dicere, Multa habeo Peccata, ideòque non debeo expectare à Deo Paradisum. Nam ille est multum dans, & parum accipiens: & Deus Omnipotens Misericordiam ei faciet: ad Paradisum perducet, à Metu liberabit, ideòque noli tuam in Deo benignissimo Spem præscindere. Nam ex nostrâ Religione constat, quòd, certo quodam die, Zeratusht Soliloquia cum Deo habuit: in Colloquium itaque cum Deo veniens, ex improvviso vidit aliquem cujus corpus erat in Gebenna; Rogatu autem, Pes ejus dexter è Gebennâ exemptus est. Zeratusht itaque interrogavit, ó Creator, quisnam est iste Vir pedibus-debilitatus? Deus ei respondit, Ille est quidam Rex, qui XXXIII urbibus præfuit: multos quidem annos regnavit, sed opus aliquod bonum nunquam fecit in toto Mundo: nam præter Oppressionem, & Injustitiam, & Injuriam, & Violentiam, ei in Mundo non fuit nec plus nec minus: namque multum dolorem & molestiam ab eo passi sunt homines, & sic ille mansit in Palatio Mansionis suæ. Quodam verò die in Itinere vidit ovem ligatam, à quâ pabulum fuit longiusculè remotum; ille autem pede feriens, illud propius admovit. In hujus rei compensationem, unus ejus pes est in littore, & reliqua ejus membra in Gebennâ. Bonum itaque annitere, absque Metu & Timore, nam certè Deus est benignus & misericors.

PORTA

P O R T A V.

O Portet homines religiosos anniti ut festinent & quæritent Occasionem Intercessionis faciendæ, cum sciant tandem moriendum esse. Nam, hac ratione, quisque præstabit Eleemosynam: & qui hoc facit verè Vir est, cum in nostrâ Religione nihil plus meriti in se habeat. Quamvis enim vir bonus multum Meriti habuerit, & tamen non præstiterit ullas Eleemosynas, utique Gherûtaman [Angelus] non intuebitur Intentionem ejus, cum non fecerit opus Eleemosynarum. Si propriâ manu hoc opus non præstiterit, id alicui Bono faciendum commendet: nam si necessariò debet hunc Mundum emere; hoc præcipiat, & à Deo inveniet Incrementum. Quando autem iste homo ipse facit Eleemosynas opus suum, tum scito illum hoc opus reverà fecisse illâ vice. Hoc opus tam Viris quàm Fæminis necessarium est, ut ex eo Paradisi Meritum accipiant: nec oportet hoc opus præstare negligenter, nam præcipuum meritum habet in hac Religione verissimâ. Et cum aliquis justè præstiterit Eleemosynas, & fecerit hujus Mundi Emptionem, [Angeli] Animam ejus ter ferent ad Paradisum, quem, ut locum ejus, ei tradent, eique Virgines Paradiseas largientur. Ob quàm felix is est cui talis Natura! [sc. cui taliter prospectum est!] Eum rursus ferent in hunc Mundum, ibi multâ Latitiâ & Felicitate fruiturus erit. Hujusmodi erit Vicissitudo Temporum ex Intercessione, ut sc. inde locum in Paradiso inveniant. At quando aliquis non facit Eleemosynas, tum peregrinus erit in Civitate [Dei,] nec commodum locum in eâ Civitate reperiet, sed ibidem manebit omninò attonitus: nam quamvis ea Urbs sit amœnissima & clarissima, is tamen erit cum Molestiâ & Miseriâ: nec propter quodvis meritum suum inveniet [ibi commodum] locum, nisi per Intercessionem & Eleemosynas: nam pro Animâ omninò necessarium est præstare Eleemosynas, quia, hac ratione, erit Requies Animæ ejus, sicut præcipiunt [i. e. ajunt] Religiosi.

P O R T A VI.

O Portet [homines] facere Bona-Opera, ut tandem inveniant Mercedem & Bonum præcelsum: nam si non curant Bona-Opera facere, semper manebunt in Ponte Tchînavar, & malâ pœnâ mulctati, ibi erunt alligati in æternum, [sc. in transitu præpediti.] Memento hæc Bona-Opera præcipuè esse Sex, in quibus lætabundum sit Cor tuum. I, Horum unum est tà Ghabanbârbâ [seu Creationis Tempora] observare: II, Secundum est tà Phervardagbân [seu Appendicum Festa] celebrare: III, Tertium est Animæ Patris & Matris & aliorum Propinquorum (si aliqui sint) meminisse [in Aphrina-ghân:] IV, Quartum est Solem celebrare ter quovis die: V, Lunæ Celebrationem facere ter quovis mense, Initio, & Medio, & Fine; sc. Initio, quamprimùm eam videris in Cælo, & Nocte decimaquartâ, & Fine, quando attenuata ferè latet: VI, Sextum est ut semul quovis anno proficiscaris [seu Peregrinationem suscipias ad Metropolitanam Ecclesiam] ad Intercessionem faciendum. Qui prætendunt nescire hoc modo pro se Intercessionem facere [seu supplicare,] sciant hoc Præceptum esse secundùm viam Justitiæ & Religionis. Sic enim dicit quisvis doctus [seu versatus] in Libris Pâzend & Zend; discant ut pro se Intercessionem faciant. Hæc Sex tam Viris quàm Fæminis præcipiuntur, nec quisquam ab eis exemptus est. Si pro te non feceris, nec transibis [Pontem,] nec possibile erit ut ad eam propè accedas. Id non potest esse. Si autem hoc à te profectum fuerit, per Absolutionem transiturus sis. Hæc neglexisse, scito esse Crimen & Peccatum grande: tu etiam in Ponte detineberis, nec Remissionem ibi invenies; nec percipies merita, nec quodvis bonum, nisi propter hæc Sex; nec à supplicio eximeris, quamvis Merita habueris Ducenta. Ideoque contende ut hæc facias, nec in eis remissus esto. Hæc, inquam, præsta, ô Cordate, nam ex eis invenies magnam Mercedem: in horum Meritorum Retributionem invenies Paradisum, per Pontem transibis ut Ventus per Sata; & pro horum sex Bonorum-operum singulis invenies Mercedem copiosam. [In VII^o, statuit Sternutationem esse Bellum Naturæ cum Diabolo, quem sternutando expellit Natura.]

P O R T A

P O R T A V I I .

O Portet pro quovis Sternutante recitare semel unum *Abúnavar* & unum *Ashím* vubú: *bas*, inquam, duas voces recita, ut Paradisum invenias, & à malo libereris; ut per hæc duo Verba expellas Morbos quos Diabolus in Corpore humano locum habere affert. Scito enim, quòd sit in Corpore Ignis quidam, Perficè dictus *Tchébra*, Arabicè *Tabiát* & *Garízi*, [i. e. Natura.] Quando iste Ignis, ex mandato Domini-Altoris, Bellum gerit cum Diabolo, eum bellando è corpore expellit; & hac ratione, fugato Diabolo, ex Sternutatione Corpus sanum evadit. Ideòque, aliquo sternutante, dicito *Yatá abú*, (al. *Abúnavar*,) & *Ashím*, & Preces funde, ut diu & serò maneat [seu vivas,] Dæmonémque fuges. In hoc etiam Opere, coram Igne Preces fundito, ut corpus à Diabolo liberum sit & lætum. Superveniente itaque [alicui] Sternutatione, Benedicito, (tu qui Paradiso vicinus es,) ut Natura in tuo corpore non fiat Diabolus, nec Cordi tuo lucido Tristitia eveniat. [In VIII^o jubetur non facere aliquid à Superintendente prohibitum: & Decimas ei solvere.]

P O R T A V I I I .

EX Religionis Principiis manifestum est, quòd oporteat *Destúr* [seu Superintendenti] suam Superintendentiam [seu Autoritatem] concedere, nec à Mandato ejus recedere, quippe qui sit Religionis Ornamentum & Decus. Nam quamvis Bona-opera habueris innumerabilia, sicut Arborum Folia & Arena mobilis, sicut Pluviarum Guttæ & Cælorum Stellæ, si tamen *Destúro* non sunt accepta, nihil ex eis lucraberis: si *Destúr* non sit de te contentus, nihil in hoc Mundo laudis reportabis. Ideòque ex omnibus quæ habes, ó Fili, (sc. *دراهم* Bono, & *مال* Opibus, & *دينار* Aureis, & *دراهم* Pecuniâ,) Portionem decimalem dabis *Destúro*, quippe qui in viâ rectâ insistat. *Destúro* itaque Decimas dato, Tu qui Paradiso frui cupis æternum. Nam si *Destúr* de te contentus est, scito tuum fore Paradisum: si autem *Destúr* non fuerit contentus, nec tu eris Particeps Beneficii Bonorum-operum tuorum; ad Paradisum Anima tua Viam non inveniet, cum Angelis tibi non erit locus; nec Anima tua à Diabolis liberabitur, sed locus in *Gebennâ* erit æternum. Decimas autem dando, de te erunt contenti, & Anima tua sine Morâ in Paradiso erit. *Destúri* enim omnium Religionem noverunt, omnes res sciunt, & omnes Homines liberant.

P O R T A

PORTA IX.

Vetita est Perpetratio Pædicationis [seu Buggerationis,] quamvis vel semel tantum id Facinus perpetraturus sis. Et præter eum, alter qui in hoc Facinore occupatus fuerit, quamvis conductitius, is Cinædus fit. In tota Religione, aliquid Peccato hoc majus non est prohibitum; idcirco quicumque Religiosus es, ab eo caveto: nam omnium Peccatorum præcipuum est hoc opus malum: Bipennem [seu Securi] in pedem ne allidas, ó vir bone! Si quis hoc Peccatum commiserit, duas personas eodem Crimine vitiatas involvit: quicumque, vel Sagittâ, vel Ense, vel Pugno, vel Calcaneo, utramque interfecerit, non erit ei malum nec peccatum. Ventrem ejus laceret, si tunc non sit alius Peccati ejus Vindex. Quemcumque enim ob Peccatum Neci tradituri sunt, vel per potestatem Destûri Desturorum, vel per Mandatum Regis, oportet eum in Mundo [i. e. judicialiter] occidere; exceptis duobus istis infaustis qui perpetrant hoc scædum Pædicatorum Scelus, quibusvis Diaboli Operibus par, [qui in ipso facto occidendi sunt.] Ejusmodi spurca fecerunt Aþbrâsyâb & Dabbâk pessimus, & Tûr-Brâtur (al. Tûri-Brâtrush seu — tresh,) spurcus ille & obscænus, qui trucidavit Zerdushtum in illâ Religione in quâ fuerat ei Zelus, & cui is erat Sustentaculum. Aliâ vice extitit Malcâs, propter cujus Præstigia Mundus fuit submersus: postea Sarûregb, à quo (Tempore Sâm) Mundus Oppressionem & Injuriam passus est. Sed Peccatis quatuor istorum, suo Tempore impurissimorum, pejor est Pæderastia [seu Pædication,] & Gberûtamân eos propterea puniet: nam propter hoc vexantur Angeli. Ita dixit Destûr doctissimus; Pædicator certè est extra se: si aliquis Deicola in eo opere semel Aëtor fuerit, propter hoc à Gehennâ non liberabitur, nec faciem Paradisi intuebitur. Quando ex Corruptelâ ejusmodi opus faciunt, nec Deus, nec Angeli, nec Aqua, nec Ignis, inde bilares sunt, sed à tam malo Facinore prorsus dolent. Omni homini beato, & omni rei quam Deus in Mundum introduxit, Molestia est & Difficultas est propter hoc opus quod in Spurcitie desinit. Et, si quidem cum Fæminis hoc opus faciunt, perinde malum est. Cave itaque ab hoc Opere Diabolico, quicumque es qui ad Paradisi Rosarium contendis.

PORTA

P O R T A X.

Praeceptum hoc est in omni sua viâ tam Viris quam Faeminis religiosi incumbens, alligare Cingulum, & praestare Elcemosynas: nam alligare Cûsti [seu Cingulum] etiam dictum Camâr, est Praeceptum Dei, cum sit Signum obedientiae erga Creatorem. Cingulum fuit Gjemsbîdi Institutum, quo omnes Dæmones fugavit: fuit enim ex ejus Cingulo & Clûra [seu Illuminatione] quod evacuata fuerint Opera Diabolorum: nam quicumque Cingulo ditatus est, ex dimidiâ-potestate Diaboli evasit, & in dimidiam-potestatem Dei positus est. Ipse in Avorum Religionem credet: & qui Cingulo medium cingit, si praeterea nullum aliud in Mundo bonum Opus habet, is tamen de omnibus septem Terræ Climatum meritis [seu Bonis-operibus] particeps erit in viâ Religionis. Ita res se habet, ut cum eum confortantes sint [Angeli,] beatum reddentes, & de eo placati, tum Merita habebit in Irân-vîgj, & in Ghangh-dîz, & in Kesbmîr, & in Gjamghêrd, & in omnibus Mercedis & Praemii locis: omnia ista cum Mundo [forte legendum cum Cingulo] sibi alligabit. Quando alligas Cingulum medio, à religiosi erit Abundantia tua centies millies [multiplicata.] Si autem Medium tuum non fuerit Cingulo cinctum, tua à Religiosi Vicinitas [seu conjunctio] alienata erit. Ne itaque solvas à Medio tuo Cingulum, quia à tuo in Religione Consorte invenies Merita etiam persoluta: nihil enim in tuo Religionis Consorte melius est, quam ut invenias in eo Praemium tale, quod sit Praemium pro aliis etiam hominibus [sufficiens,] adeo ut Tu, sine operibus, etiam particeps fias de illo. In Cingulo ideo quatuor adhibeantur Nodi, quorum quisque aliquid significat. Ex primo scias primum, Dominum tuum esse Unum, Sanctum, cui non est Compar; est etiam Dominus Potentiae & Glorïae. Secundus Nodus testatur existentiam bonae Religionis, de quâ ex Mazdiyâsenân non est Scrupulus nec Dubium quin vera sit. Tertius Nodus Animo tuo testatur quod Viâ Dux fuit Zerâtusht Espintamân, qui Domini Legatus [seu Missus] & Propheta, qui nobis fuit Viâ Dux, & Viam Dei colens. Quartus Nodus est quo quis secum Animo hoc concipit, [viz.] Bonum faciam quantum potero: Bonum, inquam, faciam, & Bonum cogitabo, & à quovis Malo, quantum possum, fugiam: hæc erit bona mea Religio, & ab hac bonâ rectâque Religione non divertam. Isphendârmaz fuit ex Angelis qui apparuerunt Regi Manûtchehr, qui observavit illos Sapientiâ exccl-

excellentes, fuisse omnes Cingulo cinctos medio. Zerâtusht quoque Oculo Certitudinis vidit Angelos eodem modo se habuisse. De Anirân si nihil nôsti, dicam, ut de eis Informationem invenias: Anirân quidem Cingulo non cinctus est propter Justitiam; sed Irân se cinxit propter Vultûs Apertionem [liberiores], sicuti Boni & Sancti, & in Religione Beati, cinxerunt Cingulum, de Viâ suâ certi, [& non dubitantes.] v. Cap. XVII.

P O R T A X I.

O Portet benè curare Ignem propter Justitiam [seu Conscientiam:] annitere ut Ignis non moriatur, quia is est tibi quasi Anima. Pollutum & spurcum in eo ne comburas, nec relinquo tale quid in Campis prope eum intra III Passus; & in domo Ignem fideliter curando, ne relinquo in eo spinas & quisquilias: & tunc septem Climates Terræ Ignis erit amicus & certissimè contentus: & quando petendam habes aliquam Petitionem aut Desiderium, tum Necessitas tua censebitur licita, absque ullâ Negatione. Quando autem Ignem in Sacro-Foco non benè servas, nec ab Igne anhelitum prohibitum avertis, tunc Ignis VII Climates Terræ [seu totius Orbis] non erit tibi amicus; nec ullum Desiderium & Petitionem petes, nisi quæ cadet & non consistet. Si Ignem tuum non curas in superiori-Tabulato, sed finis mori, sicut super Lapide duro, non poteris hoc expiare si ex Lucro tuo miseris C Dinâr [seu Aureos] ad Adurgushâsp: illud non erit acceptum Iudici, nec peccatum à te expiabitur. Nam Deus-Justus dedit Potestatem Clavium Paradisi τῶ Erdibehisht: ei, inquam, talem fecit Paradisi Potestatem, [viz.] Si de alicujus Religione non es contentus [sc. si de eo non erit tibi satisfactum,] eum ne relinquo circa Paradisum, qui Ignis mei curam ipse dereliquit. Fæminis etiam quæ non habent Custodiæ Reverentiam, Onus [seu Partus] earum, Dei mandato, peribit abortu: Liberi ex eis in existentiam non venient, nec filius ullus: nam sanè Ignis qui moritur, veneratione non adhibetâ, sed eum honorare negligitur, est sicut Rex cui non exhibetur Honos, nec Verbis ejus Reverentia. Si in aliquâ domo Ignis moritur, eidem domo eveniet Detrimentum: pro mulctâ solventur, vel Tres Dirêm, vel saltem Duo Dângb. Adverte hoc si aliquid evenit tibi quando emoritur Ignis tuus, ne fortè undequaque aliquid [pejus] eveniat.

P O R T A

P O R T A X I I .

P Ræcipitur non facere Involucrum-linteum cadaverale quod sit novum, nec aliquo modo inquinatum; quia Zerdusht contrarium præcepit, auribus meis audientibus: sed sit vetustum, tritum, & benè lotum: Involucrum hoc modo parabis, ne tibi eveniat Pavor. Novum & bonum ad mortuum tuum ne adhibeto; sed audi ex Zend-vendîd unum verbum; sc. Si Mulier longitudinis spithamæ filum ex fiscellâ sumpserit, idque in Involucrum inseruerit, erit sicut Serpens & Vipera in Corpore ejus, & Jecori ejus æternum adhærebit: non intuebitur eam Gherûtamân, & totius Mundi Regnum erit ipsi inimicum: & vestis-oram prebendens, eam ad Gehennam deducet. Si quidem hoc [vetus Involucrum] fuerit Mane quarto, (al. Nocte quartâ,) non erit in damnum meum, sed mihi valdè lucrosus. At si vestis nova super Corpore meo fuerit, Corpus meum in Asinorum & Mulorum cibum erit: nec inde Emolumenti aut Quietis ero particeps, sed Correptio & Molestia & Retributio-mala me manebunt. Porro bonum est Cautelam adhibere ab omni cadaveroso, dum in Viâ ambulatur: nam cadaverosum evitando dum per viam discurritur, pro singulis ejusmodi gressibus Meritum attribuet Deus. Tîr (ut dicam) est Estîr; & omne Estîr est quatuor Dirém: [& quidem hæc fecisse] parit Merita τῶν MCC Dirém. Audi hoc, quia hæc Verba sunt verissima. Præceptum est anniti in Viâ Certitudinis, & hic Sermo verus est in Viâ Religionis. Hoc modo igitur facito, ut Pæna tua in Momento Resurrectionis levior sit.

P O R T A X I I I .

P Atris & Matris Animam charam habeto: & quando commodum erit Tempus, (sive sit post Mensem, sive post Annum,) pro posse tuo instruat Convivium & Epulæ diætæ Aphrînaghân, [sc. Parentalia:] nam in Religione certum est, quòd hoc præstantes futuri sint felices 900 000 99 (al. 900 000 9099) annos: [i. e. in perpetuum.] Hoc quoque faciant à longâ Viâ longoque Itinere domum redeuntes, invitando eos qui liberaliter impertiunt Portiones de Mensâ suâ. Et factis hujusmodi Convivio & Epulis, Incolarum ejusdem domûs Animæ erunt quietæ & M m m Lætitiæ

458 VETERUM PERSARUM EORUMQUE

Lætitiam agent. [Tales, inquam, Epulæ] Benedictiones etiam impertient Matrifamiliās & Patrifamiliās, & Benedictionem afferent omnibus Liberis qui eodem modo in Gaudium cedent. Si autem tales Epulas & Convivium non fecerint, in domo suā mæsti confident, ab hoc Mane ad alterius Auroræ Diem domi manebunt expectantes Solatium. Sperandum enim quòd, eos in memoriam revocando, Animas etiam suas in Gaudium adducant: at si obliviscendo non recolunt, erunt quasi obviā euntes Sagittæ in pleno cursu suo. Dicent [Parentes,] O omnipotens Deus, quare isti hoc modo negligentes sunt! Nonne sciunt beic futuram esse Habitationem suam, in hoc Regno futurum esse Locum suum! Nonne omnes multum desiderant esse in isto loco, cum in Mundo non mansurus sit aliquis! Si Tempus nostrum benè observarent, Calamitates eis non supervenirent: nos enim eis indigemus, ut ii abhinc multā Requie fruituri sint. Sed cum nostrī non meminerint, Miseria illis superventura est. Sic loquentur [Parentum Animæ] incedentes mæstæ, de domesticis suis non contentæ: huic domo abundè maledicent, nec quenquam ibi à Noxā immunem relinquent. Ideoque oportet te quovis modo conari ut de te contentæ sint Animæ Patris & Matris & Avi & Consanguineorum omnium. De te omnes sint contenti & læti, pro Familiā orantes; tibi in altero Mundo benedicentes & Deum orantes ut postea benè sit tecum; nec tibi maledicant propter Pervicaciam, ut ita tibi sit usque ad Resurrectionem, [i. e. in æternum.

PORTA XIV.

Omnibus præceptum est, Ungues suos præscindendo, [segmina] Chartæ indendo coram se collocare. Quando coram se collocârunt, recitent Vâgj, & Yatâ abû virîyu recitent pro Sanitate suâ. Ter, inquam, 6 Vir pie, recitata Yatâ abû virîyu, quâvis vice lineolam [seu circellum] circa illa [segmina] ducendo. Opus est in Aves [ne asportent] palam recitare Patîti, & quoque unum Yatâ abû virîyu & Vâgj. Et oportet ut singulis vicibus [eâdem] Forfice accipiens Terram, eam super dictos Ungues effundas. Si autem Patîti non nōsti, tum, ut Vir religiosus & prudens, recita [tantum] Vâgj rā Surûsh. Ex interiori-parte [dictarum] trium Lineolarum extra ferto Ungues, quos in aliquem Campum exportare debes: Ungues, inquam, tuos versus Montem ferto, ut à te Miseriam & Dolorem & Mærorem [etiam longè] expellas. Deus quidem creavit Aves bonas: tam Beati quàm Improbi sciunt illud recitare. Si

Si pro Unguibus non recitaveris Patiti, Aves in transitu illos Ungues vorabunt: si non recitaveris, Dæmones & Venefici illos asportabunt, & illis Unguibus Veneficia exercebunt. Præfectos itaque Ungues ne relinquo, ne facias Veneficis & Dæmonibus Convivium. Si in medium Cibi [tui] tales inciderint, aliquid Molestiæ exinde percipietur. Cave itaque, & extra domum [tuam] exporta illos, nec in hac parte deficiens eslo.

PORTA XV.

QUicquid Oculis tuis videris, Nomen Dei in illud recita [benedicendo,] præ Timore ab Irâ ejus: si, inquam, in quidvis bonum inciderit Oculus, eodem Momento Dei Nomen recitato; nam si Dei Nomen ad illud non assumpseris, & eidem Rei aliquid Damni acciderit, hac ratione, habebis Peccator & damnosus: ideoque ex Negligentiâ tuâ Injuriam tibi ne afferto.

PORTA XVI.

UBicunque fuerit Mulier prægnans, illa conetur ut Ignem perpetuo alat, inde enim Cor & Anima ejus consistet. Et quando Filius natus fuerit, tribus Nychthemeris ne extinguatur Candela: nam si aliquid Ignis in illâ domo arserit, nullum ibi Damnum eveniet. Diaboli enim & Spiritus, Puerum impetentes, non poterunt ei Damnum inferre, nec intra XV cubitos venire ut huic Fæminæ noceant. Per tres enim dies noctesque ille locus est tener, dum sc. recens est Infans & Mater febricitans. Sic enim accepi à Magistro meo, [viz.] Quod quando Zeratushti Mater cum peperit, per tres Noctes successivè, LIII Jædi Diaboli Zeratushtum impetiverunt, ei Damnum inferre volentes: Igne verò in illâ domo ardente, Damnum ei inferre non potuere: tale sc. ei Emolumentum inde fuit. Sed XL dies elapsi sunt antequam Religiosus ille à Diabolis liberari potuit. [Ignem itaque] per XL dies ne omitte, ut Gnato tuo non eveniat Incommodum. Oportet igitur Matrem non tam negligentem esse, ut pedem extra limen ponat expatiando, nec, durante illo Tempore, Montem videat: nam Campi bisce rebus incommodi sunt.

PORTA XVII.

TAM ad Religiosos-Laicos quàm ad Destitutos spectat, ut quamprimum è Lecto surrexerint, Cingulum statim induant. Cingulo enim non induto, unum Gressum prodire non debes; ne, hoc facto, teipsum in Diaboli Potestatem submisisse videaris: nam uno Gressu submisisse, Peccatum est: sed si quatuor sunt Gressus, id Excessum vocato. Sanè MCC Dirèm solvere debet qui IV gressus absque Cingulo incesseverit. Te itaque custodias à Peccato, & Cingulum adhibe ubicunque fueris: nec omnino sine Cingulo esto, id enim in hac Religione tibi disertè dico.

PORTA XVIII.

QUando scalpis Dentiscalpium [ligneum,] Corticem ab eo exime: nam si Faemina gravida pedem super talem Corticem posuerit, Periculum est quòd Fætus pereat [seu abortum patiatur.] Ideoque bonum erit si tuum Dentiscalpium alicubi absconderis.

PORTA XIX.

IN Juventute Uxorem ducere oportet: idèd tuæ Religionis Puellas [in eum finem] aggredere, quippe quæ Marito cedent sine verbo. Et quidem maturè hoc Opus facere præstat, ut possit apparere nos in eadem Religione Amicam habere: quicunque enim hoc Ritu copulari expetit, Deo conjungetur, Filium expetendo. Et quodcunque Meritum per Filios obtinetur, scito illud propter Paternitatem & Maternitatem venisse. Est enim Filius sicut Pons extremi Judicii, & hic Mundus est sicut Diversorium: cùmque nullus sit Filius, non invenient Viam per illum Pontem. Per quodvis Meritum ex Filio veniens, proficient semper usque ad Resurrectionis Diem; & cuicunque non est Filius, Pontis Beneficium ei certissimè præscindetur. Et Ponte interrupto, quomodo poterit in alterum Mundum transire? Ideoque quantacunque sint Merita ejus, citra Pontem

Pontem certissimè mansurus est, ubi cum eo numerabunt & Computum facient [Angeli Mihr-Izad & Reshn-Izad,] & sic erit usque ad Diem Resurrectionis, [sc. in æternum.] Nam omnis semper Angelus cum interrogabit, Habesne in Mundo Filium qui profit tibi? Et quando respondebit, Non, quamprimùm ab eo exiverit hoc Responsum, nihil ultra ab eo interrogabunt: sed Anima ejus in Pœnâ & Dolore manebit, eritque sicut aliquis sine Socio in Deserto dolorifico & horrendo: eritque coram eo Fluvius qui dicto Ponte sternitur; in cujus tamen medio collapsus & desolatus relictus, ad alteram Ripam trajicere non valebit. Ex alterâ Pontis Parte erit Urbs sicut Paradisus, ubi Arbores Fructu plenæ, Aquarum Fontes, & Sata: eritque Anima ejus in illam Urbem intenta, cujus tamen Particeps nunquam fiet: [cum multis ejusmodi aliis in eundem sensum, quæ itaque nunc omittuntur.]

P O R T A X X .

UT quisvis Agricola meliorem accipiat Proventum, oportet ut [dictam] Intercessionem faciat, & Cor suum in Deo lucidius reddat: & per hæc duo particeps erit boni. Agriculturæ non est (secundum nostram Religionem) aliquid par: ideoque eam benè tene, & æstima propter Excellentiam ejus. Sic dixit is qui benè novit Religionis Viam; Quicumque Arborem in terrâ plantaverit, quando crescit, dabit Fructus Portionem cuique qui libuerit Partem suam comedere: & dabit portionem illi fortunato qui talis Arboris Sationem [seu Plantationem] præcepit. Sic etiam erit in Frumenti Satione: multum enim meritum invenient in Viâ Religionis: & quicumque de tali frumento & fructu comederit, ex eo satur & contentus erit. Comestor erit de omni Bono Meritoque Particeps usque ad Diem Computationis: isque erit agnitus ab Angelis Cburdâd & Murdâd, per Mandatum Dei, à quibus ambobus [pro eo] fiet Intercessio. Hoc modo, Agricola Deo cbari sunt, & per ejus Mandatum multum æstimandi sunt.

P O R T A

PORTA XXI.

Religiosis incumbit diligenter Operam dare Religioni: & Religionis causâ, quovis edendi Tempore oportet Fideles pascere, eos, inquam, qui boni & pii sunt, non autem vitiosos; nam in Religione verum est, Si pascis Esurientes, Pietatis causâ, hoc modo multum Meritum reportabis; modò boni nominis fuerint, non autem Peccatores, qui de cibo tuo comederint. Similiter, si alicui pauxillum Aquæ dederis ad exstinguendum Sitim ejus, tu exinde bonum percepturus eris: nam quicquid boni Operis aliquis præstiterit, ille postea meriti ejusdem Particeps erit.

PORTA XXII.

Quandocunque aliquis Panem comesturus est, oportet eum recitare Vâgj. Et quoad Aphrinaghân [seu Parentalia] ut ex eis quisque Benedictionem reportare queat, Religiosi dicunt, Quòd quando aliquis ex Religione instruxerit Convivium dictum Aphrinaghân, tum oportet eum Deo adhibere Vâgj. Dum verò Convivio intersunt confidentes, ab omni Discursu Labia sua continere debent. A Deo enim unus Angelus à dextrâ stat, à sinistrâ verò alius, sc. aliquis Diabolus pessimus: & quidem Sapientes credunt, Quòd si aliquis, inter edendum Panem, verbum protulerit, Angelus hoc audiens abibit, inque ejus locum succedet aliquis Diabolus, à quo in tali Convivio procedet Dolus [seu Deceptio, sc. Dissidium.] Quapropter Regula est (quod in Religione planum) ut, tali Tempore, in Aphrinaghân quicumque Verbum protulerit, teneatur dare Cibum; & hac ratione habebitur illius Mensæ Dominus, & totius Expensæ τῶν Aphrinaghân Mulctam dabit: sic enim res est, & insuper aliud de novo Convivium parabit. Sic nempe est in Religione nostrâ; ubi de isto Convivio in Libro Zend-Vendîd dicitur, Quòd quicumque verbum ibi protulerit, is certissimè Angelis Paradiseis Offensionem dabit, æquè ac si cadaverosa coram se habuerit: Tu itaque Paradiscos offendere noli. Cui ante Convivium non vacat Intercessionem facere, is, Pietatis causâ, adbibeat tantum Vâgj: item adbibetur Yatâ Adiyazamîd, & Ashîm vubû recitetur ter. Et quicumque Panem, Necessitatis causâ, comedit, si sic fecerit exaltabitur.

tur. Os quoque lavetur, in quo faciendo, recitet *Ashim vubû* quater, *Yatâ abû virîyu* bis: & hoc modo à Deo amplam reportabit Mercedem, pro omni re, quam Deus creavit, Laudes reddendo: nempe pro quâvis *Buccellâ* quam aliquis hoc modo comedit cum *Vâgj* [seu Gratiarum Actione, & Mensæ Benedictione,] is à *Churdâd* & *Murdâd* Benedictionem reportabit. [Angeli] ei acclamabunt, *Benè habeto*, ex istiusmodi *Buccellis* Prudentiam & Intellectum reportabis. Si verò, absque præmisso *Vâgj*, cibum comederis, ista omnia desiderabilia tibi erunt vetita.

P O R T A X X I I I .

SI bonum facturus es Pauperibus & Egenis, ut sis Dives, Intercessione id petere præstat. Dato Decimas, ut Portionem Præsulum, & pro Præsule Conatum ostende & semper studeto. Et tu semper, Dei causâ, cuius digno facere debes Mutuum: sic enim in Libro *Zend-Hâducbt* dicitur; Quicumque Mutuum fecerit [seu mutuò dederit,] si hoc modo aliquid pro Co-fideli susceperit, illudque citò coram adduxerit [seu ad effectum perduxerit,] quicquid bocce Conatu reportaverit, ei erit perinde ac si ex proprio Lucro [seu labore,] suo illud reportaverat: eritque in Paradiso Computus ejus talis, ut si dimidium ejus sit, [sufficiat.] Cùmque ab hominibus rationem requisiverit Ille Infinitus [sc. Deus,] tum ipse Operis sui Mercedem reperiet.

P O R T A X X I V .

CAvendum tibi à Peccatis tuis. Custodi teipsum à Reatu Peccati, peculiariter eo die quo erunt tibi in Mensâ Carnes & Cibi qui Nutritionis eminentiorem Gradum habent: ne cùm comederis & Peccatum perpetraveris, Conditio tua statim degeneret. Id quod in Bruto Animali est tantum offensio, in Te est Peccatum contra Corpus & Animam tuam: uti quando Equus in aliquem calcitrât, & Bos cornupetit, aut Camelus Iælum impingit; talia in Te pro Peccatis habentur, quia comedisti Carnem, & Peccatum commisisti. [In XXV, prohibetur Jejunium à Cibo: sed jejunandum est à Peccato.]

P O R T A

PORTA XXV.

CAvendum est tibi à Jejunio: nam à Mane ad Vesperam nihil comedere, non est bonum in Religione nostrâ. Nobis quidem tale est Jejunium singulis Mensibus & Annis, sc. ut non sit nobis vel minimum Peccatum. Quando alii solent jejunare, ita est ut non soleant cuiusvis Prandio præmittere Jentaculum: sed nostrum Jejunium in hoc situm est, ne in Membris nostris superveniat aliquid Peccati. Annitendum est ne Manibus, aut Oculis, aut Linguâ, sit aliquid Peccati quod nobis damnum afferat. Quovis Anno sinus cauti, ut propter hujusmodi Jejunium nobis sit in Corde Gaudium. Quicumque vult ab edendo sibi cavere, mea sententia est, ut potius à Peccato & Concupiscentiâ abstineat.

PORTA XXVI.

UT Conditio cujusvis felicior sit, oportet ut in Pueritiâ ei detur Expiationis Parâbûm, i.e. Baptismus; ut ita ex tali Expiatione, per τὴν Hûm factâ, lætior evadat. Si aliquis sic fecerit, habebitur prudens, & intelligens, & rerum faciendarum gnarus, & in hoc Mundo vir multum sciens. Adversitatibus & Morbis non erit obnoxius; & ubicunque fuerit, ab omnibus honorabitur. At si Baptismo non fuerit expiatus, aut id parcè factum, acceptâ Aquâ, τὴν Uruârân & τὴν Hûm contundendo exprime, & accipe in Ligno [Cavo;] sub eâ conditione, ut super eo recites Yatâ abû virîyu, quod ei adbibear, quia sanctum est & bonum. Tum postea des ei Lac ut bibat, ut hoc opere sapiens & prudens evadat. Hæc ne negligas, ut accipias Remunerationem ab Altore [seu Domino] tuo.

PORTA

PORTA XXVII.

CUbitum eundo, oportet ut semel recites *Yatâ abû virîyu*, item *Ashîm vubû* semel: est quoque bonum recitare *Pitûst* [seu Precationem pœnitentialem:] & quando aliquis dixerit, *Ebeu pœnitens sum Pœnitentiali*, tum *Rosa Lætitiae Cordis* ejus florebit. Ab omni *Diçto* & *Facto* meo, & ab omni re quæ mihi in mentem venit (quæ tibi non placet) fugio, & *diçtâ Pitûst* sum pœnitens. Quando cum his *Diçtis* incipis dormire, cum *Bonis* & *Sanctis* accipies *Mercedem*: & omnium bonorum operum, quæ eadem nocte fecerint *Religiosi*, tu certissimè *Particeps* eris: pro quovis tuo *Halitu* erunt tibi *Merita Ponderis trium Dirém*. Dum à latere ad latus te volvis in lecto, semel [saltem] recita *Ashîm vubû*, quod erit [melius] quàm, alio Tempore, *Decies millies* idem *Ashîm vubû* recitasse. Quando etiam surgis à Somno, si dixeris *Ashîm*, erit tibi, præ Bonitate, ad instar *Meritorum 100 000*. Cum itaque res sic se habeat, ad hoc annitere, ut à *Magnatibus Religionis* bonam *Mercedem* invenias.

PORTA XXVIII.

POSTquam feceris cum aliquo *Paçtum*, ne esto de hoc turbatus, sed annitere ut id *Paçtum* tuum fideliter præstes: si enim *Promissum* violaveris, *Molestiam* senties, cum hoc in *Religione* platum sit, sc. quòd oportet neminem animi causâ mentiri. In hoc negotio ne facias ut intersit *Mibr-durûgj*, [sc. malus Angelus,] quia *Mibr-durûgj* in *Religione* non est bonus. Cum facis interesse *Mibr-durûgj*, eris *Miser* & *Infelix* in utroque *Mundo*. Cum quocunque itaque feceris *Paçtum*, id ne frangas. — Nec putes tecum dicere, *Quamvis Paçtum* fregero, id tamen non erit mihi *Peccatum*: & siue sit cum aliquo in *Religione* nostrâ, siue extra eam, res perinde est. Quando aliquis interesse fecerit *Mibr-durûgj*, quamprimum *Sol* ei affulserit è cælo, tum à *Mibr-Izad* [seu bono Angelo] erit ei *Maledictio* severa, eique mala erit *Sors* propter factum *Promissis* contrarium.

PORTA XXIX.

Dixit Sapiens; In hoc capite sensus Margaritas perforat, ut sc. quando aliquis est XV annorum, patefaciant ei Religionis Viam; ut propter ejus Sapientiam, aliquis ex Angelis in eo Asylum capiat, [sc. ejus Tutelam suscipiat.] Edoctus sit ab aliquo Erudito & Gnaro Mûbad, aut Destûr, purioris Sapientiae & Scientiae: cuius enim præstat Destûrum amplecti, ne ex Actionibus suis incurrat Incommodum: ut, si ad Limen ejus accesserint Angeli, ad eos flectet se cor illius; & si ab eo aliquid petierint aut desideraverint, ab illo Limine salvus evadat, Gaudium inveniat, & exinde Felicitatem videat, & ab illo Limine liberetur certissime. Si ad eum venerit aliqua difficilis Quæstio Sapientum, à docto Destûro inquirat, ejusque in eâ Directionem petat, & in tali Directione [seu Conductu] lætus evadat. Et, quando ei occurrit Conveniens [seu necessarium aliquid faciendum,] quod tamen videtur non decere, [seu in quo tamen aliquam Inconvenientiam percipit,] doctum consulat Destûrum qui illius miserationem habebit: & si is ei dixerit ut sic faciat, à Præcepto ejus nunquam recedat. Nec potest transgredi Mandatum ejus, cum Complacencia hujus sit Medela illius: nam cum Destûr de aliquo contentus est, Deus item de eo contentus erit: siquidem Contentatio Animæ sit Religionis Præsul, ut is contentus sit qui Animas beans. Nam in Religione clarum est, quod Destûri [seu Præsulis] Mandatum est ut Mandatum Domini; quia si aliquis vexaverit Præsulem, Deus etiam in eundem offendetur. Adeo ut, si infinitum habuerit meritum, & tamen de eo non contentus sit Destûr, nec pacificatus, non erit Animæ ejus nec Color nec Odor. Sic enim est Destûr apud Deum gradus [seu honos,] ut si unam tertiam-partem Peccati alicui condonaverit, nullum erit eidem personæ Suspirium [seu Sollicitudo:] nam Deus etiam condonabit, & ad Paradisum eum certissime ferent [Angeli] absque ulteriori Computo. Non inveniet Supplicium nec Retributionem malam, sed Anima ejus per Destûrum inveniet Illuminationem.

PORTA

P O R T A X X X .

QUando evenit tibi Opus aliquod perplexum, ut nescias an Meritum sit vel Peccatum, & in eo sit tibi aliquod dubium, oportet illud dimittere donec à Destûro inquisiveris. Nam in Religione certum est, Deum ex abscondito dixisse hoc Zertushto, sc. Opus quod non noveris an Meritum sit vel Peccatum, id ne facito; & cum id non sit probè intellectum, illud ne ambito. Interrogato & scito, & deinde facito: sed non interrogatum, id omninò ne facito.

P O R T A X X X I .

QUando aliquod tibi occurrit Negotium, quære à Magnatibus illius temporis: cum Destûro tuo, vel cum Sacerdotibus, consilium inito, & hoc modo recrea animum tuum. Nec opus aliquod tuo Consilio agas, sed per Consilium Destûri sapientis agito. Hoc enim dixit Religionis peritus, sc. quòd Deus Zertushto hoc ipsum dixerit; Quandocunque aliquod Opus aggredieris, illud inspice, Animum intende, & Sapientiam adhibe: dic ut alicui perito rem impertiant, & talem lectissimum hominem inquirant atque interrogent; ne fortè Abraman aliquem in aliquam malam viam seducat, & inde ejus Prudentia damnum inveniat. Nam quando [Rex] Mansitchebr vidit Spbendârmaz, ab Angelis bujusmodi Monitum audivit; Quamvis Culter sit tibi acutus, ne tamen omittas adhibere Limam [seu Cotem,] & quamvis Equus tuus sit velociter incedens, Scuticam ab eo haud procul amoveas: [& pari ratione] quamvis Scientia tua sit prudens & intelligens, tamen necesse est tibi adhibere Consilium.

PORTA XXXII.

QUando aliquis Vir doctus addiscit Librum Avestâ, oportet eum imprimis curare ut eundem addiscat rectis verbis: lentè quoque addiscat, [non raptim & cursoriè,] ut id faciendo, Cor ejus accendatur. Conetur etiam hocque annitetur, ut cùm didicerit Librum Vestâ, eum totum integrumque in Memoriam retineat: & perpetuò legendo [seu recitando,] Intellectum suum efficiat lætum [seu lubentem,] ne fortè Oblivioni dando è Memoriam excidat. Ille enim Religiosus ita dixit; Quòd quicumque didicerit Librum Vestâ, & deinde ejusdem obliviscendo è memoriam excidere eum siverit, Justus ille Potens [sc. Deus] de eo non lætabitur: nam Deus Zelotypus, totâ Mundi Divini Latitudine, eum à Paradiso procul amovebit. Quicumque primo die quo Cor ejus incaluerit, Librum Vestâ didicerit, & deinde ejus oblitus fuerit eumque dimiserit, illud Opus non factum putet. Nam donec rursus Vestâ didicerit, nemo debet relinquere eum in medio Congregationis. At si propter panis insectationem verba fecerit, eum sicut Anchoram coram se emittat.

PORTA XXXIII.

QUando aliquis Liberalitatem exercet, id faciat erga Dignos. Erga Dignos liberalis sit quisque ex Justitiâ [seu Conscientiâ,] ut de eo omnes contenti sint & læti: & ex Prudentiâ meditetur cuinam res suas det. Qui dignus, is idoneus est: & deinde accipiet res cujusvis: si dignus est, ei benefacito; si difficilis est, eum faciliorem reddito. Si autem quis nec dignus nec idoneus est, si aliquis ei det, est injustè datum: est certè futile & inutile, & eorum Animabus propterea venient C Noxæ. Indigno nil nisi Molestia & Pæna competit; Tormentorum in altero Mundo particeps erit. Quicumque Indigno aliquid dederit, est quasi perditum, nec is habebitur liberalis. [In XXXIV docetur quòd Aqua non est Noctu haurienda, nec fundenda, ne fortè inquinaveris eam.]

PORTA

PORTA XXXIV.

Discretionis causâ, Nemo debet Noctu Aquam effundere: præsertim ne effundant in Aquelem, quia id est peccare & incurrere Periculum. Utcunque tamen, siue necesse, siue non necesse sit, eam spargere [seu effundere,] ibidem recitet *Yatâ abû virîyu*. Noctu Aqua non est è puteo baurienda: at si Intentio [seu Cautio] adbibetur, baurito: quando non est Remedium [seu necesse est,] affer lucernam: Aquam è puteo baurito si sit pro cibo; & *Yatâ abû virîyu* recitato, deinde Aquam in te spargere oportet [Lustrationis ergo.] Noctu Aquam parcius bibe, ut minus sit Peccatum tuum; nec Aquam multam effunde, ne sit tibi Peccatum eodem tempore.

PORTA XXXV.

Quando Panem comedis, tres Buccellas pro Canibus sepone; & quando Panis comestus fuerit, oportet tres illas Buccellas Cani dare, & eum non verberare: quia omnium pauperum, siue per Mare, siue per Terram, nullus est Cane pauperior. Si itaque Cani Panem dederis, Meritum invenies multum. Fac itaque Merita [seu Bona Opera,] ut liber sis à Metu & Timore [de futurâ conditione tuâ.]

PORTA XXXVI.

QUI Religione sinceri sunt, Ludificationis expertes, quando percipiunt ex Gallinâ Vociferationem Galli, non debent illam Gallinam interficere, Ominis causâ, quia eam interficiendi jus nullum habent. Nam si in Gallinam fuerit rursus versa, in eam, à vociferando alligatam, prævalebit Fur. Quando autem ibi [vociferando] potentiam non habet Gallus, ut infaustissimi Furis res notas faciat, fac compares tibi alium Gallum, qui fortè sit cum Gallinâ ejusdem secreti particeps. Nam in Persiâ, si Gallina sit Gallus, ipsa infaustum Diabolum

470 VETERUM PERSARUM EORUMQUE

*bolum franget [seu pessundabit * ?] Si autem alium Gallum adhibueris in auxilium, ut cum Gallinâ consortium habeat, non erit incommodum, ut tunc ille Diabolus sit interfectus.*

PORTA XXXVII.

S*I aliquis Metu & Timore destitutus, Cadaver aliquod sub Terram condiderit, oportet quemvis Religiosum illud [eximendo] in propatulo collocare: & hoc faciendo reportabit Meritum infinitum, nec Gebennæ Supplicium subibit. Cum enim aliquis sub Terrâ condit Cadaver, Spændârmaz ob hoc offenditur. Valdè sibi tremit, ad instar ægroti, quandoquidem illi [sc. Angeli] præ solitudine suâ tremere solent. Si aliquis noverit Cadaver humatum, erit sicut Serpens & Scorpio in vestibus ejus, qui intra vestes eum mordebunt, & Corpori atque Animæ ejus Damnum afferent. Quando autem Cadaver illud humo exemerit, pro Dolo & Tristitiâ commutabitur Requies [seu Recreatio :] & hoc modo eos è vestibus eximet, & Scorpio & Serpens erunt prout desideraverit. Si hoc modo feceris, multum Meritum invenies, nec sicut tu erit aliquis in utroque Mundo.*

PORTA XXXVIII.

C*Avendum est tibi ne in hoc Mundo multa Animalia mactes. [Cave inquam] ab Animalibus, præcipuè à genere ovino, quod est hominis Initium & Ultimum: nam qui multas mactat Oves, à nemine benedicetur, sed pœnam sustinebit gravem: quilibet in talis animalis corpore Pilus erit tanquam Gladius in Animâ ejus in æternum: nam nullum animal Ove pejus est ad reportandum ex Mactatione ejus Pœnam. Quinetiam Hædum aut Agnum mactare ne tentato: ne mactes Bovem laborantem [seu assuefactum Agriculturæ,] nec Equum bellicum neque Gallos mactato, nec ullam avem Picam. [Quæcunque autem mactas] differentur ultra sexennalem Ætatem. Hoc autem pejus est mactare Gallum, quia sicut Abenotympanum justo tempore vociferat. Imò Gallum non vociferantem ne mactato: si au-*

* In alio Exemplari legitur, Si Gallus sit Gallina, ipse infaustum Diabolum adjurabit.

tem mactare necesse sit, Caput ejus expiare oportet: & quidem, Caput non expiatum ne comedito; nam scito hoc esse prohibitum.

PORTA XXXIX.

QUando Faciem lavas, primò *Ashîm* vultû semel recitato: deinde, Os priùs claudendo, Genas lavato. Quando vis ut Facies tua radetur, tum *Kimânâ* & *Mazdâ* recita: si enim hæc non fuerint recitata, scito Faciem non esse lavandam. Nam nec munda nec rasa habetur illa Facies: siquis sic non fecerit, non habet munditiem.

PORTA XL.

QUicumque Resipiscentiam agit inter homines, oportet eum Peccatum non habere: caveat sibi omni Mense & Anno, [i. e. semper.] Dictis & Factis suis adhibeat Ardorem, & Linguam suam avertat à Ser-mone mendaci. Bonæ sit Indolis, Animi amicabilis, Cor & Lingua recta sint eodem tempore: non faciens Scortationem, Injuriam, nec Peccatum, in Bonitatis Exemplum sit coram Populo Dei. Hoc enim in Religione nostrâ planum est, quoddam Pœnitentia ex corde facienda est. Si aliqua Cogitatio non recta se insinuaverit ex Instabilitate & Fragilitate humanâ, præceptum est omni *Destûr* [seu Præsuli] in hac Religione, ut præ *Irâ* abscindat quemvis Artum [qui offendit,] & eundem ad Canem projiciat ut comedit: & cum hunc comederit, alium Artum abscindat: aded ut tandem omnes Artus abscindat, quos extra ferens Canibus det. Et præ-ter hoc Supplicium quod heic est, centuplo pejus in altero Mundo sustinebit. Quicquid Supplicii pertulerint Incolæ *Gebennæ*, tale ibi sustinebit ille Mi-ser. Supplicium quod ibi in Fures infligunt, aut in illum qui occidit Jus-tos [seu Innocentes,] Supplicium quod in Libidinosos infligunt, idem in illum in *Gebennâ* infligent. Porro huic homini incumbit, ut sit Animo amicabili & religioso ac bono: nam aliquis sincero Vultû, sincerâ Reli-gione, & sincerâ Opinione, gratus erit Pectori Sacerdotum, & omnes *Destûri* de eo lætabuntur. *Destûro* *Desturorum* sic facere [incumbit,] nec Oportet Caput suum [detrectare.] Pœnitentia etiam est necessaria omnibus qui sunt Bonâ-Religione Deicolæ: est, inquam, Præceptum tam

Viris

Viris quàm Fæminis agere Pænitentiam dum sunt in hoc Mundo. Ideò-que quoad Fæctum qui est adhuc in ventre Puerperæ, sive Comederit Multum, sive Parum, pro illo Lacte, quod per unum annum & dimidium comederit, Computus à Puerperâ requiretur: semper itaque faciat Pænitentiam, ut omne turpe [seu malum] ab eâ Puerperâ absit. Et quando quindecim annos natus [Puer] nondum egerit Pænitentiam, ut solent Religiosi, quidvis cui Manum applicaverit (secundùm Viam Religionis nostræ) pollutum habebitur. Ab illo recedet Mentis-Illuminatio, minuetur Sanctitas, in ipsis Epulis-Nuptialibus ille erit omnino mæstus. Quicumque defunctus non egit Pænitentiam, supplicium cumularit & secum detulit: Anima ejus ibi fætebit perinde ac Cadaver Æstate per integrum mensem [jacens:] ab ejus Animâ, cùm ad Pontem-Tchînavar venerit, procedet Fætor VII Climata pervadens: ita ut neque Angeli, nec Divi Sanctissimi, ibi persistere possint; propter ejus Fæctorem non poterunt Computum facere; adeò ut Angeli dicturi sint, Avertite vos, & cùm heic adsit Anima polluta, celeriter hinc migrate. Deinde quamvis Anima ejus tunc Pænitentiam agat, tamen in Anxietate & Stupore manebit: Pænitentia enim ibi nihil prodest, nam decessit prout decessit, & erit sicut erit. Quicumque non egerit Pænitentiam, ex defectu sanctitatis, in hoc Mundo mortuus est, [sc. dum vivit:] & quamvis mille Aquis se laverit, desolatus & immundus erit in ipsâ Aquâ: nam cùm in Ossibus & Venis & Cute & Nervis Pollutio erit, quandonam abibit ab eo? An iste per Religionis Ceremonias evadet bonus? An Anima ejus ex Religione impinguabitur? An eum mundabit Aqua, cùm in ipsâ Aquâ sit Impuritas? Quicumque Pænitentiam pro se non fecerit, quidvis, ad quod apponit manum, habebitur spurcum & pollutum. De novo semper ei supervenient Retributiones malæ, Tormenta & Supplicia erunt Portio ejus: uno die tantum supplicii ei adveniet, (supplicia, inquam, infinita,) ut tot tantæque novies mille annis non adventura sint Infernalibus. [Cum multis ejusmodi aliis, in eundem sensum, à quibus hoc tempore supersedeo.]

P O R T A X L I .

QUando veniunt Pbervardaghân, quantum potes, fac Epulas & Convivium Expiationis cum Benedictione. Huic Operi assignato decem dies, ut opus gratum sit Creatori. Si quales sint Pbervardaghân non nôsti, dicam tibi Eas esse quinque beatas Sorores quæ nent & texunt & Suturas consuunt : harum una est Abûnavad, alia est Ashotvâd, tertiæ nomen est Espbintamad, quarta est Vabuckjbâter, quinta est Vabish-tûshiyûsh. In Pbervardaghân solent celebrare Apbrîmaghân, quibus Animas lætificant. Quando Anima vestitum Corporis excusserit, tum nuda erit : sed ex istis rãis quinque Vestitum reperiet, cum Mundi Creator ita ordinavit. Hisce ergò decem diebus Epulas & Convivium Expiationis facito, ut Benedictionem consequaris à Creatore, & Anima tua Stola induatur Regiâ. Domi tuæ dictum Convivium instruere melius est, cum rãis Pbervardaghân Benedictio competat : qui enim hisce diebus hoc fecerint, animæ eorum Benedictionem percipient : hinc, inquam, migrantes talem consequentur Benedictionem ut sint supra omnes Oeconomos & Oeconomas. Benedictionem obtinebunt etiam Liberis suis, qui ex hoc Mundo in Gaudium ibunt omnes : Opera eorum illo anno benè cedent, & eorum Proventus erit Lætior : Animæ eorum invenient Compensationem bonam, & propter Merita centupliciter Colorem & Odorem comperient. [Deinde omiſſis hujusmodi multis,] Et quando, ex hoc Mundo migrantes, eorum Animæ ad Pontem Tchînavar appulerint, Animæ puræ invenient illam viam coram se apertam. — Coram Domino-Orbis Cælestis Liberi comparebunt, & Viri boni ac fidelis Anima in gloriosâ Urbe contenta manebit. [Cum plurimis aliis quæ recitare tœdiosum.]

P O R T A X L I I .

CAvendum est vel ab ipsis Cor-religiosis [seu Co-fidelibus :] non enim eris ejusdem Poculi consors, nec Urcei Aquæ ex quibus illi aliquid hausserint, ne fortè Pœnam invenias. Si fuerit Vas æneum, ter lavandum, & sic etiam Poculum : & si fuerit Urceus figulinus, ex eo nunquam

O o o

bibes

bibes Aquam. In hoc adbibenda est abundans Cautela; nec aliquid ab eis relictum comedes, ut Religio tua sincerior habeatur.

PORTA XLIII.

BENE custodiendus est Ignis Martis, ut & quivis alius Ignis qui in Urbe est. Bonum est habere Ignem, & Nocte, aliquo modo, eundem accendere: nam in Religione nostrâ sic dixit Vir prudens; Nisi adsit Ignis Martis, præ Noxâ Latronum iniquorum, transitus ab urbe ad urbem non erit [tutus:] cum ab hujus Ignis Beneficiis sit, quod homines in tutò sint à Latronibus. Hinc est quod Oppressores non possint hominibus Noxam inferre; nec hominum Opes auferre valeant, sitque in omni viâ ire & redire [tutò.] In omni Urbe & Regno ubi ille Ignis est, aut in domo aliquâ ubi eundem probè reverentur, quicumque est die nocteque ejusdem Custos, illius Cor manu accipe, eique Expensas & Vestitum suppedita: nam quando contentus est ille Vir religiosus, mane & vesperi tibi benedicturus erit: pretereà septem Terræ Climatum Ignis erit de te placatus. Præcipitur Ignem quâvis die ~~et nocte~~ *benè* servare in Habitatione tuâ: secundo; Ignem qui est in Urbe tuâ: tertio; Ignem qui est in quovis Climato, [quantum poteris.] Horum primus est sicut Pater-familiâs qui in nostrâ Urbe Rex est: secundus, sicut Gubernator cujus est tota Regio: tertius, sicut Prætor qui totam Urbem suam ad Epulas-nuptiales invitat, (ut in Adur-Obûra & Adur-Gushâsp & Berzîn-Adur,) cum Labore & Expensis quales fieri solent apud Vezîr. Si de Gubernatore non est contentus Rex, non potest habere Regionis Custodiam. Talis est Similitudo [seu Comparatio] ab isto Igne desumpta: nam quando in domo tuâ iste Ignis placatus est, Mars quoque placatus & complacens erit: quando, inquam, placatus est Ignis Martis, Deus etiam de te placatus erit. Hæc omnia sigillatim observa, in hac viâ Dei-Justissimi mandata servando.

PORTA XLIV.

SI Scientiam percipis à Patre aut Matre, vel si à Sacerdote, aut Magistro, aut quovis alio, Scientiam didiceris, illos benè habe, nec eos offendito, sed ubique quod justum [seu debitum] est observa erga eos. Si Severitatem in te exercuerint, non debes eam rependere, sed illis obedire & morem gerere, teque illis submittere, nec caput ab illis detrectare: nam si Pater & Mater & Sacerdos & Magister tuus de te contenti sunt, Deus etiam de te contentus erit. At si isti offensi sunt, erit quasi offendatur Deus-Aktor: & quamvis infinita habueris Merita, viam in Paradisum non invenies, cum impossibile sit istis tribus Personis justam Retributionem facere. Nam in Libro Zend-Hâducht [Deus] dicitur Zêratushto dixisse; O Vir religioso, Ne offendas Patrem qui te educavit, nec Matrem quæ IX menses te in utero gestavit, nec Sacerdotem qui te in Doctrinâ instituit cum Scientiâ Bonitatis & Virtutis. Si tres istas Personas offenderis, ex tali Facinore tuo Opprobrium percepturus es: nam in hoc Mundo, si ad [alicujus Magnatis] Limen accedis, non habebis desiderium tuum, nec in altero Mundo Paradisi particeps eris; sed pro Præmio Molestiam habebis & Retributionem malam. Si Pater tuus & Mater non fuerint contenti, deficiet Alimentum Pectori tuo: & quamvis aliquod opus propter Conscientiam susceperis, tamen ex illo opere non obtinebis desiderium tuum: sed tibi supervenient Miseria & Calamitas, nec eris alacris in ullo opere tuo. Filius quoque tuus faciet tibi sicut Tu Patri & Matri fecisti. Hac occasione, quivis Angelus, & quisque è Populo qui hoc viderit, dicent tibi; O Inimice Creatoris, Pater in te offenditur & Mater est in luctu. Et in Medio Ponte arripientes Animam ejus, eandem per Pontem transire non sinent; nam nisi Pater & Mater de eo contenti fuerint, Anima ejus per Pontem non inveniet Transitum. Ab offendendo illos benè caveto: cum Mandatum tibi dederint, alacriter surgito. Coram eis, sub Axillis conde [seu lateribus transversim applica] utramque manum tuam, ex illorum mandato esto Dei cultor [sincerus:] & quovis Mane & Vesperis hoc modo semper facito, sc. quære quid in hoc Mundo cupiunt habere? Si aliquod Peccatum perpetraveris, id illis dicito, ut ii illud Peccatum tuum remittant. Sub horum trium Mandato manere æquum est; sin aliter, est ipsum Peccatum.

PORTA XLV.

OMNIS Fœmina, quæ in hoc Mundo Puerpera est, sibi cavere debet, & benè sibi prospicere oportet. Dum Puerpera est, tam interdiu, quàm noctu, per mensuram & proportionem opsonium ei dato. Dum cibum comedit Puerpera, ab eâ absit res quælibet quæ non est ei [absolutè] necessaria. Panem comedendo, Manum in Manicâ condat, & deinde Panem comedat: circa illam Manicam etiam obvolvât vetustum panniculum, & tum, eo Ritu, Panem comedat. Aquam bibat ex Vase æneo, vel etiam ex Stanneo, aut Cupreo. Aquam ita in Lagenam æneam indat, ut ne una Gutta in Manicam cadat: si enim una Guttula in ejus Manicam destillaverit, erit sicut Tîr, i. e. Sagitta; indubitato Peccatum ejus mulètabitur Estîr, quod est CC Dirém. [Vide suprâ.] Ea etiam sibi caveat à Lotione-lustrali, hoc moneto ut servet quindecim pedum distantiam. A Viro etiam Sancto debet abesse per tres Passus, valdè cauta ab eo. Quicquid pro Convivio fecerint, illudque in hunc usum apparaverint, ei interim illud oculo usurpare non licet, & illa sibi caveat ne irascatur: jaëturâ afficiet quicquid visum fuerit, Rem, inquam, illam Ratione privabit. Illa etiam non debet videre Aquam currentem, nec aspiat ~~versus~~ Cælum, nec Stellas, nec Solem, nec Lunam, nec Aquam, nec Ignem, nec Arborea, nec Virum Sanctum, nec cum viris loquatur verba turpia; nam in Viris Ornatus & Vires & Ratio deficient hoc opus faciendo. Tribus primis diebus sit intensior, in cavendo sibi diligentior; nam omni Fœminæ pro his Peccatis se expiare mandatum est; pro Peccato quod contra Paradiseos Cælestes se exeruerit, & contra Solem, & pro Peccato contra Ignem, & contra Aquam, & contra Terram, & contra Sanctum Virum, & contra Angelum Cburdâd, & Angelum Murdâd; pro Peccato quod se exeruerit contra Lotionem-lustralem, à Peccatis quæ in edulibus facta sunt avertat se. Puerperæ, inquam, præceptum est propter hæc duodecim Peccata se expiare, ut ea Peccata procul sint ab illâ, unde Merita inveniat: propterea, inquam, per excessum ei obvenerint merita 60000; & singulis deinde Annis ejus Merita erunt ejusmodi dupla, eritque propter felicitatem & advenientem prosperitatem subridens [seu lætabunda.] Si, inquam, hæc præstiterit, benè erit, quia singulis annis tale erit Augmentum, & quamdiu vixerit auctius & per totam Vitam durable. Nam ad instar Arboris cujus Rami crescunt, sic crescent

cent ejus Merita, quorum particeps erit per Expiationem suipsius. Hæc, inquam, sunt Bona-opera quæ debes facere ut Compensationem invenias à Domino solo: propriâ manu [i. e. ipsa in Personâ tuâ] facito, quæ ideo pro te habebuntur dupla. Si autem ea non feceris in Vitâ tuâ, sed aliquis pro te postea facit, quamvis præstiterit, manebunt prout erant [non aucta.] Magna est Differentia an feceris manu propriâ, vel an alius postea pro te fecerit. Conare itaque ut Cor tuum lætum sit in Die Computationis. [V. Portam LXXV.]

PORTA XLVI.

PRæceptum est, ut non facias Peccatum Hamimâl, quoddam sit Calumniatio & Fraudatio. Si id sit Mariti in Uxorem, [est malum ;] si autem ab Uxoris manu inveneris, est pejus. Hoc enim est Peccatum maximum, pro quo nulla datur Compensatio, nisi Uxor Maritum ad hoc impulerit [seu provocaverit:] si non, in Infernum te præcipitabit. Nam nisi ea tibi condonaverit, in Ponte Tchinavar mansurus es in loco tuo; adeo ut, si centum Anni sint priusquam ipsa venerit [ad condonandum,] te in ingressu Pontis manere oportebit: quando enim sumptura est ab adversario suo vindictam, & tibi postea per Pontem transcundum sit, si tu talis Facinoris reus es, à tali Facinore tibi cavendum fuerat. Nam sic dixit Vir religiosus; Post hujusmodi factum, Pelvim Auro imple, & super eam pone nudam Pugionem, deinde Adversario tuo admove, rogando ut te vel excusare vel interficere velit, & ut hoc modo Animam tuam à Mærore liberet. Si enim aliquis Mendacium & Calumniam dixerit, infinitam exinde Molestiam & Dolorem perpeffurus est: & quicumque post illum [sc. ex illius relatu] tale verbum retulerit, eadem Molestia & vetus Dolor erit ei recens: Mæstitia enim, ex ejusmodi dictis, super caput ejus veniet, Molestia cum Retributione malâ ei competet. Hujusmodi Peccata turpiora sunt Hamimâl: felix est qui hoc in naturâ suâ non habet. Per nulla Merita compensabitur Hamimâl; benè autem si Adversario tuo satisfactum fuerit: nam si Adversarius tuus non erit contentus, certissimè scito nullum tibi per Pontem fore Transitum. Ad tuum itaque Adversarium ito & dicito, Pœnitens sum: alias autem, Salutem ne quæras.

PORTA

PORTA XLVII.

Diligentem Conatum adhibe enecando Sanguisugas : & præsertim hæcce quinque interficito, ut Merita invenias copiosa. Horum primum est, Ranae Aquaticæ, [sc. eorum genus :] secundum est, Serpentes & Scorpiones : tertium est, Muscæ, [sc. Culices & Cimices pungentes] quartum est, Formicæ : quintum, Mures, Fures illi errabundi. Ranas si interfecerit aliquis, quicumque fortis eorum adversarius, ejus quidem Merita propterea erunt mille & ducenta. Aquam eximat eamque removeat, & locum siccum faciat, & tum eas necabit à capite ad calcem. Hinc Diaboli, damnum percipientes maximum, flebunt & Ploratum edent copiosissimum. Quando Serpentes interficis, recitabis Vestâ [sc. Zendavestâ,] & inde Merita copiosa reportabis : nam res perinde se habet ac si tot Dæmones interfeceras. Muscam vermes-spargentem unam si interfeceris, erit perinde ac si decendialem Expiationem fecisses : quando enim quis apud Deum Avestâ recitabit, ejusmodi Merita in caput ejus sparget. Tunc quoque omnes Bestiolæ Dei, atque Gburdâd, & Murdâd, & omnes Angeli, Benedictiones in eum pronuntiabunt, & Gaudium, cum Desiderii Impletione, ei creare studebunt, Corporis Sanitatem pro eo impetrabunt, & hoc facto multum exultabunt : quia in Bestiolas Dæmonum non erit Peccator [seu Punitor] sicut ille est. Si Muscam in Aëre percusserit aliquis, reputabitur Cimex : si super Terrâ percusserit, habebitur Reptile : [sc. Reptilium Generi illud annuncrabitur :] Si super Carnē percusserit, erit Vermis : si in Aquâ percusserit, Sanguisugam vocato ; quia tales in Aquâ apparere solent, & ex talibus Sanguisugis Aqua contaminatur. Si super Fimo [seu Sterquilinio] percusserit, exinde indubitato reputabitur esse Serpens, aut Vipera, vel aliàs Scorpio, aut aliquid noxium-animal : hujusmodi enim omnia Muscæ Nomine intelliguntur, O Vir devote. Si super Barbam Hyænæ cacaverit, inde erit Serpens ruber. Si Formicam grana-trabentem interfeceris, erit sicut Cæcus quem tu illuminasti, [sc. erit quasi cæcum tu illuminâsses.] Si Murem interfeceris, certè erit quasi quatuor Leones noxios interfecisses. Cuique, inquam, Bonæ-Religionis Viro præceptum est ut interficiat Sanguisugas, unde certè magnam Mercedem reperiet. Nisu & Conatu annitere in hunc Modum, ut multum Meritum in Viâ Religionis invenias.

nias. Quicumque in hujusmodi Operibus conabitur, Sacerdos pro eo Expiationem facturus est; cujus certè particeps erit in Viâ Religionis, quia sic à Deo mandatum est.

PORTA XLVIII.

VIRO religioso præceptum est, ut Pedem nudum super Terram non ponat: quia Pes nudus super Terram, malum est. Si enim Pedem nudum super Terram posueris, inde tremet Sphendârmaz, & ex tali Opere Offensionem concipiet vebementem. Pedem itaque nudum super Terram ne ponas, nec Corpus tuum ad Infernum deserto.

PORTA XLIX.

CUIQUE Viro Sancto præceptum est semper recitare Pitùpbt [seu Pœnitentialem Precem.] Quando alicui supervenit aliquod Peccatum, recitet Pitùpbt, ut Mæroris plenus & indignabundus. Conatum faciat & accedat ad Sacerdotes & ad purioris animæ Destûrum. Recitet, inquam, Pitùpbt, ut sit Terroris expers; & gratias habeat Domino suo. Si autem ita fuerit, ut Merita tua sint Peccata, ne recites Pœnitentiale, ne exinde corruptior evadas. Peccatum tuum erit ad instar Arboris, si Pœnitentiale non recitaveris: nam nisi Pœnitentiale recitaveris, Peccatum tuum erit tanto quotannis duplum. Scito enim, quòd si non recitaveris Pœnitentiale, crescet, & alterum prout erat manebit. Cum ad Destûr [seu Præsulem] aliquem veneris & Veniam [seu Remissionem] petieris, ex ejus Benedictionibus minuetur Peccatum. Et quando tandem opus ejus venerit ad Destûr Desturorum, tunc Cor & Oculi ejus erunt Illuminationis pleni. Quando Absolutionem alicui fecerit Destûr religiosus, augetur ejusdem Religio, & minuetur Simultas. Certissimè scito, Peccatum illud, quod ab eo requirebatur, exinde Meritorum Beneficium percepisse, & deinde desiderari [seu non requiri.] Si autem non invenerit aliquem Destûrum [scil. Præsulem,] vel [saltem] Sapientem, quærat, inquam, Hyrbad, seu [potius] Mûbad. Si verò pro eo Peccato suo non invenerit Hyrbad, adeat aliquem sanctiorem Bibdîn [seu Laicum.] Et, si non
inve-

480 VETERUM PERSARUM EORUMQUE

*invenerit aliquem Bibdīn, tum lucido Animo se coram Cbursbīd [seu Sole] sistat; & recitando Pitūpbt fiat Pœnitens, & propter commissa Peccata sua mœstus. Eo momento quo ex hoc Mundo abiturus est, Liberis & Consanguineis prœceptum est ut in Os ejus ponant Pitūpbt, cū jam tum sci-
ant eum ē Mundo abiturum. Sic enim dixit Religionis Destūr, (quo quidem dicto in Religione Sensum ad instar Margaritæ perforavit,) qui-
cunque eo momento recitaverit Pitūpbt, ejusdem Peccatum ei remittet
Deus-Justus: & quamvis infinita habuerit Peccata, eum tamen in In-
ferno non collocabit. Quando ad Pontem Tchinavar pervenerit, cum
Præmio inveniet Remunerationem. Deducent eum ad Habitationem suam,
& eodem tempore locum ei assignabunt. Ex Recitatione Pitūpbt, in Pa-
radiso tunc erit locus ipsius: nam manifestè inter eum & Infernum sicut
Murus erit Pitupbt, cujus quidem Muri Latitudo erit sicut Superficie
totius Terræ Latitudo. Ex recitato, inquam, Pitūpbt, Anima ejus ad
Infernum non inveniet Transitum. — Tandem quando præ Terrore ligata
erit ipsius Lingua, Consanguineis & Sociis prœceptum est, illo momento,
Pitūpbt pro eo recitare, quando, inquam, vident ejus Linguam à Ser-
mone restrictam: nam dicti Pitūpbt, ex Conscientiâ & Religione recitati,
Clamor Mane quarto perveniet, [i.e. quando fit Determinatio ad Pœnam
aut Præmium.]*

P O R T A L.

QUando aliquis XV Annos natus fuerit, prœceptum est ut Cingulum induat. Sic enim dixit Destūr beatissimus; A novem mensibus, quibus in Matris ventre fuit, debet computum suum accipere, cū, secundum bujus Religionis Prœceptum, induturus est Cingulum. Ad XV ergo Annos Cingulum induant tam Viri quàm Fæminæ: nam sic est Dictum Veterum; Cum Vir aut Fæmina sit XV Annorum, & Medium Cingulo non accinxerit, Nemo ei det vel Aquam vel Panem. Et cum tali Personæ vetita sint Panis & Aqua, cur aliquis se ipsum in Supplicium precipitet? Cum itaque Custi sit Cinguli Accinētio, quicumque accinētus est, Deo gratus erit: quia nullum est Opus Cingulo tuo melius, & quando es Deo-Justo moriger, bonum est.

P O R T A

PORTA LI.

SCITO bunc esse constitutum Modum, ut quando Puer [moriendi] mandatum à Deo invenerit, (à primo ejus Die usque ad VII Annos,) Epulas instrue & Sorúsh invocato: oportet quoque quartâ nocte pro eo Expiationem facere, postquam Anima à tenero ejus Corpore separata fuerit. Nam in Religione nostrâ sic est, ut si ejusdem Pater & Mater Paradisei fuerint, ille etiam ad lætum Paradisum iturus sit: at si Infernales fuerint in Naturâ suâ, ille quoque eorum Comes ad Infernum iturus sit. Epulas itaque instruente invocent Sorúsh: nam quando ejus Anima à Parentibus separata fuerit, si apud Solem subliterit ejus Gradus, vel uno momento, Parentes exinde erunt mæsti: & quando Anima ejus pervenerit ad Pontem Tcbínavar, Parentes apud Deum intercedant; & tunc omnes eum ad Paradisum deducunt. At si Parentes ejus fuerint Infernales, Anima, à Parentibus discedens, à Diabolo, absque remedio, ad Infernum deducetur. Et ubi [Diaboli] ab eâ Vindiētā sumunt, ipse ad Angelos & Paradiseos edet Vocem calamitosam, cum Ploratu lamentabili, desiderans ab illis obtinere ut abeant Dolores & Pænæ. Diētā autem Expiatione efficietur ut Animæ ab Inferni Periculo liberentur. Annitere itaque apud Sorúsh expiare, & eorum Animas ad illum perducere. Sic, inquam, facito; quia Infantes etiam, intercedendo, Parentum Animas ad Paradisum perducituri sint.

PORTA LII.

PRæceptum est, ut quando aliquid Ollâ coquitur, duas tantum ejus Tertias Aquâ impleant, ut si in Ebullitionem veniat, Aqua non effundatur in Ignem quando calefcit. Si enim non sis in hac Parte cautus quin Aqua in Ignem fluat, Peccatum erit tibi maximum, propter quod Supplicium percipies die Computationis. Peccatum, inquam, tuum erit Ponderis 1200 Dirém.

P O R T A L I I I .

Quando Ignem movent, eum colligant & in aliquo loco aliquantulum seponant: cūque aliquantulum friguerit Focus ejus, tum eum deferant ad locum suum; non enim oportet ut Focus relinquant adhuc calidum. Hoc à me submissâ voce dictum audito: & sic facito, ô Fili, & non aliter; ut exinde Caput tuum non doleat.

P O R T A L I V .

Preceptum est, ut quovis Mane cum à somno surrexeris, Faciem tuam Aquâ Aurêâ laves. Et quando Faciem ejusmodi Aquâ purâ laves, tunc Kimanâ & Mazdâ recitato. Ambas quoque Manus Aquâ Aurêâ lavato, & Vâgj recitato: nam si Manus Aquâ Aurêâ non fuerint lotæ, quamvis quis Avestâ recitaverit, id non erit acceptum. Ab illoto non surget Diabolus, sed Peccatum ejus manifestius erit, ut 1200 Dirêm Pondus habebit. Quovis itaque Mane Faciem Aquâ Aurêâ lavare ne negligito.

P O R T A L V .

Preceptum est, Scientiam prælegere Pueris: colloca Pueros coram Scribâ cujus Cor Scientiâ illustre est. Deinde colloca apud doctum & prudentem Sacerdotem, qui sit Puerorum InstruCTOR. Oportet Sacerdotem habere talem, ut non graveris ei dare Expensas, & Cibus, & Vestitum, ut Cor ejus ad hoc bonum opus convertas. Et tum omne Bonum-Opus quod à Pueris factum fuerit, scito illud à Parentibus factum fuisse. Fac ut Scientiam memoriter teneant, & ut ab omni Peccato & Corruptelâ caveant: cum pro animabus suis id faciant ut Scientiâ solertes sint. Nam si bonum à malo ii non distinguunt, baud multum Boni-Operis ab eis obtinebitur. — Ignorantiâ laborans, nec Religionem nec Deum novit.

P O R T A

P O R T A L V I.

Capite Novi Anni, primo ejus Mense, (sc. quando venerit Dies Cburdád,) oportet per Convivium expiare [pro Remissione Peccatorum:] nempe de omni quod ab extrâ recipit manus tua, affer & Convivio appone: viz. [Primitias] de omni Fructu & de Granis, & quicquid ad Manum tuam venerit, apporta: & cum hæc omnia comporta-veris, bonum est eis expiare, & Domino tuo plurimas Gratias agere. Nam exinde Opera tua illo Anno benè cedent, & Res tuæ erunt lætiores, & Proventus tuus copiosior, & Felicitatem percipies. In nostrâ enim Religione compertum est, quòd hoc die [Angeli] Hominibus Alimentum [seu Annonam] suppeditant, & hujusmodi Expiatione expiando, ab Angelo Cburdád Remissionem invenies. Eo Anno Annona erit copiosior, & Anima tua multò lætior. Et Justitiæ [seu Conscientiæ] Causâ recitabis Cbashnúman.

P O R T A L V I I.

Quicunque Iter suscepturus est, si XII Parasangarum via fuerit, pro tali Itinere oportet Expiationis Convivium celebrare: cùmque pro eo, uno Convivio expiârint, minor erit Calamitas, & Felicitas major. Cuique Religioso, hoc casu, uno Convivio expiare incumbit: quòd si abiens commodè præstare non poterit, si Domestici ejus id fecerint, satis proderit: quando enim ejusmodi Convivium præceperit, cum salute ad habitaculum suum rediturus erit. Et quando Cushmanum recitant, Res etiam ita se habebit.

P O R T A L V I I I.

Quando aliquis Uxorem habet & non Filios, tum in Tumultuatione erit Animus ejus; sine Mulo erit, & Pons præcisus. Oportet ut non sit negligens in hac Re, sed Mulum pro seipso [in promptu] colloce.

P P P 2

Hoc

484 VETERUM PERSARUM EORUMQUE

Hoc enim in nostrâ Religione planum est, quòd oporteat Filium habere, non Filiam, cum Filia sit bujus patris. Filiis, & Consanguineis, & Populo, & Tribui suæ committet, ut (cum sit Præceptum Dei) Mulum pro eo collocent; Filium, inquam, facito Mulum tuum, ne facito Filiam. [Et ad Fidem faciendam,] Filius profitebitur & dicet, O Pater, ego sum Filius tuus quem in Mundo habuisti: & vicissim Pater dicet, O Fili, tu es mihi Filius, & ego sum tibi Pater. His factis, per Pontem transibit, ad locum sibi ob merita competentem.

PORTA LIX.


Q*Uicunque expiando fecerit Eleemosynas, non potest expiando facere Convivium post illud. Sed Deo faciat Vâgj: arripiat, inquam, Vâgj, & deinde comedat Panem, & sic quod de Convivio restat simul accipiat. Hoc modo Peccatum ejus minuetur, & id coram Deo ei remittetur.*

PORTA LX.

I*NTRA Habitationem tuam quando est tibi Tempus Aquam impellendi [i. e. mingendi,] ad Pedem Aquam ne impellito, quia hoc factum erit tibi Peccatum à Capite ad Calcem. Quando itaque ad Aquam impellendum affides, juxta ostium ne relinquito, sed sit aliquanto remotius. Nam in Libro Vendîd-zend dicitur hoc esse Peccatum Ponderis 1200 Dirém. Quando aliquis miçturus est, ibidem in Animo recitet Avestâ: & deinde, postquam ibi minxerit, intra tres passus illius Loci ubi fuerat, Yatâ abû virîyu semel recitet, & deinde taciturnus sedeat: & quando exit, recitet Ashîm vubû ter: Hamatânâm recitet bis: Hûchshâter recitet ter: Yatâ abû virîyu quater: Abunim virîm yazâmadi ad Finem recitet, Pietatis Causâ. Quando hæc in animo fecerit aliquis Homo, tum erit sanctus, & saurus, & lucido animo præditus: omnia ejus verba erunt accepta, nec (secundum hanc Religionem) à Diabolo unquam affligetur.*

PORTA

PORTA LXI.

NE occidito  Húgja ; sed si alicubi videris, accipe & versus Campum deserto ut abeat : dimitte, inquam, ut eat versus Supellectilem suam [seu domesticos suos.] Hoc faciendo, Meritum invenies multum, si tu facis idem bonum quod alii faciunt. Cum enim Húgja Formicarum antrum percusserit, earum millia violenter morientur. Serpentes quoque necat, necat, inquam, & deinde eos quaquaversus distrabit. Valde utile est hoc animal, ideoque hoc scito, illudque interficere omittito.

PORTA LXII.

NE interficito Canem Aquarum [sc. Castorem] si fortè videris eum alicubi euntem, accipe, & deserto, & ad Aquam perduc : nam in Vendíá dicitur, Castorem interficere Peccatum est horribile : & qui talem unum interfecerit, per Modum Expiationis tenebitur alia noxia animalia (uti Serpentes) 18000 interficere : Ovium, & Boum, & Arietum, 10000 interficiet, Pietatis ergò. Quicumque, inquam, interfecerit Castorem, Infernus erit locus ejus : Semen ejus è Creaturis delebitur, & nullam ab Inferno Redemptionem inveniet.

PORTA LXIII.

UT quisque Religiosus se ipsum vindicet ab Interitu, Animæ suæ Expiationem faciat dum in vivis est, nec Caput suum à Viâ Cultûs detrectet, unde magnum Meritum quotannis inveniet, & singulis Annis auctius erit. Quisque prudens pro se faciat Expiationem apud Sorûsh, qui beatam illam Animam sibi accipiet & tribus Diebus tutò custodiet, ne Noxam videat aut Perturbationem : & Mane quarto [al. Nocte quartâ] in Ponte Tchínavar cum eo computabit Mibr-Izad [al. Reshn-Izad :] & deinde ad locum suum ibit, quia
anteà

anteà illa *Anima* in vivis expiata fuerat. Expiatione, dicto modo, in vivis facta, si fortè *Infans* ex improvise natus fuerit, *Obstetrix* quædam, in *Subsidium* veniens, eundem lavabit, eique præscindet *Umbilicum*. Quando è [corporis] modulo exit talis *Anima*, est sicut *Infans* exanimis, attonitus manens, & viam suam nesciens: quando autem animatus & visu præditus fuerit, *Sorûsh* eum ut beatum agnoscet: *Sorûsh*, inquam, ad talem beatum veniet, sicut *Obstetrix* ad gravidam [seu parturientem:] talem *Fætum* excipiet, lavabit, & *Umbilicum* præscindet: tutò eum à *Diabolo* custodiet, & ad *Habitationem* suam perducet. Quando anima in vivis expianda est, *Sacerdotis* est eandem expiare apud *Sorûsh*: oportet enim beic [in hoc Mundo] *Expiationem* aggredi, ut *Infans* inde fiat sanctior, & ibi [sc. in altero Mundo] non pereat. Oportet, inquam, viventem animam expiare hodie, ne fortè cras *Miseriam* & *Maledictionem* videat: potest enim esse ut, intrante *Fato*, bona *Opera* faciendi *Potestatem* non inveniat. Quando *Anima* in vivis expiata fuerit, à *Diabolorum* *Injuriâ* tuta erit: cum cuique præceptum sit *Animam* in vivis expiare dum in hoc Mundo est. Quando *Destûr*, aut *Hyrbad*, à te absunt, & in *Angulo* confidentes bilares sunt, melius est ut tu proprium *Dolorem* [seu *Toedium*] devores, ut tali *Opere* *Animam* tuam lætari facias [æternum.] Præceptum est ut hoc *Opus* suscipias, ut ipse manu tuâ id præstes, dum *Anima* tua adhuc in vivis est.

PORTA LXIV.

Quisquis è Mundo moriturus est, subito inveniens *Dei* mandatum [ut obeat,] huic *Operi* sedulo tribus *Diebus* incumbat, faciendo pro se *Expiationem* apud *Sorûsh-Izad*, [al. *Sorûsh-Yezdân*:] accendat *Ignem*, *Avestâ* recitet, quia is ibi fortè per tres *Dies* locum habiturus sit. Deinde *Expiationem* pro te facito tribus *Conviviis*. Mane quarto [al. nocte quartâ] unum *Bachusnûm* [recita] *rois Reshn* & *Astâd*, & aliud *Bachusnûm* *Beatis*, *Conscientiæ* *Gratiâ*. Deinde tuum *Vestitum* bonum & elegantem affer, *Fasciam-capitis*, *Tunicam*, *Subligacula*, *Sudram*, *Ocreas*, & *Cingulum*; cum enim talia *Paradiseis* attribuunt, talia etiam sinceræ *Religionis* viris dare solent. Ex *Vestibus* itaque melioribus appone quicquid tibi commodum videtur; unde tibi erit ibi *Honor*, *Cor* & *Oculi* tui [firmi] ut *Montes* erunt. Dein *Amicos* *Consanguineos* & *Familiares*, quas habes, coram conspectu tuo collocabis, alios ad latus tuum, dum
sc.

sc. aliqui præeunt & alii subsequuntur. Illo tempore te agnoscent Beati [sc. Sancti,] ut tu etiam agnoscas eos, dum illos eodem modo vides. Quò præstantiores fuerint Vestes & Supellex tua, eo plus Honoris inde reportabis: erit tibi Gaudium & Lætitia major, & locus in Paradiso melior. Si verò Vestes non fuerint præstantes, multum Pudoris inde reportabis: & Sedes erit aliis inferior, nisi Vestes fuerint elegantiores. Animæ non gaudebunt de illo homine qui tales Vestes in illum pauperem [sc. seipsum] induit. [Aliàs] Cor ejus ex illis Vestibus exultasset, & Beati eas Justitiæ [seu Conscientiæ] ejus tribuissent: per hoc Expiationi ejus accederet Veneratio, & à Deo obtineretur Misericordia. Horum autem omnium dimidium dabis Destûro, & alterum dimidium Sacerdoti, nam hac ratione [Beneficium illorum] ad Animam ejus citius veniet. Fac cures ut benè consuantur, quia Vestes benè consutæ sunt meliores; nam si ad Convivium [Expiationis meliores] apposueris Vestes, Sacerdos cum eis expiabit sine Fraude: Anima defuncti videbit Computum, & citius percipiet Exitum: totum Pharashêst pro eo recitabunt, & illas deinde seponeat, & postea Anima ejus per Pontem transibit. Et mane quarto, quando à Terris versus Tcbînavar transit, primò veniet ad Ignem Martis, secundo Astra transcendet, tertio juxta Lunam erit gradus, quarto ad Solem perveniet, & deinde ad Locum suum.

P O R T A L X V.

O Juvenis, bonam tñs Mazdiyassenân Religionem percipito: Fæminis Salutationem [seu Comprecationem, ut salvere jubeat] non injungunt, eodem modo quo Viri tñ Soli faciunt; sed Fæminis præscribunt Salutationem, ut quotidie euntes ad Maritos, tam mane, quàm tempore Precis secundæ, & manibus ad Latera applicatis, eis dicant, Quid præcipis? An benè quievisisti? Quid cogitas ut nos faciamus? nam quicquid præceperis, id facturæ sumus, Quicquid enim Maritus præceperit, id statim præstare debent: Mariti Contentationem quærant, & Die Noëteque sic se gerant. Nam quando Maritus contentus est, Dominus etiam contentus erit. Cum Fæmina sic fecerit, ea est multò præstantior; Paradisea & Beata erit, quando erga Maritum Linguâ disertâ [blandiloquâ] fuerit & ad eum Die Noëteque Judicium suum detulerit. At si Marito non obedierit, sed duæ Crumenæ & duo Corda fuerint, tum illa vocabitur irreverens, impudens, infernalis, & polluta: nam Marito non contento,

contento, quamvis multa Merita habuerit, quandónam talia Merita ad Animam ejus pertingent? quandónam à Gebennâ liberabitur? Si verò Maritus ejus contentus erit, talis Fæmina in hoc Mundo Paradisea erit.

PORTA LXVI.

PRæceptum est, ut nostra Religio sit optima illa quæ in Mazdiya-senân est, ob Excellentiam ejus. Inde eam colimus, ut Anima nostra ab Inferno salva sit. Hujus veritatem agnoscimus, & huic Religioni nos obligamus. Religioni confidimus, ut in Dei Paradiso futuri simus. Per Bonitatem possibile ad Paradisum ire: felix itaque est qui in suâ Naturâ Bonitatem habet: nam Bonitate & Cogitationibus bonis, quisque in Paradiso obtinebit Conclave: unde nihil in hoc Mundo melius est, quàm ut Religiosus huic Operi addictus sit. Si aliquis [Apostata] Religionem dimissurus sit è Manu, ab eo Opere alii Manibus eundem arripiant, & omnes qui possunt Suppetias ferant, & coram Domino Gemitum edant, ut Deus ei condonare vellet, & ut Religionem suam servet in hoc Mundo. Nam quando Religiosus per [Dei] Limen transit, ei aperit, & intrat sine Prætextu. Quamdiu in vivis est cum suâ Sobole & Stirpe & Familiâ, quæcunque bona-opera ii fecerint, scito esse quasi ille fecerat, & ea ad ejus Ostium portanda. Si aliquis propter Tributum suum solvendum dejectus fuerit, (cùm tale Tributum non habeat,) à Manu Religionis venturum erit gratis. Tu itaque eo in Loco Subsidium ei administrato, illud Tributum ei tu solus dato; & scito te, hac Ratione, eum à Cæde liberasse, & sic faciendo te religiosum peculiarem præstitisse: in Paradiso Mercedem & Præmium & Remunerationem habiturus es, bonum infinitum ex hac Religione percepturus es: nam nihil in hoc Mundo melius est, quàm ut alius Religiosus bonum à te percipiat. Quid enim hoc melius est, quàm ut Pauper, in Conditione suâ dejectus, in te Religionem inveniat, & à te Afflictionem non videat. Nam per Subsidium tuum in Religione suâ mansurus est, nec Morem & Regulam suam corrumpet. Quicumque tempore suo hoc fecerit, unâ cum Zerâtusht Cooperator sit: & cum Præmii & Mercedis particeps sit, simul etiam Gratias agere oportebit. Si autem pro Tributo abstulerint Pecuniam, quam aliquis pro Familiæ suæ Expensis paraverat, scito quòd

quòd in Religione nostrâ illâ re pejus non esset si quis cadaverosum comedisset. Ab illâ itaque Pecuniâ cavere [seu abstinere] oportet, quia talis Pecunia erit grave onus in cervice tuâ. Nam in omni domo ubi talis Pecunia expendetur, in tali domo non manebit ullus qui sobolem conservet; sed Egestas erit ibi manifesta, & Familia illa totaliter evanescet.

PORTA LXVII.

Preceptum est, ut Mendacium non dicas, ne hoc ipso fias in hoc Mundo Infamis. Nam quamvis à Mendacio tuo procederet Res recta [seu vera,] nihilominus tamen Vita & Dignitas tua facturam patietur. Omne Peccatum superat Mendacium, & inde Res tua red-detur minùs illustris. Zerâtusht interrogavit ab eo qui Occulta novit, Mendaces quomodo se habebunt? Cui tale responsum dedit Deus; Ob, Verax est ipso Sole splendidior, Mendax rectâ ad Diabolum ibit: nam à Diabolo est quòd ille talem Concupiscentiam habeat. Super Mendaci non erit Mentis-Illuminatio, sed super eo erit Despicatio: nam ille Pauper est Opinione Hominum, quamvis in Mundo Nobilis habeatur: Homines eum non honorabunt, Exitum videbit malum propter Contemptum suum. Si Opes habet, omnes abibunt: & quando indiget Multitudine, non manebit ei Semen in Mundo, sed citò desolatæ erunt Opes [& Possessiones] ejus. Mendacium itaque, ô Fili ne dicito, nec pares tibi Mansionem in Inferno.

PORTA LXVIII.

Preceptum est, ut Veritatem exerceas: Veritatem facito Artificium [seu Professionem] sine Imminutione. Fac curam, ut habeas Veritatem, quippe quæ Animam tuam augebit. Veritate nihil melius est ex omnibus quæ creavit [Deus;] nam ille Mundum ex Veritate produxit, & ex Veritate est quòd Mundus in loco suo mansurus est. A Veritate est tibi in hoc Mundo Religio-vera; à Veritate est quòd Gogjesta factus Diabolus, lapsus sit in Maledictionem, quia eam minuebat: nam Diabolus à nullâ re magis timuit, quàm à Viâ Veritatis. Futura est Resurrectio propter Veritatem, ut tunc appareat

Q 9 9

quis

quis eam minuerit. Quicumque Veritatem facit suum Asylum, Mentis-Illuminatio ab illo resplendescet Ope Lunæ: auctior semper erit ejus Familia, & à Deceptione Dæmonum erit securus. Gbâva, Faber-ferrarius, multum Veritatis habens, ausus est loqui cum Dab-bâk totius Orbis Rege, & tunc eum non timuit. Ille solus tali Regi Responsum dedit, in ejus Sermone fuit Confidentia & quoque Alacritas. Gogjêsta [seu Diabolus] quando cum Veritate rem habendam vidit, pro mille Annis cecidit attonitus; nec versus Mundum venire potuit, sed loco suo mansit miser [seu gemens] & tremulus. Quicquid tibi in conspectum venit, in Veritate stet [seu consistat:] nam in Interpretatione Libri Zend dictum est; Ex Vestâ tîn Ashim vubû recitato: & cum noveris Meritorum tuorum præcipuum esse Veritatem, quare ad latus declinando eam minuis, cum primum quod in Mundo visum est, (sc. Orbium Cælestium Circumrotatio,) à Veritate processit? Quicumque loquitur verum, illius est tîn Avestâ quærere [atque consulere.] Deus dixit se amare Veros: Angeli quoque eis benedicent. Sic dixit ille qui bonæ Religionis Mystera novit; Cor Veracis non videbit Molestiam nec Egestatem. Sed tandem Veriloqui in bono statu erunt, nec quisque Capite [seu bono Cerebro] præditus eis obloquetur in hoc Mundo. Ideoque exerceto Veritatem cum corde habente apertum Ostium, nam Veritatem exercendo nemo supplicium visurus est [æternum.]

P O R T A L X I X.

PRæceptum est cavere ne cum Meretrice Familiaritatem habeas: Tu itaque alicujus Uxorem ne seducito: quamvis sit Captatrix & Cor demulcens: quicumque enim aliquam Fæminam seduxerit, in viam Animæ suæ Opus corruptum fecit. Nam si Maritus accessurus esset ad talem Uxorem, haberetur pro Peregrino ab habitatione sua prohibito: & Uxor quoque tunc esset Marito vetita; sic enim se habent Religionis Principia. Quicumque vir tale [Deo] ingratum fecerit, de novo semper Peccatum inveniet in Dominum. Talis Vir & Fæmina congregientes, habebuntur Peccatores Lumine destituti. Cum verò Maritus non novit, ei Peccatum non erit; nam illius [sc. Uxoris] antecedens Peccatum ei non adest, [sc. ab eo ignoratur.] At quando Maritus novit, oportet ut à Marito separetur talis Uxor, nec debet

debet ille prope eam accedere: nam si ex improvise ad eam accesserit, Co-peccatores erunt tam Vir quàm Fœmina: quia si posthac prope eam accesserit, scito eum esse sicut ille qui cum Meretrice Consuetudinem habet. Nec illa aliâ quâvis viâ poterit fieri Marito licita. Si Uxori ex auitâ tuâ familiâ acciderit tale Infortunium, hoc erit eò pejus. Ac pessimo pejus erit ad eam redire: nam si talem Uxorem [repudiatam] imprægnaveris, tu Religiosus eam ad aliam Religionem deducis, [cùm nostra non permittat.] Si ex metu suo [celandi causâ] Infantem interfecerit, tu in eâ re sanguinolentus habebis plus aut minus. Si Infantem habuerit, quamdiu is est, Peccatum ex illo Infante contractum Peccatum tuum erit: tu habebis Peccatum, & tu habebis onus. Igitur custodi te ab ejusmodi Opere quod in Pœnitentiâ definit. Non dicant (si modo de tali re loquuntur,) Talis homo consors fuit cum Meretrice. Ideoque in te non prævaleat Desiderium tuum; nec Intellectus & Discretio & Gravitas tua [culpantur.] Quicumque semel cum Meretrice cubuerit, per XL dies Intellectus & Scientia ab illo abibunt: non Perspicacitas ejus, nec Consilium, nec Conductus, nec Apprehensio, nec Religio, nec Stabilitas ejus, mansura sunt, nec Cor ejus quietum manebit. Ideoque custodi te ab hoc, & tibi caveo.

PORTA LXX.

Præceptum est tibi cavere à Furto & alienarum Opum Direptione, Quando aliorum Opes Furto abstuleris, proprium Sanguinem te vorasse scito. Nam tale in hac Religione decretum est, [viz.] Quicumque Furto aliorum Opes abstulerit, si unum Dirèm [seu Nummulum] furatus est, ab eo duo Dirèm auferant: & pro Mulctâ ejus Aures abscindant, Corpus ejus decem Baculis [seu Verberibus] sustigent, & in carcere per horam detineant. Talia oportet in eum infligere. Aliâ vice, si duos Dirèm furatus fuerit, quatuor ab eo exigant, duabus horis in Carcere detineant; & tunc manus ab eo abstineant. Si aliquis furatus fuerit Dirèm CCCC, Manum ei præscindant. Si furatus fuerit D Dirèm, de collo suspendatur. Tale erit Supplicium ejus in hoc Mundo: & in futuro, Pœna erit, quod in Paradiso, duplum ejusmodi quod furatus est ab ejus Meritis auferetur. [Alia Exemplaria paulò aliter legunt, viz.] Si unum Dirèm furatus est, duo Dirèm pro Mulctâ ab eo auferant, & Aurem ejus abscindant, & Corpus ejus X Baculis verberent, & in Carcere unâ horâ detineant. Aliâ vice, si unum Dirèm furatus fuerit, X

Dirèm ab eo auferant, alteram Aurem abscindant, XX Baculis [seu Verberibus] eum percutiant, II horas in Carcere detineant; & tunc manum ab eo abstineant. Si deinde furatus fuerit III Dirèm aut duo Dângb, ferenda est Sententia ut abscindatur Manus, Manus, inquam, dextra. [Huc usque alia Exemplaria: deinde pergit prius Exemplar;] Et Viro Dei dabunt Opes ejus. Sic mansurus est Fur ille infortunatus: si enim Bona-Opera non fecerit in hoc Mundo, ex angulo semper Talionem inveniet: in eum exhibebunt Retributiones, Supplicium erit Sors illius. Quicumque aliorum Opes abstulerit, pro Talione, quadruplicem ab eo Quantitatem auferant. Si beic reddit, det ejusmodi quadruplum. Si autem talem Furem absolvit ille Beatus, [sc. Archipræsul,] tum illius Furis opus ibi habebitur quasi bonum: si autem non, tum oportet eum statim interficere, cum oporteat interficere talem Malevolum. Conaberis itaque aliorum Opes non auferre, & ab operibus diabolicis abstinere.

PORTA LXXI.

PRæceptum est à Peccato abstinere, à Manu, & Lingua, & Cogitatione omne Peccatum eliminare. Si Mæror & Mæstitia tibi supervenerint, in illis Patientiam habeto, ut animo sis placido [seu inturbato.] Si autem [è contra] Beneficium aliquod à Creatore obtinueris, pro eo Gratias agito: & quando præ manibus habes Gratiarum Actionem, tibi subsequetur Beneficium [alterum.] Nam si non adsit Gratiarum Actio, nil boni reportabis, quisquis es. Illicitus est Panis quem talis edit; nam quando Gratias non agit, est Imprudens: nec oportet ei aliquod bonum facere, cum ille sit ingratus. Hoc enim in Religione planum est, sc. quodd si aliquis sine Gratiis moritur, in Terrâ eum ponant ex mensurâ [seu proportionem facti ejus.] Spændârmaz Angelus pro illo tremet, sicut de Ferâ Ovis. Omnes Aves quas ille in Mundo sicut Fera [voraverit,] erunt sicut Cadavera ei qui sine Gratiis est. Omnes Arbores super quibus ille sederit, quamvis bonæ essent, exarescent. Oportet, ô Fili, ut bisce Virtutibus doneris; quæ sunt I Liberalitas, II Veracitas, & III Misericordia erga Populum Dei: IV^o, ut sit tibi unum Cor & una Lingua, cujus Linguae scopus sit Veritas. V^o, Hypocrisin non fecisse cum Populo Dei, tam præmittatur quàm à Tergo sequatur: quicquid enim tibi ingratum est, id certè nemini gratum habebitur. Hoc est Principium in Religione, & Canon atque Regula nostra: namque Justissimus Deus Altor Zeratushto dixit

dixit; Quando cupis esse Sanctus & quoque Salvus, in hoc Mundo tibi incumbit facere duo Opera; quorum unum est; Ut si Paradisum eligis [seu præfers] in hoc Mundo, ne invadas Res aliorum; quia Paradisus est melior Rebus mundanis, cum hoc sit ut V Dies, illud ut Infinitum. Et cum Paradisi Possessio sit tibi gravior, in Res pauperes Cor ne affigito: erga quemque bonum cogita, quia Bonitas in hac Urbe est opus præstans. Tu itaque facito Hominibus Idem quod si Illi tecum fecerint, tibi satisfaciat. [Secundum est,] Linguâ tuâ neminem lædas, sed Bonitate teipsum cum hominibus sociato. Cumque sic te habueris, tum, è Mundo migraturus, in Animâ tuâ de Reditu securus eris: ad talem Gradum tu pervenies, ut tandem Præcipuum [seu Principale] tuum invenias; ut quamdiu in hoc Mundo locus tibi supererit, tibi non eveniant Noxa & Damnum; ut per cujuscunque aliquando Limen transeundo, nullum à Diabolis & Dæmonibus tibi veniat Detrimentum. Cuique igitur præcipito ut ita se habeat, ut in utroque Mundo certissimè felix sit. Ei à Diabolo tunc non erit Damnum, sed Paradisus erit locus ejus in æternum. Ibi ipse lætabundus sedebit, nec aliquid præter Desiderii sui Gaudium videbit.

P O R T A LXXII.

Preceptum est, ut quovis die quamprimùm lucefcit Aurora, pro minusculis Rebus [peccaminosis] Sacerdos Expiationem pro te faciat aliquo Convivio, [sc. parvâ aliquâ Oblatione quotidianâ,] vel ipse pro te facito: hoc enim in Religione clarum est, scil. In quacunque domo expiatum fuerit Convivio, in illâ domo hospites absque Fascinatione erunt: Beatorum Animæ 999000 illuc accedent. Ingruente quidem Nocte, & Sole ex Mundo abeunte, Diaboli & Dæmones tunc venient ut illius domûs Incolis noceant, & ut Capita Incolarum talis domûs in Vincula adducant: at quando in illâ domo Convivii Nidorem invenerint, inde exhibunt ab illo Convivio exterius: & in illâ domo non erit alicui Noxa, sed cum C Desperationibus inde exhibunt. Cuique itaque Fideli præcipitur, quovis Mane, secundum præscriptum Morem, Convivio expiare; ut quando ibi omnis Anima collocata fuerit, Diabolus ab illo loco longè absit. Et quamvis babes tantum Urceolum, tamen Convivium parvum est, & hoc indubitato bonum Opus habebitur. Propter tale Convivium non ita minuetur Meritum, quin MCC Dirèm illud ponderet. Terna ejusmodi Convivia triplum tot Dirumorum Meritum habebunt: sic enim Computus nobis institutus est.

P O R T A

PORTA LXXIII.

IN hac Religione, Fæminis [Puerperis] incumbit in [XII^m mense] Abân duodecim Oblationes præstare pro Peccato quod à Puerperâ processerit, ut ita purificata sit à Peccatis suis: præstet itaque & hoc Opus in se suscipiat. Nam in Libro Zend-vendîd dicitur; Fæmina quæ XII Oblationes præstabit, erit purificata & à Peccato pura, tanquam Ventus qui à Superficie Campestrium Paleam rapit. Non est aliquid Fæminis magis præceptum, quàm ut in Abân diligenter faciant Expiationem Pecuniâ suâ: talis enim in Viâ Religionis Fæmina habetur plane optima, quæ XII Oblationibus Expiationem fecerit. Meritorum ejus Exuberantia habebitur 100 000, & adhuc Mille. Tales sunt XII Oblationes, unde quævis inveniet Meritum in Paradiso supremo.

PORTA LXXIV.

PRæceptum est Fæminis probè cavere à Scortatione in suæ Religionis Regno: nam in bonâ Religione planum est, quid omni Fæminæ quæ cum duobus Viris concumbit dicturus sit Religionis Sapiens; sc. Quod cum Peccatoribus & Veneficis æqualis [seu compar] sit: nam in Zend-vendîd dixit; Unaquæque Fæmina quæ cum duobus Viris cubat, à Deo erit in Miseriâ & Difficultate plurimâ, & apud Angelos in Dedecore multo. Si talis Fæmina Aquæ Superficiem aspexerit, Aqua mox turbabitur & in Ebullitionem veniet. Si Ligna & Arbores aspexerit, Arbores turbabuntur & in Partes lacerabuntur. Si aspectum profecerit versus aliquem Virum, præ Dolo nil Decoris in eo manebit, nihil Scientiæ. Si talis Fæmina super Terram posuerit Pedem suum, Isphendârmaz [Terræ Angelus] mæstus erit propter hoc. Zeratushto dixit Creator, Eam, sine Morâ, citò occidito. Oportet enim Animam occidere per Angues & Leones & Tigrides & Lupos perfidos, quia aliàs majus Damnum incurret à Feris dilaniantibus fædis, & malis [Spiritibus.] Oportet itaque Fæminas se probè custodire, cum res ita se habeat. Non faciant in Maritos suos illicitum [seu vetitum,] quod in Religione incumbit tam in Nobiles quàm in Vulgus. Si alicui Viro se tradiderit quater, Marito suo
illicita

illicita habenda est. Ad Domum ante eam præibit Maritus, cum sit sicut Peregrinus, non sicut Affinis ejus. Peccatum in ejus Animam de novo semper veniet, & Anima ejus ad Infernum ibit. Oportet itaque heic multum conari, ut seipsam à Peccato contineat.

P O R T A L X X V.

SI Puerperæ Oculus in Ignem inciderit, erit ei Peccatum Ponderis XV Dirém. Si intra XV passus accesserit versus Ignem, Ponderis XII Dirém erit Peccatum ejus. Si tribus passibus super Ignem suum ambulaverit, Ponderis MCC Dirém erit Peccatum ejus. Si in Aquâ sederit, Peccati ejus Excessum scito esse Quindecies: [imò] cujuscumque Excessus erit usque ad MCC. Non debet in Solem aspicere, nec cum Viris Verba corrupta loqui. Duæ Puerperæ non debent concumbere. Vase plumbeo Cibus eis dato. Non debent aspicere in Cælum, nec Pede nudo super Terram ambulare. Non debent Panem comedere è Manu. Non debent Vas [ad bibendum] Aquâ implere, nisi usque ad Medietatem tantum. Mamum in Manicâ teneat illo Tempore, & Panniculum super eam circumvolvat, ne ejus Manus madesiat. Sic etiam faciat Tempore edendi. Non debet in Sole sedere, ut Æstate sit Solis Calor super corpus ejus. Quando Puerpera fiet dolorifica, quamvis eodem die purificetur, caput suum non lavet ante tres Dies. Et quando liberata est à Dolo lancinante, tum sedeat adhuc IX Dies salva. Deinde quando Puerperium ejus minuetur, sedeat aliquantulum, & tunc Caput suum lavet, & Purificationem Cordis Desiderio quærat. Si per XXIX Dies Puerpera fuerit, idem erit ac in initio dictum est; sedeat III integros Dies, & deinde Caput suum cum Desiderio lavet. Si dubitetur an sit Puerpera necne, faciat Vestem, & videat quod sit talis. Si sit Puerpera, sit Vestis pura; & hoc sciat, ne fortè pereat. Si sit ei Infans in Lacte, ejusdem memor faciat Vestem: & postquam Puero dederit de Lacte suo, is non debet esse exemptus à jussis & vetitis. Tum deinde Caput suum lavet, & quoque Infantis Caput lavet. Cum Puerpera viderit an sit secundum Morem, sciat quod debeat lustrari. Si illa Convivium quod coram aliquo est aspexerit, lustrari debet illud Convivium. Si postquam Puerpera Aspectum projecit in Aquam currentem, quamvis celeriter ab eâ discesserit, Puerpera omnem Rem in quam aspexerit jaeturâ afficit. Si Manum suam super Carduum fœtentem posuerit, certissimè scito talem Carduum quasi effossum

496 VETERUM PERSARUM EORUMQUE

fossam fore. Si Aspectus ejus cum Plagâ [sc. Fascino] inciderit in Indicum, illud Indicum amittet Colorem & fiet vitiatum. Seipsam itaque (præsertim tribus primis Diebus) à Peccato custodiat. [Vid. Portam XLV.]

PORTA LXXVI.

IGNEM ne accendas in Sole, quia hoc erit Peccatum [Ponderis] trium Estir; Peccator enim eris & ages corrupté. Vetita sunt super Caput Ignis tui Ostiola, sc. res in se habentes Foramina: nam ex omni Fenestrâ per quam Sol ad eum venerit, per eandem etiam ad te Peccatum veniet. Hoc Peccatum erit trium Estir. Nam Sol erit potior Igne; & quando Sol in Ignem splendescit, Potentia ejus minuitur: & hoc est Peccatum, quamvis Ignem alueris à mane ad vesperam: nam exinde tibi erit Peccatum MCC [Dirém.] Ignem itaque in Sole ne ponito: quia necessarium sit ut Opus tuum ita facias in hoc Mundo, ut exinde ad Animam tuam Damnum non veniat.

PORTA LXXVII.

SI duæ Personæ deferunt Cadaver ad Locum ubi Justa faciunt, habeant in utrâque Manu Vestem quam eo Tempore induant; unam supra Vestem priorem induant, Vestem, inquam, sepulchralem [seu quâ adeunt Conditorium] superius induant: nec Verbum dicant alicui, quia sic debet fieri. Et quando abituri sunt celeriter [versus Conditorium,] illud Cadaver ostendatur Cani, uni quidem, quo tempore reddit Animam suam, & alii, quando coram se exportant. Eodem tempore quo exportaturi sunt Cadaver, Filum alligent Manibus suis, ut semper sint prope se invicem: nam non debent vel unum Verbum dicere quando exportant Cadaver ad Locum ubi Justa facturi sunt. Si Cadaver sit Fœmina-gravida, cum sit duplex Persona, quatuor homines eam exportent. Cumque ab exportando Cadaver redierint [Vespillones:] tum euntes induant Vestes suas, & Caput lavent Aquâ Lotione-lustrali, quia alius non est citò moriturus. Cadaver, inquam, oportet Cani benè ostendere, nec unum plus Verbum
deinde

deinde addere: nam si aliter fecerint, etsi mille homines illud exportaverint, omnes erunt eo tempore polluti. Et in Zend-vendîd sic dicitur; Nisi Canis illud Cadaver viderit, defunctus habebitur pollutus & Morte suâ dignus, nec à Pravitate purificari poterit: & ipsius Anima etiam erit in Miseriâ.

PORTA LXXVIII.

Preceptum est à Ligno [sc. Feretro] Mortui cavere, ab illo, inquam, Ligno quo Mortuum exportant, & ab illo Ligno super quo Mortuum levant. Sic etiam à Ligno tacto Aquâ flavâ & Sanguine quæ Puerperam polluant; & à Ligno super quo Calceamentum posuerit Puerpera: item à Ligno quo affigunt hominem Patibulo. Ab his omnibus caveto, nec ad ea accedito, quia ab his omnibus fit Vestis tua polluta: ea ne comburito, sed procul asporta: nam nemo accipiet, nec comburet, quia nemini in hoc Mundo usui sunt.

PORTA LXXIX.

Preceptum est, ut si pro Medelâ Medicus Religioso præscribit comedere Cadaverosum; quamdiu hoc Morbo laborat, omnino non debet comedere Cadaverosum, quia in Zend-vendîd dictum est; Quicumque in Religione nostrâ edit Cadaverosum [seu foetidum,] Caput ejus affatim sætebit: & quando Anima è Pectore exierit, ad Gebennam itura est; nisi adduxerint eum coram Sapientibus, & hoc ei permiserint Desluri. Ii enim statim ejus Caput inde elevabunt, & pro Compensatione eum [Dispensatione] donabunt. Aliàs verò, in Gebennâ mansurus est, & Tormentorum ac Suppliciorum varia Genera perpassurus.

PORTA LXXX.

Preceptum est, ut Cadaver ad Ignem & Aquam non feras; quod si feceris, in Gebennâ mansurus es bocce Iudicio. Sic enim in Religione nobis dixit Religiosus; Quicumque Cadaver ad Ignem & Aquam adduxerit, eodem Tempore, propter hoc ipsum Opus, tanquam Locusta fiet: Hyems propterea vebementior erit, quod Cadaver ad Aquam & Ignem propè adductum fuit.

PORTA LXXXI.

Quicumque malitiosè Religiosum pascet Cadaverosâ-carne, aut Injuriam causâ talem in eum projecerit, oportebit eum ad eundem properare, & Pœnitentiam agere, ut hoc modo purificetur ab hoc Infortunio. Debet à Destûro impetrare ut pro ejus Animâ recitet Pîtûpbt, & Compensationem [seu Absolutionem] faciat pro Anima, ut ea à Gebennâ liberetur.

PORTA LXXXII.

Si Vacca aut Ovis Cadaverosum comederet, ad nullum Usus adhibebitur, nec pro Carne, nec pro Lacte. Aliquid de Pilis aut Stercore ejus usque ad Annum in Usus non veniet: & si fœtus ei fuerit in Utero, is non habebitur mundus usque ad Annum. Et, si illo anno conceperit, non erit munda usque ad Annum alterum. Si Gallina Cadaverosum comederit, tam Ipsa quàm ejus Ova erunt ambo immunda. Nam Religiosi statuerunt, ante Annum purificari non posse,

PORTA LXXXIII.

PRæceptum est nihil dare Peccatori : Peccatori enim si aliquid dederis, erit quasi Angues in Os tuum indideris. Si Cibum tali alicui dederis, si comederit & in Peccato perstiterit, tu cum eo peccasti, te ipsum cum illo in Gebennâ perdidisti. Si autem necesse sit ut aliàs incurrat [vitæ] Periculum, tum dato, aliàs habiturus es Pœnam magnam.

PORTA LXXXIV.

PRæceptum est, ut quando Mane à Somno surgis, primum Manus tuas detergas, deinde Faciem laves sine Morâ. Postea Manus & Cubitos lavato ter, & Pedes usque Crura trifariam. Inter lavandum aliquid ex Aveſtâ recites, aliàs autem inter lavandum nihil dicas. Si Aqua tibi non adsit, omiſſâ Litaniâ, Manus & Faciem fricato Pulvere trifariam, & deinde Litaniam facias. Et postmodum cum ad Aquam perveneris, laves, & deinde Litaniam facias. Nam si Manus aliquâ Re non fricaveris, Manus & Faciem expiare non poteris. Nisi enim Manum & Faciem primò laveris, ad nullum Rem manum applicabis.

PORTA LXXXV.

PRæceptum est Agricola bene cavere in omni Sato ad quod Aquam deduxerit, ut tales Rivulos bene inspiciat ne in eos aliquid Cadaverosum inciderit : bene, inquam, inspiciat subtus & suprâ & infrâ. Si autem Aqua cadaverosa inopinatò ad illud Satum pervenerit, quamvis cautus fuerit, quantum potuit, tum non erit ei Peccatum, cum nulla sit de eo Suspicio. At si ille Aquam non bene inspexerit, cum eâ si venerit Cadaver, proculdubiò erit Peccator, omnibus, inquam, Religiosis Peccator habebitur. Quando autem contaminatur hoc Peccato per Imprudentiam, Pœnitentiam faciat ut restituatur.

PORTA LXXXVI.

PRæceptum est cuique Fæminæ quæ Infantem enixa fuerit, ut intra XXI dies Caput non lavet. At post illos XXI dies, si putat commodum esse lavare, tum lavet benè. Manum non apponat ad ullam rem, ut sit ei Intellectus & Consilium & Discretio, nec Pedem ponat super Limen domûs. Usque ad XL dies caveat ab omni Re lignea & figulinâ: caveat à coquendo Ollas. Oportet, inquam, ab omni Re cavere per XL dies: cùmque illud Tempus pertransierit, lavet & purificetur. Usque ad XL dies, ad nullam Fæminam accedat; nam si ad Fæminam accesserit, Peccatum erit maximum. Si Mulier [ad quam accesserit] tunc fuerit gravida, proculdubiò ex ejus lacte læsus erit fœtus, cujus ideo Peccatum est à Patre & Matre: te itaque in periculum ne conjicito. Si autem XL diebus non apparuerit quòd fuerat gravida, cùm post XL Sanguinem viderit, dicito quòd nibili habeant, cùm Puerperæ [seu Prægnanti] non possit esse sanguis: in Puerperam itaque Impetum [in alio Exemplari Fraudem] ne facito. Et, si adhuc post Septimanam viderit Sanguinem, scito impossibile esse ut illa sit Puerpera [seu Prægnans.] An itaque illa sit Puerpera benè inspicio; ut si Puerpera sit, in alio loco seorsim sedeat. Puerpera itaque cùm sit, non debet Periculum facere: & scito hoc non esse parvi Momenti verbum.

PORTA LXXXVII.

QUoad Fæminam quæ Fœti Jacturam fecerit [per Abortum,] eam primùm dato præ foribus Adurân cum Cæremoniis religiosis, ut Interiora Cordis & Ossa sint ab Infirmitate suâ purificata. Aqua non est ei danda per triduum, propter Metum Mortis. Eodem momento quo talis Fæmina libera est ab Embryone, per tres dies pro illâ ingredieris illam Synagogam. Et quando Embryo præceps exciderit, eum relinuas per plusquam Horam: deinde Aquam ei dato ut bibat, nam fortassis de illâ Aquâ bibiturus sit. Post XL Dies [Fæmina] Caput suum lavet, & simul [solennem] Pænitentiam agat. Si Embryo non est quadrimestris, non est ei Anima. Quando sit ut dictus Embryo sit mortuus, in Velo Sanguinis

guinis [scil. in Chorio & Amnio] congelatus, si, inquam, ante tres Menses sic evenerit, oportet eundem Cani ostendere planissimè. Deinde Pelvis impleatur Aquâ-lustrali quæ ad Embryonem citò afferatur, & duæ Personæ Embryonem in illam Pelvim conjiciant: si albus sit, Cadaver habebitur ille Embryo, & Mater debet [solennem] Pœnitentiam agere. Si autem ruber sit Embryo, tum adest Sanguis; & quomodo Matri ejus Pœnitentia incumbet? Si tale quid evenerit post tres Menses, [sc. ut Embryo sit tantum trimestris,] bonam Circumspectionem adhibe: cave, cave tu qui Mysteria nôsti, nec Periculum facito in hoc Negotio: nam hoc prohibitum est in Religione nostrâ, & in eâ Mos & Regula est; Quod sc. non oporteat talia Spurca facere, de quorum Sanctitate plane dubitatur. Nam ab [ineunte] Vitâ usque ad Interitûs Tempus, talis Persona nullâ Aquâ purificabitur, quamvis Decies Millies Caput Aquâ-lustrali lavaverit; illi, inquam, talis Lotio non proderit, quia intus adhuc polluta est in Medullâ, & Venis, & Ossibus, & Cute. Hæc si noveris, benè est. Exteriùs quidem, certissimè purificabit Aqua: interiùs verò, Religionis Cæremoniæ purificabunt; nam illa Purificatio quæ intra Corpus, à Ritu religioso procedit. Si in hoc Negotio remissus es, tu omninò non es purificatus: quidvis ad quod apponis Manum, pollutum est, sive sit Cibus, aut Aqua, aut Ignis; quicquid, inquam, sit ad quod talis Manum suam apposuerit, Peccatum [novum] super alia ejus Peccata addet: unum nempe ei daturum est Centies Centum Millia, & hæc omnia erunt Peccata ipsius; quod benè advertito. Si Manum suam posuerit super Convivium, totum illud Convivium fætebit. Omnis Cibus quem Manu tetigerit, inquinatus & pollutus erit, sicut est malevoli Anima. Propter hoc debet [publicam] Pœnitentiam agere, & insuper novem Shávab [seu Gagatis-Gemmas] tradere. In hoc negotio ter Caput suum Aquâ-lustrali lavet: sic enim debet tribus Diebus Caput suum lavare: & tum si Manum ad quidvis purum apposuerit, non habebit quod metuat timeátve.

PORTA LXXXVIII.

PRæceptum est, ut quando aliquis è Mundo abierit, per triduum in Domo Religiosi non edatur Caro recens: quia multum inde metuendum est, quòd duos seros [seu mortuos] ibi fecerint. Oxygalam, aut Caseum, aut quicquid sit, in medium produc: nam tam Ille quàm Amici [seu

[seu Confanguinei] quicumque sunt, non debent ad Carnem manducandum considerare.

PORTA LXXXIX.

PRæceptum est, ut Liberalitatem præstes, Munificus sis, & hoc modo negotium facias; nam Terræ erit gratum quòd talis Homo liberalis super eam generosè-ambulet. In Mundo etiam gratum erit Vento, ut possit Liberalis Pectus recreare. Melius erit Equo tale negotium, quòd Homo liberalis eum inequitaverit. Gratum erit Mibræ [seu Soli] & Stellis & Lunæ, quòd super Liberalem splenduerint Luce clarâ. Liberalitas Deo chara est, Liberalis Locus propterea Paradisus erit. Sic enim dixit Deus-Justus; Liberalium Præmium eis afferam, non enim video idoneum esse ut Liberales sint sine illo. — Angeli ei benedicturi sunt. — Dixit quoque Deus, Scito ô Zerátusht Espintamân, me Paradisum creâsse ex Justitiâ: Locus-Boni Liberalis erit [apud] Gberûtamân, qui Bonitatem exercebit erga dignos, & idoneos in Religione Gaudio afficiet: eis donabit ex Rebus quas in manu habet, Locum & Sessionem pro eis in Paradiso inveniet. Ille etiam ab Inferno tenebroso erit immunis, hujus Opera non erunt præcipitata. In Religione planum est, quòd ad Paradisum sint Viæ XXXIII, per quarum aliquam Animæ ad Paradisum ituræ sunt, si multa Bona Opera fecerint. Sed Liberales per omnes XXXIII Vias ad Paradisum ibunt: cum Felicitate Viam ad Paradisum invenient, & sicut Ventus per Tchînavar leviter transibunt. Per quamcunque Viam properaverint, Angelos in Procinctu invenient Formâ optimâ, unde Liberalis propter optimam illam Pulchritudinem lætabitur. Latitudo τῆ Tchînavar est IX Lancearum, & quævis Lancea IX Cubitorum. Intra Paradisum est Liberalium Locus, qui melior quam aliorum, sine quâvis Imminutione: nec potes habere Merita potiora quàm ea quæ Veracis & Liberalis sunt.

PORTA

PORTA XC.

HOC Verbum audito ex Religione τ̄ Espintamân, sc. Quòd aliquando sit Tempus, ut semel recitando Ashîm, ejusdem Meritum sit decuplum: aliquando, eundem semel recitando, Meritum ejus sit C: aliquando M: aliquando 10000: aliquando 100000. Aliquando, illud semel recitando, Meritum ejus æquet Quantitatem Mundi & omnium Rerum quæ in eo. Decem Meritorum Ashîm erit Tempore Panem comedendi. Centum Meritorum Ashîm erit post Cibum præstare Vâgj. Mille Meritorum Ashîm erit Tempore dormiendi. Decies mille Meritorum Ashîm erit Tempore Mediæ Noctis: quando enim te à latere ad latus volvis, eo plus valebit Meritum in isto Negotio. Centies mille Meritorum Ashîm erit quando Mane à Somno surgis. Ashîm, cujus Præmium æquabit totius Terræ Regnum, illud est quod recitas Tempore Angustiae, in quâ (si recitaveris) lætus eris: Præmium ejus dabit Deus Plenitudine Mundi: sic enim dixit Zêrâtusht Espintamân. Et, si Ashîm recitare non poterit, unum in Os ejus indat aliquis è Famulis ejus. Si Ashîm in Conditione suâ recitaverit, devotus habebitur: & si devotus sit, secundum hanc Sermocationem Paradiseus erit. Et si Paradiseus fuerit in hoc Mundo, [apud] Gberutamân erit Locus ejus æternûm. Quovis gradu quem habuerit, altior adhuc erit gradus ejus. Tu itaque evigilato, & pro hoc Negotio Bona Opera præstato. Animam tuam exaltato, ut in bonâ Religione habearis pretiosior. Annitatur itaque Sapiens ut in hoc Loco Ashîm vubû sæpius adhibeat.

PORTA XCI.

PRæceptum est die & nocte anniti ut quodvis Bonum-opus quod facturus es, facias cogitando te hinc migraturum: si enim hodierni diei opus quis facturus sit cras, acerrimam de hac re Pænitentiam acturus est. Nam in nostrâ Religione certum est [Deum] τ̄ Zêrâtusht Espintamân sic dixisse; In totius Mundi Creatione nemo mihi melior est quàm
Tu

Tu es: propter Te Mundum attuli [seu posui:] inter omnia Climata Tu es Electus meus. Omnes Populi in quovis Regno fuerunt Seculi tui cupidissimi, ut bonam à te Religionem possent producere, Gberutamân conciliare, & Cor suum reducere. Ego te creavi in Medio Temporis quod in Mundo currit; scil. à seculo Keiomâras usque ad Seculum tuum, sunt Anni 3000: & ab hoc Seculo tuo usque ad Resurrectionem erunt etiam Anni 3000. Meque te in medio creâsse scito, quia omnis Res in Medio sita, præ eâ quæ in Initio & Fine melior est. Argumentum pro eo quod dixi, manifestum est, quòd sc. omnium quæ produxi, id quod in Medio sit optimum, prout cuique perspicaci constat: cùm enim Cor sit in Medio situm, ideò mihi æstimatur melius: cùmque nunc Clima Quartum sit Medium, ideòque & melius est. Ego te donavi Honore, & Dignitate, & Præstantiâ, & Propbetiâ, & Regalitate, cùm tibi sincerum in Mundi Regno reddiderim Gusbtaspem (ex Prosapiâ τῶν Keyân,) quo non est sapientior in hoc Mundo in seculo tuo. Tempore tuo effeci ut homines ex animo assuescant se Scientiæ. Nam cujusvis Excellentia non est in Divitiis, sed in Scientiâ & Morum-Præstantiâ: non in multis Annis, sed in Scientiâ magnâ: non in Origine & Stirpe, sed in Scientiâ & Virtute. Nam illorum, qui in Mundo sapientiores sunt, Gradus in Viâ Religionis sublimior est. Quando perceperint quòd id quod longo annorum Tractu in Scientiâ traxerant cum Molestiâ & suâ Maceratione, (quòd sc. id quod cum Tædio in eorum manus inciderat, dum tempus transfigerent in Viâ necessariorum suorum,) per te facillimè in manum accepturi sint, & cum Facilitate Scientiæ Religionis participes futuri sint; tum apparebit Sapientiæ differentia à Propbetiâ, & Te Scientiâ & Sapientiâ tuâ ipsam habere; se omnes esse ut Spinæ, Te verò ut Rosa; se omnes esse ut Partes, Te vero ut Totum; & tandem omnia illa quæ Ii cum magnâ Molestiâ addidicerunt, me ea tibi uno verbo ita dixisse, ut sint tam Vulgo quàm Proceribus facilia; adeò ut non maneat aliquid in quâvis Lingua dictum, nisi quod in Lingua tua sit sicut Aqua fluens. Tibi enim datus est Liber Avestâ, in tali Sermone, ex quo in Mundo Desiderium tuum & Famam obtinuiisti. Deinde tibi dedi Interpretationem τῆς Zend, qui est Liber & Scriptura valdè æstimabilis. Præ Lingua qua Homines ad loquendum utuntur, ea est Lingua Elegantior à Capite ad Calcem. In hoc [Libro] Eloquentiam tibi dedi, quæ Magnificentiam tibi afferet in Religione. Et nunc ô Zerâtusht Espintamân, annitere, & Consilium meum hoc tempore [amplectere:] omne Bonum-Opus quod potes, hodiè facito; in Vitâ tuâ, ne annitaris in crastinâ die [nec differas:] pro Animâ tuâ, quicquid potes, propriâ Manu facito: ne esto ex Socordiâ [dicens,] Ego hodiè

bodiè sum adhuc Iuvenis: ne esto negligens, quòd Discessus tuus sit ex improviso. Nunquam speres quòd post te aliqui pro te Bona-Opera facient: nam melior est una Dies vitæ tuæ in præsentì, quàm Spes pro quinquaginta Annis [in futuro.] Corpore itaque Bona-Opera præstes bodiè, nam cras præ Doloze non conaberis. Gogjesta, qui Diabolus Apostata est, duos Diabulos huic operi præfecit, quorum unius Nomen est SERO à CUPIDITATIBUS [recede;] alterius Nomen est O SOCIE POSTEA [facias;] ut hi duo Diaboli per hæc Remedia homines à Bonis-Operibus retrahant: uti quando est aliquod Bonum-Opus quod oportet hominem facere, accedens SERO, sicut Turbo, dicit, Tu diu victurus es; hoc opus poterit fieri quovis die intra vicenos. Et Diabolus, cui nomen est POSTEA, dicit, Hoc poteris postea perficere. Hi duo Diaboli ex necessitate prohibentur sunt Bona-Opera in hoc Mundo. Et quando te à Bonis-Operibus retinent, ne ponas Cor in hunc Mundum cum Desiderio & Aviditate, ne tandem veniens Fatum, & ex non-præstitis Bonis Operibus invenias Damnum, & poenitendo maneat in Tristitia, & tibi ipsi facturus sis Injuriam & Injustitiam: quando, inquam, Vindicta [seu Retributio] Paradisorum in te erit, Tristitia & Molestia & Mæror & Damnum tibi erunt. Peccata tua in Cervice tuâ manebunt, & nemo te ad Paradisum ducet: ideoque de Operibus tuis cautus esto, & in hominum Religiosorum Viâ insiste.

PORTA XCII.

QUando res à Cadavere polluta est, dicam quomodo desideratam ei Puritatem acquiras. Si Aureum sit immundum, illud Lotione-Lustrali Aquâ semel lavent: si Argenteum sit, eodem modo lavetur bis: si Cupreum, aut Stanneum, aut Plumbeum, aut Oricbaleum sit, eodem modo lavetur ter: Chalybeum lavato quater, Lapideum sexies. Si sit Turcois, aut Rubinus, aut Hyacinthus, aut Corneolus, aut Smaragdus, eodem modo lavetur sexies: & quâvis vice siccatum reddant affricando Terram. — Sic etiam si Margarita sit, ad instar Lapidis, lavent sexies. At quodvis Vas ligneum & testaceum abjicito: eadem est Quæstio & Responso. Si lavaturus sis Vestem, id facito sexies; nec eam in aliquo loco seponas ita ut Luna aut Stellæ aut Sol in eam splendeant. Et quando per sex Menses seposita fuerit, tum oportebit aliquem eandem induere, quamvis [hoc faciendo] baud multum lucraturus sit.

PORTA XCIII.

Praeceptum est, ut benè custodias Ignem Martis: quovis Anno tantum Lignorum affec quantum illo Anno comburatur, quod ex præteriti Anni demenso [sciatur.] Praeceptum est quavis Nocte Ignem reficere; nam per Ignem Corda Religiosorum exbilaraturus es. Quando Ignem reficis, in eum bonos Odores indito, ut Dæmones & Venefici ab eis fugiant; cum à Virtute Ignis Martis suppeditetur Vita tam Proceribus quàm Vulgo, [i. e. omnibus.] Inter homines quidem omnes possumus esse ut Pastor & Grex, à Splendore & Illuminatione Angelorum: at si non fuisset Ignis Martis, non esset aliquis inter Creaturas vivens, nec esset in hac vitâ Permanentia. Quantum itaque potes, pro Signo [seu Morimine] adhibe Ignem Adurân, & juxta eum Petitiones & Desideria tua habeto; quia inde erit tibi Splendor & Illuminatio infinita.

PORTA XCIV.

In hac Religione celebranda sunt Ghabanbâr sex, quod ab Espintamân præceptum est omnibus qui Religiosi & Sancti sunt. Quicumque potest, in hanc rem annitatur eique allaboret: nam observando Consuetudinem taw Ghabanbâr, affatim accessus ad Deum inveniet. Et, si unus solus non potest, duo, aut tres, aut quatuor, hoc Opus aggrediantur: nam cum nôsti Mundum nemini manere, huic, inquam, Operi pro virili incumbito. Si tres præstare non possunt, quale tunc erit tuum Ghabanbar? Quisque in medium conferat symbolum, nam, ad instar hujus, non restat alicui tale Meritum. Cuivis Religioso incumbit quàm citissimè hoc opus aggredi, quia inde inveniet Meritum multum. Si autem non, nec habet aliquis multum quod conferat, nemo in hoc Opere Jaclantiam præ se ferat [plus quàm potest conferendo.] Ubicumque celebratum fuerit Ghabanbâr, fac citò ad illum locum properes: & quamvis te non advocaverint, ei [celebrationi] benedicito & [sponte] aliquid dato, ut non retrò maneat à tam bono Opere: annitere, inquam, nam inde Desiderium tuum tandem invenies. Hæc sex Ghabanbâr nobis Religiosis injuncta sunt, quia Deus-Justus hujus Mundi Regnum & quicquid in eo est uno Anno creavit, Terram sub-

substravit, & Cælum superinduxit. Primò creavit Cælum XLV diebus: in Die Cbûr Mensis Ardibehist fuit Ghabanbâr primum, V diebus constans, cui nomen Midiyîzeram. Si quis hisce V diebus Ghabanbâr celebraverit & Benedictiones pronuntiaverit, ejus Merita erunt tot numero ac si dedisset Agnos ac Oves mille. Bonis & dignis quicquid aliquis dederit, id pro Animâ suâ dat talis Religiosus. Sexaginta diebus Deus creavit Aquam in die Cbûr Mensis Tîr: hujus quindii Ghabanbâr est Midiyîshabam-ghâb. Qui hocce quindium ex animo celebraverit, inveniet Abundantiam Animæ suæ: tantaque reportabit Merita ac si dedisset Vitulos & Vaccaas mille, dedisset, inquam, Bonis & Dignis pro Animâ suâ. Ghabanbâr tertium est quo Deus per Potentiam suam produxit Terram LXXV diebus: in Die Astâd Mensis Shabrivâr hujus Ghabanbâr Initium fuit. Quicumque eo die illud celebraverit & Benedictiones fundendo triumphaverit, percipiet bonum omnium Ghabanbâr quæ antea celebraverat. Hujus nomen est Pitîshabam-ghâb, cujus Meritum erit tantum ac si mille Equuleos & Equas bonas dedisset Dignis & Bonis pro Animâ suâ. Quartum Ghabanbâr est Iyâseram vocatum, quo Deus XXX diebus creavit Herbas & Arbores in Die Astâd Mensis Mibr: quicumque, quantum potest, illud celebraverit, habebit tot Merita ac si mille Pullos ac Camelas Bonis & Dignis dedisset pro Animâ suâ. Quinti nomen est Midiyaram, quo Deus LXXX diebus produxit Animalia: hujus Initium est Die Mibr Mensis Dey, constans V diebus apud omnes Magnates & Sapientes. Quicumque hoc Ghabanbâr celebraverit, supra omnes Colla sua exerentes exaltabitur, & hinc tanta erunt ei Merita ut ea non poterit numerare, ac si, cum Vaccis & Vitulis mille, tot Pullos & Equas glomeratorias & totidem Camelas cum Pullis dedisset Bonis & Dignis pro Animâ suâ. Sexti Ghabanbâr nomen est Hamespatâmadam, quod in Pentadem Mazdiyase-nânincidit, & Pentade [seu Quindio] constat: in eo Deus LXXV diebus produxit Homines; eos, inquam, ultimò produxit pro quorum necessitatibus primò [reliqua] creavit. Quicumque hæcce Ghabanbâr cum perpetuis Benedictionibus celebraverit, (si, inquam, ejus Pentadem celebraverit,) plurima Merita reportabit pro quantitate Mundi & omnium rerum quæ in eo, ac si, ejus causâ, à Cerebro usque ad Faciem & Cutem [i. e. totum quod habet] dederit Dignis & Bonis pro Animâ suâ. Annitetur quilibet ut ab hisce Meritis non retineatur ex Juvenilitate suâ. Scito hæcce sex Ghabanbâr instituta fuisse à Gjemsbîd: horum, inquam, Observationem Deus ostendit Gjemsbîdo, qui habuit [pro Viatoribus] mensam: ei enim mos fuit, ut quicumque peregrinus [hisce diebus] ab itinere adventaret, eum ad Coquinam suam mitteret ut se cibo satiaret. Die quodam

aliquis Diabolus per ostium ingressus est, sub formâ Viatoris, quem cùm à Gjemsbîdo festinanter cibum peteret, Gjemsbîd illum ad Culinam misit, Coquo præcipiens ut huncce hominem cibo satiaret. Quando autem ad Culinam venerat crudus ille Dæmon, cibum à Gjemsbîdo destinatum comedit, & mox à Coquo alium petiit, ut sibi satiaret postulans. Coquo hoc ad Gjemsbîdum referente, præcipit; Afferto aliquot Tauros, eosque macatos & coctos ei dato. Abiens itaque Coquus sic fecit, nec fuit satur, sed aliam postulavit mensam. Coquus itaque pertæsus, Gjemsbîdum adiit & omnia ei narravit, dicendo, O Augustissime & Maxime, passim per Mundum repræsentatur Culpa maxima; dicitur enim in Augustissimi [Regis] Culinâ non esse talia [ac tam sumptuosa] quæ sunt in reliquâ parte Regionis: fuit enim aliquis famelicus qui ab eâ non discessit satur: & si ita sit, quandonam sufficiet Regi Regum? [Qui itaque iussit;] Ito & Equos & Boves & Oves macato & coquito & liberè dato. [Coquus] itaque sic fecit, donec vires ei non manerent. Cùmque Gjemsbîdo narraret, Gjemsbîdo coram Deo ingemiscente, is hæc omnia à Capite ad Calcem referre [iussus est] Misit itaque Deus Justissimus citissimè Angelum Beberman quasi esset Fumus, [jubendo] Ito & Bovem rubrum accipiens macato in Nomine Dei qui Prudentiam dat: eumque coquito in Aceto veteri, & cave accuratè facias, Allio ac Rutâ superadditis: & in Nomine Dei ex ollâ effundito: deinde coram eo appone ut comedat. Cùmque Portiunculam Panis in illum [quasi Secerniculo] friasset, Diabolus ille maledictus inde aufugit, abiit, evanuit & disparuit, nec deinde aliquis eum postea vidit. Ex eo Tempore à Ghabanbâr instituta sunt, & in hominum bonum patefacta. Si itaque in bonum anniteris hoc modo, à Deo Religionem [veram] assequeris. Deinde quando postea occurrebat Fames, Bovem eodem modo parârunt, sc. in Aceto coxerunt cum Allio & Rutâ, & hoc modo paratum comederunt, boni Effectûs causâ; & abiit Caristia, & Fames è Mundo amissa: per Nomen Dei Beneficentissimi removebatur illa Fames, & Egestas, & Indigentia: ejusmodi arcanum Opus facit Operum Effector. Scito Zerátusht Espintamân statuisse in Mundo ista Ghabanbârbâ, per quorum Ceremonias abibit Calamitas, & multas videbis Benedictiones in Vitâ, cum Divitiis & Possessionibus amplis.

PORTA XCV.

Preceptum est, ut si aliquis Beneficium facit alteri, tum alteri incumbit illum eâdem Quantitate rependere quantum poterit: si Gratitude[m] justâ Quantitate[m] rependere noverit, multam inveniet Mercedem in utroque Palatio [seu Mundo.] Sic enim est in bonâ Religione, ut si aliquis in aliquâ re benefecerit, Deus decuplo plus ei rependat. Nam si aliquis id quod justum & bonum est cordialiter & animitus non cognoscit, secundum Veshâvazend, huic tandem eveniet ut Peccatum habeat infinitum: ei hoc Peccatum imputabit magnum, nec Deus concedet diem Spei & Metûs. Sic dicit Diabolus, nequam; Ille est nobis Affinis & Contribulis; in eum tandem erit Manus mea, is erit sub Pœnâ & Supplicio meo: alteri Diabolo non tradam illum, Retributioni ejus superaddam Miseriam. Sic monet Mûbad-Mûbadân, ut hujusmodi Peccatum in te non veniat, sed à te procul absit.

PORTA XCVI.

Salutationem ad Solem necessariam esse scito: quicumque est Religionis & Prudentiæ particeps, ter quovis die ei Salutationem faciat. Et si adhuc semel fecerit ex abundanti, tanto erit Exuberantia Meriti ejus: si bis, duplum; si ter, triplum erit Meritum ipsius. At si semel in die non fiat Salutatio, tibi erit Peccatum ponderis trium Sitâr, [i. e. VI Dirêm cum dimidio.] Peccatum quoque augebitur quâvis vice quâ Salutationem non feceris. Et eodem modo erit Igni & Lunæ Salutationem isto more faciendo.

PORTA XCVII.

Si quis ex hoc malo Mundo discedit, Nemo debet flere propter illum; quia omnis Aqua quæ ex ejus oculis fluit, ante Pontem Tchânavar erit Obex ei: talis homo ibi manebit saucius, nec inde rectâ procedere poterit. Expiationem itaque faciant ex Avestâvazend, ut ab illo loco removeatur Obex.

PORTA

PORTA XCVIII.

SI quis ex animo Religioni incumbit, Sacerdotibus & Sapientibus ministerium faciat, Cingulum induat, & eos adeat, à Destûr & Hyrbad Verba audiat: pro tuâ illorum verborum quantitate, (quicquid tibi dixerit,) ne ei reddas, AUDIVI [anteâ.] Si illa Verba tibi displicuerint, nihil boni tibi redundabit ex illis. Nam in Zendavestâ sic dixerunt Religionis Magnates qui per hoc Unionem perforârunt, [i. e. rem tetigerunt;] Quicumque contra Sacerdotum Verba argumentaverit, ejus Lingua tabescet, ex hoc Mundo exeundo, erit Dolorem passus, & postea in Infernum præceps ruet.

PORTA XCIX.

QUIVIS religiosus rudis quando sit sapientior, addiscat Scripturam τῆ Avestâvazend. Et cuiusvis Sacerdoti ac Sapienti hoc incumbit, ut in tali Scripturâ alterum erudiat. At quisque moratus, qui non dabit operam huic Scripturæ addiscendæ, certè erit Peccati alicujus magni reus: quia Zerâtusht in Religione effatus est; Apud eum non manebo in Æternitate supremâ, sed quantitate latitudinis totius Terræ à Paradiso eum separabo. Hocque tu scito, siue bonus, siue malus sis.

PORTA C.

NON debet Sacerdos τῆ Péblavi cuilibet explicare quoad sensum ejus. Nam Zerâtusht (qui Religionis Viam benè perspexit,) à Deo quæsit; Docendo aliquem τῆ Péblavi, quomodo erit, & cui nam laxabo Habenas? Responsum accepit, Quemlibet de Sobole tuâ doceas: at si Sapiens aliquis docuerit alium, ei Peccatum imputabitur maximum. Nam quamvis ei sint bona Opera, tandem Anima ejus in Gebennâ erit. In Zenduvendîd hoc modo dictum est; Si quis in Re
aliquâ

aliquā Injuriam afficit alium, Peccatum ejus abundans perpetuabitur: cum ex hoc Mundo exiverit, erit desolatus, nec Bonitatem ejus in censum adducet: à Mibr-Ixad & Reshn-Ixad Pœnitudo & Vexatio supervenient. Tu itaque teipsum ab hoc Peccato contineto, ut sis salvus Die Computi. Die noctęque Deo gratias agito, & ut alterius Mundi particeps sis querito.

در ختم کتاب میگوید

Autoris Conclusio Libri.

شد این نظم صد در بدینجا تمام
رما بان بر روح دیکان سلام
کشیدم درین نظم بسیمار رنج
دهادم درین نظم صد جای کنج
بسی نکته خوب در صد درستی
بداند هر آنکس که دین پرورستی
بسی زور و بالاش بشتافتم
بسی مو بهر نکته بشکافتم
بلندی و پستی او بود پر
قلی کرد مانند پشت شتر
شتر کردنش بند تاریخ از آن
که باشد بیابان به پیش جوان
توان از شتر در بیابان شدن
شتر تا بدین ره بیابان شدن
شتر قوشه راه را می کشد
شتر ساز خرگاه را می کشد
چنانچون که بهدین بدین درستی
تواند به بنگاه خون راه جستی
بدین صد در ای مرد فرخنده دام
عمل گر صنی دین بری والسلام

Hæc finita est v̄ SAD-DER Compositio:

A nobis super omnes bonas Animas fit Pax!

In hacce Compositione multam sustinui molestiam,

Et in eā centum locis posui Thesaurus.

Multa bona dicta sunt in SAD-DER,

Hoc sciat quicumque Religionis fotor est:

Multoties infrā & suprā eum percurri,

Multos Pulos quovis Dīcto fidi.

Suprema & infima ejus pars est perplena,

Cumulum facit sicut dorsum v̄ SHUTUR,
[i. e. CAMELI gibbo tumentis:]

Nam CAMELUM feci vinculum Epochæ ejus,

Ut sit coram juvene in Deserto.

Potes CAMELO in Desertum abire,

CAMELO, inquam, est ut hac viā in Desertum abeas.

CAMELUS Viaticum tuum portabit,

CAMELUS Apparatum Tentorii tui bajulabit, [sc. hic Liber omnes necessitates tuas sustinebit:]

Ita ut, cum Religiosus sis in Religione sincerus,

Poterit hoc Fundamine suo viam perquirere.

Si secundum hunc SAD-DER (ô vir fanstī nominis)

Præxim institueris, Religionem reportabis. Atque nunc salvus sis.

Mohar-

دە وچار بون ار محرم که من	<i>Moharram XIV fuit quod ego</i>
شمر کردن تاریخ آن در سخن	<i>Verbo SHUTUR [numeri 900] feci Epigram ejus.</i>
تمت تمام شد	<i>Explicit, finitus est.</i>
هر آنکس که این نظم را گردان	<i>Quicumque hanc Compositionem memoriâ tenuerit,</i>
ورا بان بس آفرین دلکشان	<i>Ei erit abundans Benedictio & Cordis-Apertio [seu Solutium.]</i>
چنین نظم بودست از مرد شه	<i>Hujusmodi est hæc Compositio à Viro Regio,</i>
ملکشاه بودش پدر با فره	<i>Melichâb fuit Pater ejus cum Felicitate.</i>

HISTO-

HISTORIÆ
RELIGIONIS VETERUM PERSARUM
APPENDIX,

CONTINENS

Aliquot *Traëtiunculas* seu *Dissertationes*, in quibus
paulò uberiùs tractantur Pauca quædam, tantùm levi-
ter tacta in superiore Opere.

T t t

APPENDIX.

IN isto *Appendice* continentur particularia quædam *Dissertationum Capita*, superiùs nimis leviter tacta, quæ (quia in propriis suis locis pro *Digressionibus* habenda essent,) antea, prorsus omissa *Appendice*, in *Præfationem* inserere statueramus: postea autem (cùm multiplicarentur,) visum est subungere *Appendicem*, & dicta *Capita* in eundem rejicere.

I.

Pag. 36 memorantur *Calbii* & *Durzii*, &c. Hi à quibusdam *Europæis* minùs rectè vocantur *Durcæi*, & à *Beniamino* in *Itinerario Hebraico* דורזי *Dúgzii*, pro דורזי *Dúrzi*. Apud *Rawolfsum* *Itin.* part. II. cap. 13, dicuntur *Trusci*. *Syriæ* Incolis audiunt درزي *Dúrzi*, vel in Plurali Formâ دروزي *Durúzi*. Isti sunt ex hodiernis *Montis Libani* & *Curdistaniæ* Incolis, qui pessimæ suæ Religionis Originem altè petunt; aliqui à *Noach*, alii ab antediluviano *Patriarchâ Enoch*, & quoque à *Seth*. Miseram istam Religionem contentam in Libro dicto صفي شيش *Sóbupb Sbeit* (quam ergò *Sethicam* vocamus,) hodie colunt in *Libano* & *Curdistân* variae *Curdorum* Gentes, uti dicti *Dúrzi*, & حميدي *Homéidii*, & كلبى *Kelbii*, seu *Calbii*, i. e. *Canicularii*, (nam *Kelb*, seu *Calb*, est *Canis*,) ab aliis sic dicti quia *Nigrum Canem* colunt: quod idem in *Curdistân*, seu *Gordyææ* Montibus, faciunt illi *Curdi* qui vocantur مردی *Yezîdi*,

Yezîdi seu *Yezidæi*; qui etiam *Nigrum Canem* & quidvis *Nigrum* multum æstimant, propter Colorem (ut creditur) Diaboli, quem venerantur, & qui ab ipsis vocatur *استاد Ustâd*, i. e. *Magister*. Et *Yezidæorum Sacerdos* (qui talis Magistri aptus Discipulus, pullatus incedens,) ab illis nominatur *مرید الیزدی Murîd AlYezîdi*, i. e. *Discipulus Yezidæus*. At omnes hujus Gentis homines à *Mohammedanis* & *Christianis* vocantur *شیطانی Sbeitâni*, i. e. *Satanici*, *Diabolici*, quia profitentur *Satanam* esse suum *پیر Pyr*, seu *شیخ Sbeich*, i. e. *Doctorem suum*: nam (ut ajunt *Orientales*,) quicumque non habet *Doctorem*, *Diabolus* erit *Doctor* ipsius. Hi negant *Resurrectionem*, & sunt mediæ Opinionis inter *Mohammedanos* & *Paganos*. Putant Deum esse *علی*, non quidem *Ali*, sed *Ali* seu *Excelsum*; cujus Existentiam agnoscunt, sed eum non adorant.

Istiusmodi Miseris, à *Gordyâ* ad urbem *Mausil* Forum adeuntibus, illudere solent *Christiani Mausilenses* & *Turcæ*, qui si fortè talem inter se inveniunt *Yezidæum*, solent circa eum in terrâ ducere Circulum, ex quo is superstiosè existimat se non posse exire, donec ab aliquo frangatur dictus Circulus; eumque interim (cùm non possit exire,) vexant, acclamando *Náalat Sbeitân*, i. e. *Maledictus sit Diabolus*: sic nempe vulgus falsò pronuntiat *Náalat* pro *لعنة Láanat*. Utcunque tamen, nullus *Christianus*, aut *Turca*, inter *Yezidæos* casu versatus, audet (quod prope accedit ad *Naalat*) vocare Ferrum equinum *نعل Náal*, nec vocem *Náal*, quavis Occasione, pronuntiare, ne fortè intelligatur *maledixisse Diabolo*, propter quod illum statim trucidarent: ideoque Ferrum equinum potius vocari solet *ارضی Ardî*, quia *terræ proximum*.

Isti *Durûzi* erant olim in Monte *Libano* ante tempora *Herodoti*, à quo dicuntur *Δυρζοῖαι*, ex quibus Milites conscribebant veterum *Persarum* Reges. Et supradicti *Calbii* ii sunt qui apud D. *Sponium* Artic. I, in Inscriptione Antiquâ vocantur *Calbienses Cob. III*, scil. *Cobortis Tertiæ Milites*, quos *Romani* olim conduxerant ex *Calbiis*, Montis *Libani* Incolis, qui erant Gens bello fortissima, ex illis *Curdis* qui *Ægypti* aliquando fuerunt Domini, de quâ re videatur *Abu Mohammed Mustapha*. Dictam Inscriptionem habet Lapis dedicatus *Soli*, qui, ex inscriptis Characteribus, videtur *Palmyrâ Romam* advectus. Pro Fortitudinis eorum Exemplo sint civilia quædam Prælia, seu Dimicationes, quæ ante medium superioris Seculi, per aliquot

aliquot annos in *Syriâ* durârunt inter istos *Montanos* Principes & Planitierum Incolas, in quibus quidem bellis compertum fuit quòd *Montani* semper prævalebant; utpote qui, in *Sicciorè Aëre* nati, *majorè vigore* præditi fuère, ut ubique gentium fit. Unde erat quòd *Othmân, Turcarum* olim Imperator, in *Janizariorum* suorum Fortitudine aliquem defectum sentiens, in animo habuit, his sepositis, Exercitum sibi conscribere ex *Curdis, Vezîri* sui consilio: id autem subolentes *Janizarii*, Imperatorem suum trucidârunt. Ex his olim erant *حساسين Hassâsin*, seu *Assasini*, de quibus consulantur Scriptores *Belli Sacri*. Nomen *Hassâsin* significat *Trucidatores*, seu *Occisores* & *Sicarios*, qui quidvis aggredi audebant.

Istæ omnes *Libani* & *Gordyæ* Gentes habent annuatim *Bacchanalium* suorum Festum nocturnum in *Calendis Januarii*, de quo Ritu me certiorè fecit amicus noster, cui nomen *Andréas Phûrah*, Natione *Syrus Ladikiensis*, cujus socius aliquis ei narravit se aliquando dictis *Bacchanalibus* Clam interfuisse, (quod lepidum,) quando post vespertinam Commestationem & Compotationem Virorum & Fœminarum, Luminibus omnibus extinctis, in *illicitam Venerem* promiscuè ruebant omnes. Dictus Socius, antea conspectâ *Virgine* quæ juxta *Vetulam* confidebat, Animum in eam intendebat. Quando itaque extinguerentur Lucernæ, ille in Tenebris nescius in utram harum inciderat, palpitando, malo fato, incidit in *Vetulam*: & ut certior fieret, digito explorabat illius Os an esset edentula? Quo facto, *Vetula* illa statim exclamabat *غريب غريب Garîb, Garîb*, i.e. *Peregrinus, Peregrinus!* Ille autem mox evasit pro Vitâ suâ. Hæc itaque eorum *solemnia Sacra*, sunt *prophana Tenebrarum Opera*.

Isti Populi in intimo Domûs, sive Penu, tanquam in *Larario*, habent quisque suum *Penatem Larémve* (quem colunt,) qui videtur *Patriarchæ Seth* Imago seu Statua; quia is fuit primus eorum in Religione Antistes, cujus nomine possident suprâ memoratum Librum; quem, unâ cum dicto *Lare*, adeò Clam habent inter solos suos, ut quicumque eorum alicui *Peregrino* monstraverit, mox à suis trucidetur. Ægrè enim cum Vitâ suâ evasit aliquis eorum qui *Europæo Gallo* revelasse suspectus, nisi quòd uterque se solenni Juramento purgaverit.

Sequens de *Jezidæis* & *Durziis* Extractum humanissimè pro me fecit supradictus Amicus, idque ex Libello Gallico *par le Sieur Michel Febvre, Parisiis* 1675, 8°; qui per XII Annos in Oriente fuit Linguis addictus. Sic ergò incipit p. 318; Isti *Jezidæi* nec sunt *Mohammedani*, nec *Christiani*, sed *bis* addicti potius quàm *alteris*; hos enim vocant

cant suos *Compatres*: in *Turcas* autem adeò averſi, ut ſi irati aliquod Animal vituperant, id vocent *Muſlemanum*. Bibunt Vinum & edunt Porcinam, ſed non niſi per Vim circumciſi. Nullâ Vi adaçti maledicent *Diabolo*; adeò ut aliqui ex eis Excoriationem paſſi ſunt potiùs quàm tale quid facerent. Nam (inquiunt) non poſſumus, ſalvâ Conſcientiâ, maledicere alicui Creaturæ quæ eſt Dei Creatoris, quia nullum eſt huiusmodi Præceptum in Scripturis ullis: nec quidem (ſicut *Turcæ & Chriſtiani*) tenemur convitiari *Diabolo*, quamvis valde inobedienti & contra Deum rebeli; ne pluſquàm tenemur maledicere cuiſvis Aulæ Miniſtro qui è ſui Principis favore excidit: imò, è contrà, tenemur ei bene precari, quia aliquando fortè apud Principem ſuum in favorem redeat, &c. Nolunt quidem libenter nominare *Diabolum*; qui ergò potiùs per Periphrasim vocatur *Pavo-Angelus*; vel *Is quem nôſtis*; vel *Nôſtis quis ſit*; vel *Ille cui Stulti & Ignorantes maledicunt*. Aliquo Die, cum eſſem cupidus viſendi Rudera Monasterii *Simeonis Stylitæ*, *Jezidæorum* (qui me illuc deduxerunt) aliquis mihi monſtravit Fiſſuram in Rupe, infra quam erant Rudera Civitatis Magnitudine æquantis Urbem *Blois*: hæc dum contemplaremur, quæſivit an ſcirem Cauſam Fiſſuræ dictæ Rupis? Cumque me ignorare agnoſcerem, regeſſit quòd Infideles illuc perſequebantur *Jezidæum* aliquem; quo (potiùs quàm malediceret *Pavoni-Angelo*), illuc fugiente, totus Mons ſe aperiens illum excepit & protexit: quo facto, attoniti Inimici ejus, condonari petentes, ad ejus Religionem converſi ſunt. Mons autem, mox rurfus coaleſcens, in huius Miraculi Memoriam, parvam tantùm Fiſſuram reliquit. Cumque eſſem in eorum Po-teſtate, non auſus ſum ridere. Et variis Modis tentando, non potui eos adducere ut *Pavonis-Angeli* aliud Nomen darent; quod noluerunt facere niſi per Circumlocutionem. *Jezidæorum* Habitus eſt tantùm duorum Colorum, ſc. vel *Albus*, vel *Niger*; qui ergò, diſtinctionis Cauſâ, vel *Albi Jezidæi*, vel *Nigri Jezidæi*, vocari ſolent. Horum *Nigri*, qui *Sacerdotes*, ſunt uxorati vel unâ, vel duabus Uxoribus: & volunt ut *Albi* eos vocent Titulo *Pauperum*, quamvis non ſint *Pauperes*. *Albi* non poſſunt ex Habitu diſtingui à *Turcis*, niſi ex Induſiis, quæ non habent à Collari longam Fiſſuram, ſed tantùm rotundum Foramen per quod transmittatur Caput: quod non caret ſuo myſterio, cum ſit in memoriam *Circuli aurci*, ſeu *luminofi*, qui poſt XL·dierum Jejunium cecidit in Collum magni eorum Sancti *Sheich Adi*. Omnes (tam *Albi* quàm *Nigri*) ſunt ejuſdem Religionis, Vota nuncupantes & ſacras Peregrinationes ſuſcipientes, prout faciunt *Turcæ*
&

& *Christiani*. Non habent Templum ubi Deum adorent, nec unquam (nisi curiositatis gratiâ) in *Turcarum Mosqueas* ingrediuntur; quod proculdubio lubentius, & meliori cum effectu, facturi essent in *Christianorum Ecclesias*, si non metuerent ne, eo nomine, malè tractentur à *Turcis*. Peccatum ducunt minimum quidvis à Barbis suis abscindere: unde eas perpetuò crescere relinquunt, præsertim *Mystaces*, quas ad tantam promittunt longitudinem, ut in ora porrigantur: & quosvis odio habent ut Hæreticos qui, propter Decentiam, aut Convenientiam, aliter faciunt. Per totum annum non habent nec *Festa*, nec *Jejunia*, nec quodvis *solemne Tempus* Divino Cultui assignatum; sed tota eorum Religio consistit in *non nominando Diabolum*, nec ei *maledicendo*, atque in *distincto* quodam *Habitu*, & in *canendo* quædam *Cantica* in honorem *Jesu Christi*, & *Virginis Mariæ*, & *Mosis*, & *Zachariæ*, (& aliquando *Mohammedis*,) quæ, ex quâdam vanitate, à se invicem addiscunt, vocem modulando ad *Tamburam*, quâ in Amicorum Visitationibus & Epulis ludunt. Non habent *Libros* aut *Literaturam*; adeò ut in tam profundâ Ignorantiâ viventes, facilè ad quidvis credendum inducantur. Ex cœcâ Traditione aliquantulum credunt in *Biblia* & in *Evangelium*, & eorum aliqui in *Alcoranum*; asserentes hos tres Libros à Cœlo venisse. Inter orandum, convertunt faciem ad *Orientem*, non ad *Austrum* ut *Turcæ*. Quamprimùm summo mane orientis Solis Radii in eorum Tentoria projiciantur, omnes consurgunt &, conjunctis manibus, Deum colunt: & hinc est quòd aliqui crediderint eos esse Idololatrias, colentes Solem ut primum Principium & Creatorem; quod de illis non est verum. Referunt & credunt varia *Christi* miracula, nunquam in *Evangelio* memorata, nec unquam *Christianis* nota; viz. quòd *Christus*, primo Nativitatis Die, assâ voce loquebatur, & quòd à mortuis suscitabat aliquem qui obierat ante mille annos; idque, ad liberandum à Calumniâ & iniquâ Censurâ Matrem suam Sanctissimam, & ad probandum eam concepisse illum absque Contactu Hominis, & per solam Inspirationem Dei. Illis licitum est repudiare Uxores, eum in finem, ut fiant Superiores *Nigrorum Jezideorum*, vel ut fiant *Eremitæ*; sed propter nullam aliam causam. Uxores emunt, idque pro CC Coronis, quod est statum pro omnibus Conditionibus & Qualitatibus Pretium, five sint Divites, seu Pauperes; Formosæ, seu Deformes: & Uxoris Pater accipit Pecunias. Hoc autem est, quia Uxores solent despectui haberi, & tractari ut Vernæ. Sæpe in Uxores ducunt Avunculi aut Materteræ Filias; & hoc modo mutuam duarum Sororum Elocationem instituunt.

stituunt sine ullo pretio ex utrâque parte, quod inter orientales *Christianos* illicitum. Si aliqua Nupta in Adulterio capta est, vel Pater, vel Frater, eam trucidat, & *Mœchus* luit pretium trium Uxorum, sc. DC Coronarum; vel aliàs eum trucidant, si non vult, vel, ex Paupertate, non potest dictum Pretium solvere. Vel si Consanguinei eum non trucidant, *Turcarum* Magistratus Multam imponit: at si ambo trucidantur, nihil ampliùs potest fieri. Omnes viri ingredientes domum ubi aliqua Fœmina trucidata fuit, per modum approbationis, Gladium vel Cultrum suum in Cadaver adigere solent. Vinum bibere affectant ad excessum: & ex naturali illâ Inclinatione evadunt ebrii, non obstante *Turcarum* Prohibitione. Sæpenumero Vinum dignantur venerabili nomine *Sanguinis Jesu Christi*: & quando, inter convivandum, aliquis alteri offert Poculum Vini, id facit his verbis, *Accipe Calicem Sanguinis Jesu Christi*. Ille cui propinatur, quamvis gradu superior, osculatur Manum propinantis; & omnes qui ibi adsunt surgentes, decussatis super pectora manibus, humiliter se flectunt donec biberit: & deinde postea quisque locum suum capeffit. Hæ Cæremoniæ, quas sæpiùs vidi, cum aliis quibusdam Consuetudinibus *Christianorum*, inducunt me credere eas fuisse derivatas ab *Arrianis*, aliisve Hæreticis, & processu Temporis in hanc Formam mutatas; vel aliàs, habuerint eas ex illâ uniõne quam cum aliis Hæreticis contraxerint, in suâ defensionem, contra *Turcas* Inimicos suos. Poculum ori admovent ambabus manibus: & aliter fecisse, indecorum esse judicatur. In *Nigrorum* Salutationibus, alter alterius manicam osculatur: eæ autem *Alborum* sunt ad morem Regionis. Si sibi obviam fiunt *Albus* & *Niger*, iste solus accipit osculum super Habitum suum. Omnia Nigri Habitûs Frustula, seu Panniculos, tanquam tot sacras Reliquias conservant: & si tale quid in terram ceciderit, accipientes illud osculantur, super Capita sua ponentes, & deinde tutò reponentes; donec tandem, Processu Temporis, coacervaverint vastas Quantitates talium nigrorum Panniculorum, quibus Culcitra & Pulvinos implent, loco lanæ: & hinc nascuntur multi Pediculi & Reptilia alia. Solenne eorum Juramentum est, *Per Virtutem Habitûs nigri*; & *Per caput eorum qui habent honorem eundem induendi*. Et quamvis talis Habitus niger formâ non differat ab aliis, ejus tamen Partes vocantur Nominibus dignioribus; uti pro *Tulbend*, dicitur *Mitra*; pro *Vestimento*, dicitur *Humerale*, &c. Afferunt istam Venerationem quam nigro Habitui tribuunt, esse, quia refert eum τῷ *Jezîd*, seu *Jesu Christi*, quem plerique eorum credunt eandem Personam differentibus Nominibus vocatam. Si quis cupit

cupit fieri *Jezidæus* niger, aliquot Diebus in antecessum tenetur famulari Superiori: quo facto, exuit vestes suas omnes, excepto Panniculo ad tegendum Pudenda: & hoc Modo se habentem, alii duo Aures ejus apprehendendo deducunt ad Superiorem, qui *nigram Tunicam* ei offert his Verbis; *Ingredere in Ignem, & scito te in futurum esse Discipulum. Jezîdi: & in illo Statu, propter Amorem Dei, à reliquo humano genere perpeffurus es multas Injurias, Dedecora, & Persecutiones: iste enim Habitus te exosum reddet omnibus Nationibus, Divinae autem Majestati gratissimum.* Deinde dictam Tunicam induit, dum omnes qui adsunt pro eo orant. His factis, dictus Superior eum ambabus ulnis amplectitur, & ejus Manicam osculatur, quod idem faciunt omnes *Nigri* qui adsunt, quibus etiam ille reddit similia; non autem *Albis*, qui sunt tantum Seculares. Et ab illo tempore incipiunt eum compellare *Cutckac*, seu *Clericum*, sive *Discipulum*. Et tunc tandem ille parat Convivium pro omnibus tam Amicis quam Peregrinis. *Nigris* permittitur de quovis Animali edere: sed eis non est licitum illud mactare, quippe quod ab aliis, qui non gerunt Habitum, faciendum est. Plerique adeo scrupulosi sunt, ut inter ambulandum maximè caveant à calcando sub pedibus quamvis *Formicam* aliudve *Insectum*; nec *Pediculos* suos necant, sed potius abjiciunt; unde pediculosi evadunt. Quando taxantur de nimia Miseratione erga Animalia, præsertim ea quæ parantur pro Usu & Nutrimeto hominum, regerunt; *An tu libenter ab humano genere eodem modo tractaberis si esses in loco eorum? Quis enim novit an non eorum Anima aliquando animaverit [seu informaverit] aliquam Creaturam humanam? & prætereà poterit esse ut in Die Judicii à Deo implorent vindictam pro suo Sanguine quem tu gratis effudisti pro tuâ Voluptate.* Si in Consortio aliquis habet cum alio Rixam, ille qui fecerit Injuriam alteri tenetur veniam petere sequente Forma; viz. Surgit, & ambabus Manibus vultum tegit, & decussatis Cruribus, se humiliter inflectit coram Supremo eorum qui tunc adsunt, confitendo Culpam suam: quo facto, dictus Supremus Admonitionem ei impertit, super eum precando, & mittit eum ad Adversarium amplectendum, & ad osculandum Manus omnium *Nigrorum Jezidæorum* qui tunc adsunt. Si adhuc plus Rixæ supersit, adit Domum Superioris, qui easdem Cæremonias rursus præstat: & prætereà jubet reum, per modum Sacrificii, dare *Ovem & Dolium Vini*. Adeo ut, omnia ista *Pænitentia* cum Humilitate & Solennitate præstita, plerumque desinant in profundâ *Ebrietate*. Eorum Habitationes sunt *nigra Tentoria* ex Pilis Caprinis, circumsepta Arundinibus

522 RELIGIONIS VETERUM PERSARUM

nibus aut Spinis. Horum Tentoriorum Forma est vel *oblonga*, vel *quadrata*, differenter ab eis *Turcomanorum*, quæ sunt *rotunda*. Unà cum Gregibus migrant à Planitiis ad Montes secundum Anni tempestates, *Æstatis* aut *Hyemis*. Castrametantur Formâ circulari, in medio relinquendo locum pro Gregibus, ut sint à Furibus & Feris securæ. Suos mortuos, sicut Canes, sine Cæremoniis sepeliunt; nisi quoddam ditiores fortè sepeliantur in aliquo Peregrinationum suarum loco, eis accinentibus ad *Tambûram* aliquot *Cantica* in laudem *Jesu Christi* & *Mariæ Virginis*, aut *Jezidi*, aut *Mosis*, meliore More quàm *Turcæ*, qui inconditâ Voce ululant sicut Bestiæ. Non est licitum lamentari mortem *Jezidæi Nigri*, utpote qui certò ad Paradisum iverit: omnes enim Lacrymæ & Luctus culpantur; adeò ut cogantur mentiri Gaudium, & convivari & canere & saltare, dum intus lugeant. Hujus Populi Numerus, in *Turcarum* & *Persarum* Dominiis, est saltem 200000, qui omnes utuntur eisdem Ritibus, & in strictâ Amicitia inter se invicem vivunt. Pro Armis utuntur Arcubus & Gladiis curvis & Fundis, quæ omnia (præsertim Fundam) tractant dexteritate planè incredibili. *Capucinatorum Missionarii*, istorum Conversationem frequentando, & per montes cum illis commigrando, didicerunt eorum Linguam, & in *Catechismo* instruxerunt, atque baptizârunt duos eorum Superiores *Petrum* & *Paulum*, cum XIII aliis: & ulteriorem fecissent Progressum, si mali homines non impedivissent tam bona Opera. Istis *Capucinis Jezidæi* promittebant se, pro natâ Occasione, posse in Campum Martium adducere 30,000 milites pro Rege *Galliæ*, quem vocabant *Regem Cordium suorum*; pro quo etiam Preces publicas ad Deum fundebant, & Saltationes, cum *Hispanicâ* Gravitate, sat elegantes habuerunt, unà cum *Cadentiâ* Instrumentorum musicorum, sc. *les Flûtes*, *les Guittars*, & *les Timbrels* seu *Tabers*, scil. *Biscay Drums*.

Druzæi nullos habent Sacerdotes. Sunt Gens bellicosa, formidabiles *Turcis*, quos odio habent: amant autem Sympatriotas suos *Maronitas*. Proni sunt ad *Christianitatem* amplectendum. Incestum committunt Patres cum Filiabus, &c. *Jezidæos* odio habent eosque occidere affectant, quamvis eadem Linguâ utantur cum *Jezidæis*, & ambo vocentur *Curdi*. Præcipua Differentia est in Religione & Habitu: nam *Curdi* incedunt vestiti ut Rustici *Turcarum*. Sic ille. Cum his conferantur ea quæ suprâ p. 517 de *Durziarum* Religione & Ritibus retuli ex ore alicujus *Syro-Arabis Ladikiensis*, quæ differunt ab his quæ habet *D. Chinon*; qui dicit eos se vocare *Francorum* Fratres, qui in *Palestinam*

Palæstinam venerunt sub Præsidio *Domini de Dreux*, Tempore *Godofredi Bullionensis*. Reverendissimus & Doctissimus *D. D^r Marfb* Archiepiscopus Dublinensis possidet de *Durziorum* Origine Librum *Arabicum* MS quem nondum vidi; qui fortè idem sit cum eo quem mox memoraturus sum. Nam *Pere Eugene Roger* edidit *Itinerarium Gallicum* cum Figuris, 1646, 4^{to}, ubi p. 294 narrat Historiam ultimi Principis *Durziorum*, *Emir Fachreddin Ibn Maan*, *Turcis* dicti *Manogly*, qui huic Autori in *Syriâ* monstravit *Arabicum* Librum Genealogiæ suæ deductæ à dicto *Godofrido Bullionensis*. In isto Libro relatum est, aliquem ex istius Principis Majoribus ortum, & è *Terrâ Sanctâ* expulsus, se recepisse in *Arabiam*, ubi *Saracenos* deprædando victum quæsivit; donec tandem cum suis Sedem capefferet in *Galilæâ superiori*, juxta *Jordanem* haud procul à monte *Libano*, in Territorio ab *Arabibus* dicto *بلد دوزي Balad Durîzi*, i. e. *Regio Duruziorum*. Et à *Turcarum* Sultanis permissum est eis quietè vivere, modò (ut *Arabes*) Tributum solverent. Cùm autem isti (ut suprâ notavimus) apud *Herodotum* memorentur, eorum Origo altius petenda est, & remotiori Antiquitati referenda.

Chamsi, seu *Solares*, sunt omnium Sectarum numero paucissimi: circa *Mesopotamiam* fortè sint 10,000. Non habent Sacerdotes, sed in Specubus suam Religionem adedò clam exercent, ut nemo unquam eorum Cultum videre potuit; nec eorum conversi unquam eundem revelârunt, propter metum suorum. *Turcæ* eos coëgerunt ad amplectendum aliquam Sectam eorum qui sub *Turcarum* Imperio degunt: ideòque adjunxerunt se *Jacobitis* *Syriæ*, eâdem cum eis Formâ baptizantes Liberos & sepeliendo Mortuos: sed clam suos exercent Ritus, quod *Turcæ* non permiserant si *Turcismum* amplexi fuerant. Credunt Cælum & Gehennam & Diem Judicii, & *Christum* pro nobis crucifixum fuisse: sed nulla Sabbata & nullas Ecclesias habent. Usuram abominantur, & eo nomine odio habent *Judæos*: & si emunt Equum, aut alia Bona, à *Judæo*, aut *Mohammedano*, cogunt cum jurare ea non lucrata fuisse per usuram: & præterea omnia lavant. In unanimitate vivunt, & valdè humani & hospitabiles sunt, atque bellicosi, *Schopetas* tractantes optimè, quod sedendo faciunt.

II.

Pag. 28 & 42. Quoad *Bactriam*, seu *Bactrianam*, Legatus ad Magnum *Cbân*, *Jobannes de Plano Carpini*, videtur eam indigitare corrupto nomine *Bartbra*. Tota illa Regio in orientalibus Libris vocatur *Chorasân*, *خراسان*, cujus Urbs extrema est *Balcb*, *بلخ*, citima verò *بخارا* *Bochâra*, seu, ut pronuntiari possit, *Bachâra*: & hinc fit corruptè *Bactria*. Sed quamvis *Græci* sumpserint nomen à citeriore Parte, tamen in ulteriore collocant præcipuam ejus Urbem τὰ Βάκτρα, quæ *Balcb*. Ut autem hæc duo extrema ἀσπίδα conjungi & conciliari possint, sciendum est, quòd per Orientem urbs *Balcb* sola vulgò vocari soleat *Balcb-Bochâra*, quod interpretor *Balcb-Bactriæ*; aded ut in isto uno nomine utraque τῆς *Chorasân* Extremitates componi videantur. *Arabs* quidam (scil. *Abulpheda* in Historiâ suâ) dicit *Balcb* *بلخ* Arabizatum esse pro *Bálach*: sed planè fallitur, quia tum non legeretur *Balcb*, sed *Bálach*. At ut pateat quàm parum Autoribus *Arabicis* fidendum sit in Rebus *Persicis*, *Camûsi* Autor *Arabs* in voce *بلخ*, pro *Balcb* malè legit *بلج*, *Bilâbgj*, quod Nomen omnibus aliis Autoribus inauditum, & fortassis ab imperitis Librariis in hanc formam corruptum est. His addam, quòd in corruptis Versionibus *Latinis*, pro *Balcb* legitur *Baldach*; & Adjectivè *Abalachi* pro *Al-Balcbi*, i.e. *Balcbensis*. In Libris etiam vocatur *Balcb-Bâmi*, *بلخ بامی*, *Balcb-Baminenfis*.

Sed *Strabonis* ἡ Βακτρία, & *Ptolemæi* τὰ Βάκτρα, *Stephano* atque *Straboni* alio etiam nomine vocantur τὰ Ζαρίαατα, (in *Ptolemæi* Impressio *Χάριατα*, in MS *Seldeniano* *Ζάριατα*,) & incolæ nuncupantur *Ζαρίααται* & *Ζαρίααταίηροι*, & ejusdem Regionis Flumen ἡ Ζαρίαατις. Hæc autem *Græca* Nomina corrupta sunt, desumpta olim ex aliquo malè scripto & malè lecto codice *Arabico* aut *Persico*, quo quidem modo, *Græci* nomina inde mutuantes, in multos errores inciderunt, ut constat Exemplis plurimis. Nam *Persici* Libri fidem faciunt, quòd Urbis *Balcb* Conditor fuit *Gushtaspis* Pater *لهراسب* *Lobrâsp*, seu, ut legi possit, *Labrasp*, qui ibi extruxit augustissimum Pyreum *Adur-Gushtasp*, in quo omnes suas Divitias recondidit, & illuc solennem Peregrinationem omnibus injunxit. Ista itaque Urbs (à Conditore sumpto nomine,)

nomine,) vocari debuit *Λαριάα*, seu *Λαράα*, quæ à *Græcis* *Librariis* mutata sunt, pro *لهراسبى* *Λαράα* perperam legendo *هراسبى* *Λαριάα*. Et sanè mirum dictu quot Locorum & Rerum Medicinalium Nomina corrupta nobis exhibuerunt *Græci*, ea olim in malè exaratis Libris *Arabiciis* perperam legendo, & eadem inde hauriendo! Quod monendum duxi, cùm cuilibet hoc scire non liceat. Ab illo itaque Conditor dicta fuit *Urbs* τῆ *Lobrasp*: postea verò *Balch*, quia ibi copiosa *Ilex*, q. d. *Urbs Ilicum*.

Quin & *Balch*, seu *Bactria* (ut omnia ejus nomina persequar,) à *Persis* etiam vocatur *Urbs Abrahami*, quasi crediderint eum aliquando ibi fuisse, vel habitasse. Sic legit *Rustemi* Epitomator, بلخ شهر ابراهيم پيغامبر عم *Balch*, quæ est *Urbs Abrahami Prophetæ*, super quo sit *Pax*. Fortassis verò sic vocetur, quia hæc urbs valdè sacra olim habita fuit, propter solennem Peregrinationem illuc suscipi solitam in *Persarum* Religione, quæ *Religio Abrahami* vocari solet. Aliàs, talis hujus urbis denominatio malè fundata videtur, cùm ex Sacrà Historiâ colligi nequeat quòd *Abraham* unquam excursionem fecerit in *Bactriam*. Præterea obstat quòd urbis *Balch* Conditor *Lobrasp* vixit fere MM Annis post tempora *Abrahami*. Ideoque si aliquid huic Historiæ insit, id intelligendum est de antiquiore ibidem Urbe *Bamiyan*, in cujus locum (vel ad parvam distantiam) successit *Balch*.

Tempore *Abrahami*, *Bactriæ* (vel potius τῆς *Bamiyân*) Rex, secundum *Diodorum Siculum*, fuit *Oxyartes*, cum quo bellum gessit *Ninus*. Falluntur autem qui hoc tribuunt *Zoroastri*, qui illis temporibus non vixit; quem etiam (quia *Magiæ* Reformator fuit,) perperam ponunt *Magiæ* Inventorem, cùm *Magi* multis seculis eum præcesserant. Si *Bactriæ* Rex fuisset *Magiæ Naturalis* Inventor, *Persarum Magi* (qui Magnatum suorum memoriam recolunt,) certè noluisissent ejus oblivisci: sed talis quis, apud eos, inter suos veteres non memoratur, nec agnoscitur. Verum quidem est, quòd *Zoroastres* (non *Oxyartes*) fuit suo tempore *Magiæ* & *Magiæ Religionis* Reformator, quem itaque affatim laudant & commemorant, nullum ejusdem nominis alium agnoscentes, præter unicum illum, *Darii Hystaspis* Tempore celebrem.

III.

Pag. 94. Inter Doctos agitari solet Quæstio, quæ fortassis à nobis jam terminari nequeat, sc. *Quamdiu Magnetis usus in Navigatione obtinuerit?* Magnetis quidem nomen, & ferrum trahendi vis ab omni ævo innotuit. Iste Lapis in *Gemara Talmudica* vocatur **אבן שאבר** *Lapis attrahens*, & in Judæorum antiquissimis Precibus **מגנים** *Magnes*, & **קלמיטה** *Calamita*, quod *Italicum*. *Perficè* **سنگ آهن کش یا آهن ربا** *Lapis Ferrum trabens*, seu *Ferrum rapiens*. Instrumentum verò Itinera dirigens vocatur *Compassus*, *Italicè* *Bussolo*, i. e. *Pyxis*. Sinicè ea XXIV Ventorum vocatur *Kiè-pon*, i. e. *lineata Pyxis*, Arabico-*Perficè* audit **قبلة نامه** *Kibla-nâma*, i. e. *Kiblæ Libellus*, seu *Charta*, vulgò perperam **خبره نامه** *Cbabra-nâma*: aliàs rectiùs **قبلة نما** *Kibla-nomâ*, i. e. *Kiblam ostendens*, sive velis individuum *Kiblæ Punctum*, sive quemvis locum anteriorem ad quem tendis, sc. directum Iter quaquaversus dirigens. Sed cum *Kibla* sit *Meridies*, Iter tam ad eam, quàm ad aliam quamvis plagam, per consequentiam deducendum est, sc. per additionem & subtractionem. De ejus usu per *Terram* apud *Ramusium* in *Collectione Itinerum* legitur; *In plerisque Arabiae locis Itinera fecimus ope Compassi: & XL Diebus ac Noctibus occupati fuimus iter faciendo inter Damascum & Mebam.* Et *Rawolfius* in suo *Itinerario Syriæ* p. 163 dicit; *Viarum Duces per arenosa Deserta vias suas dirigunt per Compassum, eodem modo quo Pilotæ faciunt per Mare.* Adeò ut, ne quidem per *Terram* itinerantibus semper liceret vastissima *Desertorum* Latifundia recto tramite peragrarè absque *Acus Magneticæ* Directione. Nam in *Oriente*, per invia Solitudinum *Æquora* nulli sunt viarum Cippi, sed omnes semitas (si quæ fuerant) quovis momento operiunt *mobiles Arenæ*, in quibus *firma Terra* frustra oculis perquiritur, & totum circuitum ambit nil nisi visum perstringens **سراب** (*Serâb dicta*) quæ siticulosos Viatores sæpe, *Aquarum Spe*, deludit & è viâ seducit.

De *Pyxidis* Usu consulatur *Gilbertus*, atque *Cabæus* qui statuit eam non fuisse notam ante D annos. Et *Bochartus* ejus Antiquitatem negat, rectè ostendendo *Plauti Versoriam* esse *Funem Nauticum*. Sed *Martinius* in *Atlante*, de *Chinâ* agens, ait; *Ibi, ante Europæorum Inventionem, Artis Nauticæ & Magnetis Usus antiquissimus.* *Acu Magneticâ*

neticâ etiam instruitur *Chinensium Pyxis sortilega*, ubi Sortitio, seu Electio facienda ejusmodi Acu indicatur. Et cum *Salomon* singulis Trienniis instituerit Navigationem ad *Opbir*, & (ut creditur) ad *Peru*, & *Hanno*, à suis jussus, navigaverit extra *Fretum* ad varia loca, & *Pbarao Neco*, *Pœnorum* Ope, procuraverit Navigationem per totius *Africae* Continentem usque ad *Indiam*, ut notat *Herodotus*; videtur impossibile hæc omnia præstitisse absque Magnetis Ufu. In *Libyâ* apud *Ammonios*, in *Jovis Templo* (propter Fabulam *Arietis* qui aliquos adventantes deducebat ad Fontes, cujus rei non meminit *Curtius*) erat Statua cum *Arietino* Capite: unde *Alexander*, in Nummis, ut *Jovis Ammoniæ* Filius, *Arietinis* Cornubus pingitur. Sed, inquit *Curtius*, Id quod pro Deo colitur, non eandem Effigiem habebat quam vulgò *Diis Artifices* accommodârunt. Umbilico maxime similis est habitus, *Smaragdo* & *Gemmis* coagmentatus. Hunc, cum Responsum petitur, Navigio aurato gestant Sacerdotes, cum multis *Argenteis* Pateris ab utroque Navigii latere pendentibus. Sequuntur *Matronæ* *Virginisque*, patrio More, inconditum quoddam Carmen canentes, quo propitiari *Jovem* credunt, ut certum edat Oraculum. Illa nempe *Jovis* Effigies videtur semiglobulare quiddam, (uti est *Compassus* marinus) Formâ Umbilici librarii, seu Umbonis, tanquam *ignis* quoddam adoratum propter ejusdem divinum Auxilium, utpote in quo *Index Magneticus* erat sicut intus existens, quidam Deus, Navigiorum cursum in medio *Æquore* dirigens. Unde iste *Jupiter*, in solenni Processione, Cymbâ seu Navigio ab LXXX Sacerdotibus comportatus, circumferri solebat. Consule *Pitisci Curtium*, ubi *Schottus* ait; Nihil aliud erat quàm *Charta Marina* *Pyxidi Nauticæ* ritè juncta. His positis, *Pyxidis* Antiquitas ponitur. Sed ad *Delpbini* Editionem Annotator his omnibus contradicit, pro Umbilico legens *Umbriculo*, ut sit species *Ovis*, & tantum sub unâ formâ *Jovem* cultum fuisse statuens. Videant alii: nobis enim non est tempus aut locus Controversiam terminandi.

IV.

Pag. 118. *Medica*, seu *Pabulum Medicum*, (sc. *Trifolium Cochlearium*,) sic dictum est, quia primò ex *Mediâ* in *Europam* transplantatum, vel potius ex Semine satum. Hujus nomen *Persico-Medicum* est *سوفست* *Supist*, seu *سوفست* *Sufist*, vel *اسپست* *Uspist*, seu *اسفست* *Usfist*; unde *Syri* etiam fecerunt *اسفست* *Espesto*, seu *Esfesto*, & *Arabes*

523 RELIGIONIS VETERUM PERSARUM

Arabes فصة *Phássa*, seu فصصة *Pháspbasa*. Dictum autem Pabulum recens magis propriè *Arabice* vocatur رطبة *Rátba*, & siccum قن *Kàtt*, utrumque فقل *Nafàl*, seu *Nefèl*, de quo consulatur *Avicenna*, qui ponit aliquam differentiam. *Turcicè* vocatur جوجة *Yóngja*, à يوندق *Yõnmak*, *secando*, q. d. *secabilis, demessa*, seu *demetenda* Herba: nempe quia hæc Herba pro Pabulo abscindi solet & demeti: gramen autem ordinarium pro Fœno sicco in *Oriente* non metunt: namque non siccant, sed aliquando fortè parum quid secatum recens & madens edatur ab equo. *Ogilbuis* in *Persia* p. 43, ex suis Autoribus perperàm legit *Gontscheb*, pro *Yontscheb*; quæ (inquit) *crescit ad altitudinem IV pedum, cum flore cœruleo: & metitur singulis Mensibus, & sic durat sponte nascens per septennium: sed Anno septimo de novo feritur, multam rigationem poscens, ut Oryza, aut Triticum. Hoc Pabulum siccum est pro Equis Nobilium. Id quod in nostris Herbariis exhibetur, (exceptâ Cochleatione,) est Trifolium, ferè tale ac est Fœnum Burgundiacum sacrum, sc. Sainet-foin, ob singularem Usus sic dictum.*

Apud *Orientales* memoratur alia *Medicæ* Species, *Persico-Medicè* dicta دیو سپست *Dîv-supùst*, i. e. *Medica Diaboli*, quæ *Turcicè* audit كركي جوجة *Kara-yóngja*, i. e. *Medica Nigra*, & گبهيك جوجة *Gbeyik-yóngja*, i. e. *Damarum* seu *Cervorum Medica*, scil. *Medica Cervina*, Flore etiam cœruleo, ut dictum. Hæc *Arabice* audit حندقوق *Handacûk*, seu *Lotus* Herba, quæ est *Trifolii* Species, nostratibus dicta *Trifolium Corniculatum*. Plura videant alii. Quin & *Medica* aliàs *Arabice* vocatur ذرق *Dbórak*, cum aliis nominibus quæ leguntur in Libro *Nuzbatol Nophûs*. Apud *Rovillium Lugdunensem* visuntur tres *Medicæ Cochleatæ* Species.

V.

Pag. 132. In Insulâ *Javâ* Urbs præcipua & Sedes Regia est *Bantam*, ubi *Lusitanicum m* sonandum est ut *n*, seu *ngb*: nam in Regis *Bantamensis* Literis *Credentialibus Malaicis* (quas possidemus ante *L* annos exaratas) ad Reges *Angliæ* missis, scribitur بنتان *Bántan*. At in *Credentialibus Arabicis*, quas ego interpretatus sum pro *Carolo II*, tacito prorsus *Bantani* Nominis, ea Urbs sæpe & semper vocabatur سورسوان *Surosoán*. Tota quidem Insula in Libris *Persicis* vocatur

بهرج

جَزِيرَة مَاجَا *Máha-Rágja*, i. e. *Magnus Rex*, in Libris *Arabicis* جَزِيرَة رَاج *Gjazíra Al Mabarágia*, i. e. *Insula Magni Regis*. A vulgò loquentibus vocitatur جَو جَا *Jáva*, vel جَو دِب *Gjáva-dib*, seu *Gjava-dív*, i. e. *Hordei Insula*: unde apud *Ptolemæum* legitur *ιαβανδίου*, ὅ ἐστι *Κεῖθης Νῆσος*. Fortè rectiùs legendum *ιαβανδίου Javadív*, cùm in linguis illorum locorum *Díb*, seu *Dív*, sit *Insula*; unde sic terminantur pleraque in illis Partibus Insularum Nomina, ut *Serandíb*, de quâ fusè diximus in Notis ad *Itinera Mundi*. Sic etiam *Ptolemæo* *σαβανδία*, i. e. *Anchoræ Insula*, & *ναγανδία*, i. e. *Serpentum Insula*, si rectè capio in Linguâ *Malaicâ*. Hæc itaque Insula fuerit *ferax Hordei*, quod tamen videtur primò aliunde ad eos allatum, cùm in Linguâ *Malaicâ*, hisce locis propriâ, non detur aliud Hordei Nomen præter جَو *Gjáva* ex Linguâ *Persicâ* mutuatum: nam si *Hordeum* apud eos ab Initio semper fuisset, proculdubiò ejusdem aliquod Nomen originale in suâ Linguâ habuissent. Tritici etiam Nomen *Gbéndum* coguntur mutuare à *Persis*, à quibus itaque & illud Granum habuere. Supradicta *Serandíb* (quæ *Taprobána*,) aliàs vocatur *σαβανδία* apud *Cosmam Monachum* in *Τετογραφία Χριστιανική*, ubi dicitur ibi esse Ecclesiam *Christianorum* illuc adventantium, cum Presbytero ex *Perside* ordinato, atque *Diacono*, & totâ *Ecclesiasticâ Αετρεσία*. De nominibus *Pekin*, & *Nan-kin*, & *Ventis Sinicis*, vide supradicta nostra *Itinera Mundi*.

VI.

Pag. 187. In Libro *Persico* D. *Bunclei*, Num. 44, de Morte Celebrissimi *Astronomi Omar Cbeiyâm*, sequente modo legitur; وکاردخ قد مذکور و مسطور است که وفات ملک الحکما سلطان العلماء قدوة الفضلاء علام خواجه عمر خیام در سنه سبع عشر و خمس مائه بونه است در نیشابور و در تمام علوم و حکمیات یکانه و اعلم رماده بون خواجه نظامی عروضی سمرقندی که اعلم وقت خون بون و یکی از شاگردان خواجه عمر بونه و حکایت موت خواجه عمر میکنند که مرا در بلخ با خواجه عمر اتفاق ملاقات افتاد و مجلس میداشتم در اثناء سخن گفتی که قبر من در موضعی باشد که هر بهار

بان شمال بر وی گل افشان بون ، مرا اران تعجب آمد با خون گفتم که
 این مرد گراف دگوبد تا بعد از موت او چون مرا چند گاه به دیشابور گذر
 افتاد قبر او در جافتم دیدم که قبر او قریب دیوار باغی بون که درختان
 میوه دار گلنار سر از دیوار باغ بهرون آوردن چندان شکوفه بر سر او
 ریخته بون که در آن میان قبر او دمی دمون تعجب ار گفتار خواجه عمر
 آرویی خاده او کردم و چون بخاده او رفتم بعد از پرسش او گفتم
 که خواستی او چنین بون و از حال او آگاهی دانم مادرش گفت
 من نیز بعد از موت او عجبی دیدم و آن اینست که شبی عمر را
 از خدای بامریش میخواستم و تضرع و ابدمال می نمودم همدردی
 بخواب رفتم عمر را بخواب دیدم که رباعی بر من میخواند چون بیدار
 شدم رباعی بر خاطر من مانده و او را رباعی بسیار است بحکمت
 آموخته و در شرح سخنان او بعضی مملوع است اما یک رباعی نوشته
 شد که بعد از وفات او مادر او را بخواب دیدم پرسیدم که ای فرزند
 حق تعالی با تو چه کرد این رباعی بر مادر خواند مادر خیام از
 خواب بیدار شد این رباعی مانده داشت بعد اران مشهور شد و رباعی
 که در خواب خوانده شد اینست

ای سوخته سوخته سوختنی
 وی آتش دوزخ ار تو افروختنی
 قاصی گوئی بر عمر رحمت کن
 حق را تو کمی آیتی رحمت آموختنی

*In Chronico memoratum & exaratum est, quod Mors Regis Sapientum &
 Principis Doctorum atque Exemplaris Excellentium, Doctissimi Chogja
 Ontar Cbeyâm uccidit anno 517 in Urbe Neishâbur. Atque in omnibus
 Scientiis ac Sapientiis unicus & scientissimus sui temporis fuit Chogja
 Nezâmi Versificator Samarcandensis, qui sui temporis Doctissimus atque
 unus*

unus ex Discipulis dicti Chogja Omar fuit: & is mortem Chogja Omar sequente modo narrat. Mibi in Urbe Balch acciderunt Conversationes quædam, & habuimus confessum, ubi ille verbum effatus est, Meum Sepulchrum erit in Loco, in quem quovis tempore verno ventus septentrionalis Flores spargit. Ego autem miratus mecum dixi, Certè iste homo futilia non loquitur. Donec tandem, post Mortem ejus, cum aliquoties ad Urbem Neishâbur concesseram, Sepulchrum ejus inveni: & observavi ipsius Sepulchrum esse propè murum Horti, ubi arborum fructiferarum Malo granatorum Summitates, extra Hortum exporrectæ, tam assatim super ipsius caput effuderunt Flores, ut illo tempore Sepulchrum ejus non comparuerit. Ego propter Sermonem Chogjæ Omar mirabundus, expetivi Domum ejus adire. Cumque ejus domum adiveram, postquam de eo interrogaveram, dixi, Voluntas ejus sic fuit: & deinde veram ipsius Notitiam dedi. Mater ejus respondit, Ego quoque post Mortem ejus vidi quiddam mirandum, quod hoc est, sc. Nocte quâdam, cum pro Omaro meo à Deo precarer Peccatorum Remissionem, & exorarem atque Supplicationes effunderem, mox in Somnum incidi, & in Somnio vidi Omarum mihi recitantem Tetrastichum. Cumque evigilarem, illud Tetrastichum in Memoriam meam hæsit. Ejus quoque extant multa Tetrasticha Sapientiâ referta. Pauca quædam in initio Sermonum ejus exciderunt: ast unum Tetrastichon scripto mandatum est, quod mater ejus post Mortem ipsius in Somnio vidit. Ipsa quæsit, O fili, quid Deus tecum fecit? Tum ille dictum Tetrastichon Matri suæ recitavit. Et cum Mater Cheiyâmi à Somno evigilaret, ipsa memoriâ retinuit illud Tetrastichon, quod etiam jam celebre est. Tetrastichon itaque, quod in Somnio vidit, hoc est,

O combustus combustus Combustione!
 Væ, à te est Ignis Gebennæ Accenso!
 Quousque dices, Omaro misericors esto?
 Quousque Deum, Caput Misericordiæ, docebis?

Et deinde postea in eodem Codice Persico sequuntur alia Tetrasticha, fortè ducenta.

VII.

Pag. 226. Patres Jesuitæ ad Orientales Missiones destinati, ex quacunque Natione fuerint, jubentur primò addiscere Linguam Lusitanicam,

X x x 2

cam,

cam, & deinde Linguas Gentium ad quas mittuntur. Sed aliqui eorum adeò intenti fuere Missionibus suis, ut aliquando eis non vacaverit esse accuratis in omnibus aliis Rebus eorundem Locorum. Hinc est quòd, inter eos qui multa bona scripserunt, in aliquammultis Rebus *Ακριβεια* desideretur; ut solet esse quando aliquis tantum obiter & cursorie (& non ex professo) Rem aliquam tractat; adeò ut inter ea quæ ab illis *tutò credantur*, & alia quæ *dubiæ Fidei* sunt, distinguere, periti Lectoris iudicium requiratur. Nam aliqui eorum aliquando videntur pro nobis, tam procul disitis, satis habere pauca tantum, eaque minùs accurata, impertivisse. Præsertim in Rebus *Siniciis*, dolendum est quòd *Relationum Scriptores* non satis perpenderint præcedentes aliorum Relationes, nec eas cum suis contulerint. Unde, in hac Parte, incuriosis haud rarò accidit, ut *pugnantes* de eisdem Rebus *Sententias* aliquando proferant, inter se Numero & Mensurâ dissidentes, uti istos Autores conferenti liquebit: imò, quod peius est, aliquando videmus aliquem, tam à seipso, quàm à Veritate, dissentientem. Huiusmodi Incuriositatis (ne hæc gratis dixisse videar,) Exemplum reperitur apud *Doctissimum Martinium*; qui quamvis multa præclara scripserit, tamen in suo *Atlante Sinico* describit *Cbinesum Cubitum*, qui est tantum *Cubitus Pannarius Mandarinorum*, quem tanquam *unicum & solum* eorum *Cubitus* exhibet: nos autem in *Traçtatu de Ponderibus & Mensuris Sinicis* deteximus *quatuor* Cubitorum Genera. Is verò per dictum *Mandarinorum Cubitum* XII Unciarum seu latorum Pollicum (quem invenimus esse pannarium,) metitur, seu æstimat, vastissimi *Cbinesum Muri* Altitudinem esse XV *Tche*, seu *Cubitorum*: cum iste *Murus* potius metiendus fuisset per alium eorum *Cubitus Geodæticum* XV Unciarum (qui comparet in Charta MS *Sinica*,) *tribus Unciis* excedentem alterum *Cubitus* quo in metiendis Pannis utuntur. At cum ipse (ut fatetur) dictum Murum nunquam vidit, sed ab aliis informatus fuit illum Murum in Altitudine habere XV Cubitos, ille de Cubito pannario, sibi noto, perperam intellexit Informatorem suum, qui proculdubio voluit *Cubitus Geodæticum*: quamvis & hoc pro dicti Muri Altitudine quam concipere debemus, sit valdè parum; cum quivis Saltator talem & tam humilem Murum facillè transilire possit.

Nec tantum in *Quantitate Cubiti*, sed & in *Quantitate τῷ Li* (per quem Muri & omnium Distantiarum Longitudinem metiuntur,) æquè inter *Missionarios* discordatur; quod miserum est videre: quomodo enim tam aliarum Rerum, quàm celeberrimi istius Muri, Longitudinem

gitudinem veram nos docebunt, cùm in Quantitate Mensuræ per quam metiendus est, inter eos discordetur? In his taxandi sunt *Magailbanes*, *Alvarez*, *Trigautius*, *Semedo*, alique; qui quamvis alia multa benè dixerint, tamen in istis communis Usûs Rebus errârunt, & ne quidem *Scaccarium* lusorium rectè describere potuerunt. Meliùs autem, & quidem optimè, de Rebus *Sinicis* scripsit D. *le Compte*, quantum ex brevi Intuitu judicare licuit.

Deinde (quod jam præcipuè nos tangit,) in *Cbinesium* Anno statuendo pessimè errârunt *Missionarii* aliqui, ex quorum errantium numero excipiendus est D. *Couplet* cum quibusdam aliis, & D. *Verbieft* qui *Sinicum* Annum rectè statuit. Nam cùm inter *Cbineses* pauci, præter *Astronomos* & *Chronologos*, sciant *Annum Solarem*, eòve utantur, & solus *Annus Lunaris* sit in vulgari Ufu apud Populum, *Missionarii* (ut ex D. *Coupleti* Præfatione constat,) Tempus Mundi & Imperii numerant per *Annos Lunares*; contrà quàm faciunt *Cbineses* ipsi, quippe quod fieri nec debet, nec potest, cùm tales non sint *Anni completi* & *perfecti*, sed *deficientes*, & minores *Annis Solaribus*, cum quibus, absque triennialibus *Menfis* integri *Embolismis* æquari & coextendi non possunt. Anni quidem Solaris Initium in medio *Aquarii*, respicit tantum illud *Dodecatemorion*, non autem aliquem *Stylum Europæum*, ut nec *Aquarii* stellas, quæ egressæ sunt in *Dodecatemorion Piscium*; numerando (ut fieri solet) Signorum *Dodecatemoria* ab Intersectione *Æquatoris* & *Eclipticæ*, donec ad idem punctum redeatur in Fine *Piscium*. Sed alias eorum Incurias & Hallucinationes omitendo, oportet nos properare ad eas quæ spectant ad *Anni Lunaris* Initium in præcedente Opere traditum, ubi discordantes aliquot *Missionariorum* Sententias inter se collatas videre potes; nolo heic repetere.

Ad præsentem itaque Scopum ulteriùs, & magis specialiter, spectare videntur ea quæ leguntur in *Martinii Historiâ Sinicâ*. Quamvis enim is fuerit Vir Magnus, qui multa præclarè dixit, sua tamen habet *Παραρρήματα*, quorum præcipua in hac Parte (ut meliùs examinentur,) in ipsius verbis citabo, & deinde in ea animadvertam. Is ergò in dictâ *Historiâ Sinicâ* p. 18 sic differit; "*Hoam-ti* Imperator "*Cyclum* "*Sexagenarium* invenit, qui *Cyclus LX Annorum*; quo *Spatio decurso*, "*idem Anni Nomen* redit. Et licet non eodem Tempore fiat *Luminarium* "*Conjunctio*, sed trium ferè *Dierum* sit *Diversitas*; nulla tamen "*Inter-* "*calatione*, nec *Cyclo nostro Novemdecennali Opus* habent. Nam *Plan-* "*tarum Motus* in *Annos singulos denuò computant*, interque se componunt.

" *Non*

“ Non enim habent, neque aded tolerant perpetuas Ephemerides, sed
 “ singulis Annis novas cudunt in singulos Dies, — Unde unius Horæ
 “ & Minutorum aliquot Anticipatio, (quæ Aureo nostro Numero No-
 “ vilunia inserit,) ipsis in annuâ Computatione reponitur: Annum
 “ verò jam inde à tanto Tempore Luna-Solarem habent. Menses
 “ item admittunt Abundantes, Deficientes, atque Communes. Ad-
 “ mittunt Menses Embolismæos: ita tamen ut non Mensem aliquem
 “ certum intercalare soleant, ut olim Judæi Secundum ad id sepo-
 “ suere; sed, usitato sibi Calculo, inveniunt quem faciant Intercalarem.
 “ Nam XII Signa Zodiaci sic ordinata sunt, ut Pisces semper in
 “ primum Mensem, Aries in secundum, alia Signa deinceps in alios
 “ Menses incidant; ita ut, nullus à proprio sibi Signo vacuus abire
 “ possit. Quia verò altero, vel tertio Anno, contingit, ut Mensis ali-
 “ quis à Signo sibi attributo excidat, hinc Mensis ille, eâ Ratione,
 “ intercalatur, ut Nomen ab antecedente Mense capiat, ex quo dein
 “ Signum subsequens in debitum Mensem cadit. Totus Cyclus Annos
 “ Embolismæos viginti duos continet: reliqui sunt vel Communes, vel
 “ Deficientes, vel Abundantes.

Deinde p. 21. “ Tempore Chuen hio Imperatoris LXXVIII (qui
 “ circa MMDXIII Annis ante Christum floruit,) fuit Calendarium
 “ toto Regno publicatum receptumque. Scripsit etiam Ephemerides
 “ V Planetarum, quas, dum imperabat, omnes in Cælo conjunctos
 “ vidit eodem Die. Et hunc Diem primum illius Anni esse voluit
 “ (prout Author Sinicarum Rerum in Constellatione She dictâ iudi-
 “ cat;) quæ nunc circa Gradum decimum octavum Piscium incipiens,
 “ ad quartum usque Arietis extenditur.

P. 22. “ Hic ergo Imperator primum Anni Diem, & Mensem il-
 “ lum deinceps haberi voluit, quo Luminarium Conjunctio decimo quinto
 “ gradui Aquarii proxima fieret, quod etiamnum observatur à Sinis.
 “ Hoc vero potius Tempore quàm alio, Annum ordiuntur, quòd, ubi
 “ Sol circa medium Aquarii versatur, (ut ipsi dicunt) tunc primum
 “ omnia vernare incipiant. — Non negaverim apud Sinas non idem
 “ Anni fuisse semper Initium, sed pro variarum Imperatorum volun-
 “ tate varium. Tria tamen universè illius Initia agnovère; tria
 “ namque præcipua Puncta in Horarum Circulo pro illustrioribus ha-
 “ bent: scil. Mediam Noctem, in quâ Cælum; primam à mediâ Nocte
 “ Horam, in quâ Terram; secundam denique à Noctis Medio, in quâ
 “ Hominem natum memorant. Mediæ Nocti Caprum assignant, Pri-
 “ mæ Amphoram, Secundæ Piscem: ita tamen ut una Hora Sinica
 “ duas

“*duas nostrates complectatur. Circulum enim Horarum fixum Cogi-*
 “*tatione depingunt in Cælis, (quemadmodum nos Circulum semper*
 “*Apparentium Maximum,) quem in XII æquales Partes secant, Ho-*
 “*rasque totidem. — Iisdem Horis Zodiaci Signa eo, quem supra no-*
 “*tavimus, Ordine assignant.*”

P. 287. “*Hen-chion Rusticorum Festum, primo Vere, cum Sol*
 “*Medium Aquarii Signum ingreditur, à Sinis magnâ Pompâ & mul-*
 “*tis Cæremoniis etiam à Primoribus celebratur.*” Hoc fit ut vulgus
 Agriculturam eò alacrius suscipiat eamque lubentius colat.

In hæc *Martini* Præcedentia, sequentes facimus *Observationes*.
 Et primò in *Sinico* Anno describendo errat in genere: nam cum
Sinenses habent *duplicem* Annum, *Solarem* & *Lunarem*, à se invicem
 distinctos & diversos, iste Autor hoc ignorare videtur, describens
Sinensium Annum esse unicum & simplicem, quem *Lunæ-Solarem*
 vocat, Nomine monstroso & prorsus inaudito. Hoc modo statuit
 Annum partim *Solarem*, & partim *Lunarem*, qui reverà est nullus,
 nec talis à *Sinensibus* admittitur: nam cum hi Anni sint à se invi-
 cem diversi, sub unâ eademque Descriptione cadere nequeunt,
 quippe quod sit impossibile. Ille autem, Annum suum monstrosum
 describendo, præcipuè describit Annum *Lunarem*, & subinde ad-
 miscet quædam ad Annum *Solarem* Pertinentia; & hoc modo, u-
 trumque Annum confundit, & verè describit nullum. Et quamvis
 hæc in genere dixisse sufficiant, nos ad particulares *Exceptiones*
 descendemus, ut Lector, eò facilius, de eis iudicium facere valeat.
 Et quidem ad Numerum primum quem notavimus: Imperator
Hoang-ti (sic enim sonandum est ejus Nomen,) instituit *Cyclum*
Sexagenarium; sed per quem Annos *Solares* computant, non autem
Lunares, quos *Martinius* hic præcipuè describere videtur.* Negat
Intercalationem, quam tamen Num. 5 & 6 mox admittit, prout
 debet; sed sibi interim non constans, Contradictionis taxandus est:
 eum tamen in hoc sequitur *Cassini*.† Absurdissimè statuit *inauditam*
 Anni Speciem, dictam *Lunæ-Solarem*, de qua supra dixi: istam
 autem Absurditatem solvere cupiens, D. *Mullerus* putat quòd fortè
 talis Anni *Quantitas* sit *Solaris*, & *Modus Lunar*; quæ consistere
 non possunt. Deinde in istum suum Annum admittit trium gene-
 rum *Menses*, *Abundantes*, *Deficientes*, & *Communes*. Agnosco qui-
 dem, in Anno *Lunari* dari *Menses Abundantes* & *Deficientes* alter-
 natim: at in *Calendario Sinico* non cernuntur *Menses Communes*.
 Nobis autem subolet quid sibi velit, nempe *Menses Solares*, qui ad
 aliam

aliam Anni formam pertinent: sed hoc ei non innotuit. ⁷ Recte statuit *Pisces* semper in primum Mensem incidere: sed mox infra ponit Anni Initium in XV Aquarii, quasi etiamnum observetur à *Sinis*; quod falsum est, & præcedentibus contradicit: nam si olim id factum fuerit ab Imperatore *Cbuen-bio*, hodiè tamen non fit. ⁸ Fortè is autumat esse ut apud *Hebræos*, ubi *Adar Secundus* intercalatus denominatur ab *Adar Primo*: at fallitur, cum Menses Lunares non habeant Nomina, sed solo Numero à se invicem dignoscuntur: intercalatus autem Mensis semper audit *Shun*. Hæc sunt pauca ex multis, quæ omnia nunc perstringere longum. ⁹ Heic missum facientes D. *Martinium*, tangemus prædictum *Imperatorem Sinicum*, propter Anni sui Initium malè fundatum; cum fortè dicta Conjunctio, quam putarat, prædicto Tempore non acciderit. Nam in D. *Cassini* Appendice ad *Louberum* p. 257, legitur sequens Observatio: viz. *Comperimus quòd Saturnus, Jupiter, Venus, Mercurius, & Luna conjuncti fuere in dictâ Constellatione Cbinensi (dum Sol esset in X Aquarii,) Anno MMXII ante Christum, XXVI Februarii secundum Computum Julianum, at IX Februarii secundum Computum Gregorianum: & quòd sequente Die (viz. 19 Februarii) Horâ sextâ matutinâ contigit Conjunctio Lunæ cum Sole. Et hæc fortè fuerit illa quæ accepta fuit pro Epochâ Annorum Sinicorum.* Sic ille. Ex quibus colligimus dictam V Planetarum Conjunctionem contigisse D. Annis citra tempus in *Cbinensium* Historiâ designatum, adeoque *sefellisse* eos Observationem ab Imperitis factam. At (*Cassini* Veniâ) XXVI Februarii in Computo *Juliano*, debuerat esse XVI Februarii in Computo *Gregoriano*: aut IX Februarii *Gregoriani* debuerat esse XIX Februarii *Juliani*. Videant autem qui in hac Arte peritiores sunt, qui magis accurato Calculo Rem totam plenius expiscari & de eâ judicare nōrunt.

VIII.

Pag. 256. Planta *Babman* seu *Behmen* (cujus Radix Officinis *Ben*,) hætenus fuit *Europæorum Botanistarum* Crux, eosque omnes frustra exercuit. Ea autem cum sæpius memoretur in religiosis Cæremoniis *Persisimi veteris*, visum est operæ pretium in medium adducere illam ejus Descriptionem quæ extat in Libris Orientalium: quamvis & horum aliquos de eâ etiam errasse comperimus. Prius vero monendum est,

est, quòd excellentissimi *Rawolfii* Descriptio hujus Plantæ non concordat cum eis quæ ab *Orientalibus* dicuntur ; unde eum in *Itinerario* suo vel errasse reor, (dum malè informatus fuerit ab ignorante aliquo homine, cui verum *Behmen* non erat notum,) vel aliàs, *Syrorum Behmen* diversum esse ab eo *Persarum* suspicor ; cum aliam longè diversam herbam describere videatur. Igitur in *Rawolfio Rayi* p. 235 legitur ; *Apud aquarum Effusiones* (ubi tempore pluviioso aqua descendit à Monte Libano,) invenitur verum Behmen album Arabum, quod hodie vocatur Behmen ábyad, uti rubrum vocatur Behmen áhmar, quod invenitur prope alterum. — Hoc erat quando Planta tempore fere confecta & consumpta fuerat, relictis tamen in eâ aliquot viridibus foliis. Adeo ut videatur ferre byemem, & gradatim nova emittere Folia quæ veteribus succedunt. Folia autem sunt longa, magna, & acuminata, ferè ejusdem magnitudinis, acuminis, & crassitie cum illis *Pyri arboris*. Inferius, partim super caulibus, habentur Quatuor Folia multo minora, Binatione è regione suâ invicem sita. Quædam etiam Folia reperiuntur super multis rotundis Caulibus cubitalibus, ex eadem Radice pullulantibus, quorum superiora arctè adhærent dictis Caulibus, perinde ac videmus in *Smyrnio Cretico*. In summitate emittit oblongas squamosas Fibulas, (quarum singulæ sunt in peculiari Caule,) unde ejusdem coloris Flores nascuntur. Valdè longam habet Radicem, è cujus Summitate pullulant magni Rami, ita densè seu confertim confiti, ut tandem separari & transplantari possint. Aliàs autem, Radices habent paucissimas Fibras, adeo ut Glabræ esse babeantur ; & ferè ejusdem Lentoris & Flexibilitatis cum eis *Glycirrhizæ*, quibus valdè similes sunt in magnitudine & colore ; nisi quòd hujus Radix sit aliquantulum candidior & non tam recta. Sed cum *Avicenna* faciat mentionem *Rugarum* ejus, opinor eum potius loqui de Specie majore, cujus Radices sunt rugosiores & lentiores, & (per Quantitatem *Spithamæ*) videntur corrugari ætate, & lignosæ esse, & hoc modo consumptæ & exiccatae ; quamvis eæ interim intus succulentæ & flexiles sint, retinentes Colorem suum naturalem. Hactenus ille. *Avicennam* verò citando, Confusionem parit, cum *Behmen Avicennæ* & *Behmen Syrorum* sint Plantæ prorsus diversæ. Cum autem *Abmed Ibn Pbadl* (ut in sequentibus videbitur,) dicat suum *Behmen*, quod est *Persicum*, copiosè nasci in montibus *Syriæ*, inde sequetur ut, vel duplex *Behmen* nascatur in *Syriâ*, vel ut ille, eâ in Parte, fallatur in Nomine τὸ *Behmen Syriaci*, quod fortè Nomine conveniens, Re autem diversum sit. Ideoque, quamvis sit *D. Rayi* sententia (in suo Indice post *Rawolfium*) quòd fortè sit *Serratulæ affinis* ex *C.B.* & quòd (ex sententia *Rawolfii*)

fi) in humidis & umbrosis Locis nascatur ad Pedem Montis Libani; atque aliorum opinio, quod fortè sit *Scorzonera* [vipers-grass,] probabile faciant de *Bebmen Syriaco*, tamen nil valent quoad *Bebmen Persicum*, quod mox describendum venit. Et quidem *Serratula*, Anglicè est *Germander*. Quibusdam Nostratium, *Album* est *Lychnis Sylvestris Glabra*, seu *Papaver spumeum*; & *Rubrum* est *Lychnis Sylvestris Rubra*, seu *Muscipula*. Alii aliter: sed omnes in conjecturis suis decepti.

Sunt etiam ex Orientalibus qui de hac Plantâ errârunt: nam illi etiam subinde suos Errores habent. Exempli gratiâ, in Libro *Nim. Laud.* ex Scribæ (ut videtur) Errore, perperam *Turcicè* legitur, *Bebman est Flos Croco similis: & sunt qui dicunt Crocum esse.* Iste autem errando describit *Cnicum*: nam Orientalium Nemo alius *Bebman album* ullum unquam Florem habere comperit. Aliqui ex *Arabibus*, minùs rectè, dixerunt *Bebman album* (de Radice ejus loquentes) esse *Pastinacam*, & *Bebman rubrum* esse *Carotam flavam*. Alii ex iis volunt *album* esse Radicem *سوسن ابيض Iridis albæ*, & *rubrum* esse Radicem *Iridis flavæ*. Hisce autem missis, ejus Descriptionem dabimus ex magis authenticis Autoribus in eorum verbis: & imprimis *Ibno'l Cûlbi*, in Libro *Malayéfa*, ejus Radicem *Arabicè* describit sequenti modo; *بهمن اسم فارسي لدوا خشبي وهي عروق وهي صنفان احمر وابيض واحمر مفتولة ومعوجة فيها صلابة والاحمر منها قشرة احمر التي السوان وباطنه في حمرة دون قشرة والابيض ظاهره وباطنه سواء وهما حاران يابسان في الثادية وفيهما رطوبة فضلية لزجة والاحمر اقوي حرامن الابيض واجودهما المجلوب من نواحي ارمني وخراسان واجود الابيض النقي الصلب الرز من واجود الاحمر الصافي الحمرة الرزدين وكلاهما طيب الرائحة لزج المذاقة وفيهما جميعا قبض ما وشربة* *Bebman est nomen Persicum Medicamenti lignosi quod constat Radicibus. Estque duorum generum, Rubrum & Album: & Rubrum est tortum incurvum, cui inest durities; ejusque Cortex est Ruber ad Nigredinem vergens, & interior ejus Pars minùs rubet quàm Cortex. In Albo, interiores & exteriores Partes sunt æquales. Ambo sunt calida & sicca gradu secundo. In eis quoque est Humiditas superflua glutinosa. Et Rubrum est magis calidum quàm Album. Horum optimum est id quod offertur*

affertur ex oris Armeniae & Chorasan. In Albo melius est clarum, durum, & ponderosum: in Rubro melius est illud clarioris Rubedinis & ponderosum. Ambo sunt aromatici Odoris & glutinosi Gustus: & in utrisque est aliquid Stipticitatis. — Dosis est usque ad duas Mitcal. Hoc modo descriptam habes Radicem: at totam hanc Plantam describit David

بهمن نبات فارسي جبلي يقوم علي ساق نحو شبر وجبسط اوراقا ملتفة بلا زهر ويدرك في ثمر وهو دوعان احمر ظاهرا لسوان وابيض كذلك عند الشريف وقال غيره قشره كباطنه في البياض وكل من دوعين اصله كالجزرة مغتول *Bebman* خشن حار يابس الالبيض في الثانية والاحمر في الثالثة *est Herba Persica montana, quæ surgit super Caulem spithamalem, & expandit Folia conferta [seu convoluta] absque Flore. Et maturescit in Tamúz. Estque duorum generum; Rubrum, quod exterius vergit ad nigredinem; & Album sic etiam est secundum Al Sberîph. At alii ajunt Corticem ejus esse sicut interius ejus in Albedine. Utriusque generis Radix est sicut Pastinaca, contorta & aspera. Calidum est & ficcum: scil. Album secundo, & Rubrum tertio gradu. Sequuntur ejus virtutes multæ, quas prætereo. Sed dictus Author loquitur quasi non vidisset Plantam. Omnium autem magis copiosè & accuratè, quasi ex Autopsiâ, eam describit Shibâboddîn Ahmed Ibn Phadl, idque, في* *in Classe Herbarum quarum Caules non lignescunt, sequente modo; وهو دوعان احمر وابيض وهما جميعا عروق فالاحمر منه يقال كفي آدم قشره رايدا بحمرة وباطنه اقل حمرة وطوله نحو الشبر معقد في غلظ الابهام سايج علي وجه الارض وله اصول غائبة كاصول الفجل فيها الاعوجاج وورقه شبيه بورق الخباري في وسط الورقة خمس نقط حمر والابيض منه ورقة شبيه بورق الخلعة متكاثف يعلو نحو شبرين مذاقة طيب لزج ما وفيه بعض قبض وكلاهما طيب الرائحة ينبت كثيرا بجبال الشام وغيرها حار يابس وقيل رطب والاول اسخ والشربة منه درهمان يقوي القلب جدا وينفع من الخفقان البارد ويبرد في المنى زيادة*

بيننا ودهج الباء وسمين *Bebman* est Planta notissima, duorum generum, quæ ambo sunt Radices, quorum Rubrum vocatur *Capb Adam* [seu *Manus Hominis*:] ejus Cortex intensè rubet, & interius ejus est minoris Rubedinis. Longitudinis est spithamalis, nodata, Crassitudinis pollicaris, repens super terram. Habet Radices flexiles sicut Radices *Raphani*: & in eis est Curvitas. Folium ejus refert Folium *Malvæ*, in cujus medio sunt V Maculæ rubræ. Ejus genus album habet Folia similia Foliis *Alchullæ*, densè conferta: crescit ad duas Spithamas: Gustus ejus est aromaticus cum quâdam Glutinositate: in eo est etiam aliquid Stipticitatis: & utrumque genus est aromaticum. Nascitur in montibus *Syriæ* aliisque. Est calidum & siccum, vel, ut dicitur, humidum: sed prius est rectius. Dosis ex eo est II Dirbem. Valde confortat Cor, & conducit contra Cordis Palpitationem frigidam. Auget Sperma Augmento manifesto: excitat Venerem, & impinguat. Hinc *Rawolfius* videtur seductus, aliam Plantam ab hac diversam describendo. Officinarum *Ben Album* (nam ex Albo flavescit) est gracile, Crassitudinis minimi digiti. Rubrum autem, seu obscure turbidum, est Crassitudinis pollicaris. Utrumque vero est leviter tortum, fere ut funis, subaromaticum, seu subamarum, calidum, & acre seu mordicans, Os inflammans, seu adurens ut *Pyretbrum*.

IX.

Pag. 297. *Ribâs* est Herba *Europæ* prorsus peregrina, & hætenus nostris Botanistis ignota; nisi quod eam in Oriente viderint *Rawolfius* & *Thevenotus*. Sed *Europæorum Ribes*, seu *Pseudo-Ribes*, est notissimus Frutex, qui eodem Nomine gaudet, quia ejus Fructus, seu Baccæ, cum eis *Veri Ribâs*, Colore atque Aciditate conveniunt. *Pseudo-Ribesi* fructus apud nos est trium generum, ruber, albus, & niger; quorum hic ultimus potius ad Medicinam quàm ad Escam valet, nauseam creans. Talis fructus *Anglis* dicitur *Corants*, seu *Corints*, eodem nomine quo *Uvæ Corinthiacæ* etiam vocantur; idque propter externam Formam, quamvis Sapore & Magnitudine differant. Præterea (quâ in Re falluntur aliqui,) *Corinthiacæ* sunt *Uvæ* veræ quæ nascuntur in Vite, *Ribes* verò in Frutice notissimo; cujus tamen Folia (cum Minoritate suâ) sunt quodammodo *Pampinoformia*. Iste Frutex (si permittatur) crescet ad duplam, vel triplam

plam staturam humanam : & (ut ait *Simon Paulli* in *Quadripartito Botanico*,) sponte nascitur in Sylvis *Norwegiæ*, ubi vocatur *Ribis* ; & eodem nomine etiam in *Sueciâ*, ubi datur tam *Hortensis* seu *dulcior*, quàm *Sylvestris* seu *amarior*, & fructus insuper alio nomine dicitur *Äline-fragen*, i. e. *Fraga vinaria*, quia ex eo parari solet *Vinum Ribesium*, ut in *Angliâ*. A *Septentrionalibus* itaque factum est, ut dictus Frutex ejusque Fructus vocetur eodem nomine cum *Herbâ Ribâs* ; idque (ut dictum) quia hæc duo planè conveniunt in Fructu, ejusque Formâ, & Gustu, atque Temperamento.

D. *Ludolphus*, qui in *Cæsaris Moscovitici* Horto hunc Fruticem vidit, me certiorum fecit de ejusdem *Russico* Nomine **Смородина** *Smoródina*. In ultimâ Editione *Calepini*, sub Titulo *Ribis*, adducitur hujus Fruticis nomen *Σίσαμιν* : sed unde desumptum non dicitur ; nam in *Græciâ*, aut quâvis calidâ Regione (ut puto) non nascitur, nec *Ribes Europæorum*, nec *Ribâs Asiaticorum*. Et tamen *Hobeish Al Tepblisi*, in *Tacwim Al Adwiya* (seu *Simplicium* Libro quadrilingui) prætendit *Ribâs* Linguâ *Græcâ veteri* vocari **φίωσμιν** *Phiosmîn*, & Linguâ *Rumæâ* **يغميس** *Yagmîse* ; & apud *Golium* legitur **يغاميس** *Yaamîse*, *Syris* est idem quod *Ribâs* : nempe hæc duo non sunt *Græca*, sed corrupta pro *Syriaco* hujus Plantæ nomine **حمض** *Amîse* in plurali, cujus Significatio petita est ab *Arabico* **حمض** *acidum esse*, unde **حمض** *Hamîds*, *acidula quævis Herba*. Usitatissimum hujus Herbæ Nomen *Arabico-Perficum*, per Orientem, est **رباس** *Ribâs*, seu **ريواس** *Rivâs*, vel **رباج** *Ribâgj*, seu **ريواج** *Rivâgj* : apud *Bar-Bablûl*, minùs rectè scribitur **رباش** *Ribâsh*, seu **ريواس** *Rivâsh*. Circa *Ispabân* sonatur **ليواس** *Livâs*, cum *l* pro *r*. Quin & Nomen *Ribâs* aliquando, minùs propriè, per Analogiam quandam, pro aliis etiam acidis Plantis usurpatur ; sic *Nim. Laud.* **رباس ورباج قوزي قولاغى وفدان واشخون ددكلري اوددر اكشركدر** *Ribâs*, seu *Ribâgj*, est *Kôzi-Kolâgbi*, & *Pbidân*, & *Ashchûn*, *Planta subacida*. Horum ultimum *Ashchûn* est *Perficum Ribâsi* Nomen : *Pbidân* est *Planta novella*, seu *Surculus* in genere ; heic autem particularem aliquam acidulam notare videtur. *Kôzi-Kolâgbi*, seu *Auris Agnina*, est *Oxalis*, quæ ob Aciditatem vocatur *Ribâs* catachresticè, seu impropriè. Apud *Rustem AlMaulavi* in voce *Ribâs*,
pro

pro *Phidôn* malè legitur *Phirâz*, ex Scribæ Erroribus quibus ille Liber scatet. Alterum hujus *Ribâsi* Nomen *Persicum* est *Gjigberi*, i. e. *Jecorina*, fortè propter obscuram Rubedinem in Foliis. Sed potissimum ejusdem Nomen *Persicum* (ut dictum) est *Ashchûn*, seu *Ashchûn*, sive *Ischbûn*, vulgò, sed malè, *Ashbachûn*. Apud *Turgjumân Arabicum* legitur, *رباس اشخون* *Ribâs est Ushghûn*, aut [Turcicè] *Bergjaluk*, aut *Herba Cosrois*. Sic enim (vel seriò, vel joco) vulgus refert eum hanc Plantam è Terrâ elicuisse & evocâsse: hoc enim ultimum Nomen pendet ab Historiolâ quæ tam alibi, quàm in Libro *Mugj.* p. 189 *Persicè* legitur, ubi etiam hujus Icon talis qualis exhibetur; *رباس دبابي كوهيستی از سنگ سختی بروید و گويند كه* *قائير رعد بون وچنين گويند كه اين سخن در پيش دسري* *بگفتند يعني آنده رباس از قائير رعد بون ودر آن وقت رباس كم* *بون وكسري گفت بر كوه آب رش كنيد و طبل بزدید تا رباس بر* *آند اهن ار بهر آن گفت تا اهن سخن را مسخف شدند* *Ribâs est Herba montana ex Saxo duro excrescens: & dicitur esse ex* *Impressione Tonitruui. Cum hoc dicrent coram Cosroe, (quòd sc. Ribâs* *esset ex Impressione Tonitruui,) & Ribâsi Penuria eo Anno esset, Cosroes* *[subridens & jocosè] dixit; Super Montem spargite Aquam, & Tym-* *panum pulsate ut exeat Ribâs. Hoc ideò dixit ut illud dictum nugatorium* *reputarent.*

Et profectò, ex omnibus *Syriæ* Locis, quotannis turmatim prodire solebant ad Montes ad colligendum hanc Plantam: de quâ Re *Abdollarîph* in *Historiâ Ægypti* deplorabilem narrat Historiolam; sc. “Ducentis unâ Vice prodeuntibus ad colligendum *Ribâs* in Valle
“inter duos Ramos Montis Libani, omnes Terræmotu & Mon-
“tium Disjectione atque Subversione, Terrâ obrutos & opertos simul
“periisse.”

Abu-Hamed Andalusius, inter Codices *Huntingtonianos*, refert; *رباس وهو نوعان شامي وخراساني وهو دبتى جبلى لا ينبت الا* *Ribâs est duorum Generum, Sy-* *riacum & Bactrianum: estque Herba montana, quæ non nascitur nisi* *super*

super Petrâ durâ. Et dicitur esse ex Impressione Tonitruï, &c. Et sic pergit narrare prædictam Historiolam. Quoad hujus Descriptionem, apud Rustem AlMaulavi legitur; ريواس كلم كبی بر اوت در الشی Rivâsh est Herba quædam sicut Brassica, quæ acida est. Thevenotus, pro Rivâs dicens Livâs, ait circa Ispahân nasci banc Plantam, quæ habet magna Folia sicut Betæ aut Brassicæ crispæ, nisi quod Livâsi Folia sint magis crispæ. Et quod Caulis est sicut Cinaræ, valdè acidus, & verno Tempore editur pro Deliciis. Clusius in Rariorum Plantarum Historiâ, p. 120, ex Rawolfio adducit sequentem Descriptionem: In Monte Libano legitimum Ribes Arabum inveni Mense Septembri, tanquam primum & præter Anni Tempus erumpens, sine Flore & Semine, duobus duntaxat Foliis præditum, hirsutis, orbicularibus, Petasitis Foliolorum vulgo crediti Amplitudine, quæ brevibus, sed crassis, & non minùs succulentis quàm ipsi Caules, Pediculis inhærebant: è quibus Caulibus fit (quemadmodum in Halebo conspexi) legitimum Rob Ribes Serapionis. Gaudet humidis Locis: crassam habet Radicem ex nigro purpurascentem, longiusculam, rugosam, incurvam, & flexuosam, satis ingrati Saporis: Caules (ut præcedente Capite monet) penè cubitales, hirsutos, unciam crassos, virides, infernè (ut etiam Serapio notat) purpurascentes. Quamvis Radices sint Saporis ingrati, Caules tamen sunt Saporis gratissimi. Quòd autem gaudeat Locis humidis, est contra aliorum omnium Sententiam. Apud D. Golium legitur; Ribâs est Lapathi acetosi Species, cujus rubicundus acidisque Succus Rob de Ribes dicitur. Bellonius, in Libro de Coniferis Arboribus, ait se invenisse Ribâs in frigidis Lateribus Montis Libani, cum VI aut VII Lapathi Foliis (sed majoribus & rotundioribus,) ab ipsâ Radice surgentibus, cum rubris Baccis racematim dependentibus & è Foliorum medio germinantibus, sicuti fit in Rusco & Lauro Alexandrinâ. Nempe ut in Rusco, & Hippoglossâ, & Lauro Alexandrinâ seu Lauro Idæâ, prodit simplex Bacca rubra è Foliorum medio, sic in Ribâs ex eodem Loco prodit Racemus Baccarum rubrarum. Chadr Ibn Ali refert; ريواس هو كاضلاع السلق له خشونة وقيل بقله ذات عساليج غصنه حمراء الي الخضرة ولها ورق كبير عريض مدور طعم عساليجها حلو بكموضة وهو كثير بالشام والبلان الشمالية وقيل ليس منه بالمغرب وينبت بالبحال الباردة وذوات الشاوج Ribâs habet Costas sicut Beta, habetque Scabritiem. Dicitur esse Planta furculosa, cujus Capreoli sunt rubri, ad virorem vergentes. Habetque Folia

Folia magna, lata, rotunda. Surculorum ejus gustus est dulcacidus. Copiosè invenitur in Syriâ & Regionibus septentrionalibus. Dicitur non inveniri in Africâ: sed crescit super Montibus frigidis nivosis. Eodem Modo describit Beitbarides, idque partim ex Isaac Ibn Omran, additque non inveniri in Africâ, nec in Andalusiâ. In Libro Malayésa sequente Modo describit Ibno 'l Cutbi; ريباس ديات لا يوجد الا بالجبال والبلدان الشديدة البرد والمواضع الثلجية وهو ديات كالسلف له اضلاع وورق ليست كخضرة السلف ويخرج في وسطها ساق عريضة رخصة مملوءة رطوبة حامضة عذبة وعليها رغب خفي وفي "نورها" حمرة ما وفي طعمها مع الحموضة الظاهرة حلاوة ما وقد تزرع في Ribâs est Planta quæ non invenitur nisi in Montibus & Regionibus vehementioris Frigoris, & Locis nivosis. Hæc Herba est sicut Beta cum Costis: sed Foliis ejus non inest Viror Betarum, & ex eorum medio prodit Caulis, mollis, Humiditatis dulcacidæ plenus: & super ea est Lanugo obscura, & in Flore ejus est quædam Rubedo: & in Gustu ejus, cum Aciditate manifestâ, est dulce quiddam. Seritur quoque in Hortis, sed Sapor ejus est debilior, nec est in Gustu ejus Bonitas. David Antiochenus sic describit; ريباس ديت مشهور شبيه بالسلف في اضلاعه وورقه لكنه طعمه حامض الي الحلاوة كرماديين امخرجا وفي وسطه ساق رخصة مملوءة رطوبة ما وزهر احمر ودركي بحذران ووجوده كثيرا بالجبال الشامية ومواقع الثلوج وهو Ribâs est Herba notissima, similis Betæ in Costis & Foliis ejus, nisi quod Gustus ejus sit acidus ad Dulcedinem vergens, sicut in Malogranatis, commistus. In ejus medio est Caulis mollis humore quodam plenus: & Flos ejus est ruber. Maturescit in Junio: & plurimum invenitur in Montibus Syriæ & Locis nivosis. Est frigida & sicca Gradu secundo, extinguens calorem, &c. Et sic pergit in Virtutibus ejus Medicinalibus enarrandis. In optimo Libro (cujus primum Tomum possidemus, sed, proh Dolor! deest secundus,) qui agit de Synonymis & Homonymis Herbarum, & Lapidum, & Animalium, Autore Shibâbeddîn Ahmed Ibn Pbadl, hæc sequens est Descriptio: ريباس يقال له رريلج وبالسرماديا يغميضي ديت كااضلاع السلف وله عساليج

a Aliud Exemplar legit, لودها, Colore ejus.

b Aliud Exempl. ولا يذوق

Nec gustus ejus adeò jucundus est ac (gustus) Montani, بلذة الجبلي

غصنة حمراء الى الخضرة ثم يتبيض وله ورق كبير عراض الى استدارة وفي عسلية وورقة خشونة واصلة هو الراوند الشامي يستعمل اذا لم يوجد الراوند الصيني وطعم عسلية الحموضة والعفوصة ويسير حلاوة ينبت بالجبال الباردة ذات الثلوج لا سيما بجبل لبنان من بلاد الشام ومنه يجاب الى دمشق وغيره

Ribás etiam vocatur Zernílagj, & Syriacè Yaginíse [seu Yagmídbe.] Est Planta cum Costis sicut Beta; & habet Capreolos cujus Ramusculi rubent ad Virorem vergentes, & deinde albescunt. Habet Folia magna lata ad Rotunditatem vergentia: & in Capreolis atque Foliis ejus est Scabrities quædam. Hujus Radix est Rhabarbarum Syriacum, quod usurpari solet quando inveniri non potest Rhabarbarum Sinicum. Surculorum ejus Sapor est acidus cum Stipticitate & aliquantulo dulcoris. Nasceitur in Montibus frigidis & nivosis, præsertim in Monte Libano Regionis Syriæ. Et inde affertur ad Damascum & alia Loca. Sic ille; corrumpendo Nomen Syriacum, quod superius dedimus verum.

Et jam post hæc omnes *Arabum* Descriptiones, non possum satis mirari neminem eorum descripsisse hujus Plantæ Fructum, ejusve meminisse, quod præcipuum erat. Præterea inconciliabilis Autorum Discrepantia in Foliorum & Florum Descriptione, indicat magnam eorum Incuriam, dum *Ræwolsius* cum *Petasite*, *Arabes* cum *Betâ*, *Bellonius* cum *Lapatbo* conferunt: sed quale vult *Lapatbum*, nescimus; fortè *Hippolapatbum*. *D. Golius* exponit, *Lapatbum acetosum Orientis*, sc. maximum & montanum. Et *Beitharidi* dicitur esse *Lapatbi acetosi Species*, cujus rubicundus acidusque Succus, ad *Tertias decoctus*, *Rob de Ribes* vulgo dicitur. Et post hæc manca & imperfectas Descriptiones, nil nisi *Amplicia* juvabit.

Rev. D. Henr. Maundrell, apud *Halebenses* agens, ad nos scribit, "se aliquoties frustra interrogasse aliquos de istâ Plantâ *Ribás*; quam
"tamen postea invenit in Monte Libano, ubi copiose crescit, & de eâ co-
"mêdit: dicitque eam esse valdè succulentam, acuto & subacido Gustu,
"totius Orbis gratissimo: Naturam reficere & refrigerare, & febrici-
"tantibus ut *Gjulapium* administrari: Turcas *Rob* ejus adbibere ad
"Usum Potûs qui *Sherbèt* vulgò audit, & eum in Finem, *Turcarum Im-*
"peratorem magnam hujus Quantitatem quotannis à Damasco ad Constan-
"tinopolim mittendam curare. Folia esse ampla & rotunda (sicut ea
"Bardane) prope humum jacentia; singulas Plantas horum tria aut
Z z z "quatuor

“quatuor habere; in horum medio pullulare unum aut plures Caules ad
 “Altitudinem pedalem, aut sequipedalem, aut fortè duorum Pedum. In
 “Foliorum medio se non observâsse Baccas ullas, sed in Summitate Cau-
 “lium se vidisse Flosculos tanquam Sambucinos. Caules & Foliorum Pe-
 “dunculos obsitos esse quasi Verrucis ex Musco seu Languine rubente.”
 Haëtenus ille. At ex dictis Flosculis & aliis Indiciis, (sc. quod Hyemem toleret,) colligo hoc fuisse sub Finem Hyemis, seu Initio Veris, cum Baccæ (seu Fructus) nondum comparuerant.

X.

Pag. 306, 307. *Persepolitanarum Inscriptionum* Examen primariò & præcipuè spectat ad *Barbaros* illos *Characteres* qui (unà cum *Græcis*) Equorum Pectoribus, aut potius Equitum Syrmati, inscripti sunt. Et in hujus Rei Examine præmittendum est, hæce Inscriptiones omnes esse, non tam *Persarum*, quàm *Alienigenarum* ibi divertentium; cùm quotidianâ experienciâ videmus Peregrinorum potius quàm Indigenarum Curiositatem eos inducere, Memoriae Causâ, ad scriptitandum aliquid in Loco celebri quem brevi relicturi sint. Unde hario-
 lari liceat hæc omnia fuisse quorundam scripturientium, qui, ut memoriale quoddam, in illius Palatii Muris, suam Scriptitationis & Cæ-
 laturæ Facultatem exercere & ostendere gestiebant. Sed reverà nihil obtinuerunt præter nudam Memoriam pravæ Scripturæ & imperitæ Sculpturæ, Sculptorum, eo nomine, infamium, post se relinquentium nullius Pretii aliquid, in Doctorum & Criticorum Crucem, quod (si non accederet quorundam Importunitas, & de aliquâ ibi latente Curio-
 sitate Spes,) negligendum esset potius quàm avidè expetendum, nec ut Nodus vindice dignus proponeretur. At ne talis Neglectus & Si-
 lentium ut nostræ Ignorantiæ Asylum & Excusatio haberetur, (ut quæ ignoremus contemnamus,) nostræ Opinionis Rationes reddendæ sunt, ut alii quoque, nostris Oculis videntes, nobiscum sentiant, & tandem, hac Ratione, nostræ Sententiæ accedat aliorum Judicium. Et quamvis Nugæ aliquando sint inventu difficiles, & inventæ nil profint; quia tamen hæc exercuerunt Ingenia multorum qui Mysteria ibi latere putârunt, ergò & nostrum quoque Ingenium exercebunt. Et cum dictis *Barbaris*, idem dicendum est de aliis qui pro *Arabicis*
 Charac-

Inscriptiones Persepolitanae quas dedit D. Flower, tabetum

Ara= Magi=
bicum. cum.

ΖΟΒΝΟΥΣΑ ΧΑΛΚΟΝΟΥ

ΜΑΡΙΑΝΟΥΣΑ ΕΥΕΛΕΥΣΑ

ΜΑΡΙΑΝΟΥΣΑ ΕΥΕΛΕΥΣΑ

ΤΟΥΤΟΤΟ ΡΟΚΥΤΟΝ ΜΑΧΛΑΚΝΟ

ΘΕΟΥΑΡΖΑ.....CΙΑΩCBACΙΑΕΩ

² ΑΡΙΑΝΩΝ.....CΘCΩNTIOY

ΘΕΟΥΗΑΠΑ ΥΒΑ.....ΕΩC

ΥΝΛ> ΗΙΟΓΘΝΥΗ>S Z

⁴ ΤΟΥΤΟΤΟ ΗΡΟCΩΝΟΝ ΔΛΟC

Μ.ΕΥ.Ε.Κ.Υ.Υ.Κ.Ε.Υ.Υ.Κ.Ε.

⁵

1	
2	
3	
4	
5	
6	
7	
8	
9	
10	
11	
12	
13	
14	
15	
16	
17	
18	
19	
20	
21	
22	
23	
24	
25	
26	
27	
28	
29	
30	
31	
32	
33	
34	
35	
36	
37	
38	
39	
40	
41	
42	
43	
44	
45	
46	
47	
48	
49	
50	
51	
52	
53	
54	
55	
56	
57	
58	
59	
60	
61	
62	
63	
64	
65	
66	
67	
68	
69	
70	
71	
72	
73	
74	
75	
76	
77	
78	
79	
80	
81	
82	
83	
84	
85	
86	
87	
88	
89	
90	
91	
92	
93	
94	
95	
96	
97	
98	
99	
100	



Characteribus habentur. At de *Pyramidalibus* seorsim judicandum, cum in Characterum Numerum non veniant. Sed ad Rem procedendum.

Cum in Palatio *Persepolitano* extent aliquot Inscriptiones, aliquis expectaret eas, vel earum aliquas, esse *Persicas*. Et jam hac Occasione recurrit Quæstio quæ mihi sæpius moveri solebat, sc. An dictarum Inscriptionum Characteres sint *veteres Persici*, necne? Affirmo quòd *Non sunt*. Ego enim contuli cum *veteri Linguâ Persicâ*, eâque, tam benè, quàm malè scriptâ, & nullam inveni Convenientiam. Atque præter Differentias in mediis Literarum Partibus, Lineæ incumbentibus, ad *Persicas* pertinent, tam supra, quàm infra Lineam longiores ductus qui non sunt superflui, sed prorsus de Corpore & Essentiâ Literarum habendi sunt: tales autem in *Persepolitani*s non comparent, quæ quidem Observatio ad promptiorem Collationem juvabit.

In *Philosophicis Regiæ Societatis Transactionibus* Num. 201, dantur VI Inscriptiones (quæ ibi notantur Numeris 1, 2, 3, 4, 5, 6,) è Chartis D. Sam. Flower, Mercatoris Halebensis, qui Anno 1667 in *Persiam* migrans, ex dicti Palatii marmoreis Muris descripsit Apographa, ad quorum singula figillatim ille sequente modo scripsit. Nempe ad suos Numeros 1, 2, ait; "*Hæc duo Characterum Genera manent sculpta in Pectore duorum Equorum excisorum ex nigro Monte marmoreo, apud NOCTA RUSTAM, tribus Leucis à Chilmanâr: quorum Equorum unus affirmatur esse Alexandri, alter Rustemi, qui fortissimus Persarum Heros circa Tempora Cambysis. His addit; Aliquos Persarum autumari Characteres Num. 1, 4, esse suos: Neminem autem eos legere posse. Ad Num. 3, ait; Hos esse modernos Arabum & Persarum Characteres non ultra D Annos scriptos. Num. 4; Has duas Lineas integrè scriptas esse super Equos Rustemi & Alexandri. Num. 5; Hos Characteres (sive sint antiqua Gavrorum Scriptura, sive Telesmatica quædam,) nullibi nisi apud Persepolim inveniri: hosque esse Partem earum Linearum quæ in albo quodam Marmore Sculptæ cernuntur, eosque à Nemine Persarum hodie intelligi. Aliquem tamen Missionariorum affirmasse, eos sciri & in usu esse in Ægypto. Hæc autem videntur scripta à Dextrâ ad Sinistram, cum Ægyptia potius scribantur & legantur deorsum. Num. 6; Hos Characteres insculptos esse Persepoli, ejusdem Antiquitatis cum aliquibus præcedentium. Illos videri Affines eis Arabum & Persarum, & Missionariorum aliquos prætendisse se eos intelligere posse. Hactenus ex Chartis D. Flower.*

Z z z 2

At

At ad ejus Num. 1, 2, rehero; Oculatum quendam Testem me certiore fecisse, hosce Characteres non esse inscriptos in Equorum Pectore, sed in Syrmate vestis Infessorum juxta Pectus dependente; quod melius consonat Inscriptionis Contento & Sensui ex *Græcâ* Interpretatione collecto. Ad ejus Num. 1 & 4 dico; Hos Characteres non posse esse *Persicos veteres*, qui toto Cœlo ab his distincti cernuntur in vetustis eorum Libris quos ipse possideo. Præterea, impossibile est ut duæ illæ Lineæ Num. 4, ritè sculphantur etiam super Equum *Rustemi*, cum contineant tantum Titulum solius *Alexandri*, non autem *Rustemi*; ideoque Sculptor necessariò erraverit, utrique Equo eadem Verba inscribendo. Ad Num. 3; Ille verè dicit hos esse *modernos Arabum* Characteres: nam ex adscriptâ *Hegjræ* *Ærâ*, planè constat eos esse citra *Mohammedem*. Imò ista Scriptura est citra *Ibn Mokl*, ejusdem Scripturæ Inventorem, qui vixit circa A. D. 900; de quo videas Clarissimi *Pocockii* Notas ad *Specimen Hist. Arabum*. Et præter illam *Epecham* citra *Hegjram*, & illos Characteres citra *Ibn Mokl*, ibi cernuntur adscriptæ quædam Vocales & aliæ Notæ orthographicæ quæ Recentiam redolent. Hæc autem Inscriptio fuit malè sculpta in Marmore & pessimè exscripta, in quâ tantum hæc pauca sunt legibilia,

الملك		Rex
القهار		victoriosus,
بتاريخ شوال سنة ستين		Ærâ mensis Shawâl Anno 60

Vacantes isti Ductuli suppleant Locum eorum quæ legi non possunt. Ad ejus Num. 6, dico; Quòd ea Inscriptio, ex aliquibus Characteribus, & quibusdam Vocibus, videatur esse *Arabica*; sed omnia ita malè exarata sunt, ut videantur quasi *mixta* ex *Arabicis* & *Latinis*, vel aliis *Europæis*: & prout ibi exhibentur, reverà non pertinent ad ullam Linguam, cum sint tantum *confusanea* quædam & *fortuita* Scriptula, nullâ certâ Intentione exarata.* Integra autem ista Inscriptio ibi in

* Quam tamen Opinionem nostram jam corrigendam volumus; rectius docendo, quòd ex accuratiore Examine & strictiore Collatione planè comperimus hæc etiam esse *Punica*, sed diversi Scriptoris, seu Sculptoris Manu (quasi *Cursivâ Scripturâ*) in Marmore exarata, & malè formata, seu multum deformata. Hoc itaque comperto, pro VIII ejusdem Lineis quas supra promiseramus, jam (ex Chartis quas olim ad me misit Vir amplissimus D. Chardin) damus illam Inscriptionem totam & integram XIV Lineis constantem (quæ duplex Inscriptio videtur) ut Lectori eam cum aliis melius conferre liceat. Notandum vero est, quòd *Persepolitana* sunt inscripta *Punica*, cum Interpretatione *Græcâ*, *Palmyrena* verò conscripta sunt *Græcâ*, cum Interpretatione

Marmore eisdem Characteribus extans, constat XIII aut XIV lineis, quarum Apographum habeo à singulari Amico *D. Chardin*, unde eas recto Ordine dabo, Loco earum quæ in dictâ *Transfatione* dantur inverso Ordine; ubi Sculptor, suopte Ingenio, sex Lineas breviores in duas longiores transposuit, & commiscuit, atque confudit, incipiendo à Sinistrâ, more *Europæo*, & totius lectionis ordinem invertendo, ubi (ut præsumendum est) ἀζυγα conjunxit, σύζυγα diremit, εὐζυγα malè disjunxit & ἀσύζυγα fecit: ideoque, tali in casu, nihil Sculptorum Conductui relinquendum fuerat. Exceptis verò vocum Transpositionibus, simplices Characteres exactè congruunt cum eis *D. Chardin*, & cum eis qui cernuntur in *les Beutez de la Perse*. Nos itaque sub eodem Num. 6, pro ejus II Lineis, meliore Ordine dedimus VIII Lineas loco τῶν XIII; omittendo V Lineas postremas, cum in Laminâ *Æneâ* non relinqueretur tantum Spatium quod integram XIII Linearum Inscriptionem capere posset.


In nostrâ de his Dissertatione, primò (quia paucis id fieri potest,) expediam Inscriptiones Græcas quæ, Interpretationum loco, juxta alias Exoticas apponuntur. Et fanè in his constat, Sculptorem valdè ignarum fuisse, dicta Græca falsè & imperitè in Marmore sculpendo. Quamvis verò tam malè id fecerit, quid tamen voluerit, hariolari liceat: nam pro corruptâ Pronuntiatione ΑΡΖΑΝΔΡΟΥ, seu ΑΛΖΑΝΔΡΟΥ, proculdubiò voluit ΑΛΕΞΑΝΔΡΟΥ. Ea itaque quæ ad Num. 2 corrupta cernuntur, secundum Sculptoris primam Intentionem restituenda & rectiùs legenda censeo sequente modo; viz. ΤΟΤΤΟ ΤΟ ΠΡΟΨΩΠΟΝ ΜΕΓΑΛΟΥ ΘΕΟΥ ΑΛΕΞΑΝΔΡΟΥ ΒΑΣΙΛΕΩΣ ΒΑΣΙΛΕΩΝ ΑΣΙΑΝΩΝ ΑΓΑΘΟΘΕΝΩΝ ΤΙΟΥ ΦΙΛΙΠΠΟΥ ΒΑΣΙΛΕΩΣ: nisi pro ΑΓΑΘΟΘΕΝΩΝ legeris ΑΠΑΝΤΩΝ. Et quoad alteram Inscriptionem Græcam quæ, Interpretationis loco, supponitur esse super Equos *Alexandri* & *Rustemi*, in harum neutrà (quantum scimus) exprimitur *Rustemi* nomen, sed tantum *Alexandri*: sic autem restituenda videtur Pars Græca secundum mentem Sculptoris, ΤΟΤΤΟ ΤΟ ΠΡΟΨΩΠΟΝ ΔΙΟΣ ΘΕΟΥ, adulando *Alexandrum* sub nomine *Jovis*, plus quam Sacerdotes *Ammonii*, qui eum tantum *Filii* Nomine compellârunt; unde ille se *Jovis Filium* reputans, ad ejusdem *Æmulationem*, *Arietina* Cornua in ejus Icone semper cerni voluit.

pretatione *Punicâ*. Et quidem *Palmyræ*, tam *Punica*, quam *Græca*, videntur scripta 200 aut 300. post *Christum* Annis.

Perse-

Persepolitanae Inscriptiones sunt pessimè exaratae; adeò ut, qui eas cælaverit Sculptor, illas eadem operâ celâsse dicatur. Et, quod adhuc deterius est, ab *Autographo malo* impossibile est quin factum fuerit *Apographum pejus* ab eis qui illas Linguas non calluerunt: nam in *Apographis*, ex illis lineolis, seu ductibus, qui literarum absentium loca supplent, planè videmus, aliquot integras Literas, Temporis diuturnitate, in Marmore totaliter oblitteratas esse & deletas, & novâ quâdam sulcatione, in molliore Marmoris venâ, aliarum Literarum aliquot Ductulos esse extritos, & alios adventitios Scriptulos superfluos esse superinductos & intritos, ex Aëris Corrosione, atque fortuitâ Exesione; adeò ut, dum ipse Aër & ipsum tempus vetera deleant & exedant, & nova scribant exarentque, talis, inquam, veteris veræ Scripturæ Delectio, & novæ Exaratio, in ignari Lectoris detrimentum cedunt, & quemvis Exscriptorem confundunt & seducunt, dum is tale malum, atque, eo modo, depravatum Exemplar præcisè imitari coactus sit: adeò ut, Sculptorum Imperitia, & Temporis Injuria, maximè hisce Rebus officiant & obstant. Hæc, inquam, sunt incommoda, quæ (quantum fieri possit) evitari debent: nam omnes Sculptores non sunt æquè periti, & (ut dictum) Tempus arat Marmora & sulcat Saxa durissima.

Et factò jam hoc judicio de *Arabicis* & *Græcis*, properamus ad disquirendum qualia sint altera illa tam *exotica* & *barbara*, quæ, ex haud obscuris Indiciis, etiam constant esse pessimè exarata ab imperito Sculptore. Nam per magis nota *Græca* & *Arabica* jam dicta, procedimus judicare de minùs notis istis Exoticis; scil. ex Sculptoris Imperitiâ in eis quæ novimus, judicium faciendum censemus de eis quæ non novimus. Ut itaque de his ignotis Disquisitionem nostram ritè ordiamur, quovis moto lapide; præmittimus, omnibus notum esse, quòd in *Persiam* aliquando penetrârunt *Gothi*, & *Vandali*, & *Hunni*; unde aliquis conjiceret dictam Scripturam ab aliquâ harum Gentium profectam fuisse. Sed ea *Gothorum* & *Vandalorum* plane non convenit: & quoad *Hunos*, *Procopius de Bello Persico* cum eis, dicit *Hunos* (qui *Massagetæ*) nullas habuisse Literas, ne quidem ad scribendum *Epistolam*, nec *Filios suos in Literarum Lectione unquam educâsse, sed prorsus Literarum rudes reliquisse, nec eos unquam de Literis audivisse*. Sunt qui (propter *Tatarorum* viciniam, & in *Persiam* Irruptiones,) probabile existimant hanc Scripturam esse *Tataricam*. Sed cùm ab eodem Sculptore adjuncta sit Interpretatio *Græca*, quis *Tatarorum* potuerit scribere *Græcè*? Prætereà cùm istæ Inscriptiones sint in laudem *Alexandri*, impossibile



身
 是
 是
 是
 乃



Reverendo Viro IOHANNI LAUGTON Coll. S.S. Trin. Socio et Biblioth. pu-
 blicæ Cant. Custodi, necnon Eccl. Cathed. Wigorn. Præbendario, hanc Mo-
 gulensium Tatarorum qui Chinam regunt scripturam, Gratiitudinis ergo
 lubens meritóq. D.D.D. Autor T.H.

Murg. sculp.

ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ
 ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ

ܐܚܝܬܐ ܐܚܝܬܐ ܐܚܝܬܐ ܐܚܝܬܐ ܐܚܝܬܐ

Reverendo Viro THOMÆ BURNET S.T.D.ⁱ Cartusiae Lond (vulgo la Char-
 treuse) Magistro, hanc Mendæorum seu Nabataeorum in Chaldeâ scripturam
 Gratiitudinis ergo lubens merito, DDD. Autor T.H.

Murg. sculp.





impossibile est ut *Tatari* aliquid in ejus laudem scripserint, quasi is fuerit illis *Amicus*, aut *notus*; cum certè nec eis *Amicus* fuit, nec *notus*; nisi fortè olim ante MM Annos, ipso Tempore quo vim illis intulit, quare illius Memoriam (si tam diu retentam) potius exosam habuerint. De istâ itaque Scripturâ facilius est dicere *negativè quid non sit*, potius quàm *positivè quid sit*. Quia verò aliqui suspicantur esse *Tataricam*, apposui aliquot Exemplaria, seu Specimina *Tataricæ* & vicinarum Linguarum, ad instituendum Collationem, ut inde fiat Conjectura. At quidem non proponam Collationem cum Scripturis *Indicis* (qualis est veterum *Brachmanorum*, in Linguâ *Sanscroot la Nâugeri*, & *Mala-bar*, & *Selân*, & *Tulinga*, & *Pegu*, & *Siam*, &c.) quia hæ Gentes sunt à *Persepoli* prorsus remotæ, nec unquam *Perfiam* invadunt, quod quotidie faciunt *Tatari*, & omnibus ævis fecerunt. *Indi* enim rarò extra Patriam vagantur: sed *Mogulenses* & alii *Tatari* aliquando usque ad *Europæ* fines penetrârunt. Horum itaque Scripturas, inquam, apposui, causâ vel conferendi, vel contrarium demonstrandi. Et, eâdem de Causâ, apposui etiam Scripturam *Mendæorum*, qui sæpe fuerunt sub *Perfis*, & sæpe in *Perfiâ* versati: atque adjunxi Scripturam *Armenorum*, & *Georgianorum* seu *Iberorum*, qui sunt *Perfis* proximi, ut mox infra dicetur.

Ut itaque satisfiat Curiositati & Dubio eorum qui suspicantur esse Scripturæ *Tataricæ* aliquod genus, heic apponuntur omnia scribendi genera apud eos usitata: & quidem primò, *Scriptura Tatarorum Mogulensium* (seu ut *Cbinenses* vocant *Mo-co Ta-ta*) ultra Montem *Imaum* supra *Cbinam*, qui & *Cbinam* hodie regunt. Hi non habent *Alphabetum*, sed, more *Cbinensium* & *Japanensium*, pro singulis vocibus, distinctos habent Characteres deorsum legendos: non autem (ut *Cbinenses*) à dextrâ Columnâ incipiunt, sed à sinistrâ, suo more *Tatarico*. In hacce Linguâ possideo integrum Libellum, *Sinice* & *Tataricè* columnatim impressum, ex dono Amici mei *Cbinensis* D. *Michaelis Shin-Fo-çungb Nankinensis*, qui hodie in urbe *Nankin* superstes, ut à nostratibus audio. Specimen autem quod dedi, non est ex dicto Libello; sed ex aliâ Chartâ MS, ubi liberiores erant ductus Literarum, quæ in dicto Libro, ex Spatii penuriâ, coarctatæ. Penicillo scribunt, *Cbinensium* more, ut & *Boutanenses*; cum tenuis eorum Charta non ferat Calamum arundineum, nec Pennam anserinam.


2. Secundò damus *Scripturam Tatarorum de Boutan* (al. *Boutunt*) citra *Imaum*, supra *Indiam*. Hujus Lectio est à dextrâ: & hocce ejusdem elegantissimum Specimen est, id quod vulgò sonat, *un Pas-*
port,

port, seu *Salviconduclūs Literæ*, à Principe Urbis & Provinciæ de *Boutan* datæ, nuperis annis, *Chogja Ouanni* (i. e. *Domino Joanni*) Mercatori *Armeno* ibidem negotianti: & dictus Princeps Nomen suum (ut vides) *Sigilli* Loco & Formâ majusculis & implicatis Characteribus infrâ apposuit. Talis *Sigilli Impressio Arabibus* dicitur *توقيع* *Taukiâ*, *Persis* & *Turcis* *طغرا* *Togrâ*: unde, apud eos, talis Majusculorum Characterum Scriptor, aut talis *Sigilli Factor*, vel *Appositor* seu *Principis Subsignator*, vocatur *Togrâi*. Has duas Chartas amicissimè nobiscum communicavit singularis Amicus D. *Job. Evans* S. T. D. nuperis Annis ex *Indiâ* redux. Vel de istis, vel de sequentibus intelligendus videtur *Haytho*, qui dicit, *Cathayni* valde pulchras habent Literas, quæ *Latinis* Literis in Pulchritudine, quodam modo, similes sunt.

3. Tertiò damus *Tatarorum Scripturam dictam* *دلبرجین* *Delbergjîn*, quæ usurpatur in *Oigbûr* (vulgò *Jougour*) citra *Imaum*, supra *Persiam* ad *Borrapelioten*, atque (dicente *Arabshabide*) in *Cbitâ*, viz. in *Chataia* illâ quæ in *Globis*: non autem in *Cbinâ*, quæ CD abhinc Annis etiam dicta est *Chatâ*, seu *Katâ*. Isti *Tatari Chataienses*, seu *Kytæi* (inquit *Johannes de Plano Carpini*, D abhinc Annis ad eos Legatus,) erant *Nestoriani*, & nullas habebant Literas, donec tandem, circa CDL abhinc Annis, Victor evadens ille Monarcha *Gjenkiz-chân*, (qui quartæ Gentis *Mogolicæ* *يكا مغول* *Yeka Mogûl*, seu *Magnum Mogulensium Dominus*,) suos Characteres *Mogulenses* eis obtrusit. Et postea circa CCC abhinc Annis (ut ex *Arabshabide* colligi posse videtur,) commodiores nacti sunt Literas, quas heic vides. Præsens istius Scripturæ (à dextrâ etiam legendæ) Specimen est prima Pagina MS Libri *Tatarici*, inter Codices *Huntingtonianos*, elegantissimè & nitidissimè conscripti, qui (ex *Rubricis*, quas superius lineolis notavimus) videtur esse *Leges* dicti Imperatoris eorum *Gjenkiz-chân*. Iste Liber ab aliquo *Arabe*, qui eum legere non potuit, in Oriente, inscriptus est, in exteriori foliorum Limbo, *كتاب لا يقرأ خطه* *Liber* *cujus Scriptura non legitur*, seu *non potest legi*. Et quia unâ cum aliquot *Mendæis* libris coemptus, à nostratibus pro *Mendæo* habitus est: mero autem casu solitarius extra Patriam vagatus est, quod aliàs nunquam factum, ideo ut rarum quid habendum est. Ejus Charta, satis solida & bona, est vel *Cotonea*, vel *Arundinea*. In isto Characterere (inquit *Arabshabides* ante CCC Annos *Arabicè* scribens,) *Tatari-Kytæi* scribunt omnes *Libros* & *Historias* suas, & *Itineraria*, & *Poemata*, & *Diplomata* sua, & omnia *Syngrapha* sua, & *Processus* *Divanenses* seu *Forenses*, & *Leges*


TAB. XV

۱۰
۱۱
۱۲
۱۳
۱۴
۱۵
۱۶
۱۷




Abraham R.





وینللو
- ۱ -

سید پیلو وینللو - بد عفا ولا عین
 مد سید مد سیدو عین - یشتو وینللو
 و - مد . بد سیدو وینللو وینللو
 وینللو تنللو وینللو نید - وینللو وینللو
 وینللو مد مد سیدو سیدو وینللو
 وینللو تنللو مد سیدو وینللو وینللو
 بد مد مد تنللو وینللو وینللو - تنللو
 تنللو سیدو وینللو وینللو تنللو تنللو
 سیدو وینللو وینللو مد سیدو مد تنللو تنللو
 وینللو وینللو تنللو سیدو وینللو وینللو
 وینللو مد وینللو تنللو سیدو وینللو وینللو




Reverendo Viro THOMÆ HARRISON Coll. Sidney-
 ensis Cant. Socio hanc Tatarorum Kataëorum scriptu-
 ram Gratiitudinis ergo lubens meritoq DDDAuctor T.H.

Leges Gjenkiz-chanenses, & Registra sua, & omnia cujuscunque generis Scripta sua. Hæc itaque est Scriptura quâ utuntur orientales *Turcæ* (partim *Christiani*, & *Mohammedani*, & partim *Idololatræ*) in *Tataria*, unde orti sunt nostri *Turcæ Europæi*. Sed tam de *Turcis Europæis* & *Mohammedanis*, quàm de *Persis Mohammedanis*, pariter dicendum est, quòd utrique, Religionis Causâ, deseruerunt suam Scripturam avitam, eandem commutando pro *Arabica*, quâ usus est eorum Propheta *Mohammed*; spernentes omnes Characteres, ut pollutos, qui in alienâ & falsâ Religione usurpantur. Eâdem de Causâ, spernunt omnem *Judaicorum* Scripturam, & eorum Characteres, & Libros, quippe quos nullus *Muslimanorum* legere dignabitur: hinc est quòd apud *Turcas* quorumlibet Librorum Scriptio, aut Impressio, sit licita in *Judaicis*, aut alienis Characteribus, at non item in *Arabicis*. Et Libros *Arabicos*, aut *Persicos*, quamvis orthodoxos, aut quidvis aliud, in *Arabicis* Characteribus, Christianorum more, imprimere est capitale. Cæterum quoad *Tatarorum* Literas, addo quòd in *جغتاي* *Gjâgatai*, & *Tataria* citeriore utuntur fere eisdem Literis cum *Delbergjin*, qui in *Tataria* ulteriore; at paucioribus, (viz. XIV pro XLI aut LX,) quæ in *Gjâgatai*, seu citeriore Parte, vocantur Literæ *اوڭغور* *Oigbûr*, seu ulterioris Partis, ut tradit dictus *Arabshabides*. *Petrus Vattier* ex eo malè legit *Avigûr*, verum *Tatarici* Nominis sonum non assequendo. In his pauciores Numerum efficit, quòd Aspiratæ Literæ & eæ crassioris soni omittantur, & quòd plures Gutturales, & aliæ similis soni, uno eodemque Characterè exprimantur: quicumque autem hæc *Tatarica* novit scribere, dives erit, cum rarum sit. Scribunt (ut ex æquali Literarum ductu videtur) bene aptato Calamo, seu Arundine Scriptoriâ, in Chartâ mediocriter crassâ & bonâ, & Atramento, quale est *Persicum*, quod madente digito facilè est deletibile. Et hoc modo puto me recensuisse totius *Tataria* majoris Characteres, ab unâ Extremitate ad aliam. Nam quatenus à *Moscovitis* audio, Septentrionale *Tataria* Latus, per quod est Iter à *Moscova* ad *Chinam*, per totam ejus Longitudinem rarè utitur Literis; nam ibi illiteratâ & agresti Vitâ in Cavernis & Sylvis vivitur. Et hinc est quòd ita varientur eorum *Septentrionalium* Linguae, quia sc. Scripturâ & Literis non restringuntur. Nam (dicente *Moscovitarum* ad *Sinas* Legato,) inter *Moscoviam* & *Chinam* sunt saltem L *Tatarorum* Gentes, diversis Linguis utentes: vel saltem diversis *Dialectis*, ut fit in *Americâ*, ubi etiam Literarum usu destituuntur.

4. Quartò, dedimus *Scripturam Mendæorum seu Nabathæorum in Chaldaâ*, quæ ibi est *Literarum & Linguae Chaldaeorum & Assyriorum* Corruptela, seu Reliquiæ corruptæ; dum eorum Lingua in Pagis *Assyriæ* jam hodie manet incorrupta. Specimen heic datum, est prima Pagina Libri *Mendæi* (qui est eorum *Chûdra*, seu *Liturgia*,) inter Codices *Huntingtonianos* in *Bibliothecâ Bodleianâ*: & hi à dextrâ legunt ut *Judæi*, & Calamo scribunt in Chartâ crassâ bombycinâ, ut *Syri*. Dictæ *Chûdræ* Specimen olim dedit *Thevenotus* in suis *Collectaneis*, ubi etiam eorum *Alphabetum* apposuit. Isti *Mendæi* alias vocantur *Christiani Sancti Joannis*, qui habent statam Liturgiam, seu *Totius Anni Cyclum*, ut est *Judæorum* מלחמא *Máchazer*, eodem significatu.

5. Quintò, in hacce variorum Characterum Collatione, (propter viciniam *Perfidi*) non omisi dare *Armenicos*, atque *Ibericos* seu *Georgianos* (qui *Colchici & Gurienses*) valdè miros & peculiares, ex *Maggii Syntagmate Linguarum orientalium*: hocque, ut non omittatur Collatio cum quibusvis Characteribus ullius Gentis quæ in viciniâ *Perfidis* sita est. Et sanè horum Characterum, quos hætenus vidimus, nulli ad *Persepolitanos* accedunt. Hæ dictæ Linguae, *Europæorum* more, à sinistrâ ad dextram leguntur. Cum his etiam dedi *Alphabetum* *Scripturæ Naturalis*, ut vocatur, & exhibetur in Calce Codicis *MS Arabici*. Dedi etiam *Alphabetum* *Scripturæ Scientiarum Occultarum*, seu *Magicarum*, ex *MS Persico* penes me servato. Hujusmodi Characteres visuntur in *MS Arabicis* de *Rebus Magicis* agentibus, atque apud *Theseum Ambrosium* in *Grammaticâ Chaldaicâ*, sub Nomine *Scripturæ Diaboli*. Hæc dedi, Collationis ergò, ut *Scripturam Persepolititanam* hujusmodi non esse compareat.

6. Sextò, cum Quæstio fit de *Scripturâ Persepolititanâ*, & (propter aliorum satisfactionem) monstraverim qualis ea non sit; idèd, ut non semper acquiescam in negativis, jam proximè conabor monstrare qualis reverà sit *affirmativè*, vel saltem ut detur *Fundamentum* pro conjecturâ probabili. Et quidem, Re altè perpensâ, ad *Scripturam Persepolititanam* proximè accedit sola *Palmyrena*; quam itaque in eâdem Laminâ dedimus. Ea enim propior accedit quàm reliquæ; tam prope, inquam, ut multæ ejus Literæ sint prorsus eadem cum *Persepolititanis*, & utriusque Lectio videtur esse à dextrâ. Cæterarum dissimilitudo potest esse in Diversitate Manûs Scriptoris, ut in nostris Scriptis quotidie videmus; ut  est in altera *Inscriptione* II. Et aliquæ

quæ earum, ob diversum situm, dissimiles videntur, cum alio differente situ sint conciliabiles; ut *Y* deversum, sit *Ϟ* erectum, cum ejusmodi aliis. Et præter Characterum Similitudinem, in utrisque (scil. tam in Inscriptione *Persepolitana* quàm in *Palmyrenâ*) concurrunt idem mos adjiciendi Interpretationem *Græcam*, idemque scribendi cum *ω* & *ι*, loco *α* & *ε*: adeò ut Sculptor aliquis *Palmyrenus* videatur *Persepolitana* Scripturam exarasse, quia, *Palmyrenorum* more, *Punicè* scripsit, & *Græcè* explicavit. Et in harum Collatione (cum idem Scriba utramque non scripserit,) notandum est, quòd præter Scribarum Differentiam, quæ aliquam Dissimilitudinem induxerit, aliquot Literarum Ductuli, qui in hac distincti sunt, ut duæ diversæ Literæ, in alterâ fortè conjuncti, unam tantum faciant Literam. Hoc videmus in *Palmyrenis*, & in *Persepolitans*, conferendo duo prima Verba Inscriptionis primæ cum duobus primis Verbis Inscriptionis ad Num. 4; quæ inter se differunt, quamvis (ut ex apposita Interpretatione *Græcâ* apparet,) debuerant esse eadem: sed planè non sunt, ut conferenti liquebit. Talia certissimè arguunt Sculptoris Incuriam & Ignorantiam, cum sibi ipsi non constet. Malè itaque exarata fuisse audacter pronuntiabimus. Accedit quoque (quod in *Græcis* etiam videmus,) aliqua, Temporis Diuturnitate, esse oblitterata & deleta, & alia, eodem Temporis Esu, esse superaddita, & de novo sulcata & exarata, dum Tempus edax Rerum primò in molliores Marmoris Partes operatur. At si *Persepolitana* cum *Palmyrenis* conveniunt, jam post hæc omnia recurrit Quæstio; *Quâ Linguâ sunt Inscriptiones Palmyrenæ?* Cui Quæstioni respondendum videtur, *Quòd cum Palmyra non sit procul extra Phœniciae Oras, videantur esse in Linguâ Phœnicia*: sunt nempe *Punica*, *Græcè* simul interpretata. Si objicitur, quòd in his videntur diversæ Literæ plures quàm quæ reperiuntur in *Phœnicum Alphabeto*; talis, inquam, Excessus oriri potuerit ex prædictâ Causâ, sc. quòd Literarum Ductuli, alicubi distincti, duas Literas faciant, & alicubi conjuncti, in unam Literam coalescant, & unicam Literulam constituent. Hoc est (unà cum Sculptoris Ignorantiâ & Sculpturæ Depravatione,) quod impedit quò minus hæ Inscriptiones ab aliquo hodiè legantur. Inscriptiones itaque *Persepolitanae*, quæ *Punicæ* esse habentur, debent fuisse citra Tempus *Alexandri*, cum ejus Nomen contineant: & non videntur exaratæ Jussu Superiorum, qui proculdubio curassent melius fieri; sed potius otiantium Lusu factæ, Diversionis Gratiâ. Quin & omnes illæ verborum Inscriptiones fuerunt miseræ aliquæ Scriptitationes, fortuito factæ, fortè per aliquos imperitos

ritos Milites ibi aliquando otiantes, scil. otiosorum quorundam Scripturientium & Sculpturientium lusus, ut solent nostrates, in Ædificiorum summitates aut altas Turres ascendendo, aliquid ibi in plumbo scriptum relinquere, Memoriam causam, quod ipsi aliquando ibi fuerunt. Hæc itaque novitatem redolentia, non habent multum Antiquitatis, & nihil Autoritatis præ se ferunt. Proh Deum! quod tales Nugæ, Curiosorum animos vexaturæ, & Criticos irritaturæ, per omne ævum in Marmore perennentur.

Sed ut absolvamus Responsum ad D. *Floweri* Observationem in supradictâ *Transactione*, ad ejus Num. 5. De duabus illis Lineis Ductuum, seu Scriptulorum pyramidalium, quæ ibi dantur è Chartis D. *Flower*, respondeo, illas Lineas nec esse *Gavorum* Scripturam, nec *Telefmatica* quædam, nec usurpari in *Ægypto*. Istiusmodi enim Ductuli *Pyramidales*, seu *Cuneiformes*, non veniunt in *Gavorum* Literis, nec in *Telefmaticis*, nec in *Hieroglyphicis Ægypti*; sed tales Ductus (tam inter se invicem juxta positi, quam per se invicem transmissi) sunt peculiare *Persepoli*, nec alibi terrarum cernuntur: nec repræsentant Ignem, quippe cujus Pyramidalis Figura semper sursum, & nunquam deorsum tendit. At quas *Flowerus* dicit extare in albo Marmore, *Gallicus* quidam Autor ait esse in Marmore nigro. Neque ea est Literarum aut Characterum aliqua Scriptura legenda, sed tantum Sculptura ornamenti causâ. D. *Herbertus* in *Itinerario* ait, *Persepoli* extare tales lineas XX in Pariete marmoreo, & (si rectè memini,) harum linearum singulas esse III Pedes latas. Si hoc sit verum, est sanè prodigiosum; nam (cum justis inter singulas interstitiis,) tales XX lineæ implebunt Aream seu Tabulam, cujus Quadratura est LXXX Pedum, quod superat fidem. Hac Ratione, singuli Ductuli, seu Pyramides, debent habere Longitudinem tot Gladiolorum seu Pugionum. Aliàs, si quævis linea in latitudine haberet tantum unum Pedem, totus Complexus impleteret Aream seu Quadraturam XXX Pedum, quæ magni alicujus Collegii unum Latus æquaret. Hæc Sculptura (qualiscunque sit) videtur valde antiqua, cum ipso Palatio coeva: nam tam ampla in Pariete Tabula marmorea, cum tam copiosâ Sculpturâ, non potuit esse fortuita Opera alicujus otiantis Sculptoris, uno aut altero Die, sicuti sunt reliquæ Inscriptiones; sed necessariò fuerit laboriosum assidui Operarii Opus per aliquot menses, idque in primâ Palatii Extructione. Quicquid sit, istud *Floweri* Ectypum est magis accuratum quàm quod hætenus vidimus: is enim (quod peculiare est, & notatu dignissimum,) exactè notavit Interpunctionem ab aliis omis-

sam,

sam, quæ tamen ad Rem meliùs intelligendum multùm juvat. Tres lineæ, quas dedit *Herbertus & Thevenotus*, dicta Interpunctione carent, unde sunt nullius Momenti. In supradictâ *Regalis Societatis Transactione* dantur tantùm II Lineæ: sed plures ejusmodi Lineæ erant in originalibus *Floweri Chartis*, jam proh dolor! amissis.

Sunt qui putant, necesse esse ut hisce Pyramidalibus Figuris exprimantur Literæ, ex quibus aliquæ Voces conflatae. Me autem judice, non sunt Literæ, nec pro Literis intendebantur: sed fuerunt solius Ornatus causâ, in primâ Palatii Extructione, merus lusus primi Architecti, qui ludendo tentavit, quot Figurationes, à se invicem diversæ, à vario talium Ductulorum seu Scriptulorum situ, & diversâ eorundem Positione & Compositione, oriri possent, ita ut, ne duæ harum inter se convenirent: quæ quidem Figurationes inter se invicem distinguuntur, & sigillatim dignoscuntur, per dictam Interpunctionem, sine quâ sciri non possent. Architectus itaque, ejusve Sculptor, proposuit Figuram Cunei, seu Gladioli, tentando quotupliciter diverso situ variari potuit, scil. ex vario eorum situ, & diversâ eorundem positurâ, quotuplices Figurationes exurgerent, quâsve exhibere posset, pro Phantasiæ suæ Exercitio. Hi enim Ductuli Scriptulive dispescuntur in tot Figurationes, inter se discrepantes & distinctas, ubi omnis Figuratio (sive uno Scriptulo, sive plurium Scriptulorum complexu constet,) Interpunctione ab aliâ distinguitur; quæ quidem inter singulas Configurationes Interpunctio indicat eas non posse esse Literas, easque à Vocum Compositione absolvit. Nec sunt simplices Vocum Characteres, quippe qui Mos in Linguâ *Persicâ* nunquam obtinuit: Non itaque sunt Literæ Vocem componentes, nec simplices integrarum Vocum Characteres; nam sive hoc, sive illo modo, accipiantur, certè vel eadem Litera, vel idem Character, in hisce Lineis aliquoties recurreret & repeteretur: quod non fit. Lector itaque diligenter perpendat, an eadem Figuratio, aut idem Character, bis occurrat, necne: aliàs enim nostrum Augurium nil valet. Ponendo autem singulas Figurationes esse tot distinctas Literas ex quibus Voces conflentur, tum sequeretur ut inter singulas Vocum Literas esset Interpunctio, quod planè absurdum, cum ex eis illo modo Vox componi non posset. Omnes itaque Voces *Persicæ* componuntur ex pluribus Literis quæ Interpunctionem non admittunt. Fateor quidem, hunc esse *Veteris Linguae Persicæ* morem, ut singulæ integræ Voces à se invicem distinguantur simplicibus Punctis: unde si fingeretur dari integrarum Vocum simplices Characteres, seu Monogrammata, ut fit in Linguâ *Sinica*,

Sinicâ, tum possibile esset ut tales Figurationes, seu Monogrammata, non essent ad *Ornatum*, sed Lectioni inservirent. Sed cum talis Mos in Linguâ *Persicâ* nunquam obtinuit, cessandum est à tali Conjecturâ. Si autem talia Monogrammata acciperentur ut tot simplices Characteres ex quibus componerentur Voces, certè, hoc modo, nullius *Persici* Regis Nomen in his contineretur: tum enim ad unius Nomen conflandum accersendi essent totius integræ Lineæ Characteres; cum nullius Regis Nomen uno Characterē, aut unâ Litera, constet, (ut fit Lingua *Sinicâ*, *Japanicâ*, & *Mogolicâ*.) sed omnia eorum Nomina sunt polysyllabica. Cum itaque in Linguâ *Persicâ* non sint aliqui simplices Vocum Characteres, & dictæ Figurationes non sint tales quæ Vocem aliquam componant, ergo hi Characteres, seu Figurationes, non possunt esse Voces, nec Literæ legendæ, nec tali usui serviunt; sed tantum Ornatus & Lusus Gratiâ adhibentur. At post omnia (quod palmarium est) ex punctorum situ, constat harum Figurationum, seu horum Monogrammatum, Ordinem esse à Sinistrâ ad Dextram, contra Ordinem Linguae & Lectionis *Persicæ*: ad quam itaque non pertinet dicta Inscriptio.

XI.

Pag: 330. Notus ille Autor *Georgius* المكين *ElMakînus* (qui fuit *Christianus*, aliter dictus العميد *Al Omeid*.) ex solo *Tâbari* optimè contexuit à *Mohammedis* Tempore Historiæ Compendium, quod est *Elmacini* Pars secunda, quam *Arabico-Latine* edidit *Erpenius*. Et idem *Elmacinus*, in priore sui Chronici Parte ab *Adamo* ineditâ, satis benè recitat ea quæ ex S. Bibliis desumpsit. Sed quam cum eis miscet profanæ Historiæ Partem, ex aliis Autoribus corrasam, miserè tractat, Mendaciis & Nugis scatens: miror ubi (omissis tot melioribus Historicis,) invenerit tot tantosque Nugatores, quibus in suo Chronico uteretur, eosque potius quàm meliores ex Delectu sequeretur. Ideoque, ut prior Pars est hætenus inedita, sic nec ullo unquam Tempore edimerebitur. Ibi enim, de Rebus *Persicis*, ubique citat quendam زربابار *Zurbabâr*, nullius Autoritatis Autorem, qui post *Darium Hytaspem* adducit *Smerdin*, quem ponit regnâsse XIII Annos; quamvis (*Elmacino* fatente) omnes alii Historici, præter *Zurbabâr*, ei dent tantum unum Annum. Iste itaque Chronologus (*Elmacinus*) in Vitâ *Smerdis*

dis egregium & apertum de *Zerádusht* admiscet Mendacium, contra Fidem omnium bonorum Autorum qui Res ejus unquam tractârunt. Ideoque nolui talia in nostri Operis Corpus inserere, sed in hunc Locum rejeci, ut nullius Autoritatis Historiolam seu Fabulam; quæ talis est. Ibi, inquam, de *Zerádusht Persâ* sic refert; عمل كتاب يعرف بالاستنشاہ مکتوب في اثني عشر الف جلد ثور مخطوط بالذهب شرح فيه مذاهب المجوس وعلومهم واتخذ بهوت النهران وعمل تخاريف ووافين اهل فارس بسحره وفي السنة الثانية عشر من ملك سمرندوش قال رزادشت لطلبه وتابعيه اذا امتزجتم بي وامتزجت بكم حصلت الشريعة للانجاة قالوا كيف يسترج بكى وتمتزج بنا قال بان تاكلوا لحمي وتشربوا دمي في الوقت الذي اءرفكم به فخافوا ان يرجع عن هذا الراي ثم سلقوه في خلقهم كبير الي ان تهرى لحمة عن عظمه وشربوا منه بالجمجات حتي امتزجوا به كما قال لهم ، واستمدت دعوته بما جئيف عن الف وخمسمائة سنة ومات سمرندوش لتمام خمسة الف واربعون سنة ونصف *Fecit Librum vocatum Istinsbâb, 1200 Coriis Taurinis scriptum & Auro striatum, in quo Magorum Sectas & eorum Scientias exposuit. Ille paravit Aedes pro Ignibus: & finxit Mendacia, aded ut Persidis Incolæ essent prorsus addicti Fascinationibus ejus. Et Anno XII Regni Smerdis, Zerádusht Clientibus & Affectis suis dixit; Quando fueritis commixti mecum, & ego commixtus fuero vobiscum, obtinebitur [seu extabit] Lex pro Liberatione. Responderunt; Quomodo commiscebimur tecum, & tu commisceberis nobiscum? Dixit; Eò quòd edetis Carnem meam & bibetis Sanguinem meum Tempore quod vobis indicaturus sum. Illi itaque metuentes ne ab hac sua Sententiâ recederet, elixârunt eum in Abeno maximo donec ab Ossibus decideret Caro ejus, & ex eo biberunt in Scyphis, ut cum eo commiscerentur, prout dixerat. Et [à Tempore Elmacini] Prætensio ejus distabat prope 1500 Annos. Et obiit Smerdes Anno Mundi 5040 cum dimidio. Hæc Phrasis edendi Carnem & bibendi Sanguinem ejus, videtur sumpta à Verbis Christi, longè post Zoroastris Tempora. Hoc itaque est Mendacium non sat benè fictum: quin etiam errat in Nomine Libri, ponendo *Istinsbâb* pro *Abestâk*. Et*

Et prætereà planè stultum est imaginari illum scripsisse de variis eorum Sectis, qui voluit omnes esse ejusdem Sectæ, i. e. Religionis suæ. Sed certè mira & inaudita est incondita illa Mixtionis Historiola, quam ergò multò meliùs tacuisset *Elmacinus*. Prætereà, malè collocat *Zerdushtum* Tempore *Smerdis*. Ejusdem Farinæ spuria sunt Μαγικά Λόγια, quæ cum Scholiis *Pletbonis* edidit *Obsopæus*; & Ζωροάστρης Λόγια, quæ cum Scholiis *Pfelli* edidit *Patritius*.

XII.

Pag. 373 & 380. De tribus Magorum Generibus & eorum Regulis agit *H. Lordius*, p. 29. &c. Quorum primum Genus statuit *Bebdîn* seu *Laicos*; qui tamen reverà Magi non sunt. Ille ergò pro *Sacerdotibus*, *Præsulibus*, & *Archipræsulibus*, ponit *Bebdîn* seu *Laicos*, & *Hyrbood* seu *Sacerdotes*, & *Distoor* seu *Præsules*, prorsus omissis *Archipræsulibus*, quia fortè in *Surât*, aut *Nûssari*, talis non aderat, ideòque *Hujus* Regulæ seu Præcepta ibi non dantur. Dictus *Lordius* sequentia habuit à *Sacerdote Persico* in Urbe *Surât*, qui tanquam ex Libro *Zundavaştaw* talia retulit; sc. Τοῖς *Bebdîn* seu *Laicis*, Deus (perpensis eorum *Avocationibus*,) dedit tantùm V Præcepta seu Regulas; viz. I, Semper secum habere Pudorem, seu Modestiam: quia si habent Pudorem, nunquam opprimunt Inferiores, nec aliquid furabuntur, nec falsum Testimonium dabunt, nec inebriabuntur. Sed Pudore seposito, hæc omnia perpetrabunt. II, Semper secum habere Timorem, ut, inter precandum, quovis Oculi Niçtu timeant ne ad Cælum non perventuri sint, & timeant à Perpetratione Peccati; quia Deus perpendit quales sunt qui Oculos ad eum elevant. III, Ut in omnibus Aëtionibus suis perpendant quid sit permissum, aut vetitum, in Libro *Zundavaştaw*; ut si vetitum sit, non faciant; aut si permissum sit, illud prosequantur. IV, Ut quancunque Creaturarum Dei primò Mane viderint, inde sumatur Occasio Gratias agendi Deo, qui talia & tam bona in hominum usum creavit. V, Ut, inter precandum, interdium Faciem obvertant Soli, & Noctu Lunæ; cum hi sint duo magni Testes Dei, contrarii Diabolo, Tenebras plus quam Lucem amanti.

Hæc Præcepta, *Laicis* data, sunt etiam observanda à *Dâroo* seu *Herwood*, qui est communis Sacerdos, unà cum XI Præceptis aliis; quæ sunt I, Callere Ritus religiosos in Libro *Zundavaştaw* præscriptos; quia

quia Deo melius arrident Ritus in suo Libro præscripti. II, Continere oculos à Cupiditate rei alienæ, quia Deus cuique dedit quantum ei visum est necessarium: quia concupiscere rem alienam, est non tantum Deo negare Potestatem collocandi Beneficia sua in quos velit, sed & à Deo postulare illud quo istum videt esse indignum. III, Curare semper ut Veritatem loquantur; nam cum omnis Veritas sit à Deo, ea ab illo cum hominibus communicatur, ut eandem in Verbis & Actionibus suis exerçant: Falsitatis enim Autor est Diabolus, & quicumque eâ utitur; inde constat Spiritum illum malignum apud eum multum pollere. Ideoque Herbood debet se ipsum ostendere ei contrarium, loquendo Veritatem, quia omnes tenentur Fidem adhibere Verbis ipsius. IV, Versari in proprio Negotio, non autem in Rebus mundanis; cum ad eum tantum spectet homines Dei voluntatem docere. Ideoque Laïci curabunt ut ei interim nihil desit, sed necessaria ei suppeditabunt; & vice versâ, ille nihil superfluum quærabit. V, Librum Zundavaştaw memoriter addiscet, ut promptus sit eundem docendo Laïcos, ubicunque eos invenerit: ab eo enim Populus suam de Deo Scientiam derivabunt. VI, Servare se purum & incontaminatum à Rebus pollutis, uti, à Cadaveribus & à Cibis immundis: cum enim Deus sit purus, expectat Servos suos esse puros, abhorrentes à Visu Rerum impurarum; quas quando videt, contineat Halitum suum, ne Aërem corruptum attrahendo Impuritatem contrahat. VII, Condonare omnes Injurias, commonstrando se ipsum Mansuetudinis Exemplar, ut judicetur esse talis qui à Deo venit: quaprovis enim Deum quotidie offendimus, ille tamen omnia Bona nobis dat, cum potius mereamur ut reddat Malum pro Malo. VIII, Docere Populum orare, & cum eis orare pro quovis Bono quod appetunt: & ad Oratorium perveniendo, junctim cum eis in eundem Scopum orare. IX, Licentias dare pro Nuptiis, & Virum cum Fæminâ Matrimonio jungere: & curare ut non nubentur absque Consensu & Approbatione Sacerdotis. X, Maximam sui Temporis Partem transigere in Templo, ut ibi sit in Promptu ad informandum omnes qui illuc veniunt: nam, cum in Finem, Deus illum ibi constituit, & eidem Negotio se addicere debet. XI, Ut sub Pænâ Damnationis non credat aliam Legem præter eam quam attulit Zertoost; ut nihil ei addat, & nihil ab eâ demat: ea enim adeò miraculosè fuit tradita, & talia Dona in Zertoost collata, ut ea crederetur à Deo projecta.

Illorum Disloor (qui in Indiâ est tantum unus, cui omnes alii Sacerdotes parent,) sicut est Dignitate superior, sic & Sanctitate reliquos superare tenetur: ideoque, non tantum omnia dicta aliorum Præcepta implere, sed & tredecim alia Præcepta, sibi peculiariora, insuper ob-

servare tenetur. Quæ sunt I, *Ut si tetigerit aliquem ex alienâ Religione, vel aliquem Laicum ex suâ Religione, teneatur se ipsum lavando lustrare, quia Deus sibi illum sanctum esse voluit, ideoque, non debet Deo, inter precandum, appropinquare aliorum Impuritate tactus.* II, *Ut omnia Opera sibi necessaria peragat propriâ Manu, tam ad suam Humilitatem testandum, quàm ad se ipsum in Puritate servandum. Nempe debet in suo Horto Herbas plantare, & Agrorum suorum Grana seminare, & proprium Cibum coquere; nisi fortè habuerit Uxorem quæ ei ministret, quod tamen non est usitatum.* III, *Ut à Laicis accipiat Decimas, tanquam Dei Oblationes; quas, in quemcunque usum voluerit, erogabit; cùm Deus eum Oeconomum suum & Eleemosynarum Dispensatorem fecerit.* IV, *Ut non ostendet Pompam, ex Bonorum Superfluitate; adeò ut, ex Reditibus suis annuis, perquam magnis, nihil in fine anni relinquatur superfluum, nisi quod in Charitatis usum Pauperibus, aut in reparandis Templis, erogetur.* V, *Ut juxta Templum habitet, ibique se contineat, perseverando in Precatione & Abstinentiâ; nec ostentando se publicè, sed privatim ut à Mundo reclusus vivens, tanquam soli Deo dedicatus.* VI, *Eum obligari ad majorem Puritatem quàm alii Homines, idque, tam in frequentibus Lustrationibus seu Lotionibus, quam in Cibo, edendo Cibus secundum Legem puriores habitos; atque separando se ab Uxore, Tempore Pollutionum menstrualium.* VII, *Ut cùm Herbood versandus sit in solâ Lege, seu Libro dicto Zertoost, oportet ut Distoor sit versatus etiam in totâ illâ Doctrinâ quæ in Libro Zundavaştaw, (sc. tam in eâ Parte quæ agit de Judiciariâ Astrologiâ Sophis commissâ, quàm in alterâ Parte ad Medicos spectante, & præcipuè in Libro Legis;) cùm Lex expectanda sit ab Ore ejus, qui debet omnes alios in eâ informare.* VIII, *Ut non edat aut bibat ad excessum; cùm talia sint Impedimenta sublimioribus illis Speculationibus, in quibus versari oporteat Summum Sacerdotem.* IX, *Ut neminem timeat præter Deum, nec metuat ab aliquâ Re nisi à Peccato: illius enim est ita in Deo confidere, ut non metuat quid ei facturus sit Diabolus.* X, *Ut cùm Deus eum præfecerit omnibus Rebus ad Animam spectantibus, ergò ille debeat quemvis Peccatorem (quamvis Magnatem) monere, qui etiam ei obedire tenetur, utpote qui non in Causâ suâ, sed in Causâ Dei loquatur.* XI, *Ut secundum Sapientiam à Deo ei datam, valeat discernere quomodo Deus, & quomodo Diabolus, se revelare soleant, adeoque inter Veritatem & Falsitatem discernere.* XII, *Ut cùm Deus se ei revelabit in Visionibus Nocturnis, eique monstrabit quo modo fecerit Opera sua*

sua Creationis, is non divulgat Dei Secreta, sed, ea secum retinendo, illius Potentiam miretur: quia Deus non revelat se cuivis sicut Summo Sacerdoti. XIII, Ut alat Ignem perpetuum, qui, ab Igne cœlesti quem attulit Zertooft accensus, duret ad omnia Secula. Heic adduntur à D. Lordio falsa quædam, [sc. donec venturus sit Ignis pro Conflagratione Mundi: & ut Preces suas recitet supra eum, prout in Libro Legis statutum est.] Illi autem non credunt Conflagrationem Mundi, nec potest aliquis precari supra Ignem, quod eorum Lege expressè vetitum est. Lordius itaque hæc ex suo ingenio addidit. Et præterea, haud pauci sunt alii Errores, quibus scatet ipsius Libellus.

XIII.

Pag. 373. De *Pasargadarum*, tam Situ, quàm Nomine, inter Doctos discordatur. In *Ptolemæo* impresso legitur *Πασαργάδαι*; in Cod. Pal. *Πασαράχα*, in MS Seld. *Πασάρραχα*. Apud *Curtium* legitur *Per-sagadum* bis, & semel *Pasargadæ*. Sed *Pasargadarum* Castellum & *Pasargadarum* Urbs fortè sint diversa, ut infradicetur. *Curtio*; *Per-sagadum*, quam Urbem *Cyrus* struxit, in Memoriam ibi victi *Astyagis*. Hæc Urbs videtur esse *Plinii* *Cyropolis*, ex hisce Verbis; *Sinus Persicus: Regio ibi maritima Cyropolis. Ptolemæus* quoque haud procul ab *Hormûz*, in *Caramaniæ* Promontorio, *Pasargadas* constituit. Et sic *Martianus Heracleota* ponit XC Stadia à *Carpellis*, quæ juxta Sinum *Persicum*, *Πασαργάδαι* *Καρυανών* ὄρτις ἱερῆς. Sic rectè legitur absque *Vossianâ* Emendatione γέρου. Apud *Ptolemæum* videtur dari alia *Cyropolis* in Australi Orâ *Maris Caspii*, aliquot miliaribus orientaliter à Flumine *Cur*, seu *Coro*, sive *Cyro*. Et apud *Stephanum* est adhuc alia *Cyropolis*, dicta *Kyra*, seu *Kyreschata*, quæ in orientali Extremitate *Persidis* versus *Indiam*, q. d. *Κύρα* *Εἰχάτα*. Sed quoad *Pasargadi* Situm, *D. Vossius* in *Notis ad Melam*, spretâ *Ptolemæi* & *Martiani* Autoritate, nimis temerè pronuntiat, *Ptolemæum* non intellexisse verum Situm: & deinde addit, quòd *Veteres*, qui *Res Alexandri* prodidère, *Pasargadas* Oppidum & Gentem circa *Persepolin* ad Orientem describunt. Videtur autem *D. Vossius* falli de Oppido & Gente: hæc enim ex supradictis Autoritatibus sunt prope Sinum *Persicum*: nam *Plinius*, postquam dixit, *Sinus Persicus: Regio ibi maritima Cyropolis*, mox, inquam, post pauca addit; *Inde ad Orientem Magi obtinent Castellum*,
B b b b 2 in

564 RELIGIONIS VETERUM PERSARUM

in quo Cyri Sepulchrum est, super quo Turris laud magna. Aded ut Pasargadum, ubi Cyri victoria contra Astyagem, & Pasargadum, ubi Cyri Sepulchrum, videantur fuisse in diversis locis; & quod frustra, contra Ptolemæi Autoritatem, contenderit Vossius pro aliâ Cyropoli, quæ apud Stephanum Cyrescbata, quæ ad Finem Persidis, in alterâ Extremitate versus Indiam, toto Cælo totâque Terrâ distans à loco quem Vossius indigitare vellet, si Ptolemæo Fides. Præterea fallitur duplici Araxi: ille enim contendit pro Araxi, quæ memorari solet cum Coro, seu Cûr, cum potius debuerat contendere pro alterâ Araxi, quæ hodie est Bendamîr, prope Persèpolim. Has enim Araxes confundit, eas non distinguendo. Illud autem Pasargadum, pro quo D. Vossius contendit, Ptolemæo dicitur πασαγάτη Pasacarta, quæ situ convenit cum D. Vossii Descriptione, ad Orientem & Boream Persèpolews. Hæc nempe est Parthiæ Urbs, quæ hodiè in Libris scribitur باسا Basâ, seu باسا Pbasâ, vel Pasâ; quæ, additâ usitatâ Terminatione ghard, seu gberd, sit باساگرد Pasâghard, seu Pasâgberd. Nam Pasargadi nomen videtur malè tractatum à Græcis & planè corruptum: cum syllaba gad vix possit esse aliqua vocis Terminatio Persica, sed potius gard, seu γάρη, aded ut, pro Pasargad, dicatur potius Pasagard. Nam Spâbi-xâdeb in Lexico Geographico legit; باسا Basâ, dicta Arabicè باسا Pbasâ, est maxima Urbs Provinciæ دارابگرد Darâb-gjerd, Magnitudine ferè accedens ad Sbirâz. Pleraque Ligna, ex quibus extructa est, sunt Cypressina. Forma denominativa ab Arabico est باساوي Pbasâvi, & à Persico باسافيري Basâfîri. Et (quod ad Rem sit) Bâsâfîr est Locus Boreâ satur, eâdem Ratione, quâ Gbermsîr est Regio Calore saturâ, & Serdîr est Regio Frigore saturâ: & ab his Denominativa seu Adjectiva Forma non erit Gbermi & Serdi, sed Gbermsîri & Serdsîri. Est itaque Pasâgard, πασαγάρα, Urbs in Darâbgard, seu Nomo Darri, X Parasangis à Persèpoli ad Borrapelioten in Parthiâ, in Confiniis borealibus Caramaniæ desertæ. Et quidem in Significatione Nominis est Indicatio sitûs: nam باسا Basâ, ex vi vocis (dicente D. Golio) est Boreas; ideoque Basâ-gard est Borealis Urbs, seu Nomus; qui situs, in calidis illis Regionibus, gratus. Istam Terminationem gard Persæ videntur olim habuisse à Pænis, quibus קרית קרית est Urbs, seu Certa, ut in Tigranocerta. Ad supradictam Disquisitionem pertinet scire, annon Cyropolis fuerit multiplex, sc. plures Cyropoles, & annon

annon ex eis fuerit *Sbiráz*, ut vult *D. Vossius*, & ut nos olim sensimus in *Notis ad Ulugh-Beighi Astronomica*.

In *Pasargadarum* Templo *Veneris* coronatus dicitur *Artaxerxes Mnemon*, qui *Veneris* Tempia & Cultum primus instituit^a. Dicta itaque ejus Coronatio, in *Pyréo* facta, in *Veneris* Templo fuisse à *Plutarcho* narratur prolepticè: nempe coronatus fuit in illo *Pyréo*, quod ab eo, postea statim, Cultui *Veneris* dedicatum est.

XIV.

Pag. 390. *D. Tavernier* dicit, “ Nullos in toto Orbe tam parcos
“ & scrupulosos esse in Religionem suam revelando ac sunt *Gavri*: se
“ itaque necessarium habuisse eorum consortium frequentare sæpius,
“ antequàm posset addiscere ea quæ heic dicturus est.”

“ Antequàm *Mohammedani* inceperant Persecutionem exercere in
“ *Gavros*, multos ex eis fugisse ad *Surát* quæ in *Guzerát*. Et jam
“ esse plures quàm 10,000 in *Kirmân*. Horum, eos qui degunt in
“ *Indiâ*, esse *Artifices præsertim Tornatores Eboris*: eos qui in *Kir-*
“ *mân*, esse *Mercatores Lanae*. A *Kirmân* IV milliaribus distare præ-
“ cipuum eorum Templum, ubi residet eorum *Archipræsul*: & illuc,
“ semel in *Vitâ*, *Peregrinationem* instituere teneri omnes. Aliquos bo-
“ rum degere prope *Ispahân*. Eos affirmare *Prophetæ sui Patrem*
“ fuisse *Natione Francum*, nomine *Azer*, *Professione Sculptorem*.
“ Eum reliquisse *Patriam suam* (quæ tunc fuit *Babylonia*) ut de-
“ geret in *Patriâ* eorum, eumque ibi accepisse *Uxorem* nomine *Dogh-*
“ *dou*, quæ, aliquâ Nocte, somniavit Deum per *Angelum à Paradiso*
“ ad se misisse egregias *Vestes*, quas illa haud citius induerat quàm
“ cælestis *Lux* operuerit suam *Faciem*, quam, ad instar *Solis*, reddidit
“ formosam, seque evigilantem comperisse se ipsam prægnantem, &
“ gravidam *Puero* qui fuit *Propheta Ebrahim-Zer-Ateucht*. Illius
“ *Temporis Astrologos*, per *Scientiam Stellarum*, prænovisse *Nativita-*
“ *tem dicti Pueri à Deo missi ad gubernandum homines & ad regnan-*
“ *dum in Cordibus eorum*. Istos *Astrologos* adeuntes *Regem*, ei decla-
“ rasse nasciturum *Infantem* qui aliquando eum *Coronâ suâ* privaret.
“ Deinde *Regem* (dictum *Nembrout*) omnes in *Regno suo* *Fæminas*

^a Confer cum Pag. 95.

“ gravidas

"gravidas interfici jussisse: sed, per Miraculum, ejus Graviditatem
 "non apparuisse; unde evasit. — Contra Morem aliorum Infantum,
 "qui recenter nati plorant, istum Infantem risisse: ipsum enim in eo-
 "rum Cordibus triumphaturum, præmonstrasse Gaudium, eorum Feli-
 "citatem anticipando. His Regi significatis, eum convocasse Astrolo-
 "gos ad inquirendum quid rei esset, & quid de isto Infante faciendum
 "esset. Astrologos autem non potuisse Rem indicare, ideoque Regem
 "voluisse propria Manu ipsum Gladio interficere: Deum autem ejus
 "Brachium arefecisse. Cumque hoc non posset, eum iratum jussisse ac-
 "cendi Ignem; eum autem, per Dei Potentiam, factum fuisse Cubile
 "rosaceum. Hujus Ignis Partem ad hoc usque Tempus reservatam
 "fuisse. Regem nolentem desistere, nova pro Infante Tormenta exco-
 "gitasse: Deum autem ad eum castigandum misisse Culicum Agmina,
 "qui Aculeis suis Mortem intulerunt omnibus qui non adorârunt istum
 "Propbetam, ejus Pedes osculando in Pænitiæ Testimonium. Re-
 "gem autem, non pænitentem, pessimâ Morte periisse ex ictu Culicis in
 "Aure ipsius."

"Hujus Regis Successorem fuisse Cha-Glochten, qui Initio regni
 "sui Persecutionem moliebatur contra istum Infantem, Annis & Vir-
 "tute Adolescentem. Regem quidem eum incarcerasse: attonitum au-
 "tem fuisse, audiendo Equum (quo vetus in Pugna semper vincebat,)
 "suos IV pedes amisse: ideoque Propbetam à Carcere evocasse, &
 "Veniam petisse, eumque rogasse ut Equum suum restituere vellet.
 "Propbetam annuentem, ad Deum quater orasse, & singulis orandi
 "Vicibus unum Equo Pedem restituisse. Regem, viso hoc Miraculo,
 "semiconversum fuisse: sed ulterioris Certitudinis cupidum, petisse à
 "Propbetâ ut se conjiceret in Fornacem liquati Argenti, à quo si e-
 "vaderet salvus & illæsus, se eum recepturum ut aliquem à Deo mis-
 "sum, ejusque omnibus Præceptis parere velle. Propbetam promptè
 "suscepisse Opus, & se ipsum conjecisse in Fornacem, unde illæsus exi-
 "vit. His factis, Regem eum ad se vocasse, & cum Populo suo ut
 "Propbetam coluisse, eique indidisse Nomen Zer-Ateucht, seu Argen-
 "to lotum. Propbetam, observantem omnes se veneraturos, se ipsum
 "subducentem noluisse videri. Gaurisque nescientibus quid ei evenisset,
 "credidisse eum cum Animâ & Corpore assumptum fuisse in Paradi-
 "sum: alios dixisse eum invenientem Sandapilam ferream in Viâ pro-
 "pe Babylonem, se in eam conjecisse, & ab Angelis asportatum fuisse
 "in Paradisum.

" Eos

“Eos Prophetæ suo assignâsse tres Filios, qui tunc [sc. ante 2500
 “Annos] non venerant in Mundum, quamvis eorum Nomina tunc
 “indita essent & prænoscerentur. Isto autem Prophetâ Ebrahim super
 “Aquam sine Cymbâ ambulante, ab eo in ipsam cecidisse tres Seminis
 “genitalis guttas, ibidem deinde servatas. Deum postea super eundem
 “fluvium misisse Virginem à se adamatam, quæ, primæ Guttæ Recep-
 “tione, tunc evasura esset gravida primo Infante, quem in antecessum
 “vocabant Oshîder. Illum deinde in Mundum cum Autoritate veni-
 “entem, Patris sui Legem confirmaturum & ut reciperetur facturum;
 “idque, non tantum per Prædicationem suam, sed & per multa Mi-
 “racula. Secundum, dictum Oshîderma, eodem Modo concipiendum,
 “Fatri suo Opem laturum, sistendo per X Annos cursum Solis, do-
 “nec totum Mundum de Doctrinæ suæ Veritate convinceret. Ter-
 “tium, ab eâdem Matre concipiendum, (cui Nomen Senoiet Hotius¹)
 “venturum cum majore Autoritate quàm duo Fratres priores, omnes
 “perfectè ad Prophetæ sui Religionem adducturum. Deinde postea
 “futuram esse universalem omnium Resurrectionem; & eo Tempore
 “omnes Animas quæ tunc, vel in Paradiso, vel in Gehennâ, ad
 “Corporum suorum Possessionem reversuras. Tunc æquandas fore om-
 “nes Montes, & quasvis Mineras liquandas, ad implendum Inferni
 “Abyssum, ut omnes Diabolorum Mansiones perderentur. Deinde to-
 “tam Terram faciendam æquabilem ad inhabitandum, & unumquem-
 “que habiturum Mansionem aptatam Bonitati quam in Vitâ fecerat;
 “præcipuas autem eorum Delicias fore in Intuitione Dei & Ebrahim
 “Prophetæ sui. Ante Resurrectionem, eos, qui in Paradiso, non in-
 “tuituros Faciem Dei, nec Angelorum, excepto uno, qui semper adest
 “ad famulandum eis, uti nec ipsos Angelos Deum visuros, excepto
 “uno, qui semper ei adest ad recipiendum Mandata ejus. Deum
 “tandem velle misereri damnatorum, qui etiam postea ituri sunt in
 “Paradisum, jam tum satis passi pro Peccatis suis.”

“Ebrahim Zer-Ateucht in Paradisum fuisse receptum, cujus Ope
 “acceperunt VII Libros Legum, quos Deus, ex Benignitate suâ, mi-
 “sit ad instruendum eos in Viâ Salutis. Eos quoque recepisse VII

¹ Sed sciendum est *Tavernierum*, ad instar Plagiarîi, hocce de *Gauris* Paragraphum (& forte multa alia) desumpsisse ex alio Itinerario Gallico Ed. Lyons 1671 in 8vo, cujus Autor est P. G. D. C. i. e. *Pere Gabriel de Chinen*, qui XXX Annos in *Perfidâ* transegit. Hoc de *Gauris* Extractum pro me fecit amicissimus & ingeniosissimus D. Jo. *Marshall Londinas*. Is sul Libri p. 429 legit *Dodon* pro *Dodon*. Notandum autem quòd pro *Tavernieri Senoiet-Hotius*, ille Autor rectius legat *Senois-bons*.

“ alios

“*alios Libros de Interpretatione Somniorum: & tandem VII alios de omnibus Arcanis Medicinæ. Libros autem de Somniis & de Medicinâ fuisse deperditos, quippe quos, tanquam inestimabilem Thesaurum, secum asportaverit Alexander: VII autem de Religione Libros (cum scriberentur in Linguâ à Nemine nisi ab Angelis intellectâ,) iratum Alexandrum combussisse: Deum autem, ejus Temeritatem puniendo, Ægritudinem in eum misisse, de quâ obiit. Aliquos Doctos Sacerdotes, qui ab ejus Crudelitate in Montes aufugerant, eo mortuo, rursus convenisse, & ex Vi Memoriz aliquem Librum composuisse. Sacerdotes in eo legentes vix intellexisse quid legerent: eos autem habuisse alios Libros Contenta ejus exponentes; [viz. Sad-der.] In illo Libro legentes, aut precantes, Pannum linteum super Ora sua ligare, &c.”*

“*Gavros non uti Circumcisione, sed apud Infantum Nativitatem habere aliquid simile Baptismo Christianorum. Eos enim, aliquot Diebus post Nativitatem, Infantem lavare Aquâ, in quâ cœli fuerunt certi quidam Flores: & dum immergitur Infans, Sacerdotem aliquot preces perorare. Puerum, sine illâ Lotione morientem, credunt ad Paradisum iturum; sed Parentes pro Neglectu suo responsuros, quia talis Lotio auxisset merita.”*

“*Quoad Nuptias, Gavros cuius permittere habere V Uxores, si possit: sed non possunt in Uxores ducere Consanguineas suas, Nuptiis intra tertium Gradum prohibitis. nec laudabile esse aliquam repudiare, nisi ob Adulterium manifestum, aut si Religionem mutaverit; præterea oportere Maritum per integrum Annum expectare an respiciet necne. Fæminæ autem, suum Crimen confitenti, Sacerdotem præscribere trium Annorum Pœnitentiam ab eâ subeundam: & postea, ipso illos renubente, ambos habendos esse pro Nuptiis ut antea. In Nuptiis, Sacerdotem Virum & Fæminam ad se venientes coram Testibus interrogare de mutuo Consensu; & tum precando sumere pauxillum Aquæ, & ambo- rum Frontes lavando Rem absolvere. Eos non posse Matrimonio jungi intra tertium Gradum, nec posse obtinere Dispensationem. Quamvis verò permittatur habere V Uxores, attamen tantum harum unam posse censi nuptam, cum quâ ergò obligatur pernoctare saltem duabus Noctibus quovis Septendio, (putâ Noctē Saturni & Veneris;) eamque semper per ceteris præcedere. Si autem illa non habuerit Liberos intra VII Annos, Viro permissum esse superinducere aliam: priorem autem non repudiare, sed alere.”*

“*Mulieres*

“ *Mulieres menstruatas statim secedere in Campos, ut, durantibus*
 “ *Mensibus, maneant in Tugurio cui appensus Pannus est pro ostio ;*
 “ *dum interim Cibus & Potus eis afferatur : & revalescentes, ad Sa-*
 “ *cerdotem, pro Oblatione, missuras Hædum, aut Gallinam, aut Colum-*
 “ *bam ; & postea ad Balneum euntes, invitaturas ad Refectionem*
 “ *aliquas Amicas suas.*”

“ *Gavros, tam Viros quàm Fæminas, bibere Vinum & edere Porci-*
 “ *nam, si modo (aliter quam antea) in distincto aliquo loco, aliâ Diætâ*
 “ *pasti fuerunt Porci per integrum Annum prius quam macentur :*
 “ *nam sine istis Circumstantiis Porcina est eis vetita. Eos non liben-*
 “ *ter præscindere Ungues nec Crines : quòd si necesse sit, tenentur illa*
 “ *Præsegmina portare ad aliquem Locum extra Urbem, præsertim ad*
 “ *Sepulcbretum. Eos V Diebus in Anno abstinere à Carne, Pisce,*
 “ *Butyro, & Ovis ; & tribus aliis Diebus jejunare ad Vesperam.*
 “ *Illos habere XXX Dies Festos in Honorem Angelorum, in quibus*
 “ *Nemo operari audet. Diem Nativitatis Prophetæ sui celebrari so-*
 “ *lere Pompâ maximâ & Eleemosynis amplis. Aliquem esse Diem quo*
 “ *omnes exeunt ad necandum Ranas, idque mandato Prophetæ sui.*
 “ *Sacerdotes habere Libros cum Picturis pallidis, seu aquei Coloris,*
 “ *Hominum futura Supplicia repræsentantibus, præsertim pro Pædi-*
 “ *catione quam abominantur.*”

“ *Quoad Funera, ægotantes Gavros accersere Sacerdotes, quibus*
 “ *quodammodo sua confitentur Peccata, & propterea eis injungi Elee-*
 “ *mosynas & bona Opera ad obtinendum Peccatorum Veniam. Eos*
 “ *suos mortuos non cremare nec sepelire ; Cadavera autem extra Ur-*
 “ *bem exportare ad Locum Muro cinctum, juxta quem sunt multi Sti-*
 “ *pites, VII aut VIII pedes alti, quibus solent alligare Cadavera, Fa-*
 “ *ciebus versus Orientem. Omnes funus comitantes ad commodam Dis-*
 “ *tantiam orare, donec veniant Cornices, quas illa loca attrahunt.*
 “ *Si Cornix primò involaverit in defuncti Oculum dextrum, eos (cre-*
 “ *dendo defunctum esse felicem,) dare Eleemosynas majores ; si autem*
 “ *in Oculum sinistrum, id esse malum Omen : nullas ergò Eleemosynas*
 “ *dantes, redire domum silentes, non edentes nec bibentes.*”

“ *Gavros nolle ut æstimentur honorare Ignem per Modum Adora-*
 “ *tionis, cum nollent reputari Idololatræ, dum agnoscunt tantum unum*
 “ *verum Deum, Cæli & Terræ Creatorem, quem solum adorant : Ig-*
 “ *nem autem eos servare & honorare, in Memoriam Miraculi, quo eo-*
 “ *rum Prophetæ Ebrahim à Flammis fuit liberatus. Autorem, ali-*
 “ *quando dum esset apud Kirmân, petiisse ut videret sacrum Ignem ;*

C c c c

“ id

“ id autem ei negatum fuisse, cùm aliquando Chàn, seu Gubernator Urbis
 “ Kirmân, idem expeteret, cui non potuerunt id denegare. Illum autem
 “ expectantem videre extraordinarium quendam Splendorem, fefellisse
 “ Spem: cùmque non videret alium Ignem quàm quem videre potuerit in
 “ Culinâ, mox iratum jurâsse & fremuisse, & in sacrum Ignem inspuisse.
 “ Sacrum verò Ignem, hoc modo profanatum, avolâsse in Formâ albæ Co-
 “ lumbæ, donec Sacerdotes per Eleemosynas & Preces eundem revocarent:
 “ ideòque eos Nemini eum ostendere velle. Eos, quosvis Juramento adi-
 “ gendos coram sacro Igne sistere, ut coram Teste, minando magna Sup-
 “ plicia pro Perjurio, & sacrum Ignem avolaturum esse.”

“ Eos interrogatos quid de isto Igne sentirent, respondisse, sicut Sol
 “ inter Sydera, & Rex inter Subiectos, talem esse hunc Ignem Respectu
 “ aliorum Ignium sublunarium: quamvis vero aleretur Lignis, quâ in
 “ Re non differebat ab aliis Ignibus, eum tamen miraculosè sustentari
 “ posse absque Pabulo. Sacerdotes, singulis Mensibus, hujus Ignis Partem
 “ distribuere Laïcis, pro quo Favore satis carè solvunt. Ad Ædes vero
 “ suas portant, credendo inde esse Causam Abundantiæ omnium Rerum in
 “ Familiis suis: & coram eo collocant ægrotos suos, qui aliquando reva-
 “ lescent: si non, id Infidelitati tribuitur.”

“ Eorum Linguam esse diversam ab eâ reliquorum Persarum, uti etiam
 “ sunt eorum Characteres. Eos amare Epulas, & valde profusos esse de
 “ suo potu Erâc. Eos nunquam edere Lepores propter Menstrua; nec
 “ Mora, utpote quæ credantur ex Mulierum & Leporum Menstruis pro-
 “ cedere. Si peccando Caput, unus Pilus ceciderit in Vestes, illos tene-
 “ ri istas Vestes lavare in Urinâ Vacca, propter earundem Purificationem:
 “ idem quoque faciendum si sterco aut sordes tetigerint: & Sacerdotem,
 “ obviâ factum Funeri quod videt, ad idem teneri: id etiam aliquos ex
 “ Indis credere. Eos interrogatos unde talem Urinæ Virtutem intellige-
 “ rent, respondisse, aliquem Adamo coævum, habentem Brachium contu-
 “ sum usque ad nigrorem, jacuisse in campo dormientem; & dum juxta
 “ eum mingeret Vacca, aliquam Urinæ guttam, in Brachium ejus caden-
 “ tem, eam quam tetigit Partem sanâsse: Hominem ergò secutum Vac-
 “ cam donec ea rursus Urinam mitteret, perfectè sanatum fuisse.”

“ Eos talem conservare cum aliâ quâdam Aquâ mixtam, quam post
 “ Peccatorum Confessionem, Confitentibus propinant. Hanc vocari Aquam
 “ Cazi, seu Judicis, sive Sacerdotis, quæ XL diebus debet servari, cum
 “ Infusione Corticis salignei & aliquot Herbarum. Confitentes autem ali-
 “ quod grande Peccatum, teneri X diebus manere in domo Sacerdotis, nec
 “ aliquid edere aut bibere nisi quod ille dederit. Et in Ordine ad Abso-
 “ lutionem,

"lutionem, Sacerdotem eum sistere nudum, dextri Pedis Pollici alli-
 "gando Caniculam, quam ergò secum circumducit in domo, aliquando
 "per integrum Diem aut diutius. Eo modo se habentem, petere à Sa-
 "cerdote absolutionem, de sua Parte credendo se ipsum esse purum.
 "Deinde Sacerdotem ei respondere, Se non posse, sed Canem esse qui
 "eum purificet. Posthac, Sacerdotem dictam Aquam compositam super
 "Caput ejus septies fundere, & unum ejusdem Haustum ei propinare,
 " & hoc modo eum absolvi. Hanc Pœnitentiam esse caram, quia pos-
 "tea tenetur Amicos tractare apud Domum Sacerdotis. Autore in-
 "terrogante, An Sacerdos hoc modo faceret Fœminis? responsum est,
 "Sacerdotis Uxorem, aut Ancillam, id facere Fœminis. Eos ad quem-
 "vis moribundum adducere Caniculam, quam super ejus Pectus collo-
 "cant; & dum ultimum Halitum expiraturus est, eos morientis Ori
 "applicare Os Caniculæ, interim efficientes ut eo modo se habens la-
 "tret bis, ita ut moribundi Anima intret in Canem, qui eam tradat
 "in Manum Angeli eandem accepturi. Eos quemvis mortuum Canem
 "extra Urbem portare, & pro eo Cadavere Deum precari, quasi
 "Bestia, per illorum Irrecas, Beneficium acciperet post Mortem."

"Dari multas Bestias quas amant, & alias quas odio habent, ut-
 "pote non à Deo creatas, sed ortas ex Corpore Diaboli, cujus Natu-
 "ram retinent. Eos cum Admiratione amare Vaccas, & Boves, &
 "Canes. Vetitum esse mactare tam Bovem castratum, quàm Taurum,
 "propter Laborem suum in colendo Terram. Eos etiam de Vaccis
 "esse valde cautos: earum tamen Lac comedunt, & annosas mac-
 "tant & edunt. Hoc autem Animal præcipuè æstimatur, quia ab eo
 "habetur Materia ad Purificationem & Peccatorum Expiationem.
 "Eos odio habere Colubros, Serpentes, Lacertas, Rubeta, Ranas,
 "Cancros-pisces, Sorices, Mures, & (supra omnes) Feles, quas di-
 "cunt referre Diabolum dantem eis tantam Fortitudinem ut difficile
 "sit eas occidere; seque velle Soricum & Murium Incommodum ferre
 "potiùs quàm Felium. Quoad Animalia noxia, Gavros ægrotantes
 "conducere aliquos qui exeuntes ea trucidant, quod Morientium Bonis
 "Operibus est accensendum. Eos autem talia habere exosa, quia cre-
 "dunt illa esse Instrumenta quibus Diabolus Tormenta infligit damna-
 "tis; ideòque illud esse Bonum Opus: eosque talia perdere, ut ita,
 "Diabolo Instrumentis destituito, Animarum, quæ in Gebennâ sunt,
 "Tormenta mitigari possint."

"Eos reputare se pollui posse variis Modis, quorum aliquos decen-
 "ter memorare non possum. Præcipuè autem miror quòd Capitis &

"Barbæ Pili, quos quotidie gestant, reputentur immundi, & resectos
 "foràs à Domibus suis exportent: Sacerdotes autem nunquam re-
 "care suos. Et si pectinando Caput, aut Barbam, aliquis Pilus ca-
 "dendo in Vestes, ibi manserit per plusquam dimidium Diem, tales
 "Vestes Urinâ vaccinâ lustrandæ sunt. Et si talis Immunditiei ali-
 "quid in Terram ceciderit, talis Terræ Superficies, diligenter derasa,
 "exportanda est ad locum ejusmodi Rebus peculiarem. E Naso quoque,
 "et quâvis aliâ Corporis Parte, fluens Sanguis, censetur inducere
 "Pollutionem Urinâ vaccinâ lustrandam; quæ tamen aliâ quâvis Aquâ
 "posseà lavetur. Et, quâvis harum leviorum Pollutionum Occasione,
 "tenentur fætidam suam Aquam lustralem adbibere, quamvis posseà
 "(ut dictum) Aquâ mundâ se lavare possint. Istum Urinâ lustrandi
 "Morem non esse solis Persis peculiarem, sed usurpari etiam apud In-
 "dos. Hunc tamen Morem non fuisse ab eorum Prophetâ institutum,
 "sed Originem habuisse ab aliquo Homine Tempore Adami," &c. ut
 supra dictum est. [Ad hunc Locum Curiosus quidam Observator
 addidit; "In Lusitanorum Nosocomiis jam Morem esse post Febres
 "diu bibere Urinam vaccinam, sicut Naturæ restaurativum quiddam,
 "eodem Modo, quo in Angliâ bibitur Decoctum amarum: & hancce
 "Indicæ Medicinæ Praxin nuper etiam in Londino obtinuisse.] Pos-
 "tea sequitur; Ad dictum lustrandi Morem teneri nubendos, (tam
 "Virum quàm Fæminam) qui id faciunt in Domo Sacerdotis. Quan-
 "tum æstiment Canem, hinc constare, quia Moribundis afferunt Ca-
 "niculam quæ ultimum Halitum excipiat, quod vocant Animam ex-
 "cipere, imaginando Caniculam (utpote puriorem) eam Angelo tra-
 "dituram. Sic etiam in Expiatione, seu Absolutione, Caniculam
 "puriorem reputant. Eos abhorrere à Felibus, propter Mohamme-
 "dem quem odio habent, affirmantes illum maledictum habuisse felinam
 "Faciem & Caudam, ut & habuit Alexander; istumque genitum fu-
 "isse à Diabolo, qui ipsum suis Proprietatibus donavit, ita ut difficile
 "esset eum occidere: ideoque Nemo Felem alit in Domo suâ. Eos
 "necare Ranas, &c. quia polluunt Aquas; & Formicas, quia fu-
 "rantur plus Granorum quàm eis sufficiat ad vivendum. Eos mortuis
 "suis detrabere Vestes meliores, & induere deteriores. [Orientales
 "enim in Lecto dormiunt cum Induculâ & Subligaculis, &c.]
 "Persas esse robustos & salubres: & affectare Vestes saturi Coloris
 "lutei, quales etiam sunt Pallæ Muliebres. Pudet eos fateri suam, de
 "Mortuorum Statu, Hariolationem à Volucris Cadavera invaden-
 "tibus: eos autem talia potius observare, ad sciendum an Corpus citò
 "reducere-

“reduceretur ad Sceleton, quia, diu manere incorruptum esset malum
 “Omen. Proximo post Funera Die, Consanguinei parant, tam De-
 “functi, quàm Uxoris & Liberorum Images, quibus apponunt Con-
 “vivium triduanum; quod postea ab Amicis comeditur, & reliquum
 “Pauperibus datur. Interrogati cur talia facerent, respondebant,
 “Animas hisce Rebus refici, sæpè talibus Conviviis adesse, & pios sæ-
 “penumerò cum eis conversatos fuisse. Postea, interficientes invisa A-
 “nimalia, Eleemosynas erogant pro Animabus defunctorum, quæ ad
 “Infernum ituræ, si Meritis præponderant Peccata, vel ad Paradi-
 “sum, si Peccatis præponderant Merita: vel si ambo adeò æqualia
 “sunt ut Differentia discerni nequeat, tum eunt ad medium aliquem
 “Locum dictum Estemagoon. Alia dari Loca parata mortuis Infan-
 “tibus, qui nec Merita nec Peccata habuerunt: & peculiaria parari
 “Loca pro undecim generibus Hominum, inter quos numerant desti-
 “tutos Liberis, per quos aliquid mererentur, eos educando in Timore
 “Dei. Pontem Judicii desinere in arctâ Angustiâ, adeò ut, ibi euntes
 “inde cadant in Gebennam inferiùs. Exportato Cadavere, tanquam
 “pollutam abradunt & exportant Superficiem Terræ in quâ jacebat,
 “aut moriebatur. Tantùm Viri, & Pueri ex Ephebis excessi, possunt
 “mactare Cibus quem comesturi sunt: & Sacerdotes non debent edere
 “nisi id quod ipsi mactaverint & eorum Uxores coxerint. Quando e-
 “dunt (si non adsit aliquis Peregrinus) retrorsum jactant Capita, ut
 “cibus, sine Tactu Labiorum, in Ora cadat: & eodem Modo elevan-
 “tes Poculum, in Ora sua effundunt Potum: affirmantes hoc esse ad
 “Imitationem Avium & aliorum aliquot Animalium retrorsum jactan-
 “tium Capita; nam quasi Deo essent gratabundi pro Beneficiis, sur-
 “sum aspiciunt, ad docendum nos, hâc Corporis Positurâ, Deo quoque
 “gratos esse pro omnibus suis Beneficiis in nos collatis. Habent in
 “Anno IV Festa solennia; scil. Primum, in Æquinoctio Verno per
 “XV dies. Secundum, dictum Camse Kadîm per V dies, quod tran-
 “sigitur Precibus & Eleemosynis pro Mortuis. Tertium vocatur
 “Geshim Kadîm, in quo se invicem mutuis Conviviis tractant.
 “Quartum vocatur Mesegom, in Honorum XXV Angelorum qui
 “Throno Dei propinquiore sunt, & in ejus Ministerio & Mandatis
 “occupantur; qui tamen Divinam Præsentiam non aspiciunt. Alia
 “etiam dari Festa: & Mensis etiam Diem XII atque XXI insuper,
 “per eorum Legem, Sacros haberi: quod tamen non est in hodiernâ
 “eorum Praxi; fortè propter Paupertatem, cum à quotidianis Ope-
 “ribus tamdiu abesse non liceat. Jejunia sunt per V dies in Anno,
 “in

“ in quorum tribus, nihil omnino comedunt, & in duobus, semel
 “ tantum sub Nocte: ajunt autem Laicos non teneri ad hoc, quod
 “ ergò Sacerdotibus observandum relinquitur. Inter notabiliores Mo-
 “ narchiæ suæ Periodos, observant Victoriæ Alexandri Magni;
 “ quem tamen nolunt in suorum Heroum Numerum inferere, ne, hoc modo,
 “ horum Magnanimitatem minuire videantur: ajunt autem eum à Dia-
 “ bolo genitum fuisse, sequente Modo; viz. Pater Matris Alexandri
 “ fuit Princeps tributarius τῷ Darâb, seu Dario, qui, multis auditis
 “ de ejus Filicæ Pulchritudine, eam in Uxorem expetivit ab eo, qui libens
 “ eam missurus erat. Interim verò Diabolus, ejusdem Virginis Amorem
 “ expetens, se ipsum transformavit in nigrum Turbinem, quo involvebat
 “ Virginem, quæ exinde evasit nigerrima, & tumefacto Ventre defor-
 “ mata: hocque horribili Statu adducta fuit coram Darâb, qui tali
 “ Spectro terrefactus, eam remisit ad suum Patrem, cui peperit Mon-
 “ strum quoddam Infernale, Aspectu terribile, præsertim cum Auribus
 “ asininis; sub quâ Formâ totam Asiam vastavit, cum Potentiâ irresisti-
 “ bili, quia plus quàm humanâ. Post Alexandri Mortem, aliquis ex ejus
 “ Ducibus, cui nomen Ardeoun, qui Gaurorum Regioni præfuit, exac-
 “ tus fuit per Shâh Ardeshr, qui restituit Monarchiam & Religionem,
 “ quæ duravit usque ad Tempora τῷ Omar, Successoris Mobammedis, qui
 “ istam Regionem subegit.” [Ardeoun est اردوان Ardavân, scil. Ar-
 tabân.]

Horum saniores potiùs credunt, talium Bestiarum Formâ, dari Dia-
 bolos, qui hominibus Pœnas infernales irrogabunt. Atque Canicula,
 tam in alicujus Pœnitentiâ, quàm in Obitu, non est ad tradendum
 Angelo Animam, sed ad, tam Pœnitentis, quàm Defuncti, Peccata as-
 portanda, ut apud Judæos erat *Hircus emissarius*. Cum multis aliis
 quæ Animadversione indigent. Quod autem Canis tam venerabilis
 habeatur, videtur primò fundatum in Opinione *Sagacitatis ex Odora-
 tu*, quo stultè imaginantur eum Animæ Puritatem, vel Impuritatem,
 discernere posse; unde etiam hujus Animalis Puritatem colligunt &
 concludunt. Et gradatim transeundo ab uno Errore ad alium, factum
 est, ut credant Animas *impuras* (quibus Peccata maxima) à Canibus
 recusari; atqui *puriores* ab eis exceptum iri; quarum Peccata leviora,
 asportare Canes, & tales Animas in Angelorum Manus tradere præ-
 sumuntur. Sed *Indo-Persæ* non sunt in omnibus Rebus Orthodoxi
 (ut supra notavimus) & aliqui eorum, Tractu Temporis, Rituum
 suorum Originis obliti, hodie tales Ritus diversimodè exponunt, ut
 etiam ab *Ægyptiis*, & *Græcis*, & aliis Gentibus, factum est.

Quòd

Quòd *Canis* (ut *Hircus*) asportaret Peccata, tale sit Symbolicum, ut videatur dignum quod fortè institutum fuerit à *Zoroastre*, cui nota erant *Veteris Testamenti* Biblia. At quòd *Canis* Animarum Statum suboleret, & haberet commercium cum Angelis, eosque consuleret, est Dictu & Cogitatu absurdum; contra reliqua *Persarum* Principia; & quod hujus Religionis Institutori fortè nunquam in Mentem venerit, sed potius ex *Posterorum Ignorantia* & *Superstitione* ortum. At fortassis ex *Astrologica Vanitate* processerit, quòd *Sertân*, & *Asad*, & reliqua *Signa Cælestia*, ut hujus Mundi Rectores habeantur, ut ex *Lordio* notatum.¹

Quoad superiora Nomina, *Tavernieri Senoiet-botius*, est mera Corruptela pro altero, apud *Pere Chinson*, *Seausbons*, quod *Persicè* rescribendum *سیاوشان* *Siâousbân*, i. e. *Fratres*, sc. *Fratrum Tertius*, eodem modo concipiendus.

Estemegoon, vulgari sono, *Persicè* videtur esse *سستمگان* *Stemagbân*, seu *استمگان* *Istemagbân*, i. e. *Vim passi*: sc. compulsi & Vi conclusi in Loco, q. d. *incarcerati*. Eo itaque Nomine videtur intelligi *Vim passorum Locus*: nam Voces *Persicæ* incipientes à Vocali *Kesre*, pro scribentium Libitu, admittunt Prosthesin Literæ *Eliph*, ut *شکم* *Sbi-kêm*, vel *اشکم* *Isbkêm*, cum multis aliis.

Apud *Pere Chinson*, *Dodon* Erratum est pro *دودو* *Didou*.

Coutshac est *Persicè* *کوتچک* *Coutchâc*, i. e. *Parvus*, sc. *Minor Frater*, in eorum Religione.

Chamfi seu *Solares*, Arabicè sunt *شمسی* *Sbémfi*, vel *Sbámfi*. Et *Cámse Kadím* Arabicè est *Pentas antiqua*. Et *Geshim Kadím* *Persicè* est pro *گشتم* *Gjeshtn Kadím*, i. e. *Festum antiquum*.

Et *Mefegom* fortè sit *Persicè* pro *میرنگان* *Mîsedegbân*, i. e. *Epulæ*: cum *â* vulgò sonet ut *oo*. Nam minùs accuratis Auribus talia accipere solent Viatores *Europæi*, rarò in hisce Linguis satis versati, vel plerumque colloquentes per Interpretes, qui aliàs sunt Homines ignari, cum vulgo loquentes & pronunciantes, & colloquentium Mentem haud semper sat accuratè assequentes.

¹ Vid. postea pag. 576.

XV.

Pag. 425. Magna *Mediae* Urbs πὲ ΕΚΒΑΤΑΝΑ, seu ΑΓΒΑΤΑΝΑ (apud *Æschylum* in *Persis*, *Agabatarum*,) synonymam habet in *Syriâ* Urbeculam, *Arabice* dictam بَغْدَاد Battâna; *Stephano* αὖ Βαταβία; *Judithe* I. 9, Βετάνη; cujus Civis est البغادي *Al Battâni*; unde Celebris Astronomus *Al Bategnius*. Et hinc constat quòd ΕΚΒΑΤΑΝΑ, seu ΑΓΒΑΤΑΝΑ, sit corruptela pro ΕΛΒΑΤΑΝΑ, seu ΑΛΒΑΤΑΝΑ.

At prorsus diversum quid est ejusdem Nominis Urbs in *Mediâ*, in cujus Linguae genuinis Vocibus, dictus Articulus *Al* nunquam usurpatur. Vernaculè igitur آبادان *Aabâdân*, seu آبادان *âbadân*, (sive ut sonari possit, *Aabatân*, seu *âbatân*,) est Locus valdè habitatus, Incolarum Frequentiâ gaudens, q. d. *Habitatio frequentata & selecta*. Et cum *Ptolemæus* ponat ΑΚΒΑΤΑΝΑ in *Tropatenâ*, seu *Atropatiâ*, præcipua ibi Urbs est تبریز *Tabrîz*, seu *Tavrîz* (vulgò *Tauris*,) quæ, propter editiorem & frigidiorē Situm, haud immeritò, pro Regum *Æstivario* electa fuerit & hodie eligitur, & valdè probabiliter, pro Veterum *Ecbatanis* habitata est. Adeò ut ΑΚΒΑΤΑΝ, cum K epenthético plenioris Soni Causâ, sit pro ΑΑΒΑΤΑΝ, seu ΑΒΑΤΑΝ. Et postquam à *Zoroastre* ibi primò ordinata esset Custodia τῷ *Adur* seu *Ignis*, illa ipsa Urbs *Tabrîz*, tam olim, quàm hodiè, dicta est آذر آبادگان *Adur Abâdagbân*. In istis *Ecbatanis*, *Daniel* Propheta olim Βάπυρ seu *Turrim* ædificasse dicitur. *Græci* autem videntur cum *Ecbatanis*, sibi notis, in *Syriâ*, conformasse Nomen *Ecbatana* in *Mediâ*, quamvis ægrè ad eundem Sonum adduceretur.

XVI.

Ex D. Henrico Lordio Notata, & in eum Animadversa.

Lordius, in Epistola Dedicatoria, narrat, "*Persarum Superstitionem*
 "*(ut apparet ex Socratis Eccles. Hist. Lib. 7, cap. 8,)* à *Marûtha*
 "*Mesopo-*

“*Mesopotamiæ Episcopo multum debilitatam fuisse in Opinione Jezdegerdi, Persicorum Regum ultimi, qui vacillante Fide, &c.*” Fallitur autem Lordius in *Yezdegerdi* Personâ: fuerunt enim ejusdem Nominis Reges Tres, & is, cum quo, *Marûtba* (*Episcopus Miyaphârekein* in Confiniis *Mesopotamiæ*) de *Christianitate* tractavit, erat eorum *Penultimus*, viz. *Yezdegerd Filius Sapor*; non autem *Ultimus*, qui *Yezdegerd Filius Shabriyâr*. Iste verò *Marûtba* missus fuit Legatus in Persiam à *Theodosio Juniore* Imperatore, de quo videas *Abulpharagium*.

Lordius p. 8, quasi tot Custodes huic Mundo Præfectos, (quinam sint nòminando, sed quales sint tacendo,) enumerat *Signa Cælestia*, eaque Ordine inverso: nam pro I, حمل *Hamal*, i. e. *Aries*; II, ثور *Sor*, seu *Saur*, i. e. *Taurus*; III, جوزا *Jozâ*, seu *Gjauzâ*, i. e. *Gemini*; IV, سرطان *Sertân*, i. e. *Cancer*; V, اسد *Asad*, i. e. *Leo*; VI, سنبله *Sûmbola*, i. e. *Spica*, seu *Virgo*; VII, میزان *Mizân*, i. e. *Libra*; VIII, عقرب *Acrab*, i. e. *Scorpio*; IX, قوس *Caus*, i. e. *Arcus*, seu *Sagittarius*; X, جدی *Jedy*, i. e. *Capricornus*; XI, دلو *Daloo*, i. e. *Situla*, seu *Aquarius*; XII, حوت *Hoot*, i. e. *Piscis*: pro his, inquam, (unum omittendo) ille ponit *Hamul* Præfectum Cœlis, & *Acrob* Angelis, *Joder* Soli & Lunæ & Stellis, *Soreb* Terræ, *Josab* Aquis, *Sûmbolab* Bestiis, *Daloo* Piscibus, *Rocan* Arboribus, *Cooz* Viris & Fœminis, *Sertan* & *Asud* Diabolo & Malis Spiritibus, ne Creaturas lædant.

Pag. 11, 12, &c. ad 23, ea quæ de *Zertoosto* narrat, ab aliis paulò aliter narrantur: sed cùm sint fabulosa, parum refert. Quod autem dicit *Canem esse Persis exosum*, est planè falsum; cùm *Canem* multum æstiment: at cujusvis Animalis *Cadaver* & *Ossa Mortua* Odio habent, ut res immundas.

Pag. 27. Triplex Scriptorum *Zoroastris* Divisio fere convenit cum eis quæ tradit *Tavernier*. Ea itaque conferantur.

Pag. 41, 42. Incautè loquitur, quasi totiùs Anni Festa essent tantùm VI: sed hoc intelligendum est de VI Festis Creationis. Post hæc singula Festa ponit totidem *Jejunia*, ut vocat: sed jejunando intelligendum est parum edere, sc. semel tantùm in Die, & non pluries. Aliàs enim, pura & strieta *Jejunia non habent*. Ciborum suorum Partem, ut Oblationem pro Sacerdotibus, portant ad Templum dictum *Eggaree*; quod fortè sit vel الجامع *Eggjámi*, vel *Lusitanicum Igresia*.

Pag. 44. Inter alios accendendi Modos, tradit Ignem sacrum accendi posse ex *ordinario Igne Culinario*, vel ex Igne quo Indi Cada-vera comburunt: sed hæc sunt *planè falsa*.

Pag. 47. Quando aliquis Puer post Baptismum confirmatur, & Tunica & Cingulo è Pilis camelinis donatus, in Religionem admittitur, Sacerdos orat, "*Ut omnibus diebus Vitæ suæ Deus efficiat eum verum Assectam Religionis Persicæ, cujus Signum est talis Tunica, & Cingulum: & ut nunquam aliam aliquam Legem sequatur præter illam Zer-toosti: & ut Ignem sacrum honorare perseveret: utque de nullius Cibo edat, nec ex ullius Poculo bibat, sed semper de suo proprio: & ut semper Persarum Ritus & Cæremonias observare pergat.*" Et ibidem de eorum Nuptiis agens, eas quinquafariam dividit in V genera: quorum Primum est *Schaufan*; quod est inter alicujus Filium & alterius Filiam Tempore Pueritiæ (illis infans) contractum, solo Consensu Parentum: hocce Nuptiarum genus multum æstimatur & Cælum mereri putatur, quia tam maturè providetur. II. Secundum genus vocatur *Cbocker-son*; quod est Personæ viduatæ, scil. secundæ Nuptiæ. III. Tertium genus est *Codestherâbasan*; quando Fœmina exquirat sibi Maritum. IV. Quartum est *Eckfan*; scil. quodd, quando aliqua Persona moritur innupta, procuratur aliqua alia Persona, quæ defunctæ Personæ Matrimonio jungatur; cum reputent Matrimonii statum esse tam beatum ut æternam Felicitatem tandem mereatur. Iste nubendi Mos præcipuè obtinet apud *diviores*, qui pretio tales Nuptias procurare solent. V. Quintum vocatur *Ceterfan*; quando Pater aliquis, Filiis destitutus, Filiæ suæ Filios pro suis adoptat ut in Nuptiis dentur: eum enim reputant *Infelicem* qui destituitur Liberis in Matrimonium collocandis.

Quoad Nuptiarum Cæremonias, Vir & Fœmina, circa mediam Noctem convenientes in Domo, (Nuptiæ enim non celebrantur in Ecclesiis,) collocantur super Lecto, astantibus duobus Sacerdotibus, quorum unus est ex Parte Viri, alter ex Parte Fœminæ, qui (unâ cum utriusque Consanguineis, à Sacerdote assignandis,) in Signum Fertilitatis, Manibus tenent *Oryzam*, in Nupturientes spargendam, eis apprecando Fœcunditatem in Generatione suâ. Deinde ille Sacerdos qui est ex Parte Viri, imponendo Digitum in Frontem Fœminæ, ab eâ quærit, *An habebit istum Virum in Maritum suum?* Et illâ assenti-ente, alter Sacerdos qui ex Parte Fœminæ (imponendo Digitum super Frontem Viri,) eandem *Quæstionem* ei movet. Hoc Modo, habito utriusque Consensu, jungendo Manus, mutuò sibi invicem promittunt; sc. Vir, ut eam sibi obliget, promittit se daturum tot Au-

reos


reos *Dinâros* (valoris *Sesquibræ Anglicanæ*;) quo quidem Promisso ille insuper obligatur omnia ei necessaria, durante Vitâ, administrare & suppeditare. Et Fœmina, ex suâ Parte, promittit omnia sua Bona illius esse. His utrinque factis, dicti duo Sacerdotes spargunt super Nuptos dictam *Oryzam*, precando ut Deus eos multis Liberis fœcundos reddat; ut sint sicut Semen in Spicis Tempore Messis, & ut cum Unanimitate in Matrimonii Statu diu vivant. Hoc Modo peractis Cæremoniis, Fœminæ Parentes Dotem solvunt: Viri enim non dant. Et postea Festum Nuptiale per Octiduum celebratur.

Quoad Sepulturas, eorum Sepulchretum constituunt duo Ædificia rotunda & satis capacia, à se invicem aliquantum distantia, quorum Tectum declive est versus Centrum, in quo est Foramen ad excipiendum Cadaverum Saniem, dum juxta ejusdem Tecti Latera jacent Cadavera, Aëri & Volucris exposita. Horum Ædificiorum alterum *album* est, pro iis quorum Vita & Conversatio fuit laudabilis: alterum verò *nigrum*, pro iis qui aliquo Vitio fuerunt infames, de quorum itaque Salute dubitatur. Quoad Sepulturæ Cæremonias, quando aliquis est moribundus, accersunt Sacerdotem, qui in ejus Aures hoc modo orat; "*O Domine, præcepisti ut non offenderemus, sed iste homo offendit: ut faceremus Bonum, sed iste homo fecit Malum: ut te adoremus, sed iste homo neglexit te adorare. O Domine, ei condonato omnia ejus Peccata, omnia ejus Malefacta, omnes ejus Neglectus.*" Eo autem defuncto, Sacerdos non ei appropinquat, sed ad X Pedum distantiam dictat quinam debent esse Vespillones, qui eum exportent super *Feretro ferreo*; cum Lignum non sit Morticinio pollendum, quia est Pabulum Ignis quem reputant sacrum. Et Funus comitantibus interdicitur Sermonis usus, quia Sepulchrum est Quietis & Silentii Locus. Et Vespillones, ad Conditorium venientes, Cadaver ibi deponunt; dum Sacerdos, ad commodam Distantiam stando, Sepulturæ Officium hoc modo recitat; "*Iste Frater noster, dum in vivis, constabat ex IV Elementis: & cum jam mortuus sit, quodvis Elementum suam Partem capiat; terrea Pars abeat in Terram, aërea Pars in Aërem, aquea Pars in Aquam, & ignea Pars in Ignem. His factis, supplicant ad Sertân & Asud (qui Diabolo & Malis Spiritibus præficiuntur,) ut istum Fratrem ab eorum Læsione tutum conservare velint, dum, Lustrationis causâ, ad sacrum Ignem se recepturus sit.*" Supponunt enim Animam post decessum, circa Corpus super Terram volitare per Triduum; quo toto Tridui Spatio Diabolus ei Molestiam inferre satagit; quam itaque ut evitare possit, ad sacrum Ignem fugiens, Asylum ibi

quærit: hoc autem Triduo absoluto, finalem Gaudii aut Supplicii Sententiam recipit. Et propter hanc suam Opinionem, durante isto Triduo, omnes Amici (quantum eis vacaverit,) frequentant Conditorii Locum, *Mane, Meridie, & Vesper*, fundendo Preces, ut Deus defuncti misereri & omnia malè actæ Vitæ Peccata ei condonare velit. Isto autem Triduo elapso, & definitivâ Sententiâ [in meliorem, ut sperant, Partem] datâ, *Die quarto* Convivium celebrantes, Luctum suum concludunt. Ex hacce *Lordii* Relatione videtur, quòd superior Formula, quâ cuique Elemento suam Partem tribuunt, haud multum abludat à nostrâ, *Terra ad Terram, Cinis ad Cinerem, & Pulvis ad Pulverem abeat.*

Anno ab *Inthronizatione Yezdegerd* 1043, *Cbristi* 1633, *Veterum Persarum* quidam in *Indiâ* Sacerdos, dictus *Hurmuz-yâr*, Cognomento *Sungjâna*, in *Libri Sad-der* à se descripti Calce, peracto Opere, hoc sequens adjecit *Epiphonema suum*, quod & Ego etiam nunc meum esse volo,

دوشته بمادن سماء پر سفین *Nigrum super Albo scriptum manebit:*
 دوشته را دیستی فرنا امید *Scriptori verò eras nulla Spes erit.*
 دوشته من دادم تا که خواد *Scriptum ego nescio quis fit lecturus:*
 اگر میرم به پیشک ایی بمادن *At etiamsi moriar, Hoc indubitanter manebit.*



191
151435


 一 ^{one} 二 ^{two} 三 ^{three} 四 ^{four} 五 ^{five} 六 ^{six} 七 ^{seven} 八 ^{eight} 九 ^{nine}
 文 ^{one} 文 ^{two} 文 ^{three} 文 ^{four} 文 ^{five} 文 ^{six} 文 ^{seven} 文 ^{eight} 文 ^{nine}
 錢 ^{one} 錢 ^{two} 錢 ^{three} 錢 ^{four} 錢 ^{five} 錢 ^{six} 錢 ^{seven} 錢 ^{eight} 錢 ^{nine}

Chorda

一¹ 二² 三³ 四⁴ 五⁵ 六⁶ 七⁷ 八⁸ 九⁹ 十¹⁰


素¹ 素² 素³ 素⁴ 素⁵ 素⁶ 素⁷ 素⁸ 素⁹ 素¹⁰

子¹ 子² 子³ 子⁴ 子⁵ 子⁶ 子⁷ 子⁸ 子⁹ 子¹⁰

or sic
dov'è op.
prende
dal 10mo







H. n. Ic

XXIII

C

36



